



\* 31. K. 30.

MENTEM ALIT ET EXCOLIT



K. K. HOFBIBLIOTHEK  
ÖSTERR. NATIONALBIBLIOTHEK

\* 31. K. 30













# ACTA ERUDITORUM

ANNO M DC LXXXXI

publicata,

ac

POTENTISSIMO SERENISSIMO-  
QUE PRINCIPI AC DOMINO

DN. JOHANNI  
GEORGIO IV

S. R. IMPERII ARCHIMARE-  
SCALLO & ELECTORI  
&c. &c. &c.

DICATA.

*Cum S. Cæsareæ Majestatis & Potentissimi Ele-  
ctoris Saxonie Privilegiis.*

---

LIPSIÆ.

Prostant apud J. GROSSII HÆREDES & J. F. GLEDITSCHUM.

Excusa typis CHRISTOPHORI GUNTHERI.

Anno M DC XCI.

ATLAS

DES  
KÖNIGREICHES  
BOHEMEN

CHARTRE

DE



DE

DE

DE

*POTENTISSIMO AC SERENIS-  
SIMO PRINCIPI AC DOMINO*

# DN. JOHANNI GEORGIO IV

Duci Saxoniae, Juliae, Cliviae &  
Montium, ut & Angriae ac Westfaliae,  
S. R. Imperii Archimareschallo & Ele-  
ctori, Landgravio Thuringiae, Marchi-  
oni Misniae, Superioris item ac Inferio-  
ris Lusatiae, Burggravio Magdeburgi-  
co, Comiti Principali Hennebergico,  
Comiti Marcae, Ravensbergi &  
Barbiae, Dynastæ in Raven-  
stein &c.

DOMINO NOSTRO CLEMENTISSIMO.



Ubditorum Tuorum, qui hoc tempore simul & luctum suum ob Divum PARENTEM orbi ereptum, & gaudia ex Te Successore concepta, in sinum veluti Tuum effundunt, POTENTISSIME ELECTOR, ultimi fortasse nos sumus, ast utriusque affectus sinceritate & magnitudine nemini omnium secundi. Amisimus in JOHANNE GEORGIO III Romani Imperii prae grande columnen: & eo amisimus tempore, cum post tot insignia ab Ipso edita imperterriti animi prudentiaeque bellicae adversus Turcarum pariter atque Gallorum furorem documenta, spes & vota publica in Eo vel maxime recumberent: Amisimus Patrem patriae indulgentissimum, sub cujus non diuturno quidem, at faustissimo regimine, per Aeterni Numinis gratiam, intemerata apud nos floruit orthodoxa Religio, & regionibus his nostris pax ac tranquillitas publica stetit inconcussa. Sed istam quidem legendi causam cum Germania unversa: hanc cum omnibus ditiorum harum incolis habemus communem. Peculiaris & propria quasi nos tangit, quod Principem amisimus, qui tametsi gerendis armis factus natusque unice videretur, ingenuis tamen mitibusque litterarum studiis addictos gratia sua & clementia nunquam non complexus est, & nostrum etiam institutum, quo Orbi Erudito suimet ipsius Historiam utcunque condere al- laboramus, per annos non paucos munificentia tanto Principe digna promovit. Verum enim vero, ut do-

lori



lori nostro seu publico, seu privato modum ponamus, &  
 squalore luctuque procul habito, non fucatis nunc in-  
 dulgeamus gaudiis, Tu efficis, **POTENTISSIME**  
**ELECTOR**, quò exoptatior Beatissimo Parenti Suc-  
 cessor ab exorato communibus omnium precibus Nu-  
 mine dari nemo potuisset. Nactum enim est Roma-  
 num Imperium in Te Heroem fortissimo Parenti pror-  
 sus parem, qui tyrociniis militia sub tanto Imperatore  
 præclarissime dudum positus, atate & corporis animi-  
 que vigore florens, sustinebit Germania decus, & vi-  
 ctorias a Divo Genitore cœptas impigre profecuturus,  
 de profligatis proculcatisque hostibus gloriosissime tri-  
 umphabit. In Te porro, **PRINCEPS SERENISSI-**  
**ME**, recepere ditiones Tuae Dominum, pietate in Deum  
 a teneris imbutum; a qua vere principe virtute cum  
 velut ex propria perennique scaturigine reliquæ, quæ  
 bonum Principem constituunt, deriventur omnes, Te  
 optimum non voto, non spe futurum contendimus, sed  
 oppido tenemus, inastumabilique hoc Divini Numinis  
 beneficio perfruimur. Prudentiam porro regnandi  
 qua polles, quotusquisque nobiscum non admiretur, qui  
 quam provide sapienterq; sub ipsis imperii auspiciis ma-  
 xima ejus momenta disposueris, secum expendat, illumq;  
 Aule tue decorum splendorem, & quandam sine exemplo  
 sanctitatem atq; innocentiam intueatur? Sed erunt alii,  
 qui has ceterasque laudes Tuas, nostro praconio utique  
 majores, & loco alio atque tempore persequentur ube-  
 rius. Nos vero, uti virtutes Tuas omnes atque dotes

*Divinitus concessas profunde veneramur : ita in-  
usitatam præcipue eruditionem, quam cum in omni li-  
terarum cultiorum genere, tum in arduo cumprimis  
Matheseos studio, & cujus peritiam Summi Orbis Ter-  
rarum Magnates laudi gloriaque sibi nunquam non  
daxere, utraque Architectonice dudum ostendisti, ex-  
osculamur impensissime, novique adeo Solis, benignis-  
simos undiquaq; radios sparsuri, jubar Parnasso nostro  
merito gratulamur. Ea certe fiducia Opus hoc nostrum,  
cujus decimum nunc volumen SERENITATI TUÆ  
humillime consecratum volumus, quodque finire cum  
hoc anno tantum non decretum nobis erat, sub Tuis, Li-  
teratissimi Principis, auspiciis porro sumus prosecutu-  
ri, & studio quidem atque industria tanto majore, quan-  
to persuasum firmitus habemus, nolle Te abrumpi a  
nobis laborem, quem Reipublicæ Litterariæ hætenus non  
sine omni doctorum virorum applausu impendimus.  
Quod superest, Deum Optimum Maximum devotis ve-  
neramur precibus, ut millies millena vota, quæ hoc in-  
primis tempore, quo recipiendis in clientelam Tuam &  
sacramento devinciendis provinciis occuparis, pro sa-  
lute Tuâ & felici regimine, inter faustas acclamationes  
funduntur, rata esse cœlitus clementissime jubeat.*

*Dabamus Lipsiæ exeunte A. 1691.*

*Potentissimæ Serenitati Tuæ*

*devotissimi*

*ACTORUM COLLECTORES.*

## L. B. S.

**S**istimus Tibi, LECTOR BENEVOLE, decimum Actorum Eruditorum volumen, sicque absoluta per Dei gratiam Decennali Rei Litterariæ Historia, datam fidem maxima parte liberavimus. Neque enim superest aliud, quam ut Supplementorum quoque tomum, cujus hætenus nonnisi Sectiones novem prodierunt, adjectis tribus reliquis compleamus, eoque facto universalem rerum undecim illis voluminibus contentarum Indicem, qui duodecimum velut tomum constituat, publicæ luci exponamus. Atque ita defuncti nobis hoc labore videri poteramus, eoque deinceps superfedere nos honeste posse arbitrabamur, quod nec ad perpetuandum eum unquam nos obstrinxissemus, & persuasum haberemus, defuturos quocunque loco alio non esse, qui partes nostras strenue integrisque viribus occuparent. Ast dissimulare tamen non possumus, proposito illi nostro, quod in præmissis Actis anni superioris ad Lectorem Benevolum alloquio non obscure innueramus, intercessisse non paucos eosque præstantissimos viros, & quod citra jactantiam dictum sit, non in Germania tantum, sed exteris etiam regionibus, qui ne a studio Rei publicæ Litterariæ tot annis non infelicitè impenso defisteremus, graviter nos & serio sunt hortati; seu quod ex quodam in nos singulari affectu operam illam nostram pluris quam merebatur, facerent; seu quod putarent, minori cum molestia & sumptu continuari a nobis opus hoc posse, quam ab aliis inchoari, commerciorum imprimis cum exteris commoditate, qua in celeberrimo hoc emporio nos gaudeamus, destitutis. Nec  
defue-

defuere qui adjunētis minis, defidiā nobis exprobra-  
tum iri publice, plusque nos ab Orbe Erudito contem-  
ptus & odii per intermissum opus reportaturos, quam  
laudis ob non impigre hucusque gestum videri possi-  
mus promeruisse, contenderent. Admirati sumus opti-  
morum virorum honestissima de nobis judicia, qui nun-  
quam ipsi de his Actis magnifice senseramus, nec ad-  
hucdum sentimus, probe gnari, quantum in iis desi-  
derari jure meritoque valeat: ast cum comperum hac  
ratione habeamus, operam hanc nostram aliquo in pre-  
tio a doctis etiam viris haberi; facile excitari nos passi  
sumus, ut mutata sententia accingeremur iterum labo-  
ri pristino, proseguendo deinceps quoque strenue, nec  
temere abrumpendo, nisi ubi insuperabilis nos adege-  
rit necessitas. Insistemus etiam rationi hucusque serva-  
tæ, nec Orbi Literato, quod sciamus, improbatæ: nisi  
quod singulis in posterum Actorum annis, cum id vide-  
atur ex usu plurimum futurum, peculiarem justumque  
rerum & Auctorum indicem sumus subjecturi. Tu  
modo, Lector Benevole, porro huic instituto nostro fa-  
veto, & quod jam ante annum Te enixe rogavi-  
mus, & denuo obtestamur, si quid in recensendis libris  
vel obscurius a nobis dictum, aut erratum etiam ani-  
madverteris, de eo per literas candide nos ac liberrime  
admoneto. Cum enim non gloriæ privatæ, sed unice  
boni publici studio ducamur, nunquam vel pigebit nos,  
vel pudebit, *παρορμητὰ* quæcunque nostra publice agno-  
scere ac emendare. Ita vale!



N I.  
ACTA  
ERUDITORUM

*publicata Lipsiæ*

*Januarii Calendis Anno M DC XCI.*

---

CAROLI CÆSARIS MALVASIÆ MAR-  
MORA FELSINEA.

Bononiæ, typis Pisarianis 1690. in 4. chartæ augustæ ; plag. 85.

**I**lluſtris Comes, *Carolus Cæſar Malvaſia* Bononiienſis, utriuſque Juris & Sac. Pag. Doct̃or Collegiatus, in patrio Archi-Gymnaſio horis vespertinis legum interpres primarius ac emeritus, nec non cathodralis eccleſiæ Bononiienſis Canonicus, plus ſimplici vice famam ſibi in orbe literario perennem publicis ingenti monumentis parare feliciter ſtudit. Pridem enim edidit *Felſinam Pictricem*, quod eſt, vitas pictorum Bononiienſium. Ante ſeptennium *Æliam Laliam Criſpidem* expoſuit, prout prolixè memoravimus anno 1684. p. 263. Plura etiam, tum vorſa, tum prorſa, ſcripiſſe, Illuſtriſſimus Comes *Franciſcus Mediobarbus Biragus*, in indice poſteriori operis laudatiſſimi de *Imperatorum Romanorum numiſmatibus* docuit. Hæc nunc excipiunt *Marmora Felſinea*, h. e. *Bononiienſia*. Bononiam enim *Felſinam vocitam*, cum princeps *Hetruriæ eſſet*, auctoritate *Plinii* l. III. H. N. c. XV. firmatur. Monumenta iſthæc *decem claſſibus* abſolvuntur. Harum prima complectitur inſcriptiones templis appoſitas, Deaſtrorumque honori ſacras. Altera indicat collegia Sacerdotum. Tertia aquæ ductus & thermas. Quarta inſcriptiones ſiſtit Conſulibus, Imperatoribus, itemque *Seviris* & Magiſtratibus municipalibus aliis, ac poſtremo Longobardorum Regibus dicatas. Quinta illas, quibus virorum eruditione, artibus aut virtute bellica præſtantium memoria ad poſteros transmittitur. Sexta eſt privatorum, qui ſibi metiſpis viventibus de ſepulcro proſpexerunt. Septima & octava privatorum, qui mortuis ſuis monumenta ſtatuèrunt, ſocietate olim aut paterna, aut conjugali, aut herili

A

herili sibi junctis. Nonnulla obscura continet marmora, de quibus nec a quo, nec quibus posita fuerint, constat. Ultima ænigmatibus, supposititiis & aliunde Bononiam tralatis operi, cui a tot figuris ligno aut æri incisus magna gratia accedit, colophonem imponit. Dum vero doctissimus Actor his antiquitatum patriarum ruderibus claram lucem sceneratur, plerumque quidem proprio Marte id facit; alicubi tamen, non sine grati animi & encomii præfatione, utitur meditationibus ingeniosis *Reinsii, Liceti, Cottunii, Legati, Caponii, Kircheri, Montalbani*, itemque, (quorum opuscula integra primus edidit ac syntagmati suo inferuit Nofter,) *Alexandri de Nigris, Petri Menguli, Antonii Felicis Marsilii, Josephi Mariæ Bellini ac Valerii Comitæ de Zanis*. Quemadmodum autem antiquiores solum inscriptiones *Felsina* extantes illustrandas in se suscepit *Malvasia*; ita de inferioris & recentioris ævi lapidibus Bononiensibus peculiari libro agere constituit Franciscus *Maria Bordocchius* Jctus ac Antecessor in eadem Academia meritisissimus.

*THE JESUIT'S MEMORIAL FOR THE INTENDED Reformation of England, &c.*

id est:

Jesuitæ libellus memorialis de Reformatione Angliæ, quamprimum Pontificium Principem nacta fuisset, instituenda. Editus ad exemplar nupero Regi Jacobo II. oblatum, cum Introductione & animadversionibus

*Eduardi Gee.*

Londini, apud Richardum Chisvel. 1690. in 8. plagul. 22.

UT fraudum politicarum, hypocrisicos atque πολυπραγμοσύνης Jesuitarum Societatem convinceret, hunc *Roberti Personii* libellum memorialem e tenebris in lucem publicam protrusit *Eduardus Gee*, Rector ecclesiæ, quæ in *S. Benedicti Pauls-Wharf* colligitur, ut & utrique Regiæ Majestati Britannicæ a sacris ordinariis. Præmisit autem ipsimet operi *Introductionem* de vita *Personii*. Natus is esse dicitur, non, ut ipse ferebat, in *Stockersey*, sed in *Nether-Stowey*, obscuro Comitatus Somersetenensis loco. Liberaliter tamen educatus, *Socius* ac tutor studiosæ juventutis in collegio Balliolensi, quod Oxoniæ est, evasit.

evafit. Verum die 13. Febr. anno 1573. ei. valedicere juffus eft ob crimen peculatus, & quæ tunc demum innotuerat, illegitimorum natalium maculam. Ut igitur ignominiofæ hujus expulfionis memoria eo facilius oblitteraretur, Oxonio Londinum abiit, moxque Italiam, & in hac Bononiam petiit, ftudio Juris civilis fefe addiçturus. Mutato tamen confilio *Anglicanam religionem* ejuravit, & menfe Julio 1575. in Collegium *Jefuitarum* Romanum receptus eft. Anno 1580. 14. Apr. cum *Edmundo Campiano* in Britanniam miffus fuit, ut Anglis Romano-Catholicis in Elizabetham infurgendi autor, fax & tuba efferet. Sed cum Campianus, antequam annus in orbem rediiffet, machinationes fuas capite luffet, Perfonius fugam arripuit, in patriam nunquam reverfurus, variosque libellos contra Elizabetham Reginam ejusque religionem, procul a fulmine in Gallia, Hifpania, Italiave conftitutus, exaravit, quorum aliqui fictitium *Andrea Philopatoris*, *Hovvuleti*, *Dolemanni*, aliqui verum fed commodatum Cardinalis *Alani*, aliqui proprium *Perfonii* nomen præ fe ferre dicuntur. Varios hominis conatus, quibus modo Mariæ Stuartæ, modo Ifabellæ Hifpaniarum Infanti, modo Arabellæ Stuartæ caufam juvare, utut fruftra, anniffus fuit, *Eduardus Gee* prolixius enarrat, teftimonijs potiffimum hanc in rem petitis ex epiftolis Cardinalis *Offati*, & fcriptis facerdotum fecularium *Romanenfium* in Anglia, Perfonium odio habentium, quod turbulentis & vehementibus confilijs fuis pacem & tranquillitatem, qua hætenus gaviffi erant, everfum iret, adeo ut sæpe in animum induxerint, eum, cum adhuc in Anglia fub militis, nobilis, aut apparitoris vefte ageret, Reginæ prodere. Sane fi hos audias, longe aliam de Jefuita fententiam feres, quam qualem vir ejusdem focietatis, Henricus *Morus*, Effeixienfis Anglus, in *Historia Miffionis & Provincia Anglicane Societatis Jefu ab anno 1580 ufque ad 1635.* de eo ferri cupivit. Deceffit tandem *Perfonius* 20. Apr. 1610. ætatis 64. focietatis 36. Nunc ad foetum illius pofthumum accedendum, cui, raro exemplo, *adverfarius* obftetrices manus adhibuit, eumque *Wilbelmo Lloyd* Epifcopo Afaphopolitano & Eleemofynario regio, non majori politices Jefuiticæ fautori dedicavit. Is hoc titulo infignitur: *Libellus memorialis, de Reformatione Angliæ, continens notas quasdam ac monita, quæ proponi poffe videntur in proximo Parlamento & Concilio nationali patriæ noftre, quamprimum Deus ex mifericordia fua Catholica fidei eam reftituerit, ad meliorem reftaurationem*

*sionem & conservationem modo dictæ fidei. Congestus ac conscriptus a R. P. 1596.*

Absolvitur tribus omnino partibus, quarum prior universum Angliæ regnum, altera clerum, tertia laicos spectat. Interpolatur quandoque animadversionibus editoris, qui modo Jesuitæ asserta refellit, modo ejus consilia cum nuperis Jacobi II Regis Britanniae gestis confert, modo denique colligit ex iis, quæ jam passa est Anglia, quid juxta seriem monitorum Personianorum expectare aut metuere debuisset, circa restitutionem bonorum ecclesiasticorum, juramentum religionis Romanæ a membris Parlamenti præstandum, tribunal inquisitionis post hæreticos per annos sex circiter toleratos erigendum, confirmationem omnium legum de hæreticis olim latarum ac dehinc abrogatarum, & id genus alia, nisi *Wilhelmus III* divino beneficio in *Jacobi II* locum successisset. Sed his immorari nolumus, satis esse rati, ea vel duobus quasi verbis indicasse. Hoc unicum tamen notatu dignum videtur, *Eduardum Gee* in potestate sua habere Historiam Regni Jacobi II, ab ejus Confessario, Patre *Warnero* Jesuita manu propria conscriptam. Hinc ridet ille simplicitatem Presbyterianorum, Tremulorum aliorumque Non-conformistarum, qui cum Patribus *Petro & Warnero* arctiorem amicitiam coluerint, & insignibus de libertate religionis promissis ludibrio sese haberi passi sint, cum tamen, quid *Warnerus* privatim senserit, in *Apparatu* ad historiam suam, hunc in modum de Presbyterianis loquendo, prodiderit: *Pervicacissima ista factio, omni imperio adversa, populorum exitio nata, & Roma & patria communis Erynnis.* Ex ejusdem *MSCti* libro VIII. verba excerpfit, quibus refertur, *Comitem de Castlemaine Romam destinatum anno 1686, obedientiam canonicam, Jacobi & Catholicorum regni nomine, testaturum.* His non sine lepido sale refutare studet modo dictum Comitem, Jacobi II ad Romanum Pontificem Oratorem Extraordinarium, utpote qui coram Parlamenti Londinensis inferiori Domo gloriatus fuerat, se cum Papa non aliter submissiusve collocutum, ac Principem cum Principe colloqui deceat, hocque patere potuisse e schedis suis, nisi eas antea combussisset. Optandum foret, ut *Warnerum* eodem studio, quo Personium, in publicam eruditi orbis scenam protraheret Noster. Tanto enim gravior futurus esset, quanto plures dantur, qui Latinam, quam qui Anglicam callent linguam.

BISHOP



MENSIS JANUARIi A. M. DC. XCI.  
**BISHOP OVERALL'S CONVOCATION**  
*book MDC VI.*

id est:

Johannis Overalli Liber Convocationis anni 1606;  
agens de gubernatione catholica DEI ecclesie ac regno-  
rum totius mundi.


Londini, impensis Gualteri Kettelby 1690. in 4.

Constat plagulis 45, & effigiebus *Gulielmi Sancroft*, moderni Archiepiscopi  
Cantuariensis, ac *Joannis Overalli*, auctoris.

**S**I *Eduardus Gee* recte fecisse putandus est, quod adversarium disci-  
plinæ ecclesiasticæ Anglicanæ *Personium* publica luce frui voluit;  
idem non minus dicendum fuerit de anonymo editore *Joh. Overalli*,  
strenui & monarchie & hierarchie Britannicæ promachi. Fuit is pri-  
mum Decanus ad D. Pauli Londinensis, deinde Episcopus Coventrien-  
sis, postremo Norvicensis. *Prolocutoris* officio functus est in *Convoca-  
tione Eboracensi*, auspiciis *Jacobi I.* Magnæ Britannicæ Regis, ab anno  
seculi hujus tertio ad decimum usque agitata. Is igitur a. 1606. Regi  
Ordinibusque regni exhibuit libros hosce tres, nuper demum typorum  
ope publici juris factos. In illis cum primis refelluntur partim *Pon-  
tificii*, Papæ suo universalem monarchiam in ecclesiam catholicam vin-  
dicantes, partim *Non-Conformista*, divinam originem ac hinc penden-  
tem auctoritatem tum *Regum* in civilibus, tum *Episcoporum* in spiri-  
tualibus agnoscere renuentes. De hoc duplici argumento libro I. ex  
V. T., libro II. ex Novo, libro III. ex historia Ecclesiastica, ἀνασκευ-  
ατικῶς æque ac κατασκευατικῶς agitur, idque diversis capitibus, quo-  
rum singulis in prioribus duobus libris canon inde fluens subternitur,  
una cum hac approbationis nota, sub tertii quoque libri capitibus re-  
periunda: *Placet eis*; membris puta Convocationis. Non autem est,  
quod contenta sigillatim enarremus, cum nihil novi contineant, & tan-  
tum eo nomine doctis Viris grata esse debeant, quod non solum per-  
spicue ac methodice exarata sint, sed & ob suffragia totius *Convocatio-  
nis* auctoritatem *Concilii* alicujus *nationalis Anglicani* obtinuisse vide-  
ri queant.

6. ACTA ERUDITORUM  
 MECHANICORUM DE VIRIBUS MOTRICIBUS sententia, asserta a D. Papino adversus  
 Cl. G. G. L. objectiones.

VIdi nuper in *Act. Erud. A. 1690. pag. 228*, clarissimi Viri G. G. L. me-  
 letemata de causa gravitatis &c. ipsique gratias habeo maximas,  
 quod dubiis meis, circa rationem æstimandi vires motrices respondere  
 voluerit: quodque præterea novas, aduersus meam dissertatiunculam  
 dignatus sit movere controversias: quibus ego varia habeo reponen-  
 da, & reponere peroptarem: mihi enim honorificum duco cum tam  
 celebri Antagonista contendere: at mihi cavendum est, ne Lectorum  
 patientia abutar: quapropter circa novas illas quæstiones contro-  
 versæ nostræ minus essentielles, id unum Lectores monuisse mihi suffi-  
 ciat, quod in acutissimo Ill. Hugenii tractatu *de causa gravitatis* (qui  
 nuper apud Petrum Vander Aa Lugduni Batavorum prodit) pluri-  
 ma lectu dignissima ad hanc materiam spectantia reperiantur. Ibi r.  
 observare poterunt, velocitatem materiæ gravitatem efficientis esse  
 multo minorem quam ego in *Act. Erud.* retuleram: quum enim ex-  
 perimentis ad ipsam indagandam institutis non interfuissem, facile fa-  
 ctum est, ut tractu temporis memoria me fefellerit: hunc autem la-  
 psus eo facilius excusatum iri spero, quod etiam si dicta velocitas  
 multo minor sit quam credideram; illa tamen tanta est, ut consequen-  
 tiæ, quas inde deduxi, a vero perparum aberrant. Per dictæ materiæ  
 velocitatem explicat celeberrimus Autor gravium in descensu accele-  
 rationem: moxque (pag. 148.) ostendit, a mediocri velocitate eundem  
 effectum non posse expectari, sicque manifestissime refellit Cl. L. ar-  
 gumentum (in *Act. Erud. A. 1690. p. 231.*) ex tubo fig. 3. desumptum.  
 Deinde, per idem principium, gravi descendenti æqualibus temporibus  
 æquales velocitatis gradus accrescere demonstrat: vel, si mavis,  
 ostendit quod ille effectus necessario sequi debeat ex causa quæ existit. In  
 eodem libro inveniuntur solutiones difficultatum tum ipsius clar. Leib.  
 tum celeberrimi Bernoulli contra explicationem causæ gravitatis per  
 vim centrifugam materiæ circulantis: atque ita Lectoribus qui librum  
 Hugenianum nondum pervolverint, ego facili negotio indicavi, quo-  
 modo circa prædictas omnes quæstiones sibi satisfacere queant. Re-  
 stat, ut ad controversiam nostram veniamus: utrum scilicet quantitas  
 virium motricium quantitate motus recte æstimetur: atq; hic eidem me-  
 thodo



TAB. I.  
Fig. 1.

hori-



thodo in hærebo, quam ipse cl. Leibnitzius sequutus est: i. nimirum definitionem dabo: deinde ex definitione quam defendo sententiam demonstrabo: ac postremo erroris fontem detegam.

Hic i. observabo: secundum communem omnium notionem, quantitatem virium quantitate effectus æstimari: petere enim, quantum aliquis possit efficere? aut quanta sit ipsius potentia? prorsus idem est: potentiaque quantitatem sic esse æstimandam ipse Cl. Leib. summo pere urget. Ut igitur habeatur definitio brevis, clara, atque a nemine respuenda, debet esse in hunc sensum: *Duorum corporum in motu illud habet plus potentia, quod potest plus effectus producere: si vero neutrum sit ejusmodi, illa corpora habent vires æquales.* Notandum autem est, quod legitima mensura quantitatis effectus non est quantitas spatii a corpore decursi, neque quantitas temporis per quod motus continuatur: sed est resistentia quæ vincitur. Id ex eo patet, quod in Mechanica spatia quantacunque censentur horizontaliter posse percurri, & motus horizontalis per sæcula posse continuari sine potentia imminutione: quia scilicet ad motum horizontalem continuandum supponimus nihil efficiendum esse, id est, nullam resistentiam debere superari. Constat igitur, quod in definitione supra allata, in locum hujus phrasidis, *quod potest plus effectus producere*, posset tuto substitui hæc altera, *quod potest plus resistentia vincere*: effectum enim producere, & resistentiam vincere, sunt unum & idem. Reliquæ vero definitiones ab altitudine ascensus perpendicularis, vel a duratione temporis ascensus, vel ab impossibilitate motus perpetui petita, non possunt admitti, nisi prius constet, quod illæ revera idem illud significant vel inferunt quod nostra hæc definitio: quæ proinde cæteris omnibus merito anteponenda est. Hinc mihi facillimum erit demonstrare quantitatem virium quantitate motus, juxta Cartesii mentem, esse æstimandam: etiam adhibendo illud ipsum exemplum, quod affert cl. Leibn. ut contrarium probet.

Ponamus globum i A: 4 librarum (fig. 1) ex altitudine AE per TAB. I.  
lineam inclinatam i A z A. descendere, donec in planum horizontale EF perveniat, ibique procurrat ex z A in 3 A, uno celeritatis gradu per descensum quæsito. Porro in eodem plano horizontali quiescat alius globus B unius libræ in loco i B. Ponamus jam porro, omnem potentiam globi A transferri debere in globum B, ita ut A quiescente in hori-  
Fig. 1.

horizontis loco 3 A, solus deinde moveatur globus B, quæritur quantum celeritatis accipere debeat globus B, ut tantundem virium accipiat, quantum globus A habuit. Respondeo cum Cartesianis aliisque fere omnibus Mechanicis, globum B quadruplo minorem ipso A accepturum celeritatem 4 graduum, seu quadruplo majorem celeritate ipsius A: sic enim potentia sunt utrinque æquales. Hoc sic probo: Notum est corpus B cum celeritate 4 graduum debere ascendere, quamque offendit gravitatis resistantiam vincere per 4 tempora: si corpus A cum 1 gradu celeritatis & in plano similiter inclinato potuisset ascendere per 1 tempus: certum est præterea corpus B intra 4 tempora eandem resistantiæ quantitatem offendere ac corpus A intra 1 tempus, in planis similiter inclinat: ergo cum supra dictis celeritatis gradibus neutrum horum corporum plus resistantiæ vincere poterit quam alterum, ipsorumque potentia erunt æquales, per definitionem supra positam. Si mihi negetur minor, facillime probabitur. Constat enim quantitatem resistantiæ hic non oriri ex quantitate spatii decursi, sed ex impressionibus gravitatis deorsum prementis: quum autem impressionum illarum velocitas censeatur infinita, manifeste sequitur, quod impressiones in corpus B per 4 tempora, erunt quadruplo numerosiores quam in corpus A per 1 tempus: & vicissim impressiones in corpus A 4 librarum (modo eadem sit plani inclinatio) erunt quadruplo validiores quam in corpus B 1 libræ: quum igitur illarum numerus harum validitatem præcise compenset, sequitur quod resistantia utrinque æqualis vincitur, quodque proinde potentia sunt utrinque æquales. q.e.d. Hinc facile patet, quod si (juxta cl. Leibn. definitionem) minor celeritas in corpus B translata fuisset, non tantam resistantiam potuisset vincere: ac proinde non habuisset potentiam potentia ipsius A æqualem.

Si quid in hoc discursu reprehendendum judicat cl. Leibn. rogo ut expresse ostendere dignetur, quænam mearum propositionum falsa sit, aut quænam consequentia non legitime deducta: sic enim recta, sine ambagibus, ad controversiæ finem progrediemur Lectorumque tempori parcemus. Ne autem existimet me leges aliis proponere, quibus ipse ego non obsequar: attendat, quæso, quomodo Objectioni quam in *Act. Erud. mens. Maji Anno 1686* proposuerat, ego in *mens. April. A. 1689* responderim. Ipsius obiectio nitebatur hac hypothesi, quod

quod *spatia ascendendo percurſa ſunt inter ſe ſicut vires motrices*. Ego autem propoſitionem illam expreſſe negavi, negatique rationem reddidi: videbit ergo an jure dixerit, *pag. 229, A. 1690*, me ſtatum controverſiæ non ſatis attigiffe: proſecto nihil potuerat magis ad rem reſponderi. Jam non minus ſtrictè novam ipſius ratiocinationem attingere ſatagam, erroremque in ea detegere.

Proponit Vir clar. *pag. 235, A. 1690*, illud ipſum exemplum a me ſupra allatum, annexumque Cartefianorum reſponſum abſurdum eſſe aſſerit: quia ſcilicet inde ſequeretur motus perpetuus, quem abſurdum eſſe omnes intelligentes fatentur. Quomodo autem per translationem totius potentiæ corporis A in corpus B, juxta Cartefium, obtineri poſſit motus perpetuus, evidentiffime demonſtrat: atque ita Cartefianos ad abſurdum reductos arbitratur. Ego autem & motum perpetuum abſurdum eſſe fateor, & cl. Viri demonſtrationem ex ſuppoſita translatione eſſe legitimam; ſed Hypotheſis ipſius poſſibilitatem, translationis nimirum totius potentiæ ex corpore A in corpus B, pernego: manifeſtum autem eſt, quod ſi dicta translatio in rerum natura nullibi & nulla ratione fieri poſſet, qui ab ea ſperabatur motus perpetuus remanet etiam impoſſibilis, neque Cartefiani ad illud abſurdum rediguntur.

Poſſem hic ſubſiſtere: hæcenus enim validiſſimis demonſtrationibus ſuffulta Mechanicorum ſententia ab adverſariorum telis inconcuſſa remanet: Dominoque Leibn. incumbit probandum, vel quam nego translationem in natura eſſe poſſibilem; vel ſaltem ipſius poſſibilitatem ſequi ex adverſariorum ſuorum doctrina: mihi autem ſufficeret palam hic promittere, quod ſi mihi indicet rationem aliquam qua tota vis motrix, ſine miraculo, ex corpore majori transferri queat in corpus minus & quieſcens: Ego vel motum perpetuum effectum, vel manus viſtas dabo. Verum tamen, quo me poſſit aptius & tutius impugnare, non abs re fore exiſtimo, ſi ſpecimine aliquo hic ostendam, quomodo me defendere parem.

Primo: ſi dicat, quod tota vis motrix ex corpore A 4 librarum (fig. 2.) poteſt transferri in corpus B. 1 libræ, modo adhibeatur vectis TAB. I. CB mobilis circa axem in C: ſi enim corpus A feriat punctum E, & Fig. 2. diſtantia CB ſit quadrupla diſtantiæ CE, corpus 1 libræ in B, idem præſtare debet quod corpus 4 librarum in E ſine vecte: corpus autem 4

B

libra-

librarium in E accipere posset totam vim corporis A: ergo & corpus 1 libræ in B totam eandem vim debet accipere. Respondeo negando corpus 1 libræ in B idem præstare quod corpus 4 librarum in E: dum enim corpus 1 libræ quiescit in B, & corpus A impingit in punctum E, potentia corporis A non agit in punctum B solum: sed etiam sese exerit in fulcrum C eo efficacius, quo distantia CE minor est quam distantia CB, juxta notissimam Mechanicæ regulam. Quod si quis instet, fulcrum C esse immobile, ac proinde nullum accipere motum aut potentiam a corpore A. Resp. nihil dari immobile nisi quoad sensus: Certissima enim est, contra Cartesium, Hugenii regula, quod *Corpus utut exiguum lentoque motu latum, si aliud offendit corpus quantacunque molis & quiescens, aliquem ipsi motum imprimit.* Hoc igitur artificio, totius potentia corporis A in corpus B requisita translatio nequaquam obtinebitur.

Jam si vectem alterius generis adhibeamus, efficiendo nimirum ut corpus A percutiat vectem in D ab altera parte hypomochlii, secundum directionem 2 AD. Respondeo: hic corpus B in contrariam partem pelli per reactionem hypomochlii C: quæ reactio tanto magis recipitur in corpore A, quo distantia DC minor est quam distantia BC: hoc igitur artificium nihilo felicius quam prius succedet.

Possset adhuc proponi alia ratio, qua motus perpetuus secundum Cartesianos facillime effici posse videtur, non obstante impressione illa quam hypomochlium recipit: producat enim vectis CB usque in F, adeo ut FC sit dupla longitudinis BC: tum remoto corpore B 1 libræ, ipsi substituat 1/2 libra in F: pro certo habetur, quod 1/2 libra in F tantundem præstabit ac 1 libra in B: ac proinde eadem semper fiet impressio in fulcrum C: nihil igitur impedit, quominus reliqua potentia quæ transitura erat in corpus B, transeat jam in corpus F: sicque ulterius producendo vectem, & minuendo in eadem ratione corpus movendum, habebimus eandem potentiam translatam in corpora minora, & pro lubitu semper minora: si igitur potentia & motus essent unum & idem, in corporibus minoribus deberet accrescere velocitas in eadem ratione, qua moles decreveret: altitudo vero ascensus in ratione duplicata celeritatis augeretur: atque ita dicta corpora facillime perducere possent ad tantam altitudinem, ut, non obstante molis decremento, motus perpetui possibilitas sequutura esset, juxta de mona



demonstrationem a cl. Leibn. traditam p. 235. Ad id respondeo negari non posse validitatem hujus argumenti, si supponamus vestem perfecte durum & rigidum, adeo ut potentia motrix eadem facilitate transferatur ad partes remotas ac ad partes vicinas: verum non datur in rerum natura ejusmodi perfecta durities: & vestes ex quacunque materia, sive sustinendo pondus appensum (prout Dominus Mariottus explicuit in suo tractatu *du mouvement des eaux* pag. 373.) sive vincendo quamcunque aliam resistantiam, necessario patiuntur gradum aliquem tensionis proportionatum resistantiæ vincendæ. Jam quo vestis longior est, eo plures partes ad tensionem illam reducendæ sunt & in ea conservandæ, quamdiu actio durat: ex. gr. si resistantia sit in B, sola longitudo CB tendenda erit: si vero resistantia sit in F, vis infumenda erit non solum ad partem CB, sed etiam ad partem BF tendendam: & quo diutius durabit actio, eo plus potentiæ requiretur ad vincendos nîsus continuos partium illarum tensorum quæ elasticitate sua se restituere conantur: manifestum est igitur, quod si pro corpore majori B, aliquod aliud minus, ut F, substituitur magis distans a centro C; corpus illud necessario accipiet partem potentiæ corporis A eo minorem quo major erit distantia: reliquum enim potentiæ infumetur ad supra dictam tensionem efficiendam & conservandam; falsum est igitur eandem quantitatem potentiæ in corpora minora & semper minora posse transferri. Res posset ulterius dilucidari afferendo Hypothesin aliquam, qua & tensio & elasticitas clare & mechanice explicarentur: verum talia suscipere non est hujus loci: tum brevitatîs causa; tum quod mihi satis sit aliquid in cl. Leibn. argumento dubium ostendere: quum enim supra allata demonstratio, qua Cartesianorum sententia probatur, sit evidentissima: modo adversariorum opinio eadem certitudine non gaudeat, satis liquet priorem esse præferendam.

Quoniam multis mirum forsân videbitur, quod postrema hæc resistantia ex tensione vestis petita a nemine, quod sciam, hætenus observata fuerit, rationem hic breviter subjungam. In statæra scilicet fig. 1, si appendamus, ex. gr. pondus A 4 librarum ad distantiam 1 digiti a centro C: atque ab altera parte annectamus B 1 libræ ad distantiam 4. digit. habebimus æquilibrium, & statim duo brachia reducentur ad tensionem requisitam, ut duo pondera sustineant, & sic

tenſa manebunt, quia impreſſiones gravitatis in pondera annexa ſemper continuantur: jam ſi unam unciam ponderi 4 librarum addamus, illud ſtatim deprimitur: quanquam enim augenda ſit tenſio vectis ad motum ponderi oppoſito imprimendum, quia tamen lentus eſt ille motus, tam exiguum requiritur tenſionis incrementum, ut 1 uncia pondus ad id efficiendum ſufficiat. Si vero pro una libra ad diſtantiā 4 digit. annexa, ſemilibram ad diſtantiā 8 digit. in G annexeremus, faceret quoque æquilibrium cum 4 libris ad diſtantiā 1 digiti: & una uncia iisdem 4 libris addita ad ipſas deprimendas itidem ſufficeret, ſed motu paulo lentiori quam quum 1 libra ad diſtantiā 4 digitorum hærebat: quoniam enim appoſito minori pondere longior pars vectis tendenda eſt, potentia motrix nimium offenderet reſiſtentiam, niſi motus tardior reſiſtentiam viciffim minueret. Datur ergo revera differentia aliqua celeritatis in duobus hiſce caſibus: quia tamen differentia illa eſt admodum exigua, vix unquam obſervata fuit: & vulgo pro certo habetur quod, ſive appendamus 1 libram ad diſtantiā 4 digit. a centro ſtateræ; vel  $\frac{1}{2}$  libram ad diſtantiā 8 digit. idem prorſus effectus ſequetur. Fit revera, ut dum vectis tenſus longior eſt, proindeque magis reſiſtit, magis itidem retardetur pondus deſcendens, & tanto plures a gravitate impreſſiones accipiat, quæ vincendo reſiſtentix incremento ſufficiunt: adeo ut pondus aſcendens longiori brachio annexum ſub finem aſcenſus ad eandem pertingat altitudinem, ac ſi nulla ex tenſione vectis procederet reſiſtentia, quæ proinde in Machinis illis nullius eſt momenti: illarum autem machinarum effectus facillime ſub exactam menſuram cadunt, unde error invaluit. Attamen in machinis quæ velocitatem præſertim requirunt, dicta reſiſtentia maxime ſpectanda eſt: prout videre licet in examine ejaculatoriæ Machinæ Domini Perrault (menſ. Apr. A. 1689.) ibi enim vectem conſideravi tanquam perfecte durum, nulla attentione facta ad tenſionem de qua hic agitur, atque ita effectum dictæ machinæ aſcripſi multo majorem quam in praxi reperiretur:

- TAB. 1. quia ſcilicet tenſio illa per totam longitudinem vectis CD (fig. 3) conſervanda deſcenſum ponderis A plurimum retardaret, unde & velocitas globi D, & multo magis ipſius aſcenſus altitudo imminueretur. In eodem examine poteſt etiam reprehendi, quod non attenderim ad gravitatem qua globus D nititur deorſum, & detrahatur de efficacia ponderis

deris A, adeo ut si ad 200 libras augetur globus, pondus A prorsus in æquilibrium sisteretur. Verum existimavi, posse hoc loco vestem considerari quasi moveretur horizontaliter: posset enim machina facili negotio ita disponi, ut vestis motu horizontali celeritatem globi imprimeret, qui deinde occursum plani alicujus inclinati ad destinatum scopum dirigeretur: patet autem quod in tali dispositione globus nulla gravitate ponderi A resisteret, nec unquam faceret æquilibrium, sed solum mole sua procul a centro posita auget molem movendam a momento gravitatis, quo pondus A deprimitur. Brevitatis autem & facilitatis causa horum mentionem ibi facere neglexi, quia intentum tamen meum satis obtinebam: animus enim erat comparare inter se effectus quos machina illa producere posset, si a tubis evacuatis, aut si a ponderibus vulgaribus in motum ageretur, ut inde tuborum evacuationum præstantia elucesceret: illa autem præstantia perinde apparebat, ac si nihil esset omissum: quia scilicet in utraque dispositione eadem omisio facta est, sicque eadem semper effectuum inter se ratio resultabat. Nihilominus tamen, hac occasione data, hæc breviter monere non inconsultum duxi: quum præsertim omissiones istas Lectoribus negotium facessere posse intellexerim ex literis, quas Ill. Hugenius ad me dare nuper dignatus est.

In Novellis Reip. Literariæ A. 1687, pag. 141 & seqq. extant difficultates nonnullæ quas movet ipse cl. Leibn. quasque ex sua doctrina necessario sequi fatetur: an autem quæ ibi profert æque sint clara & intelligibilia, ac illa quæ hic ego propono, Lectores judicent.

**SPECIMEN CALCULI DIFFERENTIALIS**  
*in dimensione Parabola helicoidis, ubi de flexuris  
 curvarum in genere, earundem evolutionibus,  
 aliisque J. B.*

Cum ex Actis nuperis conjecerim, Celeb. Dn. L. Analysin Problematis a se propositi calculo suo differentiali institutam minime displicuisse, credidi nec ægre laturum sequens illius specimen, quod in gratiam Lectorum nostrorum, quibus calculus hunc agitare volupe fuerit, in lucem emitto: ut si forte mentem Viri Acutissimi, ex iis quæ

in Actis 1684 de Invento isthoc suo edidit, ob summam brevitatem non satis assecuti sint, vel hinc ejus applicandi methodum discere possint. Quanquam, ut verum fatear, qui calculum *Barroviaum* (quem decennio ante in Lectionibus suis Geometricis adumbravit *Auctor*, cujusque specimina sunt tota illa propositionum inibi contentarum farrago) intellexerit, alterum a Dn. L. inventum ignorare vix poterit; utpote qui in priori illo fundatus est, & nisi forte in differentialium notatione, & operationis aliquo compendio ab eo non differt.

Fig. IV.

Cum axis vulgaris Parabolæ curvatur in peripheriam circuli BDM, curva BFGNA, quæ per extremitates applicatarum CF, DG, in centrum circuli A vergentium transit, dicitur nobis *Parabola helioides*, vel si mavis, *Spiralis parabolica*, cujus propositum sit investigare Tangentem LH, spatium curva comprehensum, curvæ longitudinem & flexuram &c. Esto hunc in finem AB = r, BDMB = c, Arcus BC = x, CF = y, & ducantur CL, AH, perpendiculares ipsi AC, sitque CD particula circumferentiæ infinite parva, cui sit similis & concentricus arcus GE. Natura Curvæ,  $lx = yy$ , adeoque  $ldx = 2ydy$ ;  $\frac{dy}{dx} :: l, 2y$ .

$$LTangēs: AD, AG :: DC, GE. \quad FE, EG :: FA, AH :: FC, r, r-y :: dx, rdx-ydx \quad \left| \quad \frac{dy}{dx} :: r-y, \frac{dx}{r} :: r-y :: y, \frac{r}{r-y} \right|$$

$$\begin{aligned} & \text{CL.} \\ & \frac{rydx - yydx}{r dy} \end{aligned}$$

Ut generalis expresionis fiat specialis applicatio ad Curvam propositam, ponantur loco  $dy$  &  $dx$ , ipsorum proportionalia  $l$  &  $2y$ , fietque  $AH = \frac{2y^3 - 4ryy + 2rry}{lr} = (\text{substituto } lx \text{ pro } yy) \frac{2xy}{r} + \frac{2ry}{l} - 4x$ , &  $CL = \frac{2ryy - 2y^3}{lr} = 2x - \frac{2xy}{r}$ .

Maxima AH (CL) reperitur, si ejus differentiale, puta  $\frac{6yydy}{lr} - \frac{8rydy + 2rrdy}{lr} \left( \frac{4rydy - 6yydy}{lr} \right)$  æquetur nihilo: unde habetur  $y = \frac{1}{3}r$

$(\frac{1}{3}r)$  ipsaque proin tum AH tum CL maxima =  $\frac{8rr}{27l}$ . Coroll: Si

ponatur latus rectum  $l = \frac{rr}{c}$ , scil. ut circumferentiæ integræ respondens

applicata sit ipse radius, ut in præfenti schemate, erit AH vel CL

maxima  $= \frac{1}{2} r$ .

Maximus angulus tangentis & applicata AFH seu CFL invenitur, ponendo rationem  $\frac{CL}{CF} \left( \frac{2ry - 2yy}{lr} \right) = \text{maximæ}$ , hoc est, ejus differentiale

$\frac{2r dy - 4y dy}{lr} = 0$ : unde resultat  $y = \frac{1}{2} r$ ; ac proinde  $\frac{CL}{CF} = \frac{r}{2l}$ : Speciatim

vero in hypothesi  $l = \frac{rr}{c}$ , exit  $x \left( = \frac{yy}{l} = \frac{cy}{rr} \right) = \frac{1}{4} c$ , &  $\frac{CL}{CF} = \frac{c}{2r}$ . Coroll:

si in puncto I, ubi curva radium AM interfecat, ipsam tangat recta IK, secans diametrum productam BAK in K, erit AK æqualis quartæ parti peripheriæ circuli.

2. Spatium: DC + GE in  $\frac{1}{2}$  DG = CDGE

$$\frac{2r y dx - y^2 dx}{r} \text{ in } \frac{1}{2} y = \frac{2r y dx - y^2 dx}{2r} = \left( \text{substituto } \frac{2y dy}{l} \right)$$

pro dx)  $\frac{2y dy}{l} - \frac{y^2 dy}{lr}$ , cujus igitur integrale  $\frac{2y^3}{3l} - \frac{y^4}{4lr}$  seu  $\frac{2}{3} xy - \frac{lxx}{4r}$

æquatur spatio curvilineo BFGDCB: quocirca posito  $y = r$  fiet spatium totum BANGFBCDMB  $= \frac{5r^3}{12l}$ , hoc est (in casu  $l = \frac{rr}{c}$ )  $\frac{5}{12} rc$ ;

eumque circulus integer BDMB sit  $\frac{1}{2} rc$  seu  $\frac{c}{2} rc$ ; erit dictum spatium ad circulum, ut 5 ad 6 ideoque spatium reliquum BANGBA sexta pars circuli.

3 Longitudo curvæ: FGq = FEq + EGq =  $dyq + \frac{dxq:rr - 2ry + yy}{rr}$

(substituto  $\frac{2y dy}{rr l}$  loco dx)  $\frac{rrl + 4rryy - 8ry^3 + 4y^4}{rr l} dyq$ ; hinc FG =

$dy \sqrt{\frac{rrl + 4rryy - 8ry^3 + 4y^4}{rr l}}$ , cujus quantitatis integrale si dari

posset, exhiberet longitudinem curvæ BFG; quæ tamen utcumque sic cognoscetur: Diametro AB describatur semicirculus ATXB & abscindatur

seindatur  $Aa = l$ ; hinc ductis perpendicularibus indefinitis quibuslibet  $WV, ZY$ , æquidistantibus ab  $A$  &  $B$ , & secantibus peripheriam semicirculi in  $T$  &  $\chi$ , agatur recta  $\chi TS$ , & juncta  $Sa$ , sumtaque  $AK = AS$  fiat  $KR$  parallela ipsi  $aS$ , & ducatur in centrum semicirculi recta  $RE$ , cui abscindantur æquales  $WV, ZY$ , eruntque puncta  $V, Y$ , ad curvam quandam  $\gamma VY\delta$ , quæ ejus est naturæ, ut abscissa  $BZ = DG$ , spatium  $BZY\delta B$  applicatum ad  $AE = \frac{1}{2} AB$ , exhibeat rectam curvæ  $BFG$  æqualem. *Dem*:  $AK = AS = WT = Z\chi = \sqrt{BZA} = \sqrt{y \text{ in } r - y} = \sqrt{ry - yy}$ ;

&  $Aa (l) AS (\sqrt{ry - yy}) :: AK (\sqrt{ry - yy}) AR = \frac{ry - yy}{l}$ ; quare

$$ZY (= WV = RE = \sqrt{AEq} + ARq) = \sqrt{\frac{\frac{1}{4}rr + rryy - 2ry^3 + y^4}{ll}}$$

unde portio spatii  $ZY\delta B$  latitudinis  $dy = dy, \sqrt{\frac{rrll + 4rryy - 8ry^3 + 4y^4}{rrll}}$ ,

quæ applicata ad  $AE = \frac{1}{2} r$  exhibet  $dy \sqrt{\frac{rrll + 4rryy - 8ry^3 + 4y^4}{rrll}} =$

$FG$ ; & proin componendo totum spatium  $ZY\delta B$  ad  $\frac{1}{2} r$  applicatum = portioni curvæ  $BFG$ . *Q. E. D. Coroll*: Sumtis  $BZ, AW$  æqualibus, si centro  $A$  radiis  $AZ, AE, AW$ , describantur arcus secantes curvam in  $G, I$  &  $N$  ( $NB$  media intersectio  $I$ , in casu præsentis schematis, incidit in radium  $AM$ ) portiones curvæ  $BG$  &  $AN$ ,  $GI$  &  $NI$ , nec non  $BGI$  &  $ANI$  inter se æquantur: unde patet, quod in curvis etiam illis, quæ rectificationem nondum acceperunt, nonnunquam partes æquales disimilares assignari possunt.

Id cum Fratrem monuissem, in his quoque non leviter versatum, protinus animadvertit ille, posse cuilibet fere spirali æquatione Algebraica expressæ aliam curvam geometricam æqualem assignari: Descriptis enim centro  $A$  intervallo  $AF$  &  $AG$  arcibus  $Fg, G\pi$ , si concipiatur curva  $M\psi$  talis, ut applicatarum  $ex, \pi\psi$  differentia  $v\psi$  æquetur arcui  $EG$ ; erit propter  $vx = \pi g = EF$ , &  $v\psi = EG$ , & angulos  $\psi vx, FEG$ , utrinque rectos, etiam  $\psi x = FG$ , & proinde componendo, tota portio curvæ  $M\psi$  = toti portioni spiralis  $BG$ . Ad invenientiam autem naturam curvæ  $M\psi$ , substituendus tantum in quantitate  $\frac{rdx - ydx}{r}$  (quæ semper exprimit ipsam  $EG$  vel  $v\psi$ ) valor ipsius  $dx$ , qui in

qui in nostra curva est  $\frac{zydy}{l}$ , ut habeatur  $\frac{zydy}{l} - \frac{zydy}{rl}$ ,cujus integrale

$\frac{y}{l} - \frac{y^3}{3rl}$  denotat longitudinem applicatæ  $\pi\psi$ , quæ si vocetur  $z$ , ha-

bebitur æquatio inter  $z$  &  $\frac{yy}{l} - \frac{zy^3}{3rl}$  seu  $3rlz - zy^3 - 3ryy = 0$ , quæ re-

lationem exprimit inter abscissam  $M\pi(y)$  & applicatam  $\pi\psi(z)$ . In genere vero spiralis Parabolica gradus cujusvis, hac ratione commutatur in aliam Paraboloidem geometricam uno gradu altiore. Sed & hoc observavimus, quod si curva ANIGB sit *spiralis Archimedeæ*, & describatur centro A ad axem AK communis Parabola  $A\mu$ , cujus parameter sit quarta proportionalis ad peripheriam, diametrum & radium circuli BDM, erunt, quod memoratu dignum est, & curvæ & illis comprehensa spatia æqualia: nim. sumto in recta AM quovis puncto  $\lambda$ , si ad illud applicetur recta  $\lambda\mu$ , secans parabolam in  $\mu$ , & ducatur arcus AN concentricus peripheriæ circuli BM, secans helicem in N, æquabitur perpetuo portio helicis AN portioni curvæ parabolice  $A\mu$ ; & spatium AN, recta AN & spirali comprehensum, spatio parabolico  $A\lambda\mu A$ . Quam miram Parabolæ & spiralis convenientiam postmodum apud *Wallisium* deprehendimus, qui de ejus detectione *Hobbius* & *Robervallium* inter se disceptasse refert; quasi non possint plures & tempore & loco dissidentes in idem inventum suoapte ingenio incidere.

4. *Flexura*: Quod curva in partes contrarias flecti debeat, evidens est: quia enim peripheria BC a vertice B aliquousque a linea recta sensibilibiter non differt, sequitur ex natura Parabolæ, curvam in partibus vertici proximis versus circumferentiam, in reliquis vero ob curvaturam BC versus centrum, cavam esse debere.

Si G sit punctum flexus contrarii, erit AO segmentum radii centro & tangenti interjectum Minimum (M.) Producatur GE in P, & ducatur PQ parallela ipsi EF; sitque secans arcus BD =  $f$ , & tangens =

$t$ : sic erit  $r, r-y$  (AG) ::  $t, \frac{tr-ty}{r}$  (GP) ::  $s, \frac{sr-sy}{r}$  (AP) Deinde

GE, EF :: PG, PQ. AF, PQ :: AO, PO (AO-AP)  
 $\frac{rdx-ydx}{r}, dy :: \frac{tr-ty}{r}, \frac{tdy}{dx}$  Denique  $r-y, \frac{tdy}{dx} :: M, M - \frac{sr-sy}{r}$

C

unde

Unde obtinetur  $M = \frac{rrsdx - 2rsydx + syydx}{rrdx - rydx - rtdy}$ , positoque  $\frac{ldx}{zy}$  loco  $dy$ , &

facta divisione per  $dx$ ,  $M = \frac{2rrsy - 4rsyy + 2y^3}{2rry - 2ryy - rlt}$ : hujus igitur differentiale debet esse  $= 0$ ; at fractionis differentiale tum est  $= 0$ , cum termini ejus ducti in alterna differentialia æquantur (etenim fractionis  $\frac{y}{z}$

differentiale est  $\frac{\pm zdy \mp ydz}{zz}$ , unde si sit  $= 0$ , erit &  $\pm zdy \mp ydz = 0$ ,

hoc est,  $zdy = ydz$ .) qua duce regula pervenitur ad æquationem 16 membrorum, ad quam reducendam notanda sunt sequentia: Differentiale arcus ad differentiale tangentis & secantis rationem habet cognitam, puta ad different: tang: quam quadratum radii ad quadratum

Fig. V. secantis; & ad different. Secantis, quam quadratum radii ad rectangulum sub tangente & secante. Nam in quadrante ABD,  $dx, dt :: DC, EF :: DC, GE \pm GE, EF :: AD (AB), AG \pm AB, AF :: ABq(rr), AFq(ss)$ ; quare  $dt = \frac{ssdx}{rr} =$  (in præsentē curvā)  $\frac{2ssydy}{lrr}$ . Iterum  $dx, ds :: DC,$

$GF :: DC, GE \pm GE, GF :: AD (AB), AG \pm AB, BF :: ABq(rr), AFB(ss)$ ; quare  $ds = \frac{ssdx}{rr} = \frac{2stydy}{lrr}$ : quibus valoribus pro  $ds$  &  $dt$  in æqua-

tione substitutis, ut &  $ss - rr$  loco  $tt$ , prodibit alia quæ dividi poterit per  $ssdy$ , sic ut literæ  $s, t$  &  $dy$  prius evanescant, remanente sola incognita  $y$ , fiatque æquatio talis:  $y^6 - 3ry^5 \pm 3rry^4 - r^3y^3 \pm \frac{3}{4}rrlly - r^3ly \pm \frac{1}{4}r^4l = 0$ , quæ facta ulterius divisione per  $y - r$ , reducitur ad hanc:  $y^5 - 2ry^4 \pm rry^3 \pm \frac{3}{4}rrly - \frac{1}{4}r^3l = 0$ , cujus æquationis radix punctum flexus contrarii prodit, quod quidem in casu  $l = \frac{rr}{c}$

quam proxime habetur, ducendo radium AC, sic ut applicatā CF sit  $\frac{1}{6}r$ , vel arcus BC =  $\frac{1}{36}c = 10$  gr.

Fig. VI. Hæc methodus pro curvarum flexuris inveniendis cum admodum proluxa & minus naturalis mihi videretur, ex eo quod literas superfluas & in æquatione evanescentes adhibet, ansam nobis præbuit easdem, alia breviorē & faciliore via investigandi, hoc modo: Flexum contrarium in eo curvæ loco concipio, ubi duæ particulæ contiguæ infinite



infinite parvæ in directum jacere intelliguntur, ut sunt FG, FI, reliquis ad unam partem sursum, ad alteram deorsum flexis. Sequitur hinc I, quod in curvis, quarum axis rectus est & applicatæ parallelæ, anguli acuti EGF, MFI, seu DGL, CFL inter se æquales sunt, & eorum quos applicatæ cum curva hinc inde constituunt, maximi vel minimi, prout curvæ portio, quæ ad partes horum angulorum est, in-

tra vel extra eosdem cadit; unde & ratio  $\frac{DG}{DL} (\frac{y}{r})$  minima vel maxima, adeoque per supra ostensa  $ydt = tdy$ , sed cum etiam sit ubique  $t dy = y dx$ , ut constat, erit  $dt = dx$ , differentiale scil. portionis axis inter applicatam & tangentem æquale differentiali abscissæ: quod & sic liquet: Quia GF, FI, jacent in directum, tangentes GL, FL, secabunt axem in eodem puncto L, & proinde differentiale abscissæ DC ipsarum quoque DL, CL, differentia est. Aliud Theorema in Actis dedit celeb. calculi Auctor: nempe cum Triang: EGF, MFI, ob angulos EGF, MFI, æquales sint similia, sequitur, si EF, MI, hoc est, ipsa  $dx$  sint æqualia, futura quoque æqualia EG, MF, seu  $dy$ ; adeoque  $ddy = 0$ .

2. In curvis, quarum applicatæ tendunt in commune punctum Fig. VII.

A, angulus EGF = GAF + GFA = DAC + CFL: unde cum CL sit Tangens anguli CFL ad radicem CF, & DH Tangens anguli EGF vel DGH ad radium DG, erit differentia rectorum CL, DH, æqualis differentię Tangentium duorum angulorum, qui differunt angulo DAC, & quarum una est ad radium CF, altera ad radium DG: nam quanquam differentia radiorum EG ratione totius radii vel tangentis evanescat, non tamen negligenda est, si cum ipsorum differentiis comparetur. Esto AC =  $r$ , DC =  $dx$ , CF =  $y$ , CL =  $t$ : adeoque FL =

$\sqrt{yy + tt}$ ; fiatque AC ( $r$ ), DC ( $dx$ ): CF ( $y$ ),  $\frac{ydx}{r}$  = arcui, qui est

mensura anguli DAC in radio CF: hic per § 4 ad differentiam Tangentium est in ratione duplicata radii ad secantem; quare FCq ( $yy$ ),

FLq ( $yy + tt$ ) :: Arcus inventus  $\frac{ydx}{r}$ ,  $\frac{yydx + tt dx}{r}$  = differentię duarum

tangentium, quarum utraque est ad radium CF, cui si addatur EF =  $\frac{r dx - y dx}{r}$  (utpote quæ est ad EG, sicut DH ad DG, seu CL ad CF,

tangens ad radium) erit aggregatum  $\frac{rydx + tdx}{ry}$ , seu  $dx + \frac{tdx}{ry}$  differentia duarum Tangentium, quarum altera convenit radio DG, hoc est, differentia rectarum CL, DH ( $t$ ): ac idcirco  $dt = dx + \frac{tdx}{ry}$ .

Idem clarius ostenditur, descripto super C, radio CL, arcu LK: nam ang: ACL + LCK = AMH = ADM + DAC = ACL + DAC, & propterea ang. LCK = DAC: (nota, CM hic negligi, punctaque C & M pro coincidentibus haberi: eo quod ipsa ob CM differentialibus DC, LK, EG utur infinite exiguis infinities minor existit) unde AC ( $r$ ), CD ( $dx$ ): CL ( $t$ ),  $\frac{tdx}{r} = LK$ ; iterumque GD ( $y$ ), DH ( $t$ ): LK.

$(\frac{tdx}{r}) \cdot \frac{tdx}{ry} = KH$ ; quocirca  $dt = (DH - CL = DH - CK = DC + KH =)$

$dx + \frac{tdx}{ry}$ . Cor. si sit  $r = \text{infin.}$  hoc est, CA, DA, parallelae, evanescet  $\frac{tdx}{ry}$ , eritque  $dt = dx$ , ut supra.

Frater meus loco rationis  $\frac{GD}{DH}$  vel  $\frac{GA}{AP}$  assumit  $\frac{GE}{EF}$ , vocando

AF =  $y$ , AP =  $t$ , & EF =  $dx$ , & sic invenit  $dt = \frac{dxc}{dyq}$ : quæ Theoremati ob universalitatem suam merentur observari.

Fig. IV. Applicatio specialis ad Parabolam helicoiden: Quoniam CL ( $t$ ) supra reperta fuit  $\frac{2ryy - 2y^3}{lr}$ , erit  $dt = \frac{4rydy - 6yydy}{lr}$ , cumque  $dx$  sit  $\frac{zydy}{l}$ , erit substitutis valoribus  $tt$ ,  $dt$  &  $dx$ , factaque divisione per  $dy$ , & reducta æquatione,  $y^5 - 2ry^4 + rry^3$  &c. = 0, ut prius.

5. Summum curvæ punctum supra radium BA invenitur, faciendo nuper inventam AO  $(\frac{2rryy - 4ryy + 2yy^3}{2rry - 2ryy - rlt})$  infinitam, hoc est, ponendo  $2rry - 2ryy - rlt = 0$ , seu loco  $y$  substituendo  $\sqrt{lx}$ ,  $2\sqrt{lx} - 2lx - lt = 0$

$k=0$ , aut in casu  $l=\frac{rr}{c}$ ,  $2\sqrt{cx}-2x=t$ ; quæ æquatio Geometricè

resolvi nequit, ob ignoratam rationem  $x$  ad  $t$ , arcus ad tangentem; Mechanice prope verum invenitur numerando a B versus M, 72. 12. Obiter noto, hinc etiam ostendi posse, quadraturam circuli indefinitam, & in genere rectificationem ullius curvæ Geometricæ in se redeundis impossibilem esse. Hæc enim si possibilis esset, dari posset relatio inter curvam & applicatam vel abscissam, cumque & harum relatio tum inter se, tum ad tangentem data ponatur, data quoque foret ipsius curvæ ad tangentem ratio; quare si æquatio quæ relationem hanc exprimit, cum ista  $2\sqrt{cx}-2x=t$  juxta notas Analysis leges debite conferretur ad eliminandum alterutraim indeterminatarum  $x$  vel  $t$ , prodiret alia æquatio certi & definiti gradus, cujus radices, quarum nunquam plures esse possunt, quam æquatio dimensiones habet, determinarent omnia curvæ nostræ suprema puncta, sed hoc fieri nequit, quoniam spiralis ista, si continetur, infinitis gyris circa radium AB circumvolvitur, in quibus singulis aliquod punctum supremum existit, quorumque adeo punctorum numerus infinitus est.

*De Curvarum evolutionibus:* Si DC curva sit peripheria circuli, Fig. VIII.

coibunt quæ ipsi normaliter applicantur DA, CA, KA &c: in communi puncto A, eruntque singulæ æquales eidem constanti rectæ: at si DC sit quæcunque alia curva, erunt dictæ perpendiculares indeterminatæ, & intersecabunt sese in totidem diversis punctis AVXI, quæ juncta novam curvam efficiunt, cujus natura nunc indaganda est.

Invenienda vero primo longitudo indeterminatæ CA ita: Estto curva proposita RCD, cujus axis RB, abscissæ RN, RM, applicatæ NC, MD, tangens DCT, fitque  $RN=m$ ,  $CN=p$ ,  $NT=q$ : unde porro  $TN, NC :: NC, NP = MO :: SD, SQ$

$$q, p :: p, \frac{pp}{q} :: dp, \frac{pdp}{q} \quad \left| \begin{array}{l} QS + SC = QC \\ \frac{pdp}{q} + dm = \frac{pdp + qdm}{q} \end{array} \right|$$

$$OP = MN + OM - PN = dm + \text{differentiali ipsius } \frac{pp}{q} = dm + \frac{\pm 2pqdp}{q^2}$$

$$\frac{ppdq - qqdm \pm 2pqdp \mp ppdq}{q^2} \quad \left| \begin{array}{l} QC - OP, \quad QC \\ \frac{ppdq - pqdp}{q^2}, \frac{pdp + qdm}{q} \end{array} \right| :: \frac{CA - PA}{\frac{ppqq + p^4}{q^2}} \quad (CP$$

$$(CP = \sqrt{CNq + NPq}), \quad \frac{CA.}{\frac{pdp + qdm}{pdq - qdp} \sqrt{pp + qq}}.$$

Applicatio ad Parabolam: Si RCD sit Parabola, cujus latus rectum  $l$ , adeo ut sit  $lm = pp$ , erit  $ldm = 2pdp$ , &  $dm = \frac{2pdp}{l}$ , &  $q = 2m$ : quibus

$$\text{substitutis invenitur } CA = \frac{\overline{ll + 4pp} \sqrt{\overline{ll + 4pp}}}{2ll}, \text{ hoc est, quia } PN = \frac{1}{2}l,$$

$$\& PC = \sqrt{\frac{1}{4}ll + pp}, \text{ erit } CA = \frac{PCc}{NPq}; \text{ sive quarta proportionalis ad}$$

PN & PC. Ad inveniendam naturam curvæ AVX, quam formant intersectiones perpendicularium DA, CA, ratione axis RB, abscindatur  $RH = \frac{1}{2}l = PN$ , & dicatur HB  $y$ , & BA,  $z$ ; eritque  $\frac{AB + NC}{z + p}$ ,

$$\frac{|AC|}{\overline{ll + 4pp} \sqrt{\overline{ll + 4pp}}} :: NC, \quad CP \quad \frac{UZ}{z} = 2p^3; \text{ iterum}$$

$$NC, AB :: PN, PB$$

$$p, z :: \frac{1}{2}l, \frac{lz}{2p} \text{ sed } y = HB = PB + PH = PB + NR = \frac{lz}{2p} + \frac{pp}{l}, \text{ seu}$$

$$2p^3 \left( = \frac{llz}{z} \right) = 2ply - llz, \text{ hoc est, } \frac{3lz}{4y} = p, \& 4p^3 (llz) = \frac{27l^3 z^3}{16y^3},$$

$$\text{hoc est, } 16y^3 = 27llz.$$

Præterea quia AD, AC sunt perpendiculares curvæ DC, & particula DC infinite parva, erit  $AD = AC = AV + VC$ , sed propter eandem rationem  $VC = VX + XK$ , &  $XK = XI + \&c.$  quare  $AD = AV + VX + XI$ , &  $\&c. = \text{curvæ } AIH + HR$ , cumq; curva AIH nascatur ex intersectionibus minime distantium DA, CV, KX, sequitur illam ibidem ab iis tangi, & propterea curvam RKD esse eam ipsam, quæ describitur ex evolutione ipsius HIA. Unde uno quasi oculi ictu manifesta sunt ea omnia, quæ de evolutis publicarunt *Hugenius* aliique: aditus etiam patet ad præclara *εὐρήματα* Celeb. Virorum *Tschirnhausii* & *Leib.*

*Leibnitii*, quæ circa curvas per intersectiones radiorum reflexorum formatas in *Actis* ediderunt.

**BIBLIOTHECA SLUSIANA, SIVE Librorum Catalogus quos Jo. Gualterus S.R.E. Cardinalis Slusius Leodiensis sibi Roma congefserat. Petri Aloysii Baronis Slusii Fratris jussu, studio Franc. Descine digesta.**

Romæ apud Jo. Crozier 1690, in 4. Constat 3 Alphabet.  
& 18 plag.

**Q**uantum ad comparandam librorum notitiam, quæ magnam eruditionis partem constituere multis creditur, Bibliothecarum locupletiorum Catalogi faciant, nudos licet librorum titulos exhibentes, nemo ignorat; nec quisquam diffitebitur, viros doctrinæ adminiculo ad opes paulo lautiores, ac ad dignitatis aliquod fastigium eVectos, memoriam suæ multo relinquere celebratiorem, ubi Bibliothecam copiosam ac selectam, publico inprimis usui comparaverint. Ut trumq; stimulos addidisse videri potest Perillustri Baroni *Slusio*, ut præsentem fraternæ Bibliothecæ Catalogum doctissimi viri *Francisci Descine* studio confici typisque exscribi curaret. Ita enim eadem opera & Fratri Cardinali, dum viveret, eminentissimo monumentum erexit marmore perennius, & consultum iis ivit, qui τῆς ἐμπειρίας βιβλιακῆς studio ducuntur, tanto majorem ex perlustratione Catalogi hujus utilitatem percepturis, quanto ordinatius in eo libri, quorum plusquam 21000 sunt, recensentur. In quinque nimirum partes generales Catalogus distinctus est, quorum I Theologiam, II Jus utrumque, III Philosophiam, Medicinam & Mathematicam, IV Historiam sacram & profanam, V Litteratores & Miscellaneos complectitur: in singulis vero partibus diversæ iterum librorum classes, pro argumenti quod pertractant diversitate, comparent. Ita e.g. in parte I, post Biblia Sacra, seorsum & servato quidem ordine Alphabethico, exhibentur Interpretes atque Commentatores S. Scripturæ; dein Sancti Patres Græci & Latini; post Ascetici, Mystici & Concionatorii; inde Dogmatici & Polemici; Scholastici porro & Casuistæ; Theologiæ item *Marianæ* Scriptores; libri in causâ Janseniana editi; Heterodoxi &c.

Quin.

Quin & eam adhibitam rationem videas, ut primo ubique loca Latini, dehinc Galli, post Itali, & denique Hispanici libri sistantur. Cumque postremorum (Italicos innuimus & Hispanos) haud contemnendam copiam in omni litterarum genere Bibliotheca hæc contineat; vel e nomine quoque gratus nostratibus futurus iste Catalogus est, quia horum idiomatum libri paucissimi hæcenus ad nos pervenerunt.

*CENSURA CELEBRIORUM AUTHORUM:  
sive Tractatus in quo varia Virorum doctorum de  
Clarissimis cujusque Seculi Scriptoribus judicia tradun-  
tur. Omnia collegit Thomas-Pope Blount, Anglo-  
Britannus Baronettus.*

Londini apud Rich. Chisvvel 1690, in fol. Alphab. 8. plag. 6.

**Q**uod *Tobie Magiri* olim in Eponymologio Critico A. 1644 edito, nuperque *Christiani Wilhelmi Eyberii* in nova Eponymologii illius, sed duplo quam olim auctiore editione (quæ A. 1687 Frid. Luderwaldii Bibliopolæ Helmstadiensis sumptibus prodit) institutum fuit, doctorum virorum de doctis viris aliis eorumque scriptis judicia colligere; idem Nobilissimus Anglus, *Thomas-Pope Blount*, in præfenti opere, sed majore haud parum apparatu aggressus est. Cum enim, ut in Præfatione ad Lectorem ipse innuit, observasset, *Acta Eruditorum* aliosque id genus libros, avide ab hominibus, non solum qui infimum subscellum occupant, sed qui primum inter eruditos locum tenent, arripi: rem litterariam & ipse laudabili prorsus consilio promoturus, quæ ad suum usum congefserat, varia doctissimorum hominum de optimis Auctoribus, quorum notitiam comparasse utile æque ac necessarium est, judicia in vulgus emittere non dubitavit. Delectum vero in hoc opere cum instituit, ut ex infinito illo Scriptorum, qui ab Hermete Trismegisto ad hæc usque tempora nostra, orbem libris ditaverunt, numero, nonnisi quingentos & viginti octo produxerit, non alphabethico ordine, quem subjectus tamen index supplet, sed juxta temporis, quo quisque floruit, seriem dispositos. De iis vero ita non tam suo, quam aliorum (inter quos recentissimos quoque, Guilielmum Cave, Dan. Morhofium, Bailletum, Diariorum Eruditorum auctores,

autores, aliosque deprehendas) ore differit, ut, quæ ipsius sunt in præfatione verba, *habeat hic Lector quandam quasi imaginem cujusque Autoris, unde deprehendere possit, quando floruerit, & plerumque etiam, quando obierit; quanam fuerint ab ipso scripta, vel saltem qua primum obtinuerint locum; qua valuerit autoritate in orbe Literatorum; num plagiarius fuerit, & cujus scrinia compilaverit; num prohibitus sit indice expurgatorio; denique quanam sit optima cujusque Autoris editio.*

Probatur nobis ingenua Autoris sententia, quando rationem redditurus, cur in tanta præclarissimorum Scriptorum copia, qui in Anglia floruerunt, tam paucos attigerit, illud unum excusationis loco affert, quod lingua vernacula exteris Eruditis ignota scripserint, deque iis adeo judicia, censuras aut observationes inter Literatos (exteros præsertim) reperire haud facile fuerit. Ex quo capere id monitum non Angli solum, sed & exteri alii possunt, ut si non de patria tantum sua, sed de orbe erudito universo bene mereri desiderant, lucubrationes suas aut Latino idiomate, quod omnibus studia litterarum professis familiare est, componant, aut saltem in illud ex vernacula lingua fideliter traduci curent.

## HISTOIRE DES REVOLUTIONS ARRIVÉES dans l'Europe en matiere de Religion, par

Mr. Varillas. Tome cinquième

& sixième.

id est:

Antonii Varillasii Historia de Revolutionibus Europæ in materia religionis, sive de hæresibus.

Tomus V & VI.

Ad exemplar Parisiense, 1690. in 12. plag. 32.

**P**rimum & secundum Operis hujus tomum recensuimus in *Actis anno 1686, p. 506. sqq.* Tertium & quartum *anno 1687, p. 455 & 492.* Succedit *quintus*, in quo gesta ab anno 1554 ad annum 1563 enarrantur, libros quinque continens. Autor Regi suo, ut solet, in epistola dedicatoria laudes accinit, quod quæ *Henricus II* post pacem Cameracensem Hispanis restituerit, ipse ex parte recuperaverit, aliaque acquisiverit, quibus regnum egregie firmetur: quod proterviam subditorum

D

suorum

suorum Reformatorum, qui olim *Rupelle, Montalbani* aliisque locis exercitium religionis Catholicæ intra octo dies sustulerint, non imitatus, in quadraginta Belgii urbibus, A. 1672 occupatis (sed & postea amissis) stabilito quidem cultu Catholico, Reformatis tamen suum reliquerit; imo, in regno suo quadraginta trium annorum tolerantia erga eos usus, tandem etiam instructionem hæreticis obtulerit, quod illi erga Catholicos nunquam fecerint. Subjungit alia, ut Reformati copias auxiliares ex Germania acciverint, portus Normanniæ Anglis tradiderint, Jacobum I Regem Britanniae pacis sponforem assumerint, ab Hispanis sumtus ad bellum civile pacti sint: Rex vero e contrario Germanos Protestantes ab auxilio Reformatis in Gallia ferendo detinuerit, *Dunkerkam* ab Anglis acquisiverit, eorumque sponfionem & pactiorem cum Hispanis extinxerit. Post hæc in præloquio nova Operis sui fundamenta ostendit, & industriam in eruendis secretis venditat. Multa se didicisse scribit ex *Antonii Novallii*, Legati Gallici in Angliam ad *Eduardum VI & Mariam* missi, relatione. Ex scriptoribus aliis non vulgatis aut tritis, arcana de *Catharina Medicea* Galliæ Regina, & de *Bartholomeo Caranza* Archiepiscopo Toletano prodit. Hunc ab Inquisitoribus Hispanis hæreseos reum factum Pontifex, licet innocentem eum deprehendisset, ne Hispanos offenderet, captivum Romam duci iussit, nec absolvere ausus est. Veram infortunii ejus causam indicat Autor, quod Philippus II Hispaniæ Rex, dum Caranza in vinculis esset, per multos annos opimis Archiepiscopatus redditibus ad hæreticos in Belgio opprimendos usus sit, quorum summam ad octo milliones ascendisse refert. Famam Viri vindicat, & honorabile ejus epitaphium, quod Romæ (ubi anno 1576 decessit) *in ade S. Maria supra Minervam* legitur, adscribit. In enarratione *Tomi I. d. I. Aët. p. 507.* notavimus, quæ de mutata Sleidani editione Varillasius tradiderit. Idem in hac præfatione, sed indicio non parum diverso, repetit. Neque enim jam exemplat anno 1553 *in fol. min.* literis Italicis excusum allegat, sed aliud describit, quod solum genuinum & incorruptum esse asserit, anno 1555 editum, dein Gallice versum & Lutetiæ a *Roberto Prevotio* publicatum. In his exacte reperiri ait, quæ *Laurentius Surius* ex Sleidano excerpta taxaverit, in aliis exemplaribus non extantia. Nos hæc in medio vel ideo relinquimus, quia editiones, quæ nunc citantur, fortassis haud minus difficiles inventu sunt,



sunt, quam illa, quæ prius indicata & huc usque frustra inquisita est, jam vero ab ipso Varillasio deferitur. Post hæc *Popelinerium* Historicum Reformatum plagii accusat, quod duorum aliorum libros minime allegatos excrisperit, & nescio quid objicit *Cressino* martyria Reformatorum describenti. De *Antonio* Navarra Rege, de *Brissaco* Franciæ Marechallo, de *Guilielmo Nassovio* Belgicæ libertatis vindice, multa commentatur, in quibus sunt, quæ contradictionem, ut videtur, haud levem patientur. In *Buchanani* historiam Scoticam acrem stringit censuram. Scriptoribus Belgicarum rerum omnibus præfert *Comestagium* Italum. Ex Gallis vix ullum majori elogio maectat, quam *Timoleontem Brissacum*. Excusat, quod in hoc Opere diversa ab iis referat, quæ in historia *Caroli IX.* dudum edita, & a nobis anno 1684. p. 275. relata tradiderit, & in iis, quæ de *Henrico I, Francisco II, & Henrico III* promittit, traditurus sit. Causam indicat, quod in historia Regum usus sit Manuscriptis bibliothecæ regiæ, in hoc autem de hæresibus opere aliis documentis & memorialibus adjutus sit, Abbatis puta *Delbene, Alberti Gondii, Caroli Biragii*, aliorumq; quorundam Italorum ex interiori Catharinæ Medicæ admissione. Sperat diversitatem hanc gratam futuram esse lectoribus, cum varia ex variis autoribus percipiant. Si non placeat, operam se daturum esse pollicetur, ut posthac consentientia scribat. Gratias se debere proficitur *Gayo*, Canonico & Vicario Episcopi Genevensis, ob communicatam secum egregiam de introductione & progressu Calvinismi in urbe Genevensi narrationem. Hæc, quæ ad dignoscendum Autoris propositum faciunt, & adminicula ejus aperiunt, paulo fufius attulimus, breviores in recensione ipsorum voluminum, tot rerum compilatione turgentium futuri.

Lib. XXI, (qui Tomi V primus est,) sive ex *Noallio*, sive ex scriptoribus Anglis, quos sequitur, multa refert, quæ post obitum Eduardi VI, & initio regni Mariæ gesta sunt, inprimis de supplicio *Suffolcii*, ejusque filiz *Johannæ Græjæ* infelicitate ad regnum evectæ; de nuptiis *Mariæ* cum *Philippo* Caroli V filio, & hujus moribus & actis parum gratis Anglicæ genti. Ex *Henrici II* Galliæ Regis historia de genio ejus & aulicorum præcipuorum, *Guisi, Mommorancii & Colimiorum* multa profert, quæ pro secretis habet, aut solerter conjicit; Lutheranis & Calvinis discipulis in Gallia ubique parum æquus. Narrat primos Calvinianorum, quos vocat, in urbe Parisiensi conventus, & quo-

modo *Johannem Massonium Andegavensem*, viginti duorum annorum juvenem, qui nomen *de la Riviere* assumeret, concionatorem & Ecclesiæ ministrum constituerint: ut *Ludovicus Borbonius Condeus* ab uxore *Helionora Roja*, ejusque matre, *Coliniorum* sorore, ad Calvinismum perductus sit: ut *Clemens Marotus* adjuvante ex Hebraicis fontibus *Francisco Vatablo*, viro licet Catholico, sed Maroti ad hæresin defectionem ignorante, partem Psalmorum Gallicis rhythmis expresserit. Non dissimulat, paraphrasin illam poeticam etiam a Catholicis & in aula cum applausu exceptam fuisse, ita ut procures utriusque sexus pro suo ingenio modulos muscos, profanarum cantionum imitatione addiderint. Maroti mores parum pudicos, infamemque poenam non tacet. Ex rebus Germanicis & Hispanicis aliquid memorat de comitiis anni 1555, quibus pax in causa religionis per Germaniam firmata est; de morte *Caroli V*, & colloquio ejus cum *Caranza*, de quo in præfatione egerat; de colloquio *Wormatiensi* inter Theologos instituto, ejusque ruptura; de importunitate *Pauli IV* Pontificis, abdicationem *Caroli V*, & electionem *Ferdinandi I* impugnantis. Hæc & alia ita tractat, ut intima Principum & aliorum consilia perscrutetur, & ad scopum suum trahat atque interpretetur.

*Lib. XXII* de *Mariæ Angliæ* Reginæ morte, & *Elisabethæ*, quæ illi successit, initiis multa congerit, quæ fortasse doctis & historiæ patriæ peritis in Anglia viris parum probabuntur. Tenet & hic institutum suum Autor, ut reformationem Anglicanam non nisi politicis respectibus tribuat. Ex gestis Gallicis, *Henrici II* severitatem in Reformatos, maxime in Senatores & nominatim *Annam Burgum*, tum Cardinalis Lotharingi rigorem prolixè enarrat. Recenset contenta confessionis, quam Reformati in media persecutione anno 1559 Lutetiæ in suburbio Sancti Germani conscripserunt, vel, ut Autor conjicit, Genevæ compositam acceptarunt, tutiores latebras nacti in urbe, in qua minime tunc quæsitii fuissent. Refert etiam industriam, qua Rex intercessionibus Germanorum Principum pro captivis Senatoribus eluserit; deinde mortem Regis narrat, quam is in ludo equestri, infelici casu invenit.

*Lib. XXIII* *Antonii Navarra Regis* virtutes & vitia describit, utque Reformatorum causam destituerit. Aperit secreta *Guisorum* & *Mommorancii*; illos vero contra *Puteanos* fratres viros doctos defendit,

dit, qui ex historia MS. *Ducis Nivernii* in Bibliotheca sua tunc asservata referre, ut ait, solebant, deliberasse Guisios, annon majori cum rerum suarum utilitate Reformatorum partibus accedere possent. Fidem iis derogat Autor, quia edita postea Nivernii historia, nihil tale repertum in ea fuerit. Argumentum tamen hoc non multum movebit illos, qui sciunt, in librorum editione sæpe omitti, quæ tutius taceri posse videantur. Fatetur tamen Autor, & *Catharinam* Reginam, & omnes fere ingenio & doctrina præditos, ad partes Reformatorum illo tempore propendisse. Quæ de *Burgi* actis, & de Reformatorum flagitiosis ad eum a supplicio liberandum conatibus addit, ex scriptoribus obnoxiiis hausisse judicabitur ab iis, qui oppositæ partis relationes æstimant. Idem illis videbitur de narratione conjurationis, quæ dicitur *Ambrosiana*, & crimine Principi Condeo imputato, nec non de invidia, qua Calvinum onerat Autor, quod consilii illius particeps fuerit, ut regnum Galliæ in formam Reipublicæ mutaretur. Sequuntur multa de Lutheranismò in Belgio & in Hispania, diverso quidem cum eventu, infestato; de morte *Caroli V*, & colloquio ejus cum *Caranza*, hujusque infortunio in præfatione memorato; de combusto religionis causa *Job. Poncio* Comite Balenio, & statua *Constantini Poncii*, qui Carolo V a confessionibus fuerat. Notat Hispanos plurimos, & nobiles maxime, Lutheranae religioni addictos fuisse, sed inexorabili Philippo II. Regis severitate territos secretum summa cum solertia custodivisse. Celebrat Autor felicitatem Regis Hispaniæ, quod duris licet medijs hæresin oppresserit, doletque quod idem in Gallia non sit factum. Culpæ magnam partem conjicit in *Michaelém Hospitalium* Galliæ Cancellarium, Calvinismo, ut putat, occulte addictum. Notat natalium ejus vilitatem, quod avum Judeum *Avenione* habuerit. Præteritus cætera de tumultibus anno 1560 in Gallia excitatis, tot aliis scriptoribus memorata. Reliquam libri hujus partem Scoticarum & Anglicarum rerum expositione implevit Autor, multa ac sollicita cum investigatione consiliorum Elisabethæ Angliæ Reginæ, & curiosa de illis conjectura.

*Liber XXIV* incipit a rebus Gallicis, traditque captivitatem & liberationem Principis Condei, mortemq; Francisci II. Regis, cujus causam chirurgo Calviniano imputat Autor, omniaque Reformatorum consilia & facta satis acriter perstringit, unam laudans militaris disciplinæ

plinæ curam illo tempore ab iis adhibitam, sed non diu servatam. Pares affectus in narratione rerum Germanicarum ostendit, ut & Suecicarum, dira de *Gustavi* Regis morte referens. Deteriora sunt & ex falsissimis relationibus temere arrepta, quæ de *Melanchthone* hoc anno 1560 mortuo affert. Tradit illum quatuordecim vicibus doctrinam de justificatione mutasse; morituum matri, (quam tamen constat triginta ante eum annis decessisse) interroganti respondisse, novam religionem plausibilem esse, sed Romanam tutiorem. Omnium vero putidissimum est, quod post cladem *Joh. Friderici* Electoris, *Melanchthon* salario destitutus victum manuum labore quævisse, & coctori cerevisiæ annos integros tres operam pro mercede locasse dicitur. Piget reliqua subungere, quæ de *Flacio* & *Strigelio* (ipse *Spingellium* vocat) de *Centuriatoribus Magdeburgensibus*, de quatuordecim Lutheranorum *rigidorum*, decem *molliorum*, & septem *mediorum* sectis, itemque de actis in conventu Protestantium *Numburgensi* anno 1561 commentatur, audacter quidem & liberrime, sed nullo, quod allegare ausus sit, aut quod, si producat, ab odio & calumnia excusari possit, testimonio. *Valdensium*, quos ad Calvinismum tunc transiisse dicit in vallibus Alpini, victorias anno 1561 adversus copias Sabaudicas obtentas non tacer, nec quod sævitæ in miseram illam plebem exercitæ instigator fuerit Pontifex, cujus tamen pœnituerit Sabaudicæ Ducem, ita ut contradicente licet illo, tandem tamen connivente, exercitium religionis subditis istis indulserit. Hi sunt majores *Waldensium*, quos ante paucos annos denuo durissime habitos & extrema passos esse intelleximus; ex reliquis, qui fuga sibi consuluerunt, aliquos etiam in Germania vidimus; superiore vero anno regressos in patriam arma pro Principe suo contra Gallos, calamitatis suæ pararios, fortiter arripuisse audivimus. Reliqua libri parte *Catharina* Reginae artes, quibus inter factiones de religione & potentia in aula certantes, sua procuravit commoda, dein acta colloquii *Possiaceni* ejusque sequelæ recensentur, quas eas fuisse judicat Autor, ut ex colloquio illo, & edicto mense Januario 1561 pro tolerantia Reformatæ religionis publicato, omnia mala derivet, quæ per annos quadraginta florentissimum Galliarum regnum ad incitas pene redegerunt. In fine *Gothardi Kettleri* Livonici Ordinis Magistri acta, in religionis mutatione & accepto a Rege Poloniæ *Curlandiæ* Ducatu, satis odiose referuntur.

Lib.

*Lib. XXV* Ianiena Vassiaci in Reformatos, sacris suis occupatos exercita, ita narratur, ut Guisus a culpa liberetur, magnæque violentiæ & crudelitatis accusentur proceres & coctus Reformati, qui scivitia ista irritati arma per totum fere regnum sumserunt. Cardinalis Lotharingus taxatur, quod Lutheranis in Germania, ut eos ab auxiliis in Galliam mittendis averteret, plusquam fas fuerit, indulserit. Multo magis Condeus reprehenditur, qui ut auxilia ab Anglis impetraret, *Portum Gratia & Dieppam* in littore Normannico illis tradidit. Concilii Tridentini decreta contra Protestantes, & irriti Ferdinandi I Imperatoris ad impetrandum conjugium Cleri & usum integri Sacramenti conatus prolixè recensentur. Sequuntur reliqua in Gallia gesta: expugnatio urbis *Rothomagensis*; mors *Antonii Navarra Regis*; auxilia Condeo ex Germania adducta; periculum ab eo Lutetiæ intentatum; tractatus pacis inter illum & Catharinam Reginam, absque effectu quidem tunc susceptus; clades & captivitas Condei in prælio Drocensi, alique cruentæ illius pugnae casus; cædes Guisii in obfidione Aurelianensi; pacificatio denique Reginae & Condei studiis anno 1563 mense Martio inita.

*Liber XXVI*, qui sexti Tomi primus est, tumultus & bella civilia Gallia A. 1563 & sqq. continet; de quibus utpote satis notis multa referre superfedemus. Inter alia quæ ad rem literariam pertinent, observavit Autor, quod jussu Reformatorum, qui tunc urbem Lugdunensem in potestate habebant, liber *Caroli Molinæi* celebris Jcti Parisiensis de potestate Principum per lictorem combustus fuerit, non tam quod seditiosæ ejus opinioni non accederent, quam quod Molinæus ipsis invisus fuerit, quia unus ex omnibus Gallis Lutheranismò addictus esset, & ꝑ Reformatorum communione abhorreret. Eundem tamen librum ab aliis Ecclesiastæ cuidam Reformato attributum esse non tacet, & ex *Manuscriptis Lomenianis* decretum Synodi a Reformatis *Catalauni* habitæ allegat, quo contra regiam potestatem statuerint, *equalitatem conditionis humana inter potissima privilegia libertatis Evangelica esse, quam Christus suo sanguine veris Christianis promeruerit*. Post hæc *Pii IV* Pontificis zelum refert, Cardinalem *Castillonium*, item Archiepiscopum Aquisensem & octo alios Episcopos Gallos, imò & *Jobannam Albretanam* Navarra reginam, propter hæresis crimen Romam citantis, utque illi rigori, avertendi præjudicii causa, Rex Gallia

Gallia per Legatum intercesserit. Ex Episcopis non nisi tres in Calvinismo perseverasse scribit, interque hos Ulicensem *Johannem Sangelsium*, qui concionator inter Reformatos factus fuerit, enthusiastæ similis. De *Maximiliani II* Imperatoris ad Lutheranismum propensione, utque juramentum consueta formula Pontifici non præstiterit, narrat quædam, quæ cum aliis autoribus collata forsitan non carebunt dubitatione. *Sebastiani Castalionis*, qui anno 1563, postquam Geneva discessisset, in summa miseria obiit, versione Latina Biblica judicium fert, quod autor styli elegantia alios omnes superaverit, sed affectatione, & depravatione nativi sensus, laudem illam corruperit, polygamiam etiam probaverit, & Canticum Salomonis profana interpretatione dehonestaverit. In actis anni 1564 iterum mentionem facit Caroli Molinæ, quod *Hospitalii* Gallia Cancellarii sententiam de non recipiendis in regno Concilii Tridentini decretis scripto defendere, Regi approbato. Mortem ejus per anticipationem memorat; obiisse enim dicitur anno 1566, abjurato sex ante mortem mensibus Lutheranismum. De colloquio Maulbrunnensi conjecturas potius quam historiam sequi videtur, secreta pandens de Protestantium consiliis, ipsis fortasse incognita. Primas in colloquio illo partes tribuit *Joh. Brentio*, quæ *D. Jacobo Andrea* assignandæ erant. In relatione obitus Joh. Calvini, qui in hunc annum 1564, d. 27. Maji incidit, calumniam rejicit, quam alii illi impegerant, & iterum citat *MSS. Lomeniana*, in quibus acta duarum inquisitionum, Francisci I & Henrici II Regum jussu factarum, reperiri dicit, ex quibus constet, nihil explorari potuisse de crimine, cujus in adolescentia sua *Novioduni* publice condemnatum fuisse Calvinum adversarii ejus tradiderunt. In censuram quoque vocat, qui vitam ejus scripserunt. Inter eos *Bezam* pænegyricum composuisse dicit, non historiam; præfert illi *Drelincurium*, quanquam & hunc ab adulatione non absolvat, sicut nec ab odio & acerbitate Lutheranos *Schlussemburgium* & *Hesbustum*, in cujus nomine hæsitat, Jacobusne an Tilemannus dicendus sit. Eodem loco habet *Franciscum Balduinum*, & *Hieron. Bolfecum* ejusque interpretem Latinum *Jacobum Laingium* Scotum. Probat *Gilloii* elogium de Calvino, quod omisso autoris nomine inter *Petri Massonii* scripta extare notat. In *MS. Grotii*, de *vita Calvini*, cujus mentionem facit, candorem desiderat, & Arminianisquæ studium taxat. De *Georgii Cassandri* actis & libris

libris, itemque de *Fridérico Staphylo* subjungit, quæ lectu haud indigna sunt, vix tamen cum aliorum traditis satis convenientia, qualia nec ea sunt, quæ de reformatione Palatinatus ex actis anno 1546. per occasi-  
onem commentatur, inter quæ typographi forte errore pro *Frideric* ~~col~~  
*Electore* nescio quem *Volfandum* nominat.

*Libro XXVII* ad anni 1566 historiam progressus, causas & primordia motuum Belgicorum exponit. Ista, licet ab innumeris pene scriptoribus tradita sint, nova tamen specie induit, eaque narrat cum varietate & industria, ut absque fastidio legantur. Incipit a consilio Philippi II Hispaniæ Regis, de novis in Belgio Episcopatibus ad extinguendam hæresin instituendis, & inquisitionis tribunali erigendo, quali a Ferdinando Arragonico, sub prætextu extirpandæ impietatis Judaicæ & Muhamedanæ, Nobilitatem Hispanicam, ad rebelliones antea pronom, in ordinem redactam esse tradit. Inquisitionis vero illius historiam a *Sancto*, quem vocant, *Dominico* repetit, cujus rigore ab Albigenisibus purgata esse dicitur Gallia. Sed processum Hispanicæ inquisitionis iis depingit coloribus, ut sine horrore vix dimittat legentes. Calvinii postea artes refert, quibus, per discipulos suos, Belgas a Lutheranismò ad suam traduxerit sectam, & Philippi Regis severitatem narrat, qua, posthabito Theologi, quem a confessionibus habebat, mitiori consilio, & probata Albani Ducis sententia, in Belgas uti decreverit, unde florentissima illa regio theatrum sævitix & belli acerrimi facta est. Id providentiæ divinæ tribuit, impenso in eam rem auro Philippi, ex India advecto, quo totam Europam subjugare potuisset. Ex rebus Gallicis annorum 1566 & 1567, continuata bella cum Reformatis, artificia Catharinæ Medicæ, simultates inter Regem *Carolus IX*, & *Henricum* fratrem Ducem Andegavensem, pacta denique cum *Condeo* recensentur, satis trita omnia aut pleraque. Absolvit tamen Auctor *Condeum* a crimine, quo eum *Surinus*, *Natalis Comes*, & *Michaël ab Isselt* infamarunt, ac si Regem *Carolus IX* solio dejicere, & in ejus locum assurgere voluerit; negat enim monetam ab illis indicatam, in qua *Ludovici XIII* nomen sumferit, reperiri; neque inter tot aliâ a Gallis Catholicis tale quid illi objectum unquam fuisse ait.

*Liber XXVIII*, cum parte aliqua sequentis, narratione rerum Scoticarum occupatus est. Orditur Auctor a temporibus Jacobi III, anno 1488 cæsi, qui nominationem Episcoporum ad se traxerit, easque

E

&amp; alias

& alias præcipuas functiones in Ecclesia familiaribus suis tribuerit, indoctis & impiis, unde secuta sit populi corruptio. Sed mala ista reformationis autores etiam in illis locisprehenderunt, ubi jus eligendi & præsentandi integrum *Capitulis*, quæ vocant, aut aliis, ad quos ab antiquo pertinebat, mansit. Altiores itaque radices habuit Ecclesiæ calamitas, primariaque ejus causa fuit neglectus verbi divini & catecheseos. Agnoscat hoc Autor, cum tradit, statim atque versiones Biblicæ & libelli catechetici in Scotiam illati fuerint, avide ad doctrinam percipiendam homines concurrisse. Primum Evangelicæ doctrinæ in Scotia præconem *Patritium Hamiltonum* in academiis Lutheranis Germaniæ instructum, dein & alios nominat, quos Jacobus V Scotiæ Rex supplicio religionis causa affecit; meminit etiam *Alexandri Alefi*, quem in Lipsia nostra Professoris munus gessisse notum est. Is ex Scotia, ut Franciscani instituti monachus, profugus, nomen illud, quod olim *Thomæ Aquinatis* præceptor habuit, dissimulato vero, assumxisse dicitur. Infectatur *Joh. Knoxum*, quem itidem in Germaniam, inde vero Genevæ profectum, & Calvini disciplina & consiliis instructum in Scotiam rediisse & hæresin propagasse, moribus etiam (sic referentibus, ut ipse addit, Catholicis) infamem fuisse scribit. At neminem mortalium sceleratiorem fuisse oportet, si Varillasio, & quos ille sequitur, autoribus credendum est, quam *Jacobum Moraviæ Comitem*, filium Jacobi V naturalem. Huic enim omnia flagitia aulæ Scoticæ, cædem etiam *Henrici Stuarti* (quem Maria Regina maritum sumserat, Jacobi Magnæ Britanniæ postea Regis patrem) & infame *Jacobi Botuellii* cum Maria Regina concubium, imo quicquid alii Mariæ exprobrant, confidentissime attribuit. Nec Elisabethæ Angliæ Reginæ parcit, imo omnium fere motuum, quibus Scotia afflictæ illo tempore est, ream facit; Mariæ vero non solum pulchritudinem, morum venustatem, ingenium, animumque tam hilarem, ut ne infans quidem plorasse visa sit, sed & pietatem aliasque virtutes mire prædicat.

*Libro XXIX*, post ea, quæ ad res Scoticas & Anglicanas pertinent, & quorum mentionem fecimus, iterum de Imperatoris Maximiliani II miti ingenio & inclinatione ad Lutheranismum, tum, quomodo Pontifex Pius V per Cardinalem *Commendonum*, frustra cum a proposito dehortatus sit, Philippus vero II Hispaniæ Rex nuptias



nuptias filiae ejus ambiens illud impediverit, ita commentatur, ut de suo non pauca admiscere videatur. Hac occasione tragicum casum Caroli, Philippi Regis filii narrat, ut & Isabellae novercae ejus. Ad Belgica progressus, Albani Ducis, postquam *Margaretha Austriaca Parmensis* gubernatione sese abdicasset, acta anno 1568 refert: supplicia nempe procerum *Egmondani & Hornii*, imo promiscuam savitiam, interfectis carnificum manibus multis millibus ex populo, confiscatis bonis, & abolitis privilegiis; prostratas fugatasque copias Nassoviorum; donatum Albano a Pontifice praemii & honoris loco gladium; erectam denique Antverpiae statuum, qua miseris superbe insultabatur. De rebus Gallicis exponit *Catharina Mediceae* jam serium ad opprimendos Reformatos propositum; *Hospitalii* Cancellarii exilium ab aula; *Caroli Lotharingi* Cardinalis fervorem, & obtrusam proceribus & magistratibus juramenti, quo in Reformatorum cladem obstringebantur, formulam; commissam Henrico Regis fratri vicariam in regno potestatem, cum exercitus in Reformatos ducendi imperio; submissas Condeo, qui Reformatorum caput erat, auxiliares ex Germania copias, causasque novi belli acri scripto ab illo publicatas. A rebellionis quidem crimine minime absolvit eum Autor, neque tamen fidem adjicit illis, qui tradiderunt, missum fuisse ab illo & Reformatis, qui auxilia Turcica Constantinopoli imploraret. Refert, quomodo quibusque conditionibus a Pontifice Rex obtinuerit, ut ex Cleri bonis redditus annui quinquaginta scutorum millium alienarentur, unde fors decies centenorum millium confici potuit. Successus belli hoc & sequenti anno is fuit, ut Condeus quidem in praelio ad Jarnacum occubuerit, partes tamen Reformatarum fractae illo casu non fuerint, neque magnum ex morte Condei dolorem, ut Autor putat, conceperint. Ille enim (ut dicit) religionem obtentui habuisse, neque alia mente caput factionis fuisse videbatur, quam ut ambitioni suae satisfaceret, in Guisios ultionem exerceret, & denique impediret, ne Reformati rempublicam in regno constituerent. Unanimi inde decreto *Casparo Colinio* Thalassiarum regni, sive *Admiralis* delatum est Ducis munus: sed hic tam cautus fuit, ut rem teneret, titulum in Henricum, Navarrae Regem, quindecim tunc annos natum, devolveret.

*Libro XXX* res Suecicas tractat Autor, sed ita, ut memoriae & actis Gustavi Regis haud parum detrahat, quaedam etiam tradat, quae,

si cum aliis scriptoribus conferantur, contradictiones non parvas subibunt. De Erici quidem Regis moribus & exitu multo meliora referre non potuit, præsertim de vili conjugio, quo se ipsum dehonestavit, & fratrem omnesque regni proceres in se concitavit, eo ipso tempore, cum Landgravii Hassiæ filiam missa legatione uxorem peteret, pro qua Varillafius, qui vel ex Thuani *Lib. XXXII* rectiora discere potuisset, Electoris Saxonix filiam substituit. Dein ubi *Ponti de la Gardie*, magnæ virtutis & dignitatis viri adventum in Sueciam, quamque ibi fortunam invenerit, refert, non tacet quidem Gallum fuisse, sed in pago quodam natum esse dicit, omiſſa nobilissimæ familiæ, ex qua genus duxit, mentione. Commune hoc habet cum Maimburgio & quodam Typotio, de cujus calumniis queritur insignis historiæ de *Ponti* vita nuper editæ, & in Acta nostra anno 1690, p. 197. relatæ autor, *Claudius Arrhenius*, in qua etiam Maimburgio respondetur. Quæ vero post ista de colloquio Altenburgensi, inter Theologos Saxonicos anno 1568 habito, commemorat Varillafius, specialem refutationem fortassis provocabunt. Nos omiſſis cæteris, errores saltem historicos duos adhuc paucis notamus. In Saxonia Electorali (p. 184.) tres nominat Academias, *Wittenbergensem, Lipsiensem & Misniam*: in Saxonia Ducali duas, *Jenam & Thuringiam*. Incredibile profecto est, virum tot librorum autorem tam confidenter de rebus, hominibus & locis, sibi ut apparet, ignotissimis, & inconsultis tot peritissimis scriptoribus, commentari. In eadem narratione ex *Johanne Guilielmo* Duce Saxonix primogenitum Johannis Friderici Electoris filium facit, secundumquem fuisse nemo nescit. Vocat eum *Ducem Altenburgensem*, cum tamen non nisi post annos plusquam triginta, divisione inter illius & fratris filios inita, Altenburgum sedem & nomen Ducatus obtinuerit. Conjici hinc potest, quam vera & accurata sint reliqua, tum etiam quæ de colloquio Cracoviensi recenset. Certiora sunt, modo affectibus carerent, quæ de bello in Gallia continuato congestis, acri quidem cum Reformatorum & *Colinii* infectione. Hujus non tantum acta, sed & cogitationes examinatur & interpretatur. Interferit multa de Valdensium in vallibus Alpinis motibus & cum Sabaudix Duce conflictibus, secutaque eo tempore pacificatione. Reliqua exhibent obsidionem Pictaviensem a Reformatis frustra susceptam, clademque illorum ad *Montconturium*, aliosque funestos illius belli casus.

*Joh.*

JOH. CHRISTOPH. VVAGENSEILII DE  
*Hydraspide sua, ad Pet. Valkenierium*  
*Epistola.*

Altdorffii Noricorum, apud Joh. Hofmannum, 1690. in 4.

Plagulis 12.

Quamvis primarium hujus epistolæ argumentum concernat *Hydraspidem* sive inventum ab Autore celeberrimo adversus extrema aquatum pericula munimentum ac præsidium; tamen cum plura insuper alia contineat notabilia scituve jucunda, non incongruum fore putamus, si paucis ea prælibaverimus, antequam ad illud propius accedamus. Scilicet promiserat Noster non ita pridem Ratisbonam transiens, *Petro Valkenier*, Potentissimorum Fœderati Belgii Ordinum ad S. R. Imperii Comiticia Legato, itineris sui, Viennam Austriæ indeque porro in Hungariam, negotiorum quorundam causa suscepti, rationem reddere ejusque eventus perscribere. Hoc ergo quod pollicitus tum fuerat, jam executurus, primo exponit, quam jucundum sibi Viennæ commoranti fuerit cum *Daniele Nesselio*, Augustæ Bibliothecæ Cæsareæ Præfecto, familiariter conversari. Inde commemorat *suburbanam*, quæ ibi non ita pridem institui cœperit *Nobilium literariam & equestrem Academiam*: de cujus futuro splendore & egregia utilitate plura graviter differentem inducit illustrissimum ejus Directorem *Ottōnem Ebrenricum*, *Abensbergium ac Traunium Comitem*; cujus nempe suasu potissime magnificum illud opus occœptum fuit in gratiam generosæ Austriacorum Procerum sobolis, ut & adolescentum ingenuorum aliorum, ex remotioribus regionibus illuc se conferre cupientium; ne videlicet (ut hætenus fere factum ex inveterata opinione, ac si in Gallia tantum discere liceret, quomodo mentem sanam corpusque sanum tractare oporteat,) opus haberent longinqua eum in finem itinera ingredi & maria transmittere, non exiguo patrimonii, quin & morum sæpius ac probitatis dispendio; sed propius offenderent, unde omnem hunc cultum, minimis etiam sumtibus, (scilicet trecentis circiter in singulos annos florenis) sibi comparare possent. Inter cæteras Urbis Viennensis munditias, quas novas ibi repererit, speciatim recenset *Lucernas*, quæ nocturno tempore nunt totam per urbem ac-

cendantur, ejusdem figuræ omnes ac æquis spatiis dispositæ, quo tutior per plateas & compita sit ambulatio: item *suburbiorum* novam speciem, dum in locum everfarum nuper ab hoste ædium, meliores passim ac majores substituantur: locum inprimis, ubi Judæi quondam habitaverint, ita ait mutatum esse, ut non amplius eum cognoverit. Recordatus vero hac occasione familiaritatis sibi quondam cum Rabbinis ibidem habitæ, plura de Judæis differit, ac imprimis perhibet, se in Hungaria, Moravia, Bohemia plerosque eorum reperisse valde ignaros rerum suarum, librisque paucissimis instructos: creditque ex tædio potissimum tamdiu frustra expectati Messiæ provenire, quod segnius nunc literis suis incumbant fere, nihilque præter quæstum dulce habeant. Unde testatur in ipsa etiam Praga, quæ Academiæ vicem iis semper hæcenus subierit, admodum inscitiam & παρρησιάζειν ignorance[m] dominari; judicatque fieri aliter non posse, quam ut futura ipsorum progenies multo evadat imperitior, postquam quicquid ibi fuerit librorum Hebraicorum una cum civitate eorundem incendio nuper perierit: arsisse enim ibi plures omnino tales libros, quam, solam Poloniam si excipiamus, reliqua complectatur Europa universa. Qua occasione arcanam illam artem restinguendi incendia, quam jactare Judæi consueverunt, exagitat. Refert porro, in itinere per Hungariam dono se accepisse a viro quodam antiquæ virtutis fideique, *Nadrugalam* radicem, in solo monte Carpatho proveniente[m], præsentissimum novumque adversus immedicabiles, ut hæcenus creditum, *Podagra* dolores remedium, & cujus ipse, qui dederat, non sine numine compos factus fuerit. Nimirum certis nuntiis ad ipsum esse perlatum, Sarmatiæ quendam accolam, omnibus membris ita extortum ac ægrum jacuisse, ut ne in lectulo quidem, nisi ab aliis, moveretur: hunc adhibuisse istam medicinam (quod fiat, epotando lac, in quo probe contusa radix ad dimidias percocta sit) atque tum in soporem prolapsum per universas XLVIII horas jacuisse, ut caudicem & stipitem; nec alio indicio, præterquam solo anhelitu, vivere se declarasse: cum vero denique evigilasset, non credidisse, se eundem esse, omnis nempe ægrimonix jam expertem: hinc e strato surgentem stupentibus amicis ac necessariis, quid de se factum sit narrasse, paratoque convivio, cum in cœna se invitasset plusculum, in multam noctem saltasse ac tripudiasse. Existimat vero Noster, cruciatuum impotentem intendisse

intendisse medicamentum ultra præscriptum; & parcius illo, usuros æque bene, utique citra lethargum, paulo tamen tardius convalescere posse. Denique memorat Nicolaiburgi in Moravia semet inter indocti cujusdam Judæi libros, multo confitos pulvere, quædam non contemnenda reperisse & comparasse: Spèciatim vero *Bibliorum binos Codices* manuscriptos, *Hebræum* alterum, alterum *Latinum*, ob auctaria præcipue notabiles: *illi enim additum esse libellum Chaldaicum*, qui *Historiam Antiochi Epiphani* recenseat, eoque sermone nunquam hæctenus apud nos fuerit visus: licet Hebraice extet in quarundam Preceum Judaicarum editionibus, ac legi soleat a Judæis in Festo Encæniorum. *Alteri vero codici, Biblia Latina vulgata complectenti*, post Vetus, ante novum Testamentum adhærere libellum, prorsus quasi sacer foret, cui nomen, *Morale Somnium Pharaonis*: ac autorem ejus esse *Johannem Lemovicensem*, qui ingenium exercendo, Epistolas aliquot, quasi a Pharaone, Ægypti Rege ejusque ministris ad Josephum Jacobi Filium, & ab hoc ad illos ultro citroque missas, pro eruditione & genio superiorum seculorum effinxerit: scriptum vero librum esse ad *Theobaldum, Navarra Regem, Campaniæ Briacque Comitem Palatinum*: eum ipsum, qui Blancam, Sanctii IV filiam unicam sibi connubio jungendo Navarrae regnum nactus, anno epochæ Christianæ 1216 diem supremum obierit. Hunc ipsum vero libellum, doni cujusdam loco, epistolæ huic ad *Valckenierium* subnectere, adeoque typis exscriptum, antiquitatis veneratione, ab interitu vindicare placuit, licet mutilum quodammodo, cum in eo duæ circa calcem (nempe *XIX, Detraكتورum ad Joseph super Regis Reformatione, & XX, Josephi ad ipsos, super eorum Consolatione*, perscripta (prout ex earum Syllabo circa frontispicium exhibito apparet,) desiderentur epistolæ. Alios præterea duos libros, Hebræicos itidem ac ineditos, ibidem se redemisse perhibet, quorum alter *Apologos Sandcharis, viri Sapientissimi*, alter (cui titulus, *Templum Domini*) ritus ac Ceremonias sacras antiquæ Judaicæ Ecclesiæ complectatur. Spondet vero sese utrumque eorum, cum otium & opportunitatem nactus fuerit, publici juris facturum. Quod superest, pluribus commemorat, quanta comitate, ad Cæsaream audientiam admissus semel iterumque, ab Imperatore Clementissimo exceptus fuerit, cui munusculi loco attulerat aliqua ex lucubrationibus, ut & *Hydraspidis* suæ iconismum, cujus jam, a se inventæ, occasionem ac utilitatem latius exponit,

exponit, utpote quæ, teste rubrica, primarium hujus epistolæ argumentum est.

Scilicet ad eam comminiscendam inductum semet primum perhibet ex considerato anserum anatumque natatu, unde in mentem venerit reputare, annon fieri posset, ut homines ista quoque animalia natando imitentur, prout pisces hactenus magistros & in arte natandi & in navigiorum, remis clavoque instruendorum, fabrica fuerint secuti. Et mox quidem se recordatum esse technasmatismis illius, quod in *Schwen-teri Deliciis Physico-mathematicis Part. XII. probl. 15. 16 & 17.* propositum extat: ubi nempe docetur, qua ratione perizonium caligæve, bulgis vento fæctis muniri queant, quibus instructo aquis inambulare absque submersione periculo liceat. Re tamen penitus perpensa subortam suspensionem, nihil fortean istic experti cognitique proditum esse, sed tantum, quid fieri possit, edoceri, relicta cuique potestate, ut successus pariter eventusque faceret experimentum: deprehendisse præterea, si vel maxime res procederet, ipsum tamen multiplicem apparatus, qui ad machinam parandam exigatur, eam permolestam ac fragilem reddere periculisque & incommodis varijs obnoxiam, maxime cum adhibendi insuper sint cothurni plumbei æqualis fere cum natatore ponderis, non absque notabili utentis carnificina. Subiisse proinde animo, tentare, annon e ligno parari machina posset hominem in aquis sustentans, & id amplius conferens, ut in natando paria cum cygnis, anseribus & anatibus facere is valeret: atque sic post aliquamultas periclitaciones produisse tandem machinam, quam in adjecta *Tabula* delineatam dedit: cujus quidem eam palmariam bonitatem existimat, quod semel illam vel limis oculis e longinquo vidisse sufficiat, ut integra pernoscat: cum nil plane reconditi aut difficultatis habeat, prorsus ut illius conficiendæ rationem ex natura ipsa hausisse & arripuisse videri queat, ac bis mirum sit, haud quenquam ante ipsum tale quid advertisse, cum ad hunc natatum vere non docti, sed facti, non instituti, sed imbuti esse dici valeamus. Nimirum machina *ABCD*, quæ pectus cingit, alvum aquaticarum avium æmulatur; structura quidem adeo simplici constans, ut nemo fabricorum lignariorum & ferrariorum tam rudis existat, qui non operam suam in ea paranda locare possit: id tamen simul commodi habens, quod ejus cavitas, ad quam per fenestellas *E & F* aditus patet, alimoniam, parce ea usuris in mul-

TAB. II.  
Fig. 1. & 2.

Fig. 1.





Fig. 4.





in multum tempus suffecturam admittat, aut auri & argenti, gemmarum aut syngrapharum, diluvio in casu necessitatis eripiendarum, bonam copiam capere queat. Perinde vero esse ait, sive utrinque ejusdem generis fibulatione *GH* claudatur, sive in parte anteriori uncini *IK* retinaculo; ansas denique *LM* ad hoc inservire, ut quis ab aliorum auxiliis desertus commode *hydraspide* hac munire se, & oras extra aquam (intra eam enim, cum fluitet machina, gravitatis nullum sensum esse) allevare nonnihil possit, ne nimis lumbi prægraventur. His porro accedunt *pedum remigia*, anserum anatumve pedibus gemella, dum prout usus exposcit, aut pandunt sese aut contrahunt; quorum species in *Figura III & IV*, altera nempe pronam, altera supinam eorum faciem exhibente sistitur. Hæc ipsa vero a quolibet sutore parari facile queunt, constantque ex triplicis corii crassissimi alis mobilibus *NO*, explicantibus se & coarctantibus, soleæque ligneæ *P*, cui pes insistit, ferro, cardines illarum permeante, *QR* adaptatis: quanquam nihil impedire putet, quo minus alæ quoque, ut reliqua fere universa ex ligno fieri valeant: his tandem accedunt ligamenta *S*, quibus ea pedibus adstringuntur. Sed istis etiam palmipedalibus calceis prorsus carere quem posse innuit, & nihiloscius nudæ *hydraspidis* adminiculo pericula impetuosæ maris, aut alveum egressi ac demissioribus terris alte superfundentis sese fluminis effugere: quandoquidem isti haud admodum necessarii sint, nisi cum placidum ventis mare, aut stagnantes undas quis emetiri, vel currentem fluvium prævertere instituat: motum enim in latera & circulum quod attinet, eum jam ex sententia citra adjumentum vel solis corporis agitationibus peragi posse. Ne vero res in mera speculatione subsistere videretur, non omisit Autor enarrare, quomodo Imperator (cui nempe, uti dictum, *hydraspidis* iconismum cum ea muniendi homuli simulacro, attulerat secum) jussit, ut justæ magnitudinis machina parata, in ipso Danubio deponeretur rudimentum speciminis; præstitum vero id ait in loco, ubi fluvius ex divergiis suis eluctatus ac in se collectus faciat gurgitem, rapidaque deinde celeritate sese provolvat, ventis etiam tum impetuosè flantibus: cui adfuisse perhibet primarios tres aulæ Cæsareæ Ministros, magnamque præterea plebis inusitata noscendi studio excitæ, frequentiam. Vidisse vero omnes, homini eo scuto armato nullum ab aquis esse periculum; quantocunque etiam impetu ferantur; prætereaque illo, quo properet

TAB. II.

Fig. 3.

5 4

fluvius, aut aquarum eluvies, nullo negotio posse quem evadere: licet ex una ripa in oppositam, aut contra flumen contendens non parum. difficultatis experiretur: quod quidem minus mirum videri debere arguit, cum alioqui parvus etiam amnis ægerrime remis, contis, remulco vel equis, adversus superetur, ne dum solorum pedum remigio.

*Ufus* jam novæ hujus machinæ per se quidem satis evidens est: *quadruplicem* vero potissimum Noster in vernacula dedicatione, qua suam Hydraspidem (*Wasser-Schild*) inscripsit Majestati Cæsareæ, commemorat. Scilicet 1. insignis ejus utilitas esse potest naufragii tempore, dum ea instructus ab immensis undarum fluctibus non majus periculum sustinet, quam quale cygni anatesque inde persentiscerent, hoc est, nullum: præterea nec vestibus se nudare opus habet, nec inedia tolerare, cum vel ad 14. & plures dies victum secum portare valeat. 2. inservit ad effugiendam subitam aquarum vim, impetuoso diluvio decliviora loca pervadentium: si enim ibi habitans talem machinam, in superiori ædium parte ad futuros casus asservatam, in promptu habeat, facile & semetipsum eripere, & unum alterumve e tenellis liberis, quin & pretiosissima quæque cimelia secum absportare potest. Præter duplicem hunc usum primarium adhiberi eadem apta est 3. in bellis, si qua militum manus ad occupanda loca hostilia, aut explorandi gratia clam flumen aliquod transmittere jubenda sit: (maxime cum facta excensione Hydraspidis pondus portantium humeros vix tantum gravare queat, quam antiquorum clypei) denique 4. ad varias recreationes lususve in aquis peragendos, dum ita & personatas Sirenes, musico cantu aures oblectantes repræsentare, & aquaticis avibus aliisque animalibus insidias commodissime struere in proclivi est. Caterum non dissimulat Autor, quid aquilex Cæsareus, qui experimento simul adfuerat, in ea desiderarit: causatum nempe fuisse, simplicitatem machinæ habere aliquid inelegans ob imæ partis rotundam æqualitatem: convexam enim fieri potuisse, ne illud quodammodo capsulæ genus referret, quod Italis *una Scatola*, Germanis *Schachtel* dicitur. Placuisse hoc sibi Noster ait, quod ex eo argumentum ceperit, probare illum cætera, quia aliquid reprehendisset: attamen parum nos de cultu aut specie sollicitos esse debere judicat, ubi de claustris erebi effugiendis agatur: si tamen maxime ornatus causa *hydraspidem* subtus arcuare quis mallet, præterquam quod pretium ita una cum labore & artificio au-  
geatur,

geatur, verendum putat, ne crescente sic mole coxendices impediatur in remigando commovere se, & gradum, cum opus fuerit, accelerare: quamobrem suadendum haud existimat, ut pulchrior componatur machinae forma, nisi ad utilitatem simul id conducat insigniter: non vetat tamen, quin (præterquam quod fabri dexteritas machina leviori parata ejus molestiam multum allevare queat: unde testatur eam quam apud se servet Hydraspidem, ista quæ Viennæ confecta fuerat, duplo leviolem esse) delicatam quis magis faciat, emolliendo intimam partem, quæ pectus ambit, corio, quod pilis cervinis aut gossipio suffarcinari possit. Quod superest, finale Inventoris votum & nostrum facimus, ut nempe homines imposterum quamplurimi *hydraspidis* hujus auxilio salvi sanique ex undis minacibus & mortiferis ad tellurem enatent, Deumque Servatorem inde celebrandi amplissimum nanciscantur argumentum.

*OBSERVATIONUM MEDICINALIUM CENTURIA, a D. Paulo Spindlero Posonii quondam consignata, nunc collecta, in ordinem redacta, scholiis propriisque observationibus aucta &c. Studio & opera Caroli*

*Raygeri M. D.*

Francofurti ad Mœnum. Typis & Sumpt. Philippi Fievez. A. 1691, in 4.  
Constat plagulis 86.

**P**Arciora ex Hungaria Scripta hætenus vidit Medicina, neque alia, quam Cöberi *Decades Observationum Castrensiũ*, sparsæque Observationes Miscellaneis Celeberrimæ Naturæ Curiosorum Academiæ insertæ, innotescunt; vel quod nemo Hungarorum literis quidpiam consignavit, vel quod ea, quæ a nonnullis congeſta fuerunt, continui bellorum tumultus distraxerunt ac pessum dederunt, quemadmodum Clarissimo nostro Editori videtur. Etenim hic, ne similem præſens Conſanguinei ſui Observationum Centuria experiretur sortem, tanto promptius eam cum publico communicare communicatamq; Scholiis illustrare voluit, quo pluris etiamnum in Hungaria ipsius Autoris, Ratisbonæ qui vivere deſiit, & nomen & medicamenta æſtimantur; poſthac Georgium quoque Wernherum de admirandis Hungariæ aquis, propriumque de Eudemiis & Epidemiis Hungariæ factum exhibiturus. *Observatione prima*, quam cum paucioribus aliis delibabi-

mus, mendicus publicus, cranio licet exeso cerebroque partem mediam putredine consumpto, supervixisse, aphonus tamen, perhibetur. *Obs. 2.* cephalalgia sistitur diuturna, verme lato per superiora ab usu Gummi Guttae ejecto, inducias concedens. *Obs. 12.* vertigo pertinacissima indigitatur, a polypo utrisque naribus succrescente sedata. *Obs. 14.* in catharris materiam interdum expui puriformem absque phthisi, duobus exemplis evincitur. *Obs. 19.* obauditionem in febribus malignis non salutare semper signum, sed triste sæpius præsagium esse gravissimi capitis affectus traditur. *Obs. 27.* bini phthistici colica enarrantur allevati. *Obs. 29.* pulmonum vomica asphyxiæ in infante causa per Anatonem detegitur. *Obs. 37.* febrem petechialem in principio aliquando videri catharralem innuitur. *Obs. 39.* præter alia, quæ circa pestem Possoniensem A. 1644. annotantur, oleum juniperinum nonnullis unice profuisse, ac vespillonem quendam solo oleo scorpionum interne & externe adhibito restitutum fuisse, commemoratur. *Obs. 48.* miles quidam, olim sclopeto sub costis nothis trajectus, vestigium vulneris monstrasse fertur, fæces alvinas saltem, ubi nimium cibi vel potus assumptum fuit, eructantis. *Obs. 52.* in vidua, post asthma diuturnum ascitica, porus aliquis cutis sponte recensetur apertus, tantum feri profundens, ut toto abdomine subsidente illa ex solo Rob sambuci vel ebuli usu reconvalesceret. *Obs. 65.* vir quidam ob amnium uxoris, quod hæc periaptri loco gerebat, impotens conjicitur. *Obs. 74.* mentio injicitur molæ carneæ, intus cavæ & aqua multoque sabulo arenoso, quin & lapillis friabilibus, instar pisorum, repletæ. *Obs. 88.* variolæ describuntur epidemiæ A. 1660, cum petechiis & vesiculis nigris ægros corripientes, licet anno proxime præcedenti satis benignæ extiterint. *Obs. 98.* vulnus a cane nondum rabido, qui a rabidis tamen aliis sæpius morsus credebatur, inflictum atque incautius tractatum exhibetur lethale. Cæterum singulæ observationes concisè propositæ verbis, Scholiis prolixioribus a *Nobilissimo Editore* ita dilucidantur, ut ubivis fere affectuum morbidorum non saltem natura & medela uberius declarentur, sed & casus cumprimis paralleli aliorum æque Autorum ac proprii adducantur. v. g. ad *Obs. 10.* quæ varia circa apoplexiam annotat, propriis exemplis, tum pulsum fortissimum in plurimis apoplecticis ad mortem usque perseverasse, tum sæpius pulsum alium in carpo dextro, alium in sinistro deprehendi, potissimum in sauciatis & male curatis, com-

proba-

probatur. Ad *Obs. 12.* Errhinum singulare docetur, Empirico cuidam quondam arcanum, ex Euphorbio præparandum. Ad *Obs. 26.* a vermicibus affectum interdum produci, qui pleuritidem mentiatur, aliquot exemplis confirmatur. Ad *Obs. 31.* asthmatis causam primariam sæpissime in abdomine delitescere, dissectione duorum asthmaticorum demonstratur, ceu in quibus pulmones sani, intestina vero ad rupturam usque inflata apparuere. Ad *Obs. 42.* acidulæ in cholera humida commendantur, exemplo cujusdam podagrici, qui diu lecto affixus, cum repente bilem per superiora & inferiora, torminibus, præcordiorum compressioribus, & siti maxima concomitantibus, ejiceret, ab usu acidularum Rohitschensium, tantum fallendæ sitis gratia primum præscriptarum, convaluit. Ad *Obs. 72.* febris alba non tam a mensibus suppressis, quam digestionis primæ derivatur vitio, eo quod chalybeata proficua deprehendantur, p. n. ventriculi acidum absorbentia, semperque pica præcedat, multarum virginum testimonio, quas inter desponsata quædam refertur, prohibita saltem glacie, cujus esu mire delectabatur, & matrimonio subsequente restituta. Ad *Obs. 96.* dum mira ex terrore symptomata exponuntur, præter alia mentio fit Illustrissimæ cujusdam Comitissæ, ob arcis, quam inhabitabat, invasionem nocturnam aphonæ redditæ, absque eo, ut loquelam unquam recuperarit. Attamen dispositionem omnino ad hunc vel illum morbum jamjam in corporibus subesse animadvertitur, cum peste præterita plurimi ob viros elatos demortuos aut in platea cadentes perterriti, haud tamen peste correpti fuerint. Tandem *Martini Rulandi Sen.* adjicitur *Thesaurus Medicus*, pro filiis suis charissimis quondam conscriptus & Spindlero ab Autoris ex filio Martino Rulando Medico Cæsareo nepote, Joh. Davide Rulando per testamentum relictus, plerorumque morborum, secundum alphabeti seriem digestorum, succinctam medelam tradens, nonnullaque medicamenta singularia demum describens, prout in autographo inventa fuerunt.

## LIBRI NOVI.

*Veteres Arcus Augustorum Triumphis insignes, ex reliquiis quæ Roma adhuc supersunt, cum imaginibus triumphalibus restituti, antiquis nummis notisque Joh. Petri Bellorii illustrati. Romæ 1690. in fol.*

*Tacite avec des Notes Politiques & Historiques, par Mr. Amelot. A Paris 1690. in 4.*

*Traité Historique & Theologique touchant l'état des ames apres la mort, par Mr. de la Conscillere. A Hambourg 1690. in 8.*

*Histoire des Perruques: où l'on fait voir leur origine, leur usage, leur forme &c. par Mr. Jean Baptiste Thiers. A Paris 1690. in 12.*

*Petri Danielis Huetii Episcopi Abrincensis designati Demonstratio Evangelica. Tertia Editio ab Autore recognita, castigata & amplificata. Parisiis 1690. in fol.*

*Epistola Juda Commentario explicata & tempori presenti accommodata; cum Appendice de Agapis: per Philippum Joannem Tileman dictum Schenck B. Theol. D. &c. Marburgi Cattorum 1690. in 8.*

*Lettres du Cardinal Mazarin, où l'on voit le secret de la Negotiation de la Paix des Pyrenées &c. A Amsterdam 1690. in 12.*

*Nicolai Gurtleri Historia Templariorum Observationibus Ecclesiasticis aucta. Amstel. 1691. in 8.*

*La Vie de Charles V Duc de Lorraine & de Bar, & Generalissime des troupes Imperiales. A Amsterdam 1691. in 12.*

*Testamentum & Passiones inita, inter Muhammedem & Christiana Fidei Cultores. Arabice & Latine. Hamburgi 1690. in 4.*

*C. Suetonius Tranquillus ex recensione Joh. Georgii Gravii. Editio secunda auctior & emendatior. Haga Comitum 1691. in 4.*

*Thoma Godvini Moses & Aaron, seu Civile & Ecclesiastici Ritus antiquorum Hebraeorum; cum notis perpetuis Joh. Henrici Reizii. Ulirajelli 1690. in 8.*

*Dissertation sur le Chenix de Pythagore; par J. du Rondel. A Amsterdam 1690. in 12.*

*Summa totius doctrinae de Pontificis autoritate & infallibilitate, a nuperis cavillationibus Natalis Alexandri & Felicis Deschamps vindicata: autore P. F. Francisco Janssens Elinga. Brugis 1690. in 4.*

*Dissertation touchant l'Usure si elle est mauvaise de sa nature, ou l'Usure considérée selon les lumieres de la raison naturelle. A Bruxelles 1690.*

\* \* \* \* \*

## LECTOR BENEVOLE.

**Q**uæ Diaria Eruditorum hactenus ediderunt, id egisse videntur unice, ut notitia librorum, qui recens editi jam sunt, Lectores suos imbuerent.

rent. *Vicit vero eorum omnium industriam clarissimus Basnagius in Historia Litteraria (Histoire des Ouvrages des Sçavans) primum quidem per mensium, inde per trimestrium intervalla, Roterodami hætenus edita; dum non contentus libros qui jam dum prodierunt recensuisse, ex Amicorum insuper epistolis Excerpta Lectoribus communicat, quibus de iis etiam qua deinceps proditura sunt, aut in quibus elaborandis docti hoc tempore viri occupantur, fiant certiores. Nobis utique institutum hoc probatum ita fuit, ut imitandum illud nobis proposuerimus, certi rem gratam nos quamplurimis facturos, si in posterum non Acta tantum sed & Agenda Eruditorum publicaverimus, id est, si indicaverimus, paucis licet, quenam undequaque expectanda cum tempore sint doctorum virorum litteraria monumenta. Neque desunt nobis in exteris etiam regionibus Viri Clarissimi, qui ad nos subinde perscribunt, quid suo loco Eruditi moliantur & sub manibus habeant; quos agre non laturos speramus, si eorum, quæ nescire nos noluerunt, notitia nostro studio propagetur ad omnes, qui Acta hæc legere dignantur. Et nunc quidem exhibemus tantum*

## NOVA LITTERARIA EX ITALIA.

**R**Omæ typis Collegii de Propaganda Fide brevi absolvetur quartus isque posthumus tomus Bibliothecæ Rabbinicæ *Julii Bartolocii de Celleno*. (De tribus tomis prioribus videantur Acta Erud. A. 1686, pag. 588) *Joannes Petrus Bellorius* prælo dudum subjecit opus de Lucernis veterum, figuris ornatum bene multis, illustratumque commentariis suis. *Johannes Ciampinus* Veterum Monumentorum tomum secundum, antiquitates Basilicarum D. Petri & S. Johannis Lateranensis complectentem prælo parat. *Emanuel a Schelstrate*, Bibliothecæ Vaticanæ Præfectus, absolvit primum tomum Antiquitatis Ecclesiasticæ, quo sex priorum seculorum res Chronologicæ continentur. Opus vero illud typis describere incipiet, ubi secundum tomum de Institutionibus Ecclesiarum, & tertium de Conciliis & Collectionibus Canonum transcribi curaverit. *P. Marraccii* contra Alcoranum opusculum propediem publici futurum juris est. Eiusdem argumenti opus magnum idem adornat, cum tempore edendum. *P. Hieronymus Visalis*, Theatinus, recudi curabit duobus tomis Lexicon suum Mathematicum, multis accessionibus auctum. Numismata majora Cardinalis *Carpinei* proditura denuo sunt, sed plurimis aliis aucta,

Neapo-

Neapoli eruditus in Horatium commentarius sub prælo est. Ibidem *Gregorii Calofresii* Discursus pro Ariosto adversus Tassum imprimitur. *Antonius Bulifon* Historiam Neapolitanæ urbis & regni a nato Christo usque ad A. 1690 composuit, suisque sumptibus editurus est. Sex illa tomos complectetur, quorum primus typis jam descriptus dicitur. *Pompejus Sarnellius* de Episcopis & Archiepiscopis Beneventanis Commentarios Chronologicos Italico idiomate edit.

*Saladinus* Episcopus Parmensis novam editionem meditatatur poematum Latinorum civis sui *Pacifici Maximi*, eaque non a mendis tantum typographicis, sed & quibuslibet obscene dictis purgare allaborat. Parmæ aut Patavii proxime prælo subjicietur *Salvianus* de Piscibus, cum iisdem figuris æneis, quæ in prima editione Romana habentur.

Florentiæ typis maximam partem jam exscriptus est liber, cui titulus: *Della Serie degl' antichi Duchi e Marchesi di Toscana &c.* i.e.: De Serie priscorum Ducum & Marchionum Hetruriæ, cum aliis memoratu dignis de Imperio Romano & Regno Gothorum ac Longobardorum, Pars I ab exilio Fl. Momylli Augustuli pertingens usque ad excessum Ottonis III Imperatoris; auctore *Cosmo de Rena* Academico Florentino ac Furfurario. *Henricus Norisius* Appendicem ad Annum & Epocham Syro-Macedonum (quem librum in Actis A. 1690, p. 425 recensuimus) edit, qua præcipue de cyclo Paschali agitur.

Papiæ sub prælo esse dicuntur quædam Responsa Juridica JCTi *Trincadini*, ut & JCTi *Peckii* (qui auctor est 4 tomorum de Aquæductibus) Opus integrum de Servitutibus.

*Scire etiam B. L. volumus, Problematis in Actis præteriti anni mense Majo p. 219 a Clar. Dn. Jacobo Bernoulli propositi, solutionem a Fratre ejus Dn. Johanne Bernoulli, currente adhuc mense Novembri anni superioris nobis transmissam; quam tamen tantisper premere nos jussit, donec celeberrimus Leibnitius suam, in Actis dicti anni mense Julio p. 360 promissam, publico impertiverit: ne scilicet Cel. Viro vel gloriam inventionis præripere voluisse existimeretur, vel omnino ansam præbuisse sua suppressendi.*

## ERRATA.

In Actis Anno 1690, pag. 221 irrepsit sphalma: Duæ primæ lineæ inferendæ medio paginæ post *Summam Soluti*, & corrigendæ ita: *Hæc si subtrahatur a summa debiti, remanet &c.* Pag. 431. versu 3 pro *Hadriani* lege *Antoninipii*. Pag. 432. v. 10 & 11 pro *pranomen* lege *nomen*. Nummum Tripolitarum pag. 429. memoratum cum epocha ΓΑΦ modo esse in Cimeliis Mediceis, a Josepho Magnavacca cum aliis eo delatum, Clar. Norisius nobis indicavit. Pag. 603. l. 3. pro *quos* lege *quæ*.

*Post octiduum proditura est Sectio VII Supp lementorum.*



49

N II.  
ACTA  
ERUDITORUM

*publicata Lipsiæ*

*Calendis Februarii Anno M DC XCI.*

**BARTHOLOMÆI LEONHARDI SVENDEN-  
dörfferi, Jure-Consulti & Antecessoris Lipsiensis  
Senioris, Processus Fibigiani Editio  
Secunda.**

Lipsiæ, impensis Joh. Christoph. Tarnovii, 1691. in 4.

Plagul. 118.

**Q**uid in sinu suo Processus Fibigianus foveat, notius est in terris maxime Saxoniciis, quam ut multis explicari indigeat: cum passim omnium, quos judiciaria praxis exercet, manibus liber hic utilissimus teratur. Unde non tam circa ipsum ejusque contenta, quam potius circa additamenta, quibus nunc denuo locupletatus in lucem prodit, nostra hæc relatio versabitur. Scilicet ediderat *Gothofredus Fibigius*, Jctus quondam & Antecessor in Academia Salana haud incelebris, anno primum 1659 Processus in foro cum primis Saxonicæ recepti succinctam delineationem, exiguo satis volumine, quippe vix viginti plagulis constantem. Hanc dein, ante hos quindecim annos celeberrimus Svendendörfferus, Academix nunc nostræ Senior suspiciendus, observationibus quibusdam practicis formulisque stylo judiciorum Saxoniorum approbatis, quas privatim antea suis auditoribus communicaverat, illustratam & non parum adauctam in publicum denuo prodire jusserat. Sed ecce nunc iterum liber hic in lucem emittitur, adeo quidem mutato habitu, ut vix Fibigius ipse, si ad auras superas remeare daretur, suam hancce prolem, tam divite additionum apparatu excultam agniturus foret: certe enim, teste vel ipso plagularum numero, plus quam decuplum nunc pristinæ suæ molis implet. Nimirum varia, tam Observationes quam Formulas processuales concernentia, quæ priori illi a se adornatæ editioni adhuc deesse animadverterat Consultissimus Auctor, supplere hic sategit, partim ex probatissimis quibusq;

G

frci-

scriptoribus, partim ex propriâ experientia penu: quam nempe locupletissimam facile congerere licuit jam ultra quatuor lustra in Suprema Curia Provinciali, qua Lipsia nostra ornatur, munere Assessoris defungenti; quem proinde tam expertum viâ ducem nemo facile sequi recusabit, genuinam ac modernam nostrorum dicasteriorum, tam in advocando, quam judicandâ praxin addiscere gestiens. Quo vero additamenta, quæ nunc de novo accesserunt, mox a prioribus illis notis Fibigiano textui adjectis secerni possent, ea singula præfixis ordine cyphris signantur; quibus computatis patescit, eorum numerum usque ad 742 ascendere. Præter varia vero alia non ubivis obvia (quorum etiam referimus distinctionem istam *pag. 8. ex Jos. de Sesse* adductam, qua Processus vel Cisternus, vel non Cisternus dici perhibetur: ille scilicet, qui ab alio dependeat, tam quoad causam agendi & petendi, quam quoad rem & quoad partes litigantes; hic vero, ubi diversa causa allegetur.) passim in iis continentur breves resolutiones quæstionum in cunctis processibus judiciarii, nostratis præsertim, partibus incidentium: quarum aliquas, quæ librum perlustrantibus nobis ante alias se obtulerunt, specimen ergo in gratiam Lectoris attulisse haud erit dividia. Sic v. g. definitur, Commissarium non posse declinare juramentum testimoniale super iis, quæ processum & ordinationem commissionis concernant, *pag. 18. Procuratorem* hodiernis moribus non fieri Dominum litis, *p. 23. Notarium* in causa, in qua Instrumentum confecit, non posse advocati munere fungi, *p. 71. Actione reali* in loco rei sitæ instituta, non recte citationem insinuari immediate in rem, de qua litigetur, *p. 118. Multa licet*, ob continuatam contumaciam, in pœnali citatione duplicata vel triplicata, & quidem cum expressa reservatione prioris, non tamen nisi pœnam ultimo commissam esse exigibilem, *p. 125. Citationem* non quolibet in loco posse fieri, ubi citandus deprehendatur, nisi & ibi domicilium habeat, *p. 140. Commissam cautionem* de judicio fisci non pertinere ad judicem, sed actorem, *p. 142. Beneficii excussionis & divisionis renunciationem* in constitutione Syndici a parte Actorum quidem necessariam esse, Reorum vero non item, *p. 207. Cautionem rati* oretenus tantum, non etiam per scripturam præstari posse, *p. 251. Contra liberos* in judicio Patris inquisitionem recte institui, *p. 304. De feudo* Amfalfio etiam simultanee investitum his in terris conveniri posse coram judicio Electorali vel Curiali, *p. 308. Per arresti impositionem* non produci litispen-

tispendentiam, *p. 323*. Fidejussorem conventum non teneri ad litis denunciationem faciendam, *p. 406*. item, hanc ipsam non rite fieri posse per literas privatas, *p. 416*. Executionem non impediri ab interventione, *p. 451*. Litem pro affirmative contestata haberi ob contumaciam, respectu istorum quoque articulorum, qui negati fuerint, *p. 524*. Probationem ad perpetuam rei memoriam etiam per documenta aliquando fieri valere, *p. 539*. In probatione ordinaria non licitum esse renunciare publicationi examinationis testium jamjam factæ, altera parte invita, *p. 545*. In juramento minorationis locum non habere jurejurandum calumniæ, *p. 552*. Eum, qui sese cum alio hereditati immiscuit, non posse ab altero illo exigere juratam specificationem, *p. 580*. Termini probatorii cursum incipere, non a die exhibitarum Remissorialium, sed latæ sententiæ appellationis: item in casu desertæ leutationis vel appellationis, non a tempore finiti decendii post sententiam super probatione latam, sed a die pronunciata desertionis in rem judicatam transeuntis, *p. 617*. Sententiam sine publicatione attestatorum latam non esse nullam, *p. 657*. Literarum etiam ignarum, linguæ peregrinæ imperitum documenta recognoscere teneri, *p. 672*. Juratam diffessionem ob alterius contumaciam non haberi pro præstita, *p. 737*. uti nec juramentum calumniæ, perhorrescentiæ, minorationis, editionis, in litem, & ob neglectum inventarium, *p. 1327*. Literarum comparationem locum non invenire in executivis, *p. 744*. Juramentum calumniæ speciale præstandum esse, licet generale jam ab initio litis præstitum sit, *p. 751*. Litis reassumptionem etiamnum in executione necessariam esse, *p. 770*. Reconventionis reconventionem non admitti, *p. 789*. Registraturam publicatæ sententiæ, partibus utrinque in termino emanentibus, nullum habere effectum, *p. 805*. Sententiam leuteratam pro re nata in deterius mutari posse, *p. 822*. Non admissibilem esse leutationem contra sententiam ignotam, quæ in contumaciam publicata fuit, *p. 827*. Fatale interponendæ leutationis non posse prorogari, *p. 832*. In concursu leutationem concreditoris non haberi aliis creditoribus communem, *p. 841*. Leutationem in processu quidem inquisitorio non admitti; bene tamen contra sententiam, quæ velit inquisitionem instituendam, *p. 844. sq.* Ante impetratam etiam de admissa leutatione resolutionem, peti debere citationem ad ejus prosecutionem, nisi deserta esse debeat, *p. 849*. Appellationem aliquando fieri posse ad non superiorem, *p. 855*. Per antici-

pationem quoque justificationis desertam fieri appellationem, *p. 871*. Renunciationem appellationis, in instrumento obligationis factam, non impedire appellationis interpositionem, *p. 879*. Heredes non teneri ad solutionem expensarum contumacialium, *p. 921*. Licitatione subhastationem præcedente non acquiri jus præcedentiæ, *p. 1000*. Pro debito etiam fidejussorem & heredem debitoris posse incarcerationi, *p. 1032*. Jus retractus ejusque fatale cursum incipere non nisi a tempore finitæ subhastationis, *p. 1054*. Renunciationem separationis bonorum a majori creditorum parte factam aliis non nocere, *p. 1098*. Creditorem aliquando contra debitoris quoque debitorem petere posse arcum, *p. 1174*. Arrestum ex certa causa impetratum non porrigi ad alia credita, *p. 1193*. Infamem non prohiberi a juramenti delatione, *p. 1294*. Post factam juramenti præstationem, ejus desertionem ulterius urgeri non valere, *p. 1316*. Relationem juramenti, super fidei commissio relicto delati, non habere locum, *p. 1361*. Testem haud posse depositionem suam corrigere, nisi in continenti, *p. 1464*. Causam ad judicem appellationis non devolvi, si sententia ex nova causa reformetur, *p. 1488*. In actionis injuriarum in heredes continuatæ sententia defuncti mentionem fieri debere, *p. 1542*. Diffamanti licitum esse ante injunctam probationem deferre Juramentum super veritate diffamationis, *p. 1570*. Sed quorsum provehimur, materiarum amœnitate illecti? certe enim exempli loco longe pauciora allegare sufficisset. Quod si tamen quis, nondum hisce satiatus plura discupit ejusmodi, eum ad ipsius libri fructuosissimi evolutionem ablegamus: in cujus fronte mox amplum offendet catalogum quæstionum hoc in opere pertractatarum: quemadmodum & in calce locupletissimus rerum & verborum index subjungitur.

### DISQUISITIO DE LINGUA GERMANORUM Veteri & Hodierna Christiani Grubelii Gymna- sii Visurgini Rectoris.

Mindæ impressa a Joh. Piler 1690. in 4. plag. 10.

**D**isquisitio hæc Cl. Autoris, jam XX abhinc annis in Academia Salana delineata, sed ex eo tempore in majus aucta, in V. capita dispersita deprehenditur. In I. quod de *præcipuis rerum Germanicarum*

*rum*

rum scriptoribus inscriptum est, antiqui pariter atque recentiores illarum autores memorantur. E vetustissimis esse Autor ait, *Plinium Secundum* & *Asinium Quadratum* (nam illius *Tacitum*, hujus *Agathiam* meminisse) sed quorum libri de bellis Germanorum peculiare intererint. Hos excepisse *Julium Cæsarem*, qui primus reliquerit, quæ ad gentis Germanicæ illustrationem facerent; verum in hoc quoque *Asinium Pollionem* diligentiam apud *Suetonium* in Julio c. 56 desiderasse. Fide igitur præ illo dignos esse *Plutarchum*, *Dionem*, *Tacitum*, & *Ammianum Marcellinum*, & hunc quidem maxime, utpote qui non audita tantum enarret, sed & visa, & quibus ipse interfuerit. Post Carolum autem M. scriptores exsurrexisse non paucos in Germania, qui illustrandæ patriæ impenderint operam. Imperatorem inprimis hunc ipsum non religionem tantum Christianam propagandi, sed & linguam historiamque Germanicam excolendi zelo quodam flagrasse, testibus tot membranis diplomatis ex Bibliothecis vetustis hinc inde erutis. Illos inter principe loco referendum esse *Eginhardum*, qui præter vitam Caroli M. & Annales scripserit, qui vulgo perperam *Adelmo* vel *Adelmaro* tribuantur. Hunc secutos fuisse plures, & seculo quidem X *Reginonem*, *Luiprandum*, *Wutichindum* & *Dithmarum*; seculo XI *Wipponem*, *Lambertum Schafnaburgensem*, *Brunonem* belli Saxonici scriptorem, *Marianum* Chronographum, *Sigebertum* Gemblacensem & *Adamum* Bremensem; XII *Ottonem* Frisingensem, *Godofridum* Viterbiensem, *Helmoldum* historiæ Slavicæ conditorem; XIII *Conradum a Lichtenaw*, *Albertum* Stadenensem, *Godofridum* Coloniensem, *Vincetium* Bellovacensem &c. XIV *Siffridum*, *Eberhardum*, *Sicronem*, alios. Sed his seculis XV & XVI successisse plurimos, quorum post *Trithemium*, *Naclerum* & *Kranzium*, XL referuntur; nec defuisse huic seculo XVII rerum Germanicarum illustratores, *Cluverum* inprimis, *Strauchium*, *Onringium*, *Winckelmannum*, *Bæclerum*, & hodieque superstitem illustrem *Pufendorffium*; quibus & Actorum eruditorum, quæ Lipsiæ eduntur, conditores annumerare Autori placuit. Præ cæteris autem linguæ Germanicæ studiosissimum fuisse Carolum M. Hunc enim non Latinæ tantum ac Græcæ linguæ fuisse gnarum, sed in poesi quoque Germanica se exercuisse; quin & ex studio pietatis tam novum Testamentum, quam Psalmos Davidis Teutonice reddidisse. Hujus vestigia legisse solum non degenerem Ludovicum Pium, cujus opera & uni-

versus Codex sacer redactus in rythmos Teutonicos fuerit. His addendos esse ob singularem patriæ linguæ curam Rudolphum I & Maximilianum I; sed horum laudes in caput ultimum dum rejicit Grubelius, commendat interim præter *Lexicon* veteris *Sermonis Germanici* a *Lindenbrogio* concinnatum, *Origines* item *Germanicas* celeberrimi *Morhofii*, quas in Præfat. Lib. de German. Ling. & poesi promissit, præclarum *Iusti Georgii Schottelii* opus, non sine insigni linguæ Germanicæ encomio ex Conringiana præfatione desumpto. Caput II agit *de Germanorum nomine*. Recensentur hic diversæ autorum de eo sententiæ, rejectisque illis hæc tandem eligitur, quod origo vocis hujus sit Germanica, ut Germanus idem sit quasi *Weerman* vel *German*/ quasi *Barman* / ὁ βαρμανός; & de voce *man* ostenditur insimul, quod non in Germanica tantum, sed aliis etiam linguis ducem vel præfectum denotet. Nec ignotam esse vocem *Manni* vetustissimi Germanorum Regis, ut & *Thiſconis* vel *Tutonis*, præsci Germanorum Dei, a quo & ipsa Germanorum lingua Teutonica sit appellata. Caput III *linguæ Germanicæ originem* excutit. Refellitur hic primum *Goropius Becanus*, qui Cimbriam seu Belgicam linguam facit omnium antiquissimam, adeoque & ipsius Hebrææ matricem, cujus a sententia Triumviri Suecorum doctissimi *Schrieckius*, *Stiernhelmus* & *Rudbeckius* non videntur alieni. Deinde & eorum sententia non admittitur, qui linguam nostram recentiore, quam par est, statuunt, ejusque natales vel ex Græca vel ex Latina lingua arcessunt. Quamvis enim similitudo quædam eluceat inter vocabula quædam Germanica & Græca Latinave, originationem tamen unius ex altera extorqueri idpropter non posse. Repetitur tandem origo linguæ nostræ a γλωττοσυγχήσει seu confusione linguarum a Deo ipso immixta. Nam inde natam quoque Scythicam, quæ non aliarum tantum Europæarum, sed & ipsarum Græcæ ac Latinæ mater fuisse *Morhofio*, *Plempio*, *Præschio* aliisque videatur. Scythicæ autem linguæ autorem vel disseminatorem non tam Chamum esse, quam Gomerum, a quo & Cimmerii dicti sint quasi Gomerii, qui iidem sunt cum Scythis & Celtis, Germanis omnium vetustissimis. In Capite IV agitur *de modis conservandi ac propagandi linguam Germanicam*. Modus autem hic duplex advertitur, naturalis alter, qui fiat beneficio linguæ & quidem sono rebus significandis exprimendisq; apto; alter artificialis per stylum, instrumentum olim scripto-

rium

rium, per chartam, per tilia corticem, coria boum & pellès ovium, plumbum, linteum, ceram, ebur, lapides, ligna, arundinū involucria &c. Nam in his omnibus stylo adhibito literæ olim fuerunt consignatæ. Cum vero literas Germanicas ex Latinis demum post Caroli M. tempora aut Friderici II demū ætate enatas esse, sint qui statuunt, Autor eas avo Carolino longe antiquiores agnoscit, quamvis literæ Latinæ per Germaniam ad Rudolphum I usque in usu fuerint. In C. V. differit Autor *de mutationibus linguarum, deque variis lingua Teutonica ætatibus atque dialectis*. Et vero ut res aliæ, ita linguæ quoque variis mutationibus ob varias causas sunt expositæ. De Germanica lingua luculentissime id demonstrat Morhofius in aureolo libello jam laudato, cumque eo Grubelius. Primam ejus faciem seu ætatem exhibent carmina antiquissima, quæ annalium instar erant apud temporum illorum Germanos. Nam illa rude & inconditum quid præ se ferunt, quanquam præter historiam temporum, & religionem & vitæ morumque regulas continebant. Hanc periodum excepit melior Caroli M. tempore, qui & carmina, quæ in laudem Heroum decantari sueverant, abrogavit (loquimur ex mente Autoris) novosque cantus Christianismo dignos instituit. Et huc referuntur carmina teutonica *Othnidis* Longobardi & *Gibiri* Vangionis apud Goldastum, *Arosvica* apud Taubmannum & *Willerami* ac *Ostfridi* apud Joh. Isaac. Pontanum. Tertia linguæ Germanicæ ætas cœpit secundum Grubelium imperante Friderico II; quo tempore & in Galliis provinciales poetæ effloruere, qui suam tamen rythmometriam non aliunde quam a Germanis acceperant. Nam postquam omnia ante ipsum instrumenta publica non alia quam lingua Latina fuissent concepta, primus hic Imperator constituit, ut constitutiones deinceps omnes sermone patrio scriptæ publicarentur: quod & ipsum post eum Rudolphus I novo edicto confirmavit. Ex eo tempore, sed maxime post Maximilianum I, qui Rudolphinam Constitutionem repetiit, Germanicæ linguæ flos magis magisque increvit, editis scriptis Germanicis tam sacris, inter quæ chorum ducunt Biblia Lutheri Germanica, quam politicis, qualia præ cæteris sunt Goldastina atque Hortlederiana. Sed florem hunc longe ampliorem illustrioremque seculo reddidit Illustrissimus Frugiferorum Ordo anno 1617 institutus, qui non præsides tantum tres huc usque habuit cellissimos, Ludovicum Principem Anhaltinum, Ducesque Saxonie duos Wilhelmum atque Augustum, sed & inter mem-

ter membra Regem unum, E ctores III, Duces XLIX, Marchiones IV, Landgravios X, Pfalzgravios VIII, Principes XIX, Comites LX, Barones XXXV, præter sexcentos alios & Nobiles & viros doctos. Horum enim omnium id erat studium aut labor, ut divitias linguæ nostræ ex abdito quasi sinu expromerent, majestatemq; ejus orbi universo ostentarent.

### JOHANNIS HOORNBEKII SOCINIANISMI

*Confutati Compendium, ipsissimis Cl. Autoris  
verbis concinnatum.*

Lugd. Batav. apud Felicem Lopez 1690. in 12. chartæ augustæ.  
Continet Alphabeta 2.

**T**RIBUS olim tomis Socinianismum confutare aggressus fuit doctissimus, dum viveret, Theologus Batavus *Johannes Hoornbeck*: quorum primus Ultrajecti A. 1650 prodiit, quo tempore Pastorem & Professore in Ecclesia & Academia Ultrajectina agebat; alter Amstelodami A. 1662, cum Pastor jam esset ac Professor in Ecclesia & Academia Lugduno- Batava; tertius Amstelodami A. 1664. Magno autem in pretio opus illud non apud Batavos tantum, sed & externos fuit, ut distractis dudum exemplaribus, de eo, & in folio quidem, ut loqui amant, recudendo sæpius cogitarint Bibliopolæ Batavi. Quod tamen institutum cum nescio quibus sufflaminatum hæcenus fuisset impedimentis, & necessarium tamen videretur, studiosam Sacrarum Litterarum Juventutem ad gravissimas, quæ cum Socinianis intercedunt controversias mature præparari, inque iis exerceri probe, quod ista pestilentissima secta hic illic, in Hollandia cum primis, incrementa indies caperet: bene se de Ecclesia meritum censuit *David Knibbe*, Hoornbeckii ante triginta annos discipulus, si opus paulo prolixius contraheret, ejusque Compendium privatis olim usibus concinnatum publici juris faceret, quod & comparari sic leviori pretio, & breviori tempore pervolvi, eoque a pluribus legi posset. Quo instituto quin multis consultum fuerit, non est cur dubitemus.

### SAMUELIS BOCHARTI HIEROZOICI COM- *pendium, a Stephano M. Vecsei Ungaro adornatum.*

Franequeræ apud J. Gyselaer. 1690. in 4. Constat Alphabet 4. & plagulis 13.

En aliam



**E**N aliam doctissimi Operis, quod a celeberrimo olim Bocharto de Animalibus, quorum in S. Scriptura mentio fit, compositum, ac Londini primum A. 1663 typis descriptum, inde Francofurti ad Moenum A. 1675 recusum fuit, Epitomen. Præfixa huic legitur Theologi Franequerani D. *Johannis Vander Wayen* Epistola, qua magnam is rixarum ac altercationum abominationem professus, iram tamen in adversarios, *Huberum*, *Witsium*, *Spanhemium* collectam parum dissimulat; *Vesfii* interim, discipuli sui, in concinnando hoc Hierozoici Compendio studium ac industriam ex merito deprædicans. Hanc brevior alia Theologi Groningensis D. *Johannis Braunii* Epistola excipit, commendans itidem Autoris nostri institutum. Ad calcem vero hujus operis *Vesfius* ipse succinctam in Prophetiam Obadiæ Paraphrasin, nec non Thefes in illustriores Evang. D. Matthæi ac Lucæ parabolas, in Epistolam item D. Judæ, & Apocalypsin adjecit. Cæterum de *Bocharto* plura dicendi occasio nobis præbebitur, ubi universorum ejus operum, tum quæ edita jam antehac fuere, tum quæ in scriniis hætenus doctorum virorum latuerunt, editio, quæ in Hollandia adornatur & propediem aspectura lucem dicitur, ad nos pervenerit.

## PRAXEOS MATERNIANÆ IN MORBIS

*internis præcipue gravioribus & chronicis*

*Syntagma.*

Londini apud Sam. Smith, 1690. in 8. plagul. 32.

**S**I prudentum censura vultus animi characterem depingit, mirum non videbitur, si, quæ libro præfixa imaginis sculptura est, magnificum Auctoris ingenium cuilibet facile insinuet. Fuit autem ille, cum in vivis esset, vir summus, *Theodorus Mayerne*, Eques auratus, Baro Albonæ, & in aula Magnæ Regis Britanniæ Archiatrorum Comes. Et enimvero amabilitatem cum gravitate temperatam ita exhibet effigies, ut & gratiam formæ grandæva ætas, & singulare simul judicii acumen subinnuat. Nec dubium est, quin singularem Viri eruditionem ex præsentis scripti refectione quilibet facilius collecturus fuisset, si editionis curam ipse suscipere vivens potuisset. Nunc vero cum saltem ex adversariis, consiliis, epistolis, schedisque rejectaneis compositum sit, ac ipso jam diu defuncto prodeat, non mirum est, referente celeberrimo *Charleto-*  
*nio* in præloquio, quod passim lacunæ & chasmata reperiantur, illa vero

H

maje-

majestas & perfectio hic desit, quam in aliis ejusdem herois ingenii monumentis, dum vixit, in publicum emissis, cernere est. Nos ad amussim instituti nostri opus ipsum pede levissimo percurreremus.

Continet autem tres in universum libros, juxta tres corporis regiones, capitis videlicet, thoracis, & abdominis affectus complectentes. Primus 19 omnino capitibus circumscribitur, agitque de frigida cerebri intemperie, paralyti, epilepsia, tremore, vertigine, apoplexia, mania & melancholia, capitis dolore, catarrho, gutta serena, ophthalmia, suffusione, hypopyo, epiphora, ægilope, ozæna, surditate, dentium dolore, scrophulis. Alter 8 capita includit, ac cordis palpitationem, tussim & asthma, nec non hæmoptoen & pleuritidem, empyema itidem & phthisin, ac tandem pectoris hydropem exponit. Tertius 26 capitibus absolvitur, in quibus de ventriculi affectibus, de vomitu, de diarrhœa, dysenteria, tenesmo, lumbricis, hæmorrhoidum fluxu, fistula in ano, hepatis affectibus in genere, & in specie de obstructione, ictero, hydropse, de tumore lienis, melancholia hypochondriaca, scorbuto, abscessu mesenterii, nephritide, inflammatione & ulcere renum, mictu cruento, ardore urinæ, vesicæ calculo, ictero virgineo, mensium fluxu immo dicto, & corundem suppressione, passione hysterica, fluore albo, scirrhus & cancro uteri, curatio traditur; in capite antepenultimo autem regimen faminarum liberos gignere volentium & remedia salutaria proponuntur, ac ultimo loco appendix de variolis. Horum omnium non eadem invenitur tractandi methodus. In quibusdam enim, ut ut admodum paucis, brevis quædam affectus descriptio, in aliis signa, in pluribus indicationes curativæ præmittuntur medicamentorum apparatus, quem satis amplum & ad Galeni maxime palatum, ex apozematibus, electuariis, sirupis, tabellis &c. expositum invenimus. Insertæ hinc inde sunt epistolæ & observationes ab Auctore consignatæ, nec non consilia pro ægrotis ab aliis Medicis expetita. Nos spicilegii instar sequentia huc inferimus.

- pag. 10. In epilepsia commendatur syrmaismus, nec non pulvis quidam  
 p. 13. raro fallens, R. Corn. Rhinocerot. cran. human. præp. a. 3ij. nepenth.  
 Quercetan. pulv. cordial. Banisteri a. ʒj. M. F. P. in vitro exactissime  
 clauso asservandus. Dos. ʒß ad ʒj. in vehiculo idoneo. Nepenth. au-  
 tem & pulveris Banisteri descriptiones statim subjunguntur. Caterum  
 p. 16. baccis juniperi singulari modo præparatis dicuntur epileptici curati,  
 quos

quos, cum quævis alia essent irrita, nemo non pro deploratis habuerit. Empiricus insuper allegatur, qui epilepsiam cum admiratione curarit candela cerea incensa & nuchæ inusta, datis simul ad comedendum radicibus præoniæ in patella cum butyro frictis. In vertigine curanda secretum asseritur consistere in calamo aromatico, quocunque modo sumatur. Quidam vero Germanus Londini curavit vertiginem, exhibendo pilulam unicam granorum 5, Auctoris judicio ex saccharo Hi cum terebinthina Veneta vel Cypria coagmentatam. In apoplexia laudatur oleum antimonii, cujus cita & seria operatione multi fuerint excitati. Dæmoniacos dignoscendi geminum tantummodo fertur signum; quando nimirum variis, iisque sibi ignotis loquantur linguis, deque scientiis nunquam salutatis solide differant, ac quando corpus grave in sublime raptum diu in aere hæreat. In palpebrarum pruritu summo, inflammatione, tumore, lippitudine, Auctor sibi ipsi admovit spongiam mollem liquore sequenti tepidulo imbutam quavis hora dici, maximo cum levamine: R. ovum recens, coqu. in cineribus ad duritiem, aperiatur, extrahatur vitellus, cujus vice cavitas repleatur pulvere ex vitrioli albi & sacchari candia. part. æqu. Claudatur optime, ponaturque in lbj. ▽ rosar. atque in ea infus. stet per dies duos naturales, hinc F. colatura ad usum. De muliere quadam Angla memoratur, quod in filio Comitis Warvvick operationem admirandam peregerit, aperiendo corneam tunicam supra pupillam, ad totalem humoris aquei effluxum, qui post aliquot dies postliminio succreverit. Hinc repleto oculi globo, puncturaque oclusa & consolidata, restitutam fuisse visionis aciem, ægrumque perfecte curatum. Atque hic annotatum ab Auctore, corneam non sentire. In furditate commendatur suffitus siccus furdis auribus insufflatus, ut ex tabaco vel ipso sulphure, si pertinacius malum hæserit, imo incassum omnibus, æger mitti jubetur ad thermas sulphureas, ut longa capitis irrigatione humor impactus liqueatur, & spiritui animali detur per auditus organum liber com meatus. In odontalgia illico dolor sistetur oleo tabaci, cujus cum gossypio colligendi modus traditur. De opio pulchrum, ait Auctor, secretum non esse revelandum omnibus, quomodo nimirum fœtor ab ipso removeri queat, si ejus ʒj. cum duobus capitibus alii destilletur per alembicum, & aqua prolecta in potu detur, mirabiliter somnum provocans. Ex ranis viridibus describitur dentium evulsivum, quo si lignellum illinatur,

p. 34.

p. 43.  
p. ead. &  
seq.

p. 46.

p. 54.

p. 79.

p. 84.

p. 96.

p. 97.

p. 99.

p. 101.

p. 102.

- p. 105. & circa dentem ducatur, hic facile separatur. In scrophularum cura Clar. Auctor ꝑ crudum propinavit in conservis vel electuario idoneo ex specificis concinnato, idque per plures septimanas sine ullo discrimine. Ellebori nigri vis deprædicatur in eradicandis morbis pertinacissimis, & renovatione corporis universali, si foliorum pulvis aliquot granorum pondo quotidie assumatur. Ex bufonibus autem aliisque & 125. curationes scrophularum haud infelices recensentur. Ad tussim puerorum convulsivam panis tostus cum butyro & melle pro jentaculo laudatur; præ omnibus tamen mures exenterati detracta cute, vino abluti, deterfi & exsiccati in clibano, donec possint in pulverem redigi, ad no. 2. aut 3. intra 3. dies, mane, a prandio, & sub lecti ingressu sumendi commendantur. Ex pulmonibus vel hominis, vel aliorum animalium mumia docetur præparari, cui insignis efficacia tribuitur.
- p. 144. In asthma & dyspnœa laudibus evehitur fumus sequenti modo adhibendus: R rad. enul. sic. fol. marrub. alb. & hyssop. a. zij. tabaci Indic. ʒiij. auripigm. ʒʒ. F. omnium pulvis subtilissimus, qui excipiat vitello ovi, & lævigetur in porphyrite instar pigmenti pictorum, atque extendatur penicillo in foliis tussilaginis, & sinantur omnia siccari perfecte. Incidantur folia usus tempore instar tabaci, & fumus excipiat ex tubo seu fistula mane jejuno ventriculo, & paulo ante ingressum lecti valde extussiendo. A succo urticæ urentis fluxum sanguinis ex quacunque causa, sive per os, sive per nares, sive per menstrua, sive per hæmorrhoides, sive per plagas erumpat, optime restringi affirmatur.
- p. 167. Sputum vero sanguinis, in maxima quantitate prodiens, extemplo substituisse per fumum a calce viva humectata cum aqua & aceto inter respirandum copiosissime haustum. In pleuritide irritis omnibus aliis vesicatorium amplum dolenti parti applicatum, ingentem seri seu ichoris copiam per plures dies evacuasce, ægrumque variis morbis attritum ac moribundum, sic esse restitutum.
- p. 177. In empyemate tabacum compositum, quod inter alia auripigmentum flavissimum scintillans recipit, per fistulæ fumum hauriendum esse, paulo ante assumptionem apozematum pectoralium, bis terve in die. In pulmonum, aliisque omnibus internis ulceribus perfecte per strenuam exsiccationem curandis, nulli secundum esse guajacum; radicem tamen chinæ illius usui seq. aliquot dies præmittendam. In phthisi ex lacte ebutyrato specificum parari, quod desperate laborantibus profuerit plurimis. Contra-
- diarrhœæ-

diarrhoeam & dysenteriam, ovum recens ab albumine vacuatum, spiritu vini impletum, & per se coctum, certissimum esse remedium. Lumbricos fugari ab aqua portulacæ, in qua plumbum liquefactum septies vel octies extinctum sit. Vernicem pictorum esse singulare remedium p. 226.  
 curandarum hæmorrhoidum, eoque Carolum V a muliere restitutum, cum ope nulla sanari posset. Unguentum quoque anodynum p. 232.  
 instar miraculi potens in hæmorrhoidibus cæcis, parari ex stramonio spinoso Peruviano. Ptilanam gratam, quæ eximie sitim sedet & refrigeret, confici posse ex solo pulvere glycyrrhizæ in aqua citra calorem macerato ad tincturæ extractionem; imo impensius refrigerantem fieri, si p. 241. &  
 quinta pars prunellæ lapidis adjiciatur. Turcarum Sherbet ex succis acidis berberum, ribium, citri &c. cum saccharo elaborari, cujus p. 246.  
 quoq; parandi paradigmata exponuntur. Puellam ictericam 18 annorum præmissa purgatione felicissime convaluisse, poto vino albo per quatuor dies, in quo maceratum fuerit per diem pomum aurantium integrum caryophyllis & cinamomo transfixum, deinde sub prunis lenissimo igne coctum. In ascite mercurium dulcem cæteris vacuantibus, sicut p. 262.  
 nitrum diureticis, præferri omnibus. Suppositorium ex rad. cucumeris afin. vel ebuli 6. digit. longum mirabiliter aquas extrahere. Rosas moscatellinas albas conditas, ut acetaria solent, oleo, aceto, sale, & comestas initio pastus ad Mj. hydragogon *εὐπόριον* efficax præbere. p. 264.  
 Ex ovis autem formicarum in lacte ebutyrato coctis diureticum egregium concinnari, ita ut inde copiosæ urinæ aliquando totam matulam sæpius repleverint. Hydropicorum tibiis applicandam esse chartam p. 276.  
 bibulam aceto ebriam. Contra flatum ventriculi capiendum esse cochlear unum infusionis theriacæ in vino albo, vel aqua cardui benedicti. p. 286.  
 In ardore urinæ injici posse per syphonem liquorem ex decocto lenientium & emollientium cum lacte vaccino, & mucilaginis malvæ, cydon. &c. mistum. In vetula generosa fere nonagenaria, quæ cum ulcere renum & vesicæ conflictata sit, provocatam fuisse salivationem, ita ut sedatis omnibus symptomatibus, annum integrum satis vixerit sana. p. 288.  
 Observationem Auctor perelegantem allegat cujusdam laborantis caruncula in urethra, & ischuria correpti, partim a fungosæ carnis inflatione, partim a grandiori arenæ grano meatum jam pene occlusum penitus obstruente. Hunc scilicet de vita desperantem, & consilii inopem, assumpto syphone, seu syringa stanæa, aerem saltem ex vacuo p. 289.  
 p. 291.  
 p. 298.  
 p. 307.  
 p. 372.  
 p. 378.  
 p. 379.

syringæ corpore in meatum impulisse cum aliqua violentia. Sic dilatato ductu successive multum aeris intrasse vesicam, qui ne erumperet, quoties syphonis apicem seu fistulam extrahebat ad novum aerem captandum, arte digitis pressisse urethram. Tandem satis oppleta vesica, laxato & remoto obice, flatus cum impetu erumpentes arenam expulisse, & prorupisse urinam satis copiosam maximo cum levamine.

Deinde quoties aliquam expertus sit difficultatem, recurrisse ad hanc sacram anchoram nunquam fallacem. Qua vero ratione adhuc emendari operatio possit, clarissimus Auctor statim subijcit. Caterum Scoti cujusdam lithotomi, indocti alias, methodus, qua post extractionem lapidis, vulnere & vesicæ felicissimo cum successu prospexerit, delineatur.

P. 392. In ventriculi, lienis & uteri affectibus inveteratis & pertiniacibus sæpe

P. 404. & seq. vinum chalybeatum per annum integrum Noster præscripsit. Quid faciendum feminis sit studentibus liberos progignere, operose satis describitur, atque ad conceptum retinendum jubetur caneros fluviatiles vivos in olla vitreata post panis extractionem clibano immitti, dum redigi possint in pulverem subtilissimum, cujus ꝑj. mane & sero in cibis sumantur. In nausea gravidis familiari vel millies sine ulla noxa,

P. 408. imo summo cum levamine, pilulas pro gravidis Riverii Auctor exhibuit. Ab oleo autem seminis napi per vetustatem albedo, sumpto cum aqua pulegii regalis, conceptus falsos, molas, excludi putat. Contra

P. ead.

P. 413. p. ead. & sequ. tormina puerperarum suadetur pulvis sequens immediate post partum assumendus: R rad. consolid. maj. ʒj. nucleor. Perficor. nuc. mosch. a. ʒij. succin. ʒß. ambr. gryf. ʒß. F. P. de quo capiatur ʒj. ex vino albo. Si hic in primo partu exhibeatur, nunquam in sequentibus pertimenda esse tormina asseritur: si in aliis, illa saltem imminui.

P. 416. In papillarum fissuris R pingued. ex segminib. coriorum in aqua coctis supernatantis (Gallis *surpoint*) q. v. liquefiat sæpius, & abluatur aqua rosarum ad coloris & odoris mutationem; F. instar pomatæ: illi-

P. 419. nantur papillæ, quas cito siccant & cicatrizant. Quod si infans nascatur debilis, percutiendas esse nates pedumque plantas, ori autem taleolam

P. 428. cepæ indi, quod præsens sit remedium excitans. In fluore albo præmissis præmittendis laudatur sperma ranarum idoneo tempore collectum, & diligentissime exsiccatum citra adustionem, ita ut possit in pulverem redigi. In scirrho & cancro uteri si quid valeat in discussione,

P. 434. certe & crudus creditur prodesse permixtus in parva quantitate pilulis foetidis

foetidis vel floribus sulphuris. Audacter jubetur dari sapius sine metu  
 pyralismi, qui quamvis superveniat, nihil nociturus sit. Carnem quo-  
 que viperarum in cancri cura prodesse vel exinde judicatur, quod ma-  
 gni momenti auxilium præbeat elephantiasi laborantibus, quæ tamen  
 sit cancer universalis. Præterea chalybeata cum menses moventibus  
 principem locum obtinere perhibentur, cum ad internos scirrhus e-  
 molliendos & absumendos chalybe reperiatur potentius nihil. Hinc  
 passulatum ex aqua chalybeata utiliter pro potu ordinario laudatur.  
 In variolis ab initio, & ubi adest magna plethora, quamvis illæ jam  
 incipiant erumpere, mitti sanguis e brachio jubetur. In magno au-  
 tem periculo vesicatoria magna & plura applicanda humeris, carpis,  
 genibus, malleolis esse, traditur. Quodsi brevis & difficilis respiratio  
 cum metu suffocationis, aut inflammatio summa in variolarum matu-  
 ratione ingruat, aut tumor erysipelatodes caput occupet, sine mora  
 præsens præcavendum suadetur periculum applicatione hirudinum  
 sub auribus ad venas jugulares, aut ranularum apertione. Tandem  
 methodus medendi annectitur cicatricibus & maculis variolas ordina-  
 rie consequentibus. Ad calcem libri inveniuntur quoque medica-  
 mentorum descriptiones, quæ in contextu passim extant vel præscripta,  
 vel tantum memorata.

p. 435.

p. 436.

p. 446.

p. 448.

p. 450.

## G. G. L. ARS COMBINATORIA.

Francofurti apud H. C. Crökerum. 1690. in 4. plag. II.

**L**ibellus ab Autore admodum juvene anno 1665 compositus & anno  
 1668 Lipsiæ editus, nunc ipso inscio inconsulte recusatus est. Ta-  
 met si enim applausu non vulgari eruditorum fuerit exceptus, & novas  
 complures meditationes non poenitendas, quibus semina artis inveni-  
 endi sparguntur, contineat, atque inter cæteras palmariam illam de A-  
 nalyti cogitationum humanarum in Alphabetum quasi quoddam notio-  
 num primitivarum; judicat tamen celeberrimus Autor libellum non satis  
 esse limatum, nec præsentibus ejus cogitatis ac personæ ubique respon-  
 dentem, & veniam olim datam, in quibus aliqua interdum luxuriant-  
 is ingenii audacia laudatur, nunc a se peti non posse. Itaque per nos  
 moneri lectores cupit, ne putent talia nunc a se protrudi; & in eo im-  
 primis editorem, quisquis est, in se injurium fuisse censet, quod ne ver-  
 bulo

bulo quidem indicarit hanc editionem esse novam, ex priore tot ante annis publicata expressam. Et præter æconomiam operis, in qua multa possent mutari in melius, speciatim quædam corrigenda indicare voluit. Ita schema elementorum & qualitatum pro lusu ingenii magis eleganti quam vero habet; statuit etiam colores ex sola mistura lucis & umbræ non oriri, sed alia lucis modificatione opus esse. Agnoscit, problemata quædam numerica longe perfectius solvi, & solutiones accuratius demonstrari posse; nam illo tempore Autor profundiorum Matheseos vix eminens salutaverat, itaque ignarus alienorum inventorum, nec satis analyticos compos, quædam de suo extuderat, festinata meditatione, & adhuc tironem sapiente. Lapsus quoque commissus est in Modis, quos figuræ syllogisticæ habent, determinandis: etsi enim verissimum sit (quod hic fortasse primum est observatum) in quavis ex quatuor figuris modos utiles reperiri totidem, nempe sex; in quarta tamen unus festinatione quadam est male positus, & pro OAO (ubi major PN seu O, minor UA seu A, conclusio PN seu O) qui locum non habet, substitui debet modus AEE, ubi major UA, minor UN, conclusio UN, adeoque pro Colanto juxta Bocardo, poni debet Calerent juxta Camestres. Et hoc quidem in utraq; editione est corrigendum pag. 12. Fortasse etiam nomina quorundam modorum melius formari deberent, si tanti esset. Sed in editione nova novus ibidem admissus est error; nam Frisefmo poni debet sub figura o seu nulla, non sub 4 seu quarta. Neque enim in ulla figura dari potest modus IEO, in quo major PA, minor UN, & conclusio PN. Aliaque passim sphalmata nova occurrunt; tantum abest ut priora sint correctæ. Denique demonstratio existentie Dei, libello adjecta, tamen si aliquid boni contineat, ipsi Autori numeris omnibus absoluta nunc non videtur.

*DISSERTATIO CHYMICO-PHYSICA DE  
Effervescencia & Fermentatione, nova hypothesis fundata,  
cum descriptione alicujus perpetui mobilis pure artificialis,  
autore Johanne Bernoulli Basiliensi.*

Basileæ typis Jac. Bertschii, 1690. in 4. plag. 4.

**I**ngeniosus Autor & doctissimi fratris vestigia premens, fermentationem & effervescenciam gradu tantum distinguit, illam lente incipere, mo-



re, moderatam magis esse, & diutius durare, hanc contra. Duo ait esse corporum genera ad eas concurrentia, unum *agens*, cujus particulæ sint tetraedrae triangulis isopleuris contentæ, alterum *patiens*, cujus particulæ sint ex talibus tetraedris hedras sibi obvertentibus compositæ, & ita sinuositates inter se relinquunt, quibus inserti apices prioris ipsas partes patientis frangant, & ita aeri compresso incluso exitum præbeant. *Agens* putat esse *acidum*, & *patiens* esse *alkali*. Notat ex Bartholino Aët. Med. p. 2. obs. 70, regulam antimonii cum mercurio sublimato bene mistum & in arctum compressum incallescere & fumum emittere, idque unum novit exemplum solidi cum solido effervescentis. Disputat contra Borellum, qui de Mot. Anim. p. 2. pr. 29. statuebat, partes inter effervesendum dilatatas mox rursus concidere; cum tamen experimentis constet, aerem a fermentantibus emissum non evanescere rursus, sed colligi posse. Et contra Mayovv statuit, esse verum aerem; & experimento Clar. fratris probat, aerem in pulvere pyrio plusquam centies naturali esse densiorem. Postremo subjicit constructionem motus perpetui pure artificialis, quæ huc redit. Duos liquores dari supponit diversæ gravitatis specificæ, qui misceri invicem, rursusque per filtrum aliquod separari possint. Jam vas aliquod liquore ex ambobus in proportionem æquali (si placet) mistis composito implet: deinde tubum sumit utrinque apertum, sed orificium inferius filtro duos illos liquores separare apto obturat; & ita tubum vacuum vasi perpendiculariter immergit, ita tamen ut pars tubi emineat super liquorem in vase contentum. Tubi tamen longitudo non debet esse nimia, sed talis, ut si plenus poneretur liquore leviori, non tamen in æquilibrio esset cum columna liquoris misti in vase contenti, sed levior. His positis tubus vacuus implebitur liquore leviori per filtrum, & quia in æquilibrio non est cum liquore misto, minus quidem alto, sed tamen magis gravi, ideo liquor levior a columna misti ex tubo expelletur, & ita continue tubus per superius orificium apertum exonerabitur in subjectum vas, & per orificiū inferius ex vase per filtrum vicissim continue implebitur. Atque ita nunquam ex Autoris sententia circulatio ista cessabit. Eoque modo putat etiam originem fontium & elevationem aquæ marinæ per subterraneos meatus percolatæ in montes, explicari posse. Ubi tamen considerandum erit, an gravioris liquoris actio per filtrum intercepta intervenire nihilominus ad levioris separati impulsū, adeoque

an ultra superficiem liquoris mitti in vasè positi liquor levior in tubum attolli, & sic ex tubo expelli possit.

*FREDERICI RUYSCHII, ANAT. CHIRURG.  
& Botan. Professoris, Observationum Anatomico-Chirurgicarum Centuria. Accedit Catalogus Rariorum, quæ in Museo Ruyfchiano asservantur. Adjectis ubique iconibus æneis naturalem magnitudinem representantibus.*


Amstelodami apud Henricum & Viduam Theodori Boom. 1691. in 4.

Constat plagulis 36, & Figurarum ænearum plag. 11.

**N**obilissima artium Anatome, nova quæ indies seculo hocce incrementa sedulo Professorum dexterrimorum labore capit, permulta inter hos celeberrimo nostro Autori fert accepta, utpote qui in eo haud acquiescens, quod vasculorum lymphaticorum & lacteorum valvulas nervoso jamjam scripto A. 1665 dilucidaverit, arteriam bronchiale denudaverit, multasq; Observationes Anatomicas rariores propalaverit; incomparabile porro de Anatomia æq; ac Chirurgia bene merendi studium in Observationibus præsentibus, quoad partem pro more a nobis perlustrandis, liquido commonstrat. *Obs. 1.* mirabilem in octogenaria quadraginta duorum calculorum, eadem forma & superficie admodum æquali gaudentium, utero cum portione vesicæ foras propendente secundum longitudinem inciso, extractionem edocet, atrocibus, de quibus diu conquesta fuerat, doloribus ilico evanescentibus, & consolidatione ipsius membranosa vesicæ partis vulneratæ, post adaptationem annuli plumbei, quoad extremitates recurvatas filo constringendi, feliciter insequente. *Obs. 6.* varios polypos membranaceo-carnosos ex interiori uteri prolapsi orificio propendentes delineat, adeo dolorificos, ut intuitu humoris aquosi & acris, copiose ab utero profusi & ulcus malignum excitantis, ægra brevi post defecerit. Verum veri subinde uteri e corpore prolapsum *Obs. 7.* & 9. confirmat; ab eo tamen totalem uteri inversionem, in aut mox post partum saltem contingentem, respectu oris uterini hic non conspicui discrepare, *Obs. 10.* declarat. *Obs. 14.* embryonem sistit, sex horis post partum alterius infantis robusti & viventis in lucem editum, ac funiculo umbilicali ex meris hydati-



A Fig. 3.



hydatidibus compaginato, nec non placentula ejusdem magnitudinis & crassitie, ac fœtus trimestris esse solet, instructum. *Obs. 16.* ipsum ovarium post abscessum inferioris & lateralis partis hypogastrii nimis profunde apertum cum pure erupisse, feliciter tamen fuisse repositum innuit. *Obs. 18.* in hydropicæ omento digitum crasso & carnoso tumorem describit, præter materiam pulraceam & albam, minus fœtentem, capillis cumprimis intricatis & crispis in glomum durum convolutis targidum. *Obs. 19.* in virgine ex hydrope itidem & orthopnoea defuncta, præter alia omentum scirrhum, peritonæum cum hepatis & renum membranis incrassatum, renem dextrum inversum, venas spermaticas crassitiem calami scriptorii excedentes, cor solito majus & aquam pericardii copiosiore, pulmonem pleuræ adnatum, & in aliqua hujus parte vesicularum pellucidarum acervum ab aere expansarum & ita obstructarum, ut levi negotio aer neutiquam exprimi valuerit, indigat. *Obs. 22.* vaginam uterinam in parturiente a duplici membrana perquam crassa, hymene scilicet ipso, & alia præternaturali profundius delitescente, forsan post imprægnationem ab excoriatione quadam inducta, clausam annotat, quibus demum membranis successive incisiss fœtus vivus & robustus prodierit. In partu portionem quoque uteri tantum lateralem prolabi, *Obs. 24*; aliquando vero os uteri procidere, *Obs. 5.* patet. *Obs. 27.* in asthmaticæ cadavere saccum membranaceum crassum, magnitudine ventriculum, cui incumbere, exprimentem ac hydatidibus repletum detegit. *Obs. 30.* penis virilis desperate corrupti, æque ac uteri prolapsi & in prodigiosam molem aucti, extirpationem non solum affirmat, sed & modum eandem operationem cum successu perficiendi ingenue communicat. *Obs. 31.* vesiculæ TAB. III. felleæ humanæ A, quæ intus cellulis B distincta, & calculosa crusta Fig. 1. C obducta apparuit, aliam vesiculam felleam bovinam A summo Fig. 2. pere angustatam, cum B ductu cystico, C radicibus ejusdem ductus, DD poro biliario crusta calculosa intus obfessa, & E ductu communi ad intestinum tendente, eum in finem adjicit, ut folliculus felleus bili, quam & hic, & in poro biliario naturaliter ejusdem crassitie censet, diverticuli tantummodo esse vice elucescat. Placentæ uterinæ quemadmodum retentæ interdum pseudomolas secundum *Obs. 28.* constituunt; ita in hydatides quoque limpidas easdem aliquando degenerare, quæ nihil aliud quam minutissimæ earum glandulæ degeneres videntur,

*Obs. 33.* evincit. *Obs. 37. & 38.* mira ipsius aortæ ascendentis recenset aneurismata, costas una corrumpentia. *Obs. 40.* in cephalæa sctaceum aliis irritis unice proficuum commendat. *Obs. 44.* globulum succini diu in naribus hærentem, sternutatione demum rejectum, topho exhibet obductum. *Obs. 48.* fungum palati cum carie scalpello & cauteriis feliciter extirpatum refert; sine quibus in alio subiecto mortem eundem ob medicastrosum inscitiam accelerasse, *Obs. 49.* profitetur. *Obs. 51.* lienem cum hepate & renibus succenturiatis ad mentem *Malpighi* pro glandula sanguinea venditat, a cujus structura tam glandulæ lieni sæpius adsitæ, quam thyroideæ rite examinatæ parum videantur discrepare. *Obs. 56.* in cadavere mulieris asthmate mortuæ bronchia & cellulas pulmonum membranosas aqua spumosa repletas, ventriculum cum intestinis hypogastrium occupantem, nec uterum in pelvis medio, sed latere sinistro situm, renem denique sinistrum ejusque pelvim prodigioso calculo, magnitudinem & formam ingentis radices zinziberis apprimè referente, obsessum commemorat. Molas decantatas nil esse, nisi carnosas uteri excrecentias, aut placentulas retentas & ab utero compressas, neutiquam vero e mala conceptione oriri, cum & a virginibus, ac vetulis cum viris haud cohabitantibus, interdum excerni soleant, *Obs. 58.* adstruit. *Obs. 63.* tumores illos duos & oblongos in abdomine mulierum post partum sæpius superstites, omento a visceribus circumjacentibus compresso, & ab inflammatione superveniente incrassato per autopsiam adjudicat. Corpora aliquot vertebrarum dorsi in gibbosis nonnullis post nativitatem adeo in se invicem adigi posse, ut vix unius vertebræ corpus naturale adæquent, processibus spinosis in formam semicirculi dispositis, attestatur *Obs. 67.* In cadavere asthmatici, pulsû perceptibili ultimis diebus destituti ac lipothymiis continuis divexati, thoracem latice aquoso repletum, cordisque valvulas semilunares ossificatas, & penitus coalitas, nullum transitum sanguini concedentes, *Obs. 69.* demonstrat. *Obs. 70.* in hydropica itidem dissecta peritonæum variis in locis duris particulis, arenulas mentientibus, conspersum, venamque portæ ex parte ossæam factam observat. Famem caninam relaxato interdum pyloro deleri, *Obs. 74.* prodit. *Obs. 77.* polypos protrahit in antro Highmori hærentes. *Obs. 78.* vesicæ digitum præternaturaliter crassæ internam ostendit scabiem, cœu quæ ansem simul præbeat excrecentiis glanduloso-carnæis ex interiori

riori vesicæ tunica propullulantibus ac prope collum hujus hærendo tantam sæpe ischuriam inferentibus, ut cathetere saltem immisso locum reddi queat. Alveolos dentium interdum non in senibus modo, sed & in junioribus, tam post dentium casum, quam ante horum evulsionem, penitus ob varias causas aboleri, ut dentes frequentius non nisi membranis cohæreant, gingivis pariter deficientibus, *Obs. 82.* comprobatur. Uti sterilitatis causis tubarum quoque Fallopiarum *Obs. 83.* accenset clausuram: ita per easdem tubas lochia non minus, quam menstrua in abdominis cavitatem aliquando erumpere, *Obs. 84. & 85.* annotat. *Obs. 91.* affectionem iliacam, tanquam intestinorum atoniam, ab obstructione nervorum, intestinis a facibus vel deglutitis solidioribus obtaratis, intestini ingressu, coarctatione ejusdem naturali, hernia intestinali, intestinorum denique inflammatione deducit. *Obs. 94.* mentionem injicit ureteris dextri prope vesicam calculum recondentis, ac in parte media prodigiose extensi, puris pintam ad minimum continentis, e quo innumerabilia vascula alba, turgida & setam tenuem crassa, versus hypochondrium sinistrum tendentia, fuerint visa, forsitan eadem cum fibris membranaceis, ureteres cum lumbis alligantibus. *Obs. 97.* placentam uterinam ob centalem funiculi in eandem insertionem difficilius extrahi animadvertit. *Obs. 98.* herniam cysticam proponit a vesicæ in scrotum prolapsu enatam, nec non bubonocelen ex terrore combinatam lethalem, cum intestini ilei portio gangrænata per exilem circa tendines musculorum abdominis dilatationem nullo reponi modo valuerit. Tandem *Obs. 100.* glandis penis structuram accuratius evolvens, non tam carnem eum esse, quam veram nervosorum æque penis corporum, atque spongiosi corporis urethræ continuationem, sine ulla substantiæ mutatione, inflationis & exsiccationis beneficio demonstrat: quorum illa, corporis nerveo-spongiosi majoris & crassioris nomine a nostro indigitata, interiorem glandis portionem efformant; hoc vero, sive corpus nerveo-spongiosum minus & tenuius, exteriorem ejusdem partem constituat & undique ambiat, adeoque in glande obliterari falso a *Regnero de Graaf* perhibeatur. Etenim nec venarum per penem distributarum foramina visibilia, quibus instar cribri pro refluxu sanguinis accelerando pertusa deprehenduntur, ab ullo hætenus exposita fuisse, dum emolumentum e nova glandis penis textura in praxin Medicam redundans scrutatur, scita

penem inter & lienem vitulinum comparatione instituta, & quoad fibras nerveas, & quoad venas perforatas, omnino persuadet.

- Splendidum vero Museum adnexum quæ rariora exornant, ac tum in tumba erecta, tum thecis & repositoriis, tum theculis denique collocata & digesta reperiuntur, maximam partem sceleta sunt, ossa, partesque innumeræ hominis pariter atque brutorum nonnullorum nitide admodum præparatæ, ac lemmatibus desuper sive inscriptionibus ingeniosis condecoratæ. Solas vero thecas E & F triginta & quatuor Herbaria viva ab Autore tribus novissimis annis, quibus Botanices Professione præter Anatomicam & Chirurgicam Amstelodami defunctus est, confecta occupant, tam indigenas, quam exoticas plantas sine numero comprehendentia. In rariorum autem præparatorum corporum ingenti multitudine, jamdum a *Schwammerdamio Miracul. Natur. p. 36.* celebratorum, quamvis singula facillime arrideant, oculos tamen nostros ac mentem in præsentī recreant, quæ sequuntur. Duo videlicet maxillæ inferioris ossa in sceleto octo mensium membranæ saltem interventu coherentia. Os pectoris in alio sceleto pueri quadriennis ex undecim ossiculis rotundis conflatum. Uterus cum fœtu quadrimestri incluso per viginti sex annos adeo curiose conservatus, ac si recens exsiccatus esset. Ren humanus prodigiôsæ magnitudinis, lagenæ figuram referens. Membrana vasculis minutissimis ditata, quorum extremitates ceracea licet materia infarctæ, ob subtilitatem tamen absque microscopio in oculos haud incurrunt. Uterus cochleæ marinæ gravidæ, asperæ arteriæ æmulus, e multis annulis cartilagineis coagmentatus, ac cochleis exiguis, interposita materia spongiosa, intus repletus. Ligamentum teres tertium, præter naturam utero humano, in sinistrum locum retracto, connatum, *Obs. 88.* quoque commemoratum. Sequioris sexus fœtus humanus sex mensium cum dimidio, in liquore a multis annis nitide conservatus. Cerebrum humanum balsamo lapidis instar induratum, glandulam pituitariam cum infundibulo, medullam oblongatam & decem nervorum paria luculenter exhibens. Portio peritonæi cujusdam herniosi, tum peritonæum saltem dilatatum, tum vasa spermatica sub peritonæo, non vero inter duplicaturam ejus decurrentia ostendens. Particulæ pulmonis e viro inflatæ bronchia, calculo ingenti obfessa. Lien vitulinus a parenchymate glanduloso separatus & inflatus, per cujus superficiem vasa lym-



lymphatica numerosa flatu turgida disseminantur. Vascula sanguinea per membranas dispersa, mercurio vivo repleta. Varia vascula sanguinea a materia ceracea distenta, & ab omnibus adhaerentibus membranis penitus separata. Omenti portio, ut sericum referat, præparata. Cutis in filamenta, veluti fila sericea, dissoluta. Intestini jejuni humani portio, cujus valvulae conniventes plane oblitteratae. Hepatis portio glandulas hujus visceris luculentissime representans. Renes ovini prodigiosi, pintam aquae cum dimidia capientes, inflati ac balsamo cum annexis ureteribus præparati. Qualis expansio enormis, ob continuum & irritum urinam stagnantem expellendi conatum hernia renalis salutanda videtur. Vas lymphaticum per pelvim & renem dispersum. Vesica humana tribus ureteribus, seorsim sese in ejusdem cavitatem exonerantibus, instructa. Valvulae coli in equo recens in lucem edito ita coalitae, ut excrementorum transitus in totum fuerit impeditus, adaequata mortis subitaneae causa. Triplex ligamentum in colo equino, sicut in homine, cum triplicibus valvulis conniventibus cellulas representantibus. In intestini ilei humani portione diverticulum præternaturale satis magnum. Septum lucidum cum cerebro hydrocephali octo annos nati. Leporis parastata mercurio vivo repleta, in quibus notatu dignum est, mercurium per vasa ejaculatoria adactum non solum parastatas, verum etiam alia quaedam vascula minutissima versus abdomen tendentia replevisse. (Forſan hæc ipsa lymphatica sunt vasa, cum quibus vasa deferentia communicare, *Nobiliss. Camerarius Misc. Acad. Nat. Curios. Dec. II. A. VII. p. 432.* recens detexit.) Gigantis os syncipitis sinistrum. Gemellorum placenta uterina duplex. Anastomoses arteriam inter bronchiale & pulmonalem intercedentes. Embryo grani secalis magnitudine, cum annexa placentula e funiculo umbilicali jam a viginti quinque annis conservatus & induratus. Musculi brachii & pedis præparati ac balsamo per plures annos conservati. Testium virilium vasa repleta. Hominis os palati, e cujus medio dens molaris prorupit. Portio intestini jejuni humani admodum crassi & quasi congelati, quatenus omnia in eodem subjecto intestina gelu velut indurata ipso tempore æstivo apparere. Vesicula fellea humana a fundo ad extremum usque serpentino ductu repens &c.

De cætero quemadmodum e Figuris 85, quibus observationes dilucidantur

p. 44.  
p. 45. &  
109.  
p. 48.  
p. 53.  
p. 55.  
p. 60.  
  
p. 61.  
p. 62.  
  
  
p. 67.  
p. 65.  
p. 63.  
  
p. 68.  
p. 70.  
p. 81. 82.  
  
p. 66. 67.  
& 94.  
  
p. 90.  
p. 102.  
p. 110.

- p. 103. dantur, duas huc transcribi curavimus, ita e[st] Figuris 11 Museum pariter illustrantibus eam hic communicabimus, quæ in sterno partim ligamenta carti laginum, costas cum eodem arctissime connectentium, partim infinitos ramusculos arteriosos, elegantissime depingit. Scilicet A sternum est, ab antica parte sese exhibens. aaaa ligamenta denotantur, quorû fibræ instar stellæ aut striatim expositæ & a nemine hactenus (quantum Autori constat) descriptæ aut observatæ. bbbb innumerabiles existunt ramusculi e vasis mammariis oriundi.
- Fig. 3.

*AQUARUM FLUENTIUM MENSURA NOVA  
methodo inquisita Autore Dominico Gulielmino M. D.  
Bononiensi, in patrio Archigymnasio Scientiarum Mathematicarum  
primario Professore, & aquarum Bononiensium  
Superintendente.*

Bononiæ ex typographia Pisariana, 1690. in 4. plag. 8. & 4. Tab. æn.

**A**Utor in præfatione notat, in hoc quod tractat argumento P. Benedictum Castellum omnes quidem anteriores superasse, sed duo tamen dubia reliquisse, unum quod non distinxit diversas aquæ in diversis ejusdem loci partibus velocitates, cum alia sit versus superficiem, quam prope fundum, (quanquam Autor infra notet, in fluminibus discrimen non esse magni momenti;) alterum quod in propositione secunda libri secundi demonstranda nec sibi ipsi, nedum aliis satisfecit. Hæc igitur supplere & perficere cogitans Autor Clariss. plures libros composuit, ex quibus tres nunc in publicum emisit, reliquis judicium lectorum, & diuturniores, ut ait, cogitationes expectantibus. His autem prioribus libris simpliciores casus considerasse, in sequentibus magis complicata, quemadmodum revera occurrunt in fluminibus, expositurum. Adhibet autem pro variis aquæ *velocitatibus mediam* quandam, id est, quâ si aqua uniformem per totam sectionem perpendicularem seu per totam altitudinem fluminis in dato loco haberet, tantundem aquæ transiret, quantum nunc velocitate difformi. Itaque (fig. 4.) si aquæ velocitates in altitudinibus A, G, F, D, B, essent AK, GI, FH, DE, BC, velocitas media erit FH, posito (ut ait defin. 7.) excessum KLH esse æqualem defectui HMC. Figuram autem ABCHK vocat *complexum velocitatum*, & punctum F centrum velocitatis. Et lib. 1. prop. 1. ostendit post Castellum in  
sectio-

TAB. III. nunc velocitate difformi. Itaque (fig. 4.) si aquæ velocitates in altitudinibus A, G, F, D, B, essent AK, GI, FH, DE, BC, velocitas media erit FH, posito (ut ait defin. 7.) excessum KLH esse æqualem defectui HMC. Figuram autem ABCHK vocat *complexum velocitatum*, & punctum F centrum velocitatis. Et lib. 1. prop. 1. ostendit post Castellum in

Fig. 4:

sectionibus ejusdem fluminis velocitates (medias) esse in proportionem reciproca sectionum, & prop. 6 per sectiones ejusdem vel diversorum fluminum quantitates aquæ eodem tempore fluentes esse in ratione composita sectionum & velocitatum mediarum. Unde prop. 7. intumescente flumine erit quantitas aquæ fluens in intumescencia ad priorem, in ratione composita velocitatum (intellige semper medias) & altitudinum.  *Sectio* hic intelligitur *artificialis* seu regularis, quasi fundo per transversum horizontali, & ripis parallelis, & normaliter erectis. Altitudo autem intelligitur *viva*, aquæ scilicet fluentis, omissis depressi-  
onibus & quasi lacunis, quas fundus habere potest. Unde sectio est in ratione composita altitudinis & latitudinis seu baseos. Ex his constat, quod si (prop. 10) fluminis aqua aliud flumen ingrediatur, altitudo quam habet in secundo flumine, ad eam quam habebat in proprio alveo est in ratione composita velocitatum & latitudinum. Et (prop. 12) notat complexus velocitatum esse in ratione composita altitudinum AB, & velocitatum mediarum FH, cum complexus iste utique sit ut rectangulum AM; quæ quidem omnia ex figura sunt satis manifesta. Atque his tradendis absolvitur liber primus. Deinde in *lib. 2* tractat de *Canalibus* inclinatis, iisque *solutariis*, quos ita appellat, cum canalis ab ipso initio totam suam aquam recipit, quam ad terminum usque fluxus deferret, nullis novis canalibus durante fluxu receptis; si vero novi canales in priorem influant, canalis dicetur *unitus*. *Lumina* sunt foramina insculpta in lateribus vel fundo vasis, per quæ aqua repleto vase potest fluere. Propositione 1 continetur libri secundi fundamentum, nempe si ex vase aqua pleno effluat aqua per lumina similia & æqualia, sed inæqualiter infra superficiem aquæ sita, erunt quantitates aquæeductæ inter se in subduplicata ratione altitudinum incumbentis aquæ, dummodo tamen semper perseveret supra lumina æqualis aquæ altitudo. Eam propositionem ab aliis jam positam, & a Mariotto observationibus comprobata, etiam sese veram experimento comperisse ait in cœnobio D. Bernardi PP. Olivetanorum, cum defuncto Abbate D. Tadæo de Pepulis & D. Joh. Ludovico Donello Philos. & Med. Doct. collegiato, in Mathematicis laudabiliter versato. Ex demonstrationibus tutiorem sibi visam Torricellianam, quam subjecit. Cum vero jam perinde sit, ubicunque foramen, infra an ad latus, & quorsum vergat: itaq; Autor ipsam sectionem fluminis per quam effluit, tanquam lumen

TAB. III.

Fig. 5.

considerat, elevationem autem initii canalís, tanquam altitudinem; & quoniam in eo videtur contineri nervus sententiæ Autoris, placet prop. 2. cum sua demonstratione & figura ipsiusmet verbis subijcere, ut lector judicare possit: Eadem est Velocitas aquæ fluentis per aliquam sectionem canalís inclinatis, ac si fluxerit e vase per lumen simile & æquale sectioni, tantundem a superficie aquæ remotum; quantum sectio ab horizontali per initium canalís. Sit canalís inclinatus AB, per quem fluat aqua in sectione B, & sit AE horizontalis per initium canalís, dico in sectione B eandem esse velocitatem aquæ, ac si flueret per eandem sectionem B tanquam lumen, e vase clauso ABE, in quo aquæ superficies sit AE. Quoniam enim aqua est corpus grave, si intelligatur ab A fluxisse in B per planum inclinatum AB, erit eadem velocitas in B ac in D, si ex A in D cecidisset (Supponitur enim AD horizonti perpendicularis & secta horizontali DB) vel ex C in B; sed & in vase clauso velocitas luminis B eadem est, ac si aqua a C in B descendisset: Ergo velocitas in B eadem est, sive aqua fluat per canalem AB, sectione B, sive fluxerit e vase ABE, lumine B. Q. E. D.

Hinc concludit, velocitates in diversis sectionibus ejusdem canalís, esse in subduplicata ratione perpendicularium a sectionibus ad horizontalem per initium alvei. At porro colligit, in qualibet sectione canalís inclinatis majorem esse velocitatem in fundo, quam in aquæ superficie, sed quo major inclinatio canalís, itemque quo magis ab initio alvei receditur, hoc minorem esse differentiam. Hinc fatetur Autor in scholio, in fluminibus velocitatem fundi & superficiei sumi posse physice æqualem; imo ob contactum cum fundo in fluminibus parvæ altitudinis fieri posse, ut aqua sit velocior in superficie. Quoniam autem in parabola ordinatæ sunt etiam in subduplicata ratione altitudinum, hinc comparatione parabolæ Autor dictas proportionales exponit. Ad mensurandas mechanice velocitates pendulum aptat quadranti in gradus & minuta diviso, quod velocitate aquæ a directione dirahitur, velocitatesque ex Herigoni libro 9 Mechanicæ vult esse ut tangentes angulorum inclinationis, quos pendulum scilicet facit ad rectam verticalem.

Denique *liber tertius* tractat de Canalibus tam solitariis quam unitis, sed horizontalibus tantum. Ubi prop. 2 asserit velocitatem, qua fluit aqua per canalem horizontalem, esse eandem cum ea, qua flueret ex vase aqua pleno, cujus altitudo eadem, quæ altitudo viva aquæ

in ca-

in canali horizontali: adeoque velocitates esse in subduplicata ratione distantiarum a superficie aquæ. Notat tamen altitudines intelligi vi-  
vas; nam si subsit gurgis aut impedimentum, non modo retardatur  
aquæ velocitas, ut superioribus minor sit, sed etiam fit stagnans, imo mo-  
tum suum retrorsum convertit, quod pendulo se ait expertum. In prop.  
5 ostendit ex prædictis, quantitates aquæ in sectionibus canalium hori-  
zontalium ejusdem latitudinis, sed diversarum altitudinum fore in  
triplicata proportionem velocitatum mediarum. Quod sic quoque  
ostendi potest: cum quantitates aquarum sint in ratione composita  
sectionum & velocitatum mediarum; sint autem sectiones ejusdem la-  
titudinis ut altitudines, & altitudines in duplicata velocitatum media-  
rum: Ergo composita sectionum & velocitatum, erit velocitatum tri-  
plicata. Ex his deinde problemata quædam solvit, nempe: Data quan-  
titate aquæ fluentis in canali horizontali per sectionem datæ altitudi-  
nis & latitudinis, & latitudine alterius sectionis, invenire altitudinem  
ejusdem aquæ in secunda sectione. Datis duobus canalibus horizon-  
talibus notæ altitudinis & latitudinis, quorum unus influat in alium, in-  
venire altitudinem, quam addet canalis iussuens primæ altitudini alte-  
rius. Sectionem quamcunque canalis horizontalis ita dividere, ut  
partes aquam profundant in data ratione.

Atque hæc quidem summa est doctrinæ Autoris nostri, quam  
agnoscit in fluminibus minus applicabilem esse: & sane in longiore  
cursu fluminum velocitas attritu ita imminuitur, ut a subduplicata pro-  
portionem depressionum infra locum originis longissime recedatur, quæ  
locum haberet, si aqua per exiguum spatium fluere, aut si omnis ab-  
esset attritus fundi ac laterum, cohesioque partium aquæ ac motus ejus  
non minus liber esset, quam cum globus perfectus in plano inclinato  
exacte levigato delabatur. Licet enim alias talia accidentia negligan-  
tur, in longo tamen cursu accumulata faciunt, ut regula perdat officium.  
Interim quæ remotis accidentibus, atque adeo in exigua longitudinis  
canali locum habeant, Autor satis eleganter videtur complexus, nec  
dubium est in sequentibus libris multa etiam praxi apta traditurum,  
quorum maturata editio omnibus scientiæ tam utilis æstimatoribus  
gratissima erit.

## DISSERTATION SUR LE CHENIX DE

*Pythagore. par J. Du Rondel. i. c.*

K 1

J. Ron-

## J. Rondelli Dissertatio de Chœnice Pythagoræ.

Amstelod. apud Joh. Garrellum, 1690. in 12. plag. 5.

**C**larissimus *Rondellus* Professor Trajecti ad Mosam, (quem & anno 1686 p. 382, & anno 1687 p. 395 laudavimus,) epistolicam hanc  
 p. 3. de *chœnice Pythagorica* dissertationem Petro Bælio, Philosophiæ ac Historiarum Professore Roterodamensi celeberrimo, inscripsit.

Licet vero in vulgus notum sit, chœnicem mensuræ genus apud Græcos fuisse, tres frumenti cotylas, sive quantum homini in alimentum diurnum sufficiebat, capiens; obscurum nihilominus quam maxime est  
 p. 7. f. Pythagoræ de ea præceptum: *Chœnici ne infideas*. Quid moralis doctrinæ involucro hoc symbolico abdatur, non pauci veterum recentiumque philosophorum indagare sategerunt. Horum tamen nullus  
 p. 59. in sententiam suam pertrahere potuit Rondellum, qui ad sola *Bacchi orgia* effatum illud sapientissimi senis spectare, eruditus persuadere nititur.  
 p. 61. Observat igitur ex theologia Carthaginensi, animas hominum corpore solutas, si vitam sceleratam vixerint, pœnam luere in Hecates barathro; sin majorem in modum virtutibus studuerint, in campis Elysiis, aut si mediocriter a vitiis sibi temperarint, virtutibusque sese imbuerint, in Proserpinæ campo felici vita frui. Vertente dein tempore animas sive pias, sive impias ex subterraneo orbe in mediam aeris regionem evolare, ac dein in substantiam Lunæ resolvi. Hoc facto, virtute Solis magis magisque purgari, & divinæ demum vitæ ac purissimi corporis participes reddi. Quanto autem purius quælibet hoc in orbe vixerit, tanto citius ἀποκαταστάσεως ac ἀποθεώσεως quasi suæ periodum  
 absolvere. Ideoque immortalitatis ejusmodi defecata cupidi omni studio enisi sunt in id, ut integros vitæ scelerisque puros se ferverent. Et in his vel maxime reponendi sunt Bacchicorum mysteriorum epoptæ. Horum Numen non modo castitatis, sanctimonix & hilaritatis ex conscientia vitæ innocentis oriundæ, sed & mortis vitæque venturæ præses credebatur, sive, quæ *Eudoxi* phrasis est, τὸν πότῶν ἀρχεῖν δυνάμενος. Quotquot ergo, meritorum suorum conscii, æternitatis candidatos se putabant, spemque conceperant animo, sese Bacchi beneficio quantocyus ad transmutationis suæ terminum perductum iri, immane quantum lætari solebant, & extra se quasi rapti, inter computationes  
 p. 69. tripudique (externa intimi gaudii signa) ingeminabant: *Video! intersum! fruor!* itemque:  
 Duce

*Duce Te, (Bacche,) semper supremi ferimur spatia poli  
Fruimurque Calitum vi fruimurque dape Deum.*

Equidem inter Bacchicam religionem professos *multi* erant *thyrsiferi*, p. 67.  
*pauci Bacchi*, multi initiati, pauci epoptæ. Multi nempe in externis  
orgiorum ceremoniis hærebant, & ex hilaritate laudabili in belluis  
dignam voluptatem prolabeantur. At (si Rondellum audias,) istud p. 59.  
religioni Bacchicæ non magis fraudi esse debet, quam religioni Chri-  
stianæ *σωτήρια* illorum, qui Christi fidem ore professi Quadragesimam  
passionis dominicæ memoriæ sacram Bacchanalibus sobrietati Christia-  
næ maximopere adversis ordiuntur. Etiam si quoque S. P. Q. R. Bac- p. 73.  
chanaliorum sacra urbe sua rigidissimis decretis submoverunt, Noster  
tamen confidenter asserit, hoc non factum fuisse, quod scelerum ac  
impietatis convicerint orgia celebrantes, sed quod peregrinum Deorum  
cultum, (cujuscunque is generis fuerit) intra sua pomœria admittere  
noluerint, veriti forsan, religionum diversitatem dissensionibus & sedi-  
tionibus civilibus ansam daturam. Quia itaque Bacchus intemeratæ ac p. 53.  
purioris vitæ studiosorum numen tutelare habebatur, *Λικνίτης* (seu *vanno purgantis*) titulo decorari suevit, eique in symbolum *vannus* adsigna-  
ta fuit, plane uti Herculi clava, aut lotus Harpocrati. Hanc ob rem l. i. v. 166.  
in Virgilio Georgicis memoratur *mystica vannus Jacchi*. Quemadmo-  
dum namque vannus frumentum ventilat ac a paleis secernit: ita Bac-  
chica religio mentem a vitiis abstrahere ac separare existimabatur.  
A vanno autem chœnicem forma haud multum discrepasse, & quoad p. 54.  
significationem cum ea exacte convenisse, Rondellus censet. Ea p. 53.  
propter effatum Pythagoræ: *Chœnici ne infidas*, exponendum arbitra-  
tur: In purificatione vitæ tuæ noli deses esse, quin omnibus viribus  
enitere, ut in hac vita ad futuram vitam te rite præpares. Etsi vero  
haud negemus, non absque veri specie Bacchanaliorum primam institur-  
tionem puriorem ac innocuam magis repræsentari a Rondello, ac vulgo  
fit; non tamen desore autumamus, qui a clarissimo Viro locum probati  
auctoris desideraturi sint, quo chœnix *αὐτολεξεί* Baccho tribuatur aut  
cum vanno confundatur. Chœnix quippe inserviebat mensurando, non  
item *purgando* frumento, adeoq; mentis purgationi connotandæ, non æ-  
que uti vannus, apta fuisse videri posset. Sed cum universam Pythago-  
ræorum philosophiam ab Auctore doctissimo aliquando expli-  
catum iri, a typographo in præfatione spes nobis facta sit haud obscu-

re, nulli dubitamus, fufius eum hoc argumentum fuo tempore perfe-  
cuturum.

**JOHANNIS HEVELII PRODRONUS ASTRO-  
nomiæ & novæ Tabb. Solares, quibus additus uterque  
Catalogus stellarum fixarum, nec non tabula motus Luna libra-  
torii ad duo fecula proxime ventura. Item Firmamentum Sobi-  
efcianum feu Uranographia, totum cælum stellatum  
quoad fingula fidera accurate delineatum  
exhibens.**

Gedani, typis Joh. Zach. Stollm. 1690, fol. conf. 99 plag. &  
59 tabb. mœis.

**S**ingulari certe divini Numinis cura ex ferali illo incendio, quod  
Anno 1679 mense Septembri *Hevelianas* machinas Astronomicas  
incredibili sumtu & labore constructas, & quidquid præterea multo-  
rum annorum vigiliis & felici industria ad Uranien magis magisque  
exornandam partum erat, momento quasi disturbavit, destruxit atque  
perdidit, ereptus est *fixarum Catalogus*, qui tot votis eruditorum hæc-  
tenus expetitus in lucem nuper prodiit publicam. Cum enim loca,  
quæ nobilissimus *Tycho* stellis affixis assignat, cælo non semper accu-  
rate consentirent, neque tamen cujusvis esset rem tantam aggredi, unus  
inventus est *Hevelius*, *ὁν ἐν ἀγίοις*, qui oneri gravissimo, Atlantis in-  
star, humeros supponeret, & loca stellarum, quotquot oculos telescopiis  
non armatos haud fugiunt, improbo labore indagaret. Id autem  
qua ratione factum sit, *Prodromus Astronomiæ*, cui fixarum catalogus

Cap. 1. subjicitur, latius exponit. Ergo cum omnes ejus observationes Ge-  
dani peractæ fuerint, sollicitus primum de verâ hujus loci fuit latitudine,  
deprehenditque ex altitudine maxima & minima stellæ polaris, *eleva-*

Cap. 2. *tionem poli Gedanensis* esse 54° 22', 52'. Deinde verò ne instrumentorum,  
quibus usus fuit, fides in dubium vocetur, ostendit, *quomodo Instrumenta  
& observationes exactissime possint examinari*, demonstratque organa sua  
perfectissima fuisse, quippe cum octo stellarum fixarum circa Eclipti-  
cam & Æquatorem existentium totumque cæli ambitum complecten-  
tium, quarum distantias organis suis indagaverat, differentiæ ascensio-  
nales additæ 359, 59, 56, efficerent: 4" solum ex integro circulo defici-  
entibus



entibus; ut reliqua examina, quibus machinarum suarum bonitatem ostendit, silentio prætereamus. Porro cum ad *obliquitatem Eclipticæ*, ejus cognitio hoc quoque in negotio requiritur, determinandam non solum exacta instrumenta requirantur, sed etiam *Solis genuina parallaxis & refractiones* prænoscendæ sint: de his quoque agit, contendens refractiones veras (quarum Tabulas exhibet) longe minores esse Tychonice; parallaxi vero Solis horizontali 40<sup>o</sup> posita, salvari posse omnia phænomena, & nihilominus tamen secundum hanc sententiam Solem a Terra removeri in media distantia 5157 S. T., in maxima 5248 S. T., & in minima 5065 S. T. Ipsa autem obliquitas Eclipticæ Hevelio est 23, 30, 20, & *annus tropicus Solaris*, quem ex Æquinoctiis observatis deduxit, 365 D. 5 H. 48, 49, 47, 23. Sequuntur *nova Solares tabule*, ex quibus assumpta longitudine Eden 79, si rationes subducas, colligitur anno ante Christum natum 3963, 24 Octobr. hora 6 vespertina, Solis longit. in 0<sup>o</sup>, ejusque apogæum 7<sup>o</sup> V; adeoque hoc tempore Solem fuisse conditum conjicitur. Stellarum fixarum motum quod attinet, eas singulis annis 50 52 promoveri statuit, totam vero periodum esse 25478 annorum. Quoniam autem probe perspectum erat Celeb. Auctori, quanti momenti sint ad fixarum loca restituenda *observationes diurna & nocturna Veneris*, has quoque diligenter sectatus, votique sui compos factus, arduum hoc negotium feliciter aggressus est, atque ex observationibus pariter atque calculis sæpius iteratis, longitudes, latitudes, ascensiones rectas & declinationes fere bis mille stellarum in catalogum retulit. Et quia vulgo non planetæ solum, sed & zodiaci signa *certis characteribus* denotantur, idem ad singulos *asterismos* transtulit, & signa, quibus compendio scribi possint, excogitavit. Sunt autem asterismi, in quos informes stellas coegit, sequentes: *Canes venatici*, *Asterion & Chara*, Ursam majorem persequentes; *Lacerta* inter Andromedam & Cygnum posita; *Leo minor* inter Ursam majorem & Leonem majorem; *Lynx* inter Ursam majorem & Aurigam supra Geminos; *Urania sextans* inter Leonem majorem & Hydram; *Scutum Sobiescianum* prope Aquilam inter Antinuum & Serpentarium; *Triangulum minus* sub altero Triangulo majore; *Vulpecula cum anser* inter Aquilam & Lyræ sub Cygno; *Cerberus* ab Hercule sinistra manu prehensus; *Mons Menalis* sub pedibus Bootis; *Telum & arcus*, quibus *Antinovi* armatus conspicitur. Ratione *magnitudinis fixæ* in sex clas-

cap. 3.

cap. 4.

cap. 5.

cap. 6.

cap. 7.

cap. 8.

ses

cap. 9.

ses dividuntur, ita tamen, ut *Illustr. Auctor* moneat, stellas omnes non eandem perpetuo retinere magnitudinem, sed minui quandoque aut augeri, immo nonnullas plane evanescere; & nostro ævo quinque stellas, quarum loca *Tycho* dimensus fuit, in cœlo frustra quæri, licet *Ricciolius* illas in suum Catalogum tanquam a se observatas retulerit. Illud etiam inter maxime memoranda & a nemine hæcenus observata refertur, quod in stellis undecim ascensiones rectæ crescant, cum in reliquis decrescant, illæque motum reciprocationis exerceant, ita ut modo directe, modo retrograde incedant, modo etiam sint stationariæ. Ipse fixarum Catalogus duplex est, major atque minor, quorum prior computatus est ad annum 1660 completum, & non tantum loca fixarum quoad longitudinem & latitudinem, Ascens. Rect. & Declinationem ex observationibus *Hevelii*, sed juxta *Tychonis*, *Principis Hassæ*, *Riccioli*, *Ullughbeghi* & *Ptolomæi* quoque placita ratione longitudinis & latitudinis complectitur; ut dissensus, qui inter Auctores quandoque non contemnendus occurrit, eo melius intelligi possit. Sidera secundum alphabeticum ordinem sunt disposita, & in singulis majores & insigniores stellæ reliquas præcedunt, annotata magnitudine & *Tychonica*, & illa, sub qua *Hevelio* adparuerunt. Posterior Catalogus ad annum 1700 reductus est, eumque sequitur index *Hallejanus* stellarum Australium una cum Tab. Ascens. & Declinationum 526 præcipuarum fixarum ad annum 1660 & 1760 completum cum earundem differentia, nec non Tabula motus *Lunæ libratorii* ad bina secula proxime ventura prolongata. Ex minori illo Catalogo delineatum quoque est firmamentum *Sobiescianum* sive *Uranographia*, tabulis æri incisus comprehensa. In hac quælibet pagina plerumque unum primarium sidus rite adumbratum & delineatum, non nunquam etiam duo minora exhibet; reliqua vero adjacentia sidera nudis lineolis, absque omni umbra, sunt sculpta, ut ex vicinis stellis primarium sidus promptius possit dignosci, quod alias, si nudæ tantum stellæ, ut in *Bayeri Uranometria*, depictæ sint, haud ita facile fieri potest. In quovis etiam Iconismo circuli cœlestes cum suis divisionibus sunt descripti, & in nonnullis zodiacus quoque est representatus. Stellæ autem non quasi sub cœli concavo, sed in convexitate globi cœlestis exhibentur, quia veteres quoque cœlum ita contemplati fuerunt, ac si ejus sphaeram convexam ab extra, ut in globis artificialibus contingit, adspicerent, atque hinc nomina indidere stellis, quæ omnia, si aliter jam fieret, inverti atque confundi Auctor opinatur.

Miscel-

MISCELLANEA AUTORE THOMA SMITH,  
*Ecclesia Anglicana Presbytero.*

Londini impensis Samuelis Smith 1690 in 8.

• plag. 21.

**N**Ova sunt hæc Miscellanea, & ab iis diversa, quæ in Actis nostris A. 1687 mense Febuario p. 92. recensuimus. Quatuor autem imprimis capita novo hoc Miscellaneorum volumine continentur. Primum est *responsio ad nuperas D. Simonii in libro super fide Græcorum de dogmate Transubstantiationis cavillationes*. Cum enim Smithus in prioribus Miscellaneis ea, quæ sub nomine *Domini de Moni* latens *Simonius* in libro de fide & ritibus Orientalium, suæ de hodierno Ecclesiæ Græcæ statu epistolæ, circa vocem μετασώσεως & Græcorum in doctrina transubstantiationis cum Romana Ecclesiâ consensum objecerat, refutasset, & paulo post Simonius novum libellum, in quo ad novissimas Smithi objectiones respondet, edidisset, (quem libellum in supplementis nostris Sect. 2. p. 75. retulimus) sententiam suam de voce μετασώσεως ejusque novitate ulterius stabiliendam, & adversus Simonii exceptiones vindicandam clarissimæ Autor censuit. Iterum igitur, post varias de Simonio querelas & expostulationes asserit, Gabrielem Philadelphiensem vel primum, vel saltem inter primos μετασώσεως vocem usurpasse; quemadmodum apud Latinos Petrus Blesensis, vel potius Stephanus Æduensis primus, vel saltem inter primos, barbarum transubstantiationis vocabulum aut effinxerit, aut ad Eucharistiam accommodaverit. Objectum a Simonio Gennadii testimonium ὑποβολιμαῖον esse, iterum affirmat. Concilii Florentini tempore vocem istam nondum usam fuisse dum asserit, obiter notat in sessione 25. verba: ὁμολογῶμεν διὰ τῶν ῥημάτων τῶν τελειῶθαι τὸν Θεὸν ἄρτον, καὶ γίνεσθαι σῶμα χρεῖς, pessima fide a *Caryophilo* sic transferri, quasi Græci confessi fuerint, per verba a Sacerdote prolata transubstantiari sacrum panem, & corpus Christi fieri. Neque dubitat, *Bessarionem* in confessione Græcorum, quæ in *Mabillonii* Museo Italico Latine legitur, τελειώσεως voce usum fuisse, ubi Latinus interpret *Nicolaus Sagundineus Euripontinus* dicit, quod verba divina Salvatoris omnem transubstantiationis virtutem habeant. Unde concludit, *Ma-*

L

*billoni-*

*billonium* ex illa Græcorum confessione perperam probare, quod Græci isto tempore eandem cum Romanis de Eucharistia fidem tenuerint; neque validius esse argumentum, quod idem Mabillonius in præfatione operis de Liturgia Gallicana pro transubstantiationis doctrina ex transformationis aliisque hujusmodi vocabulis depromit. De *Georgio Scholario*, qui ad thronum Constantinopolitanæ Ecclesiæ evectus Gennadii sibi nomen adscivit, ejusque scriptis observat, quod unionis cum Latina Ecclesia, quam patriæ suæ proficuum speraverit, cupidissimus multa in Synodo Florentina præsens Latinis concesserit, quæ tamen, postquam omnis subsidiorum ex Italia spes in nihilum abiit, retractaverit, adeoque ex diversis ejus scriptis, si vel maxime omnia, quæ sub Gennadii nomine feruntur, genuina essent, haud necessario sequatur, quod *Leoni Allatio* visum, duos eodem tempore Gennadios vixisse, quorum unus infensissimus Latinorum hostis in glorie vixerit, & ne pedem quidem ex Græcia moverit, alter vero Latinorum insignis fautor Concilio Florentino interfuerit, cui omnia opuscula, quæ Latinæ Ecclesiæ dogmatibus favent, attribui debeant, non item quæ contra Latinos exarata sunt. Apologiam pro quinque capitibus Concilii Florentini cum *Arcudio & Caryophilo* Gennadio abjudicat, cum post Concilium Florentinum eorum, quæ olim in gratiam Latinorum concesserat, palinodiam cecinerit. Imprimis autem ea Gennadio affingi probat, quæ pro transubstantiationis dogmate Meletius Syrigus & Simonius adduxerunt. Refert Archiepiscopum Tiberiadis urbis in confiniis Macedoniæ sitæ Oxonii a se rogatum, ut de hac controversia Eucharistica sententiam suam libere & fideliter proferret, respondisse: τὸ θῶμα τῆ Κυρίας, καὶ τὸ αἷμα αὐτῆς ἱερουργεῖται παρὰ τῆ ἱερέως ἢ ἀρχιερέως ὃ μυστήριον εἰς ὅσιν σῶμα καὶ αἷματός, ἀλλ' ἡ αὐτῇ ὅσα τῆ ἀρετῆς, καὶ τῆ ὁνίας πάλιν ἐστὶ &c. Unde hoc elicit, quod ne hodie quidem meri Græci, quos Romanæ superstitionis aut educationis lues nondum afflavit, μυστήριον agnoscant. In laudibus *Meletii Syrigi* Simonium immodicum esse, ejusque merita ex magnis, quibus apud Græcos ornatur, elogiis perperam metiri censet, cum Græcos in titulis nimis liberales esse annotet, etsi de cætero debitis ejus laudibus nihil detractum velit, neque neget, eum altius sapere, quam alii monachi solent, qui e Græcia pedem nunquam efferunt, neque domi politioris literaturæ studiis incumbunt. Ne autem Meletii autoritate Simonius

nimum

nimum gloriatur, opusculum Meletii ex Bellarmino exscriptum variisque erroribus refertum magnis ejus elogiis non congruere ostendit. Insulsum *Gabrielis Philadelphiensis* de septem mysteriis librum, insipidis allusionibus aliisque ineptiis refertum, Simonio in deliciis fuisse miratur; contra *Cyrillum Lucarin* inculpatæ vitæ non minus, quam excellentis doctrinæ laudem meruisse asserit. Tantum abesse dicit, ut Cyrillus ex utilitate religionem metiri solitus fuerit, ut vitam profunderet, quam se Romanensibus accommodare & veritatis prostitutione securitatem sibi acquirere maluerit; nec imposturæ propterea arguendum censet, quod confessionem suam sub Orientalis Ecclesiæ nomine ediderit, cum plures metropolitas & episcopos doctrinæ suæ consentientes habuerit. *Jeremie Patriarchæ* & vocem *μεταστώσεως*, & rem ipsam incognitam fuisse pronunciat, cum veritatem corporis Christi in sacramento Eucharistiæ figuræ seu typo oppositam tantum asserat, cujus dogmatis apud Græcos originem Smithus ex secundo Nicæno Concilio arcessit, cum aliqui imaginum cultum abolituri dixissent, non alia Christi imagine opus esse, quam quæ per sacra symbola in Eucharistia exprimitur; alii autem respondissent, Christum in Eucharistia non typice & figurate repræsentari, sed verum Christi corpus dari, siquidem Christus non dixerit, *hoc est figura corporis mei, sed corpus meum*: quam sententiam vafre potius, ut loquitur, quam vere pro stabilienda iconolatria excogitatum, Græcis occasionem dedisse scribit, ut verum Christi corpus in eucharistia exhiberi statuerent. Reliqua ad Cyrillum ferme spectant, & cum Smithus in prioribus Miscellaneis ex *Petri Scargæ* Jesuitæ fide retulisset, Cyrillum Lucarin in Polonia, ut capitis periculum evitaret, confessionem quandam Romanæ Ecclesiæ principiis conformem Leopoliensi Episcopo obtulisse, & se de rei hujus veritate non parum dubitare indicasset, nunc ex chartis Antonii Legeri a Petro Allixio sibi communicatis refert, Cyrillum, cum ejus facti rumores Constantinopolin delati fuissent, sancte protestatum, totam illam epistolam sub nomine suo a Petro Scarga editam fictitiam esse, nec quicquam illa comprehendi, quod cum mentis suæ sensibus conveniat, vel olim convenerit, cum in Lithuania ageret.

Secundum Miscellaneorum, quæ hoc volumine comprehenduntur, caput est *dissertatio, in qua integritas & authenticitas celeberrimi istius loci I. Job. V, 7. a suppositionis nota vindicatur*, quam quatuordecim ab-

hinc annis Anglicano sermone Autor ediderat. Agnoscit, hunc versiculum cum in multis aliis manuscriptis codicibus, tum etiam in Alexandrino desiderari, quem Cyrillus Lucaris ab Alexandrina sede ad Constantinopolitanam translatus ex Ægypto secum advexit, & postea Regi Carolo in Angliam dono misit, antiquitate sua venerabilem, & ultra mille annos assurgentem; etsi Autoris nostri judicio probari non possit, quod manu Theclæ nobilis Ægyptiæ fœminæ sub Diocletiani imperio ad bestias damnatæ descriptus fuerit. Neque negat, plerisque primitivæ Ecclesiæ Patres, & in his etiam *Athanasium*, nullam ejus dicti mentionem fecisse. Etsi enim in disputatione cum Ario Nicææ habita, quæ Athanasii nomen præfixum habet, nec non in tractatu de Unitate Deitatis Trinitatis, qui itidem inter Athanasii opera legitur, dictum illud allegetur, neutrius tamen opusculi, cum pseudepigrapha esse constet, rationem habendam esse censet. Interim sufficere existimat, quod non defuerint MSC. codices, in quibus insignis illa pericope legitur, qualibus codicibus etiam *Cyprianum* & *Hieronymum* usos fuisse probat. Ad ea, quæ contra Cypriani locum *Sandius* excepit, breviter respondet, & imprimis *Fulgentii* auctoritatem urget, qui hunc ipsum Cypriani locum in libro contra Arianorum objectiones produxit. Quæ contra Hieronymi prologum in epistolas canonicas *Erasmus* & *Socinus* objecerunt, itidem brevi responsione discutit, & Erasmus arguit, quod mysteriis Christianæ fidei non integra mente acquieverit, etsi interdum satis caute egerit, nec in apertas blasphemias erumpere ausus fuerit. Post Hieronymum, dictum illud Johanneum ab Idacio Claro, item ab Eugenio, & aliis Africæ Episcopis in confessione Regi Hunerico oblata apud Victorem Vitensem, nec non a Vigilio Tapfensi, quem etiam libri Idacio Claro adscripti autorem cum Chiffletio agnoscit, usurpari observat, & postremo argumenta diluit, quibus *Sandius* dicti hujus authenticam impugnavit.

Tertium caput Miscellaneorum est *defensio superioris dissertationis contra exceptiones D. Simonii in Critica N. F.* In hac primum omissionem hujus versiculi haud difficulter librariorum oscitantia contingere potuisse scribit, cum librarius, postquam scripsisset: *τῶν ἐξ ὧν οὐ αὐτὸ ἐστὶν*, præteritis reliquis versiculi 7. verbis, ad v. 8. in quo itidem ista verba occurrunt, facile delabi potuerit. Imprimis vero Cypriani & Hieronymi pro authenticam hujus dicti Johannei testimonia statuminat, quæ

quæ Simonius in Critica Novi Testamenti labefactaverat. Quantum enim ad *Cyprianum* attinet, dixerat Simonius, Cyprianum eo in loco, qui pro authentia dicti Johannei adduci solet, non ad v. 7. sed ad v. 8. respexisse, & sic *Facundum Hermianensem* verba Cypriani interpretatum fuisse. Respondet Smithus, ex *Victore Virensi*, *Vigilio Tapsensi* & *Fulgentio* constare, quod in codicibus ante Facundi Hermianensis ætatem scriptis versiculus 7. lectus fuerit, & Fulgentium non tantum hunc textum, prout hodie legitur, adduxisse, sed etiam statim addidisse: *quod etiam beatissimus martyr Cyprianus in epistola de unitate ecclesie conficitur*. Suspiciatur igitur, Facundum vel mutilatum codicem habuisse, vel inconsulto aut codice sacro, aut Cypriani libello, in cujus titulo etiam aberrat, præ æstu cogitationum & festinante calamo verba Cypriani contra sanctissimi Præsulis mentem explicasse. *Hieronymum* autem quod spectat, ejus in epistolas Canonicas prologum pseudepigraphum esse Simonius judicaverat. Respondet Smithus, id neque ex styli dissonantia, neque ex aliis argumentis solide probari posse, & principium petere Simonium dicentem, quod librorum biblicorum collectores hunc aliosque prologos sub Hieronymi nomine composuerint, & ad suppositionem occultandam Eustochii nomen inseruerint. Cæterum cum Simonius ea, quæ in Critica N. T. de hoc Johannis dicto differuerat, in secundo volumine, quod de versionibus N. T. agit, novis argumentis confirmasset, & Smithus in ea incidisset, cum hoc Miscellaneorum syntagma jam ferme absolutum esset, ne sine omni responso dimitteret, appendicem quandam extremis horum Miscellaneorum paginis imprimi curavit, in qua ad ea, quæ Simonius de correctionibus biblicorum, iterumque de Hieronymi præfatione ad epistolas Canonicas disserit, brevissimis respondet.

Quartum idque ultimum Miscellaneorum caput est *commentarius in posteriorem Petri epistolam*, quem integrum excerpere instituti nostri ratio non patitur; quamobrem ex singulis capitibus unicam tantum observationem in medium afferemus. In primo capite statim sub initium *Hugonem Grotium* confutat, qui hanc epistolam a Petro scriptam negavit, & Simeoni potius Hierosolymitano Episcopo, qui sub Trajani imperio martyrii palmam adeptus est,tribuendam censuit. Hanc vero sententiam ex eo refutat, quod Simeon neque Apostolus fuerit, quem titulum Autor hujus epistolæ sibi tribuit, neque ad prio-

rem a se scriptam epistolam provocare potuerit, neque gloriam Christi in monte sancto viderit, cujus gloriæ spectatorem se fuisse Autor epistolæ v. 18. c. 1. asserit; quæ verba aliunde huic epistolæ inserta fuisse, aut ad historiam Joh. XII, 28. relatam respicere, nondum Grotius probare potuerit. In cap. 2. v. 13. ubi vulgo legitur: ἐν ταῖς ἀπάνταις αὐτῶν, post Grotium & alios quosdam legendum censet: ἐν ταῖς ἀγάπαις αὐτῶν; quam lectionem non solum vulgatæ versionis, sed etiam Alexandrini illius, de quo paulo ante diximus, codicis autoritate, imprimis vero loco parallelo, qui in epistola Judæ v. 12. legitur, confirmat. In explicatione capitis 3. non alienus est ab *Hammondi* sententia, qui Petrum in hoc capite non tam de ultimo mundi fine, quam de fine politiæ Judaicæ & excidio Hierosolymitano agere statuit, simulque observat, Christianos veteris Ecclesiæ credidisse, quod universus orbis, si non simul & eodem tempore, quo Hierosolyma, saltem non longo post intervallo interiturus esset, & hanc opinionem post excidium Hierosolymitanum proximo seculo & deinceps multo magis invaluisse, etsi magnam invidiam inde sibi Christiani conflarent, quasi de Romani Imperii duratione male ominantes. Ad calcem hujus commentarioli subjiciuntur variæ lectiones hujus epistolæ, ex Alexandrino codice tam diligenter excerptæ, ut ne librarii quidem errores, & levissimæ textus mutationes omissæ fuerint.

*DISCOURS DE Mr. MENAGE SUR  
l' Heautontimorumenos de Terence.*

id est:

*Ægidii Menagii Dissertatio de Heautontimorume-  
no Terentiana.*

Ultrajecti, apud Ant. Schouten. 1690 in 12. plag. 18.

**A**ctionem fabulæ, quæ in dramate exhibetur, non extensam nimis esse debere, sed certo spatio includi, sana ratio dicitur. Quis enim ferat, aut absque indignatione spectet, integræ hominis vitæ decursus, ut natus sit, ut adoleverit, ut vitam gesserit, tandem ut inierit, in paucarum horarum spatio ita arctato, ne spectatoribus (ut apud Plautum est) lumbi sedendo, & oculi spectando doleant, representari?

Et



Et nonne nuncius Roma in Ægyptum missus, intra trium quatuorve horarum spatium rediens, explodetur, & poeta tam brevi tempore longinquum adeo iter absolvisse ipsum fingens, ludibrium spectato-ribus erit? Quamvis enim universa possis fictio est, non absurdam tamen eam naturæ contrariam, sed verisimilem, κατὰ τὸ εἶδος insti-tutam, esse decet. Proinde Aristoteles in œconomia fabulæ consti-tuenda præter ordinem appositum, justam requirit magnitudinem, rei ipsi convenientem & memoriæ accommodatam, (εὐμνημόνευτον μετέθεσς) cujus limites cap. 5. lib. de Poetica hos ponit, ut *unius solis ambitum nimis excedere* eam vetet, jubens ὅπερ μάαν περίοδον ἥλιος εἶναι, ἢ μικρόν ἐξ ἀλλήλων. Quam late *unius iste solis ambitus* se extendat, & quam arcte coarctetur, Interpretes ambigunt; aliis de naturali die, quæ viginti quatuor horis absolvitur, aliis de artificiali, quæ duode-cim includitur, verba Stagiritæ accipientibus, & horarum numerum, quibus coerceri debeat justa actio, ne drama hac ex parte vitium trahat, non satis explorate definientibus.

Natum hinc ante annos quinquaginta certamen est doctissimo *Ægidio Menagio* cum *Francisco Hedelino* Abbate *Albiniaense*: ambo-bus super Terentii fabula, quæ *Heautontimorumeni* seu *seipsum excru-ciantis* nomine insignita est, altercantibus. Hujus enim actionem non pluribus quam decem, aut ad summum duodecim horis contineri, *Hedelinus* contendebat: plures autem quam duodecim, & ad mini-mum quindecim horas ad actiones in dramate isto repræsentatas re-quiri; neque tamen vel justam magnitudinem Terentium fuisse super-gressum, vel minus convenienter Aristotelis doctrinæ istam consti-tuisse, *Menagius* ostendere satagit. Hic duobus anno 1640 & 1650 editis libris; iste totidem oppositis argumentum pertractarunt: tanta etiam animi concitatione Hedelinus id executus est, ut a verborum acerbitate & injuriosis dictis in optimum Menagium, quem adversari-um sumserat, jaciendis sibi non temperarit. Istas ne agnoscere vide-retur, ab ira animum, ex consilio Taciti, cohibendum duxit Menagius: ac proinde alterum Hedelini librum ut evolveret, multo tempore adduci non potuit, quod apud se constituisset, inque *Amanitatum Ju-ris* dedicatione, nunquam se eundem esse lecturum, significasset: nuper demum, post elapsos quadraginta annos, a Jesuitis Collegii Lu-doviciani & Doctoribus Sorbonæ certior redditus, salva conscientia lectio-

lectionem libelli, si maxime animo penitus fixum ante habuerit, istum se non legere velle, nunc suscipi posse. Igitur argumentum isthoc denuo excutiendum, & adversarii rationes examinandas duxit, sententiamque, in qua adhuc persistat, probare sategit eruditissimæ feminae *Annae Dacieræ*, Fabri filia, pluribus venustis libris editis erudito orbi cognita, jamque in edendo Terentio studium ponenti; arbitrio ejus, utram sententiam nunc veriore censere velit, in venusto epigrammate ad ipsam scripto, & commentationi præfixo, modeste relinquens. Præterquam quod dubium adhuc sit, an de naturali, an artificiali die, quem solis ambitus absolvat, Aristoteles loquatur: si maxime artificialem intelligat, (de quo etiam plerique Interpretes hæc verba accipienda esse censent) nequaquam tamen angustis adeo finibus actionem dramaticam ab eo includi Auctor existimat, ut ultra duodecim horas (quibus artificialis dies absolvitur) extendere eam prohibeat: quod verbis *περᾶται*, quo suaderi magis, ut poeta spatio temporis quam minimo actionem arctet, quam sub pœna reprehensionis id præcipi existimat; & *ἢ μικρόν ἐξάλλασσεν*, quibus paulum transilire fines istos licere, indicari asserit: nam in hunc sensum verba Aristotelis accepisse, & quod *paulum excedere* permisit, interpretatos ea esse Madium, Lombardum, Piccolomineum, Riccobonum, Heinsium, Vossium, Grostionum. Igitur dramatum leges haud violatas a Terentio Auctor adversus Hedelinum asserit, etsi plures quam duodecim horas actioni dederit, & res intra biduum (juxta Minturni, & quorundam aliorum *cap. 7.* allegatorum sententiam) confectas uno dramate hoc complexus fuerit. Græcos sane Comicos haud adeo superstitiose angustis istis se includi passos esse, nec fabulas suas duodecim horarum spatio adstrinxisse, exemplo Aristophanis (*cap. 9.*) ostendit, qui in Pluto viginti horarum, & Æschyli (*cap. 8.*) qui in Niobe trium dierum gesta exhibuerint; nec Euripidem horis duodecim actiones suas inclusisse; & inter antiquiores dramatum scriptores quendam Trojæ obsidionem, decem annis peractam, una fabula esse complexum (*cap. 10.*) refert. Plautum vero novem mensium acta in Amphitruone retulisse, adversus Muretum, Heinsium & Vossium (*ibid. p. 57.*) negat; sed Jephthen Buchanani duorum mensium mensium gesta continere, cum Vossio (*p. 61.*) affirmat. Quominus reprehensionem Terentium mereri censeret, qui quindecim horas *Heautontimorumenon* dederit,

dederit, acta repræsentans quæ initium circa vesp̄eram & septimam primi diei, & exitum circa meridiem & decimam horam alterius habeant. Quod ut probet, locum in quo Chremes ac Menedemus convenerint, quem suburbanum prope Athenas prædium fuisse putat, & tempus quo ludi hi acti fuerunt, Bacchanaliorum nempe seu Dionysiorum, (*cap. 11.*) inquit, & ex hoc cumprimis de longitudine diei, quæ tum fuerit, sententiam ferendam esse existimat. Quo loco de festis Græcorum, & cumprimis Atheniensium (*p. 71. seqq.*) mensibus item Atticis (*cap. 12.*) erudite disserit, & adversus Hedelinum in Dionysiacis festis quæ *Pithoegia* appellabantur, mense Posidonione, qui erat sextus anni Attici, (cui initium dabat mensis Hecatombæus circa Solstitium æstivum) & ultimus autumnus, juxta Scaligerum, Petavium, & indicem MSC. mensium Atticorum Seldeno laudatum, actionem hanc Terentianam gestam esse fingi: circa quod anni tempus nox Athenis quindecim horas longa fuit: integram autem noctem intercessisse, antequam absolveretur, ex Act. II. sc. 3. *Et vesp̄erascit, & non noverunt viam*, & Act. III. sc. 1. *Luciscit hoc jam* &c. ostendit. Lectu plane digna sunt quæ doctissimus Autor de hoc argumento, aut affinia ei plura alia alibi haud obvia affert: & eorum occasione veterum scriptorum loca quædam emendat, ut Plauti *p. 15.* Æschyli *p. 24.* Aristotelis *p. 54.* Polyæni *p. 85;* lapsus item eruditorum quorundam virorum notat, ut Scaligeri *p. 83. 86.* Casauboni *p. 84.* Meursii *p. 128.* Guyeti *p. 131. 169.* Peyraredi *p. 131.* Ursini *p. 147.* Usserii *p. 103;* communicatorum autem sibi a celeberrimis & omni eruditionis genere præstantibus viris, *Ezech. Spanhemio & Jo. Georgio Grævio, p. 23. 26. 179.* eos qui his studiorum oblectamentis capiuntur, participes facit: ut non posse non gratum esse librum hunc doctissimæ *Dacærie*, cui dicatus fuit, existimemus.

## ADAMI RECHENBERGII, IN ACAD.

*Lips. P.P. de Studiis Academicis liber  
singularis.*

Lipsiæ apud Joh. Fr. Gleditsch. 1690. in 12.  
constat pagulis 17.

Cum multi adolescentes scholis trivialibus egressi, in Academiis studiorum causa subinde veniant, qui in tanta doctrinæ varietate,  
M docen-

docentiumque sententiis diversis ac discrepantibus, sæpe nesciant, quam studiorum rationem inire, quosve duces sequi hac in parte debeant; e re juventutis Academicæ hac tempestate fore existimavit *Autor* libri hujus clarissimus, Collega noster colendus, si in quovis studiorum genere, partim Autores præstantissimos, qui hanc aut illam doctrinæ partem tradiderint, indicaret; partim ordinem, quo pro ingenii aut fortunæ ratione, vel etiam scopo, in studiis uti conveniat, monstraret. Quapropter præmissa dissertatione de eruditione varia, & studiosis ante in classēs velut descriptis, in *secunda* libri *seção*, de Philosophiæ Theoreticæ, & in *tertia* de Practicæ disciplinis, scriptoribus & eorum usu partium differere instituit. In *quarta* *seção* de Philologia, ejusque partibus; imprimis vero quæ ad historiæ cum civilis, tum sacræ lectionem faciunt, uberius exponit. In *quinta* *seção*, de scriptoribus Græcis varii generis eorumque scriptis agit. Quibus subjungit Oratoriæ & Philologiæ S. studium, Theologiæ consecrandis adprime necessarium. Inde in *sexta* *seção*, quæ ad præparationem studii Medici, Juridici & Theologici faciunt, adducit. Præcipue autem methodi rationem in Theologia addiscenda ostendit, laudando summos in hac doctrina viros, *Gerbardum*, *Hülsemannum*, *Calovium*, & qui Ecclesiæ bono adhuc vivit, summe Reverendum Dn. *Spernerum*. Ultimo loco *Autor* Comenii Regulas vitæ sapientis & tranquillæ studiosis commendat, iisque libro colophonem imponit.

**SEBASTIANI SCHMIDII IN D. PAULI**  
*ad Colossenses epistolam commentatio. Accedunt ejusdem Paraphrases Cap. VII. II. X. IX. X. & XI. ad Romanos, Epistola prioris ad Corinthios, prioris & posterioris ad Thessalonicenses, prioris ad Timotheum, epistola ad Philemonem, ut & Cantici Maria.*

Hamburgi, ex officina libraria Schulziana, 1691 in 4.  
 constant plagulis 51.

**Q**uemadmodum summe reverendus Auctor ex Paulinis operibus *epistolam ad Hebræos* A. 1680, *epistolam ad Ephesios* A. 1685, *epistolam ad Galatas* A. 1680 commentariis accuratissimis illustravit: ita nuperius sua in *epistolam ad Colossenses* & *quasdam alias* a D. Paulo exaratas me-

meletemata juris publici fieri, non invitus editori indulgit. Majori vero studio epistolam *ad Colossenses* explanavit, ac ceteras in voluminis frontispicio enumeratas. Has enim simplici tantum ac satis succincta *paraphrasi* enarravit. Illam autem iusto commentario explicandam censuit. Hinc singula ejus capita primo *Logice* in partes particulasque suas *resolvit*, deinde prolixioribus notis quorumvis verborum *nexum & sensum* monstravit, collatis simul *Estii, Hunnii, Crocii, Calixti* cumprimis, ut & aliorum in hanc epistolam commentationibus; denique *locos communes* copiosos, sed paucis verbis multa complexos annectit. Ut vero pateat, in hoc non minus, quam, quæ superioribus annis recensuimus, operibus Exegetam hunc suo merito clarissimum non semper tritioem viam insistere, unicum exemplum ex *Coloss. I. 24.* petere juvat. En Apostoli verba: Νῦν χαίρω ἐν τοῖς παθήμασί μου ὑπὲρ ὑμῶν καὶ ἀνταναπληρῶ τὰ ὑστερήματα τῆ θλίψεων τῶ χειρὸς ἐν τῇ σαρκί μου, ὑπὲρ τῆ σώματος αὐτοῦ, *Erasmus* Rotterodamus vertit: Nunc gaudeo super afflictionibus meis pro vobis, & suppleo, quod deorat afflictionum Christi in carne mea pro corpore ipsius, quod est ecclesia, cujus factus sum minister.

*Schmidius* accipit νῦν illative, pro itaque. Vocabulo ἐν, in afflictionibus, non *materiam* gaudii notari putat, sed *statum*, in quo Apostolus tunc fuit, quoque non obstante gavissus est. Afflictiones heic non tam præteritas, quam præsentis & adhuc exantlandas intelligit, θλίψεις χειρὸς ei non illæ sunt, quas Christus in corpore suo mystico *sustineat*, sed quas Christus *admensus est* Paulo, ac ab eo sustinendas *definit*. Dici ergo autumat afflictiones Christi præcipue *efficienter*, utpote a Christi providentia definitas, deinde etiam *exemplariter*, quia earum nobis ὑπογραμμὸν reliquit. Nec aliter locum *2. Cor. I. v. 5.* explicari cupit. Urget eapropter h. l. tautologicum fore sensum verborum: Afflictiones Christi h. e. corporis Christi mystici ὑπὲρ τῆ σώματος αὐτοῦ pro corpore Christi mystico. Desiderat etiam locum parallelum biblicum, ubi Christus in fidelibus pati dicatur pro corpore suo ecclesia. Pontificiis ejusmodi interpretatione ansam dari monet, passiones sanctorum pro *meritoriis & satisfactoriis* habendi, cum omnis passio a Christo perferenda talis sit. Sed & verba ἐν τῇ σαρκί μου argumento esse existimat, Christi afflictiones non de totius mystici corporis Christi, sed Pauli solius afflictionibus intelligendas esse. En σαρκί idem

est Schmidio ac *in naturali vita in hoc orbe peragenda*, ob *Phil. I. 22. 24. Gal. II. 20.* Tandem ultimo loco positum *ὅτι* non notare statuit pro commodi, sed super causæ & ministerii. Hinc emergit hæc fere paraphrasis: *Quia Evangelium, quod ego prædico inter gentes, inter vos Colossenses, gentiles, eum fructum facit, ut & vos sitis conversi, gaudeo in mediis afflictionibus meis, quas super vobis, seu ea de causa, quia vobis gentilibus prædico, patior. Non enim pœnitet me pati eorum causa, apud quos Evangelium meum tantum fructum facit. Gaudeo igitur ob conversionem vestram, & ut vicissim quasi gratus sim pro mihi factò gaudio, libenter impleo & sustineo, quicquid afflictionum resisterit a Christo mihi destinatarum, & in carne mea sive statu vita hujus a me sustinendarum, super causa corporis Christi meo ministerio edificandi, ecclesia puta; quippe cujus factus sum minister, quem talia ex officio pati decet.*

Cæterum paraphrasis in epistolas Paulinas additur quoque *Canticum Mariae*, ex *Luca I. 47-54.* eodem paraphraseos filo pertextum, ac *Canticum Zachariae*, quod una cum epistolis *Jacobi & ad Ephesios*, itemq; *concione Christi montana* sex abhinc annis Schmidius edidit.

**DISSERTATIO ACADEMICA DE PHARISAÏSMIS in libris profanorum Scriptorum occurrentibus.** *Accefferunt observationes breves de luxu veterum Romanorum circa nuces.* Edidit

*M. Job. Heinricus Ernesti.*

Lipsiæ, literis Joh. Georgii, 1690. 12. plag. 7.

**C**olliguntur in hac Dissertatione, quam majori de *Hermeneutica profana* operi ad instar prodromi doctissimus ac de studiosa juventute in schola nostræ Thomanae, quem gerit, rectoratu præclare merens Auctor præmittere voluit, justoque ordine sistuntur auctorum Latinorum & Græcorum veterum a religione Judaica alienorum loca, quibus mores Phariseorum eorumque, qui ad illorum mandata vitam suam atque fidem componebant, aut memorantur, aut scommate petuntur. Exponit ea Auctor dictis Scripturæ sacrae, talia de *Phariseis* referentis, qualia in *Judeis, verpis, curtis, recutitis, sabbataris*, perstringuntur ab Historicis, Grammaticis, Oratoribus ac Poetis gentilibus. Horum intensionem & sensum, optimorum commentatorum

tatorum interpretationibus adductis, perspicuum ac cuiusvis obvium reddit. Accedunt *appendices* non unæ. Ac primo quidem recens locorum *Theognidis*, ubi, utut nulla Judæorum ac Phariseorum mentio fiat, neque etiam probari possit, vatem ad illos oculum intantum habuisse, sententia tamen aliqua offenditur, quæ dogmati vel mori Judaico non minus similis est, ac ovum ovo. Sequuntur *programmata* duo *academica*, quorum altero *usus profanarum literarum in interpretandis scripturis sacris*, altero *usus sacrarum literarum in interpretandis scriptoribus profanis* (latius in præcedenti *dissertatione* ostensus) non uno exemplo demonstratur. Sub calcem voluminis videas *observationes de luxu Romanorum circa nuces*. Hujus classes duæ statuuntur. Prior ad *cultum* corporis, posterior ad *viæctum* spectat. Ad luxum circa *cultum* pertinere dicitur, quod quidam deliciarum sectator nuce ardenti crura subufferit, itemque quod formæ studiosæ mulieres nucario oleo alopecii mederi & nigrum sibi colorem inducere fuerint. Luxus circa nuces in *viæctu* arguuntur, partim qui eas ex aliis orbis regionibus adferri curarunt, partim qui plura simul earundem genera mensæ intulerunt, partim denique, qui singulari opera ac labore poma hæc condiderunt, frixerunt, coxeruntve, antequam iis vescerentur.

*DE GODEN EN GODSDIENST DER  
Heydenen, &c. i. e.*

Tractatus de Diis & Religione Ethnicorum, Gallice  
a P. Gaultruchio conscriptus, nunc Belgice versus  
a F. Halma.

Ultrajecti ad Rhenum, apud F. Halma 1690. in 12. maj. Plag. 20.

Cum ad Poetarum Auctorumque veterum aliorum, sive Græcorum sive Latinorum intelligentiam multum facere videretur, imo necessarium omnino esset, Deos gentilium atque religionem non ignorari, haud pauci extiterunt tum veterum tum recentiorum, qui Mythologiam seu Historiam Poeticam commentariis suis illustrandam susceperunt. Hos inter *Leonardus* quoque *Gaultruchius* e Soc. Jesu laudem meruit, edito pridem Gallico idiomate de Diis & Religione Ethnicorum opusculo, quo de Diis primum majoribus, de Semi-Diis inde, ac denique de

honoribus, quos gentiles Diis suis exhibuere, statuis, templis, sacrificiis, sacerdotibus, festis, ludis, spectaculis, succincte ac perspicue tractatur. Utrique cum applausum libellus invenit, ut non tantum plusquam septies Gallice typis fuerit exscriptus, sed & in Anglicum sermonem traductus Londini A. 1671, & Latine versus Leodii A. 1678 prodierit. Hinc non inutilem se operam civibus suis præstiturum *F. Halma* censuit, si in Belgicam quoque linguam libellum utilissimum converteret: id quod nova hac editione ita præstitit, ut Gallico, quo primum conscriptus fuit, idiomatici adjunxerit e diametro Latinam, subjecerit vero Belgicam versionem, eundemque adeo librum simul Gallice, Latine & Belgice, suas rationes secutus exhibuerit.

## LIBRI NOVI.

Gerardi Noodt Probabilium Juris Civilis Libri IV: De Jurisdictione & Imperio Libri II: Ad Legem Aquilianam Liber singularis. Lugd. Bat. 1691. in 4.

Gerh. Feltmanni Dissertatio de Accessionibus Memorabilibus immani aquarum vi vel terræ motu factis. Amstelod. 1691. in 8.

Quatrième Denonciation de l'Herésie du Peché Philosophique. 1690. in 8.

V. Denonciation du Philosophisme, c'est à dire de la nouvelle Herésie du Peché Philosophique. A Cologne 1690. in 8.

Discours de la Connoissance des Bestes, par le P. Ignace Gaston Pardies. Troisième édition. A la Haye 1690. in 12.

L' Histoire de Don Jean d' Autriche fils de l' Empereur Charlequint. A. Amsterd. 1690. in 8.

Apocalyptica Tuba quinta, ortum, progressum & interitum Locustarum pandens, per Franciscum Foris Otrokocti. Amstel. 1690. in 8.

Strenz ejusdam Discussio Pacifica, seu Quæstionis decantatz, ubi fuerit Ecclesia Reformata anteq. Lutherum, &c. resolutio: per eundem. Amstel. 1690. in 8.

Joh. Eberhardi Schvvelingii Exercitationes Cathedrariz in Petri Danielis Huetii Censuram Philosophiæ Cartesianæ. Bremæ 1690. in 8.

Euclidis Elementorum sex Libri priores, magnam partem novis demonstrationibus adornati opera & studio Henrici Coetsii. Lugd. Bat. 1691. in 8.

Relazion des Revolutions arrivées à Siam dans l' Année 1688. A Amsterdam 1691. in 12.

## NOVA LITTERARIA EX GALLIA, EXCERPTA

*ex Basnagii Historia Actorum Eruditorum.*

**P** Martianay S. Hieronymo suo studium indefessum impendit, jamque Prodromum Operis hoc titulo edidit: *Divi Hieronymi Prodromus,*



*dromus, sive Epistola Domni de Martianay ad omnes viros doctos & studiosos, cum Epistola Divi Hieronymi ad Sunniam.* Prodiit & libellus alius: *Dissertations sur la dernière Pâque de Notre Seigneur & sur la prison de S. Jean Baptiste*; i. e. Dissertationes de postremo Christi Paschate & de custodia S. Johannis Baptiste. Hujus auctori nomen est *Piednu*, qui probandum in hoc opusculo suscepit, Christum extremo vitæ anno Pascha celebrasse, nec nisi unam fuisse S. Joh. Baptiste captivitatem. Oppositus libellus est P. *Lamy*, qui editis dissertationibus quibusdam evincere conatus fuerat, trinam fuisse S. Johannis custodiam; Christum vero Pascha neutiquam ultimo vitæ anno celebrasse, non obstantibus Evangelistæ verbis, *pridie quam patretur*, quippe quæ non recte fuerint intellecta. Recusus & Parisiis liber est, qui ante decem aut duodecim annos lucem primum adspexerat: *L' Art de vivre heureux selon les principes de Descartes*; i. e. Ars beate vivendi secundum principia Cartesii.

P. *Harduinus* novam eamque vastissimam, quadraginta nempe volumina impleturam editionem Conciliorum molitur. Idem detecturum se pollicetur genuinos auctores operum, quæ Cassiodoro, Facundo, Mario Mercatori, Victori Turonensi, Isidoro Hispalensi &c. falso hæcenus fuerint tributa. *Vaillantius* dicitur Responsum composuisse ad P. Harduini *Antirrheticum*: sed sunt qui dubitant, scriptum hoc lucem adspecturum, quod Respublica Litteraria plena libertate Lutetiæ Parisiorum non gaudeat.

*Stephanus Baluzius*, Coadjutoris Rotomagensis, qui defuncti fratris Marchionis de Seignelay thesaurum librarium possidet, hoc tempore Bibliothecarius, occupatus est in edendis vitis Paparum, qui Avinionem sedem habuerunt. Idem falsas nonnullas in Decretalibus inscriptiones detexit, præloque parat Pithoci in Gratianum notas. *Baudelotus Dairval*, auctor libri de utilitate ex peregrinationibus capienda, invenisse nuper fertur statuam æneam, altitudinis trium aut quatuor pollicum, sed antiquam valde, ac *Deum Crepium*, cujus apud Arnobium aut Minutium Felicem & Tertullianum mentio fit, representantem, quam peculiari dissertatione illustrare constituit. *Tillemontius* vitas Imperatorum Romanorum componit, aliquot voluminibus, quorum primum in Vespasiano desinit, exhibendas. *Bossuetus* Episcopus Meldensis libri sui de Variationibus Protestantium Vindicias adversus

versus *Jacobi Basnagii* Responsum typis exscribi curat, nec minus strenue in oppugnando *Jurio* progreditur.

*Le Grand* Historiæ Ludovici XI describendæ summo studio incumbit, quæ duobus voluminibus absolvetur, ita ut eorum alterum ipsum Historiæ contextum, alterum monumenta publica conciliandæ dictis fidei exhibeat : quod opus ubi in lucem prodierit, & cum *Varilliana* ejusdem Regis Historia fuerit collatum, patebit fortasse, quid distent æra lupinis. Interim *Varillanum* Historia Caroli VIII habet occupatum. *Felibenius*, cui Dialogos de Architectura debemus, *Diarium* aliquod Antiquitatis prælo parat.

*P. Bouhours* versionem Gallicam Novi Testamenti molitur, reliquas omnes, & *Jansenistarum* quoque *Montensem*, ut ajunt, superaturam. Dn. de *S. Real* propediem daturus est versionem Gallicam *Epistolarum* *Ciceronis* ad *Atticum*, una cum notis suis. *Menagii* *Origines Linguae Gallicæ* sub prælo adhuc sudant. *Tolosæ* imprimuntur *Sorberiana*.

Dn. *Dirois*, cujus de Religione Christiana Tractatus notissimus est, *Romæ*, quo Cardinalem *Estreensem* secutus fuerat, redux *Lugduni* diem dicitur obiisse. Dudum etiam constat, mortuum esse *Hermannum* Capituli *Bellovacensis* Decanum, elegantissimorum operum, interque ea Vitæ *S. Athanasii*, *S. Basilii*, *S. Gregorii* &c. auctorem.

\* \* \* \* \*

Dum *Duumvirorum Gallorum*, Lector Benevole, mortem memoramus, nuncius ad nos defertur de obitu Theologi nostratis celeberrimi *Theophili Spizelii*, *Evangelici Ministerii Augustani Senioris* & ad *D. Jacobi Augustæ Vindelicorum* Pastoris, dum viveret, vigilantissimi; quippe qui die 9 Januarii (secundum Calendarium Gregorianum) anni præsentis, cum pleuritide & feбри dein acuta laborasset, vitam laboriosissimam cum placida beatâq;, etsi immatura morte commutavit, nondum exaëto quinquagesimo secundo ætatis anno. Ceterum uti jaëctum optimi Viri non Ecclesiæ tantum Orthodoxa, & Augustana cumprimis, sed Respublica etiam Litteraria non poterit non lugere: ita prolixiore ejus elogio superfedemus merito, quem tot præclara ingenii monumenta, in lucem ab ipso diversis temporibus edita, applausumq;, Orbis Eruditi promerita, nemini ignotum aut illaudatum patiuntur.

✽ ( o ) ✽

# ACTA ERUDITORUM

*publicata Lipsiæ*

*Calendis Martii Anno M DC XCI.*

## ERASMI VVARREN GEOLOGIA: OR, *a Discourse concerning the Earth before the Deluge, &c.*

Londini, impensis Rich. Chifsvell, 1690 in 4. Constat capitibus XVII,  
pagulis 47.

**T***Homa Burnetii* Theoriam Telluris sacram recensuimus partim in Actis a. 168. p. 702, partim in Supplemento VI. p. 304. Ut exteros taceamus, quibus viri hujus ingeniosi paradoxa approbare se haud potuerunt, ex ipsismet ejusdem civibus virgula censoria in eum animadvertit sex abhinc annis. *Herbertus* Herefordiensis Episcopus, de quo plura videtis in Actis mense Octobri anno 1686 publicatis p. 522, & si placet, adde, senem illum doctissimum, nomine gentilitio *Croft* gavifum, sed rarius (ut facere amant Episcopi,) eo usum esse, ex quo d. 9. Febr. A. 1661 diœcesi Herefordiensi præfectus fuit. Num vero adhuc in vivis sit, adeoque annum ætatis octogesimum septimum agat, non liquet: hoc unum novimus, quod in *Statu Angliæ*, ab Eduardo *Chamberlano* Anglice conscripti, Gallica versione, Amstelodami A. 1688 impressa, inter nondum mortuos referatur. Hunc excepit anno superiori *Erasmus Warren*, Rector ecclesiæ, quæ Worlingtoni in Suffolcia colligitur, opusque præfens duobus prioribus *Theoria Burnetianæ* libris opposuit, lenius tamen in eam sæviens, ac ab *Herb. rto Crofto* factum fuerat. Quid autem in adversarii placitis reprehensione dignum judicavit, pluribus commemorare opus non est; cum summa ipsius capita propemodum coincident cum iis, quæ ab episcopo Herefordiensi monita esse, citato loco memoriæ prodidimus. Jucundiores relatu erunt, quas de natura & ratione cataclysmi universalis *Warrenus* excogitavit, novæ ac paradoxæ hypotheses, Eas tamen haudquaquam pro certis & exploratis venditat, sed tantum

N

pro

pro probabilibus, ad minimum vero probabilioribus, quam Burnetianæ sint; cum ex adverso Burnetius orbi erudito persuadere nitatur, non nisi sua methodo explicari posse apud Moſen Petrumque descripta diluvii phænomena. Nimirum *Warrenus* supponit omnium primo, aquas diluviales, quibus altitudo *quindecim* cubitorum *Gen. VII. 20.* adſcribitur, non montibus quibusvis altissimis, (ut vulgo locum istum interpretes intelligunt,) sed humo tantum sive communi terræ superficie tot cubitis altiores fuisse. Solicite enim ab hemistichio posteriori: **ויכסו ההרים** *Et conſecti sunt montes*, distinguendum censeſet hemistichium prius: **חמש עשרה אמה מלמעלה גברו המים** *Quindecim cubitis sursum versus invaluerunt aquæ*, super humum nempe, si *Warrenum* audias, non super montes, licet & hos ab aquis sæpius suo modo *superatos* & *rectos* concedat. Putat quippe, **מענית תדום רכר** *fontes abyſſi magna*, qui *Genes. VII. 11.* sub initium cataclysmi *dirupti* dicuntur, non eſſe, (ut hætenus creditum fuit,) barathra & receptacula aquarum *subterranea* aut *submarina*, sed profundas cavernas in ipsis *montium cacuminibus*, ab omnipotente Dei manu *diffusæ*; & apertas, magnamq; aquarum vim in altum ejaculantes, in subiectas valles, ad instar cataractarum, delapsuram. Nitiſtur parallelismo *Pſalmi LXXVII. v. 15.* ubi de Deo pſaltes inquit: **יבקע צורים כמדבר וישק בתחומות רכר** *diffidit rupes* (*Rephidim, Exod. XVII. 1. 7.* & *Kadesch, Num. XX. 1. 8.*) *in deserto* & *potavit* (populum) *abyſſis magnis*, h. e. cavernis montanis, non subterraneis, sed altius superficie deserti ſitis; quapropter *versu ſequenti* additur: **וירר** *Et descendere fecit aquas*: itemque *Sapient. XI. 4.* aqua data dicitur *de petra altissima*. Eam quoque ob rem *I. Cor. X. 4.* aſſeri videtur, petram Israelitas *secutam* fuisse. Nisi enim ſcaturigo excelſo loco poſita fuiſſet, non potuiſſet fluentis ſuis tantum impetum conciliare, ut ex *Rephidim* ad *Kadesch* uſque, rivo factò, pergerent. Neque enim ullius fontis, locis istis binis interjecti, Moſes uſquam meminit. Fuiſſet hac ratione rupes iſthæc non abſimilis monti *Pico* in inſula *Tenariffa*, cui impendentes nebulæ ſingulis diebus circa meridiem in aquam reſolvuntur, & tanta copia deſluunt, ut imbrium, quales in tota inſula nunquam cadunt, vices abunde ſuppleant, totamque, quam diſcimus, *Tenariſſam* aſſatim irrigent.

Q. O. æque ac David & nomen *abyſſorum magna-*

*magnarum* & verbum *diffindere* adhabet, Warrenus judicat, de argumento simili utrumque agere. Observat igitur porro, in montibus haud raro *capacissimas cavernas* offendi, qualis illa, quæ Davidi sexcentisque ejus comitibus in imo recessu suo latibulum præbuit, & nihilominus tantum adhuc spatii vacui habuit, ut Saul eam ingressus nihil viderit, quod, Davidem illic loci adesse, suspicionem ei moveret, *I. Sam. XXIV. 3.* Harum pleraque corona quasi immanium saxorum circumseptas esse, ut ad eas aditus neutrubi pateat. Porro creditur facile ait, calore Solis multos vapores in id genus cavernis gigni, ac dein tum interno cavernarum, tum externo nivium incumbentium frigore in aquas condensari; particulas vero hujusmodi aquarum crassiores esse, quam ut per angustos viscerum montanorum poros, per quos vi influxus solaris elevata ac in cavernas illas delata fuerant, relabi possint; hinc, Noachi avo, aquas id genus collectas æternum ejusmodi carceribus detineri oportuisset, nisi Deus modo supernaturali repagula *diffregisset*, ac undis illis, quo naturalis impetus ferebat, eundi potestatem fecisset. Tunc itaque eæ instar *fontium* ebullire, ac qua data porta, in declive præcipites ruere, hacque ratione, (accedentibus præsertim nivibus liquescentibus imbrisque solito majoribus,) depressiorem terræ superficiem, quindecim cubitorum altitudine, longe lateque inundare. Huic fundamento primo de *fontibus abyssi magna* jungit Warrenus alterum de *alitudine* aquarum diluvialium, quæ *cubitis quindecim* non montes, sed *humum* superarint: unde non recurrendum dicitur ad aquas *supraælestes*, quæ ex orbibus suis, sine systematis mundani *παραλειτουργία*, deduci non potuerint; neque ad aquas *subterraneas*, quibus nullo modo integrum fuerit ascendere, nisi adfuissent aliæ aquæ, in harum locum successuræ; neque ad universas regiones *aeris*, licet omni ex parte in *aquam condensandi*, cum constet, molem aeriam, molemque aquæ ejusdem extensionis, quoad proportionem gravitatis, non magis sese invicem exæquare, ac *mille & unum*, adeoque totius aeris molem in nimis exiguam & cataclysmo haud suffecturam aquæ molem abituram fuisse; præterea ignorari, quid in superioris aeris condensati locum succedere potuerit, ne natura vacuum reciperet. Imbres autem per quadraginta dies descendentes, & *abyssos* illas e cavernosorum montium verticibus scaturientes, tantam undarum vim congerere potuisse, quæ terræ

ad cubitos quindecim obtegendæ suffecerit. Tertium fundamentum Warrenus ex *II. Petr. III, 5. 6.* petit: *Cali*, h. e. infima aeris regio, *erant jam olim a terra* (ἐξ ὕδατος) *ex aqua* (καὶ δι' ὕδατος) *et in aqua* simul extans, (δι' αὐν) *per qua mundus* (animalis) *quæ tunc erat, aquis inundatus periiit.* Partem enim tunc terræ depressioris cum circumjecta atmosphæra inundatam, adeoque δι' ὕδατος (h. e. juxta Warrenum, *in aqua*) extitisse, partem terræ montanæ cum annexo cœlo aërio ἐξ ὕδατος (*extra aquam*) eminuisse, opinatur. Utrum vero interpretatione hac sua scopum Petri ferierit, videant alii. Quarto loco urget, quod, si aquæ cacumina quoque montium tam longo temporis tractu contextissent, tantum limi & sordium in planities devolutum fuisse credibile sit, ut ne quidem aliquot seculis post ad fruges vitesve ferendas domusve extruendas aptæ fuerint; quemadmodum constat, Atticam, cum cataclysmum longe minorem passa esset, adeo miseram induisse faciem, ut non nisi post tria secula colonos iterum nacta sit.

Cæterum prævidit clarissimus Auctor, objectiones non unas sibi diluendas fore. Harum prima ex *Gen. VII, 19. 20.* elicitur: *Operi sunt omnes montes altissimi sub cœlo universo. Quindecim cubitis sursum versus invaluerunt aqua, et montes fuerunt operii.* Respondet, non dici in textu, montium cacumina operata fuisse, sed humum tantum, una cum inferioribus partibus montium, ad cubitos quindecim sursum versus a superficie terræ communi. Et in ejusmodi inundationem satis bene quadrare phrasin: *aqua prevaluerunt* ἡνδ ἡνδ *valde; valde.* Neque septuaginta Senes testari, diluvialem aquam montium quorumvis verticibus superincubuisse; namque solummodo dicere: *Πεντεκαίδεκα πῆχεις ὑπεράνω ὑψώθη τὸ ὕδωρ.* Imo nec vulgatum dissensisse, licet reddiderit: *Quindecim cubitis altior fuit aqua super montes, quos operuerat.* Namque non necesse esse, ut *super montes* idem esse putetur, ac *super cacumina montium.* Quin verba ista tantundem notare posse ac illa: *ad latera montium;* quemadmodum, *Q. Curtii* phrasi, *super mensam*, vel *super vinum et epulas* convivæ esse dicuntur, mensæ tantum accumbentes. Deinceps, quod altissimos montes quindecim cubitis superarint undæ, hoc potissimum argumento refellit Noster, quod arca *quieviſſe* ac *resediſſe* dicatur *super montibus Ararat*, h. e. Gordyæis in Armenia, *Gen. VIII. 4.* & quidem die 17. mensis septimi. Cœpit autem diluvium die 2. mensis secundi

eundi & accrevit diebus centum & quinquaginta, (Gen. VII. 24.) qui fere circa modo dictum diem mensis septimi decimum septimum desinunt. Hinc patet, eo ipso tempore, quo incrementum aquarum summum suum fastigium ac *ἀκμὴν* attigit, arcam montibus Gordyæis insedisse, adeoque totam undis immerfam omnique aere exclusam fuisse, si altissimos montes, sigillatim Atlantem, Olympum, Caucasum, Picum in Tenariffa, Andes in America, quindecim cubitis operuisset suprema eaque æqualiter a centro terræ remota cataclysmi peripheria. Ipsemet igitur Warrenus phrasin Mosaicam: *Operiti sunt montes altissimi*, exponi vult aut (1.) per *synecdochen partis* inferioris pro toto monte, aut (2.) per *hyperbolen*, quæ sæpe a montibus petitur, v. g. Jer. IV. 24. Ezech. XXXII. 6. Esai. XLIV. 23. XLI, 15. LXIV, 3. Habac. III, 6. Psal. XCVII, 5. CXIV, 4. &c. aut denique (3.) vocem *cooperire* accipiendò non pro *superare & contegere omni ex parte*, sed pro *frequenter, abundanter circumdare, circumflistere, circuire, circumfluere*. Sic gemmæ dicuntur *segmen* Tyriorum, Ezech. XXVIII, 13. Judæi feruntur *texisse* altare Domini lacrymis, Mal. II, 13. Imo Moses ipsemet refert, coturnices *texisse* castra Israelitarum, Exod. XVI. 13. Et tamen Num. XI. 13. (optimus sui interpres) auctor est, decidisse illas non *super*, sed *circa* castra, ex utroque eorum latere. Pari modo, Warrenno judice, montes altissimos cataclysmo *teñtos* dixit Moses, quia copiosissimæ aquæ quaquaverfus illos circumfluxerunt.

Ad Objectionem secundam: *Arca resedit super montibus Ararat, Gen. VIII, 4; ergo aqua ultra cacumina montium accreverunt, arcamque illuc extulerunt*, Auctor noster respondet: (1.) על, (quod communiter *super* notat,) quandoque *prope, juxta, penes* significare, e. g. Psal. I, 3. Num. XI, 13. sicque הררי אררט *super montes Ararat*, idem esse posse, ac *juxta* montes Gordyæos. (2.) Si concedatur, arcam *super* montibus Ararat quievisse, hoc nihilominus verum fore, etsi non cacumini, sed pedi vel inferiori montis parti innixa ea dicatur. Nec ob stare, quod Berosus & Nicolaus Damascenus apud Fl. Josephum, Abydenus Assyrius apud Eusebium & Cyrillum, Benjamin denique Tudelensis in Itinerario, testentur, reliquias arcæ longò tempore remansisse in montis Gordyæi fastigio. Observat enim Warrenus, eosdem auctores tot fabulas admiscere suæ hac de re narrationi, ut qui aliqua in circumstantia extra dubium hallucinantur, in altera quoque hallucinati esse non immerito præsumantur.

Succedit objectio tertia: *Cacumina montium apparere ceperunt, decrefcente diluvio, Gen. VIII. 5. Ergo prius aquis cooperta fuerunt.* Regerit Warrenus, partim, quod *cacumen montanum* non raro in Scripturis sacris pro declivioribus & inferioribus partibus montis accipiendum veniat, e. g. *Amos I, 2. Exod. XIX, 20.* partim, quod fortassis in Genesi intelligere oporteat apices montium minorum tantum, superficie humi quindecim modo cubitis altiores, adeoque totos undis obrutos. Quod si hæc *σφαδὴ Φάγουα* non arrideant cordato lectori, notari jubet, quod montium fastigia non *ex aquis*, sed *e tenebris* decimo mense *emersisse* sive *visa fuisse* dicantur. Toto nempe diluvii tempore tenebras universæ telluri constanter incubuisse. Cum enim atmosphæra, quanta quanta erat, maximo opere turbata, omnes, quos ambitu suo complexa fuerat, vapores in nubes, moxque harum maximam partem in imbres copiosissimos transmutasset, vero non absimile videtur, densissimas toto passim orbe tenebras ea de causa coortas esse. Imo absolute hoc necessarium fuisse, Warrenus existimat, ut homines diluvio absumendi eo magis in stuporem & consternationem verterentur, neque ii, qui non procul arca degebant, manu facta hanc invaderent, Noachumque cum familia brutisque animalibus illinc exturbarent, ac asylo ejusmodi salutis suæ consultum irent. Quemadmodum autem graviter adeo, ineunte cataclysmo, conturbata fuit atmosphæra: ita non ante decimum mensem, (ut ut jam per aliquot temporis spatium aquæ decrefcere cœpissent,) in pristinum statum restitui, adeoque Solaris lux per aerem in montium apices transmitti potuit. Hinc quando *Gen. VIII, 3.* legitur: *וַיָּשׁוּב* *Et reverse sunt aquæ continuo ac indefinenter e terra*, Warrenus annotat, *reverti* idem Spiritui Sancto sapiusculè esse ac *in sua principia resolvi*, non autem solummodo *ex loco in locum sine ulteriore sui mutatione abire*. Sic *Psal. XC, 3.* *וַיָּשׁוּב* *Revertimini, filii hominis.* *Gen. III, 19.* *אֶל עֶפֶר תָּשׁוּב* *In pulverem reverteris.* *Psal. CXLVI, 4.* *יָשׁוּב לְאֶרְצוֹ* *Revertetur in terram suam.* Et similem in modum hoc loco: *aquæ reverse sunt*, nimirum in principia sua, vapores scilicet. Accedebat venrus ille miraculosus, (*Gen. VIII, 1.*) qui quamprimum cataclysmus decrefcere cœpisset, non potuit non, dum aquas rarefacere debebat, aerem simul magis magisque turbare, spissare ac consequenter tenebricosum reddere. Quod ipsum etiam necesse erat, ne aquæ in glaciem coirent,

uti



uti fortassis fecissent, nisi aer spissus adeoque subcalidus & consequenter tenebris horridus fuisset, donec major earum pars in vapores abiisset, reliqua limo & sordibus nimium permista lentiore rarefactione eguisset, adeoque pauciores vapores emisisset, quam quales atmosphaeram notabili modo conturbare ac tantopere obtenebrare valuissent; ut nec Solis radii eam penetrare potuissent. Eandem ob rem Deus, cum nullum diluvium orbi posthac immissum iri promitteret, non tantum sementem & messem, æstatem & hyemem, sed & diem ac noctem semper fore, prædixit, *Gen. VIII. 22.*

Quod si porro obvertas, hac ratione homines animaliaque in montes fugam capessere atque mortis periculum evitare potuisse; responsio Warreno in promptu est, *imbres* copiosissimos (sive potius *cenophias* ac *exhydrias* quadraginta diebus in montes impingentes, atque ibidem cum *nivibus* non una hyeme illic aggestis, tunc vero liquescentibus, itemque cum aquis e *verticibus* cavernosorum montium scaturientibus mistas,) impetuosisimos composuisse torrentes, qui omnes, quotquot forte in montes ascendere voluissent, in præcipitia ac decliviora montium loca secum rapuissent ac enecassent, aut certe in tantam desperationem egissent, ut maluerint se præcipites dare in undas, quam fame vel metu sensim emori. Ne quis autem putet, per *aperturam cataractarum* sive *fenestrarum cæli*, *Gen. VII. 11.* innui, majorem aquæ molem delapsam esse, quam quæ tantum ad 15. cubitos superarit humi superficiem; Warrenus monet, multum aquæ imbibisse torridas & arenosas terræ regiones, itemque barathra subterranea, antequam terraqueus orbis ad quindecim undiquaque cubitos sursum versus inundari potuerit, præsertim cum circumferentia, quanto magis abest a centro, tanto amplior sit magisque extensa adeoque repletu difficilior. Cæterum *cataraëtas cæli* non amplius quid denotare præter pluvias copiosas & continuo decedentes, plane uti *Mal. II. 10.* ubi Deus in gratiæ suæ signum *fenestras cæli* sese aperturum spondet, *Lyræus* id fieri notet, *dando pluvias & rores ad fecunditatem terræ convenientes.*

Deinde contra Warreni hypothesein facere videri posset locus *Gen. VIII. 7.* *Corvus indefinenter ibat & redibat, usque dum exaruisse aquæ ex superficie terræ.* Nam si cacumina montium aquis non contacta fuissent, facile reperisset corvus locum, ubi commode quiesceret, adeoque

adeoque non necesse habuisset, ad arcam subinde reverti. Hunc nondum solvit, an scindit, Noster, approbando versionem vulgatam: *Corvus egrediebatur & non revertebatur*, aut septuagintaviralem: *ἐξελθὼν ἐκ ἀνέστηψε*, adeoque & Bocharti conjecturam, pro *אִשָּׁא וְיֶשֶׁת* legendum *אִשָּׁא וְיֶשֶׁת*. Quod ad columbam attinet a Noacho trina vice ex arca emissam, Warreni sententia, ea in arcam prima vice statim reversa fuit, quod nec victum commodum nec locum satis calidum ac nidificationi aptum reperiret; altera vice, cum arva magis reviruissent, diutius extra arcam substitit, donec vespera appropinquante, frigori nocturno perferendo impar, arcam iterum repeteret; ultima denique vice, cum jam formosissimus annus esset, amœnitate locorum illecta longiusque divagata a montibus Gordyæis, redire aut nesciit, aut noluit, quo signo Noachus intellexit, terræ superficiem iterum habitabilem evasisse.

Ultimo loco hoc sibi dubium movet Warrenus: *Si extra aquas prominuere montium juga, facile ad ea illidi, diffringi ac submergi arca potuit.* Respondetque, idem verendum fuisse Noacho, sive (juxta Burnetium) primævis orbis in omne genus frustra dissiluisset, ac in abyssum delapsus aquas sede sua expulsi in aerem protrussisset, sive, (juxta vulgarem opinionem,) arcam ab aquis sensim in sublimis ferri ac dein in montes Ararat demitti oportuisset. Facili quippe negotio in montes nondum omni ex parte opertos impingere & naufragium facere potuit. Ad solam ergo divinam providentiam heic respiciendum autumat, utpote quæ non minus Noachum tempestate illa huc illuc jactatum salvum & incolumem servavit, quam antea arcam exstruere ipsum docuerat atque animalibus instinctum indiderat, ut congregari & in arcam includi, tantoque tempore asservari sese passa fuerint.

### QUATRIÈME DENONCIATION DE l' Heresie du peché philosophique.

id est:

Denunciatio quarta hæreseos de peccato philosophico, continens responsionem ad tertiam epistolam PP.

Jesuitarum.

Impressa

Impressa A. 1690, in 8. Constat plagulis 5.

**N**ondum piguit *Antonium Arnaldum*, Jesuitis, quas de peccato philosophico foveant, opiniones exprobrare. Cum enim illi, ne tacuisse viderentur, istius verba in alienum rapuissent sensum ac statum controversiæ multis modis pervertissent in *epistola sua tertia*; acerrimus hic eorum antagonista, ut fraudes, quas putat, absque censura dimitteret, a se impetrare haud potuit. Dixerat is, e Jesuitarum principiis fluere *thesin* illam de peccato philosophico *Divionensem*; de qua A. 1689. p. 620, & 1690 p. 328. 502. prolixius egimus, cum *Denuntiationes* tres priores recenseremus. Id ii ita interpretati sunt, ac si dixisset, fluere illam ex *doctrina* Jesuitarum *de gratia sufficienti*, quæ concertationum Jansenianarum primarium argumentum fuit; ideoque plus simplici rite non sine aculeo interrogaverant, quid commercii intercederet peccato philosophico cum gratia sufficienti. Monstrat igitur Arnaldus, se non istam *de gratia sufficienti* Jesuitarum controversiam intellexisse, sed expressis verbis indicasse ista iisdem communia axiomata: *Nemo peccat, nisi quatenus scit & intelligit malitiam peccati. Ad peccandum formaliter requiritur notitia peccati. Nulum est peccatum formale, nisi conscientia hic & nunc judicet de malitia. Conscientia circa illicitum intrepida excusat a peccato.*

ART. I.

P. 5.

Objicit mox iisdem sex loca, ubi veritatem fraudulenter dissimularint aut corruperint. Ex his ultimi solum meminisse opus est. *Apologiam Casuistarum*, absque auctoris nomine A. 1657 editam, *Burbursius* (aut quisquis isthanc contra *Arnaldum* exaravit epistolam,) sibi suoque Ordini opponi deprecatus fuerat, eo quod universa Societas eam, quamprimum in lucem prodisset, pro sua agnoscere noluerit, nolique adhuc dum. Regerit Arnaldus, utrumque a vero alienum esse. Neque enim Jesuitarum promachum *Annatum* aliunde aliquem confutare auctorem esse scriptum *octavum & nonum*, quibus eo tempore *Curati* Parisienses culpam *Apologia* istius compositæ in Jesuitas magna cum animi confidentia transfulerint. Imo postquam Patres illi integro decennio secretis machinationibus efficere studuissent, ne *Apologia* ecclesiasticæ censuræ subiceretur, in publicum emissum esse *R. P. Honorati Fabri Societatis Jesu Theologi Apologeticum doctrinam moralem ejusdem Societatis*, permittente Generali *Joanne Paolo Oliva* & approbantibus novem Theologis, e quibus hodiernum superstes

ART. II.

p. 20.

p. 22.

perstes est *Franciscus de la Chaise*. Huic nempe Apologetico inferitur liber, quem idem auctor, sed sub *Stubrockii* larva latens, jam antea *Wendrockio* opposuerat. In hoc autem p. 665. editionis Colonienfis, personatus ille *Jesuita* & (quod consequi hinc putat Arnaldus.) *Approbatores* universi fatentur, *Apologiam* istam *Casuiſtarum* opus esse *P. Piroti* Jesuitæ Parisiensis, quem quidem non communi Societatis consilio aut cum consensu Generalis id libri edidisse perhibent, laudant tamen eum ceu *in doctrina morum, sacris decretis, eorumque libris, qui de hoc argumento scripserunt, optime versatum*. Afferunt, continere eum quinquaginta quatuor propositiones, quarum tres quatuorve sint certæ, quadraginta quinque probabiliore thesibus contrariis, reliquæ minus probabiles vel improbables. Non negant, quod *Alexander VII. damnaverit & prohibuerit Apologia libellum*; putant tamen id factum esse, non quod erronea dogmata complecteretur, sed quod duriori stylo conscriptus & absque auctoris & typographi nomine impressus fuisset. Neque dissimulant viginti episcoporum Gallicanorum censuram contra Apologiam prolatam. Parum tamen eam curant &, interprete *Stubrockio*, contentim satis inquirunt: *Quam multa super his dicere valerem, sed præ modestia & cultu etiam minus dignis debito abſtineo*. Ex excerptis hisce collegit Arnaldus, *Apologiam Casuiſtarum* a Jesuitis haud reprobata, adeoque pro documento doctrinæ eorum a se merito habitam esse.

## ART. III.

p. 26.

Caterum ut Theologum Divionensem *Stephanum Bougotum* & qui cum eo peccati philosophici meminerant, excusaret *Bubursius*, distinguendas distingar propositiones, quarum una categorica & impia sit: *Effectively commissa sunt & committuntur peccata gravia, quæ tantum sunt philosophica, adeoque nec Deum offendunt, nec panam æternam merentur*; Altera sit conditionalis & non improbanda: *Si dantur peccata gravia mere philosophica, ea non offendunt Deum, nec merentur panam æternam*. Hanc posteriorem suam, alteram horribilem & hæreticam esse monuerat. Demonstrare ergo Arnaldus conatur, ex receptis Jesuiticæ Societatis placitis categoricam quoque propositionem per legitimam consequentiam elici posse. Provocat autem primo ad adversarii ipsius epistolam, ubi peccatum theologicum esse definitur *libera transgressio legis divinæ*, & prolixè disputatur, non posse Deum justè infligere penas æternas gentilibus, nisi ob illas

tantum

*tantum actiones, quibus a se Creatorem offendi sciverint.* Hinc concludit, Jesuitas transgressionem legis naturalis, ex ignorantia illius & absque proposito offendendi verum Deum factam, habere debere pro peccato non theologico, sed mere philosophico: et quia id genus transgressio non raro inter Gentiles æque ac Christianos accidat, eam non esse casum moraliter impossibilem, uti Buhursius asseverarat; consequenter revera dari peccatum, quod ita sit philosophicum, ut non sit simul theologicum. Hinc dilemmate in adversarios insurgit: Adulteria ab Americanis, antequam Christiani ad eos delati fuerant, actu & reipsa patrata, aut fuerunt peccata theologica, aut mere philosophica, aut actiones plane non peccaminosæ. Prius asserere non licere ait Jesuitis, quia Americanorum actio non fuerit *libera* sive voluntaria *transgressio legis* a vero Deo latæ, utpote de quo ante suam conversionem nullam ideam habuerint: neque tamen etiam posterius; constare enim ex iis, qui *Antillarum* descriptionem ediderunt, quod barbarus quidam uxorem suam adulteram occiderit, & cum indicasset socero, sese infidelitatem uxoris punivisse, hoc responsi tulerit: *Recte fecisti; est autem mihi filia alia pulchrior; hanc, si vis, nuptum tibi collocabo:* unde liqueat, Gentiles agnoscere, adulterium, si non, quam ignorant, *legi Dei revelata, saltem honestati naturali* adversari, adeoque peccaminosam & illicitam actionem esse. Concludit ergo Arnaldus, non posse non Jesuitas medium arripere, ac ejuscemodi adulteræ gentilis actionem habere pro peccato mere philosophico, h. e. actione, quæ voluntarie fit ab eo, qui quidem eam legi divinæ contrariam esse ignorat, naturaliter autem inhonestam esse satis novit ac persuasus est.

Provocat dein ad alios Jesuitas magni nominis, cum primis **ART. IV.**  
autem *Antonium Terillum* Anglum, Professore Theologum in collegio Anglicano Leodiensi, qui *Regulam morum* volumine magno conscripsit ac opposuit libro *de recta doctrina morum*, quo Jesuita Hispanus *Eliqaldus*, sub anagrammate *Antonii Celladæ*, A. 1670. *probabilissimum* fratrum suorum convellere ac refutare nisus fuerat. Terillus quidem immortalis est editioni; huic tamen Provincialis Anglicanus, & quatuor Theologi approbatores obstetricantes manus adhibuerunt.

P. 42.

P. 44.

Ex hoc igitur quatuor propositiones seligit Arnaldus: Prima est: *Fatemur cum S. Thoma ignorantiam sæpe esse voluntariam, ideoque*

etiam imputabilem: sed eam NON ALITER voluntariam esse admittimus, quam si antecedenter aliqua de illius vitiatione OBLIGATIO menti occurrerit, per cujus OBLIGATIONIS contemptum vel neglectum ignorantia culpabiliter incurritur. Notari heic cupit Arnaldus, Jesuitam non suo tantum, sed totius Societatis nomine loqui, verbis *Fatemur, Admittimus*; & ad solum contemptum vel neglectum debiti probe noti (vocibus *Non Aliter*) restringere ignorantiam culpabilem; unde sequatur, quod quisquis nunquam actu cogitavit teneri se, ut id, quod facere debet, non ignoret, id invincibiliter ac involuntarie, adeoque impune, ignoret. Contrarium deinde ex *Thoma Aquinate*, verbis *Contentsonii*, probat, ut pateat, frustra Jesuitas gloriari, se Thomam hac in parte sequi.

Altera Terilli propositio est: *Fieri potest, ut homo diu versetur in actuali hac negligentia, quia semper videt se obligari ad aliqua scienda, quae tamen continuo negligit scire, quaeque scire posset, si diligentiam adhiberet. Fieri etiam potest, ut olim potuerit, nunc autem non possit ignorantiam vitare. Saepe accidit, ut continuatio ignorantiae aequae sit voluntaria ac ejus initium. Fieri tamen etiam potest, ut ignorantia, quae prius voluntaria fuit, involuntaria fiat, si nempe ignorans neminem habeat, qui eum doceat.* Hinc arguit Arnaldus, quod juxta Jesuitarum placita, involuntaria & invincibilis fiat ignorantia illius, qui nocte dieque cogitat, qua ratione cuticulam molliter curet genioque indulgeat, quive inter eos solum vivit, qui quicquid Christiani sanctum habent, satyricis salibus perfriquant, atque ceu mera hominum cerebroforum inventa exhibitant. Hoc enim modo omnem religionis sensum in eo sensum extingui, ut obligatio menti ejus non amplius occurrat, ideoque sine actuali contemptu neglective positivo obligationis illius suae, actiones Legi divinae in se, (ut ut non ex intentione peccatoris expressa,) contrarias patret, quodque hinc collectu facile est, non peccet theologice, sed tantum philosophice, quia inter peccandum non legis divinae, sed ad summum tantummodo honestatis naturalis meminit.

P. 55. 56.

Propositio Terilli tertia ita enunciatur: *Voluntas in opere particulari non peccat moraliter peccato proprie & ratione sui imputabili, quando nulla actualis advertentia, (nec specialis, nec confusa,) malitiae moralis vel periculi praecessit, vel saltem dubitatio aliqua, vel scrupulus.*

P. 58.

Notanter dicit: *proprie & ratione sui imputabili*, idque porro distincte explicat,

explicat, asserendo, quod peccatū ex mera inadvertentia non *per se* & *proprie* sit peccatum, sed quod ei tantum applicetur & imputetur reatus peccaminosæ actionis præcedentis, per quā in ejusmodi inadvertentiam homo prolapsus fuerat. Hæc cum attulisset Arnaldus, monstrat, quomodo ea ratione excusentur omnia facinora prava Gentilium; Epicuræorum, Atheorumve, ac si *in se* non sint peccata, sed tantum *in causa sua*, inadvertentia nempe & negligentia addiscendi inque memoriam revocandi obligationem suam; adeoque non puniri queant, quatenus legi divinæ sunt contraria, sed quatenus reatus causæ eorum ipsis simul applicatur & imputatur. Putat idcirco probasse se hoc modo, quod probare debebat, nempe quod juxta Jesuitarum hypotheses peccata philosophica non sint meræ imaginariæ suppositiones & casus moraliter impossibiles, sed nimis crebro inter homines accidere soliti. Unde serio cohortatur eos, ut si hæresis de peccato philosophico a Papa damnata bona fide repudium remisisse videri velint, propositiones illas omnes animitus ejurent atque condemnent. De Quinta Denuntiatione proximo mense dicemus.

## THOMÆ GODVVINI MOSES ET AARON.

Ultrajecti, sumptibus Balth. Lobé, 1690, in 8. plag. 43.

**N**Otissimus est in republica literaria *Thomas Godvvinus*, Somersæ-  
tensis Anglus, A. M. Scholæ Abendonensis in agro Bercherensī  
ludimagister, deinde Theologiæ Doctor & Professor Oxoniensis, tan-  
dem ecclesiæ Brightvellenis Rector, d. 20. Martii A. C. 1642. ætatis  
LV. fato suo functus; quod ante nos memoriæ prodidit Vir clarissi-  
mus in *Diario biographico*, indiculumque operum adjecit, justo forsitan  
auctiorem. Num enim *libri IV. Antiquitatum Romanarum* ab *Anthologia Historia Romana* revera distinguendi veniant, ut ei videtur,  
nobis non constat, quibus illi modo, (non item hæc,) innotuerunt.  
Quod autem *libros VI. de civilibus & ecclesiasticis ritibus in usū apud  
Hebræos* aliud esse putavit opus ab *Antiquitatibus Hebraicis & Græcis*,  
*sub titulo: Moses & Aaron*, diligentissimo Viro fraudi fuerunt memo-  
ria minus accuratæ. Namque *sex illis libris* absolvuntur *Moses & Aa-  
ron*, seu *civiles & ecclesiastici ritus antiquorum Hebræorum*, tam quos  
*illi nulli genti debent, quam quos iidem ab Ethnicis & hi ab Hebræis per*

κακοζηλίαν *asciuerant*, tertium nunc editi. Et primus quidem liber, *de personis* inscriptus, distincte agit de forma reip. Judaicæ usque ad Christum, de publicanis, de proselytis, de Regibus, de Pontificibus summis, Sacerdotibus, Levitis, Nethinæis, de Prophetis, de titulo Rabbi, de Naziræis & Rechabitis, de Assidæis, Pharisæis, Sadducæis, Essenis, Gaulonitis & Herodianis. Liber II. *de locis*, templum, synagogas, scholas, proseuchas, portas, lucos, excelsa, asyla conspicienda sistit. Succedit tertius *de diebus & temporibus*, ac sigillatim de diebus, horis, septimanis & annis, de festis & conviviis, de sabbato, de festis paschatos, pentecostes, tabernaculorum, buccinarum, noviluniorum, expiationum, de annis sabbatico & jubileo, de festo Purim encæniorumque. Libri quarti argumentum est *idololatria*. Enarrantur heic singula idolorum & divinationum, de quibus in S. literis memoratur quidquam, genera. Quintus *de consistoriis*, pœnisque ibi in reos decerni solitis, tractat. Ultimo *de ritibus mixtis* sermo instituitur, de circumcisione nimirum, de primitiis & primogenitis, de decimis, de matrimonio, sepultura, jurejurando, modo scribendi, Masorethis, metationibus & castris Israelitarum, mensuris atque monetis.

Non negandum est, libellum methodo hac facili, succinctaque sua brevitate juventuti antiquitatum sacrarum studiosæ gratissimum esse debere; præsertim, ex quo *Joh. Henricus Reizius*, V. D. M. singulis fere paginis subjecit notas haud pœnitendas, ac e philologis Godvvino recentioribus, *Coccejo* cum primis, *Lightfooto*, *Altingio*, *Burmanno*, *Wagenfilio*, aliisque excerptas. Præfiguntur editioni huic *Hermanni Witsii* præfatio & dissertationes duæ *de Theocracia* Israelitarum & *de Rechabitis*, non indignæ auctore *Egyptiacorum* ac *exercitationum in symbolum apostolorum*, de quibus annis 1684. p. 213. & 1682. p. 199. prolixius verba fecimus.

## RELATION DES REVOLUTIONS, ARRIVÉES à Siam, dans l'année 1688.

Hoc est,

Relatio de mutationibus, quæ in regno Siam anno 1688 contigere.

Amstelo-



Amstelodami, anno 1691, in 12. Constat plagulis 3.

**Q**uam secundis suscepta auspiciis videri poterant hodierni Gallorum Monarchæ negotia, missis ad Siam regem, indeque rursus acceptis legationibus non ita pridem gesta; quorum non semel in *Actis proximorum annorum* meminimus: tam luctuosa eadem catastrophe abrupta brevi concidisse, omnemque grandium illorum eventuum, qui inde sperabantur, expectationem subito fefellisse, e præfenti relatione cognoscimus. Cui tanto major fides debetur, quanto rerum expositarum exactior cognitio penes autorem est, qui iisdem ipse interfuit, quam qui fando solum aut vagis rumoribus accepta refert. Est is *Actorum anno 1689 p. 481.* memoratus *Fargesus*, dux copiarum Gallicarum, & castri *Bankok* præfectus. Non ingratam vero operam B. L. nos præstituros confidimus, si memorabilem hanc status regni *Siamici* conversionem, ejusque momenta, tametsi ex parvo libello, paulo enarremus diligentius.

A principio statim non inficiatur *Autor*, negotiorum suorum rationes fidentius subduxisse *Gallos*, ampliusque, ac par erat, de favore Principis, quem in valetudo quædam lethalis ad tumulum jam sensim deducebat; de successoris regii, qui incertissimus erat, erga se voluntate; de dubia ministri *Constantii* fortuna, cujus ea non fuerit auctoritas, quæ credebatur; de indolis bonitate, affectuque *Siamensis* populi, quem odium & furor in exitium *Gallorum* mox armaverit, sibi promississe. Describit deinde statum regni domus & officiorum, qualis se in regnum adventante fuerit. Commendat regem a magnitudine & vigore animi, ac in exteros propensione; notat vero ejusdem erga populares suos rigorem, ex quo factum, ut plus metus, quam amoris sibi apud suos conciliaverit: ceterum, utut quinquaginta quatuor annis non majorem, certo conflictatum esse morbo, cui ipsum brevi succubiturum non obscuris indicis deprehendi potuerit.

*Proles* regi *mascula* nulla; unde successionis jus secundum consuetudinem regni, ad regis *fratres*, quorum duo erant, spectabat. Horum *major natu* membris captus jus omne *fratri minori* concessurus videbatur: hic vero mutum se hætenus simulaverat, cavendis scilicet suspicionibus, quarum primam quamque vitam suam in discrimen apud regem conjecturam timebat, utrique fratrum parum faventem,

ventem, eosque procul a negotiis regni habentem. Desponsa tamen secreto juniori huic tum ferebatur, sed inconstanti rumore, *unica regis filia*, viginti octo circiter annos nata, supercilii ingentis, & morum ac superstitionis avitæ retinentissima; quæ tum ex aula se proripuerat, ob offensam a Parente acceptam, cujus autorem *Constantium* credebatur, eaque propter odio eundem prosequeretur. Has vero necessitudines solida apud regem gratia longe anteibat *filius* ipsius adoptivus, *Præpius*, successor Principis, si per eundem staret, procul dubio futurus: sed hunc natalium obscuritas factione aliqua invallescere non sinebat, populi & officialium regni (*Mandarinorum*) affectu in fratres regios unice propendente.

Ex cæteris *aulæ obsequiis* unus *Petcheratchas*, sive *Pitrachas*, magni quid primo statim conspectu portendere, supraque reliquos eminere visus est *Autori* nostro. Præterquam enim quod generis prærogativa eos antecellebat, (ex stirpe scilicet regia oriundum, quam regis parens olim throno dejecerat, fama ferebat;) ostentato insigni pro superstitione gentis suæ zelo, *Talaponum* universorum, quorum summa apud Siamenses existimatio, favorem consecutus erat; animum præterea gerebat, erga gentem suam sincerrime affectum, odii erga peregrinos plenissimum. Cæterum sensa sua & consilia premere apprimè gnarus, amoliendæ omni suspicioni unum præ se ferebat vitæ privatæ desiderium; unde & amplissimas, quas rex ipsi siquæ ejus subinde detulerat, dignitates constanter recusavit. Quod tamen adeo non detraxit eximie qua pollebat auctoritati, ut inter præcipuos consilii regii haberetur, multoque intimioris quam, *Constantius*, esset admissionis: quem ex adverso Galli longe potentissimum credebant, quique idem ipsis persuaderé contendens, cæterorum existimationi omni studio derogabat, ut sua unius fiducia & auspiciis quodcumque erat negotiorum gereretur.

Nec exigua quidem erat hujus *Constantii* apud regem gratia, qui tractandis exteriorum causis hunc unum ministrum idoneum putabat, ob exactam, qua instructum se profitebatur, rerum aularumque Europæarum notitiam: eum tamen complures aulici antecedeabant, & dignitate & libero ad Principem accessu, qui Constantio, nisi comparere jussu, non patebat. Hunc *Autor* ingenii vividi & capacis, aliisque politicis virtutibus præditum fuisse testatur; candoris tamen & integritatis in eo

in eo defectum notat sibi deprehensum, præter ambitionem immo dicam, & summum vindictæ studium in eos exercendæ, a quibus se contentim habitum opinabatur; ob quæ odium universi populi plurimumque exterorum in se concitaverit.

Quantum ad *Gallos* anno 1687 classe advectos: ex iis *Fargesius Bankoki* ducentos habebat præsidarios; *Bruanus Merquinum* cum tribus cohörtibus tenebat. De *Fargesianis* tamen quadraginta circiter regis Siamici auspiciis maritima expeditione piratas persequerentur: cætera manus malefidas *Bankoki* munitiones tuebatur, vallo propugnaculisque nondum undiquaque cinctas, & pro tantillo defendentium numero nimium spatiosas.

Hæc regis facies erat aulaque *Siamensis*, cum anni 1688 mense Martio, rege gravius decumbere incipiente, *Prapicus* rebus suis incumbens clientelas parare sibi occepit; *Pitrachas* vero, adornatis pridem consiliis suis, ope *Mandarinorum*, censui populi præfectorum, quantam potuit multitudinem prope *Louvoom*, (ubi rex æger degebat,) cogere, inque delubris vicinis positam temere. Nec difficile ei subditorum quemque in partes suas trahere: occultato enim consilio suo, nihil in animo sibi causabatur, quam vitæ *Talaporum* solitarie se mancipare; ante tamen totis viribus eo adniti, ut Principes fratres, quibus exitium a *Prapico* & *Constantio* paratum sciret, in solium ipsis debitum collocaret. Conciliandis autem animis per universum regnum rumorem occulte spargi curabat, accitos nuper *Gallos* extirpandæ domui regis, religioni, moribusque avitis, evchendisque *Prapico* & *Constantio*: quibus technis primores regni non minus ac promiscuam plebem, quin ipsos etiam regni hæredes facile sibi adscivit, causam suam ab ipso promoveri ratos, & *Prapicum* cum *Constantio* capitaliter exosos.

At *Constantius*, quem pleraque horum latere non poterant, insidias, utinque ipsi blandientis æmuli declinaturus, medio Aprilis, regis nomine *Fargesium* cum potiori parte copiarum *Louvoom* advocat. *Fargesius* accepto mandato cum 70 circiter militibus eo movens, *Siami* (regis regni, præter quam via facienda erat) portas offendit clausas, & tanquam imminente hoste, omnia tumultus plena: ab amicis deinde certior redditur, publica fama regem fato functum perhiberi; medio *Louvoom* inter & *Siamum* itinere armis omnia

compleri; agitari consilia de *Constantio* in vincula conjiciendo; missamque amplam militum manum invadendo *Bankoko*, & Gallis ibidem interneccione delendis. Hæc ut percepit *Fargesius*, absque mora *Constantio* perscripsit: hortatus eundem, ut ad se, prope *Siamum* tantisper substitutum, quamprimum divertens, suam suorumque operam & fidem legitimis regni hæredibus offerret, *Siam* tunc degentibus; dilueretque hoc ipso suspiciones, quibus in præsens onerabântur. Sed *Constantius*, siue non intellecta magnitudine periculi, seu interclusa discedendi opportunitate, seu omnino *Prapico* factione junctus, consilium non amplexus est. *Fargesius* cum suis *Bankokum* recessit.

Intellecto *Fargesii* regressu, *Pitrachas*, qui 30000 manu succinctus regem regiamque *Louvoom* in potestate jam habebat, omni artificio contendit Principes fratres & filiam regis *Louvoom* pertrahere, ut solidum sibi arbitrium esset de illis statuendi, nec Gallis integrum socias manus iisdem jungere. Quanquam vero incompertum Principibus esset, quid rerum *Louvo* tum temporis ageretur, iique a *Prapici* & *Constantii* machinationibus multum sibi metuerent; mallentque adeo *Siam* regium occupare palatium, ibidemque captis regni habenis fidelitatis juramentum ab accitis *Mandarinis* exigere: evicit tamen pertinax *Pitracha*, quem suis partibus sincere addictum, nec ambitu aliquo successionis regiae negotiis implicari credebant, sollicitatio, speciosis subnixa rationibus, ut cum filia regis minor natu Princeps *Louvoom* concederet, quos ille cultu regio & prolixa subjectionis simulatione excepit.

Hæc veluti scenæ præludia insecuta mox est cædes *Prapici* & *Constantii*: quorum prior funestum rerum suarum exitum, si regii fratres imperio potirentur, prælagiens, præsidio suo & capeßendis regni auspiciis militum copias cogere armisque experiri constituit. Sed molitiones istæ in minima intento *Pitracha* facile patuere. Occupandum ergo hostem adhuc invalidum ratus, e regis cubiculo, in quo ægrotanti perdius atque pernox ministrabat, insidiosè detractum *Prapicum*, nihil preces moribundi regis pro eo intercedentis moratus, extemplo jubet obtruncari. *Constantium* deinde in aulam, tanquam ex mandato regis, acersitum adorſus, perduellionis & peculatus acerbè infumulat, direptum catenis onerat, artiffimeque custoditum, questio-

quæstionibus semel iterumque habitis, tormentis subjicit: in quibus  
conspirationem cum *Prapico* ærariiue regii expilationem, ut fere-  
batur, confessus, post in frusta comminutus est. Secundum hæc in  
domum, familiam, necessarios & amicos *Constantii* varie sævitum:  
direptailla, uxore consanguineisque per varia tormenta crudelissime  
excruciatis, & *Mandarinis* Constantio junctis in vincula missis. Secun-  
dis his rerum primordiis elato *Pitracha*, præcipuum de evertendis  
*Gallis* consilium, quibus superstitibus nunquam tranquillum imperii  
statum futurum, universo populo Principibusque persuadebat. His  
ut tanto tectius securiusque imponeret, a sollicitando Principe majore  
nato, quem hæctenus variis prætextibus instantissime *Siamo* exciverat,  
sponte destitit; & ne suspicioni, quam Principibus importuna illa fla-  
gitatione moverat, porro locus esset, præsentē altero Principe Man-  
darinorumque præcipuis, coram idolo solenni sacramento fidem &  
obsequium Principibus spondit. Sic conciliatis Principum animis,  
nullum *Pitracha* impedimentum, perficiendis impigre destinatis suis.  
Longum foret sigillatim explicare, quibus artibus incautos, ut puta-  
bat, *Gallos* fallaciis suis obnoxios reddere & in retia ipsis tensa pertrahere  
laboraverit, tanto minori deinde negotio opprimendos: quæ eo tan-  
dem omnes vergebant, ut *Fargesium*, prætentō regis imperio, speciosis  
rationibus amplissimisque promissis ad se pellēctum, in potestatem  
suam redigeret.

*Fargesius* discrimine, quod imminebat, probe perspecto, man-  
datis obsequi constituit: honori regis sui sibiue consultius ratus, fidei  
simulatione deceptum pessundari, quam ingratis expugnari præfe-  
ctum loci, commeatu, viribus, munitione aliisque belli necessariis  
ferè destitutum. Commendato ergo castri præsidio *Verdesalio*, *Lou-  
voux* profectus a *Pitracha* honorifice quidem excipitur, at perplexis  
subinde quæstionibus tentatur, quibus expedire se vix potuit. Sum-  
ma postulatorum erat, ut evocatis *Bankoko* præfidiariis, *Bruano* ne-  
gotium daret suos conjungendi cum *Fargesianis*: constitutum enim  
esse regi, *Gallorum* opera in bello adversus vicinos, quo distineri tumi  
fingebatur, uti, universisque copiis suis præficere *Fargesium*, bellica-  
rum virtutum & fortitudinis laude sibi commendatissimum. Quod-  
que *Bruanum* attinebat, literarum, quas huic scribere *Fargesius* posce-  
batur, exemplum lingua *Siamensi* conscriptum *Pitrachas* offerebat.

At hunc de diversa hujus *Gallicæque* linguæ indole nihil suspicatum, sua ipsius fraude delusit *Fargesus*, translatis in Gallicum idioma literis, nihil immutato tenore ordineque vocum formulæ præscriptæ: Quæ translatio uti, fatente *Fargeso*, ridicula ineptissimique contextus fuit, ita clarissimum *Bruano* præbuit indicium, quo loco *Fargesii* res essent constitutæ, & a cujus arbitrato tam lubricum penderet negotium. Quantum porro ad milites *Bankoki* relictos, nullum absenti sibi in eos, more gentis suæ, imperium esse asserbat; relicto ibidem legato, qui, dum abesset ipse, pleno jure prædialiis moderaretur. Dimissus ergo, ut cum milite suo quamprimum rediret, obsidum veluti loco duobus filiis relictis, in quos animadversurus erat *Pirachas*, si petitis obsecundare parens negligeret.

At *Fargesus* propere domum reversus, totius causæ summam & momenta præfectis militum protinus exposuit. Qui intellectis injuriis, quibus Galli regni incolæ, nuper affecti essent (in vincula enim, ipso *Fargesi* filio non excepto, conjecti iniquis modis habebantur) nec meliora sibi fata, si *Pirachas* obtineret, instare conjicientes, extrema omnia subire, quam barbarorum se permittere libidini, communi sententia decrevere.

Ad defensionem ergo quantocyus se comparantes, præfixis sudibus dispositisque tormentis, loca hostium incursum maxime obnoxia firmaverunt; munitiunculam vero opposito fluminis *Menan* lateri adstruendam, quam tueri nequibant, diruto, quantum fieri potuit, vallo, ruptisque pulvere pyrio machinis bellicis aut obturatis, exarmare. Hac tamen protinus occupata, excitatis super ea aggeribus, Siamenses obsidione cingere Gallos cœperunt: qui facta eruptione nequicquam hostes loco pellere conati, feliciori deinceps successu, displotis continue tormentis, obsidentium opera, plurimis eorum occisis, disturbavere; ab iisdem vicissim misilibus globis & bolidibus igniferis non intermisso impetu oppugnati. Diurnum hunc ignis & plumbi grandinem exceperere noctu creberrimi assultus, distrahendis enervandisque obsessis ficti; quos præterea labores nunquam intermisisti, commeatus inopia, & frequentes largissimique imbres, oculorum usum vel ad pedis distantiam subinde intercipientes, supra modum delassabant. Tantis difficultatibus confluctantes Galli, & rerum, quæ feris gerebantur, prorsus ignari, cymbam decem militibus instruunt,

unt, periculum facturis, si forte secundo flumine delati obviam fieri possent commilitonibus, quos contra piratas regis auspiciis missos supra memoravimus, eosque in suppetias secum reducere. Sed vix extra conspectum praesidii provectos navigia *Siamensium* frequentia circumstunt, impetuque facto Praefectum multitudine obrutum cogunt, se suosque, cum irruentium hostium non exiguo numero, succensa cymba in altum evibrare, non sine ingenti superstitum consternatione, extremam Gallorum insolitamque pertinaciam obstupescientium.

*Piracha* interim Fargesus per literas nunciat, suos, rumore publico de internecione in se decreta percussos, & popularium violatorum exemplo cautos, professionem detrectare; facturos vero, ut quam carissime ipsorum vita iis constet, si quos super hoc pignore secum experiri lubido aliqua incessat: promissimos alioqui securitate pacta amice decedere, & navigiis acceptis patriam repetere. Hoc intellecto *Pirachas* atrocibus minis *Fargesi* constantiam expugnare non semel conatus, posteaquam nec Christiani nominis per universum regnum excidio, nec obsidum filiorum supplicio intentatis, quicquam se proficere animadvertit, ad mitiora animum inclinare coepit consilia. Ab una enim parte Gallorum obstinatione, ab altera ancipiti armorum eventu sibi ob oculos positis, ne forte clade aliqua accepta *Siamensium* furor adversum *Gallos* concitatus, in se autorem converteretur, non vano augurio metuebat: tutiusque omnino habebat, caede Principum, quorum alterum officii specie in custodia tenebat, alterum varia fraude amicis fidorumque hominum praesidio spoliaverat, quam Gallorum subversione in thronum regium eniti.

Coacto itaque procerum regni concilio, de Principibus gravissime conquestus, pro tot tantisque meritis insidias ab ipsis vitae suae strui, tanquam rem certissime compertam, asseverabat, simul, quid facto opus esset percontabatur: nec difficulter ab universis, sive potentiam *Piracha* reformidantibus, sive sponte partes ejus amplexis, obtinuit, ut mortis sententiam in Principes ingritudinis damnatos pronunciarent. Nec mora, submissis qui alterum Principem Siami comprehenderent, raptos ambos in delubrum prope *Louvoim* deportari, supplicioque extremo, quod in regii sanguinis Principes more gentis

decernitur, affici, hoc est saccis coccineis inclusos, fustibusque sandalinis caesos necari curavit.

Sublatos ita Principes, ipse Rex, morbo solutus, postmodum secutus est. *Pitrachar* vero jura regia jam non obscure usurpans, præcipuis regni muneribus clientes admovit, Mandarinos, quorum fidelem operam expertus fuerat, altius evexit, vinctisque hætenus confictos solvit, servitiis etiam promiscuæ multitudini remissis, congruèque eidem præbitis: moderationis non minus quam magnificentiæ laude utique captata. In regiam porro filiam nihil durius statuit, interfecti sponsi injuriam connubiali fœdere cum ipsa ineundo, (cujus quidem solennia excedente *Fargessio* nondum celebrata erant,) non iniqua ratione expiaturus. Rebus ita ex voto partim perfectis, partim dispositis, nihil prius *Pitracha* visum, quam ut *Gallos* æquis conditionibus placatos, cum pace e regno dimitteret. Placuit verò negotium a liberatione filiorum *Fargessi* auspicari, quos ad se vocatos blande allocutus, excusata parentis obstinatione, inque milites ejus rejecta culpa, velut in tesseram amicitiae *Bankokum* ultro remisit, ingenti applausu & congratulatione ibidem exceptos. Cessatum mox utrinque aliquantum ab hostilitatibus, variis hinc inde pacis conditionibus propositis, marcens sensim, ipso temporis tractu, *Siamensium* furore, qui primo sub impetu, ad imbellē usque sexum tanquam serpente, contagio, processerat.

Appellunt interim *Bankokum* binæ naves, in piratas nuper emissæ, exponuntque *Gallos* classiarios; advolant & *Louvo* præfecti *Gallorum* libertati redditi, alique ejus gentis, detinentium manibus furtim elapsi: comminoratisque prolixè adversis, quibus toto passim regno per hos motus expositi aut jactabantur aut succumbebant Christiani; & factò *Bruani*, qui cum suis in castro *Mergui* obsessus, aquæ inopia superincumbentibus hostium aggeribus compulsus, via per medios hostes vi facta, commodumque intercepto navigio regio fuga sibi suisque consuluerat; solitudinem intendunt *Fargessi*, ancipiti instantium expectatione suspensi. Nec enim quieta obsessis tempora erant, qualicunque hac induciarum specie; vario eoque crebro tumultu, simulate secum agi, ut nec opitantes subita fraude opprimantur, non leviter turbatis: accedentibus præcipue quotidianis perfidiæ *Siamensium* experimentis, pro sua libidine pacta conventa fingentium & re-



& refingentium. Dum autem difficultatibus istis *Galli* exercentur, confectum prope negotium totum pene irritum reddidit *Constantii* vidua, quæ captandæ fugæ occasionem nacta, custodes suos fefellerat, & *Bankokum* se receperat. Indignissimè tulit hoc *Pitrachas*, & ni protinus ea dederetur, nullam compositionis spem superfore interminabatur. Verebatur enim, ne illa regno digressa spes sibi intercideret recuperandæ ingentis pecuniæ, quam *Constantium* clam evexisse uxore conscia opinabatur: & jam *Fargesio* de salute miseræ anxio, ideoque tergiversante, omnia ad vim denuo spectabant, bellumque crudelius exarsurum videbatur, cum *Fargesius* deditioni annuens, interposita tamen novi regis fide impunitatem libertatemque illi, familiæ ejus & necessariis pactus, concitam tempestatem declinavit.

Tandem ergo post abrupta semel iterumque pacis negotia, sequentibus conditionibus inter dissidentes convenit: *Galli*, nullo munitionibus loci damno illato, militari pompa cum armis & impedimentis excedant; hos tribus navigiis præbitis, commeatu cæterisque necessariis juvent *Siamenses*, duobus Mandarinis obsidum loco adjunctis, qui abeuntes ad fines usque regni comitentur.

Discessere *Galli* festo mortualium, altero quam advenere anno. Cæterum *Autor* pene fidem superare contendit, labores a *Siamensibus* insumptos excitandis tam multiplicibus operibus castrensibus, aggeribus, munitionibusque, quibus vel *Gallos* circumcingere, vel suppetias adverso flumine venturas areere studuerunt: non dissimulat tamen, populum artium harum non perinde gnarum, ab hospitibus, *Anglia*, *Batavis*, *Lusitanis* strenue adjutum; quibus singulis suæ in promovenda obsidione vices fuerint & munia. Recensitos autem hosce suos suorumque casus illustri sibi documento esse fatetur, ne in desperatissimis quidem malis, quibusque par, nullum remedium videatur, omnem spem ab afflictis unquam abjici, sed salutarem a tempore medicinam expectari oportere.

## HISTOIRE DE L' ETABLISSEMENT des Francois Refugiez dans les Etats de S. A. E. de Brandebourg.

id est,

Historia

Historia receptionis Gallorum exulum in ditionem *Serenissimi ELECTORIS BRANDEBURGICI*.

Berolini, apud Robertum Rogerum, 1690. in 8. plag. 26.

**D**um avide expectamus majora opera Virorum nobilissimorum, *Samuelis Pufendorfi* & *Johannis Besseri*, quorum is prorsus Latina, hic versa Germanica res gestas, quibus *FRIDERICUS WILHELMUS, Elector*, dum viveret, *Brandenburgicus*, MAGNI cognomen ex merito obtinuit, a Serenissimo hujus Successore, *FRIDERICO III*, utpote non minus pio tanti Genitoris filio, quam bono Patriæ Patre, jussus est; offertur nobis libellus præfens, quo non tota quidem vita Herois illius incluti enarratur, una tamen illius actio, quæ inter ceteras quam maxime eminet, & amplissimam scribendi materiam Duumviris supra laudatis suppeditabit, tanto accuratius memoriæ seræ posteritatis commendatur. Est ea benignissima receptio Gallorum, qui patriam & bona religioni reformatæ posthabuerunt, fugaque elapsi novam patriam in Electoratu Brandenburgico repererunt, cum, ut est in veteri proverbio, *patria sit, ubicunque bene est*. Felicia ista facta ac halcyonia exulum quondam miserorum *Car. Ancillonius*, qui utramque fortunam cum civibus illis suis communem habuit, communi quasi nomine in hoc quadripartito panegyrico meritisimis laudibus efferre sategit. Distincte igitur memorat, quanta beneficia optimus Princeps contulerit partim in literatos omne genus, partim in militarem vitam amplexos, partim in mercatores, artificesque, aut rusticos, partim denique in omnes, quotquot nec professione aliqua singulari ab aliis distingui queunt, nec aliquid bonorum secum e Galliis adportarunt, adeoque, quicquid possident, soli liberalitati Electoris debent. Longum foret, ire per singulos. Sufficiet lectorem harum rerum cupidum de editione libelli monuisse, in quo munificentiae vere regiae plura, quam putabit, exempla admirabundus reperiet. Nos, misis his obingentem copiam, memorabilia alia enotabimus, quæ nondum *Novellis publicis* celebrata meminimus. Inter colonias Gallico-Brandeburgenses, una quoque Regiomontum in Prussia deducta est, ubi complures Galli, sed *Romano-Catholici*, jampridem jus civitatis obtinuerant. Decem fere annis, antequam in Reformatos Gallicanos perse-

persecutio decerneretur, ecclesia reformata Gallica Berolini, sub duorum Ministrorum verbi moderamine, coaluerat, *disciplina ceremonisque* usa *iisdem*, quibus illic loci utuntur *Germani*. Anno autem 1685, cum septem alii Concionatores exules ecclesiæ Gallicæ Berolinensi adderentur, priores non minus quam hi haud alios ritus, indultu Electoris observare cœperunt, quam quales in Galliis observaverant. Inter summos Serenissimi Electoris Ministros, quibus Gallicarum coloniarum salus ac commoda curæ sunt, *Danckelmanni* quoque celebrantur, de quorum nobilissima gente notat Ancillonius, admiratione dignius esse, quod septem ex ea uno patre nati, uni Principi omnes aut in aula propria, aut in exterorum aulis, ubi legationibus funguntur, serviant, quam quod fratres quinque ex illustri *Angenensi* familia orti, superioribus temporibus primarii Regis Galliarum ministri ac ad universos pene Europæ Principes legati fuerint. Singulis Jovis diebus Eruditi, quotquot voluerint, in ædibus illustrissimi Viri, *Ezech. Spanhemii*, Berolini conveniunt, & de scriptis veterum æque ac modernorum sermones inter se conferunt. Nos heic definimus, id solum addentes, nostro iudicio nihil posse reipublicæ literariæ gratius utiliusve accidere, quam si quis doctorum virorum, quibus tam beatis esse licet, ut colloquiis illis intersint, acta Societatis suæ evulgaret. Neque enim hujus *Directori* aliquid proletarium excidere posse videtur, nec credibile est, quemquam Collegarum eo præsentem aliquid proferre ausurum, quod non tanto iudici omni ex parte sese approbare possit.

p. 68.

p. 160.

*KORT BONDIGE VERKLARING VAN  
de gesonde en ongesonde Stand des Menschē, des  
selfs oorzaak en Geneefing.*

id est:

Brevis Explanatio sani & morbidi hominis status;  
utriusque causarum & hujus medelæ, Anatomix Corporis humani ac veræ Experientix superstructa: autore  
Gerardo Sermes, Med. D. Amstel.

Amstelodami, apud Wilhelmum de Jonge, 1690 in 8. Plag. 12.

Q

Artem

**A**Rtem Medicam, Hippocrati quondam longam salutatam, Autor hic brevissime enucleaturus, tres ejusdem partes constituit: quarum duabus prioribus statum hominis cum naturalem, tum præternaturalem sive morbosum, & utriusque causas, ultima vero medelam hujus ac remedia edocet. Statum naturalem sive sanum non solum quoad corpus sive partes solidas a variis humoribus probe tensas, qui ortum alimento in ventriculo primum dissoluto debeant; sed & quoad ipsam animam perpendit, hominem secundum utramque partem sanum asserens, primo, ubi anima clarissime & efficacissime corpus suum cognoscat & regat; deinde, ubi vascula singula sufficienter tensa, bene locata & debite conformata existant; ubi denique humores probe commixti sint, ac convenienter per vascula sibi proportionata moveantur. Quemadmodum vero homo generationis adminiculo propagatur, hinc in lucem editus a rebus non naturalibus vulgo dictis sanus conservatur: ita generationem a semine masculino æque ac femineo sive ovulo, ideam humanam jamjam continente, sanitatis autem perpetuationem ab aere, cibo & potu, somno & vigiliis, motu & quiete, pathematis animi, vestibus, medicamentis &c. tanquam causis dependere indigitat. Nec dissimili ordine statum morbidum & corporis & animæ, ejusque causas evolvit, ac quanam indicationes in medela tum corporis, tum animæ, tum causarum attendendæ veniant, una cum remediis resolventibus, sudorifera & diuretica comprehendentibus, emollientibus, somniferis, adstringentibus, maturantibus, attrahentibus, vesicantibus, escharoticis, digestivis, sarcoticis, abstergentibus, epuloticis, sternutatoriis, apophlegmatizantibus, vomitoriis & purgantibus, succincte suggerit.

*HET MEDICINALE COLLEGIE OVER  
de Practyk der Medicinen &c.*

hoc est:

Collegium Medicum Practicum, causas, signa & curationes præcipuorum internorum pariter atque nonnullorum externorum morborum comprehendens; una cum brevi descriptione Sceleti humani.

Autore L. S. M. D. & P.

Amstelodami, apud Joh. ten Hoorn, 1690. in 8. Plag. 18.

Autor

**A**Utor hic exactiorem Medicinæ theoriæ supponens, magis de præscribendis remediis, quam natura, causis & prognosi morborum evolvendis deprehenditur sollicitus, utpote de quibus integris LXXI capitibus non nisi parcissime agit. Testimonium nobis præbeat Hæmoptysis, Cap. 31. pertractata; hæc enim adesse innuitur, cum sanguis e pulmonibus expuitur, ob glandulas exulceratas, quæ in pulmonum membranam ferantur, arteriarum oscula quacunque de causa dilatata, vascula sanguifera rupta, vel pravam quoque vesicularum pulmonalium conformationem &c. Eventum vero hujus morbi, ratione necessarij pulmonum usus continui, dubium esse ac periculosum, ac in peripneumoniam, empyema, hydropem pectoris, similesque morbos omnino degenerare posse. Tandem curam absolvi, si auxiliatrices symptomatis ferantur manus, & venæsectio semel iterumque, prout vires ægroti permittunt, administretur, simulque alimenta calida, omnia animi pathemata & Venus interdicanter. Et quamvis eadem medicamina, quæ in narium hæmorrhagia proposita fuerunt, hic quoque proficua commenduntur, plura tamen alia superadduntur tum interna, potiones videlicet sive mixturæ, pulvis, conditum & linctus, tum externa, aceti scilicet rosarum libra dimidia cum opii Thebaici scrupulo semis vel granis duodecim mixta, & scroto nec non pudendis linteorum ope admovenda. Cæterum Collegio huic Practico brevis ossium humanorum dilucidatio, septem capitibus comprehensa; Examen Chirurgicum Practicum, contusiones & fissuras capitis, item pectoris & abdominis vulnera concernens; medicamentorum internorum æque ac externorum Catalogus; termini denique artis usitati Latino ac Belgico idiomate annectuntur.

## A SCHOLASTICAL HISTORY OF THE

*Primitive and General Use of Liturgies in the*

*Christian Church, by Th. Comber D. D. Precentor*

*of York. five:*

Thomæ Comberi, Theol. D. ac Præcentoris Eboracensis, Historia Scholastica de primitivo ac generali usu Liturgiarum in Ecclesia Christiana.

Londini, apud Rob. Clavell, 1690. in 8. Plag. 41.

Q<sup>2</sup>

Quum

**Q**Uum notum sit, quantis per Angliam disfidiorum turbis occasio-  
nem dederit factio eorum, qui varios ecclesiarum hujus regni  
ritus, ac speciatim formulas Liturgicas fastidiendo, puriorem ac primi-  
tivæ Ecclesiæ magis consonam cultus formam affectant: hinc non  
parum ad conciliandam inter conterraneos suos unionem conferre se  
posse credit Autor, si præter generalem Protestantium Ecclesiarum  
hac in re consensum, ostenderet, cunctas objectiones, circa hoc nego-  
tium ab adversa parte motas, infirmas ac nullius momenti esse. Præ-  
sertim vero ac tantum non unice directus hic Liber est adversus post-  
humum *M. Davidis Clarksoni Discursum de Liturgiis* non ita  
pridem, Anglico pariter idiomate, publicatum, ac tanto applau-  
su a sectæ istius assediis exceptum, ut etiam irrefutabilem passim  
jactare non dubitarint. Scilicet composuerat Clarksonus duplex  
scriptum, alterum nempe adversus Regimen Episcopale, alterum con-  
tra Liturgiam Angliæ contendens: quod utrumque licet ipse, dum in  
vivis fuerat, suppressisset; mox tamen post ejus obitum, & parum  
quidem opportune pro præsentium temporum statu, uti noster judi-  
cat, in lucem emittere publicam, incertum cui editori placuerat. Et  
in posteriori quidem tractatu (circa hunc enim tantum occupatus est  
noster) Clarksonus conatus fuerat, partim usum præcum extempora-  
nearum commendare, & conceptis ac solennibus orationum formulis  
anteferre; partim vero ostendere, Liturgias nunc vigentes non esse  
nisi recentem & corruptam cultus methodum; præscriptasque talis-  
modi verborum conceptiones invaluisse durantibus seculis ignoran-  
tia & superstitione torpentibus; ac toleratas dein porro fuisse per  
ignaviam cleri ac decrementum veræ devotionis: cæterum statas  
illas & conceptas formulas impedimento esse, quominus aut pastores  
dona sibi concedita debite exerceant, aut populus plenum fructum  
percipiat ex divinorum officiorum celebratione alioquin expectan-  
dum. Hæc omnia vero dum congestis magno numero Patrum scri-  
ptorumque ecclesiasticorum testimoniis comprobare sategerat, ma-  
gnumque adeo ex eorum copia pondus causæ suæ addidisse plurimis  
fuerat visus: Comberus antequam ad ipsius scripti refutationem se-  
met accingat, præmonet generatim, non esse cur quis numerofo isto  
allegationum cumulo capiatur: cum citationes istæ partim præter  
rem locis diversis repetitæ compareant in dicto Discursu; partim id  
modo

modo probent, quod nemo inficietur, non autem illud, de quo quæstio sit; partim non satis fidæ sint, sed quandoque textum invertant ejusque sensum corrumpant; demique ob accumulationem promiscuam & nulla cum temporum distinctione factam Lectori detinendo potius, quam instruendo inserviant: quæ singula deinde in operis progressu pluribus deducit. In eo autem non modo confutare adversarium ejusque hallucinationes ostendere statuit; sed & simul, quo discursum hunc suum magis fructuosum redderet, quotquot licuit, testimonia de Liturgiis earumque antiquitate, origine & usu colligere, ac singula exacto temporis ordine sub distinctis Patrum nominibus disponere; atque tum dispersa fragmina, quæ iste in contrarium allegarat, ad suum quodlibet locum reducere & ad ea respondere satagit: unde confidit clariorem hanc & plenior Relationem fore de maturo ortu & usu generali formularum Liturgicarum, quam quidem data hæctenus fuerit ab ullo eorum, quotquot hac de materia scripserint. Duabus vero partibus liber hic absolvitur: quarum prior, quatuor prima Christianismi secula percurrrens alteri ab Autore præmissa ac seorsim fuerat edita: dum non ita expedite de reliquis seculis annotata in ordinem colligere potuerat, & tamen Vindicationis hujus publicationem maturandam duxerat, ob nimiam dissentientium gloriationem, Clarksoni argumentis invincibile robur passim tribuentium. Tametsi vero potissimus nostri scopus sit, antiquum Liturgiarum in Ecclesia Christiana usum deducere; utpote quod ad stabiliendam earum auctoritatem jam sufficiat: nihilominus, cum Clarksonus non veritus fuisset scribere, formularum Liturgicarum patronos earum primordia nequaquam ad sacram Scripturam referre audere, contentos ad praxin ecclesiasticam hoc nomine provocasse: hinc Autor non abs re fore judicavit, si illarum vestigia in operis sui frontispicio ex ipso etiam Sacro Codice allegaret. Tametsi vero a Fagio aliisque huc referatur textus *Gen. 4. v. 26.* ubi fertur, Enoschi tempore coëptum esse invocari nomen Jehovah, quod de solenni liturgia exponunt: tamen cum alii verba ista secus intellecta velint, mavult Autor, probaturus populum Dei mox ab antiquissimis seculis generaliter in cultu sacro formulas precum laudumque statas adhibuisse, primum hujus rei exemplum in epinicio illo festivo Israelitarum *Exod. 15. v. 1. & 21.* descripto quærere; ubi nempe manifestum

stum est, viros atque foeminas alternis cecinisse. Similiter allegat solennem formulam adjunctam Sacerdotibus, coetui benedictionem impertientibus, *Num. 6. v. 23*; Israelitis, primitias suas decimasque Domino offerentibus, *Deut. 26. v. 5. & 13*; pœnitentiam agentibus, *Hof. 14. v. 2. j. 4.* Psalmos præterea Davidis nil aliud fuisse arguit, quam verborum conceptiones ipsi a Spiritu Dei non in privatum modo, sed & publicum Ecclesiæ usum dictatas. Denique ab Hammond, Lightfooto aliisque abunde demonstratum ait, Judæos ad Salvatoris usque tempora solennes publicarum precum formulas adhibuisse iis non multum absimiles, quæ hodiernum in Ecclesia Anglicana vigent. Neque vero hoc ad veteris solum testamenti tempus restringi debere inde evincit, quia nulla sufficiens dari ratio valeat, cur hæc officia nunc non ad eundem modum, ut olim peragi debeant, maxime cum Christus & Apostoli in templo his ritibus semet conformasse legantur; neutiquam vero eos taxasse aut inter abusus ejus ævi, alioqui satis libere reprehensos, recensuisse. Quin & Salvatorem a statis precandi formulis non abhorruisse, sed eas potius probasse, inde jubet colligere, quod ipse discipulis rogantibus, ut eos orare doceret, præscripserit divinam illam Precationis Dominicæ formulam, quam aliis sibi hætenus usitatis adderent, in signum, quod ipsius essent discipuli; prout potiores istorum temporum Rabbini factitare fuerint soliti: præterea annotatum ab eruditis perhibet, ipsum singulas imperatæ hujus formulæ sententias consulto hausisse ex Judæorum precationibus passim tunc usu receptis. Porro huc refert canticum Christi post ultimam cœnam dictum, *Matth. 26. v. 30.* quod nempe extemporaneum non fuisse inde pateat, quia apostoli id una recitare potuerint; item Servatoris preces ad montem olivarum trina vice eodem licet tenore repetitas; nec non verba ex *Psal. 22.* in cruce prolata: Cæterum Apostolos quoque semet accommodasse formæ horisque precandi in Judaica Ecclesia receptis, & oratione Dominica usos, Augustino teste, etiam postquam Spiritu Sancto donati fuerint. Licet vero Clarksonus multis Scriptorum ecclesiasticorum testimoniis comprobare annisus fuerat, intentionem hujus orationis, a Servatore suis, dictatæ non fuisse, ut formula esset; sed tantum ut norma foret ac directio, quamnam scilicet res a Deo expecti deberent: attamen nil aliud cum demonstrasse noster largitur, quam quod non modo illi, sed



sed & huic fini inservire iussu fuerit ; id quod vero nemo in dubium vocet: imprimis cum ex inspectione cunctarum Liturgiarum evidens sit, eas ad exemplar excellentissimæ hujus orationis compositas esse: dum nimirum Collectæ pro impetranda Dei gratia, prioribus tribus petitionibus; preces pro terrenis benedictionibus, quartæ; confessiones & Litanie peccatorum remissionem malorumque depulsionem efflagitantes, tribus posterioribus; denique grates, hymni atque laudes Doxologiæ tanquam fundamento innitantur. Cum autem Clarksonus multoties in suo Discursu donum illud precandi in Ecclesia Apostolica olim vigens urgere & inculcare contendisset, paucis noster quid de eo sentiendum sit, exponit. Nimirum innuit, nusquam ejus mentionem in Scripturis expresse factam reperiri: & quamvis hoc nomine allegentur textus *Matth. 10. v. 19. Rom. 8. v. 26. Eph. 6. v. 18*: nullum tamen ex his donum ejusmodi preces extemporaneas fundendi discrete indigitare ostendit: cum *primus* tantum loquatur de verbis ad persecutores faciendis pro sui defensione; unde ad colloquium cum Deo habendum inferri nihil valeat, utpote coram quo proferri nihil debeat, nisi quod probe prius consideratum fuerit: *secundum* quod attinet, e contextu satis evidens esse arguit, eum solum tractare de infirmitate impatientiæ sub præsentibus afflictionibus gementis & immediatam liberationem jam tunc efflagitantis, ubi nondum aut Deo visum sit, aut nobis proficuum: hac ergo in infirmitate nos a Spiritu sublevari, docente quidem, quomodo nos Dei arbitrio submittere oporteat & orare, ut ejus voluntas fiat; attamen interim intercedente apud Deum pro nostri liberatione, & quidem suspiriis inenarrabilibus: *tertium* denique textum de dono linguarum agere, non vero de isto extemporaneo impetu donoque precandi. Hujus ipsius vero nec apud ullum e Patribus mentionem injectam haberi, putat Comberus, ante Chrysostomum: qui & ipse tamen id neutiquam omnibus fidelibus commune, sed solis Ecclesiæ pastoribus peculiare fuisse innuat, idque non minus miraculosum fuisse, ac linguarum illud, dudumque ante suum ævum cessasse agnoscat: simul tamen insinuat, formulas tum temporis in sacris solennes, originem suam fere ducere ex precibus per Viros sanctos sic inspiratos olim fuis, quorum nempe verba scriptis excepta & asservata, atque tunc in usum adhibita fuerint, postquam miraculosum isthoc donum cessasset: testantibus

stantibus id Liturgiarum antiquarum formulis, utpote quæ non modo methodo, sed subinde verbis etiam & phrasibus inter se mutuo consonæ deprehendantur: ut adeo donum hoc precandi suffragetur potius Liturgiis modernis, earum inspecta origine, quam usum earum tollat. His ita prælibatis Autor ordine progreditur, & singula secula singulis capitibus pertractat: in quolibet sigillatim exhibens, quicquid apud Patres scriptoresque ecclesiasticos sententiæ suæ suffragans reperire potuit; ac vicissim diluens ea, quæ ex iisdem contra Liturgiarum usum Clarksonus corraferat: autorum locis ubique in margine citatis: quo evolvere eos cuique liceret, Anglica translatione non contento, qua scilicet eorum fere verba modo exprimere placuit. Quamvis vero Seculi primi, quo nempe Pastores & Episcopi toti in convertendis gentilibus occupati non ita multa literis mandarunt, pauciores extiterint scriptores, ac de eorum operibus vix quidquam ad nos pervenerit, unde & Clarksonus illud plane silentio præterierat: non tamen omisit noster ex hujus etiam Seculi autoribus nonnulla conquirere, Liturgicarum formularum auctoritati antiquitatisque faventia. Sic in usum suum vertit, quod Philo & Josephus de Essenis traditum reliquere; nempe inter ritus in divino cultu ab ipsis observatos haud postremum fuisse, quod ante Solis ortum surgentes Deum invocarent certis precibus, quas a majoribus accepissent, hymnisque alternatim decantatis: jam olim enim ab Eusebio & recentius ab eruditibus quibusdam annotatum ait, Essenos illos aut reapse Christianos fuisse, aut saltem plures sacrorum ritus cum iis communes habuisse. Pariter ex famosa illa Plinii ad Trajanum epistola de Christianis, hæc verba in rem suam citat, quod inter alia soliti fuerint *carmen Christo quasi Deo dicere invicem*: ubi supponit Plinium, ethnicum scilicet & phrasi popularibus suis consueta usum, designare voluisse preces in stata verborum forma factas: ex Livio enim, Brissonio aliisque satis liquere autumat, Romanos id omne *Carmen* vocare solitos fuisse, quod concepta & solenni verborum formula constaret: ut adeo non præcisè de hymnis tantum decantatis, sed & de precibus fuis commodè capere id liceat, maxime cum *dicendi* modo, non *canendi* vocabulo Plinius hic utatur. Denique & ex Clemente Romano, nec non Ignatio unum alterumque locum pro Liturgiis facientem producit: prætereaque ex Socrate de ultimo refert,

refert, Ignatium hunc introduxisse primum in Ecclesia Antiochena ritum per modum Antiphonæ canendi. Quod porro ad Seculum II & III attinet, monet Autor, tametsi jam plures ea nobis largiantur scriptores Ecclesiasticos, pauca nihilominus in iis vestigia extare de sacris ritibus tunc usitatis; partim quod istis persecutionum temporibus cultus fere intra privatos parietes cohiberetur, curarentque Christiani, ne ejus ceremonias propalando ethnicis irridendi blasphemandique materiam præberent: partim quod ipsos quoque catechumenos, antequam baptismo donati essent, mysteria potioresque adeo sacrorum officiorum formulas celare satagerent. His tamen non obstantibus, varios ex utriusque seculi Patribus textus affert, haud obscure comprobantes, viguisse istis temporibus jamjam usum formularum precandi in publico fidelium cœtu. Quartum porro seculum copiosiora jam Nostro suppeditavit testimonia pro thesi sua stabilienda: quæ sola jam sufficere potuisse ad refutandam Clarksoni assertionem judicat; (asserentis nempe, Liturgiarum statarumque precandi formularum usum non nisi sub finem quinti & initium sexti seculi cœpisse:) præsertim cum quartum hocce seculum primum sit, quo Ecclesia sub Christianis magistratibus esse, & dona miraculosa cessare cœperint, adeoque status cum moderna publicorum Sacrorum facie congruere. Inter alia quamplurima hujus seculi monumenta, quæ quidem hic enumerare non vacat, allegatur etiam famosus ille Hymnus, cujus initium *Te Deum laudamus* habet; quem scilicet Ambrosio deberi, Noster contra Clarksonum strenue contendit: licet non diffiteatur, manuscripta nonnulla eum tribuere Abundio Episcopo Comensi, qui A. C. 450 vixerit, & in alio quodam exemplari eum audire Hymnum Nicetii, qui Trevirensium Episcopus fuerit circa A. C. 530. Atque hæc de parte priori hujus operis dicta sufficiant.

In parte posteriori Comberus telam suam pertexere pergit, per seculum quintum, sextum & sequentia. Licet enim satis fuisse putaret, antiquitatem Liturgiarum per quatuor priora secula deduxisse: attamen quia ex sequioribus etiam argumenta quædam Clarksonus traxerat, Noster ea intacta relinquere noluit: maxime cum ille, uti dictum, uno alteroque seculo recentiorẽ Liturgiarum originem facere conatus fuisset, imo ostendere, earum usum liberum & arbitrium mansisse usque ad seculum nonum. Autor itaque demonstrare ad-

R

ductis

ductis scriptorum testimoniis allaborat, temporibus seculum quatuor inscritis formulas precum liturgicas non modo ulterius injunctas & usurpatas fuisse, sed & generali consensu creditas descendere ex traditione Episcoporum celeberrimorum ævoque Apostolico cœtaneorum. Et licet non inficias eat, id quod a Clarksonio objectum fuerat, seculis hisce jam multum corruptionis in Ecclesia invaluisse, adeoque unum alterumque in formulas horum temporum irrepisse, quod probari non mereatur: non ideo tamen mox ipsam methodum per certas formulas precandi ait posse culpari, ut quæ in se innoxia ab additionibus ejusmodi perverfis facile liberari queat, prout etiam post Ecclesiæ Anglicæ reformationem factum fuerit. Appendicis loco, postquam hæc omnia prolixè executus est Autor, duo superaddidit capita: altero in unum breviter collegit argumenta Clarksoni hinc inde per ejus Discursum dispersa, nec ad certum aliquod tempus reduci commode valentia, iisque suas aptavit responsiones: altero, quo nempe ulterius convinceret Clarksoni partibus faventes, & magis completam hanc historiam redderet, congestit testimonia famosiorum recentioris ævi Theologorum Reformationum, tam utilitatem & antiquitatem Liturgiarum in genere, quam speciatim præstantiam formularum precandi in Anglicana Ecclesia receptarum respicientia. Librum denique claudit indiculus, uno obtutu & ordine exhibens seriem temporum, quibus Scriptores per totum hocce scriptum citati vixerint: cujus certe universa compages de Autoris eruditione multaque sectione abunde testatur.

## LA VIE DE CHARLES V. DUC DE LORRAINE & de Bar.

id est:

Vita Caroli V. Ducis Lotharingiæ & Barri, exercituum Imperialium Generalissimi.

Amstelodami, apud Joh. Garrellum, 1691. in 12. plag. 19.

**H**istoriam *CAROLI Quarti* Lotharingiæ Ducis, a Marchione *Bellovalensi* (de *Beaubau*) in literas relata, fuisse, ut par erat, recensuimus in *Actis Eruditorum* Anno 1687. p. 670-677, & 1688. p. 89-98. Non potuit non crebra illic mentio fieri *CAROLI Quinti*, Lotharingiæ Ducis, *Caroli illius*

illius *Quarti* ex fratre *Francisco* nepotis & legitimi hæredis. Sed hujus vitam nuper ex professo, ac justo quidem volumine enarravit anonymus Auctor, quem laboris infumti, nostro quidem judicio, nec pudere, nec poenitere oportet. At quominus æque ampla excerpta ex eo conficiamus, in causa est, tum quod ea, quæ *Carolus* nondum viginti annos natus exercuerunt, infortunia maximam partem e *Bellovallio* desumpta videantur, adeoque in compendio satis prolixo legi possint locis Actorum nostrorum supra citatis, reliqua autem optimi Principis gesta ex *Novellis* publicis partim, partim ex Actis pacis *Neomagensis* aliisq; libellis nota sunt, recentique omnium memoriæ inhæreant, adeoque vereamur, ne strictius paulo pro more nostro enarrata nauseam ciant, quæ in ipsius libelli contextu, circumstantiis suis accurate & copiose digestis, non possunt non perplacere lectoribus curiosis. Cæterum natus erat *Carolus* 3. Apr. 1643; mortuus catharro suffocativo 18. Apr. 1690, postquam tot a Gallis æque ac Turcis victorias retulisset, ut extra dubium sit, inter maximos sæculi nostri heroas eum nullo non ævo computatum iri. Utut vero in artibus cumprimis militaribus laudem nunquam intermorituram meruerit, eæ tamen haudquaquam, ut alias non raro usu venit, effecerunt, ut a pietate, historiarum, politices, linguarumque Latinæ, Germanicæ, Gallicæ, Italicæque peritia, itemque modestia atque affabilitate alienus esset; quin dum has omnes illis felicissimo connubio junxit, utroque nomine dignus est æterna særæ posteritatis memoria. Fortuna usus est adversa modo, modo propitia. Sed quicquid divinæ providentiæ in eum decernere placuit, æquo pertulit animo, semper sibi constans. Merito sibi gratulabatur de affinitate Augustissimi Imperatoris, utpote qui & fidem sibi præstitam viventi infinitis infusati amoris signis rependit, & quadruplicem defuncti sobolem protectioni suæ quammaxime commendatam habet,

## LETTRES DU CARDINAL MAZARIN.

id est:

## Epistolæ Cardinalis Mazarini.

Amstelodami apud Andreæ Pierrot, 1690. in 12. plag. 13 1/2

**L**onge meliori fide usum confidimus editorem anonymum epistolarum *Julii Mazarini*, ac qualem in *Anecdosis Florentinis* cæterisque

risque operibus suis adhibuit *Varillasius*, qui non una principibus illustribusque viris monumenta ex proprio cerebro supposuisse, magno eruditorum consensu creditur. Epistolarum harum aliquæ datæ sunt ad *Ludovicum XIV*, Galliæ Regem, aliæ ad Regis *Matrem*, cæteræ ad ministros regios, *Lionneum* & *Tellerium*. *Prima* exarata est 10. Julii 1659; ultima eaque (si numerum requiras) *trigesima sexta* 4. Sept. ejusdem anni. Historiam illæ pacis Pyrenææ majorem in modum illustrant, nec pauca callidi Cardinalis cogitata & acta, quæ vulgati historici aut reticuerunt aut ignorarunt, detegunt ac produnt. Tria vero cum primis notatu videntur digniora. Horum unum est affectus, quo Rex amplectebatur *Mariam Mancinam*, Mazarini e sorore neptem, ac postmodum *Laurentii Columnæ*, Principis Palliani, Comestabilis Neapolitani conjugem. Id rei tolerare non poterat Cardinalis, cum inter pacis conditiones, quas cum *Ludovico de Haro* pacisci debebat, præcipua fere esset Infantis Hispanicæ cum Galliarum Monarcha conjugium. Acriter ergo (præsertim epistola XXIII.) ab illegitimis amoribus dehortatur Regem, & inter cætera argumenta, quibus illos ei dedecori fore operose probat, animum neptis suæ levem adeo ac a modestia & prudentia alienum repræsentat, ut non sine stupore literæ illæ prolixissimæ, sed magno cum verborum delectu conscriptæ, perlegi queant.

Alterum, quod notatu dignum putabamus, studium est indefessum, quo Mazarinus impedivit, quominus Condeo Principi, qui belli Hispano-Gallici tempore ab Hispanorum partibus steterat, *αυτοκράτορος* imperium alicubi terrarum obtingeret, aut Carolo IV. Lotharingo ablata restituerentur.

Tertium est ars affectus suos dissimulandi, qua Mazarinus terrorem Hispanis incussit, eosque adegit, ut in pacem consentirent, etsi non obtinuissent, quod in gratiam Condei tantopere ac enixe adeo petierant.

## L'HISTOIRE DE DON IEAN D'AUTRICHE, fils de l'Empereur Charlequint.

id est,

Historia Joannis Austriaci, Caroli V. Imp. filii.

Amstelod. apud Petrum le Brun, 1690, in 8. plag. 18.

Joannes

JOANNES AUSTRIACUS, Caroli V. Imperatoris filius naturalis, natus e matre incompti nominis 25. Febr. 1546, victoria contra classem Turcorum ad Naupactum 7. Oct. 1572 obtenta aeternam famam meritis, Belgii dein Gubernator factus, Namurci extinctus est Kalendis Octobris 1578. Hujus historiam condere aggressus est Auctor anonymus, Pontificiae religioni tanto fervore addictus, ut legem historicis fixam, ne studiis partium fidem suam suspectam reddant, sibi quoque latam non putasse videatur. In *Carolus* certe, Philippi II. Regis Hispani gnatum, Reformatis paulo æquiores, quam Romano-Catholici volebant, vehementer adeo invehitur, ut, quod p. 30. lin. 12. ei exprobraverat, mox p. 32. lin 17. repetat, nimirum quod, dum puer adhuc esset, magnam voluptatem ceperit ex leporum jugulatorum ac inter moriendum palpitantium spectaculo. *Famianum Stradam* Jesuitam ducem sequitur Noster ut plurimum, utpote quem *tantopere felicem esse* prædicat, (in discursu operi præfixo, quem præfationem dixissemus, nisi id nominis Auctor ipse, singulari novitatis elegantioris affectatione, deprecatus fuisset,) *ut approbationem adeptus sit omnium nationum, & in his illius quoque, qua universas contemnere, nec nisi se solam admirari eidem fertur.*

Cæterum ne quis Auctorem *Strada* universa libelli contenta debere opinetur, in *limine* statim grata mente profitetur, hausisse se sua e sex historicis clarissimi nominis, quorum ætatem & elogia succincte edisserit, Guidone nempe *Bentivoglio*, Jacobo Augusto *Thuano*, Hugone *Grotio*, Famiano *Strada*, Ponto *Heustero*, Ludovico *Guicciardino*. Penultimi obitum refert in 6. Aug. 1611, cum alii & nuperrime *Henningus a Witten* in diario biographico A. jam 1602. d. 6. Aug. illum decessisse, auctores sint. Vicissim vel ex hoc Anonymo supplere licebit *diarium* istud *biographicum*, ubi nulla facta mentio Guidonis *Bentivoglii* Ferrariensis. Natus is est anno 1579; Cardinalis creatus 28. Jan. 1621; metu Papalis dignitatis, quam post excessum *Urbani VIII.* in se collatum iri timebat, undecim noctibus nihil somni capere potuit, eaque de causa febri correptus, spiritum reddidit 7. Sept. 1644. Eadem fini in ipso operis exordio promittit Noster, *innumera* se memoraturum, quorum *Strada* aut nullo modo, aut vix verbulo meminere, expeditiones nempe Joannis Austriaci, Melitensem, Tunetanam, Bisertensem, Granatensem, prælium ad Naupactum, iter Lauretanum, receptionem

nem reginæ Margaritæ Valefiæ, pacificationem Gandavensem, rationes adventus Matthiæ Archiducis in Belgium, exilium Soti secretarii, Escovedia sicariis interempti obitum, fontes suspicionum Philippi II. erga fratrem consanguineum, Mariæ Stuartæ Scotiæ reginæ ac Caroli Infantis Hispaniæ fata, & centum curiosa inaudita, *cent curiositez inouies*. Imo nec soli illi historici sex Auctori nostro fuerunt usui, dum historiam hanc suam conscriberet. Plures enim subinde citat, ac sigillatim *Memorias Regina Margaretha*, ipsius nomine, opera & studio non *Caroli Vivoni*, Baronis de Chataigneraye, (ceu illarum editor autumavit) sed (ut *Paulus Colomesius* docuit,) *Petri de Bourdeille*, domini de Brantome, compositas. *Antonium* quoque *Varillasium* allegat Noster p. 282, queriturque eum, reclamante conscientia, *T. V. de Revolutionibus* tradidisse, a *Joanne* nostro Caroli consilia patri hujus Philippo II. prodita esse, quod ille per regii hæredis interitum viam ad thronum affectaret. Non autem Auctori probabile videtur, ejusmodi regnandæ libidinem Joannis, meri adhuc adolescentis, animum incessisse; quin nec suspicionem id genus cadere posse censet in eum, qui cum coronæ Tunetanæ, quam judice Papa Romano meruerat, spe excidisset, id haud invitus pertulit.

**FASCICULUS RERUM EXPETENDARUM & fugiendarum, prout ab Orthuino Gratio Presbytero Darentriensi editus est Colonia A. 1535. una cum appendice sive Tomo II. scriptorum veterum, quorum pars magna nunc primum e MSS. Codicibus in lucem prodit, opera & studio**  
**Edvardi Brown, Parochi Sundrigia in agro Cantiano.**

Londini impensis Richardi Chisvelli, 1690. in fol.  
Alphab. 16.

**C**irca prima, ut videtur, reformatæ religionis initia, incertum quo Anno, quo loco, & cujus auspiciis, opuscula nonnulla uno volumine comprehensa in lucem prodierunt, nempe *Aene Sylvii* de gestis Basileensis Concilii commentarii; vita Hildebrandi; vita Henrici IV; professio fidei *Waldensium*; articuli *Johannis Wiclef*, cum impugnatione *Wodfordi*; alix *Wiclef* propositiones ex illius libris excerptæ, damnatæque



tæque tam Londini & Oxoniæ, quam in Concilio Constantienſi; fragmentum *Æneæ Sylvii*; *Aretinus* contra hypocritas; de vocatione *Bohemorum* ad Concilium Baſileenſe, eorumque petitiones; examen *Johannis de Weſalia*, item condemnatio Wicleſi, Huſſi & Hieronymi Pragenſis. Hanc farraginem *Orthuinus Gratius*, reſectiſ notis marginalibus, quæ hæreſin ſapere ipſi videbantur, multisque aliis tractatibus additis, Colonia A. 1535 eum maxime in finem denuo typis imprimi curavit, ut qui generali Concilio, quod a multis deſiderabatur, interſuturi eſſent, ad reformandam eccleſiam ea uti poſſent. Hoc ab Orthuino Gratio collectum Syntagma, quod *fasciculum rerum expendarum & fugiendarum* inſcripſit, præter tractatus ſupra memoratos complectitur *Juliani* Cardinalis epiſtolas duas ad Eugenium Pontificem Romanum, de diſſolutione Concilii Baſileenſis cogitantem; *Academia Pariſienſis* appellationem contra Leonem X ad futurum concilium, in qua plurimi eccleſiæ abuſus perſtringuntur; *auream bullam* Caroli IV; *Constantini M. donationem* ex editione *Bartholomæi Picerni*, cum *Laurentii Valla* in donationem illam declamatione, & *Ulrici Hutteni* ad Vallæ declamationem præſatione, & aliorum de eadem donatione judiciis; *Poggii Florentini* relationem de obitu & ſupplicio Hieronymi Pragenſis; *Friiderici Imperatoris* epiſtolam, in qua Carolum Franciæ Regem Moguntiam ad capiendâ de rebus quibuſdam dubiis conſilia invitât; decretum *Synodi Saligunſtadienſis*, ab Aribone Moguntino Archiepiſcopo eoactæ; *Gravamina Germanicæ nationis*, cum remediis & aviſamentis ad Cæſaream Majeſtatem in duos libellos diſviſa; *Nicolai de Clamengiis* diſputationem ſuper materia Concilii generalis cum Parienſienſi quodam ſcholæſtico habitam; libellum de emendatione eccleſiæ a *Petro Alliaco* Constantienſi Concilio oblatum; *Johannis Franciſci Pici Mirandulani* orationem de reformandis moribus ad Leonem X & Concilium Lateranenſe; conſtitutionem ad removendos abuſus, a *Laurentio Cardinali* Ratiſbonæ editam; *Antonii Corneli Lynniciani* orationem in Colonienſi Synodo habitam; *Eraſmi Roterodami* libellum de ſarciendâ Eccleſiæ concordia; *Johannis Fabri* orationem de origine, potentia & tyrannide Turcarum: ut cætera, quæ hoc fasciculo continentur, epiſtolarum aliorumque tractatuum monumenta taceamus. Quamvis autem Gratius ſedulo caverit, ne crabrones irritaret, eumque in finem annatarum taxas centum gravaminibus

minibus Germanicæ nationis subjectas omiserit, quod se in honorem sedis Romanæ, quam Apostolicam & sacrosanctam appellat, fecisso non dissimulat: effugere tamen non potuit, quin Romani inquisitores hunc fasciculum inter libros prohibitos referrent. Et forte non defuerunt, qui suppressendis omnibus exemplaribus sedulam operam navarent. Certe in bibliothecis rarissime comparent. Quod cum animadvertisset *Eduardus Brovvn*, operæ se pretium facturum arbitratus est, si fasciculum hunc iterum in lucem protraheret; quod ita præstitit, ut non solum opuscula Gratii fasciculo comprehensa a plurimis mendis repurgarit, & scholiis quibusdam marginalibus illustriora reddiderit, sed etiam novam similibus tractatum, in quibus Pontificum Romanorum tyrannis, & varii ecclesiæ Romanæ abusus accensantur, appendicem addiderit, quæ duplo ferme major est, quam Gratii fasciculus; unde hoc opus jam *fascis* potius quam *fasciculi* nomine dignum editori Brovvnio videtur.

Inter tractatus in Appendice exhibitos primum locum obtinent *Hildeberti* Cenomanensis & postea Turonensis Episcopi epistolæ nonnullæ, sermo synodicus, curiæ Romanæ descriptio, quæ in nonnullis MSCis non Hildeberto, sed Sidonio Apollinari tribuitur, & epitaphium in Berengarium. Hæc Hildeberti Cenomanensis opuscula proxime excipit *Antilogia Papæ*, quam *Matthias Flacius*, & *Wolfgangus Wissenburgius* junctis operis Basileæ A. 1555. excudendam curarunt. Continet autem ista Antilogia Papæ scripta quædam veterum de corrupto Ecclesiæ statu, & Cleri Romani perversitate: nempe scriptum Scholæ Parisiensis de periculis Ecclesiæ anno 1389 compositum, cum præfatione *Matthiæ Parisiensis*; articulos scholasticorum Parisiensium, & Johannis XXII. contra monachos; duos sermones *Wilhelmi de S. Amore*; *Marsilii de Padua* tractatum de translatione Imperii; *aureum speculum Papæ* ab Anglo quodam scriptum; *Jacobi de Paradiso* tractatum de septem statibus Ecclesiæ in Apocalypsi mystice descriptis; *Gregorii Heymburgensis* appellationem primam & secundam, & confutationem primatus Papæ, una cum Pii II epistola, qua Gregorius Heymburgensis excommunicatus denuntiatur; *Hermanni Ryd de Reen* tractatum de vita & honestate Clericorum; *Volcuini Abbatis*, qui inter alia miracula ranis, quæ fratres æstivo tempore nimis inquietare solebant, perpetuum silentium indixisse dicitur, homiliam in parabolam de zizaniis,

& Hul-

& *Hulderici* Episcopi Augustani epistolam contra Cleri cœlibatum. Hanc Antilogiam papalem sequitur *Anonymi* cujusdam *Rotomagensis* tractatus brevis contra Cleri cœlibatum, quem ex bibliotheca Collegii Corporis Christi in Academia Cantabrigienſi olim excerptit, & libro suo de Cleri conjugati honore inseruit *Josephus Hallus*. Huic subjicitur *Gulielmi Grashavii* epistola expostulatoria ad *Severinum Binium* Parisiis A. 1624 edita, in qua Binio exprobrat, quod delectorum Cardinalium, & aliorum Prælatorum consilium de emendanda Ecclesia jussu Pauli III. conscriptum, item opusculum tripartitum ante 400 annos conscriptum, & epistolam Leodiensium ad Paschalem Papam a *Sigeberto Gemblacensi* conscriptam in sua Conciliorum editione contra conscientiam omiserit, quæ *Petrus Græbbius* suæ Conciliorum editioni inseruerat. Hanc epistolam comitantur illa ipsa scripta, de quorum omissione Grashavius cum Binio expostulavit, & consilium quidem delectorum Cardinalium ex editione *Hermanni Conringii* exhibetur, ad cujus calcem Brovvnus lectorem monet, extare *Johannis Sturmii* epistolam Cardinalibus illis cæterisque Prælatiſ missam, & editam in libro quodam, qui Francofurti A. 1610 prodiiit hoc titulo: *Discursus epistolares politico-theologici de statu reipublice Christiane degenerantis, tum de reformandis moribus & abusibus ecclesiæ &c.* Ad alia monumenta, quæ in hac fasciculi appendice leguntur, pergentibus occurrit *Adriani IV* Pontificis Romani epistola ad *Fridericum Barbarossam*, & Imperatoris *Friderici* ad Pontificem responsio. Quæ autem has epistolas sequuntur, ecclesiæ Gallicanæ Gravamina accepit Brovvnus a *Thoma Gale*, cui non minus ac Brovvnio ignotum fuit, an hæc Gravamina aliquando typis edita fuerint; interim ea ab utroque digna habita, quæ prælum iterum subirent, si forte jam olim edita fuerint. Non minoris æstimandi sunt sermones quidam & tractatus *Roberti Grossetest* seu *Capitonis*, Episcopi Lincolnienſis, quos nunc primum ex MSC. codicibus edidit clarissimus Brovvnus. Primus ex his sermonibus habitus est coram Papa & Cardinalibus in Consilio quodam seu Consistorio Lugdunensi, etsi Robertus, dum sermonem illum habuit, minime palluerit ut *Lugdunensem Rhetor dicturus ad aram*, sed magna cum libertate peroraverit. Et hunc ipsum quidem sermonem jam pridem ex tenebris extraxerat *Thomas Jamesius*, sed nescio quo fato, instar piscis piscatoris manibus elapsi, in profundum

rediit; unde sibi Brovvnius gratulatur, quod Capitonem a Jamesio amissum iterum ceperit, non dubitans lectori ad palatum fore. Idem Brovvnius notat, se ex MSC. quodam codice, quo in edendis his sermonibus usus est, animadvertisse, quod Roberti Grossetesti tractatus de cessatione legalium, A. C. 1658. Londini a viro quodam docto editus, vix pro tertia parte integri tractatus haberi debeat. Quæ autem Lincolniensis illius Episcopi opuscula in hac fasciculi appendice leguntur, hæc sunt: Sermo Lugduni habitus, de quo paulo ante diximus; sermo de triplici Regis officio; sermo ad verba Christi: *ego sum pastor bonus*; sermo contra pastores & prelatos malos; sermo ad sacerdotes de verbis Genes. I, 17. *posuit stellas in firmamento celi*; sermo ad verba Lucae XII, 13. *sint lumbi vestri praeincti*; dictum de bono iudice, ad verba Ps. LVIII. *recte iudicate filii hominum*; dictum de Prophetis veris & falsis, de fide & ejus articulis, de gratia & justificatione hominis, de orando, de superbia, de detractione & ejus malis; sermones tres de humilitate; dictum de patientia, de misericordia & justitia in omni Dei opere conjuncta; sermo ad Clerum de verbis Apostoli I. Tim. IV, 12. *exemplum esto fidelium in verbo &c.* & alius ad verba Ps. CXXXII, 9. *sacerdotes tui induantur justitia*; epistolæ variae ex centum & viginti octo epistolarum, quas MSC. codices suppeditarunt, numero selectæ, quibus subjungitur *Innocentii IV.* epistola pro investitura impuberis cujusdam adolescentis Itali in canonicatum ecclesiæ Lincolniensis, una cum cordatissimo rescripto Roberti hujus Lincolniensis, in quo papale fulmen, retorto alio fulmine, brutum reddidit, & Pontifici Antichristi notam inussit, quod rescriptum etiam apud Matthæum Parisiensem, & in Annalibus Burtonensibus legitur. Adduntur denique Roberti hujus constitutiones ex Cottoniano codice descriptæ, & ad Sidneiensem codicem collatæ. Interferit his Grossetesti opusculis Cl. Editor dissertatiunculas nonnullas de fide & doctrina Roberti Lincolniensis, & *Matthæi Parisiensis* narrationem de iis, quæ post Roberti rescriptum paulo ante memoratum inter Innocentium IV. & Robertum acta sunt. Refert etiam hæc, quæ nunc edidit, Grossetesti opuscula vix quinquagesimam Operum illius partem constituere, quæ tribus magnæ molis voluminibus collecta *Johannes Williams* dudum in lucem emisisset, nisi bella civilia hoc propositum interrupissent. Sed ad alia pergendum est, scilicet

scilicet ad antiqua regni & ecclesiæ Anglicanæ Gravamina, quæ ex *Matthæo Parisiensi* recensentur, variisque observationibus interpositis illustrantur, & Defensorium *Gulielmi Occami* & fratrum suorum ordinis minorum, de paupertate Christi & fratrum minorum, ac statu evangelico, contra varios errores Papæ Johannis XXII, per modum epistolæ ad universos Christi fideles conscriptum, & hic ex *Wilhelmi Crashavii* apographo expressum, & forte etiam antehac typis impressum, etsi nihil certi se ea de re novisse, *Brovvnus* fateatur; qui insuper observat, primam partem hujus Defensorii esse brevium quoddam seu compendium operis *nonaginta dierum* a *Goldasto* aliisque editi, alteram autem partem nihil habere cum aliis illius Autoris operibus in istis editionibus commune. Huic *Occami* Defensorio aliud jungitur, nempe Defensorium Curatorum contra eos, qui se privilegiatos dicunt, propositum in consistorio coram Papa & Prælati a *Richardo Armachano* Hiberniæ Primate, & a *Goldasto* in Monarchia, & aliquoties Parisiis impressum. Hoc Defensorium excipit *Nicolai Oresmii* oratio coram Urbano V. & Cardinalibus habita, quam etiam *Flacius* catalogo testium veritatis inseruit. Quæ sequitur Prophecia *Johannis de Rupefissa* Ord. min. provincie *Aquitaniæ*, custodis *Ruthemensis* ac *Causidici Aureliaci*, in Romana curia *Avenione* capti in carcere Papæ *Clementis VI*, pontificatus sui anno 8, qui carcer vocatur *Carcer Soldan* A. C. 1349, & ejusdem Autoris liber inscriptus: *vade mecum in tribulatione*, prædeunt ex fasciculo *Crashavii* varia scripta ecclesiæ Romanæ opposita continente, quem manuscriptum possidet *Gulielmus Asheton*, a quo illum *Brovvnus* mutuo accepit. Succedunt opuscula nonnulla *Petri de Alliaco*, nimirum recommendatio Sacræ Scripturæ, & principium in cursum bibliæ præsertim in Evangelium *Marci*, item quæstio in vesperiis: utrum *Petri* ecclesiæ lege reguletur? & quæstio de Resumpta: utrum *Petri* Ecclesiæ fide confirmetur? e quibus *Petri Alliaceri* tractatibus duo posteriores etiam in *Vindiciis doctrinæ* majorum scholæ Parisiensis *Edmundi Richerii* leguntur, priores autem ex editione Parisiensis A. 1500 exhibentur. His Parisiensis illius Theologi scriptis additur *Determinatio Universitatis Parisiensis* in causa diuturni schismatis scripta A. 1397, & ex schedis *Crashavii* deprompta. Dux quæ proximo loco comparent epistolæ, una *Alexandri III.* ad *Theobaldum* Archiepiscopum Cantuariensem, altera *Peregrini Patriarchæ*

archæ Aquilejensis, aliorumque Episcoporum de electione & consecratione Octaviani seu Victoris, ex Cottoniano codice MSCo sunt excerptæ. Utraque etiam apud Radevicum in gestis Friderici I. extat, verum cum in prædicto Cottoniano codice epistolæ illæ multo aliter, quam apud *Radevicum* legantur, & imprimis in posteriori epistola nonnulla Radevicus omiserit, quæ MSC. codex ille habet, operam rei literariæ non inutilem navavit appendicis hujus editor, quod istas in lucem denuo produxit. Ulterius sequuntur *Nicolai de Clamengii* liber de corrupto Ecclesiæ statu, a plurimis mendis, quibus *Lydii* editio scatet, repurgatus; *Poggii* dialogus contra hypocrisin, juxta editionem Lugdunensibus typis, ut præ se fert, A. 1679. impressam; *Matthæi de Cracovia* tractatus de squaloribus Romanæ Curia, juxta editionem A. C. 1551. Basileæ factam; epistola *quinguenta quatuor nobilium Moraviae*, quæ in castigationibus *Lydii* ad historiam conciliorum Prateoli, item in paralipomenis Abbati Urspergensis annexis etiam legitur; *Bulle* quædam *papales* adversus Bohemos emissæ, & methodus *Cruciata* in Angliā institutæ, prout tempore Martini V. Papæ & Henrici Chichele Archiepiscopi Cantuariensis gesta est, una cum processu contra Henricum Cardinalem, quæ monumenta exscripta sunt ex veteri registro, quod est penes Reverendissimum Archiepiscopum Cantuariensem *Wilhelmum Sancrofti*; epistola *Procopii Smahors*, & *Conradi Samsmolich* Capitaneorum Bohemiæ ad Reges & Principes missa, quam itidem suppediavit codex MSC. *Wilhelmi* Archiepiscopi Cantuariensis; epistola *Anonymi* cujusdam Cantuariensis de misero ecclesiæ statu circa annum 1520 scripta, & in *Wilhelmi Crashavii* schedis reperta; consilium *quorundam Episcoporum Bononiæ congregatorum* de ratione stabilien-dæ Romanæ ecclesiæ Julio III. datum, quod nunc ex bibliotheca *Wilhelmi Crashavii* iterum editur; *Gentiani Herveti* oratio, qua sextum canonem concilii Chalcedonensis interpretatur, A. 1559 habita, & Parisius cum alias, tum A. 1671. impressa; *Gulielmi Damasci Lindani* Ruremundensis Episcopi epistola seu præfatio ad Principes & Prælatos Germaniæ, de perditissimis Cleri moribus & reformationis mediis, ex schedis *Crashavii* expressa; *Clementis VII.* ad Carolum V., & duæ *Caroli V.* epistolæ ex MSC. *Crashavii*; *Caroli V.* protestatio ad collegium Cardinalium de indictione concilii generalis faciendæ, & alia protestatio adversus concilium Tridento Bononiam translaturum, cum quibus-

quibusdam aliis hujusmodi scriptis, ex editione *Hermani Conringii*; *Georgii Wicelii* via regia, seu compendium de semitis antiquis ecclesiæ reformandæ, aut potius restituendæ, cum appendice abusu; ejusdem methodus concordiæ ecclesiasticæ, & adhortatiuncula ad vocandum concilium, juxta exemplar A. 1533 Lipsiæ excusum, cum notis marginalibus *Thomæ Jameſii*; doctrina & vita Wicelii ex ejus scriptis collecta, cum enumeratione autorum, qui scripserunt contra squa-  
lores & errores curiæ Romanæ, & clencho omnium operum Wicelii per *Thomam Jameſum*; *Stephani Gardineri* Episcopi Wintonienſis oratio de vera obedientia, juxta veterem editionem Londinenſem, cum præfatione *Edmundi Boneri* Archidiaconi Leiceſtrenſis, poſtea Episcopi Londinenſis, quæ in Londinenſi Gardineri editione deest, juxta editionem Hamburgensem ex officina Franciſci Rhodi 1536; *Richardi Sampſonis* oratio, qua docet omnes potiſſimum Anglos, ut Regiæ dignitati obediant, nec Episcopo Romano audientes ſint, qui nullo jure divino quicquam poteſtatis in eos habeat, etſi poſtea hic Sampſonæque ac Bonerus & Gardinerus palinodiam cecinerint, quibus ad complendas inconstantia quadrigas Brovvnii *Æneam Sylvium* seu Pium II. non incommode jungi poſſe putat, cum bulla retractationum & verbis Virgilii, ſed mutatis: *non ſum pius Æneas*; *Johannis Barnesii* Catholico-Romanus Pacificus ex fide trium exemplarium, quorum unum Gulielmus Archiepiſcopus Cantuarienſis ſubminiſtravit; *Franciſci Broccardi* conſilia Vaticana reſecta, ſive de fœdere contra Proteſtantes Romæ inito ſub auſpiciis Clementis VIII, & de duabus congregationibus ad eundem finem ab eodem Pontifice inſtitutis, quarum prima congregatio ſacri fœderis, altera de propaganda fide dicitur, quod opusculum Amſtelodami A. 1679. in calce interpretationis numeri Apocalypſici DCLXVI excuſum, appendicis hujus Autor etiam manuſcriptum ex ſpoliis bibliothecæ cujuſdam Anglicæ palam divendiæ naſtus eſt; *modus ſolemnis & authenticus ad inquirendum & convincendum Lutheranos*, valde neceſſarius ad ſalutem ſanctæ Apoſtolicæ ſedis, & omnium eccleſiaſticorum, A. 1519. compoſitus in Martini Lutheri perditionem & ejus ſequacium, per M. *Sylveſtrum Prieratem*, A. 1553. reviſus, & Romæ per Jordanum excuſus; excerpta ex Bernhardo, Gerſone & aliis, quæ ſunt pars *Specul. paſiſici ab Ed. Bulekeſjo* fabrefacti, & Londini circa præſentis ſeculi initia editi; & denique

*Officium Ordalii* e textu Roffensi transcriptum, & ex eodem codice etiam in Speelmanni glossario editum.

Ad pleniorum horum opusculorum, quæ vel olim a Gratio edita, vel nunc ad Gratii fasciculum addita sunt, intelligentiam nonnulla monet doctissimus Editor in præfatione ad lectorem, in qua Gratium, cum syntagmati suo nomen *fasciculi rerum expetendarum & fugiendarum* imposuit, vel ad definitionem prudentiæ respexisse putat, quæ per rerum expetendarum & fugiendarum scientiam definiri solet, vel *Georgii Vallæ* Placentini librum Venetiis A. 1501. editum imitari voluisse, qui titulo operis de expetendis & fugiendis rebus designatur. Non solum de tractatibus hactenus recensitis in præfatione sua Brovnius differit, sed & alios quosdam tractatus addidit, nimirum *Scripta quedam ad Basileensis concilii historiam spectantia*, quæ mutuatus est e manuscripto codice, quem ipsi Archiepiscopus Cantuariensis indicavit. Sunt autem ista scripta 1. commissio *Henrici VI.* Angliæ & Franciæ Regis, data Ambasiatoribus suis ad concilium Basileense suo nomine ituris. 2. Ejusdem instructio iisdem credita. 3. Propositio ejusdem Regis nomine facta coram Papa Martino V. per *Abbatem Ursicampi* super acceleratione concilii. 4. Collatio ejusdem Abbatis ad Collegium Cardinalium. 5. Propositio *Wilhelmi Sulburgii* Abbatis Belliloci ad Martinum V. super acceleratione concilii. In eadem præfatione exhibetur etiam responsio, quam in Comitibus Augustanis A. 1518. Principes Germaniæ Cajetano Cardinali dederunt, cæterisque Oratoribus decimas a sacerdotibus, a laicis vigesimas ac quinquagesimas pro bello contra Turcas suscipiendo petentibus aut exigendas suadentibus; item epistola Decani & Capituli Londinensis ad Pontificem Romanum, qua canonizatio Roberti Grossi testis Lincolniensis Episcopi efflagitur, A. C. 1307. scripta, quam Brovnius nostro *Henricum Wharton* communicavit.

**COMPENDIUM ANNALIUM ECCLESIASTICORUM regni Hiberniæ, autore Francisco Portero Ord. Min. S. Theol. Lectore Jubilato.**

Romæ typis Nicolai Angeli Tinassii impressoris Cameralis in 4. 1690.  
Constat plag. 46.

Incipit



**I**ncipit hic tractatus, quem Typographus Alexandro VIII nuperrime defuncto Romanæ Ecclesiæ Pontifici dedicavit, ab epistola *Francisci Eschinardi* S. J. ad Porterum compendii hujus autorem & de quantitate Hiberniæ & erroribus mapparum hoc regnum repræsentantium, cujus doctissimi viri (*Eschinardum* puta) industriæ novam quoq; Hiberniæ Map-pam chorographicam, quæ A. 1689 edita tantummodo *P. Augustini Lubini* nomen præ se fert, debemus. Post hanc epistolam de Hiberniæ nominibus agitur, & cum generalis totius Hiberniæ, tum specialis singulorum provinciarum & insularum minorum adjacentium descriptio proponitur; nonnulla, quæ *Giraldus Cambrensis* & alii quidam Scriptores de Hibernia ejusque incolis retulerunt, falsi arguuntur; promontoria, sinus & portus hujus regni recensentur, & catalogus alphabeticus Regum & Monarcharum Hiberniæ veterum exhibetur, quorum primus dicitur fuisse *Slanius*, quem *Porterus* *Mosis* & *Aaronis* avo anno ante Urbem conditam 700, ante Christum natum 869, Hiberniæ imperio præfuisse scribit, addita tamen hac limitatione, si antiquis Hiberniæ fastis fides adhibenda sit. Hinc bella quædam ab antiquis Hiberniæ Regibus gesta referuntur, qui ex Hiberniæ Regibus provinciarumque Regulis pietatis & sanctimonie famam adepti sunt, commendantur, & quantum Hiberniæ Reges pro fide & patria per plures annos contra Danos & Ostmannos militaverint, exponitur. Ad antiquitates ecclesiasticas progrediens Autor, chronotaxin rerum præcipuarum a *S. Patricio* Hiberniæ Apostolo gestarum ex *Lisserio* aliisque delineat; ex *Conrao* Sanctos quosdam Hibernos enumerat, qui per varias mundi plagas Christianam fidem disseminarunt; fastos Sanctorum Hiberniæ ab incerto quodam Autore conscriptos, & alium catalogum Sanctorum Hiberniæ ab *Henrico Dublinensi* Societatis Jesu juxta Alphabeti literas digestum ex *Suivillano* exscribit; academias & insigniores Hiberniæ scholas enarrat; episcopatus, ecclesias cathedrales, cœnobias, aliaque ad ecclesiasticum Hiberniæ statum pertinentia, & postremo, quanta reverentia Hiberni Romanam sedem semper coluerint, quantaque constantia Pontificiorum doctrinæ adhererint, edisserit. Antequam autem, quantum detrimenti sub *Henrico VIII*, *Elisabethæ*, & sequentibus temporibus, & novissime sub præsentis Angliæ Rege *Wilhelmo* Romana religio passa fuerit, describat, multis calumniis in *Lutherum*, tanquam omnium horum malorum originem debacchatur.

CHRIST

ACTA ERUDITORUM  
CHRISTIANI FUNCCII POSITIVA AD  
*Orbis Imperantis Notitiam Introductio.*

Lipsiæ apud hæredes Frid. Lanckisii, A. 1691. in 8. plag. 18.

**P**lures jam anni effluxerunt, quod Autor libelli hujus clarissimus, non sine orbis eruditi adplausu, *Orbis hodie imperantis Breviarium*, e celebrioribus ævi nostri scriptoribus concinnatum evulgavit: in quo de Imperiis, Regnis, Ducatibus & Rebuspublicis ἐκδηλωτικῶς differit. Huic nuperrime non tantum appendicem, de *Curia Romana*, seu *Statu Pontificio*, subjunxit; sed & *Isagogen* hanc ad lectionem Orbis sui jam laudati facientem, brevioribus aphorismis comprehensam adornavit. Qua ea, quæ per quæstiones & subjunctas responsiones fusius ante dilucidaverat, brevissimis positionibus, additisque rationibus, in gratiam tyronum studii historici atque politici comprehendit, secutus, ut ipse fatetur, vestigia celeberrimi Polyhistoris *Schurzstreichii*. In Prolegomenis opusculi hujus de orbis imperantis notitia in genere differit. Inde progressus, de præcipuis orbis hodie imperantis Regnis, tum quæ in Europa, tum quæ in Asia florent, simili modo agit. In tertia sectione præcipuas orbis Respublicas, quæ non sunt monarchicæ, recenset. Tandem in posteriori libelli parte de Principatibus & liberis imperii Germanici Civitatibus tractat: atque adeo velut materiarum illustrium in studio historiæ civilis occurrentium indicem designat, unde quis ansam de iis plura in collegiis privatis differendi petere queat.

REFUTATION DES PROPHETIES  
*faussement attribuées à S. Malachie sur les Ele-  
ctions des Papes, par le R. P. Menestrier.*

sive

R. P. Franc. Menestrerii Soc. J. Refutatio Prophetiarum falso adscriptarum S. Malachiæ super Electionibus Pontificum.

Parisiis, apud R. J. B. de la Gaille, 1689. in 4. Plag. 7.

Tanto

**T**anto libentius nunc ad recensendum hunc Tractatum nos accingimus, cum novitatis gratia, qua pene exciderat, serius ad nos ob interclusum hactenus cum Galliae bibliopolis commercium perlatus, ei quadantenus restaurata videatur per insecutam nuperrime mortem Alexandri VIII, renovatamque sic veluti huiusce scripti causam, sollicitam nempe hominum curiositatem, praesagia de proximo istius successoris ex famoso illo, quod de futurorum Pontificum electione circumfertur, Malachiae vaticinio capere satagentium. Scilicet dum promiserat amico, quem non nominat, *Menesserius* orbi exponere, quid de iactata illa prophetia sentire fas esset: commoda proinde occasione usus, quae per obitum Innocentii XI. obtigerat, id praestitit gemina, qua tractatus hic constat, epistola, quarum altera tempore Sedis tum vacantis, altera mox post secutam Alexandri VIII electionem edita fuit. Ne quis vero cum simplicioribus quibusdam sibi persuadeat, de Malachia Propheta hic sermonem esse, qui quingentis ante Christum natum annis vixit, & in quo donum prophetiae veteris testamenti temporibus desuisse putatur: noster autor nonnulla praemonet, vitam Sancti huius Malachiae, de quo in praesens quaestio est, concernentia. Nimirum vixisse ipsum circa medium seculi XII, non minus vitae sanctimonia, quam familiari cum divo Bernhardo amicitia celebrem: & primo quidem fuisse Monachum in Abbazia Bencorensi; hinc factum Archiepiscopum Ardinacensem in Hibernia; cui sedi cum aliquot annis praefuisset, abdicato circa annum 1137 illo honore, Dunensi episcopatu contentum reliquo vitae spatio fuisse; quam tandem in Clara Valle inter amplexus S. Bernhardi finierit anno 1148: qui & vitae ejus Elogium postea composuerit, cujusque praeterea ad ipsum exarata olim epistolae inter ceteras extent 315, 316, & 317. Hic ergo est Malachias, cui vulgo tribuuntur obscuri illi ac symbolici characteres, qui de singulis tam praeteritis inde a Caesestino II, quam futuris Pontificibus, ordine ab illo traditi iactantur: quorum catalogum duplicem Noster communicat, alterum brevioris magisque concisum, qualis Latino idiomate a primo horum autore, de quo mox, relictus fuit: alterum, qui paulo plenioris singulorum expositionem largitur, lingua Gallica expressum. Neutrum huc transcribere erit opus, cum symbola illa prophetica jam passim apud varios Autores habeantur: uti apud *Gabr. Bucelinum* in Hist. Univ. *Henr.*

*Engelgr. ve* in Cœlesti Pantheo embl. 5. §. 1. aliosque. Tamen verò putativa hæcce vaticinia non exiguo cum applausu hætenus ab octoginta circiter annis passim recepta fuerint, ac pro divinitus inspiratis fere habita: nihilominus cum videret Autor, ea quam plurimis ineptiis, erroribus atque nugis scatere, statuit tandem personato huic Vati larvam detrahere, totiusque hujus fabulæ scaturiginem aperire. Nimirum primum ejus traditionis fontem non altius quærendum esse arguit, quam in Scripto cujusdam *Arnoldi de Wion*, Belgæ Duacensis, Monachi S. Benedicti, Venetiis anno 1595 edito, cui titulus, *Lignum Vitæ*. Ait vero, opus illud Genealogicum esse, Philippo II. Hispaniarum Regi dedicatum; ac duobus constare voluminibus, quorum alterum persequatur genealogiam familiæ Aniciorum, e qua nempè Autor velit ortum traxisse tam S. Benedictum, sui Ordinis fundatorem, quam Domum Austriacam: alterum complectatur historiam virorum illustrium istius Ordinis. In hujus ergo *Lib. II. cap. 40.* ubi de S. Malachia sermo sit, potioribus ejus vitæ momentis succincte relatis, hæc verba subnecti: *Scriptisse fertur & ipse nonnulla opuscula, de quibus nihil hætenus vidi, præter quandam Prophetiam de Summis Pontificibus: quæ quia brevis est, & nondum, quod sciam, excusa, & a multis desiderata, hic a me apposita est:* his dein ordine subungi istos Paparum characteres symbolicos, cum annotationibus singulos explicantibus & applicantibus; quoad has tamen addita hac monitione: *Quæ ad Pontifices adjecta, non sunt ipsius Malachia, sed R. P. Fr. Alphonsi Ciaconii Ord. Prædicatorum, hujus Prophetiæ Interpretis.* Supposititiam jam horum vaticiniorum falsitatem quo evincat Noster, considerare primo jubet, quod ante Wionum hunc nemo vel minimam eorum mentionem fecerit, adeoque integris quadringentis annis in occulto latuisse dicenda sint. At vero neutiquam probabile videri, Prophetiam hanc, si revera edita a Malachia foret, tam longo silentio sepultam fuisse mansuram: quandoquidem divus Bernhardus, intimus scilicet ejus amicus, quique & vitam ipsius descripserit, & parentatione habita epitaphioque factò eum celebraverit, neque vel minimas prædictiones ab isto datas, præsertim de loco & tempore sui obitus, reticuerit, omnino tam notabilem prophetiam sicco pede præterire haud potuisset. Neque porro apparere ait, quænam uspiam Malachia occasio data fuerit vaticinium hoc edendi; ut qui non nisi semel Romam adierit,

Adierit, idq; sub Pontificatu Innocentii II, cum pallium pro duabus Hiberniæ ecclesiis metropolitanis peteret. Urget ulterius, quod nec ullus Scriptorum ejus ævi, puta Otto Frisingensis, Johannes Sarisberienfis, Petrus Abbas Cluniacensis, aliive vel verbulo hujus rei meminisse reperiuntur: neque unus ex tot autoribus, qui Vitas Pontificum literis consignaverint, (uti sunt Continuator Mariani Scoti, Bordinus, Platina, Papirius Massonius, Onuphrius Panvinus, Franciscus Joannellus) Annaleſve Eccleſiaſticos compoſuerint (uti Baronius, Spondanus, Bzovius, Raynaldus) eandem tetigerit; nec denique Hiberni, tam ſolliciti alioquin in deprædicandis miraculis, viſionibus ac revelationibus Sanctorum ſuorum, S. nempe Patricii, S. Columbi Abbatis, nec non S. Brigittæ, vel minimo verbo hanc prophetiam commemoraverint. Non diffitetur quidem, vaticinia iſta recenſeri tam a *Thoma Meſſinghama* in libro, quem inſcripſit *Florilegium Inſule Sanctorum Hiberniæ*, Pariſiis anno 1624 edito; quam a *Rob. Ruſca*, qui illuſtres viros Ordinis Ciſtertiensis deſcripſerit, & in eorum numerum quoque Malachiam retulerit: ſed utrumque ait ea ex Wionio hauſta fateri; ac ultimum inſuper hoc nomine reprehenſum ab *Angelo Manrico*, Annalium ejusdem Ordinis ſcriptore, qui his verbis uti non fuerit veritus: *Robertus Ruſca Sanctum Pontificem* (Malachiam puta) *ſcriptoribus annumerat ob oracula quadam ſeu prædictiones, de ſummis Pontificibus ad finem uſque mundi ſucceſſuris, quas ab Arnolſto Wionio vulgatas eſſe tranſcribit; ſed apocryphas, ut conj. clare licet, nec ſatis ſapientes gravitatem viri ſanctiſſimi.* Alphonſum vero Ciaconium quod attinet, cui nempe explicationem oraculorum iſtorum ſymbolicorum tribuit Wionius, ante omnia quærit Noſter, ſiquidem ita ſe res habeat, quisnam, poſtquam ea tanto tempore & ſine interpretatione delituerint, aut Ciaconio, aut Wionio revelarit, ea Malachiæ eſſe, nec non unde & quo fato theſaurus hic tandem in lucem protractus fuerit. Præterea vero valde in dubium vocat, num omnino Ciaconius pro interprete haberi queat. Scilicet cum Vitæ Pontificum & Cardinalium ab Autore hoc compoſitæ jam trina editione in lucem prodierint (prima nempe A. 1601, & ſecunda 1630. duobus, tertia vero 1677. quatuor voluminibus) in nulla tamen harum vel verbulo iſtius prophetiæ mentionem injici: ut adeo dicendum ſit, Ciaconium, qui Romæ fuerit anno 1595, quo tempore *Lignum Viæ* Wionius Venetijs inprimi fecerat, ſi maxime ſymbolis illis interpreta-

tionem dedisset, postmodo perspecta eorum falsitate abstinuisse ab illis in opere suo allegandis. Suspicionem vero inde non parum augeri, quod nec apud *Nicalaum Antonium*, Bibliothecæ Scriptorum Hispanorum concinnatorem, nec apud *P. Ambrosium de Alamura*, qui Scriptores ex Ordine S. Dominici, cujus nempe Ciaconius fuit, congeslit, vel minimum vestigium hujusce prophetiæ aut ejus interpretationis appareat: cum tamen eorum uterque exactam communicarit enumerationem omnium hujus auctoris operum, ad ipsas usque schedas ac tractatus nunquam typis impressos. Eversis ita fundamentis, & refutata antiquitate jactata hujus Prophetiæ, porro Menestrierius exponit, quid sibi de vera ejus origine videatur. Autumat vero eam, quando a Wionio primum adoptata fuerit, satis recentem adhuc fuisse, nec nisi quinquennio ante compositam, tempore scilicet sedis post mortem Urbani VII. vacantis, a clientum aliquo Cardinalis Simoncelli, post Gregorii XIV, ad persuadendum nempe hominibus per supposititium hoc vaticinium, jam ab antiquo per ipsum Spiritus S. suffragium eum successorem destinatum esse; hunc enim designari per symbolum *Ex Antiquitate Urbis*: nempe ex civitate *Orvieto* oriundum, quæ Latino nomine *Urbs Vetus* vocetur. Non absimilem fraudem, licet non eodem successu, recentius tentatam narrat a clientibus Cardinalis Bonæ, post obitum Clementis IX: qui nempe ad vota patrono suo concilianda, non modo per ora vulgi varia ominosa dicteria spargere sategerint, v.g. verba *Ecclesiastici* 15. *Qui timet Deum faciet Bona*; item Distichon:

*Grammaticæ leges plerumque Ecclesiæ spernit;*

*Esset Papa bonus, si Bona Papa foret:*

sed & conductos clam mendicos magno numero instigaverint, ut subinde ad portam Basilicæ S. Petri & proxime sub fenestris Cardinalitii conclavis vociferarentur: *Fate Papa Bona*. Tanto facilius vero talismodi commentis confingendis occasionem fuisse Noster existimat isto tempore, quod quinquaginta fere diebus tum duraverit Conclave electionem novi Pontificis parturiens, adeoque satis otii fuerit ad cudendas tales fabulas; cujusmodi nempe nunquam non tempore sedis vacantis, a concurrente undique otiosorum hominum turba haud exigua copia excogitari ac publicari consueverint. Tametsi vero hac ratione omnia illa oracula, Pontificibus Gregorium XIV antegressis ex postfacto accommodata fuerint, personatoq; adeo prophetæ facile

facile fuisse videatur de præteritis vaticinari: nihilominus & eorum intuitu quamplurima semet absurda prædere, Menestrierius deducit: uti primo, quod in vaticiniis hisce, legitimis Pontificibus admixti compareant octo Antipapæ, puta Victor IV, Calixtus III, Paschalis III, Nicolaus V, Clemens VII, Benedictus XIII, Clemens VIII & Felix V, adeoque, si fides huic prophetiæ foret, ecclesia duo habuerit iisdem temporibus capita, pariter a viro *θεοπνεύτω* designata; maxime cum non satis e symbolis istis elucescat, quinam pro schismaticis habendi: porro quod anachronismi aliquot egregii ex ordine symbolorum istorum, iisque applicatæ interpretationis, oriantur minime tolerabiles; quos & speciatim ostendere occupatus est Autor. Ulterius non satis patere arguit, quis interpreti revelaverit, ut Prophetiæ hujus initium in applicatione caperet potius a Cælestino II, quam ab Innocentio II ejus prædecessore, vel successoribus Lucio II aut Eugenio III, quandoquidem horum omnium sub regimine Malachias vixerit: maxime cum characteres illis assignati, satis nempe incerti, id non clare determinent; Denique & illud urget, quod Christus prædixerit, mortalium nemini datum esse scire finem seculi ac tempus judicii extremi; quæ tamen, si genuina hæc prophetia foret, haud obscure paterent: dum constanter dicere possemus, tot & non plures Pontifices ante seculi consummationem expectandos esse; quandoquidem Prophetiæ hujus clausula ita habet: *In persecutione extrema Sacra Romana Ecclesia sedebit Petrus Romanus, qui pascet oves in multis tribulationibus, quibus transactis civitas septicollis diruetur & Judex tremendus judicabit populum suum.* Cæterum notat Autor, inventionem universorum istorum characterum symbolicorum ad septem aut octo circiter fontes seu capita generalia reduci posse: dum nempe alii desumpti sint a nomine personæ designatæ; alii ab ejus patria; alii a statu seu conditione; alii ab officiis aut titulis gesti olim Cardinalatus; alii ab armis gentilitiis; alii denique ex uno & altero horum conjunctis. Atque hæc fere sunt, quæ in prima hujus tractatus parte proposuit Noster.

In altera semet accingit ad examinationem singulorum istorum epithetorum prophetiæ, & historicæ explicationis cuilibet eorum accommodari solitæ; sigillatim demonstrans, quot modis larvatus iste vates impegit & quam inepte hac in re suam egerit personam. Sic aliquos horum characterum cum expositione sua collatorum arguit

incertitudinis aut falsitatis historicæ: alios taxat ob insulsam & alienam expressionem, quæ scilicet nil minus sapiat; quam propheticam inspirationem: in aliis ignorantiam inventoris circa scientiam heraldicam & genealogicam deridet: alios tandem ita esse comparatos ait, ut in hunc usque diem commodus sensus ex iis exculpi haud valuerit: quales nominatim allegat sequentes, nempe Innocentii IX, antea Fachinetti, *Pia civitas in bello*; Clementis VIII, Aldobrandini, *Crux Romulea*; Leonis XI, *Undosus Vir*; Pauli V, *Gens perversa*; Gregorii XV, *In tribulatione pacis*; nec non Urbani VIII, *Lilium & rosa*. Et quamvis symbolis tribus sequentibus aliqualis interpretatio adinventâ fuerit: nempe Innocentii X, die Exaltationis Crucis electi, quod est, *Jucunditas Crucis*; Alexandri VII, Montes in scuto gentilitio gestantis, quod habetur, *Custos montium*, & Clementis IX. in conclavi Cardinalium cameram per sortem nacti, quæ depictam repræsentavit Cygni constellationem, adeoque indicati per *Sidus Olorum*: tamen in sequentibus duobus, *de Flumine magno* & *Bellua insatiabilis*, Clementi nempe X & Innocentio XI competentibus, rursus vacillare ait interpretationem: dum ratione prioris falso allegetur inundatio Tiberis, cujus tempore Clemens natus feratur: cum illa demum anno 1598 contigerit, ipso jam aliquot annis ante in lucem edito; & *Albieri* non nisi coacte ex Hispanorum *Alto rio* derivari queat: ratione alterius vero appellatio lupo melius congrueret, quam leoni Innocentii XI. Quod superest, ut jactatæ hujus prophetiæ vanitatem magis adhuc ob oculos poneret, ostendere conatus est, ex ænigmaticis istis epithetis facili opera systema aliud Pontificum exculpi posse, commodiori etiam sensu ad alios applicatis, quam quibus a Wionio ea fuerant attributa. Ita loco Cælestini II, initio facto ab Innocentio II, huic congrue satis accommodat illius symbolum *Ex castro Tiberis*: Anacletus II. Antipapæ symbolum vulgo adscriptum Lucio II, *Inimicus expulsus*: huic vicissim symbolum Eugenii III, *Ex magnitudine montis*: atque sic per aliquot sequentia exempla similiter pergens evincit, quam incerta & versatilis talismodi ænigmatum explicatio sit. Devenit tandem ad Alexandrum VIII, tum noviter electum, ejusque vitæ potioribus momentis breviter ex-  
tussis, nihil in eo occurrere autumat, quod quadrare possit ad characterem ei in Prophetia Malachiæ adsignatum, *Pœnitentia* nempe *gloriosa*: nisi forte ejus interpretationem extorquere placeat, aut a die factæ pro-

motionis,



motionis, S. Brunoni sacra, aut ab antiquo ejus nomine, quo Petrus audierit, cum hujus nominis Apostolus æque ac S. Bruno pœnitentia sua celebrentur: quæ tamen omnia Nostro nimis longe videntur esse petita. Quamvis vero sic eo tempore non satis Menestrierio judice apparuerit, qua ratione character ille symbolicus huic Papæ congrueret; attamen, uti dies diem docet, non desunt hodie, qui ejus omen eventu neutiquam destitutum dicant: quando nempe Alexander VIII. *pœnitentia gloriosa* ductus, & blandæ tandem indulgentiæ, qua erga primogenitum Ecclesiæ filium, Regem Christianissimum, Clerumque Gallicanum usus hætenus fuerat, pertæsus, Bullam, quæcunque in comitiis Cleri Gallicani Parisiis A. 1682. congregati peractæ erant jurisdictioni Romanæ Ecclesiæ præjudicialia, ipso jure nulla irritaque declarantem, & jam die 4 Aug. A. 1690 datam, paulo ante obitum, die nempe 30 Jan. A. 1691, solenniter promulgavit. Quid de cætero *Rastrum in porta*, qui futuri proxime Pontificis character est, Sedi Romanæ portendat, id curiosioribus, quos fere futurorum eventus anxios tenet, speculandum relinquimus: quibus fortassis non ignota erit *Dissertatio* Marburgi anno 1677. sub præsidio *Sam. Andrea*, S. Theol. D. ac P. P. a *Job. Pet. Grassio* habita de *Succeſſionibus Pontificum Romanorum secundum prænotationem Malachie Hiberno adscriptam*: ubi & argumenta propheticoꝝ istorum characterum latius exponuntur, & contra *Franciscum Carriere* Aptensem Minoritam defenduntur; qui & ipse scilicet sub finem *Historiæ Chronologicæ Pontificum Romanorum*, Lugduni 1663. denuo editæ, eorum auctoritatem, licet sibi ipsi non satis constans, elevare annis fuerat.

## NOVA LITERARIA EX ANGLIA.

**O**Xonii ex Theatro Sheldoniano proditum proxime est volumen tertium Scriptorum Rerum Anglicarum. Consimilis argumenti volumen unum aut alterum jam Londini sub prælo habet D. *Wartbonus*. Quin & *Thomas Gale* XV Scriptores veteres Britannicos edit, quos inter maxime meretur memorari liber, quem Angli *Domes-day* vocant, in quo terrarum fundorumque in Anglia distributio, Gulielmi Conquestoris temporibus consignata reperitur: unde & antiquum MStum in thesauro regio hætenus asservatum ac care habitum fuit. Idem perstat in proposito librum *Porphyrii* de abstinentia carniū edendi.

*Thomas Hyde* Protobibliothecarius Oxoniensis Librum Rabbi-  
nicum

nicum *Itinera mundi* vocatum, seu Cosmographiam Abrahami Peritfol, Judæi, Latinitate donavit, inque calce Turcarum Liturgiam, Peregrinationem Meccanam, ægrotorum visitationem atque alia exposuit. Idem Maimonidis librum *More Nebochim* seu Doctorem perplexorum Arabico sermone, quo ab auctore ipso conscriptus olim fuit, editurus est, prolixisque notis illustraturus. *Eduardus Pocockius* annum nuper octogesimum septimum ingressus est, quæ tamen ipsi vegeta adeo ætas contingit, ut elaborandis poliendisque utilissimis in Prophetas commentariis manum admoveere queat, notas in Joëlem sub prælo jam sudantes propediem editurus. *Eduardus Bernardus* in Tabula quadam omnium pene ætatum characteres Græcos Syrosque, Æthiopicos item ac Latinos in MSSis nummisque repertos sic delineavit, orbis eruditi literaturam a characterè Samaritano ita deduxit, ut jam facili opera ad MStam quis accingatur. De Josepho autem edendo spem plane omnem cuncti deposuerunt, cum ipsummet Auctorem nausea vasti operis cepisse videatur. Optat ille, ut *Joh. Andreas Danzius* Alcorano suo, quem Jenæ edit, Maforam quoque Turcicam, quæ Oxonii in MSS. nonnullis exemplaribus Collegii D. Johannis comparet, adjungat. *Johannes Mill's* Doctor Theologus & Aulæ S. Edmundi Præfectus accuratissimam eamque longe pulcherrimam Novi Testamenti editionem prælo jamdudum subjecit, ubi textus primo sacer exhibetur, loca deinde parallela magno numero indicantur, tandemque lectiones variantes ex universis pene orbis eruditi MSSis melioribus, Laudiano imprimis, Alexandrino seu Theclzano, atque Covelliano (quem nempe ex monte Sinai Covellus Theologus hodie Cantabrigienfis attulit) codicibus, ipsis denique SS. PP. copiose subjunguntur. Magnum profecto ac Herculei laboris opus, jamque ad Primam ad Timotheum Epistolam deductum. *Joannis Malele* Chronicon Græco-Latinum è Theatro Sheldoniano nondum prodit. *Antonius Wood* prælo subiecturus est, sed lingua Anglica, Athenas & Fastos Oxonienses. *Thomas Smith* Epistolas Camdenianas edet.

*Wilhelmus Lloyd* S. Asaphi Episcopus, Regisque ac Reginae supremus Eleemosynarius, ingens opus Chronologicum molitur. *Wilhelmus Shrock* Theologus Londinensis, postquam diu juramentum præstare Regi Wilhelmo renuit, murata tandem sententia & præstitit illud ipse, & præstandum omnibus illud esse, scripto publico asseruit; multis ob id aculeatis libellis petitus.

N. IV.  
ACTA  
ERUDITORUM

153

*publicata Lipsiæ*

*Calendis Aprilis Anno M DC XCI.*

---

MEMOIRES DE L' EGLISE.

id est,

Memoriæ ecclesiasticæ, quicquid consideratione  
dignum quolibet die toto passim orbe accidit, complexæ;  
auctore Abbate *de la Roque*, Protonotario S. Sedis  
Apostolicæ. *Tomus I.*

Parisiis apud Jo. Guignardum, A. 1690. in 4. Plag. 102.

**O**ptimum omnino institutum est, quod voluminibus quam-  
plurimis exequi constituit clarissimus Auctor, quodque nec  
Protestantibus, historiæ universalis studiosis, improbatum iri  
putamus. Utut enim is zelo, quo Romanam religionem  
amplectitur, abreptus, gratiamque *Francisci Harlei* Archiepiscopi Pa-  
risiensis, (cui opus suum inscripsit,) imo ipsius Galliarum Monarchæ  
*Ludovici XIV* mereri cupiens, non ubivisæque modeste de *Lutheranis*  
*Calvinianisque* & sigillatim *Wilhelmo III*, Rege Magnæ Britanniæ, lo-  
quatur, ac historicum a studio partium alienum decuisset; id tamen  
non magnopere bilem his movebit, qui causam suam ejus arbitrio nec  
stare, nec cadere existimant, optabuntque modo, ut de rebus ecclesiæ  
sue acturus, tanto majori studio veritati litare nitatur. Cæterum  
jam pridem *Diarium* ejusmodi *ecclesiasticum* molitus fuerat: sed spe-  
cimen, quod ediderat, tantopere displicuerat *Petro Seguierio*, Duci de  
Vilamor, Pari & Cancellario Franciæ, ut hic mox auctoritate sua omnia  
illius cœpta disturbarit ac sufflaminaverit. Ex quo vero is ad plu-  
res abiit, (quod 28. Januarii A. 1672. contigit,) Abbati nostro nemo ob-  
stitit, quin, indultu Regis obtento, opus illud olim adumbratum denuo  
aggrederetur. Novum ergo specimen composuit decem abhinc an-  
nis, quod Parisiis *Johanne Cussonio* bibliopola obstetricante, lucem

p. 226.

U

adspexit,

adspexit, hoc titulo insignitum: *Journal Ecclesiastique, ou Memoires de l'Eglise, par M. l'Abbé de la Rocque*; ipso Roquio teste in *Ephemericis Eruditorum Parisiensibus*, 20. Jan. 1681. a se publicatis. Verum nec hi doctissimi Viri conatus feliciores eo tempore fuere prioribus. Non multo tamen post Archiepiscopus Parisiensis & universus Clerus Gallicanus mense Majo A. 1685. Lutetiæ congregatus facile ei persuaserunt, ut *Memorias* id genus in usum eorum, qui futuris seculis historiam ecclesiasticam conscribere vellent, in literas referret. Orditus igitur eas est, non quidem ab annis illis, quibus olim ad scribendum appulit animum, sed ab anno demum 1685 atque ea tantum, quæ hoc secutoque anno 1686 evenerunt, sex librorum, (quibus tomus hic *primus* absolvitur,) argumentum esse voluit.

Memorantur hisce hypomnematis, ut est in præfatione: (1.) *Conversiones illustrium hominum ab infidelitate, hæresi aut schismate*; (2.) *Missionariorum gestæ toto passim orbe Christiano*; (3.) *Templa similiaque pietatis monumenta recens extructa*; (4.) *Miracula*; (5.) *Sepulcra aliaque loca a devotis frequentari solita*; (6.) *Reliquiæ sanctorum nuperius reperia*; (7.) *Canonizationes sanctorum*; (8.) *Intentio Eruditorum de aliqua re ecclesiastica aliquid commentari cupientium, eaque propter aliorum symbolis egentium*; (9.) *Intentio illorum, qui bonum aliquod opus in Christiana pietatis emolumentum facere apud animum suum constituerunt*; (10.) *Ereclio novorum Seminariorum, fundatioque aut reformatio familiarum monasticarum*; (11.) *Colloquia solenniora de rebus sacris*; (12.) *Vita obitusque virorum virtute, sanctitate munereve ecclesiastico eminentiori conspicuorum*; (13.) *Exempla singularia bonorum operum a Regibus Principibusve viris patratorum*; (14.) *Exempla vindictæ divini adversus populorum aut privatorum hominum impietatem*; (15.) *Promotiones ad primarias ecclesiæ dignitates, quæ occasione tum ortus, munera, dotes, actiones notabiliores ac scripta Promoti, tum fundatio, privilegia diversaque fata singularum ecclesiarum particularium breviter recensentur*; (16.) *Molimina Infidelium, Hæreticorum & Schismaticorum contra Ecclesiam; libellis tamen, quibus veritas dogmatum Romano-catholicorum impugnatur ac virorum ecclesiasticorum fama leditur, ea ratione confutatis, ut æquum sit sperare, nec ipsos eorum auctores agre id laturos*; (17.) *Sententiæ aut statuta celebriora de causis ecclesiasticis in Conciliis aut Synodis, in Cleri Gallicani convocationibus, in Congregationibus Romanis, in Curiis episcopalibus,*

palibus, in Officio Inquisitionis, in Parlamensis aut sanctioribus Regum Senatibus pronuntiata ac sancita; (18.) Statua, numi, pictura ad pietatis incrementum facientes; (19.) Marmora, numismata aliaque profana eruditionis reliquia, quatenus aut articulum fidei confirmare, aut lucis aliquid Historico alicui ecclesiastico sanctove Patri fenerari poterunt. Hæc ex præfatione excerptimus. Nunc de singulis libris sigillatim.

LIBRO PRIMO statum ecclesiarum extra Europam ordine Geographico indagat Roquius, initio a regnis *Chinensi*, *Japonensi*, *Tunquinesi* & *Cochinchinensi* facto. Refert itaque inter alia, persecutiones rigidiores illic locorum cessasse, multaque millia hominum Christo fidem dedisse. Inter *Tunquineses* sane centena millia Christianorum dari, & in his centum fere moniales, *Crucis amasias* sese appellitantes. *Cochinchinensem* Regem non aversari Christi fidem, blisque baptismum petere voluisse; sed quo minus id fecerit, in causa fuisse polygamiam, quemadmodum multi e plebe Christianis sese accenseri cupiant, modo iis integrum esset, uxori repudium remittere aliamque in ejus locum ducere. *Siamensium* dein theologiam idololatricam breviter perstringit, ac speciatim fabulam de *Thevabat* apud Inferos ob peccata sua jussu summi Dei *Sommokodoni* crucifixo, fraude diaboli ad similitudinem historię passionis Christi effectam, qua *Siamenses* fascinati nolint Jesum crucifixum Deum agnoscere, veriti, ne sub ejus nomine *Thevahatus* suus lateat. Addit, Christianos paucos hodie in *Tennasserim*, *Cyampa*, *Golconda*, itemque regnis *magni Mogolis* existere, in *Macaçar* nullos. *Madurenses* fere universos, Jesuitarum *Brachmanum* more vestitorum ministerio conversos esse. Hinc *Pegu*, *Bengalam*, *Goam*, *Moluccas*, *Philippinas*, *Maldivas*, *Ceylanum*, *Tanorum* percurrit Roquius. Christianos *S. Thoma* tantum non omnes, ex *Armeniis* & *Mesopotamiensibus* multos Ecclesię Romanę reconciliatos ait. *Syros* ecclesię Latinę placita amplexos *Patriarcham* habere *Antiochenum* Alepi habitantem, cui nomen sit *Petri Gregorii*. Huic Innocentium XI. *pallium* transmisisse. *Jacobitas* omnes, sive Armenii sunt, sive Cophti, sive Abyssini, Monophysitas esse. *Melchitas* (quos etymologię argumento Latine *Regios* diceret) id nominis adscivisse, quod religionem *Regis* sive Imperatoris Romani, in synodo *Chalcedonenſi* decretis firmatam, amplecti sese testari voluerint.

- p. 63. Maronitas universos ecclesiæ caput agnoscere Romanum Papam, qui vicissim conniveat ad conjugium clericorum, & eucharistiam sub utraque specie, inter illos pristinis abhinc sæculis usitatum: attamen non paucos Syrorum, qui Romæ in collegio Maronitico, a Gregorio XIII. instituto, aliquo temporis tractu vixere, in patriam reversione more Latinorum & a *conjugio* & ab *altera specie* in sacramento altaris sibi temperare cœpisse. Lustratis cæteris ecclesiis, quarum nomina repetere nimis longum foret, vela orationis contrahit, ac appellit sub
- p. 87. finem libri ad *Californiam*, quam anno demum 1683 sub Christi & Monarchæ Hispani obedientiam redegit Marchio de *Laguna*, Prorex Mexicanus, missis illuc navibus duabus bellicis sub imperio Isidori de *Arondo* summi præfecti classis Novæ Hispaniæ, totidemque Patribus Jesuitis, Matthia *Gogni* & Eusebio Francisco *Quino*, quos multas Barbarorum animas in suas pertraxisse partes fama tulit.

LIBRO SECUNDO recensensus ecclesiarum Europæarum instituitur. Non paucæ heic earum antiquitates indigitantur, quas ab aliis fufius jam dum pertractatas silentio prætervehimur. E recentioribus, quas Roquius tradit, rebus pleraque memoria lectoris benevoli nondum excidisse arbitramur. Labet tamen & hinc & illinc excerpta nonnulla in medium proferre. Meminit igitur diei natalis Alexandri VIII. R. P. (nuperis Kalendis Februariis defuncti,) qui fuit 19. Apr. A. 1610. Adjicit catalogum Cardinalium superioris anni mense Februario superstitem. Ad *Genuensēs* delatus refert, propria auctoritate eos res suas ecclesiasticas coram duplici tribunali, Papæ licet plus simplici vice contra nitentibus, expedire, ac quid in iis faciendum omittendumve sit, pro lubitu decernere, privilegio etiam Innocentii IV. nunquam Sedis Pontificiæ excommunicationem incurrere. In rebus *Germanicis* paroramata quadam notabimus, bona, ut speramus, Clarissimi Auctoris cum venia, qui eruditionis famam & existimationem præclaris in rempublicam litterariam meritis dudum partam facile tuebitur, etsi in his exoticis alicubi fortasse cespitaverit. Lib. II. pag. 145. ait; Capitulum Ecclesiæ Cathedralis Coloniensis ex sexaginta Canonicis, iisque nonnisi Principibus & Comitibus componi. Sed alii quinquaginta tantum numerant, atque inter hos locum quoque habent octo privatae sortis viri, juris tamen Doctores aut Licentiat. Pag. 148. *Gebhardus Truchsesius*, cum Augustanæ Confessioni se addixisset, credi-

tus

tus dicitur excidisse Colonienſi, quem obtinuerat, Archiepiſcopatu, vi decretorum *Paſſavienſis* atque Auguſtani. Et decreto quidem Comitiorum Auguſtananorum A. 1555. famoſum illud Reſervatum Catholicum, ad quod haud dubie Auctor reſpexit, invitis licet Proteſtantiſibus, fuit inſertum, cautumque, ut Epiſcopus ad Proteſtantes tranſiturus Epiſcopatu ſuo decederet: aſt pacto Paſſavienſi, quod triennio ante concluſum erat, hac de re nihil fuit conſtitutum. Pag. 150. Magdeburgenſem Archiepiſcopatum A. 1648. tenuiſſe dicitur Auguſtus, Electoris Saxoniae *frater*. Erat vero is Electoris tum regnantis Joh. Georgii I. glor. record. non frater, ſed filius ſecundo-genitus. Pag. 152. memoratur, Epiſcopum Hildeſianum pacto cum Domo Brunſvicenſi A. 1643 inito conſenſiſſe, ut Duces ditionibus, quas eorum Majores Epiſcopatui quondam eripuerant, quiete fruerentur, atque ſic totum prope territorium Hildeſiani Epiſcopatus Brunſvicenſi Ducatui incorporatum fuiſſe. Sed longe aliter ſe res habet. Nam per illam tranſactionem a Ducibus potius Epiſcopatui reſtituta fuere, certis tamen legibus, quae eorum Majores ultra ſaeculum poſſederant. Pag. 156. conſtitutum dicitur in Inſtrumento Pacis Oſnabrugenſis, ut Epiſcopatum Oſnabrugenſem alternis vicibus Princeps aliquis Romano-Catholicus ex Domo Brunſvicenſi, & Princeps Lutheranus ex eadem Domo obtineret. Hæc talia legenti Sereniſſima illa Domus videri poſſet partim Romanis ſacris addiſta, partim Evangelica. Sed per Dei gratiam nullum hoc tempore Principem illius Familiae novimus, Romano-Catholicam religionem profeſſum. Dein alternativa ſucceſſio admittenda expreſſe in Inſtrumento Pacis dicitur inter Catholicos Epiſcopos *ex gremio Capituli electos vel aliunde poſtulatos*, atque Auguſtanæ Confeſſioni addiſtos ex familia Brunſvico-Luneburgica Principes. Quemadmodum & hodiernum Reverendiſſimum Epiſcopum Dn. *Erneſtum Auguſtum*, Evangelicum huius Domus Principem, non ex eadem Catholicus alius, ſed *Franciſcus Wilhelmus* Comes Warthenbergicus præceſſit. Pag. 159. Epiſcopus Conſtantienſis dicitur ſuprematum, ſeu ſuperioritatem territorialem (*Souveraineté*) obtinere in Diceceſi ſua, excepta Imperiali urbe Conſtantia. Sed primum urbs Conſtantia non Imperialis ſeu Libera hoc tempore eſt, ſed juris Auſtriaci, circa medium ſuperioris ſaeculi in Domus Auſtriacæ poteſtatem redacta.

- Dein non per universam Diœcesin reliquam, quæ utiq; latissime patet, sed in suo tantum territorio, quod angustioribus limitibus circumscribitur, suprematum obtinet Episcopus. Diœcesin enim Episcoporum Germaniæ cum eorundem territorio confundi non debere, rerum harum periti norunt. De Episcopatibus Bambergensi & Herbipolitano inquit
- p. 157. Auctor: *Impræsentiarum ambo tenentur, aut nuperius certe tenebantur a Petro Philippo de Dernbach.* Verum non succurrit hæc scribingenti, Dernbachium noctu inter 22. & 23. Apr. 1683. mortuum successores habuisse in Bambergensi *Marquardum Sebastianum Schenckium de Stauffenberg*, (cujus, ceu Episcopi *Aichstetensis*, obitum lib. V. pag. 594. ad 17. Jan. 1685. ipsemet refert,) in Herbipolitano *Conradum Wilhelmum de Werdnau*, ac (cum & hic fato esset functus) *Joannem Godofredum a*
- p. 164. *Guttenberg.* Ultimum *Magnum Magistrum Ordinis S. Joannis Hierosolymitani* Roquius vocat Cardinalem *Fridericum, Landgravium Hassiæ*, Uratislaviæ episcopum. Sed hic non fuit ultimus (*le dernier qui possédait cette dignité*). Huic enim 19. Febr. 1682. mortuo surrogatus fuit *Franciscus a Sonneberg* Helvetus, qui obitu suo locum vacuum reliquit, quem Eques Westphalus e Baronum *Droste de Fischeburingen* stirpe prognatus totius Ordinis suffragiis occupavit, paulo tamen post mortalitate posita, cessit *Hermanno a Wachendonck* Nobili Westphalo; quæ universa Auctor noster discere potuisset e nobilissimi *Imbosii* Notitia Procerum S. R. J. A. 1684. primitus emissâ, A. 1687. cum non magno eoque fere tumultuario augmento recusa, propediem vero cum accuratissimo ac ad nostra tempora pertingente supplemento typis tertium subjicienda. Inter Archiepiscopatus *Gallicanos*, ut ad hos pergamus, recentissimus est Albiensis, auctoritate demum Innocentii XI. R. P. 3. Oct. 1678. ex episcopatu Archiepiscopatu Bituricensi suffragante ad axioma metropoleos evectus. Nota est cōtroversia de *primatu Lusitanie*, quem in concilio Tridentino tanto conamine affectavit Archiepiscopus Bracarensis, *Bartholomæus de Martyribus*, ac, ut ut ringentibus Olyssiponenſi & Eborensi Metropolitanis, *Philippi II.* Hispaniæ Regis indultu obtinuit. Neque hoc suo jure, post translatum Lusitanæ imperium in Familiam Bragantinam, exciderunt ejus successores, quin, quocunque iter faciant, per totum regnum *crucem Primatis* præferri sibi curant. *Cameracensem* episcopatum Paulus Papa IV. *Rhemensis* Archiepiscopi jurisdictione exemit, & in metropolim crexit; Gallis nun-
- quaw



quam non frustra protestantibus. Cum igitur Rex Galliaë Cameracum jure belli in suam ditionem redeisset 17. Apr. 1677, Archiepiscopus *Rhemensis* protestatione solempni 14. Febr. 1678. jus suum in episcopatum Cameracensem urfit, illis dubio procul argumentis usus, quæ hanc in rem pleno modio admetitur Roquius. Nondum autem sententiam decisivam Rex tulisse videtur. E *Polonia* episcopatibus non p. 227-  
232.  
unos indicat Roquius, qui duos simul præfules, unum Romano-Catholicum, alterum Græco-Schismaticum alant. Imo *Leopolis*, Russiæ Nigræ metropolis, utpote civibus triplicis religionis habitata, sedes est tum Archiepiscopi Latini Romano-Catholici, tum Archiepiscopi Armenorum Romano-Catholici, tum denique Episcopi Russici Græci schismatici. Libri hujus secundi extrema occupant partim digressio de variis generibus ac mutationibus *Liturgiæ* in Sacramento altaris, partim duplex catalogus omnium totius orbis Christiani *episcopatum*. p. 238.  
p. 255.  
p. 266-  
277.

Præmissis libris illis duobus ad instar propylæi, Auctor opus ipsum auspiciatur, & inter ea, quæ A. 1685. contigerunt, primo loco enarrandam ducit *conversionem Reformatorum Gallorum*. Integro igitur libro TERTIO describit, quibus gradibus quibusque de causis Rex ad tantæ molis opus processerit. Et quemadmodum heic exulum de persecutione exantlata querimoniæ calumniarum postulantur: ita tum exemplis, tum rationibus, toto libro QUARTO defendere nititur Roquius, quicquid Protestantibus in abolitione Ediæti Nannetenfis ac cæteris id genus Ludovici XIV. gestis iniquum visum fuit.

Libro QUINTO cætera, ordine iterum Geographico, exiguntur, quæ annum 1685 in ecclesia Romana notatu dignum reddiderunt. Legi heic meretur bulla Innocentii XI data Romæ 10. Maji 1685. qua Superiori Cisterciensium generali absoluta potestas sit convocandi synodum, id quod non nisi suo consensu prius obtento fieri debere voluerant quatuor Abbates monasteriorum Cisterciensium, de Firmitate, (*de la Ferté*), de Pontigniac (*de Pontigny*), de Claravalle (*de Clairvaux*) & de Morimundo (*de Morimond*). Ubi dein *Fulgentii Travelloni* Generalis Ordinis D. Augustini d. 2. Junii electi mentio injicienda fuit, ansam arripit Noster in historiam totius illius Ordinis excurrendi. Subjungit dein Michaelis de Molinos dogmata & sinistra facta, obitum Cardinalium *Carraccioli*, *Castaldi*, *Homodei*, *Savelli* atque *Grimaldi*, promotiones *Nerlii* aliorumque ad beneficia ecclesiastica, digressio- p. 315-  
320.  
p. 330.  
341.

- p. 544. digressionem de *pallio* episcopali, itemque de Sede *Beneventana*, quam  
 547. morte *Castaldi* vacuefactam conscendit Cardinalis *Ursinus*; porro legata  
 p. 548. ad pias causas *Maffei Barbarini* Principis Palestrinæ, & *Januarii Capuani*,  
 p. 549. fratris Ducis *Termoli*; translationem denique corporis S. Zenobii epi-  
 scopi & patroni Florentini. Rebus *Italicis* expeditis, ad *Gallicas* re-  
 p. 550. vertitur Roquius, multaue de iis commentatur. Heic tamen oculos  
 p. 551. præ cæteris feriunt digressiones de Ordine *Minimorum* a *Francisco de*  
 p. 553. *Paula* instituto, & de Abbatia Cluniacensis fundatione ac restauratione,  
 quarum illa A. 910, hæc A. 1676. contigit. Ubi notatu non indignum  
 videtur, Abbatem, Priores, Officiales, cæterosque illius Abbatia Mon-  
 nachos (etsi non-consecrantes) Eucharistiam accipere *sub utraque*.  
 In Regis deinde laudes effunditur Auctor, quod Legatorum suorum  
 p. 555. precibus, tum apud Persarum Monarcham *Armenis orthodoxis* liber-  
 tatem ab exactionibus & persecutionibus Proregis Nakhchavianensis,  
 p. 557. tum apud Turcorum Imperatorem *Monachis Latinis* custodiam sacri  
 565. sepulchri procuraverit. Notat quoque dies emortuales *Caroli Bur-*  
 p. 566. *lonii* Episcopi *Suessionensis*. (cui successore datus *Petrus Daniel Huetius*,)  
 d. 26. Oct. *Joannis de Montpesat de Carbon* Archiepiscopi *Senonensis*,  
 d. 5. Oct. *Theodori Alardi* Episcopi *Vinciensis* d. 13. Nov. *Piqueti* Episcopi  
*Casarpolitani* in Persia, d. 25. Augusti; annexis excursionibus de ori-  
 p. 570. ginibus Abbatia *S. Genovefa* Parisiensis, episcopatus *Rbegiensis* in Pro-  
 p. 572. vincia, *Aturensis* in Vasconibus, ut & Archiepiscopatus *Aquarum Sexti-*  
 p. 575. *arum*, hujusque æmuli *Senonensis* Archiepiscopatus. Nec reticer pro-  
 p. 576. motiones *Flescherii*, (qui variis parentationibus, vita Theodosii Magni,  
 vitæque Commendoni Cardinalis a Gratiano Latine conscripta, a se  
 vero Gallice reddita, inclaruit,) ad episcopatum *Vauriensem* in Occi-  
 tania, itemque aliorum ad alia beneficia Ecclesiæ Gallicanæ. Hinc  
 p. 594. ad Germanos pergit, refertque jacturam eos fecisse hoc anno 1685.  
*Marquardi* Episcopi *Aichstetensis* d. 17. Jan. *Georgii Szelephani*, Archi-  
 episcopi *Trigoniensis*, eodem mense, *Emerici Cappuccini* Episcopi  
*Viennensis* mense Febuario, *Marci Renati Francisci Slusii*, Canonici  
 Leodiensis, Polyhistoris, sed Geometricis potissimum scriptis clarissimi  
 d. 19. ejusdem mensis, *Alberti Sigismundi* Bavarie Ducis Episcopi Fri-  
 singensis & Ratisponensis mense Decembri juxta Roquium, aut potius  
 d. 4. Nov. Narrat dehinc *Colanius* in Arrabonis sedem episco-  
 palem, Comitem *Trautsonum* in Viennensem, aliosque in alias,  
 aufpicium

auspiciis Imperatoris Augusti, nec non Ducem *Neoburgicum* Romano-Catholicum in Electoralem Palatinam collocatos. Neque silentio preffit, quid armis Germanorum, Polonorum atque Venetorum contra Turcas effectum fuerit. E rebus Hispanicis potiores sunt mors *Joannis Alphonsi Salizanes*, Cordubensis episcopi, & promotiones *Monroji* ad Archiepiscopatum Compostellanum, *Francisci Alvari* ad Messanensem, *Ferdinandi Bassani* ad Panormitanum, &c. nec non Decretum Inquisitionis Leridenfis in Arragonia contra *Michaelis de Molinos* Manuductionem spiritualem, datum 24. Nov. 1685. Anglicam deinceps historiam a *Titi Oates* contra *Jacobum II.* machinationibus ad decollationem usque Ducis *Montmutbensis* continuo orationis filo pertexit Roquius, finemque imponit libro quinto ablegatione Equitis *Chaumont* & Abbatis *Choisy* in regnum Siamense.

Hactenus ordine *geographico* memorias anni 1685 non incommode disposuerat; nunc LIBRO VI. in gestis anno 1686 ordinem chronologicum observat, & a lectoribus consilium expectat, utrum priori, an posteriori modo sequentium annorum memorabilia in ordinem redigi expediat. Extantiora hujus libri contenta sunt ea, quæ sequuntur: Die 7. *Jan.* Rex Galliarum, declaratione edita, prohibuit, ne filii familias, tyrones mechanici, itemque conjugati, sub specie peregrinationis ad D. Jacobi in Gallicia aut ad D. Mariæ Virginis Lauretanae, extra regni fines evagarentur. *Kalendis Februarii* Dux Sabaudiarum *Waldensibus* optionem dedit, aut religionem mutandi, aut patriam linquendi. D. 2. *Maji* Cardinalis *Estreus* Romæ memoriam conversionis Reformatorum Gallorum festivitate solemniter celebravit, in templo S. Trinitatis de monte, cujus *decoraciones* emblematicæ a Roquo exactius representantur. D. 6. *Junii* obiit Zvvollæ in Transilvania *Joannes Neercassel* Gorcomio Batavus, ex Oratorii D. Jesu presbytero episcopus Caltorienfis ac per Belgium fœderatum Vicarius Apostolicus, ætatis LX, Episcopatus XXIV anno. Ejusdem mensis die 27. in Parlamento Parisiensi inter Episcopum Cenomanensem, *Ludovicum de Lavergne-Montenard de Tressant*, & Capitulum ecclesiæ cathedralis *Cenomanensis* multis annis agitata, ita decisa est, ut Canonici causa ceciderint, & nullam ab episcopali jurisdictione exemptionem affectare jussi sint. Die 6. *Augusti* episcopus Capuanus *Melzius* vita excessit. *Vigesimo Maji* Innocentius XI. duplici diplomate indulgit Regi Galliarum

nominare candidatos ad episcopatus *Audomarensem & Yprensem*, ut & ad omnia Comitatus *Burgundia* beneficia, quæ jure pacis Neomagenfis ex Hispanorum ditioe in Gallorum potestatem venerant. Idem 2. *Septembris* Cardinales creavit viginti septem, e quibus jamjam obierunt *Maximilianus Gandolphus* Archiepiscopus Salisburgensis, *Angelus Ranuzzi*, Archiepiscopus Bononiensis, *Horatius Matthæi*, Archiepiscopus Damascenus, *Joannes Slusius*, Secretarius Brevium. Sub calcem voluminis rejecta est narratio de Patre *Lacosta* Dominicano, quem *Galibes* barbaros ad fidem magna ex parte convertisse dicit Roquius; queritur tamen, vicinos Belgas, qui coloniae Surinamensis nomen obtinent, pios ipsius conatus, crudelissima persecutione excitata, evertisse; unde ille in Europam reversus, Romæ rationem a se actorum Papæ redditurus, in itinere, mœrore forsan confectus, obierit. Cæterum libro hoc sexto bella Hungarica, res Jacobi II. Regis Angliæ variæ, calamitates Waldensium, aliaque id genus memoriæ produntur, quæ enumerare supervacaneum videtur, cum talia haud omiſsa fuisse conjectu cuius facile sit. Immiscentur insuper digressiones de *expectativis* beneficiorum obtentis a Rege ex jure, quo is pollet, *primariarum precum*; de Conventu *Mathurinorum* Parisiensis; de Ordine equitum *D. Stephani* Magni Ducis Hetruriæ; de sede Pontificum Romanorum *Avenionensi*, (e qua post LXX. annorum intervallum Romam, ad instar Israelitarum post tantum temporis spatium ex Babylonica captivitate reducum, reversi sunt;) de archiepiscopatu *Auxitanensi*, &c. Operi tum *summaria*, tum *index rerum* accedunt.

## DEFENSE DU TEXTE HEBREU ET DE la Version Vulgate, &c.

id est,

R. P. Michaelis Lequien Defensio Textus Hebræi & Versionis Vulgatæ, responsionis loco futura ad librum, cui titulus: *Antiquitas Temporum*, &c.

Parisiis, apud Amabilem Auroy, 1690. in 12. plagul, 22.

**P**auli Pczronii, Bernhardinorum Prioris Parisiensis, *Antiquitatem temporum restitutam* kalendis Septembris atque Octobris A. 1687. ad

ad Acta Eruditorum retulimus, spe freti, fore, ut *Matthias Wasmuthus*, Professor Kiloniensis; iudicium de illa suum cum literato orbe communicaret. *Annalibus enim cali & temporum*, quos tum moliebatur, non poterant non e diametro adversa esse novi illius Chronographi paradoxa. Verum spes ista decollavit, ex quo hic  $\frac{1}{2}$  Nov. 1688. tempori valedixit, beatæque æternitatis compos factus est. Utinam autem non simul illa quoque decollasset spes, quam orbi erudito de *Annalibus* suis fecerat! Nam licet clarissimum *Samuelem Reyberum*, eorum quondam encomiasten, obstetricantes manus foetui illi posthumo adhibiturum, non pauci crediderint, parum tamen abest, quin hodie ab omnibus de editione operis laboriosissimi conclametur. Interea non defuere, qui virgula censoria in *Pezronii* hypotheses animadvertendum sibi arbitrarentur. Ex his prior vocitatur *Domnus Martiannay* Benedictinus, cujus labores nondum vidimus. Alter est *Michael Lequien*, Bononiensis Gallus, monachus Ordinis Prædicatorum Parisiensis, præsentis libelli auctor. Duabus hic partibus absolvitur, quarum *priori* Hebræi textus auctoritas, infra septuagintaviralem versionem non deprimenda, *posteriori* integritas fontium Ebræorum & versionis Vulgatæ in rebus Chronologicis vindicatur.

*Parte igitur priori* ante omnia negatur, septuagintaviralem versionem a Christo & Apostolis pro authentica agnitam, non item Ebræum textum. Contrarium probatur ex *Matth. II. 15. Job. XLX. 37. Matth. XII. 18. Rom. IX. 17. I. Cor. XV. 54.* ubi loca *Hof. XI. 1. Zach. XII. 10. Esai. XLII. 1. Exod. IX. 16. Esai. XXV. 7.* citantur ad mentem Ebræi textus, a quo maximopere Interpretes Græci illie dissident. Urgetur e *Lightfooto*, Judæos in Palæstina Græcæ linguæ ut plurimum imperitos, adeoque non fuisse causam, cur Servator ejusque discipuli in allegationibus suis septuaginta senes sequerentur. Aliter se rem habere cum *Luca*, qui pro Græcis scribens, citationes ab istis viva voce ex Hebræo (vel potius Chaldæo paraphraste) factas Græce ita reddiderit, ut versioni illi responderent, cui assueti erant Hellenistæ. Certe si Judæi textum suum corrupissent, uti voluit *Pezronius*, indubium est, Christum illud eis exprobraturum fuisse. Hæc aliaque (a nostratibus Theologis contra antiquiores quosdam Pontificios sæpius prolata) cum dixisset *Lequienus*, auctoritate *Origenis*, *Jeronymi*, itemque qui *Septuaginta* interpretes ad ductum Hebræi codicis emendare ausi sunt,

*Luciani* ac *Hesychii* probat, nec prioribus seculis a nato Christo Græcos rivulos Hebræis fontibus præferri suevisse apud Patres doctiores.

- c. 3. Imo ex quo Hieronymi versio Latina applausum ecclesiarum occidentalium obtinuit, certatim Patres Pontificesque Romanos, sigillatim *Gregorium Magnum*, & approbatores *Decreti* a Gratiano ex Hieronymi quoque dictis compilati, observat in id enisus esse, ut quotiescunque Græci ab illa dissentirent, ad Ebræi fontis authenticam recurrendum dictitarent.

- c. 4. 5. Respondet dein ad tritissima SS. Patrum loca, ubi Judæi textum suum corrupisse feruntur; & cum Richardo Simone statuere videtur, ea maximam partem aut non satis intellecta nobis, aut potius non satis intellexisse ipsosmet Patres, quid de hoc argumento dici par esset.

- c. 6. Præcipue vero provocaverat Pezronius ad *Genes. XVII. 14.* ubi τὰ ὀκταὺς die sustulisse Judæos, consuetudini suæ, circumcisionem ultra octavum diem quandoque differendi, velificaturos, suspicatus fuerat. Ast hoc merito improbabile videtur *Lequieno*, cum ex v. 12. ejusdem capituli, nec non ex Lev. XII. 3. pateat affatim, Judæos noluisse e bibliis suis tollere verba illa, quibus ad circumcidendum infantes octo præcise dierum obligabantur. Septuaginta itaque senes illa τῇ ἡμέρᾳ τῇ ὀγδόῃ *Gen. XVII. 14.* adjecisse, non quod invenissent in Ebræo, sed ut paraphrastice pro more suo textum illustrarent. Vocem כִּנְיָ *Pf. XXXII.* in mendo cubare concedit Adversario, negat autem id fraude accidisse Judæorum, quos potius laudat, ob alteram variantem lectionem כִּנְיָ in plerisque codicibus una cum ista annotatam; itemque ob singulare

- c. 7. studium S. Biblia intemerata asservandi. Hinc respondet ad dictum Talmudicum ab *Isaaco Vossio* & *Pezronio* in sequiorem sensum, (ut Noster putat) detortum: *Bonum est, ut litera evellatur e lege, ut nomen Dei sanctificetur.* Neque enim aliud quid hoc axioma suaderi monet, quam ut codicum privatorum exscriptores nomen τετραγράμματος non perfecte exarent, sed pro יידי אוי אוי אוי אוי ponant, ne forte illi in terram delabantur profaniusve tractentur, ac hoc pacto profanetur ipsummet ineffabile ac sacrosanctum nomen Dei. Urget vicissim πολυθεύλητον istud Rabbinicum: *Non est litera in lege,*

- c. 8. *a qua non magni montes pendeant.* Mox varias detegit causas, cur sæpenumero ab archetypo Ebræo ectypon Græcum discrepet, easque in vulgus notas; quibus addit loca prophetica V. T. non pauca, neque

ignotiora

ignotiora de Christo juxta Ebræum textum & allegationes in N. T. factas agentia, a septuaginta autem interpretibus in sensum plane alienum raptata atque deflecta.

Initio *Partis secunde* Lequienus respondet ad dictum, quod apud Judæos circumferri non semel inculcaverat Pezronius, de sex millenariis mundi, quorum sub finem Messiaæ adventus expectandus sit. Negat probabile esse, numeros annorum patriarchalium a Judæis corruptos, ne millenarius VI, adeoque & tempus, quo Messias venire debuit, præterfluxisse credatur. Namque Talmudistas in *Sanbedrin, Abboda Sara & Schabbath* effatum illud Domus Elianæ ita referre, ut tradant, duobus millenariis substituisse mundum absque lege, duobus legis tempus fuisse, duobus dies Messiaæ fore. Accedere R. Salomonem Jarchi aliosque interpretes, qui multum temporis elapsum jam esse fatentur eo abhinc termino, quo Messiaæ adventus juxta hanc traditionem expectandus erat. Non immerito igitur concludit Auctor, Judæos non corrupisse chronologiam Mosaicam, cum hæc ea, qua se hodie habet, ratione, sententiæ nostræ, quod Jesus Nazarenus exeunte quarto millenario venerit adeoque Messias sit, admissa illa Elianorum traditione, faveat magis, quam adversetur. Probari cupit, apud Judæos *מָשִׁיחַ בְּאַחֲרֵית הַיָּמִים* haberi, quod Messias sub finem millenarii VI. venire debeat. Utut enim tale quid apud *Julianum* Toletanum Archiepiscopum in libris *contra Judæos* legatur, (ubi & his dica impingitur, ac si temporum patriarchalium seriem contractionem reddidissent,) *Lequienus* nihilominus pluribus monstrat exemplis, bonum illum virum multoties dormitasse, dum veterum Christianorum, *Epiphani, Augustini, Hieronymique* sententias refert, ex fide nimirum aliena, aut absque contextus consideratione attentiore, adeoque nec hanc controversiam ejus arbitrio dirimendam. *Abulpharajum*, seculi XIII. scriptorem Arabem, absque Veterum auctoritate Judæis eandem corruptorum bibliorum actionem intentantem, contemnit, ac ceu testem ob ætatem & rerum harum imperitiam inidoneum rejicit. Explodit deinceps Pezronii conjecturam, R. *Akibam*, Ælii Hadriani Imperatoris coætaneum & Aquilæ Apostatæ magistrum, manum intulisse criticam Genesi Mosaicæ, ut agre Christianis faceret. Namque uti hæc nullo prorsus testimonio suffulcitur, sic vel hoc dilemma haud difficulter subruitur: Aquila aut *ante* aut *post* cladem *Bar Chochba* id

- facinoris perpetravit. Non *ante*. Namque ab omnibus credi volebat, Barchochbam esse Messiam, adeoque non expunxisset secula quindecim e chronologia Mosaica, ea tantum ratione inductus, ut demonstraret Jesum Nazarenum non posse esse Messiam, eo quod ad terminum adventui illius in prophetarum scriptis fixum plures mille annis restarent. Eadem quippe opera adversariis suis argumenta firmissima ministrasset, *Barchochbam*, utpote non nisi seculo uno ab ætate Jesu distantem, repudiandi. Neque vero *post* impostoris illius mortem integrum fuit Akibæ, sacrilegium istud committere. Paulo enim post *Bethera* captus interiit, aut certe a Romanis miserum in modum excarnificatus non diu supervixit. Sed ut magis liqueat, Septuagintaviralem chronographiam nullo modo meliorem esse Ebraica, urget Lequienus, quod juxta versionis illius probatissimos codices Mathusala ultra diluvium superstes fuerit. Et cum in his aliisque rebus id genus Pezronius Ebræorum bibliorum lectionem versionis Græcæ prætulit, nihil causæ fuisse ait, quominus & in cæteris Ebræos sequeretur, nullius adhuc parachronismi convictos.
- c. 5. Agit dehinc de *Fl. Josepho*, eumque ad ductum bibliorum Septuagintavirali a sciolis librariis perperam correctum probat satis evidenter; qui Nostri locus uti prolixior paulo est, quam ut in compendium redigi queat, ita in toto opusculo omnium maxime notabilis ac lectu dignus videtur. Nonnullas porro Pezronii conjecturas impugnat Lequienus, aut eadem potius facilitate, qua allatæ fuerant, rejicit, curatius vero agit de *Cainane* secundo, *Usserû* de eo placita potissimum amplectens. Neque *Chaldaeorum* & *Arabum* Reges, Nimrodum proxime insequentes, *Ægyptiorum* Dynastas aut Reges ac *Chinensium* Monarchas antiquiores mitius tractat; adeoque e fabulosis horum chronologiis negotium Judæis faceSSI vetat. Romana etiam Ecclesiæ auctoritate pugnat contra Pezronium, utque Vulgatæ, Ebræam chronologiam exactius referentis, Græcam posthabeat versionem, eundem obtestatur. Coronidis loco *anarchias* illas prolixiores, quas *Judicum* Ebræorum regiminibus & populi *servitutibus* ex liberrima conjectura interjecit Pezronius, confutat. Sed non est, ut his immoremur; quin
- p. 92, 345. potius, cum *Samaritanorum* calculum una alteraque vice reprobarit Noster, occasione hac commoda illecti, Lectori benevolo invidere nolumus *chronologie Samaritana læterculos binos*, e MScis excerptos, aut Latine versos, nobisq; per epistolâ nuper comunicatos a clarissimo Oxoniensi

suum



sum Professore *Eduardo Bernardo*. In tanta enim thesauriarum Samaritanarum penuria vel hæc breviaria thesauri instar habebuntur rerum orientalium cupidis.

*CHRONOLOGIÆ SAMARITANÆ SYN-*  
*opsis a Cl. Eduardo Bernardo ex Manuscriptis eruta &*  
*Oxonio transmissa.*  
 Pinacion primum.

Anni ante Chri- stum	Mundi
4425.	1. Rerum conditus.
3118.	1307. Diluvium Noc.
2176.	2249. 942 diluvii, natalis Abrahami.
2101.	2324. 1017 diluvii, exiit e Charrane Abrahamus, natus annos LXXV.
1671.	2754. 1447 diluvii, 595 Abrahami nati, Exodus Hebræorum abs Ægypto.
1631.	2794. 40 Exodi. Obierunt Aaron sacerdos & frater ejus Moses Legumlator annos natus CXX. Finis Pentateuchi Sacri. Initium Josue Principis & simul annorum Redvan, quod est gratiæ aut faventis Numinis. Statim ab ingressu terræ Canaan, mense Nisanæ, nubis prodigium a Tabernaculo Dei recessit. In culmine Garizim bis sex lapides Jordanii & Scena sacra reponuntur.
1625.	2800. 46 Exodi, anno septimo imperii sui terram Canaan in Israelitas distribuit Josue. Anno eodem sacro, sed civili sequente, abs initio mensis septimi, qui & Tifris vocatur, processit <i>Semira</i> omnium prima, quæ est primi septennii <i>σεισάχθεια</i> apud Hebræos.
1612.	2813. 59 Exodi, 13 possessionis terræ Canaan, ego Abisua filius Pinchasi filii Eleazari, filii Aaronis sacerdotis, exemplar istud legis cōscripsi pro foribus tabernaculi Conventus in Hargarizim. Anno eodem diei naturalis modum horis 24 (3112) determinavit Pinchafus.

## ACTA ERUDITORUM

1371.

708.

1190.

1186.

1149.

520.

2819. 65 Exodi, moritur Josue Dux, cum imperasset annos XXV & menses aliquot, vixissetque annos CXX. Sepultus autem est in Temna, quæ & Gaureta.

3054. 300 Exodi; Subinde a nece Somsonis, qui & Samson vocatur, cum dissidentibus inter se Aaronis nepotibus Deos alienos populus quæreret, exierunt bona tempora, Gratia anni CCLX. Imo vero densissimis tenebris oppressum subsedit ipsum Tabernaculum Hargarizim & evanuit, Ozi Pontifice multum obstupescente. Tum Pontificatum usurpavit in Silunte annos L Elis filius Jophni e domo Ithamari.

3717. Decem tribus Israelitarum in Edeffam, Charranem & Ninum captivas abduxit Assyrius cum Acbia Pontifice: qui vasis sacris in monte Garizim prius defossis legis volumen in Ninum secum detulit.

3235. moritur David, Rex Hebræorum, cum regnasset annos XLVII, vixissetque annos LXV, a die primo Sce-  
nopegiorum anni ipsius *Semita*.

3239. Salomon Rex Hebræorum Templum Deo in Jerosolymis, quæ & Ælia, & Cuds, & Beitmæctas, anno Regni sui quarto extruere cepit, cum Jair Pontifex cultoribus Hargarizim præsidebat.

3276. Initio Roboami fatui Principis in factiones quatuor abierunt Hebræi. Familia enim Pinchasi & Josephi tenebant montem benedictum Garizim: atque domum Mæctas, *diruendam* illam ædem Solomonis, frequentabant Judæi. Pars autem tertia Jeroboamum secuta est in Sebasten & Dan: & ad ritus gentium defecit reliqua. Hoc tempore miraculis claruit Elias Propheta, sicut posteris temporibus Elis Escanida, & Abdelus, & Sedecias, & Elisemas, & Apollonius.

3905. A. 35 Abdeli Pontificis Samaritani, in terram sanctam redeunt ab exilio, volente Rege Sauredio (Dario) tercenties mille Israelitæ cum familiis, duce Adi filio Simeonis. Alphabethum Hebraicum septem & viginti literis, quarum quinque erant finales, scribit Ezra.

Anni

Anni

ante natū  
Christum Mundi

331.

4094. Alexandro Magno, cum per Neapolin Samariæ in Ægyptū contenderet, in genua decumbenti benedixit Hezechia, Pontificatus sui anno 15: qualem hominem habitu sacerdotali per quietem nuper viderat Macedo, de bello Persico prospera ei quæque promittentem. Hunc ergo antistitem & gentem Samaritarum donis magnis cumulavit Alexander; item hoc elogio: Jam certe novi, Deum vestrum Diis cunctis esse majorem. Idem Hezechia hymnos sacros composuit, & Hosanna.

330.

4095. Alexandriam in Ægypto condidit magnus Macedo, Dein eidem per Samariam redeunti non imprudenter professus est Hezekia Pontifex, se statuis omnib( quas Moses jam olim fieri vetuerat ) monumentum melius nomini illius dedicaturum, & natos adeo omnes Samaritas eo anno Alexandros nuncupaturum. Mox Alexander in monte Garizim Deum adoravit.

325.

4100. 1046 (4100 minus 3054.) Phanutz aut recedentis Dei moritur Hezekia anno XXI Pontificatus, non sine luctu Alexandri M. Successit autem filius ejus Dalia, Ptolemæo Lagi nulla gratia notus.

324.

4101. Obiit Alexander M. a. æt. 31, regni vero 18.

321.

4104. Anno tertio Philippi Aridæi aut anno eodem Ptolemæi Lagi, Orodes ipso jubente ædem Garizenam spoliavit, tributumque grave a Neapolitis exegit.

275.

4150. Anno decimo Ptolemæi Philadelphi, egregii literatorum fautoris, accitis Alexandriam Aaron & leſtiffimis Samaritarum, nec non Doctoribus Judæorum sub Eleazaro suo, Legem Mosaicam in Græcorum dialectum translaturum ex Hebraico: cum de monte locoque electo templi & in Deut. 32, 35. *in die retributionis* (in Græco & Samaritico, pro *in die* *indignitatis* Pauli Apostoli & Masoretharum) aliisque in ver-

## ACTA ERUDITORUM

in versibus versiones istæ variarent, Rex approbavit magis Samaritarum interpretationem, hosque splendidis muneribus donavit: Imo vero Judæos ille monte benedicto Garizim, rescritto omnino arcuit. Referunt autem triduanas tenebras passum fuisse mundum, cum Judæi in Græcum Mosis libros verterent. Hoc autem tempore inter Judæos exortæ sunt tres sectæ, Pharisei, quasi nomine suo Schismatici, patres equidem traditionum; & Sadducei, qui rationi amant tribuere quantum Legi Mosis: & tertia portio Hasedæi, quod est Viri probi & sani. Hi sunt Philosophorum Samaritanorum adfines, & prope Hargarizim ultro habitant.

30. 4395. Cæsare Augusto Alexandriam ingresso, necem sibi invenit Cleopatra Regina, faulrix Samaritarum, cum regnasset annos 22. Condidit illa Nilometrum in Chemmi. Herodes Rex Samaritas Judæosque plurimos occidit.
1. 4425. 1371. (425 minus 3054) non 1300 Phanutæ aut averfi Numinis. Christus e Maria natus vulgo creditur, anno 25. Johiami Pontificis Samaritani.
1. 4426. Christi circumcisi Epocha vulgaris, anno 16 Johiami Pontificis Hargarizim.
30. 4455. Sub Tiberio cruci affixus est Jesus Messias apud Jerosolyma anno XXI Jehunein sive Joannis Pontif. Samaritani.
132. 4557. A. 16 Acbonis Pontif. Samaritani, Hadrianus Imperator ex Ægypto reversus, ubi complures Christianos interfici jusserrat, Judæos adfligere cœpit, & obsidione Jerosolyma premere; neque pepercit Samaritanis, quanquam uxorem habuerit Samaritidem ex Jasuph.
135. 4560. A. 19 Acbonis Pontificis, Hadrianus usus consilio Ephræmi & Menassis profugorum e Samaritis, urbem Jerosolyma expugnat & delet ignibus, Judæis omnibus poena capitis loco isto prohibitis, imo & agro Samaritano ad bis duodécim parasangas. Idem Impe-

Anni

Domini

Mundi

Imperator post hæc Samaritis beneficia & honores eximios contulit, erectis etiam statuis profugorum, quos dixi, super tetraſtylo in Neapoli. Fanum etiam extruxit in Hargarizim juxta Templum Samaritarum, idque januis Jerofolymitanis ex ære Hispanico muni- vit exornavitque.

138. 4563. A. 22 Acbonis, Hadriano Imperatori, anno Imperii XLI demortuo ſucceſſit Antoninus Samaritarum a- micus. Is legem Moſis addidicit, & ſecundum illam vitam ac regimen ſibi inſtituit. Florebant ſane ſub illo Principe res Samaritanæ, velut jam pridem virtute & auſpiciis Joſue Nunidæ. Imperavit autem Anto- ninus annos XXXII, & cum illo ſimul interiit gloria & felicitas Samaritarum.

183. 4608. Confeſſim ab altercatione Levi Pontificis & Alexan- dri Philoſophi Aphrodiſienſis de novitate mundi, in Samaritas enſe, flammis, crucibus & omni genere mortis ſæviit Commodus Imperator. Idem etiam ſuaſu Galeni medici & domos, & Synagogas Sama- ritarum, carne porcina & idolis polluebat.

222. 4647. Alexander Imperator Samaritas pretio XX ſollium æreorum paſſim occidi jubet.

233. 4658. 545 Anno Græcorum a Seleuco, quod eſt anno- rum 312 & 233, Perſarum dominium inſtaurat Ardaſir Babecida, anno 20 Acbonis Pontif. Samaritani, 12 Alexandri Severi Imp. Rom. qui Natheneelem aut Parentem ejus Acbonem a cultu unici Dei minis nullis potuit detertere.

622. 5047. Hegiræ 1. 1993 (5047 minus 3054) poſt elapſos an- nos gratiæ divini, anno 12 Pontificatus Eleazari Sa- maritæ Nathanaele geniti, evenit Hegira Mohamme- dis, annorum Arabicorum origo.

1187. 5630. 583. Samariam occupat Saladinus.

1492. 5945. 898. Deſinit Chronicon Samaritanū Abulphetachi Danefæi

Y 2

## ACTA ERUDITORUM

Danefæi. Confiunt autem anni 5945 orbis conditi ex annis Julianis 5047 & Arabicis 898, qui confumunt annos 28 supra Julianos 870, propter modum anni Lunaris

1596. 1005. die 3 Dulhagæ, qui est dies 2 Abi Syrogræcanici, antigraphum Chronici Abulphetachi, quod nunc servat Bibliotheca Huntingtonia, absolutum est.
1672. 6111. 1083. (1625 & 1672, cum excessu Lunari annorum 14) a possessione Palæstinæ, die 15 mensis sexti Samaritarum, aut die 15 mensis quinti sive Gomadæ prioris Arabum, quibus annum aperit vagabundus mensis Moharramus: pariterque Abi Syrogræcorum aut Augusti mensis Romanorum die 27, anno secundo a *Semita*, id est, a præcedenti Sabbato annali, ad Huntingtonum nostrum epistolarum suarum priorem scribebant Cultores Hargarizim. Cœpit autem annus mundi Samariticus 611 die 18 Adari aut Martii.
1685. 6125. 1097. die 13 mensis septimi Samaritarum, nec non Tifris prioris Syrogræcanici & Octobris Romani, qui fuit dies primus Dulhagii superioris, anni Arabici, manu eadem Merchabi Ephramitæ ad Jobum Ludolfum scribunt Cives iidem Sichimorum.

## Pinacion secundum.

## Pontifices Samaritani.

	ann. 39		
1. Aaron.		1. Josue Dux (aliis 45)	25
2. Eleazar	50	2. Nathaneel. natus fratre Calebi	9
3. Pinchas	60	3. Jaot, Ehud	18
4. Abisua	40	4. Hamar, Samgar	10
5. Sifi	50	5. Parac, Barac	30
6. Boaci	35	6. Gedeon	7
7. Oci	25	7. Abimelech (aliis 30)	3
		8. Thola	23
		9. Jair	22
		10. Jophrach, Jephthæ	7
		11. Abidom, Abdon	18
		12. Nathaneel Ephramitæ	18
		13. Nathaneel e Juda	40
		14. Somfom	20
Gratiæ anni ab excessu Aaronis 260		Definunt gratiæ anni	260

*Pontifices Samaritani*

Vacat Pontificatus	Hillel	45	Acob Jacob	9
Hargarisim annos 39	Seraja	40	Amram	11
Sifi filius Boaci 23	Levi	50	Acbon	30
Safet 28	Nethaneel	52	Pinchas	40
Salom 25	Azaria	35	Levi	25
Hezekia 20	Abdel	40	Eleazar	32
Jehunein 28	Hezekia	40	Neba	28
Jair 22	Hebabiah	24	Eleazar	41
Sedekia 18	Amram	32	Acbon	23
Ahid 20	Haban	25	Nathaneel	32
Machir 21	Hezekia	21	Baba raba , Rex & sacerdos durante vita	
Josed 25	Dalja	42	Levi filius Babæ.	
Dalja 25	Acbon	40	Acbon	20
Jair 19	Acbia	35	Nathaneel	40
Jehunein 28	Levi	41	Nathaneel	31
Ismael 26	Eleazer	44	Eleazar	25
Tobia 28	Nathaneel	38	Nathaneel	20
Sadoc 20	Johiam	32	Eleazar	18
Amram 28	Jehanein	27	Anniab Aarone consecrato (anno Domini 628, Hegiræ 7.) 2038. si hiatus	
Tobia 24	Elifema	33		
Amram 38	Semaja	10		
Acbon 36	Tobia	8		
Acbia 39	Amram	9		

suppleantur. In annalibus enim cum Judæorum Rabinis Samaritæ videntur contendere , quinam turpius delinquerent.

**JO. HEINRICI MAJI DISSERTATIONES SACRÆ, in quibus V. T. Oracula secundum seriem locorum Theologicorum explicantur.**

Francofurti & Wezlaræ, impensis Christophori Olffen 1690. in 8.  
Constant plagulis 38.

Cum anni præteriti mense Decembri in Actis nostris p. 590. selectiores Dissertationes quatuor, Richardo Simoni ejusque adversariis, Theologis Batavis imprimis, a Johanne Henrico Majo, SS. Theologiæ

Doctores ejusdemque ut & linguarum orientalium Professore Giesfensi, oppositas recenseremus, non tantum aliarum *dissertationum sacrarum* in dicta Scripturæ classica, auctore eodem concinnatarum, mentionem, sed & spem faciebamus, nos de ipsis tempore plura dicturos esse. Quare ut datam fidem liberemus, pauca quædam pro instituti ratione ex utilissimo libro nunc subjiciemus. Et anni quidem amplius elapsi sunt viginti, cum venerandus senex, *Sebastianus Schmidius*, duo *Collegia Biblica* publicæ utilitati consecraret, in quibus juxta ordinem Locorum Theologicorum extantiora Scripturæ sacræ tum veteris tum novi Testamenti dicta nervose explicaverat: istud igitur institutum, ut videtur, imitatus *Auctor*, itidem secundum seriem, qua Loci alias Theologici, ut vocantur, insequi se invicem jubentur, interpretationem dictorum classicorum aggreditur; sed in hoc ab ipso diversus, quod de singulis oraculis duobus agat capitibus, quorum primo, philologia sacra in subsidium vocata, in genuinum dicti sensum inquirat, altero demum Locum aliquem Theologicum sive articulum fidei exinde pluribus ulteriusque deducat. Ut autem ratio hujus methodi tanto magis pateat, libet, quæ ad dictum statim primum ex *Psal. XL. 8. In capite libri scriptum est de me*, plurimum reverendus *Majus* commentatus est, speciminis loco excerpere.

*In capite* igitur *primo*, quæ circa vocis מַלְחָה originem & significationem moneri solent, diligenter affert, morem antiquorum fuisse observans, in membranis & chartis plicabilibus scribere, quas super cylindrum seu axem ligneum in orbem circumvolverint, unde & Latina formula *evolvere librum* sine dubio enata sit. Qua occasione obiter disquirat, quid veteres *umbilicum voluminis*, qui & proverbio locum dederit, appellaverint, non sane, qua in opinione hucusque fuerint eruditi, cornua quædam ex osse, ære, ebore similive materia confecta, quæ caudici seu ligno, circa quod membranasolvebant, imposita fuerint; sed funiculum, quo circumligata fuerint volumina, ut aptius clausa, nitidius possent a sordibus conservari, commodiusque seponi. Annotat hic etiam, Hebræos volumina sua scripsisse lineis non per longitudinem totius membranæ seu chartæ deductis, sed multis spatiis & columnis, veluti totidem areolis, distinctis, ut paginas nostras, non autem folia referrent, hucque respici *Jer. XXXVI. 23. ubi לַחֲמֵשׁ יָמִים* dicantur. Ipsa illa volumina interdum latitudine in decem, longi-



longitudine in viginti ulnas & ultra excurriffe, id quod contra *Isaacum Vossium*, absurditates hic multas necquicquam fingentem; prolixius adstruit; *Richardum* posthæc *Simonem* ejusdem erroris arguens, qui nullo idoneo argumento, sed sola conjectura ductus, Hebræorum libros comminiscitur in parvis membranis scribi solitos, quæ aliæ super alias circa lignum aliquod convolutæ causam præbuerint, ut non satis accurate voluminum illorum ordine servato, ipsarum quoque rerum ordo in pluribus locis Scripturæ sacræ fuerit turbatus, nequæ sine censura *Marcum Meibomium* dimittendum opinatur, qui aliam adhuc transpositionis causam in *Job. XXXI. 32. usque ad finem*, a novo quodam librariis usitato scribendi modo temere invenerit. Sed cum כְּלָל & epistolam notet, & integrum aliquod volumen, quin stylo etiam Talmudicorum totum sacrum codicem, in id nunc inquit, qua acceptione hoc loco vox ista sumenda sit, quam in rem confert allegationem Pauli *Ebr. X, 7.* ad quem locum observat, *καὶ φαιδὰ* minus commodè reddi per *caput* vel *summam*, quum & LXX. interpretes per illud non caput, sed volumen integrum significarint. Totum igitur codicem sacrum intelligi, quia singula volumina aliquid de Messia tradant, ad eumque scopum tendant omnia, quæ viri divino afflatu excitati literis consignaverint; quo sensu & Talmudicos doctores asserant, *omnes vates in universum non nisi de Rege Messia esse vaticinatos*, nempe *inde a Moſe*, secundum explicationem Maimonidis, *usque ad Malachiam*. Similiter quoad vocem כֶּבֶד procedit; ipsius enim cum origines explicasset, varie eam accipi annotat, hoc in loco tamen integrum canonis volumen denotare, synonymaque duò conjungi, quod admodum in sacris frequens sit, & recte adeo *Lutherum* nostrum in Germanica versione per unicum saltem vocabulum duo ista expressisse. Circa vocabulum כְּתוּב, evoluta prius radice, sacras literas hoc nomine venire observat, partitionemque veterem Scripturæ in *Legem, Prophetas, & Ceterubim*, quam ex *Luc. XXIV, 44.* constare ait; admitti posse, cum haud negatur, hagiographos etiam esse propheticos. Denique ultima voce כֶּבֶד, post sententiã *Judaorum, Calvinii, Marlorati & Bucerii*, quorum illi (recutiti) vel de Davide vel de populo Israelitico; hi autem (Christiani) de quibusvis electis eam exaudiant, excussam & refutatam, ex communi nostratum explicatione, solum hic Messiam intelligi, auctoritate Pauli, ad Christum verba hæc referentis, tum ex ipsis textus visceribus

visceribus evincit, & Christum totius Scripturæ scopum esse inde concludit.

Postquam isthæc veluti fundamenti loco præmississet, jam cap. II. ad ipsum Articulum de *Scriptura sacra* ulterius explanandum pergit, expositaque Scripturæ origine & dignitate, de sanctitate ejus prolixius agit, quam ab Auctore sancto & argumento ibi pertractato proficisci, neque adeo libris apocryphis ait, sed canonicis tantum competere, qui quales sint, exactius docet, refutato *Huetio* & *Simone*, Judæorum Ecclesiæ canonem concinnare licuisse statuentibus. Eam de cætero verbum Dei esse proprie sic dictum, & frivolam distinctionem Pontificiorum inter verbum Dei scriptum & non scriptum. Inspirationem divinam non ad res solummodo, sed ad verba etiam pertinere; Scriptores sacros nulli errori fuisse obnoxios, eorumque in stylo formando diversitatem ex peculiari Spiritus Sancti in ipsos *συγκαταβάσεις* exortam fuisse, unde pateat, male concludere inde *Huetium* & *anonymum Theologum in Batavis* (*Joannem Clericum* sine dubio innuit, in *judicio de historia critica V.T. Richardi Simonis*) verba non esse *θεόπνευστα*; quos ubi solidis argumentis refellerat, Richardi Simonis de scribis publicis hypothesin, itemque *Theologi* illius *Batavi* periculosam de inspiratione divina sententiam prætextusque ejusdem vanos, cum duabus objectionibus speciosis profligat. Posthæc de Scripturæ *materia* agit, *formaque* tum *interna*, conciliatis variorum sententiis, tum *externa*, ubi contra *Capellum* & *Waltonum* etiam puncta, vocales & accentus eo pertinere propugnat, & ex eo, quod vetus Testamentum lingua Ebraica perscriptum sit, recte omnino colligi ait, *Ebraicum textum solum esse authenticum* exclusa Vulgata, de qua varias Pontificiorum affert opiniones, *Simonemque*, nullius momenti illam esse controversiam & decidi facile posse existimantem, refutat. Denique cum de *fine* Scripturæ quædam subjunxisset, lectionem veteris Testamenti utilem esse & necessariam, contra Socinianos adstruit. Ultimo demum loco de *affectionibus* Scripturæ disserit, eidemque *divinam auctoritatem* ex testimonio ipsius Scripturæ, ex vaticiniorum certitudine, ex harmonia singulari, ex doctrinæ genere cœlesti, ex testimonio veritatis hostium, & martyrum, ex antiquitate, conservatione miraculosa, (refutato hic obiter Simone omnem divinam providentiam circa Scripturam sacram tollente, & Pontificiis, auctoritatem Scripturæ ab auctori-

auctoritate Ecclesiæ dependere statuentibus fufius vindicat. Vindicat eidem etiam veritatem infallibilem, quam in naturalibus Cartesius & Wittichius perperam ipsi detrahant. Ubi *perfectiorem* & *integritatem* sacro codici assertum it, traditiones ait a Simone propugnatas incertas, in Scripturas injuriosas, a Christo & Apostolis rejectas, Judaicis denique similes esse. Contra eundem & *perspicuitatem* ejus probat, eandemque se ipsam interpretari posse evincit. Denique eam esse normam controversiarum, ejusque lectionem omnibus esse concedendam, contra Papistas id negantes vel fūco utentes evincit.

Ex quo specimine, ut arbitramur, patescet, libellum hunc iis vel maxime, qui Theologiæ sacris operantur, apprime utilem, & inde optandum esse, ut quoniam *plurimum reverendus Auctor ad octavum saltem Articulum*, qui de lege ceremoniali agit, sacrum hunc laborem perduxit, reliquos locos eadem diligentia illustret, ad quod opus, ut & ad *Examen Historia Critica Novi Testamenti Richardi Simonis*, quod in præfatione promittit, feliciter perficiendum, animi corporisque idoneas vires eidem apprecamur.

## O. V. E. ADDITIO AD SCHEDIASMA DE *Medii Resistentia publicatum in Actis mensis*

*Febr. 1689.*

POSTquam Meditationes quasdam de Medii resistentia in his Actis publicavi, venire in manus meas, quæ Viri in Mathematica naturæ cognitione præcellentissimi *Hugenius* & *Newtonus* in novissimis operibus de eodem argumento sunt commentati. Animadverti autem eos respectivam tantum (quam voco) resistentiam attigisse, qualem scilicet sentit corpus in liquido tenacitate notabili carente, velut in aere; non vero absolutam, quæ oritur a tenacitate medii, aut asperitate superficiei contactus attritum efficiente, inter quas multum interesse jam tum ostendi; cum respectiva habeat respectum ad celeritatem mobilis, eaque aucta crescat, absoluta non item. Circa respectivam video nos iisdem fundamentis inædificasse, etsi prima fronte aliud videri possit. Ipsi enim statuunt resistentias in duplicata ratione velocitatum; ego vero absolute loquendo resistentias (quas decrementis velocitatis a medii densitate ortis existimo) esse dixi in ratione com-

Z

posita

posita velocitatum & elementorum spatii, quæ scilicet velocitatibus respondentibus decurri inchoantur, unde jam elementis temporis sumtis æqualibus (quo casu elementa spatii decurrenda velocitatibus proportionalia sunt) utique resistentiæ erunt in duplicata ratione velocitatum; quod etiam annotaveram sub Artic. 5, prop. 3. Nec dissentit conclusio circa relationem inter tempora & velocitates in gravi per medium descendente. Hanc enim ad sectorem hyperbolicum reduxit *Newtonus*, ad seriem infinitam *Hugenius*, quam invenit pendere a quadratura hyperbolæ, nos ad logarithmos artic. 5, prop. 4, tanquam perfectissimum talia exprimendi modum præbentes. Nempe

fit velocitas maxima  $a$ , præsens  $b$ , tempus  $t$  sic  $t = f, dv$ . aa: aa —  $vv$  quo posito,  $t$  sunt ut Logarithmi rationum  $a \div v$  ad  $a - v$ , fit etiam  $t = \frac{1}{2}v + \frac{1}{3}v^3 + \frac{1}{4}v^5 + \frac{1}{5}v^7$  &c. posita  $a$  unitate. Circa compositionem motus in medio resistente rectissime monuit Celeberrimus *Hugenius*, eam non ita simpliciter locum habere, ut in motu libero, itaque ea quam exposui Articulo 3 & 6 ita accipienda est verbi gratia, ac si corpus aliquod moveatur in medio secundum unam legem motus compositi, & huic ipsi corpori (veluti navi) sit inclusum medium ejusdem cum priori naturæ in quo iterum aliud corpus feratur, cujus jam motus ex communi navis motu, & ipsius proprio, velut projectionem faciet, ita se habentem ut descripsimus.

### O. V. E. QUADRATURA ARITHMETICA communis Sectionum Conicarum quæ centrum habent, indeque ducta Trigonometria Canonica ad quantamcunque in numeris exactitudinem a Tabularum necessitate liberata: cum usu speciali ad lineam Rhomborum nauticam, aptatumque illi planispharium.

JAm anno 1675 compositum habebam Opusculum Quadraturæ Arithmeticæ amicis ab illo tempore lectum, sed quod materia sub manibus crescente limare ad editionem non vacavit, postquam aliæ occupationes supervenire: præsertim cum nunc prolixius exponere vulgari more, quæ Analysis nostra nova paucis exhibet, non satis pretium operæ videatur. Interim insignes quidam Mathematici, quibus veritas primariæ nostræ propositionis dudum in his Actis publicatæ innotuit, pro humanitate sua nostri qualiscunque inventi candide me-


minere

AB. IV.  
g. I.

TAB. IV. ad A. 1691. pag. 179.

Quadratura Generalis  
Sectoris Conici  
ex Centro.  
Autore G.G.L.

Fig. I.



$BC, s. \quad AT, t.$

Sector  $CAFE$  aequatur  
rectangulo sub  $AC$ ,  
et recta cujus  
longitudo est:

$$\frac{t}{1} + \frac{t^3}{3} + \frac{t^5}{5} + \frac{t^7}{7} + \frac{t^9}{9} \text{ etc.}$$

minere. Quos inter Ill. *Hugenius* etiam analogum aliquid in Hyperbola eleganter adjecit, a nostri olim schediasmatis analogia diversum. Ut enim nos dederamus seriem  $\frac{1}{2}t - \frac{1}{2}t^3 + \frac{1}{2}t^5 &c.$  per circulum; ita ipse  $\frac{1}{2}t + \frac{1}{2}t^3 + \frac{1}{2}t^5 &c.$  per hyperbolam primariam exhiberi notavit, de quo adde dicta ad schediasma hic præcedens. Et sane etiam in Opusculo nostro inedito nec ipsi viso, inter alias propositiones una continebatur satis memorabilis ob generalitatem, ambasque illas & plura complexa: *Sectorem, curva conica a vertice incipiente, & radiis ex centro ductis, comprehensum, arithmetice quadrare.* AT, portio rectæ in vertice tangentis, TAB. IV. comprehensa inter verticem A, & T occursum tangentis alterius ex Fig. I, tremi vocetur  $t$ , & CB semiaxis conjugatus (seu recta, quæ potest rectangulum sub dimidiis lateribus recto & transverso) sit unitas, erit sector CAFEC æqualis rectangulo comprehenso sub AC semilatiere transverso, & recta, cujus longitudo sit  $\frac{1}{2}t + \frac{1}{2}t^3 + \frac{1}{2}t^5 + \frac{1}{2}t^7$ . Ita exprimitur non solum area sectoris Circularis aut sectoris Hyperbolæ primariæ æquilateræ cum angulus Asymptotarum est rectus, sed & alterius sectoris Elliptici aut Hyperbolici cujuscunque. Cæterum ex seriebus infinitis a me aliisque ut *Mercatore, Newtono, Gregorio* exhibitis, sequitur Trigonometriæ Canonicæ sine Tabulis praxis quantum liber exacta. Neque enim semper Tabulas per maria & terras circumferre in potestate est. Nempe sit radius unitas, arcus  $a$  tangens  $t$ , sinus rectus  $s$ , sinus versus  $v$ , logarithmus  $l$ , numerus  $1 + n$  (logarithmo ipsius unitatis seu existente 0), fiet

(1)

$$a = \frac{1}{2}t - \frac{1}{2}t^3 + \frac{1}{2}t^5 - \frac{1}{2}t^7 + \frac{1}{2}t^9 &c.$$

(2)

$$f = a - \frac{a^3}{1.2.3.} + \frac{a^5}{1.2.3.4.5.} - \frac{a^7}{1.2.3.4.5.6.7.} &c.$$

id est,  $a - \frac{1}{6}a^3 + \frac{1}{120}a^5 &c.$

(3)

$$v = \frac{a^2}{1.2.} - \frac{a^4}{1.2.3.4.} + \frac{a^6}{1.2.3.4.5.6.} - \frac{a^8}{1.2.3.4.5.6.7.8.} &c.$$

(4)

$$l = \frac{1}{2}n - \frac{1}{2}n^2 + \frac{1}{2}n^3 - \frac{1}{2}n^4 + \frac{1}{2}n^5. &c.$$

(5)

$$n = \frac{l}{1} + \frac{l^2}{1.2.} + \frac{l^3}{1.2.3.} + \frac{l^4}{1.2.3.4.} + \frac{l^5}{1.2.3.4.5.} &c.$$

Semper autem quantitas, cujus potentia in serie infinita adhibentur, debet esse minor unitate, ut in progressu fiant quantumvis parva. Hujusmodi series dari possunt plures, & efficere etiam per series licet, ut ex arcu dentur sinus & tangentes artificiales, seu logarithmici (non suppositis naturalibus) & vicissim arcus ex ipsis: Sed placuit eas tantum adscribere series, quæ tam simplicis sunt compositionis, ut facillime memoria retineri, & ubivis defectum librorum ac tabularum supplere possint: Itaque unam tantum ob suam simplicitatem, & quia hujus schediasmatis occasionem præbuit, addo, si sinus complementi sint  $e$ , logarithmos sinuum rectorum, vel potius (quod eodem redit) recipro-

corum ab his sinubus, fore = ut  $\frac{1}{2}e^2 + \frac{1}{4}e^4 + \frac{1}{6}e^6 + \frac{1}{8}e^8$  &c. Quemadmodum sequitur ex his quæ innuimus in schediasmate de Resistentia Med. Aët. Januarii 1689, pag. 4, artic. 2, prop. 6. Unde rursus pater, etiam pendere a quadratura Hyperbolæ. Nec abludunt quæ dederat Nic. Mercator, unde ad meum Circuli Tetragonismum secundo mense primi anni horum Actorum editam, duxerâ Analogiam cum Hyperbola non inelegantem. Inveneram scilicet circulum esse ad quadratum circumscriptum ut  $\frac{1}{2} - \frac{1}{3} + \frac{1}{5} - \frac{1}{7}$  &c. ad unitatem; seu circulum esse ad

quadratum inscriptum ut  $\frac{1}{4-1} + \frac{1}{36-1} + \frac{1}{100-1}$  &c. ad  $\frac{1}{4}$ ; ubi numeri 4, 36, 100, &c. sunt quadrati a paribus quaternario differentibus 2, 6, 10, &c. Similiter ex supradictis, cum Numerus cujus logarithmus quaeritur,  $1 + x$  est 2, tunc  $x$  est 1, adeoque  $\frac{1}{2} - \frac{1}{3} + \frac{1}{5} - \frac{1}{7}$  &c. est Logarithmus Hyperbolicus binarii. Eadem series facit  $\frac{1}{9-1} + \frac{1}{49-1} + \frac{1}{121-1}$  &c.

(nam  $\frac{1}{9-1}$  est æqu.  $\frac{1}{2} - \frac{1}{3}$ , &  $\frac{1}{49-1}$  est æqu.  $\frac{1}{3} - \frac{1}{4}$ , & ita porro) ergo Lo-

garithmus Hyperbolicus binarii est ad unitatem, ut  $\frac{1}{9-1} + \frac{1}{49-1}$  &c. est ad  $\frac{1}{4}$ . Ubi Numeri 9, 49, 121 &c. sunt quadrati a 3, 7, 11, &c. qui sunt impares unitate excedentes supra dictos pares quaternario differentes; unde origo patet analogiæ olim a nobis exhibitæ in his Actis, ut dictum est. Esse autem  $\frac{1}{2}e^2 + \frac{1}{4}e^4 + \frac{1}{6}e^6$  &c. log. de 1:  $\sqrt{1-cc}$  sic demonstratur: log. de  $1 + e$ , =  $\frac{1}{2}e - \frac{1}{2}e^2 + \frac{1}{3}e^3$  &c. & log. de  $1 - e$ , =  $-\frac{1}{2}e + \frac{1}{2}e^2 - \frac{1}{3}e^3$  &c. Utrumque per æqu. 4. Ergo log.  $1 + e + \log. 1 - e$  id est log.  $1 - cc$  =  $-\frac{2}{2}e^2 - \frac{2}{4}e^4 - \frac{2}{6}e^6$  &c. & proinde  $\frac{1}{2}$  log.  $1 - cc$ , id est log.  $\sqrt{1-cc}$  =  $-\frac{1}{2}e^2 - \frac{1}{4}e^4 - \frac{1}{6}e^6$  &c.

Sed



Sed quo magis horum usus appareat, ostendere operæ pretium erit, eundem calculum prodesse ad lineam Rhombicam in superficie sphaerica a navigantibus descriptam recte æstimandam atque in plano projiciendam, quæ vulgo parum accurate tractantur, rem usu amplissimam paucis explicemus. Sit Polus P, Æquator Aqg, Meridiani PA, PQ, &c. Linea Rhombica, A1/2 l 3 l &c. quæ describitur quamdiu eadem plaga seu venti rhombus tenetur. Per puncta l, l ducantur paralleli Hl, nempe 1 H 1 l, 2 H 1 d 2 l, 3 H 2 d 3 l, &c. Quod si jam punctorum q, q intervalla sint incomparabiliter parva, portiones arcuum quippe inassignabiles erunt pro rectis, & triangula 1 l 1 d 2 l, 2 l 2 d 3 l, &c. erunt similia, ob angulum lineæ Rhombicæ semper eundem ad loci meridianum. Ergo 1 l 2 l *quantitas Rhombicæ percurse seu itineris in eodem rhombo, est ad 1 H 3 H, differentiam latitudinis extremorum, ut sinus totus ad anguli rhombici sinum.* Itaque ex dato angulo rhombico & differentia latitudinum datur quantitas itineris, vel contra. Huc usque res pervulgata est, sed ut ex iisdem differentia longitudinum calculo æstimeretur, negotium est Geometriæ transcendens, quam pauci recte tractaverunt. Id ergo supplere nostræ methodi est. Radius seu sinus totus sit unitas, & tangens anguli rhombici constantis sit b: patet esse 1 d 2 l ad 1 l 2 l seu ad 1 H 2 H, vel 2 d 3 l ad 2 l 2 d seu ad 2 H 3 H ut b ad 1. Sed 2 q 3 q est ad 2 d 3 l, ut AC (sinus totus seu sphaeræ radius) ad 3 H M, sinum anguli 3 H C P cujus arcus 3 H P est latitudinis A 3 H complementum, seu 2 q 3 q ad 2 d 3 l, ut C 3 H ad 3 H M, seu ut CE secans anguli latitudinis ad AC sinum totum. Latitudo seu arcus meridiani AH sit b, & 2 H 3 H erit db. Jam CE secans sit n, & 1 d 3 l erit b db, & 2 q 3 q erit b n db, & portio tota æquatoris A 3 q erit b s n db, et s n db est area secantium arcui applicatorum. Jam angulo CEN rectoeducta EN ipsi CA occurrat in N, sumtaque 3 H Q, particula ipsius 3 H M & normaliter ex Qeducta ad circulum QF ob triangula similia, nempe ordinarium NEC & characteristicum inassignabile 3 H QF erit rectangulum CE in 3 H F seu n db æquale rectangulo CN in QF. Si jam CM sinus latitudinis sit e, QF erit de, & CN vel MV (sumta in M 3 H continuata) reperietur esse 1: 1 — ee ductaque linea per AVV, erit s n db

Fig. II.

$$\text{seu area ACMVA æqu. } s, de: 1 - ee; \text{ \& } b, f, de: 1 - ee, \text{ seu } \frac{b.e}{1} + \frac{b.e^3}{3} + \frac{b.e^5}{5}$$

&c. erit A 3 q, arcus æquatoris inter A (initium lineæ rhombicæ A 3 l in æquatore) & meridianum P 3 l 3 q ad quem pervenit, interceptus:

Z 3 posito

Fig. III.

posito  $e$  esse sinum latitudinis extremi  $3l$ ; &  $b$  esse numerum qui sit ad unitatem, ut tangens Constantis anguli Rhombicæ cum meridiano est ad sinum totum. Unde si quærat  $1q3q$ , differentia longitudinis duorum rhombicæ lineæ  $1/2/3l$  punctorum  $1l$  &  $3l$ , ex data,  $1H3H$ , differentia latitudinis eorundem; oportet tantum invenire  $A1q$ , &  $A3q$ , eritque differentia  $1q3q$ ; adeoque si sinus latitudinis puncti  $3l$  sit  $e$ , & puncti  $1l$  sit  $(e)$  tantum opus  $\frac{e-(e)}{1} \mp \frac{e^3-(e)^3}{3} \mp \frac{e^5-(e)^5}{5} \&c.$

multiplicare per  $b$  tangentem anguli Rhombici ad meridianum, posito sinum totum esse unitatem: & productum erit differentia longitudinis quæsitæ. Denique ex superioribus re ad logarithmos redacta ad modum *artic. 5, prop. 4 nostri schediasmatis de Resistencia Medii*, erunt differentia longitudinum, punctorum  $3l$  &  $1l$ , ut logarithmi rationis  $1 \mp e : 1 - e$  ad  $1 \mp (e) : 1 - (e)$ . Posito radium sphæræ esse unitatem, & sinus latitudinum dictorum punctorum respective esse  $e$ , &  $(e)$ . Ex his jam canones practicos facile ducet peritus. Veluti si data differentia longitudinis & latitudinis locorum quæras rhombum seu angulum rhombicæ lineæ ab uno ad alium ducentis: Nam *tangens anguli quem Rhombus quæsitus facit ad meridianum, est ad sinum totum, ut arcus differentia longitudinum est ad Logarithmum hyperbolicum dictæ rationis, seu ad*  $\frac{e}{1} \mp \frac{e^3}{3} \mp \frac{e^5}{5} \&c.$  Quod si meridiani in planisphærio pro-

jiciantur rectis parallelis, quod cautionibus debitis adhibitis plerumque commode satis fieri potest salva exactitudine, tunc etiam lineæ Rhombicæ erunt rectæ. Si jam gradus longitudinis horumque partes projiciamus æqualibus intervallis, oportet gradus latitudinis assumi inæquales; & sic quidem, ad mappam Geometrice construendam, ut ducta ad libitum recta omnes meridianos oblique secante, latitudines punctorum intersectionis habeant, ut ex dictis patet, numeros, qualis est,  $1 \mp e : 1 - e$  geometrica progressionem incedentes; id enim si una recta præstet, præstabunt omnes. Unde comparando cum numeris scalæ latitudinis facillimum erit in ipsa mappa mensurare ex vero rectam quamvis in ea ducibilem, seu quantitatem Rhombicæ datæ. His mappis si alias jungas, ubi sphæricæ superficiæ partes projiciuntur ex centro in plana tangentia omnesque arcus circulorum magnorum, adeoque viæ brevissimæ exhibentur rectis, pleraque in praxi probe satis præstari possunt.

*ANIMADVERSIONES SUPER RESOLUTIONE Geometrica duarum mediarum continue proportionalium D. Nicolai Coppola I. V. D. Panormitani, Serenissima Celsitudine Francisci secundi Estensis, Mutina, Regii &c. Ducis, annuente, edita a Joh. Bapt. Boccabadato I. V. D. Mutinensi, ejusdem Cels. Serenissimæ Mathematico.*

Mutinæ 1690. in 4. plag. 2.

**I**usserat Serenissimus Dux, petente Resolutionis autore, ut non minus resolutio, quam examen ejus a D. Didaco Merino de Rojas Equite S. Jacobi scriptum, ambo Madriti A. 1690 edita sub novum examen vocarentur. Hoc fecit auctor animadversionum doctissimus, nec minus in his quæ proficitur studiis quam theatrica poesi egregius, & pro indubitato habet, calculoque analytico adhibito sub oculos ponit, primo auctoris constructionem non esse demonstratam, deinde absolute, non esse veram. Transferri eam huc non putamus necessarium: dudum enim pro demonstrato habent Analyseos interioris periti, Mesolabum solis circulis rectisque in plano ductis obtineri non posse, sed alias altioris gradus lineas veterum exemplo eum in finem describi oportere, idque jam ita præstitum esse, ut in ea re nihil amplius a Geometris desideretur.

*CINQVIEME DENONCIATION DU Philosophisme.*

id est,

Denuntiatio quinta Philosophismi sive Hæreseos novæ de Peccato Philosophico.

Coloniæ apud Nic. Schoutem 1690. in 8. plagul. 9.

**Q**uinta hæc denuntiatio peccati philosophici ab *Antonio Arnaldo* ART. I. opponitur cum primis *thesibus* mense Augusto superioris anni *Antverpiæ* in disputationis publicæ argumentū propositis, de *ignorantia & inadvertentia*, quibus peccatum excusabile redditur. His namque accesserat *appendix de peccato philosophico*, qua Professor Antverpiensis, (cujus nomen adversarius reticuit,) ad exemplum Bouhursii, affir-

affirmaverat, Jesuitas nunquam peccatum theologicum a philosophico ita distinxisse, ut reipsa a se invicem separari posse totove genere differre crediderint, sed de utroque *præcisione* tantum *Metaphysica* loqui, ac unum eundemque actum prævum *philosophicum* appellare, *quatenus* rectæ rationi, *theologicum* autem, *quatenus* voluntati Dei revelatæ contrarietur. Nulla vero ratione docuisse, peccatum *philosophicum*, quod non esset theologicum, unquam extitisse.

## ART. II.

Urget ex adverso *Arnaldus* (præter alia in prioribus quoque *Denuntiationibus* notata) *Disputationem* a *Pugeano* Claromonti in Arvernia habitam A. 1688, hujusque præsertim trigessimam thesin: *Peccatum etiam grave philosophicum SINE ADVERTENTIA AD DEUM non meretur pœnam æternam*. Huic præmittit locum parallelum *Jacobi Platellii*, Jesuitæ Duacensis, in *Synopsi Cursus Theologici* recognita ac recusa

## ART. III.

Duaci A. 1679. Subjungit exemplum *Mutii* cujusdam monachi Trappensis in Gallia, nuper defuncti, qui priorem vitæ partem in concatenatis iisque maximopere horrendis criminibus *absque ulla de Deo cogitatione* transegerit, tandem vero pœnitentiam seram quidem at seriam egerit. Hinc ergo patere ait, dari reapse actus, qui etiam SINE ADVERTENTIA AD DEUM theologicè peccaminosi ac damnabiles sint, nisi forte Jesuitæ dicere vellent, *Mutium* illum homicidia, adulteria, & id genus scelera absque peccato commisisse, nullumve contraxisse

## ART. V.

pœnæ æternæ reatum. Provocat quoque ad exempla Romanorum & Græcorum, qui vel ex superstitione Deos suos æmulaturi ac culturi, vel ex Epicuræorum placitis persuasi, res suas Superis curæ non esse, scortati ac mœchati sint, iisdemq; jungit Chinesium literatos atheos & exterius tantum cultum aliquem Deorum professos, adeoque omni Numinis metu solutos, quicquid libuerit, perpetrantes. Ex his omnibus neminem peccare observat cum ADVERTENTIA, actione sua verum Deum offendi. Ideoque concludit, necessitatem incumbere Jesuitis, ut statuunt, aut actus illos Gentilium pœnam æternam non mereri, quod est hæreticum, aut nullum dari actum materialiter malum, qui formaliter malus esse desinat ob inadvertentiam peccatoris ad legem Dei.

## ART. IV.

Excerptit itidem propositiones non unas ex ipsis thesibus *Pugeani*

VI. VII. Antverpiensibus, insinuatque eum de *inadvertentia*, ob quam pec-

VIII. IX. catum aliquod *materiale*, (quod *formale* fieret in volente offendere  
X. verum

verum Deum,) excusationem admittat & impunitate dignum evadat, ita loqui, ut dum nomen peccati mere philosophici averfatur, ejusdem fundamenta jaciatur.

Longe autem liquidiora, de peccato philosophico revera dabili neque tamen damnabili, sunt ea, quæ producuntur ex MSCtis dictatis a PP. *Beccaferro* (Bechefer,) *Beguino* & *Audrio*, Theologiæ Professoribus in Collegio Jesuitarum Rhemenfi, a P. *Sanligeriano* (St. Ligier) Lugdunenfi, a P. quodam *anonymo* Camberiacenfi, a P. denique *Beone* Massiliensi. Plura de singulis afferre non difficile foret; sed fortassis non sine nausea lectoris id fioret, quum de ista controversia hoc ac nuper elapsis annis prolixè satis disseruerimus. Ultimi ergo tantummodo verba exscribenda ducimus. Unum enim si audias, omnes fere audiveris. Hic itaque Massiliensium Professor adhuc superstes, sequentibus omnino verbis A. 1689. mentis suæ sensa discipulis explicavit: *Dico 1.) In omni peccato, etiam materiali, reperitur offensio Dei, quæ in eo est, quod fiat actio displicens Deo, quæ offensio si advertitur, evadit formalis. Hic jam queritur, utrum aliquando offensio non fiat formalis, seu utrum detur de facto aliquando peccatum philosophicum, hoc est, actus pravus & de se displicens Deo, ita tamen ut displicentia ignoretur; sive quia ignoratur Deus, sive quia ignoratur, quod peccatum ei displiceat, sive denique, quod non attendatur & ipsa displicentia. Quocirca alii alia respondent. Ego dico, posse contingere ex triplici illo capite, ut non evadat offensio formalis, fiatque tantum peccatum philosophicum non pertingens ad malitiam theologicam. (2.) Inter Christianos adultos reipsa non dari philosophicum tantum: non esse tamen, cur negetur, dari in aliquibus hominibus, puta pueris, rudibus, sitivicolis, barbaris, &c.*

Libello adjecta est bulla, feria V. die 24. Augusti A. 1690. ab *Alexandro VIII.* R. P. edita, adversus duplicem illam propositionem de non obligatis hominibus ad amandum Deum, & de peccato philosophico, Ecclesiæ Romanæ ab *Arnaldo* denuntiata.

**DE CONSTITUTIONE ANNI M. DC. LXXXX, ac de Rurali Epidemia, quæ Mutinensis Agri & vicinarum regionum colonos graviter afflixit, Dissertatio**  
**BERNARDINI RAMAZZINI in Mutinensi Lyceo**  
*Medicina Professoris.*

Mutinæ, typis Hæredum Juliani Cassiani, 1691. in 4. plagul. 6½.

Aa

Cl. Au-

**C**onstitutum est Clarissimo huic Auctori, post finem cujusque anni publico enarrare scripto, quæ temperies isto anno in Mutinensi vicinaque regione fuerit, quæ grassati fuerint morbi, quæque remedia profligandis illis deprehenderit salutaria aut noxia. Hujus ergo utilissimi instituti specimen primum circa annum proxime elapsum in Dissertatione præsentī exhibet, celebratissimo *Maliabechii* nomini inscripta, a cujus liberaliori & noscā manu accepimus. Præmittuntur vero temporum ante actōrum constitutiones, ceu a quibus variæ & insolentes aeris alterationes, fecundæ illæ epidemicorum affectuum genetrices, soleant dependere. Scilicet, uti quatuor aut quinque anni in tota pene Italia siccissimi, perquam fertiles tamen & saluberrimi, præcesserant; ita e diverso annus ultimus, octogesimus nempe nonus integer fere, si duos postremos menses excipias, copiosis pluviis molestus, fruges & triticea maxime seges rubigine corrupta, morbi vero non nisi sporadici & minus periculosi fuerunt observati. Hinc ipsius anni nonagesimi temperies maximam partem pariter pluviosa, toto veris tempore & per totam fere æstatem, commemoratur: ubi circa Æquinoctium vernale imprimis imbres unius diei naturalis spatio Mutinensem, Finalensem, Mirandulanum & Ferrariensem agros adeo inundarunt, ut plures veluti insulæ ad longum tempus apparuerint. Quamobrem in Climate illo, cum pluviis Borea ut plurimum flante, nulla tum æstas extitit, cicadis ut plurimum aphonis, ranis vero per totam æstatem coaxantibus, ut fruges non nisi sero admodum ad maturitatem pervernerint, messisque Julio demum mense utcunque perageretur. Rubigo hoc itidem anno in morum, frumenta & omnia legumina, præsertim fabas, nec non uvas, atque olera in ipsis hortis, quos erucæ desuper & bruchi devastabant, nucibus tantum intactis, multum sævivit, frugesque non rubro colore, quemadmodum anno superiori, sed insigni potius atredine infecit. Interim cum hic annus in iis regionibus pisculentus admodum esset, piscesque vel in agris facile caperentur, hi plebi urbanæ, multoque magis agrestī, familiarem præbebant victum, donec super eodem rusticanus stomachus nauseans, cum Hebræis quondam in deserto allia potius & cepas appeteret, quæ coctæ ipsis quoque rusticis febricitantibus primum pro ferculo, postmodum vero remedii loco, æque ac Elixir proprietatis, passim inserviebant. Morbum namq; Epidemicū, qui hyberno

hyberno tempore deprehensus non erat, quod concernit, ineunte vere febris tertiana intermittens omnes primo sine discrimine ruricolos, cuiuscunque sexus, ætatis ac temperamenti, mox oppidanos quoque, inferiores tamen numero, cum magno horrore, frigore & tremore, interdum etiam vomitu, tam pertinaciter corripiebat, ut pauciores, sudoribus copiosis morbi progressu remittentibus, perfecte reconvalescerent, sed omnes fere, qui evasisse videbantur, recidivas absque vitæ nihilominus dispendio experirentur, multi quoque sanguinem intermissionis die mittentes tertianam duplicem incurrerent. Accedente autem æstate omnes febres tertianæ duplicis typum assumebant, ad paucas saltem horas remittentis & vesperi ut plurimum magna symptomatum ferocia, veluti vomitione, anxietate, cephalalgia, vertigine, stupiditate, aliquando mentis emotione, affligentis: & quamvis magna virium noctu esset prostratio, interdum cum asphyxia sociata, mane tamen cuncta hæc remittebant, ipsique ægri lectulos tunc desertentes & ad matutinos Solis radios sub porticibus se exponentes, commode satis cibum appetebant, febribus ejusmodi magis famelicis, quam siticulosis existentibus, atque copiosiori vermium proventu non solum in pueris, sed & provectioris ætatis hominibus, stipatis. Sanguis e secta vena eductus ut plurimum crassus & subpallidus; nonnunquam icterodes, licet in corporis habitu similis color haud floret; alvi excrementa compacta; urinæ crassæ & turbidæ, multum lateritii sedimenti habentes; hypochondria dura ac distenta, & quæ ore rejiciebantur, subacida deprehendebantur. Nonnullis post multos febriles insultus erumpebant parotides, plerumque ad suppurationem tendentes; at neque hoc pacto contumacissimæ febres & ad recidivandum pronæ cessabant, multo minus phlebotomiis, purgationibus & alexipharmacis, nec decantato Cortici Peruviano, qui sæpius in extremum vitæ discrimen ægros conjiciebat, aut saltem non tam ad febrim extirpandâ, quam vermes insignis amaroris ratione necandos proficiebat, cedebant. Quin citius ac tutius restituebantur, qui omne remediû genus susque deque habebant, ac unice vinum generosum, aquæ usu ablegato, potus vice seligebant; adeo omnia artis Medicæ hic filebant oracula. Equidem autumno Quartanam sperabant ægri, sed frustra, dum parcior hoc anno Quartana, nulla ardens febris, tantummodo Tertiana observaretur, sub finem autumnû & prima hyemis

parte rarior quidem, gravior tamen & demum in continuam ac lentam degenerans, qua agri cum solita periodo circa vesperam fere horrescebant. Multi alias morbi sporadici, v.g. diarrhoea, dysenteria præ illa mitior, icterus, hydrops, catarrhus suffocativus, alique febrili huic exercitui comites adfociabantur, inter Padum saltem & Viam Æmiliam, pueris potissimum infra trimatum subsistentibus, eadem inferenti; quemadmodum in solo Finalis oppido plures quam tertentum pueri extincti perhibentur, ictero & paulo post epilepsia supervenientibus: cum e diverso pauciores adulti, nec nisi ob morbi diuturnitatem & frequentiam recidivarum expirarent, plurimi tamen reconvalescentes icterici, lienosi & cachectici evaderent. Ut stragem copiosam, quam pecudes pariter, sues, apes & bombyces hoc quoque anno experiebantur, nunc prætereamus, causas tantummodo brevibus adhuc indigitabimus, a quibus tam febris epidemia, quam singula phenomena hæcenus enarrata, proluxius & distinctius deducuntur. Causas inter externas atque communes omnium primo Aer insimulatur, a copiosis imbribus & ventis borealibus utrumque vitium, defectus non minus volatilium & spirituosarum particularum a ventis disjectarum, quam excessus corpusculorum acidorum e terra lutulenta ac veluti fermentata elevatorum, contrahens, & febribus tertianis æque producendis, atque adeo pertinacibus reddendis, fomitem continuum subministrando, appropriatus. Hinc & culpa in prava alimenta ingesta, qualia fructus sunt horæi a rubigine corrupti, & pisces præter consuetudinem ac in nimia quantitate ingurgitati, facillime in stomacho putredinem sive acorem contrahentes, nec non in puteales aquas ex nimia illuvie cænosas ac semiputridas rejicitur. Contagium hic plane negligitur, cum, quod uno in aliqua familia a febre correpto reliqui paulo post ex eadem quoque febre decumberent, communi potius diathesi eodem tempore ad maturitatem evectæ adjudicetur. Interna vero causa fermentum acidum pituitæ crassæ ac viscidæ commixtum, vel in ventriculo ad mentem Ettmulleri, vel in pancreate juxta Sylvium subsistens, asseritur, quod bile inerti simul existente, in venas transfusum & spirituosus sanguinis partibus permixtum febrilem organismum concitarit. Etenim discrasiam acidam, non biliosam sive alcalicam hic prævaluisse, partim ex febris synocha ac ardentis absentia, partim ex præsentia famis, (foras in vermes quoque referendæ,) colligitur



colligitur; prout in rubigine præpollens itidem acida roris acrimonia aquis stygiis similis evincitur, tum quod calores adeo remissi salis alcalisato producendo minus proportionati videantur; tum quod foliis v. g. fabarum, lactuæ & brassicæ, a spiritu acido vitrioli vel nitri adperso, a nullo autem alcali sive volatili sive fixo, flavedinis nota inuratur; tum denique quod ea, quæ in brutorum strage evenerunt, in rubiginis acido demonstrando conspirent. Solas autem nuces a rubigine integras perstitisse, vel ob duplex quo cinguntur involucrem, vel salis volatiliss ratione in cortice viridi multum abundantis, ceu cujus intuitu & Deoectum ex hoc expertæ virtutis ad lucem Gallicam perdomandam in Anglia, ex D. Nathan Lacy Medici cujusdam Angli communicatione, paretur.

## ODORICI RAYNALDI TARVISINI,

*Congregat. Orat. Presbyteri, Annalium Ecclesiasticorum ab A. 1189, ubi Cardinalis Baronius desinit,*

*Tomus XXI*

Pars I. Romæ 1676. Pars. II, ibidem 1677. in fol.

**P**ervenit tandem ad nos, post longas moras, *Tomus* hic Annalium, quem post octo alios diversis temporibus editos (quorum & Synoplis Romæ A. 1667. hoc titulo prodit: *Annales Ecclesiastici ex tomis octo ad unum pluribus auctum redacti*) *Odoricus Raynaldus*, senio gravis, & operi, quod in continuandis Baronii Annalibus susceperat, immortiturus, utcunque elaboravit. Ejus pars prima editionis annum 1676, altera 1677 præfert: sed utraque, etsi typis exscripta eo jam tempore fuerit, non ita pridem demum ex tenebrarum carceribus, quibus tantum non damnatum opus videri potuit, in publicam lucem erupit. Causas, cur suppressus tanto tempore tomus hic fuerit, aliis perscrutandas relinquimus. Munitus quidem est liber consuetis approbationibus; sed anno demum 1685 & 1686 impetratis: neque tamen celare lectorem voluerunt editores fatum libri, quod non solum Autoris, morte præventi, limam ultimam non subierit, sed nec melius ab eo tractatus fuerit, cui emendatio commissa erat. Fatentur itaque, *opus innumeris penè errorum scaterere scditatibus*, longumque erratorum indicem subjiciunt, sed præcipuorum tantum, multo pluribus neglectis, quam indicatis. De erratis in stylo vel orthographia, maxime autem

in nominibus hominum & locorum loquimur: nam de aliis alii viderint. Hanc nimirum legem sibi jam dudum constituisse videtur Autor, ut majestatem Pontificiam omnibus modis adstrueret, omnes autem, qui illi detrahunt, ut hæreticos, Satanæ filios, æternæque damnationis reos, totique Orbi Christiano execrabiles sisteret: his enim elogiis illos passim persequitur. Majori autem id cum acerbitate facere cœpit, postquam *Tomo Operis XX* (qui anno 1663 Romæ, non multo quam hic correctior, prodiit) ad historiam cœptæ a Luthero anno 1517 disputationis pervenit. Nulla enim tam falsa atque inepta de moribus & actionibus Lutheri fabula fuit a perfrectæ frontis hominibus disseminata, licet a modestioribus inter ipsos adversarios spreta aut rejecta, quam Raynaldus libris suis non inseruerit, ipsis verbis autorum, qui infensissimi Luthero fuerunt, liberaliter descriptis. Quapropter ubi de rebus Protestantium agit, (facit autem id maximè operis parte) omnes prope paginæ flosculis *Eccii, Coëblei, Surii, Remondi, Rossai, Belcarii, Sandersi* & similium resperse sunt. Idem hoc *Volumine XXI* præstitit, quod in duas partes distributum est. Prima incipit ab anno 1534, & finitur anno 1549: altera, quæ ab anno 1550 usque ad annum 1565 gesta sunt, persequitur. Compilationem *Bullarum & Diplomatum* aut *Brevium*, quæ vocant, Pontificiorum, eodem, quo in prioribus Tomis, modo continuavit, *Bullaria & Regesta Brevium* typis publicata exscribens; aliquando manuscripta allegans, sed sæpe verbis tantum initialibus documentorum recitatis, ex quibus contenta percipi non possunt. Prolixus est in actis Concilii Tridentini, neque tamen solertiam Pallavicini æquat, nec judicari, nisi post diligentem collationem potest, an semper consentientia cum illo tradat. Opus hoc summatim considerantes minimam ejus partem Raynaldo tribuendam esse deprehendent, & quæ ipsius sunt, fere in convitiis & rigidis censuris consistere. Nostrates tamen ex venenis etiam his medicamenta colligent, quibus in veritatis agnitione, confirmari poterunt. Prodidit etiam Autor, sive odio cæcus, sive lapsus judicio, quæ cautiore siluissent. Ex his, ut & aliis, speciminis saltem causa quædam indicabimus, cum compendium tot rerum & historiarum exhiberi non possit.

Ad annum 1536. n. 37. integer exhibetur libellus in 72. paragraphos distinctus, a *Johanne Fabro* Episcopo Viennensi d. 4. Julii A. 1536 ad Pontificem Paulū III. transmissus hoc titulo: *Præparatoria futuri universalis*

nuper

nuper indicti concilii &c. Summa nimirum Fabri, velut omnium Lutheri hostium primicerii, sollicitudo & cura erat, ut Lutheri dogmata in Concilio cōdemnarentur. Suadet vero, ut vasta Lutheri volumina, quæ in Concilio per legiminime possint, doctis quibusdam viris a Pontifice tradantur, qui errores ex iis excerpant; exempli causa, quod a Luthero statuatur, omnia ex absoluta necessitate evenire, & nullum plane esse liberum arbitrium. *Ea omnia*, ait §. 14, *ex libris editis expiscari & emulgere & extrahere oportet*, (quod profecto diligenter factum esse, ostendi posset.) Addit §. 18, *quia angelus Satana ita pulchre sese transfiguravit in angelum lucis, formidandum esse, si totos libros hæreticorum legerent in Concilio nationes, ut non modo illos non impugnarent, verum potius inde Lutherani & hæretici redderentur.* Nam in his, ait, *reperies non nisi mellita & (ut est in Isaia) placentia quaque; totus enim ad hoc intendit Lutherus, ut rejiciat ac damnet bona opera, consuât (ut est in Ezechiele) putrillos sub omni cubito manus, & faciat cervicalia sub capita universa ætatis, ad capiendas animas.* Proinde tutum non erit, omnibus omnium hæreticorum libros, sed tantum constantissimis & probatissimis viris communicare. Alioqui si inciderit quispiam vel sciolus, qui prurientes aures habet, facile illicietur, ut malo adhareat. Proinde ad lucrandum tempus & animas multorum Christi fidelium, saltem propositiones intolerabiles, pugnantes, & quæ prima facie quibusvis bonis abominabiles & explosenda videbuntur, sunt excerpenda ac extrahenda, quibus oblatis & simul originali, ad verificationis revisionem procedendum. Monet porro §. 27. *Biblicos ac in Biblicis Scripturis bene armatos esse oportere, qui cum Lutheranis disputare velint; argumenta enim scholastica ab illis pro sophisticis haberi & irrideri.* Addit: *exempla sunt odiosa; alias hoc longius deducere possem: neque enim ignarus erat, quæ cum confusione sæpe istiusmodi sophistæ ex disputationibus cum Evangelicis discesserint.* Urget §. 37. *Bibliorum Latinorum reformationem, quia per ignorantiam linguarum & impiissimam injuriam (legendum forte incuriam) multa intolerabiles irrepsérunt menda.* Exempla allegat ex Matthæo, lignum fumigans pro cinere, & ex Johanne, sic volo eum manere, pro si volo. Excerpi etiam jubet errores ex versione Lutheri & Zvinglii, quorum plus quam tria millia esse opinatur, & ut contradictiones ex scriptis Lutheri colligantur, (emulgendo nempe & expiscando, ut supra suaferat.) Commendat tractatus suos de Missa & primatu Petri, optatque ut acta Conciliorum & editiones veterum scriptorum in Concilio

cilio præsto sint; talia enim a Lutheranis allegari, & fortasse non satis nota Romæ esse. Accusat tamen *Capitonem* & *Oecolampadium*, quod loca quædam Patrum in versionibus suis omiserint, aut corruerint. Audet etiam Pontifici distinctionem *Curia & Ecclesia Romana* §. 54. proponere, & flagitare, ut *abusiones, maculas, rugas & nevos, quibus magna ex parte Ecclesia facies defædada sit, deleat*, & inprimis *centum illa gravamina nationis Germanica moderetur & miriget*, quod fieri posse sperat, sine magno Pontificis incommodo; consultius vero esse dicit Sedi Romanæ, *ultero in abusionibus, qua irrepsérunt, cedere, quam tandem cadere*. Sic caveri posse ait §. 56. opprobria a Lutheranis, qui dicturi sint: *Medice, cura teipsum*, & alia ex Rom. II. 21. 22. 23. & Pl. L. 16. Hac (scribit) *summa necessitate adactus dico, bono zelo ac animo; ita me Deus amet*. Suggestit postea §. 60. Pontifici, ut viatica doctis Catholicis, qui plerumque Codro pauperiores sint, præbeat, quo frequentiores adsint in Concilio. Tandem nescio quæ inter Lutheranos & Zvinglianos Francofurti & Isenaci acta Pontifici mittit, (hæc enim Raynaldus non produxit) ex quibus dissensiones illorum probare vult. Hactenus de illo Fabri libello. Raynaldus vero etiâ Pontificis responsum ad singula capita n. 38. subjicit, in quo pleraque sibi probari & curæ futura esse testatur, operamque *Fabri, Ecii, Cochlei, Nausæa*, & aliorum, desiderat. Hæret tamen ad §. 48. an integra edenda sint (ut Faber suaserat) *acta Concilii Constantiensis & Basileensis*; veretur enim periculum autoritatis summi Pontificis, *in cuius dignitate*, dicente Hieronymo, *pendeat salus Ecclesie*. Quamvis autem fateatur, illum de Episcoporum singulorum dignitate loqui, id tamen ait multo melius accommodari posse ad Summum Pontificem, qui sit *Episcopus Episcoporum*. Confidenter quoque pronuntiat, Basileense Concilium post translationem degenerasse in conventiculum schismaticorum & synagogam Satanæ. Ad liberam illam admonitionem de reformatione Curia Romanæ frigide & breviter regerit, vocatos a se esse hanc ob causam Prælatos quosdam, doctrina & sanctitate vitæ insignes. Sequitur n. 39. longa Fabri ad *Moronum* Legatum Pontificis epistola, in qua progressum Lutheranismi & aliarum sectarum deplorat, & necessitatem Concilii urget, Cochleum & similes eximie commendat, & multam spem ex diffidiis Lutheranorum ostentat, de quibus magna profecto cum hyperbole jactat, quod non in una provincia aut civitate, sed ne in domo aut mensa quidem una inter se convenient.

In historia aliorum actorum hujus anni, ubi literas Cæsaris clementissimas d. 7. Jul. ad Protestantes datas, & ab his sæpe allegatas, quibus de pace bene sperare jubebantur, Raynaldus refert, errat in loco. *Sibilie* enim datas esse notat: nec correctores peritiores fuerunt, cum *Hispalin* legi jubent; scriptæ enim fuerunt in castris ad *Savilianum*, oppidum in Subalpinis. De concordia hoc anno Wittenbergæ in causa Sacramentaria tractata, nil nisi *Cochlei* & *Surii* nugas refert, impacta etiam Luthero calumnia, quod pulsus Augustinianis, ædes eorum per latrocinium hoc anno invaserit; cum Augustiniani ante annos plusquam decem Evangelicæ doctrinæ nomen dedissent, ædes autem vacuas, Principis haud injusta concessione, Lutherus, qui solus ex sodalitis supererat, inhabitaret. Pari modestia Proceres Protestantium, Cæsari causam suam literis commendantes, *infelicissima Satana mancipia* & *stulte cecos* vocat; *Paulo* quoque *Veneto* sive *Survi* ferociter insultans.

Ad annum 1537 Instructio n. 6. exhibetur, d. 24. Octob. anni præteriti *Job. Morono* Mutinensi Episcopo a Pontifice data, cum is legationis tyrocinium subiret, ad Ferdinandum Regem Romanorum missus. Excusat ante omnia Pontifex, quod Hungariæ Episcopos *Johanni Waywoda* adherentes & interdicto subjectos ad Concilium vocasset. Mandat Nuntio, ut hæreticos Calixtinos in Bohemia, quia in multo paucioribus, quam Lutherani & Zuingliani a Romanis dissentirent, bonis modis conciliaret, & ad Concilium invitaret. Modum ostendit, quomodo Protestantibus tuti com meatus literæ partim a Cæsare, partim ab ipso Concilio dari possint. Acceperunt arcana monita lectu non indigna. Commendatur inter alia *Morono*, ut sumtum rationem habeat, vitata avaritia pariter & prodigalitate: humanitatem & gravitatem juxta colat, ne contemptum aut odium incurrat: in dispensationibus & indulgentiis neque avidus & rapax, neque nimis largus sit. Nominatim benefacere jubetur *Fabro* & ejus adjutoribus supranominatis, & *Vicelio*, (qui perperam *Vecchiis*, nec magis recte in indice corrigendorum *Veccrellius* vocatur,) denique etiam Ludovico *Bero* Parisiensi, qui Basilea religionis causa *Friburgum* in *Brisgoviam* abiisse dicitur. Diligenter præterea monetur, ut a disputationibus de materia Lutherana abstineat, ut & de gravaminibus Germaniæ, utque plus de talibus omnibus audiat, quam loquatur, & ad silentii potius partem inclinet, ea tamen cum prudentia, ut causæ

Pontificiæ diffidere non videatur: in computationibus ipse aut comites ejus hilari quidem vultu invitationes acceptare se fingant, sed in respondendo modum non excedant; ubi de quodam nobili Saxone, Camerario secreto Leonis X (*Miltium* intelligit) refertur, *quod sæpe perturbatus vino, effutierit de Pontifice & Romana Curia non modo que facta erant, sed & que aliæ malo mentis affectu si sint imaginati & optaverint, eaque omnia scriptis excipientes postea in conventu Wormatiensi publice coram tota Germania Pontifici exprobraverint.* De *Vorsii* Episcopi Aquensis (*Vestrium* vocat Raynaldus, nec emendat corrector) legatione in Germaniam n. 13. vulgata refert; literas tamen ejus producit, ex quibus paulo plura, quam ex Pallavicino *Lib. IV. cap. I. §. 6.* percipi possunt, inprimis de actis cum Cardinali Moguntino. Memorat enim aliquid de hujus lite cum Electore Saxoniz de oppido *Badenfi* (*Halenfi* dicere debuit) & instituto eam ob causam inter Principes conventu *Ziethensi* (*Cizenfi*) quo vel amice componi controversia illa debebat, vel bellum Moguntini judicio metuendum erat. Et hic quidem, quando cum Protestantibus agebat, non leve pacis studium præ se ferre solebat, sed per *Vorsium* (cujus sane hoc in negotio relationi fides haberi debet) Pontificem hortatus est, ut vires compararet, quibus Protestantes post decreta Concilii, imperata facere cogeret. Negat promissam in Comitibus Norimbergensibus A. 1522. fuisse Concilii convocationem in Germania, nec *Cheregati* Nuntii officiosa verba eotrahi debere putat. Elidit querelam Protestantium, quod in Bulla indictionis hæretici nominentur, cum tamen illud vocabulum de Anabaptistis & Zuinglianis intelligi possit; suæ itaque conscientiz stimulis convictos, nomen illud sibi attribuisse existimat. Exceptioni, quod Pontifex in propria causa judex esse nequeat, Veteris Testamenti auctoritatem opponit, summo Pontifici supremum judicium tribuentis, & nequiores Judæis esse contendit Lutheranos, quod minoris faciant Novi Testamenti summum Sacerdotem, quem Papam esse putat. Supremum vero hujus imperium vulgatis Cypriani & aliorum dictis tuetur, & juris Canonici decisione, quod etiam in sua causa judex esse possit, *cap. cum venissent, de judiciis.* Eandem potestatem Principibus quoque secularibus vindicat. Post multa convitia *Surii* & *Hofii* verbis Luthero inflicta, etiam hoc ei exprobrat, quod Smalcaldiz morbo, quomoricurum se esse credebatur, afflictus odium Papæ suis comendaverit seu legave-

legaverit. Hoc eum ait a Satana didicisse, qui in magorum & sagarum conventu odia & vindictas imperet. Luthero tamen cum persona Papæ nihil erat negotij; causæ modo veritatem defendendam commendabat, quæ cum odio falsi non potest non esse conjuncta. Producit rescriptum (n. 35.) Pontificis, quo *Archiepiscopum Salisburgensem* objurgat, quod synodum diœcesis suæ intempestive indixisset, & ad eam vocasset, qui de jure & consuetudine admitti non debuissent, multa etiam erronea circa fidem proposuisset, & de controversiis dudum decisiss libere tractari permisisset; quod Pontifici tanto gravius fuerit, quia plus quam quinquaginta Catholicos (de Prælatiis sine dubio hoc intelligendum est) in Germania esse audiat, qui Concilium nationale flagitent. Quæ de *Poli* irrita in Angliam legatione narrantur, nota sunt. Refert tamen Autor literas Pontificis ad Leodiensem Episcopum datas, quibus ab eo petit, ut *Polo*, quantum æris posceret, numerari juberet, omne bona fide a Pontifice recepturus, cavetque ei oppignoratione omnium suorum & S. Sedis bonorum.

*Anno 1538.* inter literas, quas pro instituto suo ex compilationibus *Brevium* Pauli III. exscribit, notabiles ante alias sunt, quas Pontifex d. 8. Aug. ad Johannem Hungariæ Regem dedit, n. 10. Hoc enim titulo jam cum honorat, postquam cum Ferdinando hoc tempore transegisset, multumque laudat ejus pietatem & prudentiam. Magna inde spe elatus, Carolum Cæsarem d. 19. Octob. hortatur, ut ipse exercitum in Turcos ducat. In Lutheranos solita acerbitate invehitur Raynaldus, Cochlei sycphantiam mire probat, quod contradictionem inter Augustanam Confessionem & Lutheri scriptum quoddam eruerit. In illa enim asseritur, Missam a Lutheranis retineri & cum veneratione celebrari, Lutherus vero Missam pro abominatione summa habet. Sed valde obusum esse oportet, qui inspectis libris non deprehendat, in Confessione de *Sacramento Cene*, in libello vero Lutheri de *sacrificio missæ* agi; neque tunc primum hanc distinctionem a Luthero factam esse, sed ab annis viginti, ut ex scriptis ejus constat, omnibus inculcatam fuisse, manifestum est. Interim Sadoletto Cardinali elegantis doctrinæ & moderatæ mentis viro, nugivendus Cochleus imposuit, ut ex literis ad hunc patet, quas Raynaldus n. 43. exhibet. Inserit post hæc articulos ab *Aleandro* & *Thoma Badio* Magistro Palatii satis moderate conceptos, quibus *Augustinus Tarvisinus*, qui *Scris* Lutheri dogmata pro-

ponere cœperat, sententiam de peccato & libero arbitrio profiteri coactus fuit. Inter illos tractatur etiam de quæstione, num infantes, qui ante Baptismum decedunt, pœna damni aut sensus afficiantur, & statuitur, indifferentem esse utramvis opinionem; commendatur tamen ea, quam major pars sequi solet.

Anno 1539. acta conventus Francofurtensis & concordia meditationum in censuram vocat Raynaldus, productis inter alia literis *Cochlei* ad Cardinalem *Contarenum*, d. 27 Febr. datas, in quibus vehementer dolet, quod audiat Melancthonem Pontificiis auspiciis in Italiam vocari, oblato quingentorum, imo si aliter moveri ad iter non possit, mille aureorum annuo salario; cum tamen, ut ait, intra viginti annos nemo hostilius egerit, licet falsis blanditiis Papæ & Cardinalibus illuserit; addit, veniam abeundi ab Electore Saxone impetraturum eum non esse. Cavere itaque ab hoc, ut & a *Bucero*, quem versipellem, vagum & malignum hominem esse dicit, sibi jubet Aulam Romanam. Addit, *Bucerum* quidem in tractatu quodam multa largitum esse contra sectam suam, sed nunc librum edidisse, quo sævior & malignior in Clerum nunquam prodierit. De legatione *Ricci* ad Cæsarem in Hispaniam missi, ut ratihabitio Francofurtensis conventionis impediretur, paulo plura & apertiora prodit *Raynaldus*, quam apud Pallavicinum reperiuntur, utque Johannes Lundensis 2500 aureos ab Augustanis acceperit, & a Rege Daniæ promissionem habeat pensionis annuæ 4000 aureorum ex Archiepiscopatu Lundensi: sed ista omnia Lundensis falsissime sibi affingi questus est. In mandatis *Ricci* hoc etiam erat, ut Cæsari demonstraret, omnes Germanorum conventus in Ecclesiæ Romanæ damnum redundare. Nominatim accusat Pontifex *Spirensis* A. 1526, *Norimbergensem* anno 1532, *Cadanensem* anno 1534, acta Viennæ inter Ferdinandum Regem & Electorem Sax. anno 1535. Accerrime vero de *Maria* Hungarica, Cæsaris sorore, Belgii Gubernatrice queri jussus erat, quod clandestina cum Protestantibus consilia haberet, & Archiepiscopum Trevirensis, & per hunc alios Principes a foedere Catholico dehortata esset. Aliæ *Cochlei* literæ d. 1. Jul. ad *Contarenum* datæ exhibentur, in quibus strenue mentitur, a Luthero & Pomerano jam sutores & sartores, magno numero ad eos accurrentes, sacerdotes creari. Nec magis vera sunt, quæ his verbis de morte Georgii Saxonie Ducis ad *Contarenum* refert: *Dolorem nobis auget ferme in immensum horrenda*



*borrenda de toxico suspicio, per quam populus Dresdensis vehementer furebat in Medicum, quando inopinata morte praeipiebatur filius. Suppressus autem patris auctoritate aliquantisper popularis fremitus nunc ex patris ipsius obitu vehementer recrudescebat, atque invalescebat suspicio, suspicantibus pluribus, ambos Principes nostros veneno periisse: moventur autem ad suspicandum ex accelerato utriusque obitu. Addit, nonnullis interjectis: Pastor Dresdensis celebrata coram eo Missa, Communionem sacram & extremam unctionem ei impertivit, cum dixisset Orationem Dominicam, Salutationem Angelicam, & Symbolum Apostolicum, atque crebro Deo gratias agens, dixisset: Benedictus Dominus Deus in omnibus operibus suis. Expiravit XX. Aprilis MDXXXIX. Quis in aliis credat Cochleo, qui ne diem quidem obitus recte novit? Georgius enim non d. 20, sed d. 17. Aprilis decessit. Testimonia veriora habemus, Georgium morti proximum, a nobilibus quibusdam, Evangelicæ doctrinæ clam addictis monitum, in solo merito Christi spem salutis posuisse. Sed hæc, ut diximus, speciminis loco sunt, nec plura nunc afferri poterunt. Fortasse alii etiam curæ erit reliqua, quorum magnam segetem deprehendent, persequendi.*

## LIBRI NOVI.

*Inscriptionum antiquarum Sylloge in duas partes distributa, quarum prior Inscriptiones Ethnicas singulares & rariores pene omnes continet, quæ vel Gruteri Corpore, Sponii Miscellaneis aliisque ejusdem argumenti libris reperiuntur: altera Christiana monumenta antiqua quæ hætenus innotuerunt omnia complectitur. Edita & notis illustrata a Guillelmo Fleetwood. Londini 1691. fol.*

*Teatro Gallico, o vero la Monarchia della Real Casa di Borbone in Francia, sotto i Regni di Henrico IV. Luigi XIII. e Luigi XIV. di Gregorio Leti. Amsterdam 1691. in 4, charta augusta.*

*Sebastiani Schmidii Mysteriorum Gratia Divina in incarnatione & passione Filii Dei, Spiritus S. charismatibus, Angelorum ministerio. Hamburgi 1691. in 4.*

*Job. Nicolai Pecblini Observationum Physico-Medicarum Libri III. Quibus accessit Ephemeris vulneris thoracici. Hamburgi 1691. in 4.*

*Job. Andrea Schmid Otium Negotiosum Jenense. Jenæ 1691. in 4.*

*Flora Lugduno-Batava Flores, sive Enumeratio stirpium Horti Lug-*

*duno-Batavi expofitarum a Paulo Hermanno, editarum a Lothario Zumbach. Lugd. Bat. 1690. in 8.*

*Jeremie traduit en François, avec une explication. Suivant la Copie imprimée à Paris, 1691. in 12.*

*Abafveri Friſchii Additamenta ad Capitulationem Joſephi Eleſti Romanorum Regis Anguſtiſſimi. Lipſiæ 1691. in 4.*

*Laurentii Jngewaldi Elingii Hiſtoria Græca Lingua, cum Præfatione Adami Rechenberg. Lipſiæ 1691. in 8.*

*Friderici Spanhemii F. de Papa Famina inter Leonem IV. & Benedictum III. Diſquiſitio Hiſtorica. Qua ut Onuphrii, ſic præcipue Allatii, Labbei, Blondelli, Launoii, Mabillon, adverſus Papiſſam præſidia excutuntur. Lugd. Bat. 1691. in 12.*

*Nouvelles Conjectures ſur la Peſanteur, par Mr. Varignon. A Paris 1690. in 2.*

*Reflexions Morales de l'Empereur Marc Antonin, avec des Remarques. A Paris 1691. in 8.*

*Memoires de Mr. le Comte de Tavanès. A Paris & Amſterdam 1691. in 12.*

*L'Hiſtoire du temps, ou Relation de ce qui ſ'eſt paſſé de memorable en Europe, & principalement en Angleterre, depuis les regnes de Charles II. & de Jaques II. Traduit de l'Anglois. Tome 1. & 2. A Amſterdam 1691. in 12.*

*La Conchiglia Celeſte. Elogii di Principi ed Huomini illuſtri d'Italia; di Gioan Battista Fabri. Venetia 1690. fol.*

### NOVA LITTERARIA.

In Anglia Oxoniæ Jo. Billius (is quem nitidiſſimam Novi Teſtamenti editionem curare alio loco inuimus) in colligendis primorum Eccleſiæ Doctorum monumentis ſtrenue pergit, proximeq; S. Barnabæ Epistolâ cum omnium, quotquot in eam extant, commentariis, & ampliſſima Henrici Dodwelli Diſſertatione, ejusque Paraphraſi editurus eſt. Parata quoque ad prælum jam ſunt Clementis Romani τὰ σωζόμενα cum Millii Animadverſionibus. Prodeunt & Dodwelli Prælectiones in Hiſtoriæ Auguſtæ Scriptores, magnam partem jam impreſſæ.

In Gallia, referente in Hiſtoria Actorum Eruditorum Baſnagio, P. Bernardus de Montfaucon typis Aniſſonianiſ ſubjecit S. Athanaſium. In  
Mona-

Monasterio Benedictinorum S. Germani editio *S. Ambrosii* absoluta jam est: *S. Augustini* vero absolvetur propediem. Operum *S. Hilarii* pars fere dimidia typis jam est exscripta. *S. Hieronymus* post quinque aut sex menses prælo subjicietur: quæ nova editio integrum exhibebit volumen operum hujus Patris hæctenus ineditorum, quæ inter *Canon Hebraice veritatis* momenti est non exigui. *Bossuetus* Meldensis Episcopus Commentarium suum in Psalmos Davidis jam absolvit, in quos paratum quoque prælo Commentarium habet *Ludov. Ellies du Pin*. *P. Pezeron* in eo est, ut vindicias edat libri sui de Antiquitate temporum adversus *P. Martianay*, qui illum impugnavit. Vita *Cartesii*, cujus auctor *Bailletus* fertur; nec non vita *Cromvelli*, quam Abbas *Raguenetus* expolivit, sub prælo jam sunt. Proxime quoque proditura est Historia *Caroli V. Regis Galliarum*, ab Abbate *de Choisy*, ut putatur, composita. Liber Gallicus *L' Avis aux Réfugiez* Lutetiarum Parisiorum denuo, & cum privilegio quidem Regio, imprimitur. Auctor, qui latere hæctenus voluit, quod continerentur libello quædam, quibus Archiepiscopus Parisiensis & *P. de la Chaise* non potuerunt non offendi, modum invenit redeundi cum iis in gratiam, additis nonnullis, aut demptis quæ displicere illis possent. Imprimitur & Historia *Jansenismi*, quæ inter *P. Rapini* schedas, & integra quidem reperta est, *Jansenistis* haud dubie multum negotii faceßitura. *Jacobinus* quidam, *P. Benedictus*, Historiam *Valdensium* duobus tomis in 12. edidit, usus Manuscripto quodam admodum pretioso *Graveroi* Advocati *Nemausensis*, quod veluti protocollum est eorum, quæ ab Inquisitoribus fidei tempore Cardinalis *Claromontani* adversus *Albigenses* actitata fuere. In *Flandria* impressus dicitur liber præcû, in quo loco verborum: *Sancta Maria mater Dei*, substituta hæc sunt: *Sancta Maria mater Christi*. *Du Bois* Officiorum *Ciceronis* versionem Gallicam molitur, juxta editionem Latinam *Grævii*, quæ optima omnium visa ipsi fuit. Proditura proxime est vita Cardinalis *Ximenii*, auctore *Fleßbeerio* *Nemausensi* Episcopo. *Nodorus* haud parum sibi de recuperatis felici casu in *Germania* *Petronii* Fragmentis gratulatur, quæ *Belgradi*, cum expugnata ea urbs a Christianis esset, reperta creduntur. Primordia *Satyrici*, quibus hæctenus destituimur, ibi comparent. *Encolpius* continua nec interrupta serie, quæ sibi evenerint, enarrat. Legitur primis paginis *genuina Tryphææ & Lyceæ*, eorumq; omniû, quæ in navigio cõtingerunt;

Historia;

Historia, ac denique Eumolpi populo Crotoniensi sacrificati infaustum fatum: quæ omnia eleganter coherent, & pro legitimo Petronii foetu fortasse haud difficulter agnoscentur. Hactenus ex Balsagio Excerpta dedimus.

P. *Richardus Simon*, quod aliunde habemus cognitum, Lugduni in Gallia Dictionarium edit Biblicum, Rabbinica bene multa completum. Est & Lutetiæ Parisiorum vir quidam insignis, linguarumque orientalium peritia Simonem superans, qui simile Lexicon prælo paratum habet: adeo Dictionariorum jam seculum viget. P. *Imbert e Soc.* Jesu Introductionem in Notitiam Numismatum editurus est. *Morellus* Tabulas Chronologicas sub manibus habet, nummaria itidem rei illustrandæ inservituras. *Le Blanc* quoque Tractatum de antiquis numismatibus adornat, difficultates quamplurimas, quibus aliorum hujusce argumenti scripta laborant, explicaturus. *Vaillantius* in Cilicia numismatum ope illustranda occupatus est. Ita quo tempore res nummaria magis magisque labascit, monetaque paulatim ex argentea in cupream & ferream degenerat, doctorum virorum industria in erudendis e tenebris inque lucem protrahendis atque illustrandis antiquis numismatibus non sine æmulatione, eaq; honestissima, occupatur. Nam & *Carolus Patinus* 6000 nummos nunquam antea luci publicæ expositos cum litterato orbe propediem communicaturus dicitur. *Græværolum*, cujus jam supra mentionem fecimus, Sicilia Paruta occupatum adhuc habet. *Lantinus* versionem Arithmeticæ *Nicomachi Geraseni*, & in eam notas adornat, quibus Analysin veterum restitutum se confidit. *Samuel Chapuzeau* libellum apologeticum adversus Jurium composuisse dicitur eluendæ notæ, quam sibi ab illo inustam in libro, quem *Genium Arnaldi* (l'Esprit de Mr. Arnaud) inscripsit, conqueritur.

#### Errata quadam.

Pag. 97. l. II. pro *a. 168.* p. 702. lege *a. 1682.* p. 70. P. 147, l. II. pro *Columbi* lege *Columbani.* l. 20. in quibusdam exemplaribus, pro *Sanctum* (*Malachiam* puta) *Pontificum*, lege *Sanctum Pontificem, Malachiam* puta. Pag. 130. lin. antepenultima pro *fuisse* lege *fuse.* P. 143. l. 3. pro *autorem* e de, lege *autorem de.* P. 175. l. 20. pro *Talmudicos* lege *Talmudici.*

# ACTA ERUDITORUM

*publicata Lipsiæ*

*Calendis Maji, Anno M DC XCI.*

**VETERES ARCUS AUGUSTORUM TRI-**  
*umphis insignes cum imaginibus triumphalibus resti-*  
*tuti, antiquis nummis notisque Jo. Petri Bellori illustrati,*  
*ancis typis vulgati per Joannem Jacobum de Ru-*  
*beis.*

Romæ, ad Templum S. Mariæ de Pace, 1690, in folio. Constant plagulis  
majoribus 39, quarum 36 schematicos exhibent.

**I**Nter monumenta, quibus olim magnificentiam suam terrarum illa  
gentiumque Dea Roma ostentavit, quorumque nunc reliquiis pristi-  
næ majestatis suæ speciem quandam adumbrat, vel maxime Arcus Tri-  
umphales in pretio semper habiti fuerunt antiquitatum cultoribus.  
Horum ergo studiis gratam operam præstiturus Editor præsentis operis,  
postquam dudum in *Admirandis Romanarum Antiquitatum ac Veteris*  
*Sculpturæ Vestigiis* Arcuum dictorum selectiores aliquot suo ære expres-  
sos exhibuit, jam omnium, quotquot quidem Romæ adhuc extant,  
facies & ornamenta curiosæ Posteritatis oculis exponere constituit.  
Ad quod institutum impigre persequendum non parum exci-  
tatum se fatetur editione *Arcus Severiani*, qui elegantissime depictus  
cum explicatione *Josephi Mariae Suaresii* typis *Barberinis* anno 1676  
Romæ prodiit: adjutum etiam ex *Bibliotheca Barberina* codice *Francisci*  
*Jamberti* architecti, cognomento *Sangallii*, Arcus aliquot delineatos  
descriptosque continente, qui ea ætate, anno circiter 1468, non adeo ut  
hodie mutili attritique, integriorem faciem referebant, ut ex ejus  
delineationibus deperdita nonnulla restituere potuerit.

Primum in Opere locum occupat *Arcus Imperatoris Titi*, quatuor  
olim suffultus columnis; quarum duæ tantum adhuc superant, reliquæ  
in *Jambertino* codice ac veteribus cætypis spectantur. Junctæ sunt  
arcui Tabulæ septem, duæ laterales transeuntibus occurrentes, trium-

Cc

phus

phus scilicet ac spolia Judææ subactæ: una fornici medio affixa, apotheosin Titi; quatuor, triumphalem pompam, in zophoro arcus parvis sigillis sculptam exhibentes.

Succedunt *Arcus Septimii Severi*. Unus *Severi* ejusque filii *Antonini*, ad radices Capitoli collocatus, de novo nunc æri incisus, additis *Suarefii* explicationibus. Exornant hunc itidem septem Tabulæ, quatuor majores ad bellum Parthicum spectantes; duæque minores: quibus septimam Editor illustrando arcui superaddidit, Nummorum *Severi & Filiorum*, belli ac victoriæ decora referentium. Alter, ab Argentariis in veteri foro Boario eidem *Severo*, *Julia uxori*, filiique dicatus, duarum facierum; quarum una frontem exhibet, altera ejus latus cum captivis & sacrificiis. Hos excipit *Gallieni*, vulgo *S. Viti*, a templo cui adhæret, dictus: ruditer extructus absque imaginibus.

Sequitur *Constantini* arcus, qui ex *Trajaniano*, sive ex triumphalibus *Traiani* monumentis dejectis excitatus, ab una alteraque fronte quatuor præfert Tabulas ejusdem *Traiani* rebus gestis insignes. Sub his totidem rotundi clypei spectantur cum sacrificiis & venationibus. Reliquum hinc inde spatium, supra minores fornices tabula exornat *Constantini* facta repræsentans. Accedit huic alia major ex iisdem triumphalibus *Traiani* monumentis detracta, victoriæ Dacicæ imaginibus decorata.

Ultimus est *Portugallia* vulgo cognominatus, ab Alexandro VII Pontifice destructus, auctoris incerti: qui ab una fronte duas Augustas imagines, sed deleta vultus similitudine, prætulit, quas ad *M. Aurelium & Faustina* conjugem pertinuisse conjectura est.

His Augustorum arcubus breves *Jo. Petri Bellorii* notæ explicationis causa ad calcem uniuscujusque schematis inijciuntur; & coronidis loco petulicari in Tabula subnexi arcus Augustorum honoribus extructi, qui temporum injuria pridem interciderent, ea figura, qua in nummis conspiciuntur, quorum beneficio eorum ad nos exempla pervenerunt.

## LA CONCHIGLIA CELESTE. ELOGII DI Prencipi ed Huomini illustri d' Italia.

id est,

Joannis

Joannis Baptistæ Fabri Concha cœlestis, Elogia  
Principum illustriumque Virorum in  
Italia

Venetis, apud Jo. Jac. Hertz, 1690. in Folio. plag. 75.

**P**Lus simplici vice in Actis Eruditorum mentio injicienda fuit *Brixia*,  
celebris in Insubria urbis, Venetorum imperio subjectæ. Nam-  
que *Leonardi Cozzandi* Bibliothecam *Brixensem* a. 1686. p. 385; *Alta*  
novæ *Academix Brixienfis* Philo-exoticorum naturæ & artis, ibidem  
p. 556; *Sauætorum Brixienfium Apologiam* adversus Henschenium &  
Papebrochium studio *Honorii Stella* exaratam, Supplemento III. p. 134.  
memoravimus. Prodit nunc in eruditi orbis scenam *Joannes Bapti-*  
*sta Fabri* Brixienfis, tertii Ordinis S. Francisci Concionator Generalis,  
occasione pompæ theatralis, qua paucis abhinc annis pluviam se impe-  
trasse, cives ejus persuasi sunt. Palladii enim ad instar inter hos asser-  
vatur imago Deiparæ, Hierosolymis a. 1477. a *Christophoro Martinonio*  
Brixienfi, Generali Carmelitarum, in patriam suam tralata, & pro opere  
D. *Luca Evangelistæ* habita. Hæc quotiescunque publico cultui ex-  
ponitur, copiosos ac fecundos imbres cœlo deducere creditur. Hinc  
cum non diu ante Innocentii XI. R. P. fata ager Brixienfis siccitate  
gravissima laboraret, & tota quasi humus in pulverem abire videretur,  
ad effigiem istam recurrerunt in extrema necessitate constituti incolæ, &  
processione solemni per plateas urbis arcubus triumphalibus exorna-  
tas instituta, illam circumgestarunt, tam felici successu, ut quamprimum  
in templum & sacrum rediisset, voti sui se damnatos sentirent. Hæc  
fide *Fabri* nostri referimus, qui stylo sublimi ac plusquam poetico,  
utut nullis numeris adstricto, rem totam descripsit. Cum vero arcu-  
bus illis ac plateis icones Principum & virorum illustrium, præsertim  
*Francisci Mauroceni* D. Veneti, *Cosmi III. M. D.* Hetruriæ, *Ferdinandi*  
*Caroli* D. Mantuani, *Francisci* D. Mutinensis, & *Ranatii II.* D. Parmen-  
sis, *Federici Marcelli*, *Dominici Bragadini*, aliorumque Venetorum  
magni nominis hodiernum maximam partem superstitum, appensæ  
essent, in horum, ut & præcipuorum abbatum, monachorum, pictorū,  
statuariaorum, qui pompam illam manu sua aut ingenio promoverunt  
ac in ordinem redegerunt, laudes evagatur, adeo ut totum opus nihil  
aliud sit præterquam panegyricus fusissimus, quo B Virginis Mariæ

(*Concha caelestis* titulo ob Christum partu editum quovis unione pretiosorem insignitæ,) illustriumque ac principum Italiæ virorum foeminarumque encomia *μακροῖς αὐλοῖς* decantantur. Potior horum pars e Gentibus *Martinengorum, Marcellorum & Bragadinorum* desumitur; eoque nomine hunc *Fabri* laborem Genealogis non ingratum fore putamus, inprimis si indubitatis omnia argumentis nitantur, quæ ab Encomiaste nostro tradita sunt, poetas non phrasi tantum, sed & licentia quandoque imitante. *Martinengorum* enim e. c. stirpem antiquissimam nobilissimamque esse, vix fuerit qui diffiteatur. At (quod bis terque Auctor asserit confidentissime) ex posteris *Anci Marci* quarti Romanorum regis ortum eam ducere, absq; monumentorum satis veterum testimonio narratur, nec apud omnes forte fidem inveniet. Eam tamen ob rem incredulitati lectorum ab Auctore litem motum iri, nulli veremur. Cæterum multum gratiæ accedit volumini huic a non paucis figuris perquam elegantibus, quas *Isabella Piccina*, monialis ad S. Crucis Veneta, pinxit ac æneis tabulis incidit, egregio hoc opere merita, ut ipsius elogio Franciscanus noster panegyrico suo finem imponeret.

### TEATRO BELGICO.

id est,

Gregorii Leti Theatrum Belgicum.

Amstelod. apud Wilh. Jongium 1690. in 4. Partes II. Constant plagulis 129. & figuris æneis 212.

### TEATRO GALLICO.

id est,

Gregorii Læti Theatrum Gallicum.

Ibidem 1691. in 4. Partes II. cum fig. æneis multis.  
Constant plagulis 145.

**G**regorius Læti, natione Italus, civitate hoc tempore Amstelodamensis, sexaginta nunc annos natus, cephalalgia nunquam, aliis morbis non nisi ter toto vitæ suæ tractu infestatus, vir laboriosissimus ac ex Vitis *Philippi II. R. Hispaniarum, Sixtiq; V. R. P. Historia Genevensi, Cereemoniali politico, Italia Regnante, Theatro Britannico, Historia Saxonica, Historia Branden-*



*Brandenburgensi* aliisque suis operibus notissimus, omnium nuperrime edidit *Theatrum Belgicum*, quod est, observationes historico-chronologico-politico-geographicas de Fœderato Belgio, & *Theatrum Gallicum*, sive Monarchiam Regiæ Domus Borboniæ sub *Henrico IV.* ac *Ludovico XIII. & XIV.* Galliarum Regibus, ubi cumprimis postremi vita, paceque ac bello gesta fufius curatiusque recensentur. Cum stylus & methodus Auctoris dudum innotuerint, ac ex titulis librorum, utut perbrevibus, facile satis sit lectoribus conjicere, quid heic *Latue* pertractarit, plura non addimus, sufficere rati, nos editionem hanc novorum librorum vel verbulo istarum rerum studiosis indicasse.

**JOHANNIS JACOBI ZIMMERMANNI,**  
*Philo-mathematici, Scriptura S. Copernizans, seu*  
*Astronomia Copernico-Scripturaria*  
*bipartita.*  
 hoc est,

**Ein ganz neu- und sehr curioser Astronomischer**  
**Beweisßthum des Copernicanischen Welt- Gebäudes**  
**aus Heil. Schrift.**

Hamburgi & Altonæ, anno 1690, in 4. plag. 9.

**R**ecensuimus *menfe Majo anni proxime elapsi* p. 258, Clarissimi Auctoris *Exercitationem theoricorum Copernico- celestium*, pressio ejus nomine: quod quia sub finem ejus anni in præsentit tractatu profiteri non dubitavit, nec nos in Indice dicti anni Lectorem porro latere volumus. Cæterum quæ Idem in memoratæ *Exercitationis Parte III, Prop. 2,* circa Solis & Fixarum localem stationem, Telluris vero cæterorumque Planetarum motum in orbitis suis, ex principiis Theologiæ Platonico-Christianæ explicuit, in hujus Opusculi Parte priori ex opere creationis hexaemero, cap. Gen. I descripto, assertum it: objectiones vero e Pandectis sacris contra *Copernicanos* depromtas, iisdem, quibus *prop. 3* dicti tractatus usus est, argumentis in adversarios retorquet, eorumque hypothefi cum controversis illis textibus sacris quam optime convenire, altera tractatus hujus parte ostendit. Conscripfit vero est libellus idiomate Germanico, ut & vulgo gentis nostræ, quod ut

plurimum præconceptæ vulgaris philosophiæ *Ptolemaica* impetu a scitis *Copernici* nimium quantum abhorret, de harmonia inter hæc & S. Scripturam planius atque hætenus constare possit. Præmittuntur tractationi *hypotheses* partim Scripturam, partim Astronomiam attinentes: interq; *illas* primo loco supponitur, S. Scripturæ stylum in naturalibus non ad capum vulgi accommodatum sive popularem esse, quod *Copernicæis* alioqui visum hætenus fuerit: supponitur etiam eandem inexhaustum esse fontem divinæ sapientiæ, e quo novis contentionum difficultatibus subinde se prodentibus, novæ eæque prius non animadversæ sæpenumero interpretationes exundent; consentientibus huic pronunciato orthodoxis Ecclesiæ Doctolib; ubi tamen *Auctor* ex sacris literis hic deducta, non thetice a se asserta vult intelligi, sed sub hypothesi ad ulteriorem eruditorum disquisitionem proposita. Hæc, systemata famosa Terræ immotæ & mobilis exponunt, cum cælestibus motuum phænomenis eorumque causis juxta *Copernicanum*, de quibus altum silere cogitur prius *Ptolemaicum*. Speciatim in *Parte prima* novem capitibus constante *Auctor* tria omnino Universi principia in Chao Mosaico, historia creationis indice, agnoscit, duo hypostatice *cælum* & *terram*, quorum prius agens & masculum, alterum patiens & foemininum sit; tertium vero priorum (tanquam universalium naturæ conjugum) commune vinculum seu principium commune, *aquam*, cui præcipua proprietas sit fluiditas, quæque sub diverso subtilitatis gradu complectatur aquam elementarem, aerem atmosphæricum, ætherem, aquasque supracælestes. Ex communi hoc principio & cæteris duobus hypostaticis postea conglobata esse statuit duorum generum principiata seu corpora macrocosmica a *Mose* recensita, *Solem* puta, *Lunam*, *Stellas* & *Tellurem*: unius quidem activi, (primo *Cartesii* elemento respondentis) ex cælo & aqua in *globos lucidos*, *Solem* & *Fixas*; alterius passivi (tertii *Cartesii* elementi) ex terra & aqua, in *globos tenebricosos*, *Tellurem* & *Planetas*: quorum amborum commune vehiculum sit tenuis fluidissimaque aqua ætherea (æther, secundum *Cartesii* elementum) Ubi porro *ΥΝ*, alterum principium hypostaticum non habitabilem Terram, seu Tellurem nostram, sed universalius quid (cum *Buxtorffo*) designare ostendit; cum alioqui sensus S. Scripturæ Universum hoc in cælû & terram dividit, futurum esset popularis, omisissæque tunc forent a *Mose* principia Planetarum

tarum hypostatica. Cætera hujus partis quæ separationem horum principiatorum; fecundationem globorum terraqueorum; ordinationem corporum macrocosmicorum, eorumque ratione lucis suæ respectum generalem, & specialem, quatenus tellurem nostram illuminant; motum *Solis* & *Fixarum*, non localem sed circa axem conversivum; Planetarum primariorum, & conversivum & in orbem localem; secundariorum, circa & cum primariis localem, circaque centrum proprium oscillatorium exponunt, Benevolens Lector ex ipso libello cognoscat.

Secunda pars *Copernicæ* ex literis sacris objecta diluit: quæ quia citato supra *Actorum* loco cum responsionibus Auctoris jam dum ἐν συνόψει recensuimus, hic repetere supervacuum arbitramur: notamus tantum, & ampliorem hic olim dictorum ἐξήγησις hinc inde; quædam etiam notatu non indigna, e textu præsertim Hebræo & LXX-virali, pristinis superaddita haberi.

Coronidem tractatui imponit Poema, quod triplicem naturalis Lucis facultatem, Splendorem, Calorem & Motum, theologice per varia emblemata contemplatur, iisque, quibus cum affinitatem quandam habent, non indecore comparat.

**NUMMI ANTIQVI AUREI, ARGENTEI  
& aerei, prima, secunda seu media, minima & maxima  
forma, Latini, Græci, Consulum, Augustorum, Regum & Urbium;  
in thesauro CHRISTINÆ Regina Succorum asservati; a  
Francisco Camelo Ejusdem Majestatis Antiquario  
per seriem redacti.**

Romæ, ex typogr. Jo. Fr. de Buagnis, 1690. in 4. plag. 27  $\frac{1}{2}$ .

**I**Nter ditissima, quibus Italia gaudet, antiquitatum Romanarum promptuaria principem fere locum obtinet *CHRISTINÆ Succorum* quondam *Reginæ* gazophylacium, in cujus laudes *Mediobarbus*, *Spanhemius*, *Vaillantius*, & quis non antiquariorum? certatim effunduntur. Curam ejus quondam gessit *Franciscus Gottifredus*, ac, hoc defuncto, *Franciscus Camelus*, cui oculis postmodum capto suffectus est *Joannes Petrus Bellerius*. Is ergo, quem diximus, *Camelus* gazam hanc vere regiam in ordinem redegit, ac numerum illic asservatorum catalogum

com-

concinnavit; sed, ut verum fateamur, satis properanter, ac nisi fallimur, in privatos tantum usus & memoriæ suæ subsidium. Neque enim partes universæ totave epigraphæ numismatis ob inimum forte brevitatæ studium exacte ubivis describuntur, neque ullibi aliquid explicationis aut restitutionis vocum mutilarum additur. Adeoque index iste emptoribus thesauri, non item veteris rei nummarie cultoribus sufficiet. Sæpe etiam vocabula offendas non, ut par erat, excusa, quæ correctiora dubio procul essent, si *Bellorius* editionem accurasset. Quis enim hodie *Vetranii* e. c. aut *Theodonati* Imperatorum Augustorum nomina in *Vetranionis* ac *Theodahati* mutanda nescit? ut alia id genus innumera, præsertim in Græcis inscriptionibus, admissa taceamus. Neque tamen abs re fore putavimus literatis indicasse, recensum hunc tamdiu expectatum in lucem tandem prodissse.

*DION. PAPINI OBSERVATIONES QUÆ  
dam circa materias ad Hydraulicam spectantes,  
Mensi Februario hujus anni insertas.*

**I**N *Actis Erud. A. 1691, Mens. Feb. pag. 74*, exhibetur demonstratio, qua *Vir clarissimus Dominicus Gulielminus*, Auctor libri de aquarum fluentiæ mensura, evincere conatur: quod *eadem sit velocitas aquæ fluentis per aliquam sectionem canalis inclinati ac si fluxerit e vase per lumen simile & æquale sectioni tantundem a superficie aquæ remotum, quantum sectio ab horizontali per initium canalis ducta*. Quum autem ejusmodi assertum prima fronte pugnare videatur cum eo, quod Ego protuli in *Act. Erud. A. 1690, mense Majo p. 225*, ne ejusmodi oppositio apparens plurimos lectores in suspensio relinquat, non abs re fore arbitror, si ejus, quod nude ibi asserueram, demonstrationem hic subjungam, simulque ostendam, in præstantissimo supradicto libro aliquid adhuc desiderari: illud enim a doctissimo Auctore susceptum iri confido, adeo ut Lectoribus circa has materias nihil in posterum dubii relinquantur. Meum igitur assertum, prout ex loco citato facillime potest colligi, tale est: *Aquæ per cubum uniformem semper plenum & utrinque apertum fluentis velocitas dimidia est illius, quæ flueret e vase per foramen simile & æquale diametro tubi tantundem a superficie aquæ remotum, quantum apertura inferior, sive sectio, tubi ab horizontali per initium ejusdem tubi ducta*.

Sit

Du

stare



—G



Sit ex. gr. tubus uniformis EF, fig. 1, utrinque apertus, fundo vasis ABCD adferruminatus, dictumque fundum penetrans, non vero inferius descendens: vas autem ita sit aqua repletum, ut tubus EF ab ea continue tegatur & repleatur: atque horizontales per initium tubi ductæ sint in superficie aquæ, eademque altitudo semper conservetur: sit præterea foramen G, in fundo ejusdem vasis horizontaliter posito, simile & æquale diametro tubi EF: assero quod velocitas per dictum tubum subdupla erit velocitatis aquæ per foramen G erumpentis. Certissimum enim est, quod aqua per totam longitudinem tubi EF æquabili celeritate descendit: partes enim inferiores descendere nequeunt, nisi partes superiores spatium relictum eodem tempore repleant. Inde sequitur quod aqua egressa, si horizontaliter moveri pergat cum celeritate per descensum acquisita, tempore æquali tantumdem spatii percurrat quantum descendendo percurrit: uterque enim motus debet esse uniformis & ejusdem celeritatis. *Galileus* autem demonstravit, quod gravia celeritate per descensum acquisita debent horizontaliter percurrere duplum spatii, quod tempore æquali descendendo percurrerunt. Ergo velocitas aquæ per E est tantum dimidia ejus, quam grave per descensum ex eadem altitudine acquireret: erit igitur etiam subdupla velocitatis aquæ per G: constat enim quod velocitas aquæ per foramen G æqualis est celeritati acquisitæ a gravi per descensum ex proposita altitudine: Ergo *Aqua per G* c. q. c. d.

Posset hæc eadem veritas demonstrari per numerum impressionum a gravitate acceptarum, ratione habita ad quantitatem materiæ motæ; verum, brevitatis gratia, talia omittam: quum superior demonstratio a nemine negari queat: sicque constet fluida non semper easdem sequi leges, quas de gravibus descendentibus *Galileus* demonstravit: ac proinde non satis firmum esse fundamentum, quo nititur clarissimi *Galilei* demonstratio.

Fateor tamen quod casus ab excellentissimo viro propositus a nostro casu non nihil differt: Ego enim suppono tubum semper plenum, & non nisi in duobus extremis apertum; Ipse vero supponit canalem, qui non solum per duo extrema aquæ recipiendæ & emittendæ patet; verum etiam per totam longitudinem detectus est aeremque admittit. Quamquam autem non possit negari hæc casuum disparitas, restat tamen satis magna convenientia ex natura fluidorū petita, ut clarissimi viri assertio

TAB. V.  
Fig. 2.

stare non posse videatur: semper enim varie afficiuntur partes in canali superiores, pro varia partium inferiorum celeritate: res autem aliter se habet in gravibus, de quorum descensu tractavit *Galileus*. Id quo clarius percipiatur attendamus ad fig. 2, ubi AB supponitur esse canalis fundum per totam longitudinem æquale, cujus latera cum fundo constituent angulos rectos: sitque longitudo AB divisa in 4 partes æquales in punctis C, D, F: constat quod grave descendens per planum AB acquireret in B velocitatem duplam illius quam acquisiverat in C. Si igitur aqua sequatur easdem leges, debet in B replere in canali partem tantum dimidiam ejus quam replebat in C: ratio manifesta est, quod quum eadem aquæ quantitas per totam longitudinem canalis eodem tempore transeat, ipsius altitudo tanto minor esse debet quo major est ipsius velocitas: ut longitudo columnæ aquæ in B transeuntis, compensetur per crassitiem illius quæ in C translabitur: ac proinde si aqua in C repleat canalem usque ad E, dum pervenerit in B non pertinget nisi usque ad G, supponendo BG subduplam ipsius CE: patet igitur quod aqua in E non descendet per planum EH parallelum ipsi CB (quod tamen fieri deberet, ut leges a *Galileo* demonstratæ hic locum haberent) sed descendet per planum multo magis declive: quin etiam declivitas illa non æqualis est per totam canalis longitudinem: sed quo magis ad initium accedimus, eo majus fit celeritatis augmentum in certa canalis longitudine data. Mihi igitur videtur clarissimus Author in eo errasse, quod de fluidis descendentibus eodem modo philosophandum censuerit, ac de gravibus a *Galileo* suppositis: atque ad perfectionem operis ipsi quærendum restat: qualis sit linea EG secundum quam superficies aquæ in canali defluentis incurvari debet: hinc enim cognoscemus quanta sit area aquæ in quocunque loco fiat sectio, atque ex variis sectionum areis statim etiam colligentur variæ velocitates in iisdem locis. Nullus dubito quin Vir excellentissimus veritatis amans monitum hoc æqui bonique consulat.

In eodem *Actorum* mense, pag. 65, proponitur constructio motus perpetui pure artificialis, quam ingeniosus Author per filtrum perfici posse arbitratur: sub finem vero meritissime proponitur considerandum, an gravioris liquoris actio per filtrum intercepta satis intervenire queat, sicque Lectores in dubio relinquuntur. Ne igitur aliqui forsan frustra insudent in quærendis variis liquoribus, quorum alii aliis facilius per fil-



per filtrationem fecerni queant, nullum ex ejusmodi tentaminibus successum esse sperandum ostendere non inconsultum existimo: quum præsertim id probaturus sim, per experimentum institutum ope clepsydre cujusdam hactenus parum cognitæ, quæ tamen suis omnibus numeris multo magis absoluta est, quam illæ a *Kircher* & *Scoto* in lucem editæ: inspiciatur ergo fig. 3.

AA, BB, sunt duo vasa metallica ejusdem capacitatis.

CC, est tubus utrinque apertus ad fundum inferius vasis AA ferme pertingens, penetrans vero fundum superius, ipsique exacte adferuminatus.

DD, vas vitreum fundo superiori vasis AA exacte affixum.

FE, tubus, cujus orificium superius F ex vitro DD aquam admittit; orificium vero inferius E eandem aquam in vas BB emittit, prout ex figura patet: Vas autem BB iisdem partibus quibus vas AA instructum est.

Hæc machina ut rite operari queat, debet alterutrum vas, puta AA, repleti aqua; alterum vero aere plenum relinqui: debet insuper includi aliqua aquæ quantitas in vitro superiori DD: sic fit ut aqua ex DD per tubum FE defluat in BB, ibique aerem premat: aer ille pressus, quum nullam viam inveniatur nisi per tubum CC, eidem vasi BB inferum, illum necessario subingreditur, & in vitrum inferius DD penetrat: inde per alterum tubum FE ascendit in vas AA, ibique aquam premit eo fortius quo major est longitudo tuborum FE, FE: atque aqua sic pressa magis impetu in superius vitrum DD salit per tubum CC: sicque semper sufficitur aqua per tubum FE descensura, donec paulatim evacuato vase AA, repletoque vase BB, residua aqua per tubum CC in vitrum inferius DD necessario delabatur. Jam patet, quod invertendo machinam idem effectus supra memoratus statim obtinebitur, totiesque renovabitur operatio, quoties machina invertetur. Hæc clepsydra aliquot ante annos inventa fuit a Dn. *de Comiers* Parisius Matheseos Professore celebri, cujus mentionem honorificā Eruditorum Ephemerides Gallicæ plus semel fecerunt, hancque descriptionem, etsi forsan non prorsus hic necessariam, nemini tamen displicituram spero: tale autem fuit experimentum, cujus causa ipsam protuli. Quum aliquando angustis tubis ejusmodi machinam instruxissem, factum est ut saltus aquæ ad exiguam admodum altitudinem pertingeret, vixque

TAB. V.  
Fig. 3.

transverso digito supra lumen C emicaret: postquam vero eandem machinam tubis instruxi patentioribus, quitruum ferme linearum diametrum haberent; tum aqua saliens ipsam vitri DD summitatem magno impetu feriebat: tum suspicatus sum, exiguum saltum in tubis angustis ascribi posse aeri, cujus ea est natura, ut non nisi cum magna difficultate per vias angustas transire possit: credidi tamen posse etiam aquæ adhæSIONem ad latera tuborum ipsius motum plurimum retardare. Quum igitur machinam jam haberem ejusmodi tubis instructam, per quos aer libere transire pressionemque suam exerere poterat, tentare libuit, annon liquor aliquis magis viscosus quam aqua, posset etiam viscositate sua ita retardari, ut non altius per hos tubos saliret, quam aqua per tubos angustos. Successus autem expectationem non fefellit: quum enim exempta aqua machinam oleo replevissem, nullus apparuit saltus; sed oleum solummodo exundans per lumen C sensim defluebat: hinc igitur manifestissime patuit, liquorum viscositatem tuborumque lateribus adhæSIONem plurimum impedire, quominus theoreticæ leges æquilibrii liquorum observari queant: quum ergo secretio liquorum per filtrationem non fiat nisi per poros angustissimos, debeatque præterea magna esse congruitas inter partes filtri & partes liquoris filtrati, sequitur quod in filtro necessario semper erit magna partium adhæSio, quæ resistet liquori graviori, impedietque; quominus ipsius pressio satis interveniat ad liquorem leviolem ad requisitam altitudinem propellendum. Ac sane per constantissimam experientiam notum est, quod secretio liquorum per filtrationem non perficitur nisi pars filtri exterior valde sensibilibiter descendat infra superficiem liquoris filtrandi: quia, scilicet, satis magno pondere opus est, quo liquoris in filtro adhæSio superari queat. Quod si regeratur, posse pro lubitu augeri vasis & tubi altitudinem, adeo ut sine dubio obtineri queat requisitus excessus ponderis alterius supra alterum: quum interim non augeatur adhæSio in filtro, illud enim semper idem in parte tubi inferiore remanebit. Ego respondeo, aucta sic altitudine tubi non sperandum esse, quod liquor filtro per superiorem tubi partem sensim delabens ad fundum usque descendat, ut ibi iterum filtraretur: experientia enim constat, quod vinum ex.gr. si sensim aquæ infundatur, supernatat, neque alte in eam penetrat nisi validius concutatur aut commoveatur: quod si liquores adhibeamus, qui propter majorem partium

partium congruitatem, facilius sibi invicem permisceantur, quales sunt aqua dulcis & aqua salsa: tum ostendet experientia, illos per filtrationem a se invicem secerni non posse: non igitur dubito, quin Vir sagacissimus nullum hactenus motum perpetuum pure artificialem in lucem produisse fateatur.

*A VINDICATION OF THE DOCTRINE  
of the holy & ever blessed Trinity and the Incar-  
nation of the Son of God.*

*id est,*

Vilhelmi Sherlock Vindicix dogmatum de SS. Tri-  
nitate & Filii Dei incarnatione.

Londini, imp. W. Rogerii 1690. in 4. plag. 35.

**P**AUCIS abhinc annis Scripta duo Sociniana in Anglia typis excusa-  
fuerunt. Alteri nomen erat: *Brief Notes on the Creed of St. Atha-  
nashus*, i. e. Notæ breves ad Symbolum S. Athanasii. Alteri: *The  
brief history of the Unitarians*, h. e. Brevis Historia Unitariorum sive  
Socinianorum. Utrumque refutaturus W. Sherlockius, Doctor Theo-  
logus Londinensis, ante omnia memorat, *Annotatorem* illum, sub præ-  
textu explicationis, non nisi contradictionum perpetuarum notam  
inurere voluisse *symbolo*, quod *Athanasianum* vulgo dicitur. Hinc duò  
præfanda duxit, & primo quidem, quod rei non-intellectæ existentia  
absurde negetur, dein, quod symbolum Athanasianum toto suo ambitu  
nihil omnino complectatur, nisi cui omnes illos assensum præbere  
oporteat, qui sese *Trinitatis* & *Incarnationis* articulos pro veris ac divi-  
nitus revelatis agnoscere ac ab Arianis aut Socinianis dissentire pro-  
fiterentur. His præmissis, singulas *notas* Sociniani verbotenus plerum-  
que, quandoque tamen quoad sensum, exscribit, ac ubi vis responsio-  
nem subjicit. In hac prolixius asserit, catholicam fidem ad salutem  
esse necessariam, cum adversarius vitam inculpata[m] sufficere adno-  
tasset. Commendat usum veterum symbolorum. Athanasium  
non ob hæresin, sed ob alia crimina, utut falso objecta, in tot concilia-  
bulis tantas subiisse persecutiones, ex historia ecclesiastica asseverat.  
Incredibile sibi videri ait, quod antagonista auctoritate *Gennadii Scho-*

SECT. I.

p. 1.

SECT. II.

p. 10.

SECT.

III. p. 21.

*larii*, Constantinopolitani patriarchæ, retulerat, Græcos nempe dicere solere, *Athanasium ebrium fuisse, cum hoc symbolum concinnaret.* Pro-  
ducit porius ex *Ger. Jo. Vossio* de III. symbolis diss. 2. c. 1. locum *Gen-  
nadii*, ubi ille ὁ τῆς ἀληθείας κήρυξ καὶ ὁμολογητῆς, ὁ μέγας Ἀθανά-  
σιος σαλευatur.

SECT.

IV. p. 45.

Cum autem primaria, quam *Socinianus* Athanasiano symbolo  
objecerat, contradictio in eo consistat, quod *tres distinctæ substantiales  
personæ subsistere duamur in essentia numerice una*, princeps operis sui  
argumentum aggreditur. Noster, ac qua ratione substantia aliqua *nu-  
mericè una* evadat, operosius disquirat. Respondetigitur, substantiam  
materiam fieri unam per unionem earum partium; non item spi-  
ritualem, utpote quæ partibus nullis prædita sit. In spiritibus creatis  
finitis unitatem numericam (hoc est, id, quo ipsimet subsistunt ac ab  
omnibus aliis spiritibus separantur & distinguuntur,) nihil aliud esse,  
quam *ἐαυτογνωσίαν* (*self-consciousness*) notitiam sui ipsius suarumve  
cogitationum, ratiocinationum & affectuum. Hæc enim omnia dum  
hic vel ille spiritus solus novit, eopse distinguitur ab aliis, qui & suas  
cogitationes soli novere, adeoque vicissim ab illo distinguuntur. Po-  
sito itaque, dari tres spiritus creatos adeo unitos, ut quilibet alterius  
cogitationes tam probe nosset, quam suas; personas illas tres spiri-  
tuales numericè unam fore *Sherlockius* statuit, eo quod non minus inter  
se invicem unitæ sint, ac quælibet in seipsa una est. Simili ratione  
Trinitatem in unitate divina explicandam putat. Nimirum & Deus,  
(ceu infinita mens, non corpus infinite extensum,) unitatem agnoscit  
non partium, quas non habet, sed *ἐαυτογνωσίας*, adeo ut licet omnibus  
præfens sit, sibi tamen nunquam non intimus ac sui semper & ubivis  
conscius maneat. Adeoque tres personæ divinæ, si sibi invicem non  
minus sint familiares mutuoque conscia, ac quælibet suimet ipsius est  
conscia, revera ac proprie unitatem numericam habebunt. Et hanc  
a Veteribus *περίχλωσιν* appellari opinatur Auctor; id autem nomi-  
nis obscuriusculum esse atque non æque commodum, quam similitu-  
dinem a tribus distinctis animæ facultatibus, *memoria, intellectu & vo-  
luntate*, ab Augustino *lib. contra serm. Arian. c. 16.* desumptam. Nam,  
(verba *Sherlockii* sunt.) *memoria tenemus, quicquid intelligimus & volu-  
mus; intelligimus, quicquid memoria tenemus & volumus; quicquid de-  
nique volumus, id omne & intelligimus & memoria tenemus.* Hanc ob  
rem

*rem tres illa facultates unum hominem componunt ; parique modo si supponas tres infinitas mentes, quarum qualibet omnium, quæ in reliquis sunt, æque conscia sit, ac sui ipsius, illa poterunt esse Deus numerice unus.*

Cum dein multis Scripturæ sacræ locis evicisset Noster, *perfectam unionem* quoad cognitionem, voluntatem, amorem atque opera tribus Trinitatis sacrosanctæ personis intercedere, ulterius probat, ejusmodi *unionem*, quæ in creatis *moralis* tantum foret, in divinis *essentiali* esse, adeo ut per eam divinæ personæ sibi invicem conjungantur & uniantur tam arcte, quam homo sibi metipso unitus est, non autem ea tantum ratione, qua alii homini extra se unitur.

Provocat idcirco ad dictum Christi in Joanne toties repetitum: *Ego sum in Patre, & Pater in me est.* Hoc enim aut proprie, aut metaphorice accipiendum. At non metaphorice. Omnis enim metaphora desumitur a re naturali aut realiter existente, ob similitudinem quandam, quæ utrique intercedit. Cuicumque vero nihil simile existit in rerum natura, illud metaphora dici nequit. Nihil autem est in natura, quod ita sit in alio, ut illud ei quoque insit. Quatenus namque inesset alteri, ac ab eo comprehenderetur, eatenus eo esset minus; & quatenus comprehenderet alterum, eatenus eo ipso esset majus; id quod contradictionem involvit. Proprie itaque Servatoris effatum intelligendum venit. Jam unus tantum unionis id genus substantialis *mutuo-comprehensivæ* (ut sic loquamur) modus superest, nempe mutua cognitio supra descripta. *Si Filius* (inquit Sherlockius) *consciens est in semetipso omnis illius, quod est Patris, sive æque conscius paternæ, quam propriæ suæ cognitionis, voluntatis ac amoris, tunc totus Pater est in Filio; sic si Pater omnis illius, quod in Filio est, conscius est, tum totus Filius est in Patre; si denique Spiritus Sanctus eadem ratione conscius est omnium eorum, quæ sunt in Patre & Filio tum Pater & Filius sunt in Spiritu Sancto, & Spiritus Sanctus in Patre & Filio, vi mutua conscientia, per quam tres illæ personæ eundem in modum inter se uniantur, quemadmodum homo se-cum unitur sive unus est per ἐαυτοῦ γνωσία, seu conscientiam sui ipsius.*

Hactenus Sherlockius, qui hanc suam hypothesin latius porro ex-  
ponit dictis biblicis, phrasibusque SS. Patrum ac Scholasticorum non  
adversam esse, demonstrare nititur, ac ab objectionibus Socinianorum,  
præsertim *anonymi*, auctoris *Historiæ Unitariorum*, (de quo confer sis  
*Bibliothecam universalem historicam Amstelodamensem* t. XV. a. 1689.  
p. 364.)

p. 56.

p. 57.

SECT.  
IV. V. VI.

p. 364.) defendit. Sed æque prolixè de his omnibus differere, institutum nostrum non patitur. Utile potius fortassis esset, si liber non adeo magnus, at speculationibus multis subtilissimis & expositionibus Scripturæ non ubique vulgaribus refertus, licet Evangelicorum confessionibus non ubivis consonus, in Latinam linguam transfunderetur. Caterum, ne, cujus in titulo libri mentio facta est, *incarnationem Filii Dei* silentio prætervehamur, per summa capita recenscamus potiora, quæ de ea tradidit *Sherlockius*. Dixerat Antagonista in *notis ad symbolum*, quod *unio inter Deum & hominem nequeat efficere personam unam, quale quid sit per unionem animæ & corporis humani*. Hanc enim animæ & corporis unionem non esse unionem duarum personarum, sed unius tantum persone (animæ) cum re alias omni vita, ratione, memoria, liberoque arbitrio destituta. Contra vero in *unione Dei & Hominis*, duas dari distinctas ac valde a se invicem differentes vitas, memorias, rationes ac libera arbitria; sicque destrui omnimode unionem personalem, utpote quæ supponat non nisi unam vitam, unam rationem, unam memoriam, unum liberum arbitrium. Non negat heic Noster, animam esse personam; negat autem, quod homo, in quo anima & corpus unita sunt, unam vitam, rationem, memoriam, appetitum & voluntatem habeat; imo ei tribuendam judicat vitas voluntatesque, tum animale sensualemque, tum rationalem, itemque rationes duas, carnalem alteram, alteram spiritualem, tanquam diversa carnis & spiritus principia, tantundem fere efficientia, ac si homo duas haberet animas. Sollicitus igitur, paucis interjectis, est, quomodo naturæ duæ diversæ ita uniantur, ut unum Agens evadant, hoc est, una persona. Nec nisi duo requirit. Primum est, ut natura inter unitas illas superior totius personæ rectorix ac moderatrix sit. Ita animam, juxta adversarium, esse personam in homine, cum sit principium κυβερνητικόν supremum; rationem moderari sensibus, ceu spiritui convenientissimam, cum sensus tantum ex unionem cum materia resultet. Sicque in Christo τὸν λόγον esse personam, inque unionem Dei & Hominis personali non minus regere ac gubernare Humanam Naturam, quam in homine sensum ratio regere soleat. Alterum requisitum est, ut inter binas naturas unitas intercedat mutua conscientia, adeo ut utraq; alterius actiones aut passiones suo modo sciat ac sentiat. Ubi tamen *Sherlockius* hanc suam thesin ita explicat, ut *omniscientiam* & cætera axiomata divina humanæ Christi naturæ

naturæ deneget ex ecclesiæ suæ placitis, eo tantum prætextu, quod ubi naturæ diversi generis uniantur, in superiore tantum ac gubernatrice natura deceat collocare universalis conscientiæ personalis sedem. Quas Viri clarissimi opiniones Theologis examinandas relinquimus, & ad alius argumenti librum pedem promovemus.

## FLORÆ LUGDUNO-BATAVÆ FLORES,

sive,

Enumeratio Stirpium Horti Lugduno - Batavi,  
methodo Naturæ vestigiis insistente dispositarum, & anno  
1689 in lectionibus tam publicis quam privatis expositarum  
a Paulo Hermannno, Med. & Botan. P. P. editarum  
opera Lotharii Zumbach conducti Coesfeld,  
Med. Cand,

Lugd. Batav. apud Freder. Haaring, 1690, in 8. plag. 19.

**Q**uamvis rei herbariæ numerus a Cl. Hermannno auctus sit, id quidem vel solus Horti Academici Lugduno-Batavi Catalogus, quem mense Majo anni 1687 recensuimus, testari abunde potest. Accedit ejusdem Prodomus Paradisi Batavi, in quo Plantæ rariores omnes in Batavorum hortis hæcenus cultæ, & plurimam partem a nemine antea descriptæ recensentur; prout annexus Scholæ Botanici clarissimi Josephi Pitton Tournesfort, edente in lucem Simone Warthon Anglo, Amstelodami anno 1689 prodiiit.

Crescente igitur magis magisque plantarum numero, suarum esse partium arbitratus est Autor, ad imitationem Roberti Morison, Rami aliorumque recentiorum, cogitare serio de ordine ac distributione illarum methodica: non ignarus, ejus beneficio multum levare difficultates studii Botanici haud contemnendas. Eum ergo in finem non ea modo, quæ A. 1689 publice privatimque differuit huc spectantia, sub titulo Florum Floræ Lugduno-Batavæ edi a quodam suorum auditorum passus est: sed & præterea, quæ inibi corrigenda duxit, revisa superioris anni æstate, meliorique digesta ordine, in Appendice paulo post annexa exhiberi voluit. Erit autem Botanophilis non ingratum opus, si breviter recenserebimus summa plantarum genera ad mentem Autoris disposita.

Ee

Nimi-

Nimirum ante omnia dividuntur plantæ in Gymnospermas & Angiospermas.

Illius generis sunt 1. *Gymnopolysperma* seu seminibus post singulos flores plurimis nudis, uti sunt Chelidonia minor, Ranunculus, Anemone, Pulsatilla, Clematis, Pentaphyllum, Fragaria, Cariophyllata, Filipendula, Ulmaria, Thalictrum, Plantago aquatica, Sagitta, Malva & Alcea.

2. *Gymnodisperma* Umbellatæ seu seminibus post singulos flores binis; Feniculum, Cuminum, Meum &c.

3. *Gymnomonosperma*, seu seminibus post singulos flores solitariis; Valeriana, Valerianella, Limonium, Dentillaria, Mirabilis Peruviana & Fumaria. Quibus affines sunt Monocarpæ, Circæa atque Agri-monia; quamvis & Unicapularibus subjungi possint tanquam unicapularia disperma.

4. *Gymnosperma* floribus compositis, & quædam *pappescentes* & *laetescentes*, Lactuca, Chondrilla, Sonchus, Hieracium, Scorzonera, Tragopogon: *pappescentes non laetescentes*, Helenium, Aster, Doronicum, Conyza, Jacobæa, Senecio, Virga aurea, Eupatorium, Cacalia, Tussilago, Petasites, Elichrysum, Gnaphalium, Xeranthemum: item *capitata pappescentes* floribus fistulosis, Carduus, Cnicus, Cirsium, Cinnara, Jacea, Centaurium majus, Serratula, Cyanus, Lappa: & *laetescentes non pappescentes*, Scolymus chrysanthemus, Intybus, Cichoreum: & tandem *Corymbifera nec pappescentes nec laetescentes*, Flos Solis, Chrysanthemum, Calendula, Tagetes, Bellis; Chamæmelum, Matricaria, Ptarmica, Millefolium, Abrotonum, Absinthium, Artemisia, Draco, Tanacetum, Ageratum. Quibus affines sunt Scabiosa, Dipsacus & Eryngium.

5. Plantæ *Gymnodisperma* stellatæ, Rubia, Mollugo, Asperula, Asparine.

6. *Gymnotetrasperma asperifolia*, Borrago, Buglossum, Cynoglossum, Anchusa, Heliotropium, Symphytum, Echium, Cerinthe.

7. *Gymnotetrasperma verticillata*, Lavendula, Stœchas, Stachys, Betonica &c.

Ex altera parte *Angiosperma* sive quæ semina capsulis inclusa gestant, sunt:

1.) *Unicapulares polysperma*, Primula veris, Auricula ursi, Cortusa, Alfine,



Alfine, Lychnis, Caryophyllus, Nummularia, Anagallis, Portulaca, Hydrophyllon, Trifolium palustre, Glaux.

2.) *Bicapsulares polysperma*, Centaurium minus, Lyfimachia, Sani-  
cula, Blattaria, Verbascum, Gentiana, Digitalis, Gratiola, Hyosci-  
amus, Nicotiana, Linaria, Antirrhinum, Scrophularia, Pedicularis,  
Melampyrum, Euphrasia, Veronica: quibus addantur *bicapsulares*  
*disperma*, Branca Ursina, & Polygala.

3.) *Tricapsulares polysperma*, Hypericum, Cistus humilis, Pyrola,  
Gramen Parnassi, Viola, Asarum, Convolvulus, Campanula, Rapun-  
culus, Reseda, Valeriana græca. His annumerentur *Tricapsulares*  
*tricoeca*, Ricinus & Tithymalus.

4.) *Quadricapsulares*, Ruta & Stramonia.

5.) *Quinquecapsulares pentococca*, uti Geranium; & *polysperma*, Al-  
thæa, Cistus, Balsamina, Oxys, Capparis folio portulacæ.

6.) *Multicapsulares polysperma*, Nymphæa, Nigella, Linum: &  
*Multisiliqua polysperma*, Sedum, Telephium, Pœonia, Helleborus, Fraxi-  
nella, Caltha palustris, Staphisagria, Aconitum, Aquilegia, Consolida  
regalis.

7.) *Siliquosa unicasulares bivalves & polysperma*, Chelidonium majus,  
Sinapistrum, Hypecoon, Epimedium, Fumaria siliquosa: item *unica-*  
*psulares*, Clematis, Clematis Daphnoides, Asclepias, Apocynum, Nerium.

8.) *Quadricapsulares polysperma*, Lyfimachia dicta Chamænerion &  
corniculata.

9.) *Bicapsulares siliculosa tetrapetala* Thlaspi, Bursa pastoris, Nastur-  
tium, Iberis, Lepidium, Myagrum, Cochlearia, Leucojum incanum, &  
Iuteum utriculato semine: & *siliquosa*, Brassica, Rapum, Sinapi, Eruca,  
Erysimum, Nasturtium sylvestre, Raphanus rusticanus, Leucojum, Den-  
taria, Draba, Hesperis, Thlaspi Mechlinense: cum *siliquosis fungosis*,  
Raphano, Raphanistro.

10.) *Leguminosa papilionacea* jam sequuntur longa serie, *unicapsulares*,  
Phaseolus, Pisum, Lathyrus, &c: *bicapsulares* Astragalus & Tragacantha:  
*unicapsulares siliculosa*, Onobrychis, Melilotus, Trifolium: *unicapsulares*  
*cochleata*, Medica. Quibus addantur *siliquis unicasularibus papilionaceis*  
*affines*, Sēna & Mimosa, ut & *siliculosa quinq; capsularis*, Tribulus terrestris.

11.) *Tricapsulares* Lilium, Corona Imperialis, Martagon, Fritillaria,  
Tulipa, Hyacinthus, Ornithogalum, Squilla, Phalangium, Asphodelus,  
Dens canis, Leucojum bulbosum, Narcissus, &c.

12.) Tandem sequuntur *baccifera*, Rubus, Smilax, Bryonia, Christophoriana, Laurus Alexandrina, Ruscus, Polygonatum, Lilium convallium, Asparagus, Solanum, Moschatellina, Capsicum, Arum.

13.) & *Pomifera*, Cucurbita, Pepo, Colocynthis, Anguria, Melo, Cucumis, Flos passionis: quibus affines sunt Ficus Indica, Cereus, Ficoides, Ananas.

14.) Plantæ autem *apetale* sunt vel *monosperma*, Pimpinella, Lappathum, Bistorta, Persicaria, Frumentum Saracenicum, Polygonum, Blitum, Atriplex, Parietaria, Alchimilla, Amaranthus tricolor, Urtica, Cannabis, Kali, Ambrosia, Spinachia; vel *disperma*, Mercurialis, Xanthium, Plantago, Psyllium; vel *polyperma*, Beta, Amaranthus.

15.) Præterea dantur & *julifera*, Acorus, Ophioglossum, Equisetum, Typha: & *pilulifera*, ut Sparganium: & *epiphyllisperma*, Phyllitis, Hæmionitis, Polypodium, Lonchitis, Asplenium, Trichomanes, Adiantum, Filix.

16.) *Graminifolia culmifera* sunt Frumentum Indicum, Triticum, Hordeum, Oryza, Panicum, Phalaris, Miliun, Lachryma Jobi, Avena, Gramen; *non culmifera*, Cyperus, Juncus &c.

Seorsim autem in Flora pag. 153 & sqq. Arborum habetur dispositio, quorsum evitandæ prolixitatis gratia L. B. remittimus.

## LAURENTII INGEVVALDI ELINGII

*in Regia Upsal. Academ. P. P. Ordin. Historia Græca Lingua, cum præfatione Adami Reichenbergii P. P.*

*Lipsiensis.*

Lipsiæ, impensis Joh. Frid. Gleditsch, Anno 1691 in 8. Plag. 25.

**A**D quatuor capita, quæ de hoc scripto dicenda videntur, reduci-  
mus, scopum, argumentum, ordinem, & dictionem. Scopus  
est, quæ de Græca Lingua, ejusque cultoribus & fati, ex variis scrip-  
toribus, tam veteribus, Græcis æque ac Latinis, quam recentioribus  
haberi possunt, colligere, ordineque & per modum conscriptæ histo-  
riæ explicare. Argumentum constituunt origo, cultus, incrementa,  
decrementa, restauratio literarum Græcarum. Exhibentur Poetæ, Phi-  
losophi, Medici, Historici, Oratores, & qui in Græcia, & qui aliis locis  
floruerunt. Apparet, quibus occasionibus ad alias etiam gentes linguæ  
hujus

hujus studium devenerit. Videas aliorum sententias afferri, & nunc probari & confirmari, nunc refelli rejicique. Contingit interdum, non sine autoritate, quæ traduntur, affirmari. Contingit, conjecturis etiam indulgeri. Ordinem quod attinet, in quatuor partes opus dividitur. Præmissis enim de Hebraica lingua omnibus gentibus ante confusionem linguarum Babylonicam communi, confusione ipsa, aliisque generalioribus, prima pars ab origine usque ad tempora porrigitur, quibus Homerus florere incepit. Secunda viros eruditos exhibet, qui in ipsa Græcia clari fuerunt. Tertia ostendit, qua ratione ad alias gentes hæc lingua deducta sit. Quarta sistit decrementsa, & qua ratione post ista caput iterum exerere cœperit. In dictione observamus multos flosculos ex veteribus Latinis scriptoribus, imprimis Vellejo Paterculo, sparsos inveniri. Persuadetque §. 70, vel ipsum ordinem ex Floro petatum esse. Ut enim ille Romanam Historiam compositorum, populum Romanum ut hominem considerat, infantiamque ejus a Romulo per Reges ad Consules deducit; adolescentiam in eo tempore constituit, quo Italiæ populos vicerit inque patria quasi floruerit; virilem ætatem, quo usque ad Augustum gentes extra Italiam subegerit, totumque orbem pacaverit; senectutem denique, quo ignavia Cæsarum defecerit, usque dum sub Trajano laceratos iterum movisset: ita & infantia Græcæ Linguae statuitur ab origine usque ad Homerum; adolescentia, qua in patria per viros claros adoleverit; virilis ætas, qua ad alias gentes propagata sit; senectusque tandem, qua per irruptiones Barbarorum in Græcia defecerit, donec in Occidente post id tempus per viros in Italiam profugos restaurari quodammodo cœperit. Hæc nos recensenda duximus. Cætera, quæ vel ad scripti historiam pertinent, vel quid de ipso sentiendum sit, docent, ex eruditissima præfatione abunde haberi possunt, quam clarissimus Rechenbergius noster præmisit. Ex ea enim constat, partim, scriptum posthumum & post fata auctoris præmatura morte extincti ex Suecia in Germaniam allatum, Lipsiæ excusum esse; partim laudandum esse opus ob singularem industriam, qua compositum sit, utilitatemque quâ studiosæ juvæntuti elegantioribus bonisq; literis deditæ afferre queat; partim desiderari posse, quod quædam quæ ad ampliorem historiæ hujus lucem facere possint, parcius tacta aut prætermissa fuerint; im-

primis quod Autor novam opinionem clarissimi in Suecia viri, Olavi Rudbeckii, de characteribus Græcis a Runis veterum Gothorum exortis secutus sit, quæ apud eruditos fidem vix inventura videatur.

## אגרת אורחות עולם

id est,

ITINERA MUNDI; sic dicta nempe *Cosmographia*,

autore Abrahamo Peritsol; cum versione & notis

Thomæ Hyde.

Oxonii; e Theatro Sheldoniano, imp. H. Bonvvick bibliopolæ Londonensis, 1691. in 4. plagul. 31.

**Q**uem Vir celeberrimus *Thomas Hyde*, S. T. D. e Collegio Reginae Oxoniensi, Protobibliothecarius Bodlejanus, nuperrime Latii jure donavit, Judæus Avenionensis est, רבי אברהם בן מרדכי פריצול dictus, quod Latine vulgo effertur *R. Abraham, Filius Mordechai* פריצול *Peritsol* aut *Perizol*, rectius forsan פריצול sive פריסול *Peresol* vel *Parasol*, (quo nomine Italis Gallisque umbella mantuaria ab ardore Solis defendens vocitatur,) uti post *Julium Bartoloccium de Celeno* clarissimus Editor monuit.

Tria novimus opera a Judæo hoc composita. Primum est *in Jobum commentarius*, (פירוש על איוב) quem *Hydus* noster nunquam vidit, in bibliis vero Rabbinicis Venetis tum a. 278 [1518]—280 [1520], tum 283 [1523]—288 [1528] impressis, extare notavit *R. Schabbethaj Scrimerius* in *Sepher Siphthe Jesebenim* sive bibliotheca Rabbinica f. 88. n. 46. Cum rarissimus inventu sit, ampla ex eo excerpta, sed Latine tantum, suis in *Jobum* commentariis merito inseruit *Sebastianus Schmidius*, sacrarum literarum interpres felicissimus.

Alterum est מגן אברהם, *Magen Abraham*, *Scutum Abrahami*, id est, disputatio contra Christianos; juxta *Hydium*, qui libri exemplum (nondum typis excusum) ac mole suppar *Itineribus mundi*, in Bodlejana a se servari, p. 151. testis est. Paulo plura de eo *Schabbethaj* tradit f. 39. Nimirum duabus ait absolvi partibus, quarum utramque Amstelodami MSCtam reperire liceat. Priorem completi ירכיח הרת בין היהודים והנצרים *disceptationem de religione inter Judæos*

*Judaos & Christianos*; posteriori sermonem institui de Judæis, qui ultra Æthiopicos & Sabbaticum fluvios degunt, ut & de quibusdam Muhammedanorum ritibus.

Tertium est *Cosmographia* præsens, triginta capitibus constans, cuititulus est Hebraice: **ארת ארחת עולם** Jggéreth Orchoth Olam, *epistola*, (sive *libellus* epistolæ inolem non multum excedens,) inscripta: *Itinera mundi*, exarata Ferrariæ a. 285. id est, Christi 1525. Meminere opusculi hujus *Buxtorfius* & *Hottingerus*, sed cum *commentario in Jobum* perperam id confuderunt. Rectiora de eo docuere *Bartoloccius*, *R. Schabbethai*, ac *Altorfensium Polyhistor Wagenfilius* in exercitationibus & ex varii argumenti, a. 1687. editis p. 161: tamen si *Bartoloccium* plus simplici vice cespitasse, passim monstret *Hydius*. Quamvis vero & *Ferraria* a. 285. Christi 1525, & *Venetis* a. 347. Christi 1587, prælum subiisse feratur sapius memorato *Saturnino* (sive *Schabbethao*) *Strimero*, non licuit tamen Thomæ Hydio tam beato esse, ut exemplar ullum typis exscriptum oculis posset usurpare. Tanto autem felicius fuit in MSCtis exquirendis, quorum primarium invenit inter codices *Laudianos* in *Bodlejana* sua; alterum *Venetis* emi curavit ac in propriam bibliothecam reposuit. Cum itaque in ea esset sententia, a cosmographo hoc *Avenionensi multis post se parasangis relinqui* notissimi *Judæi Benjaminii Tudelenfis Itinerarium*, quod tamen curis suis non indignum censuere *Benedictus Arias Montanus*, *Constantinus l' Empereur* & (qui nondum, quod molitur, opus absolvit,) *Matthias Fridericus Beckius Augustanus*, sapiuscule in his *Eruditorum Actis* laudatus; copiam illius nova editione philologis faciendam esse, non immerito persuasus fuit. Addidit versionem Latinam verbalem atque accuratam e regione, & subjecit singulis fere paginis animadversiones & notas, sed eruditas ac ipso textu meliores.

Mittamus *Perizolidem*, qui ubi vera narrat, nihil fere habet, quod non e Christianis geographis tutius petas, ac ubi fabulas illas de decem *Israelis* tribubus in nescio qua *Utopia* superstitibus, a *Spizelio* aliisque ut par fuit exhibitas, occentat, non adeo dignus est, cujus excerptis relatio hæc nostra nimium turgescat. Ex commentatore autem doctissimo pluscula excerpere, bona cum lectoris venia licebit. *Barbaram Numidiæ seu interioris Libyæ linguam Aquel Amarig* dici, p. 16. *Joannes Leo* memoriæ prodidit, nescius, quid vocibus illis notaretur.

Nec

Nec felicius earum sensum investigavit *Golius*, qui scribendas putavit  
 أوائل *Auwel Amarig*, ac exponendas *suavis & nobilis lingua*;  
 At, si Nostrum audias, *Leo* a Muhammedanis itineris comitibus, in-  
 terrogatis, qualis Numidarum illorum esset sermo, responsi loco,  
 non peculiare aliquod linguæ nomen, uti *Leo & Golius* putarunt,  
 sed verba ex contemtu, quo ethnicos Muhammedani afficere solent,  
 profecta, accepit: أقوال *Aquel Amarig*, id est, sermones

In adden-  
dis. garrulitatum ineptarum. In *Ulug-beigho*, omnia *Chataica* seu *Sinica*  
 vitiose legi observat; quæ (inquit,) si literarum patronis imprimendi  
 sumus facere placeret, facile restituere & emendata edere possem; addi-  
 tis insuper plurimis aliis capitibus de *Sinenfium* idololatria, opinionibus  
 de *Deo & Paradiso*, de *Gehenna & gradibus & modis supplicii*, de litera-  
 tura & libris & charta & imprimendi modo & antiquitate, de docto-  
 rum virorum gradibus & modo promovendi in philosophia & dein in mi-  
 litia, de modo perveniendi ad dignitates in aula regia; cum pyxide forti-  
 lega, & compasso ventorum, & symbolo Apostolico, & decalogo, & fami-  
 liaribus colloquiis, & epistolarum formulis, & aliquot *Geographicis* aliis-  
 que pluribus; cum omnium characteribus *Sericis & eorundem sonis*.  
 Fortean, quam jam olim edere voluit *geographiam Arabicam Abulphe-*  
 præfat. de, suo tempore idem vir πολυγλωττωτατος publici juris facier.  
 p. 21. Promisit itidem dissertationem de *Tataria* seu *Turcia Asiatica & ori-*  
 p. 26. 169. entali; *Notas biblicas*; *Historiam Regum Persia*, aliaque, quæ avide a  
 p. 13. 8. nobis expectabuntur. Pro obscurissimo *Talmudis* vocabulo, גבול,  
 p. 19. (quo de *Joh. Bened. Carpzovius* nostras, in eruditissimis ad *Schickardum*  
 notis p. 465. nonnulla conjectavit,) in emendatissimo *J. Seldeni* ex-  
 emplari ad marginem haberi refert correctionem Critici *Judei*: הלבנת  
*Libanon*. Ac hac ratione nodus ille aut solvitur, aut scinditur.

p. 25. Notat *Perizolidis* ineptam versionem *Magni Canis* (b, e. قال  
 Imperatoris) per כלב הגרר. Putavit nempe *Judæus*, a cane (bestia)  
 Tatarorum Imperatorem in *Itolorum* lingua il gran Cane nominari.  
 Solet enim nomina propria exotica *Hebraice* quandoque vertere,  
 uti *Granatam Hispania* רמון ספרד, *Tridentum* (Trente) שלש שיניים, &c.

p. 42. Apud *Plinium* lib. V. c. XIX, alias XXIII. vulgo legitur: *Cæle-*  
*syria* habet *Apamiæ* *Marsya* amne divisam a *Naxer* inorum *Tetrarchia*:  
*Bambycen*, quæ alio nomine *Hierapolis* vocatur, *Syris* vero *Magog*. Quod  
 nemini

nemini adhuc animadversum, *Mabog* pro *Magog* legi jubet *Hydius*, ac primo urbem illam olim *Mambe* appellatam, testem citat *Calcasen-*  
*dium*, qui T. II. p. 29, interprete Anglo nostro, scripsit: *Hierapolis*  
*structa est per Cosroes Reges Persia & dicta est مامبه Mambe; quod dein*  
*Arabizarum fit مامبغز Mambez.* Inque ea olim fuit *αρχαίων Persarum*.

Observat porro *He* finale in Persicis nominibus in *Koph* vel *Gjim*, item-  
 que *Pe* aut *Be* in *Mim* vulgo mutari. Hinc statuit, urbis antiquum  
 nomen fuisse مامبه *Pambe*, quo significetur *bombyx* seu *bombycinum*  
 quodvis, propter *bombycina* lana in illius regionis arboribus nascentis  
 copiam. Pro *Pambe* vulgus dein effutuisse *Mambe*. Præter alia  
 transmutationis ejusmodi exempla, (quæ omittimus) *Bombycinum*  
 scribi & *Mamug*, & *Mamuc*, & *Pambuc* vel *Bambuc*. Ideoque ur-  
 bem istam Græcis dictam Βαμβύκην, q. d. *bombycinam* urbem, *bom-*  
*bycis* copia gaudentem. Quæ autem Arabibus *Mambigz*, Syris sa-  
 lutari *Mabog*. Isa Bar Ali Syrus: مامبغز مامبه

مابوغ مامبه مامبغز *Mabog est urbs quadam, quæ scil. est*  
*Hierapolis: nempe urbs Mambigz.*

Terram *Uz*, Jobi patriam, (alias montem vel terram *Seir*, aut ter-  
 ram *Edom* dictam, uti pateat ex *Thren. IV. 21.*) id nominis accepisse  
 ait ab *Uz* filio *Disan*, Horita, *Gen. XXXVI. 28.* *Belam* filium *Beor*, Regem  
*Idumææ*, *Gen. XXXVI. 32.* eundem esse arbitrat cum *Bileamo* *Beoris*  
 filio, *Num. XXXI. 32.* ejusque successorem *Jobabum* cum *Jobo*, speculo  
 patientiæ. Argumentum hoc latius exequitur Auctor, quem videsis.

De triremibus Venetis & Turcicis luculenter agit, simulque p. 80. f  
*Arsenalis* & *Dogana*, h. e. *Navalis* & *telonii* Veneti, etyma ex lingua  
*Turcica* eruit.

Ecclef. XII. II. per בעלי הסופות *autores constrictionum* cla- p. 94.  
 vos ferreos majores longos intelligit, quibus communiri solent rota-  
 rum canthi & quibus geminati asseres constringuntur ac combinan-  
 tur, dum crassiores urbis aut majoris domus portæ seu duplices fores fa-  
 bricantur. Itaque pro: *As nailes fastened by masters of assemblies,*  
*vertere mallet: As nails fixed, which are Binders,* addito scholio mar-  
 ginali: *great binding nails.* Q. d. Verba sapientum sunt sicut clavi in-  
 fixi combinatorii.

De *Amomo*, de *Sanguine Draconis*, (arboris *Canariensis* succo) p. 103-104

p. 110. f. de *Ambra*, de *Benzoin* sive laserpitio dulci, amplas ac lectu dignas digressiones instituit, Medicis cumprimis usui futuras. Sufficiant hæc  
 p. 159. ff. gressiones instituit, Medicis cumprimis usui futuras. Sufficiant hæc  
 p. 162. f. speciminis loco.

Accedit volumini huic appendix duplex; Primo nempe loco *Tractatus* Alberti Bobovii, de *Turcarum* *liturgia*, *peregrinatione* *Mecana*, *circumcisione*, *agrotorum* *visitatione*, &c. Accepit hunc Editor a doctissimo *Thoma Smitho*, Doctore Theologo, ad cujus preces in chartam eum conjecerat *Albertus Bobowsky*, gente Polonus, qui primo ætatis flore a Tataris captus & Turcis venditus viginti annis in Seraglio educatus, ac tandem, ejurata Christi fide, *Tergjuman Bashi* sive primarius interpret in aula *Muhammedis IV. Sultani* factus est. Cum religione & nomen mutavit vocarique suevit *Ali-Beigh*. Multa scripsit, præsertim *Grammaticam* & *Lexicon* linguæ Turcicæ, & circa annum 1653. rogatu D. *Bafire*, Ecclesiæ Anglicanæ *Catechismum* Turcice vertit, itemque tota *S. Biblia* in eandem linguam transtulit in gratiam D. *Levini Warneri*, qui, (ut typis mandari possent) transmisit ea Leydam, ubi hodie in bibliotheca publica, sed MSCta tantum, asservantur. *Psalmos Davidis* ejusdem manu Turcice scriptos Hydius possidet. Morte præreptus est, antequam ad Christianismum rediisset, quod facere ex animo cupiit, desiderans, in Anglia inter Christianos honesto aliquo modo panem lucrari. Cum itaque a Muhammedano scripta sit hæc relatio, de arcanis ceremoniis, quibus nullum Christianorum interesse fas est, & fide dignam & eruditis gratam fore, Bodlejanus Protobibliothecarius confidit; qui suis quoque annotationibus eam auctiorem reddidit atque explanavit; figillatim vero *Rycautum*, autorem *Historia Imperii Othomannici*, in Supplementis nostris memoratæ, refellit, docuitque mulieres Turcicas omnino sperare, se aliquando, æque ac viros, in paradysum receptum iri, quod iste p. 271. negaverat. Subjunxit Noster titulos rû *Tatar-chan* Crimensis, *Imperatoris Turcici* & *Magni Vezirii*, cum versione Latina.

Appendix altera constat unica plagula hocque titulo insignitur: *Castigatio in Angelum a S. Josepho*, alias dictum de la Brosse, *Carmelitam discalceatum*, sui ordinis in *Ispahan* *Persidis* olim *Præfectum*. Prodiit nimirum a. 1681. Parisiis *Pharmacopœa Persica*. Hunc ex Persico in Latinum se transtulisse editor *Angelus a S. Josepho* gloriatus, plagii capropter

ab



ab *Hydio* postulatur, cum versio illa *P. Matthæi* opus sit. Adjecerat autem in præfatione digressionem *de bibliis polyglottis Londinensibus*, ac in versionem Persicam *Simonis Tabrizensis*, eis insertam, hujusque editores *Samuelem Clericum*, *Brianum Waltonum* & *Thomam Grævium* virgulam censoriam nimis libere expedierat. Cum itaque & *Thomas Hyde* triumvirorum illorum συνεγγὼς fuerit, famam mortuorum vindicare, suum esse existimavit. Acri ergo stylo par pari refert & in Carmelitam ob inscitiam ac temerarium judicium graviter animadvertit. Probat, *Simonem Tabricensem* non reprehendendum, quod *Jesu* Servatoris nomen ايسى *Isa*, expreſſerit, cum non tantum Muhammedani sic loquantur, sed & in Xaverii historia evangelica & in sigillo, quo Pater *Joannes Carmelita*, *Brassii* Antecessor, autographum Psalterii a se Persice versi muniverit, eundem in modum legatur. *Gjan-pák* nomen esse *Spiritus Sancti* in lingua Persica unicum & commodissimum, contra censores illum disputat & ad missionarios Jesuitas appellat, qui in versione *Evangeliorum* Persica dicant, Christum conceptum esse a *Gjan-pák*, & in desertum ductum a *Gjan-pák*, &c. Eodem vocabulo, neutiquam contumelioso, ab interpretibus Persicis verba Alcorani arabica رُوحُ الْقُدُسِ h. e. Ebraice רוח הקודש *Spiritus Sanctus*, quo nomine Deus unus Muhammedi venit, nunquam non reddi. Ut ut igitur *Gjan* primario notet animam sensitivam, postea tamen id translaturum ad mentem Divinam seu Spiritum Dei, quemadmodum quoque רוח & ارواح primo spiritum materiale sive ventum indicent, hoc tamen non obstante sublimiorem postmodum significationem nanciscantur. Similem in modum & Verbum سرشت *Serischten* primario esse deſere massam farinæ, deſendendoque temperare & indere ei fermentum. Deinde autem figurate Nomen سرشت *Serische* significare hominis indolem, temperamentum vel naturam, quæ ei quasi indeſitur & immiſcetur. A natura humana tralatum usurpari deinceps de natura divina. Nequaquam ergo fuiſſe, cur Angelus objurgaret *Simonem Persam*, quod verba Christi: Sicut Pater habet vitam IN SEMETIPSO, expreſſerit: in (SERISCHT, h. e. non fermento, sed) natura sua, sive in semetipſo. Defensione non egere dicit, quod baptizinus Lavacrum alicubi eidem *Simoni* vocetur, cum revera lavacrum regenerationis sit. Sed omnium maxime displicuerat *Angelo de la Brosse* nomén Christiani ترسا *Tersa*, cum

hoc ex ejus sententia *Ignicolam* potius vel *Infidelem* notet. Docet ergo *Hydius*, auctoritate multorum scriptorum Perficorum partim Christianorum, partim Muhammedanorum, *Terfa* esse nomen Christianorum apud Persas unicum ac proprium, quod formali suo conceptu nihil contumeliæ contineat, quin vi etymologiæ notet *Timensum*, q. d. eum, qui maxime timet Deum. Fraudi fuisse conjicit *Angelo*; quod *Terfa* in quibusdam Lexicis Muhammedanis exponatur *Kiafir* i. e. *Infidelis, perfidus, apostata*, eo quod contumelioso isthoc nomine Muhammedanis Christiani non raro appellari soleant. Unde & vocem *Nafrani* (Nazarenum, sive Christianum) per idem *Kiafir* interpretentur. Hinc forte *τῷ Kiafir* addere voluisse sciolum aliquem aliud, quod putarit, synonymum, *Ignicolam* nempe, quia & *Ignicola* non quidem *Terfa* h. e. Christianus, attramen *Kiafir* infidelis, vocitari soleat. Hæc *Hyde* reposuit cavillationibus Carmelitæ. Quod si excerpta nostra paululum obscura nimiumque succincta videantur, benevolus lector conferre poterit, quæ a. 1682. p. 181. s. ex Angeli de S. Josepho *Pharmacopœa* ad Acta Eruditorum retulimus; sicque status controversiæ satis dilucide patebit. Cæterum minatus est *Hydius*, Carmelitam, ni quiescat, adhuc pejus vapulaturum, magnamque se errorum segetem indicaturum tum in ea, quam diximus, *Pharmacopœa*, tum in *Gazophylacio lingua Persarum*, cujus mentionem a. 1684. p. 439. fecimus.

## JOH. ROD. VVETSTENII FIL. DISSERTATIO de Historia Susanne.

Basileæ, typis Jacobi Bertschii 1691. plag. 8.

Auctor Dissertationis, *Johannes Rodolphus Wetstenius*, Filius, SS. Theol. D. & in Academia Basileensi Professor ordinarius, uti quamplurimis aliis, ita cum primis vel hoc nomine celebris est, quod quatuordecim abhinc annis *Origenis epistolam ad Julium Africanum* omnium primus Græce edidit. Ad hanc Latine vulgatam confidenter provocaverant *Bellarminus, Pererius, Sixtus Senensis, Halloix*, aliique Pontificiorum, *Historiam Susannæ*, ut *canonicam* scripturæ partem, defensuri. Nimirum putaverat Africanus, historiam istam scriptum esse adulterinum, fictitium, novum, hebrais codicibus ignotum ac Phylionis

*hisionis mimo comparandum.* Ferre id non potuit Origenes, pro eo, quo veteres ecclesiæ mores ritusque amplectebatur, affectu, operosiusque contra Africanum demonstrare nixus est, librum illum, non quidem, (quod Papæi juxta Wettstenium Origeni affingunt,) *canonicis*, saceris tamen ac in ecclesia prælegi solitis accensendum, adeoque non tantopere contemnendum aut inter *fabulas* rejiciendum esse. Hanc veram S. Patris mentem esse, sex argumentis probatum ivit Noster, lectu oppido dignis. Præstat tamen percipere, quomodo speciosæ adversariorum objectioni satisfaciat capite VIII eoque totius dissertationis ultimo.

Affirmat Origenes p. 234. *Seniores (Judæorum) Susannam suffuratos esse & abstulisse ἀπὸ τῶν γραφῶν, a scripturis.* Videri ergo posset existimasse, hanc olim partem genuinam τῶν γραφῶν θεοπνεύτων fuisse. Respondet *Wetstenius*, vocem γραφῆς non tantum de canonicis scripturis, sed & de libris, utut apocryphis, utilibustamen ac res sacras tractantibus, ecclesiæ doctoribus crebro usurpari. Sic Origeni ipsi apocryphum, in quo Esaiaæ dissectio descripta fuit, Irenæo librum Pastoris, aliis alios hujus commatis libros vocitari. Sane modo laudatum *Adamantium* p. 241. epistolæ suæ, non inter ῥητὰ ἢ Φανερά, *aperta ac canonica*, quale Danielis prophetia, sed ἀπόρρητα sive *arcana sacrarum rerum volumina* apud Judæos servata, *Susannam* referre. En Viri verba. Οὐδὲν ὃν θαυμαστὸν, ἐξημνέουσιν αὐτὴς πινὰς τὸ περὶ Σωσάννης ἐβραϊκόν, ἐν ἀπορρήτοις, ὡς εἶδος, πάλαι παρ' αὐτοῖς κείμενον, κλ. Non igitur mirum, interpretes quosdam Hebraici de *Susanna textus* (in occultis, ut videtur, libris olim apud illos habiti & apud doctiores & veritatis amantiores conservati) aut primitivas edidisse dictiones, aut invenisse similia Hebraicis denominativa. Statuere ergo Origenem solummodo, *Susannam*, quod suo tempore apud Hebræos desideraretur, fraude quorundam Seniorum deperditam ac ablatam esse ἀπὸ τῶν γραφῶν, ἀπορρήτων nempe, non vero *canonicarum*, sive ἐνδιαθέτων aut ῥητῶν, utpote quas divinæ providentiæ beneficio ita conservatas esse, non uno loco ipse Pater asserat, ut nihil detrimenti passæ sint, sive fraude, sive incuria Judæorum.

His expeditis, alios quoque Origenis locos *Wetstenius* vindicat, ac ea ratione argumentum suum tota passim dissertatione pertractat, ut multa in universa de Apocryphis controversia observata necessa-

ria, quanquam nec *Gerhardo* nostrati, nec *Riveto*, aliisque Reformatorum penitus intacta, in medium afferat, ac optimo ordine perspicuoque dicendi genere eadem eloquatur.

**JO. NICOL. PECHLINI, SERENISSIMI**  
*Cimbriae Ducis Consilarii & Archiatri Observationum Physico-medicarum Libri tres, quibus accessit Ephemeris Vulneris Thoracici & in eam*  
*Commentarius.*

Hamburgi, ex Officina Schultziana, 1691. in 4. Constant plagulis 82.  
 & Figur. plag. 2.

Cum in singulis & obviis quotidie morbis singularia quoque vigilanti Medico occurrant annotanda, rarissima vero ad usum minus accommodata sint; ea, quæ hic sistuntur observata, neque rara nimium esse, nec vulgaria, ab ipso Celeberrimo Autore in Præfatione Epistolari, qua veniam libertati suæ, solennes Academiæ Naturæ Curiosorum leges transilienti, apud Venerabilem hujus Præsidentem Volckamerum prætendit, perhibentur. Indices autem, quibus singulæ Observationes tribus libris cōprehensæ inscribuntur, fere nihil promittere dicuntur; forsan, quod parvi videantur momenti in comparatione ad immensam illam rerum penum, quæ ubique, vel quoad generaliora saltem porismata, vel quoad specialia simul paradigmata, depromitur, quæque vel e paucioribus a nobis huc transferendis mox elucescet. *Libri. I. ex LXXII Observationibus* compaginati, *Observatione 2.* in calculo vesicæ ejusque conditione cathetere explorandis circumspicte agere jubentur Lithotomi, ne carneo quodam vel scirrhuso vesicæ tumore, cathetere sonitu minus tinnulo minusque duro repellente, decipiantur, neve calculi positu, figuraque & nexu negligentius indagatis, sectionem præsentaneo cum vitæ discrimine aggrediantur, qualem Pater æque religiosus Aurelianensis, quam filius patricii cujusdam Hamburgensis omnino sustinerint, ceu in quorum illo tota vesica intus lapide obducta, in hoc vero lapis durus duodecim unciarum undique vesicæ agglutinator, ut sine ejus ruptura haud potuerit divelli, post mortem apparuerunt. Calculum quippe revera mendacem esse, *Obs. 3.* duorum virorum exemplis confirmatur, quorum prior plusquam sexagenarius

genarius, cunctis calculi signis præsentibus, ab ipso Ludovico von Hammen felicissime sectus & ad sanationem quoque postmodum perductus nullum calculum, sed scirrhum saltem vesicæ innatum, acuto forcipe frustillatim eximendum, dedit; posterior autem Normannus 65. annorum, postquam se Jannotti & Collotti, celebratissimorum Lithotomorum, manibus curandum commississet, calculum equidem trium unciarum extrahendum, item duos alios nucis avellanæ magnitudine per plagam concessit, mortem tamen nec hac ratione quarto & vigesimo a sectione die evitare potuit, tuberculis callosis & tartaro internam vesicæ superficiem obsidentibus. Rarum autem est, quod *Obs. 4.* in puero quodam a Lithotomo mercenario, dubia quamvis calculi indicia essent, ac Medicus reniteretur, temeraria manu secto non calculus, sed quarto post die cum emplastro vermis spithamam excedens, remotus fuerit, a rene qui dextro per ureterem ad vesicam transierat; in quantum exilis in dextro latere tumor, a renibus secundum ureteris ductum ad vesicam usque extensus, atque intolerabili cruciatu stipatus, non solum præcessit, sed in cadavere, ex vulnere viriumque lapsu octavo die occumbentis, ren quoque dexter ultra modum magnus cum pelvi & uretere iusto majoribus comparuit. *Obs. 7.* uti calculorum diversimode figuratorum mentio injicitur, ita & pisiformes crena hiloque distincti producuntur, ab inopi in Batavia puero per tumorem perinæ, cui emplastra & linimenta a Chirurgis frustra fuerant admota, sponte suppurascentem & aliquando post liberaliorem piforum ingurgitationem nimis prurientem, unguibus propterea nonnihil laceratum, cum pure excreti. *Obs. 11.* in pharmacopœo aulico a renum & vesicæ calculo alias misere divexato, cum aliquando ichuria 11. dierum laboraret atque copiosissime biberet, urina per alvum quinquies vel sexies de die eliminata refertur; utrum vero a vesica in substratum proxime intestinum rectum per novas tubulatasque vias, an a renibus ad intestina deducta fuerit, in obscuro relinquitur. *Obs. 19.* quatuor hydatides pyriformes in cadavere gravidæ ab uteri ligamento lato ejusque laciniato margine ex vinculis rotundulis & vel digitum longis libere propendentes; aliæ autem non ita longe ab ovario ejusdem ligamenti plano adstrictæ, commemorantur. Num vero hæc vesiculæ ab ovulis sede sua extrusis & velut hypenæmii, hinc etiam pedunculo nimia humiditate laxato debeantur,

beantur, an a lymphaticorum vasorum valvulosa obstructione hincque nata extensione ligamentosa atque ampullata oriantur, aliorum pariter arbitrio committitur. *Obs. 23.* Colis gangræna, febre lipyria, hæmoptoe, hæmorrhoidibus & diarrhœa cincta, ab idiota superveniente aqua fere insipida traditur extincta, forsan decocto vitri, a nonnullis pro arcano empirico in gangræna commendato. *Obs. 25.* foetus jam foetens & manu pedeque, intestinis etiam evolutis, ab obstetrice truncatus, fortuito demum saltu, quo mater novem dierum partu frustra defatigata velut furibunda e lecto se præcipitaverat, exclusus innuitur, ipsa quoque puerpera ex febris delira & urinæ incontinentia, quam vis intulerat, convalescente. *Obs. 36.* multæ matres Lugduni Batavorum beneficio mensium, toto graviditatis tempore vel brevi ante partum fluentium, a morbo illo Epidemio, qui anno hujus seculi 69. totam urbem sine discrimine vastabat, annotantur præservatæ. Imprimis Matronam quandam Autori notissimam, jamque quinque liberorum matrem, circa medium gestationis tempus a contumacissimo & ad extremam usque partus horam perseverante sanguinis stillicidio adeo correptam fuisse, ut Medici plane desperarent, ipsaque mater generoso sibi consilio funus appararet; adventante nihilominus Lucina, foetum obesulum & nitidum longe commodius, quam unquam alias, edidisse. Menstrua interdum per verticem, pedum ulcus, nares vel pulmones exitum quærere, *Obs. 38. 39. 40. & 43.* ostenditur. A sanguine item menstruo in caput regurgitante virginem quandam servilis conditionis visum tunc amisisse, vena vero secta eundem recuperasse, *Obs. 42.* indigitatur. *Obs. 57.* dum varia circa flatum in primis viis aut vasis quoque sanguineis oberrantes, eorumque causas edocentur, id oppido rarum, quod solus decubitus in unum alterumve latus tantam in Titio generaverit flatuum & borborygmorem copiam, gravissimis comitantibus symptomatis, cardialgia, frequentia pulsus & sudore frigido, ut non nisi erecto in angulum corpore & mutato viscerum situ a præsentis periculo liberari potuerit, quatenus tum *αἶμα καὶ χόλη* missi ructus crepitusque in speciem cholerae ventriculorum & intestina omnino exoneraverat. Icterus a depravata sanguinis textura unice deducitur *Obs. 58.* neutiquam ab obstructione hepatis aut folliculi fellei, cum, obstructionem ejusmodi icterum vel concomitari, aut nullam plane esse, imo aliquando folliculum tum a bile

a bile crassiori, tum a calculo obstrui absque auriginis præsentia, exemplis evincatur. Hydrops vero icteri vel comes vel antesignanus ad duas refertur causas, lymphaticorum videlicet rupturam & capillarium vasorum obstructionem itidem a sanguinis vitio dependentem, quæ in specie quomodo hydropem tam universalem, quam particularem producat, *Obs. 60.* affatim explicatur. *Obs. 65.* mirabilia accidentia in adolescentulo a clandestino lumbricorû fermento patrata recensentur. *Obs. 67.* Scorbuti indoles atq; curatio prolixius designantur, ejusque affinitas cum lue venerea, *Obs. 72.* adumbrata, singulari cujusdam Scorbutici exêplo, præter totius corporis tubercula bubonibus quoq; inguinum & pudendorum furunculis divexati, comprobatur.

*Lib. II.* quem LXX *Observationes* complent, *Obs. 1.* verus polypus utrumque cordis ventriculum diversa mole inhabitans e corpore Æthiops illius foemina, quæ ansam quondam librû de nigredine Æthiopum conscribendi Autori suggessit, protrahitur. Pseudopolypus autem niger atque tenax sinus cerebri occupans in muliere, ex atrocissima multorum annorum cephalæa pereunte, *Obs. 2.* detegitur. *Obs. 4.* tres exhibentur calculi tussi a studioso quodam Anglo sine ulteriori incommodo rejecti, a lymphæ forsân bronchiorum ab halitu Gorgoneo subito coagulata enati. Quamvis ex incisa vena rarissime sanguis prorumpat albus, *Obs. 13.* nihilominus Polonus quidam vexillifer doloribus alias modo arthriticis, modo nephriticis, nunc hypochondriacis exagitatus memoratur, e quo purpureus aliquando sanguinis rivus, etiam repititis vicibus emissus, mox ad aeris patinæque commercium colore niveo indutus fuerit. Variolas in viro juvene post venam sectam feliciter erupisse, imo foeminam quandam nobilem, cum variolæ jam in cutim essent protrusæ, insciis Medicis venam in utroque pede non sine successu sibi incidendam curasse, *Obs. 14.* indicatur. • Quemadmodum de Arthritidis natura, medela & prophylaxi *Obs. 25. 26. & 27.* agitur: ita *Obs. 28.* prodigiosa podagræ annectitur cura, dum peditum præfectus jam per tres septimanas rigida hyeme pessime a podagra habitus, remediis olim proficuis nihil conducentibus, insultum ejus ex villici cujusdam suasu sola nive, tam eandem affricando, quam super eam nudatis pedibus ambulando, compescuit; non secus atque Princeps quidam Regii sanguinis, post itidem frustrata Medicorum consilia, dolorem podagricum frigida salsa de-

linire fructuose consuevit. Inflammationem oculorum nonnunquam vermiculis deberi, *Obs. 35.* indigitatur exemplo cujusdam puellæ, quæ licet ciliorum rubedine & prurigne molestissima quinque jam annos laborasset, atque sal Saturni, saccharum candum, mel aliaque incassum adhibuisset, suæ tamen vetulæ demum accedentis dimidiato ovo ad duritiem cocto & vitello exempto, quoad cavum oculi convexo calide admoto, & animalcula minuta lentium instar evocante, statim a prurigne liberata fuit. *Obs. 42.* miles producitur, cui, duobus digitorum internodiis in prælio abscissis, unguis in ultimo internodio renati fuerunt, quamvis foedi ex parte ac rugosi. *Obs. 50.* sacerdotis mentio fit, animam semper foetidam, quoties vero gravioris morbi tempestas instat, gratum & odorem moschi spirantem, exhalantis. Cum omnes plantarum succi plus minus lenitivi *Obs. 60.* videantur, saris accensendum, quod Principi cuidam maximum sanguinis & ventriculi ardorem non alio temperare remedio, quam centum mori fructibus quotidie jejuno ventriculo sine alvi damno ingerendis, solenne fuerit. Tandem Paralipomena, quæ circa Chamæleontem *Obs. 70.* conduntur, ante omnia colorum hujus varietatem, tot symbolis fabulisque jactatam, in unius viroris, prout constat, ex cœruleo ac flavo conflati, & obscuro-nigri graduâ mutatione scrutantur.

**TAB. V.** Hinc partes Chamæleontis dissecti & Fig. 4. delineati evolvunt, observando: cutim cancellatam fuisse visam, deductis secundum longitudinem corporis lineis, quæ a mediis & lateralibus sectæ interstitia quædâ latiora, alibi quidē magis irregularia & aspera, imo squamosa, velut colliculos convexo-concavos & ab aere inflandos, comprehenderint. A aperto ventre præter venarum sanguinearum ubique copiam & viscerum intus omnium a superficiali quodam rore singularem nitorem, in conspectum prodiiisse; Ventriculi I. superficiem albam multisque venulis pertextâ; Intestina KKK ob pelluentem tenuem membranulam amaneatam nigra, interius cum ventriculo viscida pituita obducta bileque ex parte tincta; bilis Vesiculam M eleganter rotundam succique non nimium amaricantis plenam in sinistro latere, quo Hepatis LL lobus unus rejectus erat. Lienem impune defecisse, nisi forte particula quædam rudis atque cruenta, ventriculi convexo negligentius adfuta, pro liene accipienda veniat. Remotis autem intestinis Ovarium Botryoides FF

vitel



vitellorum rotundulorum, & ut numero ita quantitate crescentis spectaculo mirifice oculos delectasse. Ad postica prope spinam lumbarem, ubi alias muscoli psoas locantur, Renes quoque GG a Panarollo falso negatos, deprehensos fuisse cum ureteribus inscriptis ac circa HH in uropygium exeuntibus. Ast abdominis visceribus exemptis costarum miram apparuisse & mechanicam dispositionem, candoremque earum pulchre distinxisse serpentem per media venulam, nervulis sociatam; Pulmones NN, ut in lacertis, quorum genus est, vesiculares & arcis suis comprehensos, perreptantibus quoque divisuras singulas vasculis sanguineis; Asperam Arteriam ex teneris mobilibusque annulis conflata, intusque & extus membranula obvolutam; Corque O cum auriculis paulum inclinatum. Præ cæteris tamen singularem & miram fuisse texturam linguæ missilis, e tendine osseo, theca nerveo-ligamentosa tubulata & pulpa crassa coagmentata: tendinensi scilicet osseum, duabus apophysibus DD uncis & reflexis multa carne vestitis exsurgentem, ac in linguæ longitudinem circa C abeuntem, ossi hyoidi E multa pariter carne cooperto per arthrodiam adhæsisse; thecam vero tubulatam C, quamvis elongata corporis longitudinem æquarit, totam tamen tendini osseo tres fere uncias longo annulata plicatura inductam fuisse, & ad latus nerveis cincinnis arteriolisque per textam; pulpam denique linguæ B peculiarem obtinuisse cavitatem A, quæ intus porosa ad pressionem copiosum viscum etiam triduo post sudarit, atque aquæ immacerata totam hanc glutine impleverit. Hanc emissitiam linguam a Chamæleonte quidem ætate, cum apricatum venit, adhiberi ad insecta, segnem corporis motum facile evasura, celeriter apprehendenda viscoque illo detinenda; hyeme autem adventante, ubi latebras petiit, omnem ejusdem usum, uti aliarum fere partium, cessare, nisi quod copiosus succus in spongiosum illius contextum affluens necessario in clauso tunc oris ictu ad ventriculum regurgitare, & labascentium viscerum actionem sustinere videatur. Alias a mero tum aere hoc animal conservari, & quidem temperato, cum in nostro aere & supra terram nullus unquam Chamæleon post hyemem superstes vixerit, neque insecta in os intrusa post tres septimanas in ventriculo immutata fuerint deprehensa.

*Lib. III. qui ex XLVI. Observationibus coalescit, Obs. 3. vetula*

Gg 2

mori-

moribunda sistitur a Gallico milite misere domo ejecta, quæ trifidimistim tribus diebus nullum pulsus vestigium ederet, non prius tamen expiravit, quam filiaë amplexibus unice desideratis frueretur. Tantam interdum animæ vim esse, ut se a corporis obsequio legibusque exsolvat, nec protinus ab humorum spirituumque corruptela afficiatur, *Obs. 4.* juvenis cujusdam nobilis demonstratur exemplo, qui scorbuticus totos dies pancratice & comedens & bibens, tam felici nihilominus tamque stupendo celebratur ingenio, ut quamcunque scientiam vel solus absque magistro addidicerit, cunctaque semel lecta vel audita felicissime memoria tenuerit. *Obs. 8.* alias inter instantias, quibus externorum sensuum vicia aliorum sensuum prærogativa compensari ostenditur, duo quoque proferuntur cæci, quorum alter faber lignarius in aula Cimbriæ non tantum gustu, tactu aliisque omnes lignorum species distinxit, verum etiam proportionibus mechanicas, operaque tessellata curiosissima elaboravit; alter vero in Gambriiis omnis generis instrumenta musica inimitabili manuum orisque modulatione rexit. *Obs. 13.* multæ in determinandis medicaminum effectibus imaginationi adscribuntur vires. Sic namque Studiosum Hypochondriacum a vitrioli albi granis quindecim, cum acido tartari in gratiam ventriculi evacuandi præscriptis, sudoris unice, quem sibi persuadebat, beneficium persensisse; item alium Studiosum a scrupulo pilularum de cynoglossa, quas purgantes reputabat, evacuatum fuisse; idem & foeminæ ex colica nephritica laboranti ac pilulas ex succo liquiritiæ, extracto angelicæ & laudani opiatæ granis tribus assumenti, eandem ob causam contigisse. Mira quoque imaginationis virtus in morbis cudendis antea non visis *Obs. 16.* declaratur in Sacerdote, qui tres annos domi se continere eo coactus fuerit, quod peregrini hominis colloquiû aerisq; externi usum affectanti mox majorem respirandi necessitatem, quasi aer jamjam deficeret, imponi, tandem etiam abrupti videretur, solitudinem hanc cordis anxietatibus, vertiginibus, sudoribus frigidis & aliis concomitantibus; nunc tamen quemvis insultum vini haustu & minuere & occupare noverit. Terror morborum non saltem causa *Obs. 23.* sed & remedium *Obs. 24.* traditur; v. g. tegulæ illapsæ foeminæ diu multumque quartanariæ & caput vitiasse, & febrem dispulisse; item piissimum virum cum Quartana diu conflictatum & hinc Amstelædamum tendentem, vehiculi casu humerique luxatione

tione a febris liberatum fuisse &c. Admirandæ, quas Gretrakius Nobilis Hybernus ante 26 annos in publicis hominum conventibus Londini, Oxonii, & passim alibi solo manuum contactu præstitit sanationes, fuscæ *Obs. 31.* recensentur. Svalbacensis crypta Puteolanæ illi similis, quæ vulgo Grotta di cane audit, *Obs. 44.* eruitur. *Obs. 45.* experimenta in thermis Emsensibus facta suppeditantur. Tandem *Obs. 46.* Steatoma glandulosum quatuor fere libras æquans auspicata Medici manu e dextro super costis spuris latere vetulæ cujusdam rusticæ sexagenariæ detrahitur, figuraque apposita depingitur.

Cæterum *Ephemeris cum Commentario* adjecta vulnus concernit thoracis toto tempore curationis, quæ demum feliciter insecuta, ultra 40. libras tum sanguinis, tum puris, eructans; ast cum historia hujus sub disputationis schemate jam novem abhinc annis Kiloni publice ab Autore ventilata fuerit, nuncque saltem notabilium pariter quorundam vulnere additamento locupletata & emendata prodeat, diutius eidem haud immoramur, Dialogum impense ab Autore acutissimo efflagitantes, quo damna, ab hominum & vulgi opinione, jam etiam Medicastrorum Lucripetarum sordibus & Theoreticorum supercilio in nobilissimam Medicinam illata, proxime traducenda promissit.

## JACOBI PERIZONII CUM ULRICO

*Hubero Disquisitio de Prætorio, cum alibi, tum maxime in urbe Roma, ejusque Prætorii, Præfecto, ac vero sensu verborum Pauli Philip. I. 13. Accedit ejusdem Dissertatio de Augustæ orbis terrarum descriptione, & loco Lucae eam memorantis.*

Franequeræ apud Jo. Gyselaer 1690. in 8. constat plag. 62.

**V**erba Pauli in *epistola ad Philippenses cap. I. commate 13.* quibus innocentiam vinculorum suorum in prætorio toto manifestam se reddidisse indicat, occasionem litigandi dederunt doctissimis viris *Ulrico Hubero & Jacobo Perizonio super Prætorio*; quod urbanum iste juri dicundo auditorium partemque Palatii Cæsarium; hic prætoriarum cohortium corpus, seu castrum ubi Romæ prætoriani tendebant, unde submittebantur cohortes quæ per vices ad palatium Cæsarium stationem

nem agerent, contendit. Sententiam suam *Perizonius* edita anno 1687 academica dissertatione *de origine, significatione & usu vocum Prætoris & Prætorii, utroque sensu loci ad Philip. I, 13.* exposuerat. Huic in *Prælectionum Juris Romani & hodierni Parte II.* in expositione tit. *XL Lib. I. de Off. Præf. Præf.* per modum Digressionis contradixit *Huberus*: adversus quem opinionis suæ veritatem asserturus *philologicam Dissertationem* anno 1688 edidit *Perizonius*: quod ægre ferens *Huberus* singularem librum *de Prætorio quod Paulus Philip. I, 13. memorat*, annexum *Dissertationibus septem Juridico-theologicis* anno 1688 publici juris fecit, a nobis in Actis istius anni mense Sept. p. 475. enarratum: quo tempore nondum constabat, quem adversarium sibi sumisset *Huberus*, cujus sententiam oppugnet, *Viri clarissimi* solum nomine notatum; nunc demum cognitum, postquam hic liber prodiiit, in quo continentur omnia hæcenus enumerata doctissimi utriusque *Viri* scripta, a *Perizonio* junctim edita, qui *Huberi* etiam singula isti libro fule respondit: unde sententiam ipsius non adeo novam aut paradoxam esse intelligimus, ut ingenti inopia veri opus sit ad eam probandam; mitioribus certe verbis litem hanc prætoriam agi potuisse arbitramur, cujus præcipua momenta exponemus.

*Perizonius* ex veteribus melioris ævi scriptoribus, Tacito cum primis *Hist. I, 20, 5. 2, 11, 6. 4 46, 9.* & Suetonio in *Neron. cap. 9. & 47.* ut & Inscriptionibus veteribus ostendit, propria & prima *Prætorii* significatione (a *Prælore* deducta, quo nomine ducem exercitus seu imperatorem venire constat, præfides item provinciarum, quoniam & illi imperium militare habebant) tabernaculum castrense in quo imperator tendebat denotari, idque poni fuisse solitum in præcipuo castrorum loco, qui *principia* dictus fuerit, inque illud convenisse ad imperatorem duces reliquos, ibique consilia de rebus ad belli summam pertinentibus agitata, judicia exercita, disceptatas & cognitatas militum causas, pœnasque exactas esse. Ab hoc castrensi prætorio ductum, ut ædes destinata habitationi & mansioni præsidum, qui pacatæ provinciæ præerant, & proinde non in castris sed urbe habitabant, quoque dicerentur *prætoria*, quod earum ædium in provinciis eadem esset ratio quæ tabernaculi istius in castris. Eadem appellatione Regum etiam aulas, quæ in urbe aliqua fuerunt, imo & lautiores in agris villas, venisse. Posterioribus temporibus ædificia illa publica, quæ desti-

destinata erant judiciis publice exercendis, dicta fuisse eodem nomine, nec ab ipsa tamen judicum habitatione distincta, nisi seris valde temporibus. Sed de re urbana usurpatam hanc vocem significare prætoriarum cohortium corpus, vel etiam locum ubi tendebant illæ cohortes; neutiquam vero palatium, aut aliquam ejus partem judiciis habendis destinatam. Igitur cum *Prætorii* vox nequaquam ex urbe & foro, sed ex castris primam originem trahat, neque in Urbe ullus fuerit locus ita appellatus, qui juri dicundo esset destinatus, verba Pauli ad *Philip. I. 13.* ubi innocentiam suam Romæ declaratam a se ait ἐν ὄλῳ τῷ πραιτωρίῳ καὶ τοῖς λοιποῖς πᾶσι, non de tribunali quodam, sive auditorio, aut judiciorum subselliis, neque de palatio Cæsaris, sed de prætorianorum militum in unis castris ad Urbem tendentium multitudine, accipienda docet: Paulum enim una cum reliquis δεσμείοις ex Judæa Romam auctis, non ad Senatum aut Magistratus urbanos, sed ad Cæsarem fuisse missum, & proinde traditum Præfecto prætorii; ab hoc in militari custodia habitum, & catena militi prætoriano alligatum, multam cum prætorianis militibus (a quibus per integrum biennium & amplius fuit custoditus) consuetudinem habuisse, & quotidianis cum iisdem sermonibus, εἰς προκοπὴν ἐναγγελίας semper tendentibus, suorum vinculorum rationem exposuisse, crebram declarandæ innocentiz occasionem per quotidianam Evangelii expositionem, & approbatam omnibus vitæ suæ integritatem ac sanctimoniam, nactum.

Hæc sententia, quæ a vero nil alieni continere videtur, talis non visa est Hubero, qui ingenti inopia veri opus esse ad eam tuendam & ex Pauli verbis exprimendam statuit. Existimat potius & dialectice demonstrare annititur, milites prætorianos nunquam *prætorii* appellatione venisse, sed *prætorium* tempore Cæsarem fuisse partem palatii, in qua extiterit auditorium Imperatoris & ejus præfecti, cum statione militum Prætorianorum: distinctam tamen eam mansisse ab habitatione Cæsaris, licet utraque esset in palatio: Præfectum prætorii a Græcis Romanarum rerum scriptoribus sæpe vocatum esse *præfectum aulam* ἐπαρχὸν αὐλῆς, Dioni Cassio, Plutarcho, Herodiano & Zosimo; inde sequi, aulam esse prætorium. Ex alio etiam Pauli loco *posteriori ad Timoth. epist. cap. ult. v. 16.* domum in qua auditorium fuit, *prætorium* vocatam esse ostendit. Nec militem Paulo qui custos additus fuerat,

fucra, pro prætoriano habendum esse; videri potius, aliquem ex Judæa de Julii centuria legionis Augustæ, quæ victos Romam deportaverat, fuisse: nullum autem prætorium seu tabernaculum Imperatoris in castris extitisse, sed in palatio; quod nomen de Cæsarea domo populariter notum, partis ejus, id est, prætorii appellationem absorpserit, æquo animo ferentibus Cæsaribus, ut odiosum in Urbe *prætorii* nomen appellatione *palatii* permutaretur. Paulum igitur in auditorio Cæsaris Neronis, sine ullo patrono, Burrho & Seneca præsentibus, gloriosissimam illam utilissimamque orationem apologeticam habuisse, & cum attentione ac admiratione omnium, Cæsari, ejus præfecto, assessoribus judicii, comitibusque & reliquis e Cæsaris domo, tum & aliis qui adfluxerant, innocentiam non modo suam, sed & Evangelii veritatem manifestam fecisse. Pro sententia hac Chrysostomus locum affert, ut & Belgarum ac Italorum interpretationes loci Paulini, o quibus apologiam a Paulo non in castris extra urbem, sed in palatio habitam fuisse confirmat. Præterea ex Asconio Pædiano, qui *prætorium dici tabernaculum prætoris* scripsit, opinionem suam stabilis, nec sermonis Latini proprietatem ferre, ut in *prætorio* vel *ad prætorium* significet *inter* vel *ad cohortes prætorias*, censet; probationem autem per argumenta causarum linguæ Latinæ adversus usum popularem & receptissimum, adeoque petatum ab analogia aliorum verborum metonymice corpus hominum significantium, v. g. *familia*, *officii*, *servitii*, *consilii*, *auditorii*, &c. ad vocem *prætorii*, argumentum rejicit: in castris nulla de causis civilibus, nedum de religione, habita fuisse judicia, sed in habitaculo Imperatoris inque palatio locum fuisse eorum, æque ac appellationum seu provocationum accipiendarum, existimat.

Has objectiones *Huberi*, in libro singulari expositas, *Perizonius* in Responsione ad singula ejus capita, copiose diluit, id in primis prænotans, Paulinum locum ex prima & genuina *prætorii* significatione, apud omnes Latinos scriptores istius ævi, quo Paulus epistolam scripsit, recepta, explicandam; neutiquam vero ex Pauli verbis, in quibus nihil plane reperitur quod prætorii significationem ullam in partem determinet, controversum istud vocabulum definiendum esse. Nec alterum illum in *post. ad Timoth.* cap. IV. v. 16. locum cum hoc ex *epist. ad Phil.* I, 13. conjungendum, & unius veluti temporis & historie

BART-

narrationem inde constandam esse: cum inter eruditos constet, Paulum bis Romam venisse, bis isthic reum fuisse, primum cum a Festo missus esset ex Judæa, dein quando ex prioribus vinculis dimissus peragrato orbe sub finem imperii Neronis rediit: priori tempore scripsisse epistolam ad Philipenses paulo ante dimissionem suam, quam & *cap. I. v. 25. 26. & cap. II. v. 24.* prædixit; posteriori vero alteram illam ad Timotheum, paulo ante quam a Nerone capite truncaretur, quod & *cap. IV. v. 6.* ubi necem sibi instare vaticiniatur, manifestum sit. Perperam primam Pauli apologiam, cujus fortunam Timotheo nunciat, referri ad priorem Pauli reatum, & controversa de Prætorio verba, Auctor annotat: simulque observat, Paulo & Evangelio æque gloriosum fuisse, si quotidiana Evangelii prædicatione, sanctimoniam suam atque innocentiam declaratione, & expositione causarum, quare hæc vincula lubens pateretur, milites & quosvis alios ad agnoscendam suam & Evangelii innocentiam adegerit, quam si unico Apologiæ judicialis actu (quem commentum esse *Huberi* existimat) in auditorio Judicibus vinculorum suorum causam declararit. Chrysostomi autoritatem, qua per prætorium aulam vel regiam Neronis denotari probare studuit *Huberus*, & de prima illa Apologia in ep. ad Philipp. loqui Apostolum affirmavit, Auctor ita accipit, ut homini Græco, qui tot seculis post primum vixit, condonandum putet, si per Palatium explicet *prætorium*; neutiquam tamen partem judicalem Palatii intelligere ipsum, imo innocentiam Paulinam declarationem in Prætorio a prima ejus apologia Timotheo nunciata, tanquam rem prorsus diversam, distinguere, quod vero attinet ad ipsam *Φαρέγων*, Chrysostomum omnino sentire cum ipso, factam nempe eam non unico apologiæ judicialis actu, sed potius quotidiana Evangelii prædicatione, & vitæ sanctitate. Quatuor in contrarium allatis argumentis *p. 369. sqq.* respondet. Postea in *Resp. ad cap. 5. & 6.* militem, qui custos Paulo datus fuit, quem ex Judæa & Julii centuria fuisse *Hubero* persuasum est, prætorianum fuisse, nec ullum in omni Romanorum historia repertum iri exemplum, legionarii militis ex longinqua adeo provincia a sua legione & signis abducti, & Romæ sine ulla necessitate retenti, solummodo ut vinculum aliquem asservaret; sub prætoriani potius militis in castris habiti curam fuisse reorum custodias, ex historia Romana docet, & ex annotatis Grotii ad *Act. 28, 16.* probat. Cumque Adversarius negarit *Prætorii*

Hh

vocem

vocem cohortes militum & prætorianas significare, sed tabernaculum Imperatoris solum denotare, *cap. 7. & seq.* respondet, monstratque tempus & locum distinguenda esse in vocabuli hujus significatione. Nempe in castris ante & post Cæsares significasse tabernaculum illius qui cum summa potestate exercitui præerat: in provinciis habitationem præsidum: at in Urbe etiam prætorias cohortes eo fuisse denotatas, postquam Augustus eas ex castris in urbem deduxit: sicut & in agris præcipuas & sumtuosas maxime villas. In loco autem Paulino commodissimam interpretationem videri eam, quæ a cohortibus prætoriis petitur, nec analogiam, quominus in prætorio non idem sit ac inter cohortes prætorias, repugnare ad *cap. 8.* ostendit, usumque hujus significationis, allegatis veterum exemplis, *cap. 9. & 10.* probat; eaque a contorta, quam vocat, & dura expositione Adversarii, liberat, nunquam *Prætorii* vocabulum, determinatum in aliquam rei urbanæ significationem adhiberi asserens, quin proxime & unice prætorias cohortes denotet: cumque *prætorium* adjectivum sit, subintelligi debere *castrum* ad *cap. 11.* docet, ibique de nummis quibusdam ex Oudano depromptis disserit. Præfectum prætorio ἑπαρχὸν αὐλῆς dictum fuisse a Græcis ætate posterioribus, nec ab ullo, præter Plutarchum, ante Constantini tempora ita vocatum; Latinos omnes veteres & Græcos ante Constantinum non aliter Præfectum prætorio exposuisse, quam præfectum prætoriis cohortibus, ἑπαρχὸν τῶ δορυφορικῷ vel τῶ στρατοπέδῳ ad *cap. 13.* notat, & h. l. bene monet, quod & in *Diss. II. §. 43.* observaverat, ex modicis initiis, potentiam & curam muneris Præfecti prætorio majorem in modum paulatim fuisse auctam, adeo ut tandem Cæsares omnia per Præfectos illos prætorio administrarent. De Dionis Cassii loco e lib. 53. quo is habitationem Augusti *Palatium* appellatam fuisse indicat, quod ille in monte Palatino habitaret, & haberet τὸ στρατήγιον *prætorium*, quod Huberus de judiciali auditorio accepit, Auctor de prætorix cohortis statione, quæ isthic sub Cæsaribus fuit, vel loco ei destinato, explicandum docet, pluribus ad *cap. 14. 15. 16.* disserit. De templo in castris an idem sit cum prætorio, an diversum, *p. 217. & 675.* disquirat, & prætorium ab Augusto in Urbe collocatum indeque a Tiberio in castra translatum esse, ad *cap. 17.* negat. De judiciis autem in castris exercitis, exemplum Sili & reliquorum Messalinæ adulterorum e Tacito affert ad *cap. 18.* Cæsares primi sæculi;



seculi in palatio auditoria statuta, seu conclavia vel ædificia juri dicundo & provocationibus accipiendis dicata, habuisse negat ad *cap. 19. 20. 21.* privatis enim litibus in urbe & palatio attendendis nunquam vacasse Cæsares existimat, quorum plerique maximam imperii sui partem extra urbem egerint in secessibus & villis, privatas lites foro & ordinariis judicibus aut extraordinariis sorte lectis relinquentes. Ex his, ut & aliis pluribus quæ omnia recensere nimis longum foret, colligit *p. 901. 902.* quum neque usum neque analogiam significationis *Prætorii* pro parte palatii judiciali in qua auditorium fuerit, totoristo singulari libro *Huberus* probaverit; nec ullum attulerit locum, in quo vocabulum istud tali sensu fuerit adhibitum; neque publicum ac statum juris dicundi auditorium in palatio Cæsarium primi seculi extiterit; salvam esse sententiam, qua de prætorii cohortibus *Prætorium* intelligendum esse, & Paulum militi prætoriano, qui ipsi alligatus erat, reliquisque qui crebro accedebant, vinculorum rationem innocentiamque suam exposuisse, & de Christo Evangelium prædicasse, censuit.

Prætorianæ liti subjungit Dissertationem *de Augustæ orbis terrarum descriptione*, & loco *Luca eam memorantis* doctissimus Auctor; in qua, secus ac Interpretes hactenus ἀπορροαΦήν *Luc. II. 1.* exposuerunt, non tributi causa eam institutam & ἀποτίμησιν τῶν ἐσσιῶν, sed descriptionem singulorum hominum factam, eorumque nomina in publicas tabulas consignata fuisse docet: institutum autem id, ut constaret, quam frequens esset quæque regio, & quantum auxiliorum posset tum provinciis, tum & sociis civitatibus, & regibus, si res ita exigeret, ac vicina forte provincia bello flagraret, imperari. Notum esse Breviarium Augusti, ex descriptione hac ὅλης τῆς αἰκµένης confectum: & proinde ut accuratior numerus iniretur subditorum, eos non in locis ubi habitabant, sed unde per majores suos orti erant, seu ubi majores perpetua serie vixerant, & ubi idcirco genealogicæ illorum tabulæ reperiebantur, fuisse recensitos: quæ causa etiam fuerit, ob quam Josephus ex urbe Galilææ Nazaretho Bethlehemum Judææ concesserit (quia erat ex familia Davidis) & omnes reliqui in suam quisque civitatem se contulerint. De tempore hujus ἀπορροαΦῆς an sub Cyrenio seu Quirino, (de quo nomine *S. ult.* disserit) an Sentio Saturnino, an Quintilio Varo facta sit, *S. 6. & seqq.* quo item sensu prima ea dicatur, late & circumspecte, ut auctoritatem Scripturæ

tueatur, quam aliorum vel emendationes vel interpretationes labefactare videntur, differit, & cum Heervarto, Reinesio & Coccejo πρώτη positum esse ἀντὶ τῆς πρώτης censet, verumque verborum sensum hunc esse putat: descriptionem hanc prius vel ante factam esse, quam Syriæ præfideret Quirinus: quam loquendi rationem fuisse ostendit & explicat, optimi Grammatici partes implens & hoc veluti documento monstrans, quem usum accurata verborum cura in gravioribus studiis rebusque præstet.

## ΦΛΑΒΙΟΥ ΙΩΣΗΠΟΥ ΤΑ ΕΥΡΙΣΚΟΜΕΝΑ.

Flavii Josephi opera quæ extant omnia, juxta editionem Græco-Latinam Genevensem, quæ nunc prolegomenis & appendice aucta redditur.

Coloniæ, seu potius Lipsiæ, sumtibus Mauricii Georgii Weidmanni.  
A. C. 1691. fol. Alphab. 14.

**A**ὐτοῦ τῶν προλεγομένων, qui est *Thomas Ittigius*, vir Clarissimus, nosterque in colligendis Eruditorum Actis Socius æstumatissimus, primum de quorundam celeberrimorum Virorum in Josephum lucubrationibus frustra hætenus promissis & expectatis differit; quæ occasione etiam præcipua Josephi manuscripta memorat, quæ passim in bibliothecis asservantur, & imprimis Vindobonensia, quæ Petrus Lambecius in peculiari ad Augustum Brunsvicensium & Luneburgensium Principem epistola delineavit. Deinde de ipsis Josephi scriptis agit, de 7 libris ἀλώσεως, de 20 libris ἀρχαιολογίας, quorum appendix est vita Josephi ab ipsomet conscripta, de duobus libris contra Apionem, de panegyrico in Maccabæos, seu tractatu qui περὶ αὐτοκράτορος λογισμῶν inscribitur, nec non de scriptis a Josepho promissis, & vel temporum injuria deperditis, vel non absolutis. Postea Græcas operum Josephi editiones, quæ rariores & infrequentiores hætenus fuerunt, tum etiam versiones Latinas, Germanicas, Italicas, Hispanicas, Gallicas, Anglicas, & Belgicas enumerat. Antiquis Josephi interpretibus Latinis, Rufino & Amicis Cassiodori, accenset etiam Autorem librorum quinque de excidio Hierosolymitano, cum quoad

quoad maximam partem ex Josepho translati fuerint, unde etiam Josephi seu Josephi aut Josippi nomen illis quondam adscriptum fuisse observat, quod postea librarioꝝ vitio in Igisippi vel Egesippi nomen transit. Occasione Hebraicæ versionis, quæ in Vaticana bibliotheca manuscripta extare dicitur, de Josepho Gorionis filio & Hebraica ejus historia, in qua & ipse plurimis in locis Josephi nostri interpretem egit, breviter disquirat, eumque Josepho nostro longe recentiore, & propter aniles quas admiscet fabulas nullius pretii esse probat, etsi a Judæis quibusdam magni æstimeretur, & tantum non Prophetis æquiparetur. Fragmenta quædam, quæ ab Eusebio, Hieronymo, Suida & aliis ex Josepho allegantur, & hodie in Josephi operibus non reperiuntur, pleraque Josepho potius afficta, quam ex ejus operibus expuncta statuit, si forte excipiat fragmentum de Harani combustione, quod apud Eustathium in hexaemero legitur. Josephi de Christo periochen adulterinam esse statuit, & inter alia Lambecium refutat, non solum in eo, quod in epistola ad Augustum inter scriptores, qui decantatissimæ illius perioches mentionem faciunt, Photium numeraverit, & postea in commentariis de bibliotheca Vindobonensi hunc errorem defendere conatus fuerit, sed imprimis etiam in eo, quod Josephi verba ita interpretetur, quasi non ad Christi laudem, sed potius ad ejus contemptum & vituperium spectarent; quam Lambecii explicationem prolixè refert, & coactam atque a Josephi verbis alienam esse demonstrat. Hac disputatione finita, dignitatem & utilitatem operum Josephi commendat, & quamvis non dissimulet, hunc Scriptorem multis nævis & erroribus obnoxium fuisse, quorum aliquos etiam recenset, non dubitat tamen a multis Josephi errores præter necessitatem multiplicari, cum nonnulla, quorum arguitur, non incommode excusari & defendi possint, nonnulla etiam librorum potius & interpretibus quam ipsi Josepho tribui debeant. Postremo de iis agit, quæ in appendice novæ hujus editionis occurrunt.

Continet autem hæc appendix primum Aristæ de 7. Interpretibus historiam cum Latina versione Matthiæ Garbitii, & notis ad epitomen Aristæ, quæ apud Josephum legitur, a præstantissimo Juvene M. Joh. Alberto Fabricio concinnatis. Has sequuntur variæ lectiones librorum de bello Judaico, & tractatus de imperio rationis, ex codice

manuscripto bibliothecæ nostræ Paulinæ ab ornatissimo Juvene Joachimo Friderico Felleri, *Joachimi Felleri* S.S. Theol. Lic. Poëscōs in hac Academia Professoris publici meritissimi, & Academiæ Bibliothecarii (cujus beatum quidem, at acerbum obitum, qui in diem 6<sup>am</sup> proximi mensis Aprilis incidit, ex animo lugemus.) filio collectæ. Subjicitur nova versio libelli de Macabæis adornata a Frâncisco Combesisio, qui perperam existimavit, nullâ aliâ hujus libelli versionem Latinam præter Erasmi paraphrasin extare. Additæ sunt ejusdem Combesisii notæ ex novissimo, quod vocat, bibliothecæ Patrum Græco-Latinæ auctario depromptæ. Accedit ultimo loco fragmentum libri *περὶ παντός*, quod ab Hœschelio in notis ad Photii bibliothecam sub Josephi nomine editum est, & postea a Stephano Le Moyne, qui etiam versionem Latinam addidit, in Variis Sacris sub Hippolyti nomine publicatum, cum in laterculo statuæ marmoreæ superiore seculo effossæ & in bibliothecam Vaticanam translata opus aliquod *περὶ παντός* contra Platonem reliquis Hippolyti scriptis accenseatur: etsi nonnulli, in quorum sententiam Photius proclivis est, opus illud *περὶ παντός* Cajo Presbytero Romano assignare malint, quippe qui in alio opere, quod Labyrinthum inscripsit, se librum hujus argumenti literis tradidisse refert. Cur autem hoc opus Josepho a nonnullis adscriptum fuerit, ejus rei in prolegomenis quatuor causæ afferuntur.

*THE NEVV STATE OF ENGLAND UNDER their Majesties K. VVilliam and Q. Mary.*

id est,

Recens status Angliæ sub imperio VVilhelmi Regis & Mariæ Reginae; auctore G. M.

Londini, Imp. Joh. Wyat, 1691 in 12. plag. 38.

**Q**uem non una vice, imperantibus *Carolo II. & Jacobo II.* M. Britannia Regibus, *Eduardus Chamberlayne*, Regiæ Societatis collega, descripsit, *recentiorem Angliæ statum*, nuperius enarrare cœpit opere hoc tripartito vir quidam patriæ amantissimus, antecessorem suum non infelicitè æmulatus. Priori is parte Angliam singulaque ejus oppida topographice perlustranda sistit. Altera multa lectu jucunda refert de incolarum originibus, genio, moribus, legibus, religione ac regiminis forma; ut & Regis ac Reginae hodie summam rerum obti-

mentum

nentium aula, jure ad coronam, redditibus, copiis militaribus; nec non de ordinibus cæteris, nobili puta, ecclesiastico, æconomico, &c. Tertia repræsentat omnes curias & collegia, in quibus regis auctoritate jus dicitur. Subjungit nomenclationem Anglorum in ecclesia aut politica, in sago aut toga eminentiorum.

## APPENDIX AD HISTORIAM GENEALOGICAM Regum Pariumque Magnæ Britannie anno superiori editam.

Noribergæ, sumt. Joh. Andr. Endteri filiorum, 1691. in Fol. plag. 3.

**N**obilissimi Viri, *Jacobi Wilhelmi Im-Hoff*, Genealogias Britannicas anno superiori M. Junio ad Acta Eruditorum p. 268. retulimus. Nunc appendicem earundem produisse indicamus. Habes in ea *tabulam, qua omnium, quotquot a regio stemmate sanguinem derivant, series & cognatio uno conspectu patet.* Ex his non pauci religionem Romanam profitentur; unde non possumus non ex præcedentis *Libri Anglici* Parte II. c. X. p. 120. obiter memorare decretum satis prolixum Parlamenti, regio assensu sancitum *d. 16. Dec. 1689*, nullum Principem Romano-catholicum nullamve Principem Romano-catholico nuptam unquam aliquid juris ad Magnæ Britannie regnum in posterum habituros.

Excipit illam *præfatio*, in qua lector invitatur ad ferendam operi in opere, in quod omnes ingenii nervos nunc intendit *Imhofius*. Est illud *novum supplementum ad Notitiam Procerum Imperii*, a summis viris enixe hætenus ac serio expetitum desideratumque. Et quemadmodum eorum humanitate multæ ac exactissimæ memoriæ ad Auctorem pervenire: ita optandum est quam maxime, ut qui familiarum illustrium casus in promptu habent, Imhofio aut non recte annotatos, aut plane ignoratos, eos haud gravatim impertiantur, quo tandem hoc in genere studiorum aliquid extet, a sphalmatibus, quantum fieri potest, purgatum ac correctum. Incompertos sibi esse fatetur Noster progenitores hodiernorum Præfulum *Hildesheimii, Leodii, Paderbornæ & Monasterii*; certior fieri cupit de novissima serie *Canonicorum Colonienfium, Hildesheimensium, Leodiensium atque Osna-brugensium*; dubitat, an *Job. Dietericus Abbas monasterii S. Cornelii ad Indam* superstes

superstes sit. Fugere se queritur novissimas mutationes familiarum *Mecklenburgica*, *Hassiacæ & Badensis*, *Nassovicarum*, *Ostfriscæ*, *Liechtensteinia*, *Croienfis*, *Westphalicarum* tantum non omnium, præsertim *Manderscheidia*, *Meisternichia* ac *Salmenfis*, porro ex *Wetteravicis Hazfeldensis*, *Rheingravie*, *Schænbургensis*, *Solmenfis*, *Stolbergensis* & *Waldeckensis*; *Læwensteinensis* denique e *Franconicis*.

Sequuntur præfationem *Supplementa* ipsa ad genealogias Britannicas, maximam partem a nobili viro, *Henrico San-Georgio*, Equite & *Clarenciensi Rege Armorum* nuper admodum accepta. Postremo loco novissimus *Archiepiscoporum & Episcoporum Angliæ Catalogus* exhibetur, sed qui ob mutationem nuperrime exortam correctione jam aliqua indiget. Si enim *Novellis Hamburgensibus* fides est, diem quidem suum obiit *Herbertus Crofts* *Herefordiensis Episcopus*, successorem nactus *Gilbertum Ironside* *Episcopum* hætenus *Bristolensem*, cui vicissim in hoc *Episcopatu D. Batburst* suffectus memoratur. Plures vero munere privati sunt, quod *Regi Wilhelmo* fidem suam sacramento obstringere tanto tempore renuissent. Hi recensentur hoc ordine: *D. Wilhelmus Sandcroft* *Archiepiscopus Cantuariensis*, cui successit *D. Tillotson* *Ecclesiæ D. Pauli* hætenus *Decanus*: *D. Franciscus Turner* *Eliensis Episcopus*, cui surrogatus est *D. Simon Patrick* *Cicestrensis* antea *Episcopus*, successorem in hoc *Episcopatu D. Groue* adeptus: *D. Thomas Ken* *Episcopus Bathoniensis & Welsensis*, cui successit *D. Beveridge*: *Wilhelmus Lloyd* *Norvicensis episcopus*, qui successorem nactus est *D. Meare*: *D. Thomas White* *Petroburgensis Episcopus*, cui *D. Cumberland* suffectus est: & *D. Robertus Frampton* *Episcopus Glocestrensis*, cui surrogatus est *D. Fowler*.

Quod reliquum est, monemus (vel ipso Imhofio in nuperrimis ad Amicum litteris indicante) in *Supplementis* hisce pag. 7. lin. 37. emendandum esse sphalma, & pro *Maynardo Ducis Schombergensis filio*, legendum *Carolus*: hic enim in Ducali dignitate patri successit. Addimus observationem aliam, ex ejusdem nobilissimi Viri epistola excerptam, nempe *Eduardum* illum *Villerium*, stabulo *Reginæ* præfectum, cujus genealogia in *Appendice* enarratur, ineunte mense *Aprili* hoc ipso anno, axiomate *Baronis de Hoo & Vicecomitis Daresfordiensis in Comitatu Cantienfi* gratia *Wilhelmi Regis* auctum ac ornatum fuisse.

# ACTA ERUDITORUM

*publicata Lipsiæ*

*Calendis Junii, Anno M DC XCI.*

## שלחן ערוך *SCHÜLCHAN ARUCH.*

id est,

Mensa instructa, ex scriptis R. Isaaci Loriæ excerpta;  
Accedit R. Abr. Aben Esræ אברהם שבת Epistola  
Sabbati.

Frankofurti ad Viadrum, in ædibus Joh. Christoph. Becmanni D. &  
Professoris Frankofurtani, a. 451. Christi 1691. in 8. plag 7.

**Q**Uæ R. *Isaacus Loria* Germanus, Kabbalistarum princeps, discipulis intimioris admissionis comunicavit, theologiæ secretioris Judaicæ mysteria, ea in chartâ cõjecit R. *Chajim Vitalis*, magnis vero sumptibus comparavit *Christianus Knorrius*, Baro a *Rosenroth*, dum viveret, harum rerum studiosissimus ac callentissim9, nec tantum aliquot eorundem partes Latii jure in *Kabbala* sua *denudata* donavit, verum & in præfatione *tomo secundo* præfixa de universo operum Lorianorum syntagmate plura docuit, quam ullus alius. Ex his itaque a Loriæ discipulis excerptus esse dicitur præsens libellus, *MENSÆ INSTRUCTÆ* titulo insignis, eo quod juxta ordinem libri homonymi ab *Isaaco Caro* conditi ritus præcipuos Judæorum enarrat, hoc tantum discrimine, quod in illo rituum rationes *Talmudicæ* h.e. juridicæ, in hoc *Kabbalisticæ* sive mysticæ adferantur. Opusculum hoc antea Cracoviæ excusum fertur. In editione autem Frankofurtana mantissam habet adjectam hæctenus ἀνέκδοτον, אגרות, nempe השבת, Epistolam rhythmicam, quam *Sabbatum* a. 4929. Chr. 1169. ad R. *Abrahamum Aben Esram* somniantem misisse fingitur. Fabulæ illius ἀπομύθιον est, ad sabbathum referendam non eam noctem, quæ subsequatur diem sive solis occasum, sed quæ solis ortum præcedat. An ea vero fatis respondeat gravitati Auctoris, (qui una cum Mose Maimonide & Isaac

& Isaac Abarbanele trigam Judæorum eruditissimorum & a nugandi pruritu suæ genti communi magis alienorum constituit,) numque adeo pro genuino AbenEfræ foetu habenda sit, non injuria vehementer dubitamus.

## ספר עברונות *SEPHER ABHRONOTH*

id est,

Liber computi astronomici, auctore R. Eliesere,  
R. Jacobi Filio, בלין Germano.

Ibidem, eodem anno, in 4. Constat plagulis 9.

**D**E calendarii Judaici computo varii luculentas dissertationes edidit. Ut *Munsterum*, *Scaligerum* vetustioresque alios mittamus, e Christianis multum operæ huic argumento impendit a. 1678. *Julius Bartoloccius de Celleno*, Tomo II. Bibliothecæ Rabbiniæ, fol. 392-728. E Judæis (præter R. *Abrahamū Hannafi* & *Issascharem F. Mardochæi Susan*, quorum is ספר העיבור, hic עיבור שנים literis condidit,) ipsomet titulo ספר עברונות usi sunt R. *Jacobus מקריאה Markaria* (vel potius fortassis *Merceria*), non, (uti *Plantavius* & *Schabbethai* legunt,) מקריאה *Makria*, (de quo confer *Bartoloccium*, tomo III. n. 876.) nuperrimeq; R. *Elieser Jacobi F. Wallen* cognominatus, qui, nisi fallimur, perspicuitate antecessoribus palmam dubiam fecit.

## ספר מעלה עמוקות *SEPHER MEGALLE Amukoth.*

id est,

Liber, inscriptus: Revelans profunda; auctore R.  
Nathane Spirenfi.

Fürthi, a. 451. Christi 1691. in 4. plag. 26.

**R**evelator hic profundorum plane alius est, quam quatuor illi, qui a *Johanne Buxtorfio* Filio, parte altera *Bibliotheca Rabbiniæ*, sub hoc titulo, ex *Jobi XII. 22.* petito, recensentur. Auctorem enim habet R. *Nathanem* שפירא. Cognomentum hoc legere licebit *Schappira*, id quod Chaldaice *Pulchrum* notat; aut potius *Spira*, ut innuatur, Rabbinum



binum hunc *Spira Nemetum* esse oriundum. Ut tamen juxta Grammaticæ leges dicendum foret **מספירא**, nihil tamen tritius, quam **ס** illud ante patriæ nomen omittere, quemadmodum auctor libri *Schaara Zion* anno superiori Wilhermsdorfii una cum **ספר פתרון חלומות** sive Onirocriticis *Salomonis Abnoli* recusi, vocitatur **בן נתן נטע בן חנניאל** אשכנזי **החנינא על הקדוש מדר"ר משה הנזיר זצ"ל** אשכנזי **החנינא על הקדוש מדר"ר משה הנזיר זצ"ל** i.e. *Nathan Neta, filius Sancti Domini R. Mosi Hano-*  
*verani p.m. Germanus, degens p.t. in S. synagoga Jar.* Caterû, ut e diverticulo in viam redeamus, *Nathan* noster *Spirensis* Archisynagogus fuit Cracoviensis, mortuus a. æt. 48, ætæ Judaicæ 393, Christi 1633. Opus ejus sylloge est observationum Kabbalisticarum ducentarum quinquaginta duarum in precationem Mosi *Deut. III. 24. 25.* Prodiit primum in lucem, obstrictante auctoris filio *R. Salomone*, Cracoviz a. 396. Chr. 1636. in 4. Altera vice **פיררר ק"ק פיררר** Fürthi, Norimbergæ proximi, ac ex *Wagenfeili* Sota & *Arnoldi* annotationibus ad eandem, si non aliunde, satis noti.

**ספר אורחות צדיקים** *SEPHER OR-*  
*choth Zaddikim.* Liber: Viæ Justorum.

Solisbaci, apud Mosén Uri Scharga Blech, a. 451. Chr. 1691. in 12.  
 Constat plag. 26.

**E**st liber anonymi sed vetusti auctoris ethicus, 28. capitibus absolutus, puriori exaratus stylo, impressus primum Pragæ a. 341. Christi 1581. in 4. *R. Schabbethaj Strimerius* in *Siphre Jeshchenim* laudat eum ceu **ס' נכבד** *librum excellentem*, refertque, alio illum titulo dici **ספר המדות** *librum morum*, ac Latine conversum typis Isensibus (opera procul dubio *Pauli Fagii*) in lucem publicam exiisse a. 302. Christi 1542. in quarta forma.

**MISNÆ PARS: ORDINIS PRIMI ZERAIM**  
*im tituli septem. Latine vertit & commentario*  
*illustravit Gulielmus Guisius.*

Oxoniz & theatro Sheldoniano, 1690. in 4. plag. 24.

**M**ISCHNAM opera ac studio *R. Jehuda Sancti* sæculo a C. N. secundo

cundo congestam esse, sæpius a nobis dictum meminimus. Videatur modo Supplementum nostrum VII. p. 363. ubi nova Ebræi textus, *Bertinorio* & *Jom-sobbo* commentatoribus stipata, editio Amstelodamensis recensetur. Ut *δευτέρων* illa Latine extaret, multum operæ insertum est eruditis non unis; quorum aliqui unum, alii duos, tres, quatuor, quinque aut sex titulos Latina veste indutos in orbis literati conspectum produxerunt. In his sunt *Samuel Clericus*, *Joannes Coccejus*, *Joânes Drusius*, *Constantinus l' Empereur*, *Paulus Fagius*, *Joannes Lensdanius*, *Joh. Henr. Otbo*, *Gustavus Peringerus*, *Paulus Riccius*, *Sebastianus Schmidius*, *Robertus Sberinghamius*, *Franciscus Taylerus*, *Jo. Ulmannus*, *Jo. Christoph. Wagenfilius*, *Joannes Wülferus*. Eorum omnium diligentiam superare nifus fuerat vir doctissimus ac Oxoniensium Academiæ immortale decus *Gulielmus Guisius*; sed optimis conatibus immortuus, quod moliebatur opus vix duodecima ex parte omnibus numeris absolvit ac perfecit. Prodeunt enim, obstericante clarissimo *Eduardo Bernardo*, septem solum tituli ordinis primi Talmudici, (*Maschichtoth* puta *Berachoth*, *Pea*, *Demai*, *K Lajim*, *Sebbiuth*, *Terumoith*, *Maaseroth*,) accurate ac eleganter in Latinam linguam conversi, cum notis eruditione rariori ac varia refertis, quibus multa commentatorum Judaicorum itemque philologorum Christianorum paroramata indicantur, difficiliores voces Biblicæ ac Talmudicæ facie satis clara collustrantur, itemque barbaro-Ebrææ, in quibus mirifice cespitarunt interpretes Rabbini, ex Græca lingua conjecturis plerumque felicibus explicantur. Nos e multis aliqua seligemus, quæ specimen vice erunt.

- p. 29. Vocem *רצץ* *Psal. CXXIX. 7.* ex Arabismo exponit Auctor de  
 p. 30. fasciculo tanto, quantus sub axilla portari potest; cum *רצץ* proprie sit locus corporis ab axilla ad latus usque. *לuph*, vocabulum Talmudistis frequenter usurpatum & a modernis Judæis pro *capa* habitum, *arum* esse demonstrat, a *Dioscoride* his verbis memoratum: "Αρον το καλύμνον παρὰ Σύρις λέφα. Vox *רמני* significat rem primitiis immixtis infectam adeoque profanis usibus eximendam, descenditque, juxta Nostrum, non a *רמני* *lachryma*, sed *רמני* quod notat Samaritice, (ac consequenter Ebraice,) *medullam* vel *præstantissimam* partem, qualis sunt *primitia*. Sic ponitur pro *חלב* Gen. XLV.  
 18. Num. XVIII. 12. 29. 32. imo & pro *חבל* *funiculus* Deut. XXXII. 6.

ubi pari modo חלב *medulla* Interpres legisse videtur. Lightfootus p. 66.

crebrius refellitur, v. g. quod in decade Chorographica in Marcum c. V. sect. II. vocem חלב ad *Dalmanurba* detorsit, quam Noster de *Salamine* Cypri accipi mavult, quodq; חלב *portam* vertit, cum *frondem* vertere debuisset. Regium hortum Babylonicum *hortum Bagoi* p. 84. vocatum *Plinius* refert, l. XIII. c. IV. & a *Bagoa* spadone dictum suspicatur. At *Guissius Bage* vel *Bag* & Chaldaeis & Persis viridarium hortumve amcenum signare ostendit simulque emendari cupit locum Theophrasti: ἐν μόνῳ τῷ βάττῃ κήπῳ τῇ παλαιᾷ, legendo: ἐν μόνῳ τῷ Βάγῳ κήπῳ τῷ παλαιῷ περὶ βακυλῶνα.

Præcipuus notarum Guissianarum usus in eum redundabit, qui Buxtorfii Lexicon Talmudicum auctius atque emendatius reddere voluerit. Nos ea tantum excerptimus, quæ occasione Mischnici textus monita fuisse, non quemlibet subodoraturum credidimus. Cæterum, ut fortean volumen paulo spissius fieret, præmittitur ei præfatio *Maimonidis* in *Seder Seraim* ex sola *Eduardi Pocockii* versione latina, quam in ejus *Porta Moysi* p. 5—133. reperire est. Utq; esset, qui telam morte Guissii abruptam pertexat, compellat *Bernardus* clarissimum *Alexiū*, (hoc est, ni fallimur, *Petrum Allixium*, cujus *historiam ecclesiarum Pedemontanarū* aversa pagina recensemus,) ut opus, quod unius hominis vires hæcenus excessisse videtur, ad colophonē feliciter perducatur.

**SPECIMEN THEOLOGIÆ MORALIS,**  
quo vera & naturalia omnis juris atque honestatis  
principia breviter eruuntur, quinque Disputationibus in Uni-  
versit. Rostochiensis propositum, auctore Justo Christophoro  
Schemero, S. Th. D. & Prof. Prim. Consil. Consistor. &  
Superint. Mecklenb.

Rostochii, typis Jo. Wepplingii, a. 1690. plag. 18.

**C**um duæ sint Theologiæ partes, una quæ dogmata seu fidei Christianæ articulos complectitur, altera quæ officia & mores vitam Christianam decentes continet; tractatus hujus Autori venerando visum est, nunc posteriorem ejus partem a paucis hæcenus excultam, hic velut per modum Pædiæ delineare; ut quomodo vita Christiana multis modis corrupta instrui debeat, S. Theologiæ cultoribus constaret.

staret. Quinque ille *capitibus* absolvitur. In *primo* de natura Theologiæ moralis, eandem definiendo & distinguendo ab Ethica & Jurisprudencia, agit: in *secundo* finem ejus, qui est sanctitas & perfectio Christiana, explicat. Qua occasione juxta analogiam fidei declaratur, ut lex Dei abs homine renato servari & impleri queat. In *tertio capite*, primum actionis moralis principium, h. e. intellectum & conscientiam exponit: in *quarto*, alterum principium, quod est voluntas hominis regeneriti, traditur, ad quam affectus, eorumque moderatio referuntur. In *quinto* denique norma actionum Christianarum, quæ est jus divinum, ejusque obligatio exponuntur. Inde justitia universalis & quæ hic regulæ observandæ sunt, explicantur. Universam hanc Pædiam Theologiæ Moralis sane accuratam, non ex lacunis, qui vocantur, Moralistarum, sed ex solis Scripturæ sacræ fontibus ac juris naturæ fundamentis, idoneo ordine ac puro & eleganti stylo deducit: ut optandum sit, virum solida eruditione & judicandi facultate instructum, telam quam exorsus est valde utilem pertexere; quo studiosa juvenus S. Theologiæ dedita habeat, unde ad mores & officia Christianorum instruenda & dirigenda magis magisque proficiat.

*SOME REMARKS UPON THE HISTORY of the ancient Churches of Piedmont, by P.*

*Allix, D. D.*

five,

Annotations aliquæ super historiam antiquarum  
Pædemontii Ecclesiarum, autore P. Allixio,  
Th. D.

Londini apud Rich. Chiswell, 1690. in 4. Plag. 45.

**O**ccasionem præsentis scripto dedit edita ante hoc triennium a *Bossueto, Episcopo Meldensi*, Historia de Variationibus Ecclesiarum Protestantium: cujus revisionem dedimus in *Actis anni 1689, pag. 65. & 157*. Scilicet cum inter alia ille toto libro XI. magno studio id egisset, ut Albigenium atque Waldensium famam denigraret, atque sic omne Protestantibus adminiculum eriperet, quod ex istorum consensu subinde quærere conati fuissent: Allixius sui muneris esse credidit, iniquum

iniquum istius animum, defectumque sinceritatis, in tradenda harum Ecclesiarum historia detegere, adeoque hanc speciatim partem memorati operis impugnare: non dubitans, reliqua ejus capita ab aliis Protestantium Doctoribus affatim confutatum iri. Tametsi enim ab istorum Waldensium Albigensumve justificatione non præcise dependere autemet nostræ defensionis robur: nihilofecius laborem hunc nequaquam vanum fore existimavit, tum quod per se res Christiano digna sit, propugnandam suscipere innocentium famam, teterrimis calumniis impetitam & tantum non oppressam; tum quod parum ab ingratitude absit, si eorum memoriam, tam atrocibus modis oneratam vindicare negligamus, qui tam gravia pro fide Christiana perpeffi, tantaque cum constantia annisi sint illibatam conservare antiquam religionem, quam nempe Romana Ecclesia eo tempore adulterare ac pene abolere sategerit, surrogato in ejus locum Christianismo spurio & suum ad placitum conficto. Præmonet vero, neutiquam sibi propositum esse integram Waldensium Albigensumve Historiam consignare; quandoquidem id jam antea factum sit ab aliis viris egregiis, *Chassagnonio* puta, *Perrino*, *Usserio*, *Legero* & *Morlando*: quorum scriptis vix quidquam addi posse judicat, nisi forte circa originem harum ecclesiarum, & continuationem fili historici ab eo tempore, quo Legerus & Morlandus opera sua finierint. Quin potius scopus ejus est, ostendere modo veram antiquitatem utriusque harum Ecclesiarum; ac nil falsi ab earum membris jactatum esse, dum asseruerint, eas a Romanæ sedis jugo immunes originem suam ad ipsa Apostolorum tempora referre: quod proinde ex historia præteritorum seculorum deducere intendit, adeoque docere successionem continuam tam respectu sanioris doctrinæ & cultus, quam ministerii sacri in his ecclesiis, inde ab Apostolorum ævo ad seculum usque XIII, quo nempe tantopere cœtus hi inclinarunt mascule semet opponendo erroribus atque corruptionibus Romanæ sedis. Quo pacto iis satisfactum iri confidit, qui postulent audacter, ut sibi ostendatur ulla Ecclesia, quæ ante Lutheri reformationem, aut saltem ante seculum XII, easdem cum Protestantibus opiniones foverit. Ab ovo itaque rem exorsus, primo omnium inquirat in originem Ecclesiarum Italiæ, non universæ, sed specialiter quondam sic dictæ, ac e septem regionibus compositæ: quas enumerat Liguriam, Emi-

Æmiliam, Flaminiam, Venetam ditionem, Alpes tam Cottias, quam Grajas, ac denique Rhætiam. Tametsi vero Mediolanensis & reliquarum Liguriæ Ecclesiarum fundator Barnabas, S. Pauli comes, fuisse tradatur a Baronio, Ughello ac Ripamontio, & quidem circa annum Christi 51, aut 49 rectius: tamen cum hæc assertio nullo nitatur autore antiquo, Noster eam rejicit, totamque istam traditionemtribuendam ait vanæ isti jactantia ac æmulationi Prælatorum Occidentis, de præcedentia & jurisdictionis prærogativa contendentium, ex qua nempe factum sit, ut inde a Seculo VIII vix ulla fuerit Italiæ, Galliæ, Hispaniæ, Angliæ Ecclesia, quæ non gloriaretur, se ab aliquo Apostolorum, eorumve discipulo fundatam: non exigua scilicet pietatis parte in eudendis plebique credulæ obrudendis talismodi fabulis passim tura temporis reponi solita. Licet autem sic, antiquorum scriptorum testimonio deficiente, determinatu difficile censeat, an primo mox, an vero secundo demum seculo Christianam fidem regio hæc receperit: attamen cum Mediolanum jam tum primiceria istis in oris civitas habitæ, & vero Apostolis eorumve successoribus solenne fuerit, evangelium in metropoli cujusvis regionis omnium primo prædicare, quo id dein tantò facilius in circumstita loca se diffunderet: hinc Autor conjicit, aut eosdem doctrinæ Christianæ præcones, qui ex Græcia ad Gallos convertendos appulerint, Mediolanensem quoque Ecclesiam plantasse, ut quæ & ipsa ad Galliam Cisalpinam spectarit; aut vero emissarios Petri Paulique discipulos, qui civitates Romæ proximas sub Evangelii ditionem redegerint, hæc suas victorias etiam Mediolanum usque protulisse: ex quo ipso tamen haudquaquam concludi posse ait, Episcopos Romanos sibi met jus aliquod asserere potuisse in diocesi Mediolanensem: non magis, quam Polycarpus jurisdictionem nactus dici queat in diversas illas Galliæ Ecclesias, ab emissariis suis plantatas: maxime cum constet, auctoritatem Episcoporum Romanorum multo tempore satis tenuem mansisse; & ipse Pius II. in Apologia sua pro Ecclesia Romana fateatur, ante Concilium Nicenum non magnam eis ab exteris reverentiam fuisse habitam: quod vel ideo præmonendum duxit Autor, quoniam in sequentibus probare intendit, Diocesin hanc ab Episcoporum Romanorum ditione independentem perdurasse. Pergit hinc, & per capita aliquot sequentia ex Autorum cœvorum testimoniis deducere satagit, quisnam singulis

sæculis

seculis religionis atque doctrinæ status fuerit in Diocœsi hac Italica: quo inde liqueat, quatenus ea ab erroribus in Romanam Ecclesiam paulatim irrepentibus manserit libera. Ac de primis quidem tribus cum dimidio seculis, cum nullius pene ex illa diocœsi scriptoris ecclesiastici opera supersint, necesse habuit ex statu saltem vicinarum aliarumve ejus avi ecclesiarum ad istam quoque argumentari: per compendium nempe exponens, quid tam circa doctrinam, quam ritus ecclesiasticos tunc inter Christianos receptum fuerit: in quibus recensendis, cum aliunde constent, non est cur detineamur. Speciatim vero notat, plerosque istorum rituum non eo cum rigore observatos fuisse, quo nunc a Romana Ecclesia injungantur; aliquos etiam successu temporis mutatos iterum & abolitos esse: item dissentientes circa varias Theologiæ quæstiones tum magna cum animi moderatione ferneret invicem tolerasse, dummodo in fundamentis fidei concordarent; denique quamlibet Diocœsin tunc independentem ab alia qualibet fuisse reputatam, ita ut licet reverentia aliqua habita fuerit erga Ecclesias ab Apostolis fundatas, tamen eas sequi necessum haud putarint, sicubi ipsas puritatem fidei violasse constaret. Distinctis porro capitibus singula secula sequentia percurrrens Auctor probare allaborat, articulos illos Ecclesiæ Romanæ, quos Protestantes hodie pro rejiculis habent, jam tum a fidelibus Dioceseos hujus Italicæ aut formaliter improbatos, aut saltem ignoratos adhuc penitus fuisse. Testes vero hanc in rem citat scriptores, quos illis in oris episcopatu aut sacerdotio functos esse constat: ex quorum operibus sigillatim excerptis, quicquid ad stabiliendam hanc suam assertionem facere visum fuit: amolendo aut saltem emolliendo insimul ea, quæ in eorum scriptis Romanensium partibus favere videri possent. Sic ex seculo IV in medium producit Ambrosium Episcopum Mediolanensem, nec non Philastrium & Gaudentium Præsules Brixienfes; e seculo V Rufinum Presbyterum Aquilegiensem, ut & Chromantium ac Niceam ejusdem Dioceseos Episcopos; e VI Laurentium episcopum primo Novariensem, dein Mediolanensem, Ennodium Ticinensem ac Dacium Mediolanensem episcopos; e VII Maurum Ravennæ, Mansuetum Mediolani, & Maximum Aquilegiæ episcopos: cumque præterea *Liturgis* illa, *Ambrosiana* dicta, non incongrua visa fuerit, ad dandam nobis ideam de fide & cultu sacro, tum temporis per illos tractus vigente, Noster

ei peculiare impendit *caput V<sup>o</sup>*, in quo de ejus autore, contentis & corruptione secuta latius discurret. Sequentia capita testes allegant e seculo VIII, præter Concilium Forojulianum ejusque sanctiones, Paulinum episcopum Aquilegiensem, & Paulum ejusdem diocæseos diaconum; e IX Claudium Episcopum Taurinensem, & Angilbertum Mediolanensem; e X Ratherium Veronensem, & Hattonem Vercellensem Præsules. In capite XI affertur Gerhardi Episcopi Cameracensis & Atrebatensis relatio data Reginaldo Præsuli Leodiensi de nonnullis Gundulphi discipulis, qui ex Italia venientes præceptoris sui dogmata per inferiorem Germaniam spargere cœperant, sed a Gerardo in vincula conjecti opiniones ab Ecclesiæ Romanæ placitis discrepantes abjurare fuerant adacti. Ex qua relatione Allixius noster colligit, Gundulphum ejusque affectas non ab omni quidem errore immunes fuisse; attamen ex eorum confessione nil quidquam elici posse, quod Manichæismum similemve hæresin iis imputatam sapiat: quin potius in doctrina eorum tale quid offendi, quod iisdem articulis fidei contrarietur, quos sequenti tempore Waldenses in Ecclesia Romana improbarint. Unde porro infert, manifestum hinc esse, quod jam sub initium seculi XI certum hominum genus in Italia extiterit, quod contraria opinionibus Romanæ Sedis docuerit ejusque errores condemnarit, nec non per emissarios suos hinc inde ablegatos ingruentibus passim superstitionibus opponere semet sategerit. *Caput XII.* jam subjicit considerationes quasdam super iis, quæ in præcedentibus capitibus proposita fuere. Nimirum confidit Autor aperte satis a se ostensum esse, quod Diocæsis Italica sufficientem tam in fide, quam ritibus sacris puritatem retinuerit, quæ ad constituendam genuinam Christi Ecclesiam requiri queat. Non dissimulatur quidem, nonnullas etiam superstitiones & erronea dogmata eo in tractu paulatim apud plures irrepsisse, uti Preces pro defunctis, nimiam Reliquiarum venerationem, Sanctorum invocationem, rigidam nimis Jejuniorum observationem ac cælibatus clericorum injunctionem, denique etiam abusum Imaginum & crassiores quasdam notiones de carnali præsentia corporis Christi in Sacramento cœnæ: attamen observat insimul, Liturgiam his in Ecclesiis adhibitam horum nihil continere: e cujusmodi tamen publicis scriptis potissimum de loci alicujus religione judicium ferre oporteat: deinde privatorum aut etiam clericorum quorum-



quorundam errores non mox toti Ecclesiæ imputandos esse: denique non defuisse subinde ista per tempora etiam viros egregios atque doctos, qui ingruentibus illis erroribus mascole semet opponerent. Probata sic Italici hujus Dioceseos puritate in doctrina fidei & cultu sacro, progreditur Autor in *capite XIII* ad ostendendum etiam, eam ipsam independentem mansisse, nec obnoxiam Romanæ Sedi fuisse, ad medium usque sæculi XI, quo nempe tempore jam Waldenses apertius contestari cœperint suam ab Ecclesia Pontificia, tanquam Antichristiana, aversionem. Argumenta hujus assertionis hæc inter alia adducuntur: quod Imperator Aurelianus in examinanda causa Pauli Samosatæni decisionem æqualiter demandarit Episcopis Italiæ & Romæ, diserte a se invicem distinctis; idemque post a Constantino observatum fuisse legatur in negotio Donatistarum; quod Athanasius expresse distinguat Mediolanum & Romam, tanquam duas Ecclesias a se mutuo haud dependentes; quod Ambrosii electio, teste Theodoro, facta sit absque ullo consensu Episcopi Romani, quod tamen haud potuisset fieri, siquidem ille pro Patriarcha totius Italiæ habitus fuisset; quod non reperiatur ullus Episcoporum Italiæ a Papa ordinatus, ad sæculum XI usque: nec vestigium in historia appareat inde a sæculo VII, quod Ecclesia Romana eam habuerit auctoritatem super Dioccesin hanc Italicam, qualem quidem in alias Ecclesias sibi jam tum arrogarit: indeque esse, quod, cum alioquin omnes Episcopi Pontificum jurisdictioni obnoxii mox in ordinatione sua jurato promittere adigerentur, se ritus & cultum in Romana Ecclesia præscriptum servaturos, Mediolanensis tamen Ecclesia propriam sibi Liturgiam retinuerit, Ambrosianam dictam; porro quod fateatur Ughellus, Angilbertum Episcopum Mediolanensem circa annum 827 non erubuisse contendere cum Romano Pontifice de potestate ac dignitate, quodque isthæc contumacia per ducentos annos ejus successores infecerit atque invaserit: quod ipsum licet ille rebellionem ac defectionem a Sede Romana vocitet, Autor tamen contendit, non fuisse nisi constantem defensionem, qua Episcopi illi se opposuerint conatibus Romanorum Præsulum, passim alias Prælatorum Occidentis jura invadere molientium. Respondetur etiam argumentis, quibus Scriptores Pontificii evincere laborant, horum quoque tractuum dioccesin jurisdictioni Pontificis subfuisse. In *capite XIV*. latius narratur occasio,

qua Ecclesiæ Diœceseos Italicæ ab Ecclesia Romana fuerint separatæ, & origo nominis *Patarinorum* eorumque dogmata describuntur. Nimirum Romanam sedem non absque indignatione hæcenus ferentem, quod diœcesis sibi adeo vicina tandiu suam tueretur libertatem, cum tamen aliæ remotiores Ecclesiæ dudum fasces submisissent, anno 1059, regnante Nicolao II, Mediolanum ablegasse Anselmum Episcopum Luccensem, & Petrum Damianum Cardinalem Ostiensem, quo tentarent Diœcesin hanc sub Romanæ sedis ditionem redigere: prætextum vero fuisse, ut sedarentur dissidia inter plebem & clerum enata, & obex poneretur Simonix plerisque e sacro istorum locorum ordine, ob pecuniam pro ordinatione & confirmatione dari solitam, imputatæ, nec non hæresi Nicolaitarum; quo nempe nomine ii sacerdotes tam appellati fuerint, qui obstrictos semet haud putarint ad servandum cœlibatum. Et sub horum quidem Legatorum adventum magnopere indignatum fuisse populum Mediolanensem, quod Ambrosiana Ecclesia, semper hæcenus libera, nunc Romanis legibus subjici deberet; quin adeo efferbuisset, ut Legatis tantum non vitæ periculum ab ejus furore immineret: Damianum tamen mox turbas composuisse, & callidis argumentis (manifesta licet falsitate nixis, uti Noster ostendit) toti cœtui persuasuisse, Romanæ Ecclesiæ dignitatem & prærogativam non ab Imperatoribus modo indultam, sed a Christo ipso concessam & injectam esse; tum vero examinata causa cleri Legatos rem omnem tandem eo deduxisse, ut ecclesiastici suos errores agnoscerent, indictisque poenis leviculis expiarent, obedientiam jurato promittentes imposterum septem Conciliorum generalium sancitis; quorum posremo tamen, Niceno II. nempe, diœcesis hæc constanter sese hæcenus opposuerat. Sed nihilominus dein post Legatorum discessum, errore animadverso, Widonem Archiepiscopum promissorum poenituisset iterum, suffultumque favore Nobilitatis maxime, vocato concilio confirmasse rursus Sacerdotibus jus conjugii: quamvis Arialdus, ex Alciata familia clericus decumanus, Landulfo Cottæ, populî præfecto autor fuisset, ut eam rem tanquam turpem palam oppugnandam aggrederetur, idque secundis populî auribus animisque exceptum fuisset. Denique rem mutuis altercationibus eo deductam esse, ut Sacerdotes uxorati separatim a cæteris divinum officium facere juberentur in loco quodam, *Patria* vel potius *Pataria* dicto; indeque talibus

*Patari-*

*Patarinorum* nomen per contumeliam a pueris inditum esse; idque postea promiscue attributum Waldensibus etiam fuisse, sive Subalpinis illis, qui eodem tempore, teste Petro Damiano, in Archiepiscopatu Taurinensi, maxima ex parte easdem cum illis opiniones defenderint, speciatim quoad sacerdotum conjugium: pariterque & Berengarianis, qui & ipsi jam circa illud tempus Romanæ sedis erroribus seniet opponere cœperint. Atque jam corpus hocce dissentientium, frustra subinde tentata a Pontificibus reconciliatione, separatim jugiter ad tempora reformationis usque continuasse, sub nomine Patarinorum ac postea Waldensium. Cum vero notum sit, Waldenses subinde, & novissime adhuc ab Episcopo Meldensi, Manichæorum & Catharorum hæreseos incusatos fuisse; Autor in *Capite XV. ac tribus sequentibus* late ostendit, undenam hujus calumniæ origo fluxerit. Nimirum occasionem præcipuam fuisse, quod Manichæorum (quorum opiniones ex diversis autoribus distincte commemorantur) non paucum temporis ex Bulgaria in tractus occidentales spargi cœperint, per Italiam inprimis & Aquitaniam, regiones a Waldensibus & Albigenibus etiam frequentatas: indeque factum, ut utraque hæc secta a Romana Ecclesia, licet modis diversissimis, dissentiens, sive ex errore sive ex malitiâ, eadem Catharorum appellatione pedetentim involveretur: idque studio majori adhuc factum, postquam passim in Manichæos capitali supplicio animadverti cœpisset; tum enim proclive admodum & familiare Romanæ sedis clientibus fuisse, hoc titulo promiscue eos mactare hæreticos, quos populo odiosos reddere ac summe denigrare vellent; calumniæque huic fulciendæ eum potissime prætextum inservivisse, quod inter alios Manichæorum characteres non ultimus foret, concelare erronea sua dogmata: id enim facile dein ad eos etiam applicatum esse, qui aliis ex causis metuque persecutionis opiniones suas clam haberent: dummodo vel minima doctrinæ alicujus conformitas in uno alterove fidei articulo inter utrosque appareret. Cæterum Waldenses nequaquam Manichæis erroribus inquinatos, quin potius ab iis alienissimos fuisse, perspicue inter alia demonstratur ex antiquo poemate Gallico, circa annum 1100 a Waldensium aliquo conscripto, & hodiernum in Bibliotheca Cantabrigiensi extante, cui titulus *Noble Lesson*, sive Nobilis Lectio: ex quo satis elucescit, quam sobrie de plerisque fidei articulis senserint, quantaque

Innocentiæ morum atque vitæ studuerint genuini Waldenses, & quam diversa a Manichæorum abominationibus dogmata sustinuerint. Porro in *Cap. XIX.* pluribus argumentis edocet Allixius noster, Waldenses haudquaquam primum fidei suæ autorem agnoscere *Petrum Waldum* civem Lugdunensem: (quamvis negari nequeat, virum hunc iis in tractibus haud parum emolumenti dedisse, procurata Italica versione sacri codicis:) quin potius veritatis evangelicæ conservationem in Diœcesi Italica, Taurinensi præsertim ditione & vallibus adsit, deberi Patarinis illis & Albigenibus, jam ante Waldi ætatem, puriorem doctrinam professis: quibus cum se dein junxissent nonnulli ex Waldi istius discipulis, arrepta hac occasione Pontificios doctores persuadere aliis conatos esse, ac si integri illi cœtus a Waldo demum suam habuissent originem, nullaque adeo ante finem sæculi XII ecclesia extitisset in Italia aut alibi, quæ idem cum illis sensisset: *Wallensium* appellatione, qua jam antea Cœtus isti Vallium Lucernensium & Angroniensium vocati fuerant, hunc in finem facili mutatione in *Waldensium* nomen conversa. Cum vero Episcopus Meldensis Waldenses ab Albigenibus separare contendat, & hos quidem pro meris Manichæis venditet, illos vero initio schismaticos tantum, non hæreticos fuisse, nec ante annum 1532, quo se primum Protestantibus adsociarint, in articulis fidei, sed unice quoad disciplinam ecclesiasticam a Romana Ecclesia secessisse velit: autor e contrario ostendit, Waldenses pariter & Albigenes eandem fovisse doctrinam, & utrosque pro hæreticis ob dissenfum in articulis fidei a Romana sede habitos fuisse. Cæterum cum objici potuisset, Waldenses multo plures recentius doctrinæ Ecclesiæ Romanæ tanquam erroneas taxasse, quam quidem olim a Patarinis istis ac Sabalpinis factum fuisse legatur, adeoque vel hoc nomine ingentem inter utrosque differentiam extitisse: Noster dubio huic occurrit in *Cap. XXI.* pluribus exemplis commonstrans, plerosque Romanæ ecclesiæ errores tempore separationis Patarinorum aut penitus nondum receptos & stabilitos, aut saltem nondum pro talibus articulis habitos fuisse, quorum professio iis necessaria foret, qui eam communionem sequerentur. Nihilofecius tamen jam Romanam ecclesiam pro meretrice Babylonica & Antichristi sede reputari a Wallensibus Albigenibusque cœpisse propter idololatriam, usurpationem potestatis secularis, nec non crudelitatem perfe-

persecutionum ad stabilienda falsa sua dogmata adhibitam. *Caput XXII & XXIII* impenduntur ad delineandam fidem vitamque fratrum Bohemorum, tanquam propaginis cujusdam Waldensium, sedibus suis expulso, & in iis oris sedem nactorum, rivulique adeo, ex cujus qualitate facile de fontis puritate judicium ferri queat. Duplex vero hanc in rem affertur testimonium, tanto minus suspectum ratione eorum, quæ in laudem istarum Ecclesiarum cedere possunt, quod utrumque ab hoste adversæque parti addicto datum sit: alterum scilicet est Inquisitoris cujusdam, profitentis se exactam de iis cognitionem habere, ac plusculis ipsorum examinibus interfuisse; consignatum circa finem sæculi XIV, quod licet in aliquibus manifestas contineat calumnias & scurriles inculpationes, tamen vel ideo legi meretur, quod una exponit, quamvis occasio fuerit hominibus illis in hoc vel illo fidei articulo a Romana ecclesia discedendi, & quibusnam argumentis sententiam suam defendere sciverint: alterum, idque modestius conceptum, est *Æneæ Sylvii*, quod historiæ suæ Bohemicæ inseruit; e quo non minus ac ex priori illo abunde liquet, quam rectam jam tum boni illi viri circa ea fidei capita, in quibus hodiernum Protestantes a Romana ecclesia dissident, sententiam tenuerint. In *Capite XXIV*, id agit Auctor, ut doceat, cœtus illos Waldensium haudquaquam justo regimine ecclesiastico destitutos, sed legitima ministerii sacri successione gavisos esse, neque ut adversarii calumnientur, Laicis unquam promiscue concessisse potestatem prædicandi & administrandi Sacramenta. Tametsi vero non neget, difficile esse, seriem pastorum hujus gregis nominetenus percensere, abolitis præsertim per continuas persecutiones ipsorum commentariis & annalibus: nihilominus e diversis autoribus & argumentis comprobatur, Waldensium ministerium sacrum justa ordinatione ac successione non interrupta potitum esse, inde ab iis temporibus, quando Mediolanensium Archiepiscopus Wido cum aliis clericis uxoratis, uti supra dictum, Romanæ sedis semet opponere cœperat: ab ea enim sic secedentes jugiter in exercitio suæ functionis perseverasse, nil curantes Paparum definitiones & excommunicationes. Cum vero horum numerus, reliquorum comparatione exiguus esset, inde factum ait Auctor, ut ab adversæ factioni addictis summo in contemptu, tandemque pro meris Laicis haberentur, legitima potestate sacra faciendi non instructis: eamque inculpationem dein obstinate

stinatè propagatam, nec parum auctam fuisse, ex quo Walldi discipuli sese his Italiæ ecclesijs junxissent: huic denique & id accessisse, quod ministri illi successu temporis titulum vocationis suæ clam habere cœperint, quo tanto melius evitarent odium & persecutionem a Romana Ecclesia & ejus inquisitoribus sibi alias imminentem. In *Capite XXIV* persecutiones, quas Waldensium ecclesiæ subinde sustinuerunt, strictim percensentur, asperitate primis illis Christianorum persecutionibus parum aut nihil cedentes: diversa etiam afferuntur edicta a Pontificibus Regibusque ad eorum exterminationem proposita, allegatis simul Autoribus, qui latius descripserint persecutiones illas & furorem passim adhibitum ab Inquisitoribus: quorum aliqui præterea quam calumniose cum miseris illis egerint, in consignanda ipsorum depositione & responsione ad quaestiones in examine propositas, demonstratur *Cap. XXV*, in quo nempe unum alterumque exemplum Processus ab istis habiti communicatur, ex *manuscripto* quodam Bibliothecæ Cantabrigiensis: unde satis patescit, instrumentum a Notario super instituto examine confectum non satis concordare cum protocollo, sed subinde verba ab iis prolata non parum perverti, atque in sinistram partem detorqueri. In *sequenti capite* comprobatur Autor, Ecclesias Vallium Pedemontii constanter perseverasse in eadem fide usque ad tempora reformationis Lutheri, allata hanc in rem relatione & ingenua confessione acris cujusdam adversarii, *Claudii Seisslii*, Archiepiscopi Taurinensis; qui cum jam ante annum 1518 contra Waldenses scripserit, evidens est, eos non anno demum 1532, ut Episcopus Meldensis voluit, opiniones Protestantium adoptasse. In *Capite ultimo* tandem obtestatur Autor, se haudquaquam justificandos suscipere errores, qui nonnullis harum ecclesiarum membris adhæserint: at cum a talibus ne quidem primitivæ Ecclesiæ Patres omnino immunes fuisse reperiantur, facilius iis ignoscendum esse autumat; quandoquidem ex deductis alias constat, fideliter cœtus istos inter se conservasse, quicquid ad constituendam genuinam Christianorum Societatem requiriqueat: quale quid etiam Lutherum sensisse ostendit, utpote qui contentis malis rumoribus, passim de Waldensium vita & doctrina sparsis, re nempe penitus indagata calumniarumque perspecta falsitate, ipsos pro fratribus agnoscere eorumque fidem commendare nil dubitaverit.

*GRAMMATICA GRÆCA EX ALIIS AC-  
curato ordine ac sollicito quorumvis examine collecta,  
inque sectiones & capita digesta, ad usum Gymnasii Ratispo-  
nensis Poetici ab ejusdem Rectore ac Prof. Publ. GEOR-  
GIO HENRICO URSINO  
Spirensi.*

Norimbergæ sumtibus Wolfgangi Mauricii Endteri. A. 1694. in. 8.  
Constat plagul. 39.

EX quo humaniores literæ, Græcæ imprimis, ex tenebris emerferunt iterum, varii varia in iis excolendis conati sunt; nec defuere, qui præcepta Grammatica exhibuerunt. In quibus scriptis ut non facile nihil invenias, quod laudari non conveniat; sic fatendum quoque habemus, nullum adhuc extitisse, quod vel omnia tradiderit, quæ ad studium Grammaticum pertinent, vel eo ordine etiam res tractarit, quæ quibusvis placuerit. Ex qua causâ subinde inventi sunt, quæ novas Grammaticas composuere, in quibus, quæ in aliis vel non prodierant, vel non invenerant, aut emendarunt, aut suppleverunt; nec alio consilio clarissimus Autor adductus est, ut quod exhibemus Grammaticum opus conscriberet. Nam in eo & plenius scriptum suum, quam aliorum opera, reddidit, & inventa aliorum emendavit. In omnibus nempe libellis Grammaticis, quos hæcenus habuimus, desiderantur, vel quæ ad naturam accentuum accuratius cognoscendum spectant, vel quæ ad formationem temporum pertinent, vel quibus ad variationem dialectorum discendam opus est, vel quæ conjunctionem verborum construendique rationem Græcis peculiarem concernunt, vel quæ exempla commoda exhibent, in quibus usus præceptorum Grammaticorum per Analysin haberi possit. Sed hic omnia convenientissimo ordine exhibentur. Traditur enim primo Etymologia, sive in literis & syllabis earumque affectionibus, sive in partibus orationis tam declinabilibus Articulo, Nomine, Pronominibus, Verbis & Participiis, & quoad declinationes atque motiones, & quoad formationes aliasque affectiones consideratis, quam indeclinabilibus, Adverbiis, Interjectionibus, Præpositionibus, Conjunctionibusque versatur; mox Syntaxis in explicandis præcipue Græcæ linguæ Idio-

uissimis occupata; deinde Prosodia selectiora sola investigans; porro figuræ Grammaticæ; post dialecti tandemque electa Græca, quæ Chriasis seu sententias, apophthegmata, similia, narrationes, epistolæ & colloquia sistunt, perinde ut Michael Meisnerus exercendæ in Latina lingua Juventuti varios flosculos ex similibus, sententiis, narrationibus atque exemplis constantes ex Cicerone collegit, & sub nomine Hortuli Romani ad eo magis imbibenda Grammatica præcepta publici juris fecit. Sed & corriguntur observationes, quæ vel vulgo ponuntur, vel a variis Autoribus traduntur. Quarum emendationum duo genera facimus; partim enim corrigit, quæ aliis Autoribus promiscue visa sunt, partim speciatim clarissimum Vervvey tractat, quem in Belgio post Stephanos, Sylburgios, Welleros, non parum claritatis literis Græcis attulisse, nova via docendi Græca præmonstrata, in præfatione scribit. Ad priorem classem pertinent: verbum κῆμαι, non, ut alii volunt, a κῆμι ejusque Passivo & Medio κέμαι ortum esse, sed a Poetico κῆω pro κῆω, unde Passivum & Medium κίμαι per, Syncopen κῆμαι. It. Verba non pura & barytona θῆλω, ὀφείλω, μέλω &c. quæ in Futuro habeant, θηλήσω, ὀφειλήσω, μελήσω, non ex circumflexis & puris antiquatis, θηλέω, ὀφειλέω &c. orta esse, sed hæc potius circumflexa antiqua ex barytonis, quæ adhuc supersunt, originem traxisse, contra Schmidium. In Vervvey post multa alia præcipue reprehenduntur sequentia: Dualem numerum e. verbis & nominibus ejici; vocativum in declinationibus nominativo proximum subjungi; Medium verbum passivo præmitti; ordinem temporum validopere turbari; Futurum primum Passivum formari a futuro Activorum ψ in φθίσομαι, ξ in χθίσομαι, σ in ῥίσομαι mutato: Nomen ἀπάθραλος non ex ἀπας accusativo plurali nominis ἀτη componi, sed ex ἀπας dativo plurali & verbo θάλλω deflectendum esse, ut sit ἀ ταῖς ἀταις θάλλων. Sed quanquam multa vituperat, non pauca tamen etiam sunt, quæ in viro hoc sequitur. v. g. consuetudinem compositiones ex pronominibus με, σέ &c. & αὐτῶ in compositis, ἐμαυτῶ, σεαυτῶ, ἐαυτῶ, contra rationem induxisse, quod με, σέ &c. Accusativus & αὐτῶ Genitivus sit, Homerusque semper scribat ἐμὲ αὐτὸν, σὲ αὐτὸν, vel ἐμὲ, σὲ simpliciter; ut & duas esse conjugationes, unam verborum in ω, alteram verborum in μι; porro verba ἔδομαι, πίομαι, φάγομαι, non esse futura media, pro ἐδόμαι, πῖμαι, φαγῶμαι, sed præsentia

pro



pro futuris poni; iterum, quæ de ratione, qua nomina cum nominibus componantur, afferuntur, ab aliis nondum perspicue observata, v.g. quod nonnunquam duo nominativi jungantur eliso  $\sigma$ , inprimis post  $\nu$ ,  $\alpha\upsilon$ , &  $\omicron\upsilon$ , ut  $\beta\acute{\epsilon}\gamma\lambda\omega\sigma\sigma\alpha$  ex  $\beta\acute{\epsilon}\varsigma$  &  $\gamma\lambda\omega\sigma\sigma\alpha$ ; nonnunquam Genitivus integer & Nominativus coeant, ut  $\nu\epsilon\acute{\alpha}\varsigma\omicron\iota\kappa\omicron\varsigma$  navale ex  $\nu\acute{\epsilon}\alpha\varsigma$  Genitivo vocis  $\nu\acute{\alpha}\upsilon\varsigma$ , &  $\omicron\iota\kappa\omicron\varsigma$ : nonnunquam Dativus ac Nominativus copulentur, ut in  $\chi\epsilon\iota\rho\iota\sigma\sigma\omicron\Phi\omicron\varsigma$ . Sed hæc sufficiant. De cætero ipsum scriptum eximie commendandum est, siue plenitudinem selectumque rerum, siue perspicuitatem orationis, siue convenientiam ordinis intueamur. Neque dubitamus, quin studiis suis ex discipulis maxime profuturi sint, qui ductum in libello monstratum sequi velint. Quin apparere vel ex adscriptis exemplis arbitramur, non incipientibus solum proficuum fore librum, ut quæ ad ponenda literarum Græcarum fundamenta necessaria sunt, facile hauriant, sed adultiore quoque inventuros esse, quibus quam jam possident cognitionem, confirmationem, illustriorem, elegantiorumque efficiant.

**HENRICI COETSII EUCLIDIS ELEMENTORUM sex libri priores, magnam partem novis demonstrationibus adornati.**

Lugduni Batavorum, apud Danielem a Gaesbeck, anno 1691, in 12.

Constat plagulis 30.

**I**Nter Mathematicos, qui dilucidandis *Elementis Euclidis* posteritati suam commendare operam instituerunt, & præsens *Autor* nomen suum, in gratiam præcipue tyronum, professus est. Cum autem non una hucusque methodo *Euclidis* commentatores incesserint: aliis quidem veterem, & ab *Euclide* nobis traditum servantibus ordinem; aliis autem, illo insuper habito, ad naturalem veritatum inibi demonstratarum nexum & sequelam attendentibus: priorem demonstrandi viam *Autor* sibi vel ob hanc rationem eligendam putavit, quod *Elementorum Euclideanorum* notitia aliqua jam imbutis, ad sublimiora veterum Mathematicorum opera longe faciliorem altera illa suppeditare manuductionem, aditumque patefacere arbitraretur. Nec tamen huic orbitæ sic ubique institit, ut ab ea hinc inde non diverterit, ubi commodum discipulorum demonstrationisque brevitatis ab ordine communi

discessum suasis: unde non raro in demonstranda aliqua pro positione sequentem & nondum demonstratam in subsidium advocat, sed (ne in paralogismum aut principii petitionem demonstratio abeat) a priori illa independentem. Caterum ipsis demonstrationibus methodum quodammodo applicuit Algebraicam, sed ita tamen, ut a tyrone debitam attentionem adhibente, & signorum Algebraicorum, quorum syllabus præfationi subnectitur, memori, demonstrationum vis & ratio facile possit percipi. Ut adeo dubium non sit, *Autorem* non tantum idonea libri forma, & eleganti typorum dispositione, sed & resectis prolixarum demonstrationum ambagibus, & succinctis ratiociniis suis, largam eorum gratiam promeriturum, qui in geometricis elementis ipso hodego ingenium suum exercere studebunt.

**GERARDI NOODT JCTI PROBABILIUM**  
*Juris Libri IV. quibus accedunt de Jurisdictione &  
 Imperio Libri 2. & ad L. Aquiliam Liber  
 singularis.*

Lugduni Batav. ex offic. Felicis Lopez. 1691. in 4. plag. 62.

**D**iversi argumenti materias uno volumine consociatas simul publici juris fecit Consultissimus *Noodt*, Antecessor in Academia Lugduno-Batava ordinarius, easdemque tum secundum fortuitum elaborationis ordinem, tum quoad externæ molis habitum disposuit. Prima etenim pars cæteris duabus amplitudine longe potior & in quatuor libros subdivisa, *Probabilia Juris* sistit, quæ sparsim hæcenus (præter libri ultimi capita) fuerant edita. De scopo, quem in hoc scribendi genere præfixum habuit Autor, vel ex solo titulo sufficienter constare videtur. Felici quippe successu amulatus est celeberrimorum Jctorum industriam, qui cum animadverterent, veneranda Jurisprudentiæ Romanæ monumenta communem cum aliis rebus humanis sustinuisse sortem, & veterum Doctorem atque librariorum maxime incuria plurimis in locis obscurata, depravata atque corrupta fuisse, pertinaci studio maculas istas inducere, & hilariorem perspicuitatem, pristinamque splendorem Juri nostro conciliare aut restituere potius certarunt. Prodierunt hunc in finem tot volumina sub titulis *Observationum Juris, Emendationum, Receptarum Lectionum, Amœnitatum,*

nitatum, Paradoxorum, & qui adhuc sunt alii, conspicua. Quamvis autem in textibus obscurioribus emendandis Autor noster præcipuam consumserit operam, unice tamen id ipsum egisse non putandus; siquidem hac in re libera & soluta prorsus digestionis usus, passim interjecit capita, quibus modo verba ac phrasæ singulares ex classicis autoribus declarare; modo textus absque ulla emendatione interpretatione nova juvare, aliorumque intempestivas correctiones convellere; subinde & integras materias clarius exponere gavisus est. Seorsum vero quod textuum emendationes attingit, molliora hæc remedia passim usurpat, ut per brevissimas literarum mutationes sensum legis vexatæ perspicuum reddat, aut qua ratione per notas potissimum & siglorum captiones, librariis in describendis juris Romani codicibus admodum familiares, menda insensibili prope motu irreperant, commonstret; cui posteriori conjecturæ cum ipse Justinianus locum fecerit in Mandato ad Tribonianum de conceptione Digestorum §. 13. paragraphum eundem ceu maxime notabilem primæ statim paginæ commendavit. His subsidiis aggreditur *l. 1. in. ff. de cond. caa. dat. circa l. 2. c. 5.* quam vulgo disceptari solet, quomodo Præfectus vigilum servum summo supplicio afficere potuerit, cum ex *l. un. C. de Off. Praef. Urb. & l. 3. §. 1. ff. de Off. Praef. Vigil.* manifeste constet, neutiquam Præfecto vigilum, sed Præfecto urbi merum competiisse imperium. Errorem exinde natum conjicit Autor, quod, cum veteres diversimode notaverint hæc duo officia, modo clarius PRAEF. URB. & PRAEF. VIGIL. modo magis contracte P. V. hoc forte siglo usurpato pro Præfecto Urbis Præfectus Vigilum facili lapsu fuerit scriptus. Offerit se dehinc *l. 4. §. 13. ff. de re milit. Editâ Germanici Caf. militem desertorem l. 2. c. 10.* faciebant, qui diu affuisset, ut is inter remanentes haberetur; sed si redeat quis & offerat se, sive deprehensus offeratur, penam desertionis evitat; nec interest cui se offerat VEL a quo deprehendatur. Postremum membrum hujus textus *l. 13. §. ult. l. 5. pr. & §. 3. & 4. ff. b. r.* haud leviter obstat, ceu in quibus maximæ interesse videtur, utrum miles fugitivus a patre, an publice deprehensus sit & cum necessitate reversus. Ut ergo discordia textuum cesseret, pro particula VEL substituitur VERUM (*nec interest cui se offerat, verum a quo deprehendatur*) & quidem hoc sub prætextu, quod siglum V olim forte adhibitum ad utramque particulam teste Valerio Probo, Magnone & Diacono semet

- referat; quæ ambiguitas festinantem librariorum calamum facile cluserit. Haud alio remedio restituitur textus *l. f. ff. de condi. c. a. dat.* qui varias Dd. glossas atque commentationes prolixas ægre sustinet. Neque enim adhuc inter eos convenit, quamobrem negotium ibi propositum Celsus ad quasi contractum, dationem videlicet ob causam referat, licet omnia requisita emptionis & venditionis præsto esse videantur. Noster putat notarum compendio textum primitus sic conceptum fuisse *Dedi tibi pe. pec. ut mihi &c.* (dedi tibi peregrinam pecuniam, ut mihi) librariorum deinceps priorem notam *pe.* per imprudentiam tanquam supervacaneam neglexisse; id sane liquido constare, quod peregrina pecunia pro merce habita non ex forma publica, sed ex substantia magis æstimari sueverit. Adducitur hunc in finem de nummo victoriato testimonium *Plinii ex l. 33. Hist. nat. c. 3: Qui nunc Victoriatus appellatur, lege Clodia percussus est; antea enim hic nummus ex Illyrico advektus mercis loco habebatur.* Alios insuper duos textus unius literæ mutatione cæteris consonos reddere molitur.
- l. 1. c. 4.** Prior ex his prostat in *l. 13. §. f. ff. de Pignerat. act. Venit autem in hac actione & dolus & culpa, ut in commodato venit & custodia, vis major non venit.* Ea igitur &c. Mutatur hic particula *ut in at* (*at in commodato venit*) ut cum subsequente *l. 14. d. 1. & l. 5. §. 2. r. 18 ff. Com-*
- l. 4. c. 3. mod.** connexio & concentus integer servetur; cumque Autori de hac ipsa emendatione controversia a non nemine fuerit mota, infra ad objectiones plenius respondet. In posteriore textu *l. 6. C. de pact. conv.* verbum *conveniat* mutat in *convenit*, quo ipso pacti expressi ratio manifesta redditur, & Accursii aliorumque operosa divinatio, nec non Ant. Fabri singularis doctrina de effectu nudæ pollicitationis, si b. f. iudiciis causam dederit, honeste dimittitur. Norantur & nonnulli errores, quos per nimiam accelerationem atque memoriam inconstantiam ipsi JCTi forte commiserint, ut in *l. 5. pr. ff. ad L. Aquil.* ubi *Actio L. Cornelia* pro *Actione L. Aquilia*: *l. 5. §. 4. ff. de his qui effud.*
- l. 1. c. 9.** ubi *Actio Legis Aquilia* pro *Actione in factum*: *l. 1. ff. de L. Pomp. de*
- 10. II.** *Parricid.* ubi *L. Cornelia de ficiariis* pro *L. Cornelia de Parricidiis* posita præsumitur. Imo quod & gratia atque affectui non nihil dederint subinde JCTi, ex vexata satis *l. 14. ff. de Transact.* curiosa demonstratione eruere laborat. Non dubitavit hoc in textu Scævola asserere, quod post transactionem inter legitimum & scriptum hæredem inter-

interpositam, creditores hæreditarii utrosque hæredes teneantur convenire, pro rata hæreditatis per transactionem assignata; licet idem JCtus in anteriore *l. 3. ff. eod.* contrariam sententiam tali in casu secutus esset. Variæ quidem conciliationes in promptu sunt, quas inter duæ potissimum ab Accursio prolata commemorantur. Neutra cum Autori plene sufficiat, pro ingenii libertate contendit, in *d. l. 14.* utpote ex *l. 2. Responsorum de promta*, Scævola a certo jure recessisse longius quam oporteret, ut amico, a quo consultus forte, gratam acceptamque rem faceret, eumque imaginaria ambiguitate utcunque juvaret; e contra *d. l. 3. ex l. 1. Digestorum petita*, claram ac rotundam juris decisionem exponere, quo in commentario JCtus usus fuerit judicio libero & minus obnoxio. Et ex hoc ipso argumento quæstionem inter Nic. Boerium & Uldaricum Zasium agitatam decedit, quod JCtorum commentariis potius, quam responsis credendum sit. Hæc de textuum quorundam censura ac emendatione dicta sufficiant; obiter adhuc notamus materias nonnullas fusiùs paulo illustratas. De rebus publicis ac communibus ad *§. 1. 2. & seq. Inst. de Rer. Div.* satis prolixâ disceptatio instituitur, plurimisque argumentis probatur, veteres publica & communia parili potestate accipere, & quod publicum est, idem & commune nuncupare, & vice versa; diversitatem solum in eo subesse, quod quædam jure naturali, quædam jure civili publica habeantur. Amœnæ dehinc digressioni serviens Autor, in officia, quæ ex humanitate & philanthropia mutua præstare tenemur, inquirat, istudque argumentum ex consensu nostrorum JCtorum cum Cicerone, Seneca aliisque Philosophis concinne declarat. Ad penitiorem intellectum *l. 3. §. 1. ff. d. A. vel A. P. l. 5. §. 1. l. 55. ff. de A. R. D.* ex Seneca, Phædro, Plauto congeruntur testimonia, quæ veteres in diversas abiisse sectas circa doctrinam de acquirenda possessione, haud obscure evincunt, cujus disidii vestigia circa textus allegatos sollicito scrutinio exhibentur. Integro quoque capite fictiones Juris antiqui præsertim expositas habemus, quatenus in testamentis per æs & libram, in bonorum possessionibus, in querela inofficiosi testamenti, interdictione aquæ & ignis, servitute pœnæ aliisque negotiis fuerunt conspicuæ. Nec silentio prætermittenda, quæ habentur de interpretatione L. Corneliæ de Sicariis, & potissimum *l. 1. §. 3. ff. b. t.* Operose ex hoc textu adstruitur, istud tantum homicidium L. Cornelia coerceri, quod con-

sulto

- sulto & deliberato seu integra voluntate factum est, non quod in rixa fortuita atque improvisa contigit subito impetu; hoc etenim casu extraordinariam ac leviozem poenam surrogari. Quod ipsum assertum l. 4. c. 8. cum in dubium vocarit Vir clarissimus Ulricus Huberus, in eo jam occupatus est Noster, ut argumentorum sibi objectorum vim infringat.

Qui sequuntur de *Jurisdictione & Imperio* libri 2. rerum forensium statum ex Jure Romano antiquo potissimum repræsentant, cujus cognitio, etsi praxi modernæ haudquaquam sufficit, propterea tamen penitus non contemnenda est; siquidem ad textuum plurimorum interpretationem genuinam insigne momentum confert, & ipsa varietate animum detinet. Distincte vero hic declaratur primum, non solum quas species, quas partes, quæ initia Jurisdictionis & Imperium seorsim sibi vendicent; sed & mutua Jurium istorum collatio instituitur, circa quam istud præsuppositum ex l. 3. & 4. ff. de *Jurisd.* l. 26.

- l. 1. c. 3. pr. & §. 1. ff. ad *Municip.* deductum advertimus: Imperium a Jurisdictione, quantum ad Magistratus municipales attinet, non tam vocabuli proprietate, quam docentium usu separari; & quia lex notionem municipalium Magistratuum jurisdictionem appellavit, fecisse vocabulorum paupertatem & distinguendi necessitatem; ut eadem si cum potestate Romani Magistratus conferretur, tantum jurisdictionis diceretur; ea vero quæ Romani Magistratus esset, magis imperium appellaretur; ut tamen in Romano Magistratu ista quæ imperii, eadem jurisdictionis, & quæ jurisdictionis, eadem imperii haberentur. Transitus dehinc fit ad personas in foro Romano venerabiles, Prætor, rem videlicet, & Judicem, ac circa utrumque quæ occurrunt egregia & singularia strictim exponuntur. Diverſus denique mandata & prorogata jurisdictionis habitus laxè deducitur, ubi insimul extantiores hac de materia textus l. 2. ff. de *Off. ejus cui mand. est jurisd.* l. 5. C. de *Jud.* l. 2. §. 1. ff. de *Jud.* l. 18. ff. de *Jurisd.* l. 4. C. de *Jurisd. omn. Jud.* singulari cura enucleatos observavimus.

- c. 1. & 2. Liber singularis & postremus continuam commentationem exhibet ad *L. Aquiliam*. Inquiritur primum in autorem hujus legis seu plebisciti, cumque illud tribus constet capitibus, ex quibus tamen medium in desuetudinem abiit, ordine hoc servato potiora cujusque momenta terse explanantur, Intermiscuntur vero ad textus complures hujus

hujus tituli animadversiones philologicæ, quæ aut casus probabiliter, aut si quid aliud forte ex antiquitatibus historiæ Romanæ supponitur, declarant. Sic querela Martialis l. 7. Epigr. 60, quod tonsores olim, ut & coqui ac caupones, in publico artem suam exercuerint, confertur cum l. 11. ff. ad L. Aquil. in qua tonsor servo gulam præcidit pilæ ludibrio confusus. Casum l. 45. §. 3. ff. cod. refert deinceps ad Palilia anniversaria sacra, in quibus natalem urbis Romæ celebrare pastores atque per ardentia stramenta transilire consueverunt, adnotante Ovidio Fast. l. 4. Quæ differentia inter pugillatum, luctum & pancratiū, ad expositionem l. 7. §. 4. ff. cod. latius recensetur. Eundem in censum veniunt, quæ de medicis chirurgis, ut & de sceminis medicis, occasione l. 7. §. ult. l. 8. l. 9. d. t. habentur. Plura quidem, ex commentario isto non jucunda minus quam utilia congerere licuisset; verum dum sub calcem libri de supplementis uberioribus spes haud obscura semet offert, commodam magis aucupari occasionem fas esto.

c. 7.

c. 8.

## SOLUTIONES PROBLEMATIS A J. B.

*in Actis A. 1690, pag. 219 propositi.*

**B**enevolus Lector baud gravate recordabitur Problemati a clarissimo Basileensium Professore Jacobo Bernoulli, Actorum anno 1690, mense Majo p. 219, propositi. Hujus solutionem, metodo sua impetratam, si ante anni exitum nemo solutum a se Problema significaverit, se publicaturum, ejusdem anni mense Julio p. 360, pollicitus est celeberrimus G. G. L. Solvit vero illud, solutionemque nobis communicavit præterito mense Decembri proponentis Frater, Dominus Joannes Bernoulli, Medicinæ Candidatus, in hisce studiis versatissimus; eamque, ut suo tempore alteri illi Leibnitianæ jungeremus, humanissime per Fratrem nos compellavit. Factum inde est, ut Virum supra memoratum celeberrimum pulsaremus de edenda sua: quam etiam nuperrime nobis pro summa humanitate sua transmisit. Huic etiam debemus, quod vir summus Dn. Christianus Hugenius non dedignatus est, cum plurima favoris erga nos significatione, & sua Problemati dicti solutione Acta hæc nostra exornare. Exhibemus ergo Tibi B. L. & geminam solutionem ab Illustri Virorum pari, & Bernoullianam; sed eo ordine, quo ad manus nostras pervenere.

Mm

SOLU-

ACTA ERUDITORUM  
 SOLUTIO PROBLEMATIS FUNICULARII, exhibita a Johanne Bernoulli, Basil. Med.

Cand.

**A**nnus fere est, cum inter sermocinandum cum Cl. Fratre mentio forte incidisset de Natura Curvæ, quam funis inter duo puncta fixa libere suspensus format. Mirabamur rem omnium oculis & manibus quotidie expositam nullius hucusque attentionem in se concitasse. Problema videbatur eximium & utile, at tum ob prævisam difficultatem tangere noluimus; statuimus itaque illud publice Eruditis proponere, visuri num qui vadum tentare auderent: nesciebamus enim, quod jam inde a Galilæi temporibus inter Geometras agitatum fuisset. Interea dignum censuit nodum hunc, cui solvendo se accingeret summus Geometra Leibniti, significavitque non multo post (vid. Act. a. 1690. mens. Jul. pag. 360) se clave sua aditus problematis feliciter referasse, concessio tamen & aliis tempore, intra quod si nemo solveret, ipse solutionem suam publicaturus esset. Id animum addidit, ut problema denuo aggrededer, quod eo quidem cum successu factum, ut brevi & ante termini a Viro Cel. positi exitum ejus solutionem omnimodam & plenariam, qualem antea ne sperare quidem ausus fuisset, invenerim. Reperi autem Curvam nostram Funiculariam non esse Geometricam, sed ex earum censu, quæ Mechanicæ dicuntur, utpote cujus natura determinata æquatione Algebraica exprimi nequit, nec nisi per relationem curvæ ad rectam, vel spatii curvilinei ad rectilineum habetur, sic ut ad illam describendam alterius curvæ rectificatio vel curvilinei quadratura supponatur, ut ex sequentibus Constructionibus

TAB. VI. liquet:

Fig. I. *Constr. I.* Ductis normalibus CB, DE sese secantibus in A, centroque C ubivis sumpto in axe CB, & vertice A descripta Hyperbola æquilatera AH, construatur curva LKF, quæ talis sit, ut ubique CA sit media proportionalis inter BH & BK; fiat rectangulum CG æquale spatio EABKF, erit productus IG, HB punctum concursus Min Curva Funicularia MAN.

Fig. II. *Constr. II.* Descripta ut prius ad axem BA Hyperbola æquilatera BG, construatur ad eundem axem Parabola BH, cujus latus rectum æquetur quadruplo lateris recti vel transversi Hyperbolæ, ordinatimque



Fig. II.

1  
-  
D  
L  
:  
.  
-  
-  
-  
.



natumque applicata HA producat ad E, ita ut recta GE sit æqualis lineæ Parabolicæ BH; dico punctum E esse in Curva Funicularia EBF.

Ex his patet, Curvæ hujus EBF naturam per æquationem Geometricam haberi non posse, nisi simul rectificatio lineæ Parabolicæ detur. Hujus autem & præcedentis Constructionis demonstrationem lubens omitto, ne Celeberrimo Viro primæ inventionis palmam vel præripiam, vel inventa sua super hac materia plane supprimendi ansam præbeam: sufficet hic, si notabiliores hujus Curvæ proprietates addidero:

1. Ducta tangente FD, erit AF. AD :: BC. BF curvam.
2. AE vel AF æquatur curvæ Parabolicæ BH dempta recta AG.
3. Curva BE vel BF æqualis est rectæ AG, i. e. portiones curvæ funiculariæ ad axem applicatæ efficiunt Hyperbolam æquilataram: insignis est hujus Curvæ proprietas.
4. Spatium Funicularium BAE vel BAF est æquale rectangulo sub BA & AF, diminuto rectangulo sub CB & FG.
5. Curva MNO, ex cujus evolutione describitur Funicularia, BE, est tertia proportionalis ad CB & AG.
6. Recta vero evolvens EO est tertia proportionalis ad CB & CA.
7. Recta BM usque ad principium curvæ MNO sumta æquatur ipsi CB.
8. MP est dupla ipsius BA.
9. Rectangulum sub CB & PO duplum est spatii hyperbolici ABG.
10. Recta CP bisecta est in puncto A.
11. Curva EB est ad curvam MNO, ut recta CB ad rectam AG.
12. Si ad AG applicentur duo Rectangula AI, AK, quorum unum AI ei quod sub semilatre transverso CB & recta FG comprehenditur rectangulo, alterum AK quod ipsi spatii Hyperbolico BGA æquatur; & differentię latitudinum KI sumatur in axe a vertice B æqualis BL, erit punctum L centrum gravitatis curvæ Funiculariæ EBF.
13. Si super EF infinitæ intelligantur descriptæ curvæ ipsi Funiculariæ EBF æquales, illæque in rectas extendantur, & in singulis singulæ extensæ punctis applicentur rectæ ipsis respective distantis a linea EF æquales, erit omnium spatiorum quæ sic efficiuntur illud quod a Funicularia gignitur maximum.

Fig. II.

Cœpit Hon. Frater speculationem hanc extendere etiam ad funes inæqualiter crassos, quorum crassities ad longitudinem relationem obtinet æquatione algebraica exprimibilem, notatque unum casum, quo problema per Curvam simplicem Mechanicam solvi possit: nempe si supponatur Figura Curvilinea ABDEG, cujus applicata GE sit reciproce in dimidiata ratione abscissæ AG, eaque sit in omnibus suis applicatis flexilis, hoc est, si concipiatur funis AG gravatus in singulis suis punctis respectivis rectis GE, vel (quod tantundem est) differentiis applicatarum GH in Parabola AHL, aut denique portiunculis curvæ cycloidalis AHL (cujus vertex A) isque sic gravatus suspendi intelligatur, ita ut punctum A sit omnium infimum (quod fit, ubi connexum habuerit a parte A alium funem ejusdem longitudinis & in æqua-

Fig. III.

Fig. IV.

libus a puncto A distantis æqualiter gravatum): tum jubet ad axem AG construere Hyperbolam æquilateram ABC cujus vertex A, applicatamque BD producere ad E, ita ut rectangulum sub semilatore recto vel transverso & linea DE, sit æquale spatio ADB; ostenditque punctum E esse ad curvam quæsitam AEF, quam funis dicta ratione gravatus format, ipsam vero curvam AE esse tertiam proportionalem ad rectum vel transversum latus Hyperbolæ & applicatam ejus DB; tangentem EH haberi sumpta IH quarta proportionali ad semilatus rectum, abscissam AD & applicatam DB, &c. Reperi autem, quod memorabile est, curvam hanc AEF illam ipsam esse, ex cujus evolutione altera BE, quam uniformis crassitie funis format, describitur; adeoque eandem cum curva MNO.

Fig. II.

Notare convenit, quod si quis experimentis hæc examinare instituat, catenulam præ fune seligere debeat, quem ob nimiam cum levitatem tum rigiditatem ad id ineptum deprehendimus. Caterum qui materiam hanc perficere & ampliare volet, poterit investigare naturam curvæ, quam refert funis in hypothesi Terræ centro distantia finitæ, vel si supponatur insuper a proprio pondere extensibilis, aut quocunque alio modo gravatus: vel etiam vice versa qualiter illum gravare conveniat, ut referat lineam Parabolicam, Hyperbolicam, Circularem aliamque quamcunque datam curvam: Res enim omnino in potestate est.

DE

DE LINEA IN QUAM FLEXILE SE  
 pondere proprio curvat, ejusque usu insigni adin-  
 veniendas quotcunque medias proportionales &  
 Logarithmos. Autore G. G. L.

**P**roblema *Linea Catenaria vel Funicularis* duplicem usum habet; unum, ut augeatur ars inveniendi seu Analytis, quæ hæcenus ad talia non satis pertingebat, alterum ut praxis construendi promoveatur. Reperi enim hanc lineam ut facillimam factu, ita utilissimam effectui esse, nec ulli Transcendentium secundam. Nam suspensione fili vel potius *catenula* (quæ extensionem non mutat) nullo negotio parari & describi potest, *physico* quodam *constructionis genere*. Et ope ejus ubi semel descripta est, exhiberi possunt quotcunq; mediæ proportionales, & Logarithmi, & Quadratura Hyperbolæ. Primus *Galileus* de ea cogitavit, sed naturam ejus assecutus non est: neq; enim Parabola est, ut ipse erat suspicatus. *Joachimus Jungius*, eximius nostri seculi Philosophus & Mathematicus, qui multa ante *Carresii* præclara cogitata habuerat circa Scientiarum emendationem, calculis initis, & experimentis factis parabolam exclusit, veram lineam non substituit. Ex eo tempore a multis tentata quæstio est, a nemine soluta, donec nuper mihi ab eruditissimo Mathematico præbita ejus tractandæ occasio est. Nam Cl. *Bernoullius*, cum meam quandam Analysin infinitorum, calculo differentiali, me suadente introducto, expressam, feliciter applicuisset ad quædam problemata, a me publice petivit Actorum Anni superioris mense Majo, p. 218, sq. ut tentarem, an nostrum calculi genus etiam ad hujusmodi problemata, quale est lineæ catenariæ inventio, porringeretur. Re in gratiam ejus tentata, non tantum successum habui, primusque, ni fallor, illustre hoc problema solvi, sed & lineam egregios usus habere deprehendi, quæ res fecit, ut exemplo *Blasii*, *Paschalis* aliorumque ad eandem inquisitionem invitaverim Mathematicos certo tempore præstituto, experiendarum Methodorum causa, ut apparet, quid illi daturi essent, qui fortasse alias adhiberent ab ea qua *Bernoullius* mecum utitur. Tempore nondum elapso, duo tantum significarunt rem se consecutos, *Christianus Hugenius*, cujus magna in rem literariam merita nemo ignorat; & ipse cum fratre ingenioso juvene & pererudito *Bernoullio*, qui his, quæ dedit, effecit, ut præclara quæque

porro ab iis speremus. Eum igitur reapse expertum puto quod significaveram, huc quoque porrigi nostram calculandi rationem, & quæ antea difficillima habebantur jam aditum admittere. Sed placet exponere quæ a me sunt inventa; quid alii præstiterint, collatio ostendet.

*Linea sic construitur Geometricæ*, sine auxilio fili aut catenæ, & sine suppositione quadraturarum, eo constructionis genere, quo pro Transcendentibus nullum perfectius & magis Analysis consentaneum mea sententia haberi potest. Sint duæ quæcunque lineæ rectæ, determinatam quandam & invariabilem inter se habentes rationem, eam scilicet quam  $N$  &  $\Delta$ , hic expositæ, qua ratione semel cognita cætera omnia per Geometriam ordinariam procedunt. Sit recta indefinita  $\odot N$  horizontali parallella, eique perpendicularis  $\odot A$ , æqualis ipsi  $\odot \Delta N$ , & super  $\Delta N$  verticalis  $\Delta N \xi$ , quæ sit ad  $\odot A$ , ut  $N$  ad  $\Delta$ . Inter  $\odot A$  &  $\Delta N \xi$  quærat media proportionalis  $i N \xi$ ; & inter  $i N \xi$  &  $\Delta N \xi$ , itemque inter  $i N \xi$  &  $\odot A$  quærat rursus media proportionalis, & ita porro quærendo medias, & inventis tertiis proportionales, describatur continueturque linea  $\xi \xi A (\xi) (\xi)$  quæ erit talis naturæ, ut ipsis intervallis verbi gr.  $\Delta N \xi$ ,  $i N \odot$ ,  $\odot$ ,  $(N)$ ,  $i (N)$   $\Delta (N)$ , &c. sumtis æqualibus, sint ordinatæ  $\Delta N \xi$ ,  $i N \xi$ ,  $\odot A$ ,  $i (N)$   $i (\xi)$ ,  $\Delta (N)$   $\Delta (\xi)$  in continua progressionem Geometrica, qualem lineam *Logarithmicam* appellare soleo. Jam sumtis  $\odot N$ ,  $\odot (N)$  æqualibus, super  $N$  vel  $(N)$  erigatur  $NC$  vel  $(N) (C)$  æqualis dimidiæ summæ ipsarum  $N \xi$ ,  $(N) (\xi)$ , &  $C$  vel  $(C)$  erit *punctum lineæ catenariæ*  $FCA (C)L$ , cujus ita puncta quotcunque assignari Geometricè possunt.

Contra si linea catenaria physice construat ope fili vel catenæ pendens, ejus ope exhiberi possunt quotcunque mediæ proportionales, & Logarithmi inveniri datorum numerorum vel numeri datorum Logarithmorum. Sic si quærat Logarithmus numeri  $\odot \omega$ , posito ipsius  $\odot A$ , (tanquam Unitatis, quam & *parametrum* vocabo) Logarithmum esse nihilo æqualem. Seu quod eodem redit, si quærat Logarithmus rationis inter  $\odot A$  &  $\odot \omega$ , sumatur ipsis  $\odot \omega$  &  $\odot A$  tertia proportionalis  $\odot \psi$ , & ipsarum  $\odot \omega$  &  $\odot \psi$  summæ dimidiæ  $\odot B$ , tanquam abscissæ, respondens Lineæ Catenariæ ordinata  $BC$  vel  $\odot N$ , erit *Logarithmus quæsitus Numeri dati*. Contra, dato Logarithmo  $\odot N$  inde ductæ ad Curvam Catenariam verticalis  $NC$  duplam, oportet secare in duas partes tales, ut media proportionalis inter segmenta sit æqualis

TAB.  
VII.  
Fig. I.



porro ab iis speremus. Eum igitur reapse expertum puto quod significaveram, huc quoque porrigi nostram calculandi rationem, & quæ antea difficillima habebantur iam admodum facile fieri posse.

TAB.  
VII.  
Fig. I.

fir.  
Ti  
me  
ter  
sci  
on  
Cl  
&  
3N  
iter  
ita  
bat  
into  
libi  
pro  
folc  
NC  
(C)  
que

pen  
les,  
Log  
us C  
mur  
rith  
port  
absc  
gari  
de d  
care

... proportionibus inter segmenta sit  
æqualis



$\alpha$ qualis data (Unitati)  $\odot A$ , (quod facillimum est) & duo segmenta erunt *respondentes dato Logarithmo Numeri quasi*, unus major, alter minor unitate. Aliter: inventa, ut dictum est, NC seu  $\odot R$  (sumto ita puncto R in horizontali AR, ut habeamus  $\odot R$   $\alpha$ qualem  $\odot B$  vel NC) erunt summa ac differentia rectorum  $\odot R$  & AR duo respondentes Logarithmo dato Numeri, unus major, alter minor Unitate. Nam differentia ipsarum  $\odot R$  & AR est  $N\xi$ , & summa earum est  $(N)(\xi)$ ; uti vicissim  $\odot R$  est semisumma, & AR semidifferentia ipsarum  $(N)(\xi)$  &  $N\xi$ .

Sequuntur *solutiones Problematum primariorum*, quæ circa lineas proponi solent. *Tangentem ducere ad punctum linea datum C*; in AR horizontali per verticem A sumatur R, ut fiat  $\odot R$   $\alpha$ qualis  $\odot B$  data, & ipsi  $\odot R$  ducta Antiparallela CT (occurrent axi  $\odot A$  in T) erit tangens quaesita. *Antiparallelas* compendii causa hic voco ipsas  $\odot R$  & TC, si ad parallelas AR & BC faciant non quidem eosdem angulos, sed tamen complemento sibi existentes ad rectum, AR $\odot$  & BCT. Et Triangula rectorum  $\odot AR$  & CBT, sunt similia.

*Rectam invenire arcui catena aequalem.* Centro  $\odot$  radio  $\odot B$  describendo Circulum, qui horizontalem per A secet in R, erit AR  $\alpha$ qualis arcui dato AC. Patet etiam ex dictis fore  $\psi\omega$   $\alpha$ qualem catenæ CA(C). Si catena CA(C)  $\alpha$ qualis esset duplæ parametro, seu si AC vel AR  $\alpha$ qualis  $\odot A$ , foret catenæ in C inclinatio ad horizontem, seu angulus BCT, 45 graduum; adeoque angulus CT(C) rectus.

*Quadrare spatium linea catenaria & recta vel rectis comprehensum.* Scilicet invento puncto R, ut ante, erit rectangulum  $\odot AR$   $\alpha$ quale Quadrilineo A $\odot$ NCA. Unde alias quasvis portiones quadrare in proclivi est. Patet etiam, arcus esse areis quadrilineis proportionales.

*Invenire centrum gravitatis catena, aut partis ejus cujuscunque.* Arcui AC vel AR, ordinatæ BC, parametro  $\odot A$  inventa quarta proportionalis  $\odot b$ , addatur abscissæ  $\odot B$ , & summæ dimidia  $\odot G$ , dabit G centrum gravitatis catenæ CA(C). Porro tangens CT secet horizontalem per A, in E, compleatur rectangulum GAEP, erit P centrum gravitatis arcus AC. Cujuscunque arcus alterius ut C $\odot$ C distantia centri gr. ab axe, est AM, posito  $\pi$ M esse perpendicularem in horizontem verticis, demissam ex  $\pi$  concursu tangentium C $\pi$ , 1C $\pi$ . Quamquam & centrum ejus ex centris arcuum AC, A $\odot$ C, facile habeatur.

Hinc

Hinc & habetur BG, maximus descensus possibilis centri funiculi seu catenæ aut lineæ flexilis non extendibilis cujuscunque, duabus extremitatibus C & (C) suspensæ, longitudinem habentis datam  $\psi$ ; quamcunque enim figuram aliam assumat, minus descendet centrum grav. quam si in nostram CA(C) curvetur.

*Invenire centrum gravitatis figuræ, lineæ catenariæ & rectæ vel rectis comprehensæ.* Sumatur  $\odot\beta$  dimidia ipsius  $\odot G$ , & compleatur rectangulum  $\beta A E Q$ , erit Q centrum gravitatis quadrilinei  $A \odot N C A$ . Unde & cujuscunque alterius spatii lineæ catenariæ & rectæ vel rectis terminati centrum facile habetur. Hinc porro sequitur illud memorabile, non tantum quadrilinea ut  $A \odot N C A$  arcubus AC proportionalia esse, ut jam notavimus, sed & amborum centrorum gravitatis distantias ab horizontali per  $\odot$ , nempe  $\odot G$  &  $\odot\beta$  esse proportionales, cum illa sit semper hujus dupla; & distantias ab axe  $\odot B$ , nempe PG, Q $\beta$  adeo esse proportionales, ut sint plane æquales.

*Invenire contenta & superficies solidorum, rotatione figurarum lineæ catenariæ & rectæ vel rectis comprehensarum, circa rectam immotam quancunque genitorum.* Habetur ex duobus problematibus præcedentibus, ut notum est. Sic si catena CA(C) rotetur circa axem AB, generata superficies æquabitur circulo, cujus radius possit duplum rectangulum EAR. Nec minus aliæ superficies vel etiam solida dicto modo genita mensurari possunt.

Multa Theoremata ac Problemata prætereo, quæ vel in his continentur quæ diximus, vel non magno negotio inde derivantur, cum brevitati consulere visum sit. Sic sumtis duobus catenæ punctis, ut C & IC, quorum tangentes sibi occurrant in  $\pi$ , ex punctis IC,  $\pi$ , C, in ipsam AEE horizontalem verticis demittantur perpendiculares IC $\iota$ J,  $\pi M$ , CJ: fiet IJJ in AC minus ICC in IJM æquale IB $\beta$  in  $\odot A$ . Possunt & series infinitæ utiliter adhiberi. Sic si parameter  $\odot A$  sit unitas, & arcus AC, vel recta AR, dicatur  $a$ , & ordinata BC vocetur  $y$ , fiet  $y = \frac{1}{2} a - \frac{1}{8} a^3 + \frac{1}{48} a^5 - \frac{5}{72} a^7$ , &c. quæ series facili regula continuari potest. Datis quoque lineam determinantibus, haberi possunt reliquæ ex dictis. Sic dato vertice A, & alio puncto C, & AR longitudine catenæ interceptæ AC, haberi potest lineæ parameter A $\odot$ , vel punctum  $\odot$ : quoniam enim datur & B, jungatur BR, & ex R educatur recta R $\mu$ , ita ut angulus BR $\mu$  sit æqualis angulo RBA, & ipsa R $\mu$  (producta) occurrat Axi BA (producto) in puncto  $\odot$  quæsito.

Atque

Atque his quidem potissima contineri arbitror, unde cætera circa hanc lineam, ubi opus, facile duci poterunt. Demonstrationes adjicere superfedeo, prolixitatis vitandæ gratia, præsertim cum novæ nostræ Analyseos calculos in his actis explicatos intelligenti sponte nascantur.

**CHRISTIANI HUGENII, DYNASTÆ IN**  
*Zülichem, solutio ejusdem Problematis.*

**S**I Catena CVA suspensa sit ex filis FC, EA utrinque annexis, ac gratab. TAB. VII. vitate carentibus, ita ut capita C & A sint pari altitudine, deturque Fig. 2. angulus inclinationis filorum productorum CGA, & catenæ totius positus, cujus vertex sit V, axis VB.

1. Licebit hinc invenire tangentem in dato quovis catenæ puncto. Velut si punctum datum sit L, unde ducta applicata LH dividat æqualiter axem BV. Jam si angulus CGA sit  $60^\circ$ , erit inclinanda a puncto A ad axem recta AJV, æqualis  $\frac{2}{3}$  AB, cui ducta parallela LR, tanget curvam in puncto L. Item si latera GB, BA, AG sint partium 3, 4, 5, erit AIV ponenda partium  $4\frac{1}{2}$ .

2. Invenitur porro & recta linea catenæ æqualis, vel datæ cuilibet ejus portioni. Semper enim dato angulo CGA, data erit ratio axis BV ad curvam VA. Velut si latera GB, BA, AG sint ut 3, 4, 5, erit curva VA tripla axis VB.

3. Item definitur radius curvatis in vertice V, hoc est semidiameter circuli maximi, qui per verticem hunc descriptus totus intra curvam cadat. Nam si angulus CGA sit  $60^\circ$ , erit radius curvatis ipsi axi BV æqualis. Si vero angulus CGA sit rectus, erit radius curvatis æqualis curvæ VA.

4. Poterit & circulus æqualis inveniri superficiei conoidis, ex revolutione catenæ circa axem suum. Ita si angulus CGA sit  $60^\circ$ , erit superficies conoidis ex catena CVA genita æqualis circulo, cujus radius possit duplum rectangulum BVG.

5. Inveniuntur etiam puncta quotlibet curvæ KN, cujus evolutione, una cum recta KV, radio curvatis in vertice, curva VA describitur; atque evolutæ ipsius KN longitudo. Velut si angulus CGA fuerit  $60^\circ$ , erit KN tripla axis BV. Si vero latera GB, BA, AG sint ut 3, 4, 5, erit illa  $\frac{2}{3}$  axis BV.

Nn

6.Præ.

6. Præterea spatii NKVAN quadratura datur. Posito enim angulo CGA  $60^\circ$ , erit spatium illud æquale rectangulo ex axe BV, & ea quæ potest triplum quadratum ejusdem BV. Si vero latera GB, BA, AG sint ut 3, 4, 5, erit idem spatium æquale septuplo quadrato BV, cum parte octava.

7. Porro puncta quotlibet catenæ inveniri possunt, posita quadratura curvæ alterutrius harum:  $xyy = a^4 - ayy$ , vel  $xyy = 4a^4 - x^4$ . Vel etiã data distantia centri gravitatis ab axe, in portionibus planis, quas abscindunt rectæ axi parallelæ in curva harum priore. Quadratura autem hujus curvæ pendet a summis secantium arcuum per minima æqualiter crescentium: quæ summæ ex Tabulis sinuum egregio quodam adhibito compendio inveniuntur quamlibet proxime. Hinc ex. gr. inventum, quod si angulus CGA sit rectus, & ponatur axis BV partium 10000; erit BA, 21279, non una minus. Curva autem VA, per superius indicata cognoscitur hic esse partium 24142, non una minus.

In his omnibus non nisi ad casus singulares solutiones problematum dedi, vitandæ prolixitatis studio, & quoniam non dubito quin regulas universales Viri docti affatim sint exhibituri. Quod si tamen aliquæ ex nostris requirentur, eas lubenter mittam. Ac jam pridem omnes apud Clarissimum Virum G. G. L. ibnitiu involucre quodam oblectas depofui.

*SPECIMEN ALTERUM CALCULI DIFFERENTIALIS in dimetienda Spirali Logarithmica, Loxodromiis Nautarum, & Arcis Triangulorum Sphericorum: una cum Additamento quodam ad Problema Funicularium, aliisque, per I. B.*

TAB. VIII. **D**E Spirali Logarithmica: Si in plano circuli BCH jaceat curva BDEIPC, quam secent eodem angulo obliquo radii CB, CL &c, Fig. I. ex centro circuli Ceducti, dicetur Curva hæc *Spiralis Logarithmica*; quoniam sumtis arcibus LM. MN &c, infinite parvis & æqualibus, hoc est, ipsis BL, BM, BN, Arithmetice proportionalibus, radii DC, EC, IC, sunt Geometrice proportionales, ob Triangula similia DCE, ECI, &c. Spiralis isthæc jam Wallis & Barrovis considerari cœpta est;

hec





Fig. III.





TAB  
VIII.  
Fig.

nec actum agerem, nisi affinitas illi intercederet cum Loxodromiis seu Rumbis Nautarum, quibus dimetiendis nunc occupabimur: ipsamet enim esset vera Loxodromica, si Terra plana foret.

1. *Longitudo Curva*: Centro C describantur arcus EF, IG, PQ, & ducantur rectæ CH, CS & QR, perpendiculares ipsis CB, CD, quæ secant tangentes curvæ BH, DS in H, S, & R: sic erunt Triangula DFE, EGI similia ob angulos FDE, GEI ex hypothesi æquales, & DFE, EGI rectos; quare CD. DS :: FD. DE :: GE. EI :: FD ✕ GB. DE ✕ EI. &c; hoc est:: DC. DIPC: quare DS=DIPC. Eadem opera ostenditur DR=DIP, adeoque & RS=PC.

*Coroll.* Quia spiralis hæc infinitis gyris circa centrum C convolvitur, patet, curvæ alicui interminatæ posse rectam finitam æqualem dari.

2. *Spatium*: Positis CB=r, CH=t, BM=x, CE=y. erit r (CM).  
 $dx$  (LM):: y (CE).  $\frac{ydx}{r}$  = EF; hinc EF in  $\frac{1}{2}$  EC =  $\frac{ydx}{r}$  in  $\frac{1}{2}y$  =  $\frac{yydx}{2r}$  = ΔECF;

sed DF (dy). FE  $\frac{(ydx)}{r}$  :: BC (r). CH (t). Unde  $ydx = tdy$ , adeoque

$\frac{yydx}{2r}$  (ΔECF) =  $\frac{tydy}{2r}$ ; & hujus integrale  $\frac{tyy}{4r}$  = omnibus triangulis FCE,

GCI, &c; hoc est, spatio DIPCD. Si y ponitur = r, erit  $\frac{tyy}{4r}$  (=  $\frac{1}{4}tr$

=  $\frac{1}{2}$  ΔBCH) = toti spatio spirali BDPCB, repetitis vid. toties portiunculis circa centrum C existentibus, quot gyris singulæ communes sunt.

*De Loxodromiis Nautarum*: Esto jam in eadem figura BLDC superficies sphaeræ, C polus, BL æquator, CB, CL &c. meridiani secantes curvam BIPC constanti angulo FDE, erit Curva hæc dicta *Loxodromica*,

1. *Longitudo Loxodromia*: Descriptis arcibus æquatori parallelis FE, GI, PQ, ut prius, erit haud absimiliter: Sinus totus ad secantem ang. FDE:: DF, DE:: EG. EI:: DF ✕ EG &c, DE ✕ EI &c.:: hoc est, arcus meridiani DQC (complementum elevationis poli loci D) ad longitudinem loxodromiæ. DIPC: Et ita quoque arcus DQ seu

Nn 2 disso-

differentia latitudinum locorum D & P, ad partem Loxodromiæ MIP his locis interjectam.

*Cor:* Hinc portiones Loxodromiæ inter duo quæcunque loca latitudine æquidifferentia sunt æquales, & generaliter partes Loxodromiæ ejusdem proportionales sunt differentiis latitudinum inter partium terminos.

Fig. II.

Porro ad inveniendam locorum longitudinem ex datis latitudinibus & angulo Rumbi, aut vice versa: Eſto ABC planum meridiani, A centrum ſphæræ, C polus, AB radius æquatoris ſeu ſinus totus =  $r$ , BD latitudo loci =  $y$ , DG radius paralleli æquatoris =  $z$ ; adeoque DE =  $dy$ , & DF =  $dz$ , tangens anguli Rumbi & meridiani =  $t$ , ipſe vero arcus æquatoris BL in *fig. præced.* =  $x$ , ejusque differentiale LM =  $dx$ , quibus poſitis, erit primo,  $r. z :: dx \frac{zdx}{r}$  = different. paralleli: deinde  $\frac{zdx}{r}$ .

$dy :: t. r$ , adeoque  $dy = \frac{zdx}{t}$ : denique DE ( $dy$ ). DF ( $dz$ ) :: AD ( $r$ ). AG

$$\left( \sqrt{rr-zz} \right); \text{ unde } dy \left( \frac{zdx}{t} \right) = \frac{r dz}{\sqrt{rr-zz}}, \text{ ac proinde } dx = \frac{tr dz}{z \sqrt{rr-zz}}$$

quod ſic conſtruitur: Applicetur extremitati radii AC normalis CP =  $t$ , & per punctum P aſymptotis AC, AB deſcribatur Hyperbola PI: deinde aſſumpto in peripheria quadrantis quovis puncto D, agantur DO, DI parallelæ radiis AC, AB, & abſcindatur LM = GI, ductæque AMN ſumatur LO = BN, erit punctum O ad curvam optatam OQ. *Dem.:*

$$A G. AC :: CP. GI \text{ vel LM, AL. LM } :: AB. BN \text{ ſeu LO}$$

$$\sqrt{rr-zz}. r :: t. \frac{tr}{\sqrt{rr-zz}}, \quad z. \frac{tr}{\sqrt{rr-zz}} :: r. \frac{tr}{z \sqrt{rr-zz}},$$

quare ſpatium OLVX latitudinis LV ſeu  $dz = \frac{tr dz}{z \sqrt{rr-zz}}$  = (ut modo

oſtenſum)  $rdx$ , & propterea totum ſpatium TBVX =  $rx$ , ideoque ſpatium hoc applicatum ad radium exhibet rectam æqualem arcui æquatoris, qui differentiam longitudinum exhibet puncti B, & ejus in quo linea loxodromica parallelum per E tranſeuntem ſecat. Non ſecus, ſi la-



si latitudo loci e quo proficisceris sit  $Bi$ , & ejus in quem per Rumbum datum pervenisti,  $BR$ , erit spatium  $OLSQ$  ad radium applicatum æquale arcui æquatoris, qui differentiam longitudinum dictorum locorum metitur. Præterea datis longitudinibus & latitudinibus loci a quo & ad quem, quaritur  $t$ , hoc est, in quem navis Rumbum dirigi debeat: Resp. differentia longitudinum duorum locorum est ad differentiam duorum aliorum latitudine cum prioribus convenientium, ut tangens anguli prioris Rumbi ad tang. ang. post. Etenim descripta alia hyperbola  $YZ$  & alia curva  $WK$ , erit  $CP$ .  $GI(LM)::AG.AC::CY.GZ(LH)$ , & permutando  $CP.CY::LM.LH::LM.LA \mp LA.LH::BN(LO).BA \mp BA.BT(LW)::LO.LW$ ; quod cum ubique valeat, erunt omnes  $LO, LW$ ; hoc est, spatio  $LOQS, LWKS$ , divisa per communem radium, hoc est, differentię longitudinum, ut  $CP, CY$ , seu ut tangentes angulorum, quos Rumbi faciunt cum meridianis: unde datis latitudinibus  $BD, BR$ , si fiat, Ut spatium  $LOQS$  ad radium applicatum, ad datam longitudinum differentiam; sic data  $CP$  ad aliam  $CY$ : erit hæc tangens anguli quæsit.

Constructio Problematis succinctor: Extenso quadrante meridiani  $BC$  in rectam  $\beta x$  & abscissa quavis  $\beta d = BD$ , si applicetur  $d\gamma$ , quæ sit ad  $\beta t$  seu  $t$ , ut  $AB$  ad  $DG$ , erit curva  $\tau\gamma$  ita comparata, ut spatium curvilineum  $d\gamma\pi\epsilon$  ad radium  $AB$  applicatum sit æquale arcui æquatoris, qui differentiam longitudinum exprimit locorum, quorum latitudines sunt  $\beta d, \beta g$ , seu  $BD, BR$ . Cum enim ex constructione sit

$$DG. AB :: t. d\gamma: \text{erit } d\gamma = \frac{tr}{z}; \text{ adeoque } \int \gamma ds = \frac{trdy}{z} = rdx \text{ per}$$

sup. ostensa, &c.

Præterea, si spatium curvilineum  $\beta t\pi\epsilon$  adeoque & singula  $\int \gamma ds \left( \frac{trdy}{z} \right)$  commutari intelligantur in alia parallelogramma, quorum communis altitudo sit  $\beta t = t$ , erit singulorum latitudo respectiva  $\frac{r dy}{z}$ , quæ est ad  $ds$  seu  $dy$ , ut  $r$  ad  $z$  (radius ad sin. compl. latitudinis  $\beta d$  vel  $BD$ , sive ut secans latitudinis ad radium) quare ut  $r$  ad  $t$ , sic unius paralle-

N n 3

Fig. II  
& III.

parallelogrammuli latitudo  $\frac{r dy}{z}$  ad  $\frac{r dy}{z} (= dx)$  & ita summa omnium

ad  $x$  loci longitudinem. Hinc ratio perspicitur constructionis *Tabula*, quam vocant *latitudinum crescentium*, qua de vide sis *Snellium* & *P. Des Cboles*.

2. *Spatium Loxodromicum*: Quod portionem superficiei sphaericae curvae Loxodromicae & polo vel Aequatori interjectum concernit, fiat:  $r.p.$  (radius ad peripheriam) ::  $z.\frac{fz}{r}$  = circumferentiae

paralleli per D transeuntis, quae ducta in latitudinem  $DE = dy = \frac{r dz}{\sqrt{rr-zz}}$ ,

exhibet  $\frac{p z dz}{\sqrt{rr-zz}}$  aream annuli DE, ejusque integrale  $p \sqrt{rr-zz}$  dat

superficiem Zonae sphaericae, rotatione arcus BD super axe AG genitae:

Quia  $p \sqrt{rr-zz} = p$  in  $\sqrt{rr-zz} = p$  in AG, obiter notamus insigne *Theorema Archimedeum*, quod superficies frusti sphaerae cujuslibet aequetur producto altitudinis ejus in peripheriam circuli maximi, & proportionalis partis proportionaliter; adeoque quod superficies portionum inter se sunt ut altitudines) hinc  $p. dx :: p \sqrt{rr-zz}.$

$dx \sqrt{rr-zz}$  (seu per sup. ostensa  $\frac{r dz}{z}$ ) = areae trapezii sphaerici, cujus

bases oppositae sunt differentioe arcuum, aequatoris & paralleli; ejus itaque integrale aequalis areae spatii curvae Loxodromicae & aequatori interjecti: est vero integrale ipsius  $\frac{rr/z}{z}$  = spatio hyperbolico; quare

si asymptotis AB, AC describatur hyperbola  $pqr$ , eadem cum altera PI, erit portio ejus quaecunque  $pBvr$  aequalis spatio comprehenso curva Loxodromica, aequatore & meridiano dictam Loxodromicam ad latitudinem BE interfecante; cumque totum spatium TBVX sit aequale  $rx$ , hoc est, ipsi radio AC in arcum aequatoris  $x$ , hoc est per modo laudatum *Theor. Archim.* toti triangulo sphaerico duobus meridianis & aequatori

quatori intercepto, sequitur reliquum *TprX* æquari ipsi spatio, utroque meridiano, loxodromica & polo terminato. *Nel. 1. Lq. LO::*

$$\frac{tr}{z} \frac{tr}{z} \frac{tr}{z} :: \sqrt{rr-zz}. r :: AG. AC. \text{ Unde alia habetur con-}$$

structio curvæ *OQ*. 2. Si duas Loxodromias idem æquatoris parallelus secet, & per puncta sectionum transcant meridiani, spatia Loxodromiis, meridianis & æquatori utrinque interjecta erunt, ut tangentes angulorum, quos Rumbi constituant cum meridianis; patet, quia spatia plurium hyperbolarum, quale *pBVR*; abscissa ab eadem *EX* sunt ut ipse *Bp*.

*De Area Triangulorum Sphæricorum.* Est *ABC* Triangulum *Fig. IV.* Sphæricum rectangulum ad *C*; *D* polus circuli *AC*; *I* Sphære centrum; *IA, IC, IF* radii; *AF, DF, DC, DO* quadrantes circulorum maximorum; *CH, OG*, sinus arcuum *CA, OA*, sitque *OC* pars infinite parva cruris *AC*: ac ponatur *IA=r*, tangens arcus *FE* seu anguli *BAC=t*, *IH=z*, *HC=√rr-zz*: erit

$$HC. IC :: HG, OC \mid IF(\sin. AF). HC(\sin AC) :: \text{tang. FE. tang. CB.}$$

$$\sqrt{rr-zz}. r :: dz. \frac{rdx}{\sqrt{rr-zz}} \mid r. \sqrt{rr-zz} :: t. \frac{t}{r} \sqrt{rr-zz}$$

per Doctr. Trigon.  $\left| \frac{\sec. CB. \text{ tang. CB } :: \text{Rad. } \sin. CB.}{\sqrt{11rr-11zz} \times r^4 \sqrt{11rr-11zz} :: r. r \sqrt{11rr-11zz}} \right.$

*fin. CB* in *CO*  $\left( \sqrt{\frac{trrdz}{11rr-11zz} \times r^4} \right) = \text{BCOL}$ , per sup. cit. *Theor. Archim.* cujus integrale = area Triang. *ABC*.

*Constr.* Describatur semicirculus centro *I* radio *IM=*  $\frac{r\sqrt{11+r^2}}{t}$

seu quartæ proportionali ad tang. & sec. ang. *BAC* ac radius *IA*, tum fiat alia curva *PQR* ejus naturæ, ut *HQ* sit tertia proportionalis ad *EN* & radius sphære *IA*, eritque planum *AHQ* = superficiæ Trianguli Sphærici *ABC*. *Dem:* *IMq - IHq = HNq*

$$\frac{11rr \times r^4}{11} - zz = \frac{11rr \times r^4 - 11zz}{11} \mid \text{HN.}$$

$$\frac{\sqrt{ttrr \star r^4 - tzzz}}{tt} \cdot r :: r. \frac{HQ}{trr} \left| \text{adeoque } QHG = \right.$$

$$\frac{trrdz}{\sqrt{ttrr \star r^4 - tzzz}} = \text{BCOL, \&c.}$$

*Cor. 1.* Planum AIPR (= Triang. Sphær. AEF) applicatum ad radium IA = arcui EF, per *Tb. Arch.*

2. Si  $t = \text{infin.}$  hoc est, ang. BAC rectus, erit IM = IA & planum AHQR ad radium applicatum = arcui AC.

*Additamentum ad Problema Funicularium.*

Postquam *Problematis* de *Curva Funicularia* solutionem nuperime exhibuisset *Frater*, speculationem istam continuo promovi ulterius, & ad alios quoque casus applicui, quo pacto præter ea quorum tum mentio facta est, nonnulla sese obtulerunt, quæ recensere operæ prærium existimo.

**Fig. V.** 1. Si crassities vel gravamina funis aut catenæ inæqualia sint & sic attemperata, ut dum est in statu quietis, gravamen portionis HI sit in ratione portionis rectæ utcumque ductæ LM, iisdem perpendicularis HL, IM interceptæ curva AIHB, quam funis vel catena sic suspensa proprio pondere format, erit Parabolica. Sin gravamen portionis HI sit in ratione spatii LOPM iisdem perpendicularis HL, IM, intercepti, erit Funicularia AB curva Parabolæ vel Cubicalis, vel Biquadraticæ, vel Surdesolidalis &c. prout Figura CLO est vel Triangulum, vel Complementum semiparabolæ communis, aut semiparabolæ Cubicalis &c. Quod si vero gravamen portionis HI sit in ratione spatii QRST iisdem rectis horizontalibus HQ, IR, abscissi, erit Funicularia IB curva aliqua ex genere Hyperbolicarum (recta AG existente una ex asymptotis) puta vel Apolloniana, vel Cubicalis, vel Biquadratica &c. prout vid. Figura AQT est vel Triangulum, vel Complementum semiparabolæ communis, aut cubicalis, &c.

2. Si funis sit uniformis crassitiei, at a pondere suo extensibilis, peculiari opus est artificio: Vocetur portio funis non extensi, cujus ponderi æquipollet vis tendens in unum funis punctum,  $a$ , & excessus longitudinis, quo portio hæc a dicta vi extensa non extensam superat,  $b$ ,  
suma-

sumaturq; in perpendicularo  $FA=a$ , & in definita  $FC=x$ : tum fiat curva DE

ejus naturæ, ut sit applicata  $CD = \frac{ab}{\sqrt{2aa+2bx-2a}\sqrt{aa+bb+2bx}}$   
 $\sqrt{aa+bx+a}\sqrt{aa+bb+2bx}$   
 $2xx-2aa$ , (periade enim est) ac spatio cur-

vitneo ACDE constituitur æquale  $\square FG$ , producanturque rectæ KG, DC ad mutuum occursum in B; sic erit punctum B ad requisitam funiculariam AB. Suppono autem, extensiones viribus tendentibus proportionales esse, tametsi dubium mihi sit, an cum ratione & experientia hypothesis illa satis congruat. Retinere autem istam nobis liceat, dum veriore ignoramus.

3. Occasione *Problematis funicularii* mox in aliud non minus illustre delapsi sumus, concernens flexiones seu curvaturas trabium, arcuum tensorum aut elaterum quorumvis, a propria gravitate, vel appenso pondere aut alia quacunque vi comprimente factas; quorsum etiam Celeberrimum *Leibnitium* in privatis, quibus sub idem me tempus honoravit, literis digitum opportune intendere video. Videtur autem hoc Problema, cum ob hypotheseos incertitudinem, tum casuum multiplicem varietatem, plus aliquanto difficultatis involvere priori, quamquam hic non prolixo calculo sed industria tantum opus est. Ego per solutionem casus simplicissimi (saltem in præmemorata hypothesis extensionis) adyta Problematis feliciter referavi; verum ut ad imitationem *Viri Excellentissimi* & aliis spatium concedam suam tentandi Analysin, premam pro nunc solutionem, eamque tantisper Logogripho occultabo, clavem cum demonstratione in nundinis autumnalibus communicaturus. Si lamina elastica gravitatis expers AB, uniformis ubique crassitie & latitudinis, inferiore Fig. VI. extremitate A alicubi firmetur, & superiori B pondus appendatur, quantum sufficit ad laminam eousque incurvandam, ut linea directionis ponderis BC curvatæ laminæ in B sit perpendicularis, erit curvatura laminæ sequentis naturæ:

*Qrzum bapi dxqopddbbp poyl sy bbqnsqbsp ley ge muds udqbb  
 enbs smixy yxdkdxbp gqsrksqdui bg ipqandit scpgkbp aqdbkz.*

Fig. VII.

4. Iſtis vero omnibus multo ſublimior eſt ſpeculatio de *Figura veli vento inflati*; quamquam cum *Problemate Funiculario* eatenus affinitatem habet, quatenus venti continuo ad velum adlabentis impulſus ceu ſupis alicujus gravamina ſpectari poſſunt. Qui naturam preſſionis fluidorum intellexerit, haud difficulter quidem capiet, quod portio veli BC, quæ ſubtenſam habet directioni venti DE perpendicularẽ, curvari debeat in arcum circuli. At qualem curvaturam induat reliqua portio AB, ut difficilis eſt perquiſitio, ſic in re nauticæ eximii prorsus uſus futura eſt, ut præſtantiffimorum Geometrarum occupationem juxta cum ſubtiliſſimis mereri videatur. Cæterum in hiſ Problematis omnibus, quæ quis nequicquam alia tenter methodo, calculi *Leibnitiani* eximium & ſingularem plane uſum eſſe comperi, ut ipſum propterea inter primaria ſæculi noſtri inventa cenſendum eſſe æſtimem. Quanquam enim, ut nuper innui, anſam huic dediſſe credam calculum *Barrovii*, qualem appello, qui ab huius viri tempore paſſim fere apud Geometras præſtantes invaluit, quemque etiamnum *Nobilisſimo Tſchirnbaufio* ſolemnem eſſe video: hoc tamen non eo intelligendum eſt, quaſi utiliſſimi inventi dignitatem ullatenus elevare, aut *Celeberrimi Viri* laudi meritæ quicquam detrudere & aliis aſcribere cupiam; & ſi quæ conferenti mihi utrumque intercedere inter illõs viſa eſt affinitas, ea major non eſt, quam quæ faciat, ut uno intellecto ratio alterius facilius comprehendatur; dum unus ſuperfluas & mox delendas quantitates adhibet, quas alter compendio omittit: de cætero namque compendium iſthoc tale eſt, quod naturam rei prorsus mutat, facitque ut infinita per hunc præſtari poſſint, quæ per alterum nequeunt: præterquam etiam quod ipſum hoc compendium reperiſſe utique non erat cujuſvis, ſed ſublimis ingenii & quod Autorem quam maxime commendat.

*JACOBI USSERII ARMACHANI Archiepiſcopi hiſtoria dogmatica controverſie inter Orthodoxos & Pontificios de Scripturis & Sacris vernaculis nunc primum edita. Acceſſerunt ejusdem diſſertationes due de Pſeudo-Dionyſii ſcriptis & epiſtola ad Laodiceños antehac inedita. Deſcripſit, digeſſit & notis atque auctario locupletavit Henricus Wharton Archiepiſcopo Cantuarienſi a Sacris Domeſticis.*

Lond.

Londini typis R. R. impensis Richardi Chiswvelli, ad insignę rosę coronatę in cœmeterio S. Pauli 1690, in 4. plag. 62.

**C**um Pontificii linguarum vernacularum usum in Scripturę translationibus & publico sacrorum cultu improbent, longe aliam Ecclesię ab omni ævo sententiam fuisse, Episcopus Armachanus in posthumo hoc tractatu prolixè probat, ut adversarii, cum alias Reformatorum rationes variis argutiis eludere nitantur, saltem tot Veterum oraculis, & historia praxeos per tot seculorum centurias continuata confundantur. Et primo quidem capite veterum Hebræorum sententiam, ac deinde c. 2 & 3 Græcorum & Latinorum Patrum, qui ad annum usque sexcentissimum floruerunt, testimonia adducit. Antequam vero ad sequentia secula descendat, c. 4 nonnulla de Pontificii erroris origine interfatur, observans imperiosam civitatem Romanam scilicet una cum jugo etiam linguam suam domitis gentibus per speciem societatis imposuisse, & Romanos Pontifices imperium imitatos, ut Romanę lingue usus in ecclesiasticis officiis receptus Romanę auctoritatis in gentibus propagatę indicium foret, non minori sedulitate curasse, & Carolum M. id negotii haud parum promovisse, qui, cum Romana lingua in provinciis Romano Imperio subiectis per barbarorum incursiones corrupta admodum fuisset, dissonantia cantus ecclesiastici inter Gallos & Romanos offensus per duos Clericos, qui cantum a Romanis didicerunt, Metensem primum ecclesiam & deinceps omnem Galliam ad Romanum cantus auctoritatem revocavit. Origine erroris explicata ad ecclesię testimonia redit, & c. 5 orthodoxam sententiam de Scripturis & Sacris vernaculis e novem postremis a Christi adfensione usque ad reformationis tempora seculis confirmat, ut ostendat, nunquam veritatis testes defuisse, qui peregrinam linguam in sacris improbaverint, & Scripturam omnibus legendam inculcaverint, ideoque etiam in linguas vernaculas vel ipsi transfulerint, vel ab aliis translatas commendaverint. Contrariam ecclesię Pontificię sententiam & praxin, & favam Orthodoxorum S. Scripturam legentium persecutionem superiore seculo agitatam, ex nonnullis Anglicorum Antistitum registris aliisque monumentis c. 6 breviter exponit, quam Conciliorum canonibus multisque juris civilis & canonici decretis & plurimorum Imperatorum ac Regum sanctionibus adversari c. 7 ostendit. Capite, quod proxime sequitur, octavo Scripturam

ram S. passim in vulgares linguas jam olim translata[m] fuisse ex Chaldaicis, Græcis, Gothicis, Syriacis, Armenis, Æthiopicis, Ægyptiacis, Persicis, Arabicis, Dalmaticis plurimisque aliis Sacrorum Scriptorum versionibus demonstrat, & ex variarum gentium liturgiis primitivam ecclesiam commune officium vulgari lingua celebrasse probat. Nonio capite cum Pontificiis laicos a Scripturæ lectione arcen[t]ibus, & biblia in vulgares linguas translata inter libros prohibitos referentibus aut ad ignem damnantibus, comparat Jojakim[us] Jerem. XXXVI, 23; Antiochum r. Macc. I, 59; Diocletianum, de quo Eus[ebius] lib. 8, c. 2; Georgium Cappadocem, de quo Athanasius in epistola ad Orthodoxos agit, nec non veteres quosdam hæreticos quos Tertullianus de resurrect. carn. c. 47 Scripturarum lucifugas appellat, aliosque Sacrorum Codicum adversarios, quibus etiam Ulpianum & Paulum Jureconsultos annumerat, cum ille sub libris improbatae lectionis, hic sub libris magicis etiam Scripturam Sacram comprehendisse videatur. Decimo denique eoque ultimo capite nonnulla adversariorum testimonia producit. Et hunc Usserii tractatum Clarissimus Whartonus non solum in ordinem digessit, & brevibus scholiis illustravit, sed insigni etiam auctario locupletavit, quod antequam recenscamus, de interjectis duabus Episcopi Armachani dissertationibus nonnihil referemus. Harum prior agit de scriptis, quæ vulgo sub Dionysii Areopagite nomine circumferuntur, quæ pseudepigrapha esse pluribus rationibus evincit. De ætate autem pseudo-Dionysii differens Magdeburgensium sententiam, qui ad 4 seculum hunc scriptorem reulerunt, tum veram esse dicit, si Apollinarius hæreticus librorum istorum Autor statuatur, quod a Græcis nonnullis factum Laurentius Valla in annotationibus ad Act. 17 observavit. Ipse autem hunc Pseudo-Dionysium ad quintum seculum referre mavult. Dissentit igitur hæc Usserii dissertatio ab ejusdem bibliotheca Theologica manuscripta, in qua librorum Dionysii Areopagite suppositorum autorem esse Apollinarium probare conatus est, ut Whartonus indicat, qui bibliothecæ illius Theologicæ legendæ copiam sibi quondam datam, impræsentiarum vero denegatam addit, interim tamen ex eadem insignem Usserii de Johannis Scythopolitani & Maximi in Dionysium scholiis observationem excerptit, quam in usum Cl. Cavei quondam inde transcripserat. Animadvertit nimirum Usserius Johannis Scythopolitani



tani & S. Maximi in Dionysium scholia a Morellio & deinceps ab aliis simul confusa fuisse, & uni Maximo tributa, cum olim non solum in antiquioribus exemplaribus, quæ Cyparissiotæ tempore ferebantur, sed etiam in utroque, quo ipse Morellius usus est, codice distincta fuerint. Observat præterea Johannis Scythopolitani scholia illa ipsa esse, quæ nonnulli Dionysio Alexandrino tribuerunt. Id probat ex sententia quadam, quæ a Cyparissiota ex Dionysii ad scriptorem sibi cognominem scholiis allegatur, & in Johannis Scythopolitani Scholiis totidem verbis reperitur. Quod autem Scythopolitani illa sit sententia, non Maximi, confirmat ex Latina versione scholiorum Scythopolitani a Roberto Lincolnensi facta, quæ in bibliotheca Collegii Corporis Christi apud Oxonienses manuscripta asservatur. Brevior est altera Usserii dissertatio de *epistola Pauli ad Laodicenses*. In ea inquit, cur Marcionitæ epistolam Pauli, quæ ad Ephesios inscribitur, pro epistola ad Laodicenos habuerint. Causam esse dicit verba Pauli Col. IV, 15, 16 collata cum his duabus rationibus, quod 1. epistola ad Colossenses cum ea quæ ad Ephesios scripta est, ejusdem argumenti sit, & 2. eodem tempore utraque scripta videatur. Observat præterea, quod in epistola ad Ephesios c. I, v. 1, verba *ἐν Ἐφίῳ* in antiquis nonnullis exemplaribus defuisse, ex Basilii libro 2. adversus Eunomium colligi possit.

Duplicem hanc dissertationem excipit *Henrici Whartoni auctarium* ad Usserii historiam dogmaticam de Scripturis & Sacris vernaculis. In auctario capitis 1, quo veterum Hebræorum sententiam Usserius recensuit, de ætate Judæorum ab Usserio allegatorum nec non de variis Bibliorum versionibus, quæ a Judæis & Samaritanis adornatæ sunt disserit, & inter alia *Bartolocii* sententiam refutat, qui Scripturæ lectionem Judæis quondam interdictam fuisse probaturus, arbitratu puncta quidem Hebraica a prima linguæ origine in usu fuisse & in profanis ac civilibus scripturis passim usitata, sacræ autem Scripturæ codices sine punctis consulto exaratos fuisse, ut tantum a peritioribus & doctioribus legi atq; addisci possent, & ne quis idiota sine Magistro aut Doctore legem pervolvere auderet, sed ad Sacerdotes sciscitandi gratia confugere cogeretur. Cui Whartonus respondet, punctorum defectum a Scripturæ scientia populum Judaicum remove minime potuisse, cum in aliis etiam orientalibus linguis puncta desint, neque in communi etiam usu

usu adhibeantur & nemo tamen tam bardus sit, qui linguæ maternæ fossis consonantibus descriptæ proprias vocale apponere nequeat, neque probari posse sacri & profani seu communis characteris apud Judæos distinctionem, quam eruditissimus Waltonus in prolegomenis ad biblia polyglotta invicte refutaverit. In auctario capitis 2 & 3 nonnulla Græcorum & Latinorum Patrū, qui 6 prioribus seculis vixerunt, testimonia ab Armachano Antistite prætermissa profert. Et Græcis quidem Patribus etiam *Autorem testamenti 12 Patriarcharum* annumerat, cujus ætatem præcisè determinari non posse, & id solum sibi liquere ait, quod Origene, a quo allegatus, antiquior, & Christo posterior sit. Minime enim dubitat, quin Christianus fuerit, etsi Judæorum sectam simulet, & nonnullis imposuerit, ut eum Judæum fuisse & Hebraice scripsisse existimaverint. In auctario capitis 4 quod de originae erroris Pontificii agit, observat, Autorem linguæ ignotæ in sacris introductæ, & certam mutationis hujus epocham indicari non posse, cum abusus ille non simul & semel sed paulatim in ecclesiam in-  
 vectus fuerit, & alias regiones citius, alias serius occupaverit. Dixerat Usserius, Romanum Ordinem & Psalmodiam a Carolo M. in ecclesijs Gallicanis introductam, at Whartonus, etiam rem a Carolo M. maxime promotam & consummatam non dissimulet, a Pipino tamen coeptam asserit, quem ipse Carolus in constitutione de emendatione librorum ecclesiasticorum ob unanimitatem Apostolicæ sedis Gallicanum cantum sustulisse, & Galliarum ecclesias Romanæ traditionis cantibus decorasse scribit. Interim plebis instructioni non uno modo cautum fuisse Whartonus observat, cum Caroli M. ætate inter linguam Latinam & Rusticam Romanam non tanta diversitas fuerit, quia populus Missam Latinam toties recitatam intelligere potuerit, & postea, ex quo Latina lingua apud plebem penitus exolevit, non solum officia divina a Sacerdotibus vernacula lingua in cœtibus ecclesiasticis exposita fuerint, sed scholæ etiam passim fundatæ, in quibus pueri cujuscunque sortis Latinam linguam gratis discerent. Auctarium capitis 5 plura testimonia pro Scripturis & Sacris vernaculis ex septimi & sequentium seculorum scriptoribus collecta continet. In horum numero *Cednomus*, cujus paraphrasin Saxonice in Genesin & præcipuas S. Scripturæ historias Franciscus Junius Amstelodami A. C. 1655 evulgavit, & quem Johannes Tinmuthensis in historia aurea MSC. di-

vinitus

vinitus edoctum in lingua patria carmina, ut loquitur compunctiva  
tam feliciter scripſiſſe reſert, ut nemo illi in his æquiparari potuerit.  
Primus quem ex octavo ſeculo Whartonus producit, eſt *Aldhelmus*  
Epiſcopus Schirburnenſis cujus epiſtolam ad Ehfridum hæcenus in-  
ditam exhibet. Eam quondam ex codice monaſterii Abendonienſis,  
qui poſtea ad doctiſſimum virum Thomam Allen Oxoniẽſem tranſiit,  
deſcripſerat Uſſerius, & cum aliis tribus codicibus in bibliotheca Regia  
Cottoniana & D. Wilhelmi Hovvard de Navvorth inventis accurate  
contulerat. Hoc apographum inter laceras quasdam ejus ſchedas  
mutilatum quidem Whartonus invenit, ſed quæ in fine deerant, ex  
Abendonienſi Codice ſupplevit, & Cottoniano contulit, ut integrum  
evulgare poſſet. Ad idem ſeculum pertinet Venerabilis *Beda*, ex quo  
locæ quidem nonnulla protulit Armachæus, ſed Whartonus alia ſu-  
peraddit ex commentario ad 21 priora Geneſeos capita, qui ſi expo-  
ſitionem capituli 1 ſeu commentarium in hexameron excipiamus, in-  
ter Bedæ opera hæcenus nondum comparuit, item ex expoſitione ſu-  
per canticum Prophetæ Habacuc idem MSC, & aliis quibusdam Bedæ  
monumentis. Inter Scriptores 9 ſeculi floruit *Oſfridus* Wiſſenbur-  
genſis Monachus, de quo Uſſerius ex Trithemio notaverat, quod ad  
Luitbertum Moguntinum Archiepiſcopum quatuor libros evangelio-  
rum metricè in lingua Teutonica quibusdam regulis formata ſcripſe-  
rit, & quod hoc opus inſcripſerit: *gratia Dei Theotiſce*, & quod hanc  
evangeliorum expoſitionem *Achilles Gaſſarus* evulgaſſet. At Whar-  
tonus in auctario ſuo obſervat, Oſfridi opus non eſſe verſionem evan-  
geliorum, ſed diateſſaron ſeu harmoniam evangeliorum rythmis ger-  
manicis concinnatam, & in libros non quatuor ſed quinque diſtribu-  
tam, neque titulum operis fuiſſe: *gratia Dei Theotiſce*, ſed: *volumen*  
*evangeliorum*, occaſionem autem falſi tituli inde natam, quod Oſfri-  
dus in limine veterum exemplarum dicat, ſe id opus Gratia Dei The-  
otiſce compoſuiſſe. Notat inſuper Achillem Gaſſarum, qui opus  
illud Oſfridi edidit, non alium fuiſſe, quam *Flacium Jlyricum*, codice  
admodum mendoſo & hiulco uſum, cujus lacunas ex Vindobonenſi  
codice in ſuis de Cæſarea bibliotheca commentariis *Lambecius* ſup-  
plevit. Addit Oſfridum hoc opus non ſolum Luitberto Archiepi-  
ſcopo Moguntino, ſed etiam Salomoni ejusdem Deceſſori & Ludo-  
vico Franciæ Orientalis Regi nuncupaſſe, & rhythmicam evangeliorum  
verſio-

versionem, quam *Waldoni Frisingensi* Episcopo Armachanus Beani Rhenani ductum secutus tribuit, non aliam esse, quam ipsam Otfridi harmoniam, quam Waldo Sigefridi Presbyteri manu describi fecit. De *Methodio & Cyrillo* ad idem seculum pertinentibus parum accurate Armachanum tractasse, Auctarii Autor animadvertit. Id constare dicit, quod Methodius & Cyrillus Sclavis a se conversis S. Scripturam & liturgiam in lingua vernacula tradiderint, quod autem Latinam liturgiam abrogaverint, purum putum coramentum videri, quum Slavi nullam antea liturgiam habuerint, quam a Methodio & Cyrillo conversi essent. Id probat ex annalibus manuscriptis Andrea Dandali a Lucio lib. 2 de regno Dalmatiæ citatis, & ex historia Presbyteri Diocleatis, quam Maurus Orbinius operi suo de regno Slavorum Italice scripto inclusam publicavit. Extare autem dicit in bibliotheca Lambethana codicem literis Slavicis, quales a Cyrillo inventæ perhibentur, pulcherrime exaratum, acta Apostolorum & quædam alia cum liturgia ad finem addita continentem, neque tamen certo affirmare audet, quod illa versio Cyrillum autorem habeat. Cæterum Johannem VIII, quem Ulserius ob datam Slavis sacra vulgari lingua celebrandi licentiam inter testes veritatis numeraverat, Whartonus invitum id fecisse auguratur, veritum scilicet, ne Slavi, si ipsorum desideriis non obtemperaret, Patriarchæ Constantinopolitano Bulgarorum exemplo se submitterent, quem in finem etiam astutus Papa Methodium honorifice habitum Romæ destituerit. Ad finem decimi & initium undecimi seculi refert *Ælfricum* Abbatem, qui Saxonice Genesios versionem insignem præfationem præmisit, qua translationem S. Scripturæ in linguas vernaculas adversus eos, qui pravum imperitorum intellectum obijcere solent, strenue vindicat. Eam hætenus ineditam una cum interpretatione Latina, quam ex viri doctissimi & literarum Saxonicarum peritissimi Georgii Hickesii Decani Wigorniensis Anglicana versione expressit, publici juris facere operæ pretium censuit. Sub Canuto Angliæ & Daniæ Rege biblia in Danicam quoque linguam translata fuisse, ex codice bibliothecæ Cottonianæ probat, qui Canuti quondam fuit, & Danico sermone harmoniam quatuor evangeliorum complectitur. *Berenqarius* Andegavensis Archidiaconi testimonia ex ejusdem in Apocalypsin commentario dum profert, non dissimulat, in manuscriptis quibusdam codicibus istam Apocalypseos expositionem non Berengario

gario sed *Beringuedi* vel *Berengaudo* adscribi, cui etiam a Cl. Cave in Historia Literaria hunc tractatum adjudicari notat. Veretur autem Whartonus, ne Monachorum vel ignorantia vel odio adversus Berengarium Beringuedis nomen confictum fuerit, cum aliunde de Beringuede vel Berengaudo nihil plane constet, & Pitæus in appendice sua, ac Bostonus Buriensis in catalogo manuscripto scriptorū ecclesiasticorū de Beringuede & Berengaudo nihil aliud dicendum habeant, quam quod ejus nomen manuscriptis quibusdam codicibus præfixum invenerint, Suam autem sententiam de Berengario Johannis Subprioris auctoritate confirmat, cujus in Apocalypsin commentarius in bibliotheca Lambethana manuscriptus asservatur. In illius enim prologo cæteris Apocalypseos interpretibus Berengarium adnumerat, & subinde ampla fragmenta inde transcribit. Adducitur etiam inter testes undecimi seculi *Ivo Carnotensis*, ejusque liber de ecclesiasticis officiis, qui in Lambethana bibliotheca manuscriptus extat. Ex hoc ipso autem manuscripto Whartonus deprehendit, Ivonem autorem esse operis, quod sub *Micrologi* nomine allegari solet. Equidem octo priora illius codicis capita, quæ de nocturnis vigiliis, de matutinis laudibus, de prima, de tertia, de sexta, de nona, de vespertina synaxi, & de completionem inscribuntur, nondum, quod sciat, prodierunt; at sequentia capitula 62 Micrologum constituunt, quibus in manuscripto codice additur capitulum de Missa & singularum ejus partium autoribus, quod in Micrologo desideratur. Est autem codex iste præclaræ vetustatis & Ivone ipso haud multo inferior, & in fronte istiusmodi titulum præfert: *liber Ivonis Carnotensis Episcopi de ecclesiasticis officiis*. Inter Scriptores 13 seculi, qui a Whartono pro Scripturis & sacris veteraculis adducuntur, comparat *Rogerus Bacon*, cujus epistolam de laudibus S. Scripturæ ad Clementem IV bibliotheca Lambethana tenet. Observat autem, Autorem illum portentosa quædam & impossibilia in proluxa illa epistola comminisci. Non enim tantum necessarium esse docet, ut omnes Christiani sacram Scripturam tanquam fidei suæ fontem & regulam perfecte sciant, sed etiam fontes Hebraicos & Græcos ab omnibus consulendos asserit. Et quamvis incredibile videatur, ut singuli Christiani linguarum istarum notitiam sibi comparare possint, id tamen Baconus factu perquam facile esse persuadere suis Lectoribus cupit, imprimis cum se Grammaticam quandam univer-

salem invenisse gloriatur, cujus ope intra paucissimos dies quilibet linguam Hebraicam, Græcam, Latinam & Arabicam addiscere queat, & ut omnes, quod legunt, etiam intelligant, se opus quoddam manu-ductorium seu præliminare ad promovendam S. Scripturæ intelligentiam editurum spondet, enixe Pontificem orans, ut artificium suum summis omnium votis expetitur & frequentibus vaticiniis confirmatum, apostolica autoritate confirmet, & universæ ecclesiæ commender, unde innumera in ecclesiam beneficia redundatura minime dubitat. Inter Scriptores seculi 15 occurrit *Gualterus Hilton*, Carthusianus Anglus, in cujus laudem non parum cedere ait, quod celeberrimum illud opus de imitatione Christi non minus æquo jure sibi vendicare possit, quam Thomas Kempensis, & quivis alius. In auctario capitis 6. de persecutionibus orthodoxorum commemorat instrumentum A. C. 1530 a *Gulielmo Warhamo* Archiepiscopo Cantuariensi confectum, & Notariorum publicorum subscriptionibus confirmatum. Narrat in ejus præfatione Archiepiscopum Henrici Regis consilium explicare, quod nimirum late serpenti hæreseos veneno obicem positurus plures Præsules, Doctores, & Theologos congregaverit, ut libros quosdam vernaculos examini subjicerent, & censura notarent. Refert porro, post hæreses & blasphemias ex variis libris excerptas & sigillatim notatas, e quibus quatuor tantum specimen loco apponit, Regis interdictum sequi, quo hæreses illæ una cum libris illas continentibus, & translatione Scripturæ per Gulielmum Tindallum adornatæ prohibentur & damnantur, & ut hoc decretum plebi innotesceret, monitorii cujusdam formulam, quæ a singulis Sacerdotibus & suggestu prælegeretur, compositam fuisse, in qua omnes & singuli, ut libros istos damnatos, & in his Anglicam Novi Testamenti versionem Curatis suis traderent, sub gravi pœna admoniti fuerunt, ac ne quæ injuriæ sibi fieri quereretur, Episcopos & alios viros doctos a Rege consultos decreti illius justitiam concordis suffragio approbasse. Dolet autem Whartonus, Pontificios non solum sacros codices Christianorum manibus excutere conatos, sed etiam postea falsariis iisdem manus intulisse. Prodiisse dicit a triginta annis in Gallia plures Scripturæ versiones vernaculas a Theologis Pontificiis elucubratas, & vix ullam in his sinceram & fraudis immunitem reperiri. Præ cæteris autem notat versionem Novi Testamenti a The-

logis

logis Lovaniensibus confectam, & A. C. 1686 typis Burdigalensibus excusam. Ex ea nonnulla corruptelarum specimina seligit. Cum enim in vulgata, ex qua Lovanienses Gallicam suam versionem se expressisse dicunt, Act. XIII, 2, legitur: *ministrantibus autem illis Domino*, Gallica sic habent: *or comme ils offroient au Seigneur le sacrifice de la Messe*, i. e. offerentibus autem illis Domino sacrificium Missæ. Sic I. Cor. III, 15, in Lovaniensium versione legitur: *mais il sera sauve ainsi toute fois comme par le feu du Purgatoire*, cum tamen in vulgata nulla hic purgatorii mentio occurrat. Sic I. Tim. IV, 1. Gallica versio pro apostasia a fide, apostasiam a fide Romana posuit, ut cætera taceamus. In auctario capitis 7. nonnulla Conciliorum decreta pro Scripturis & sacris vernaculis per modum spicilegii recensentur. In auctario capitis 8. versiones quædam Bibliorum, quorum notitia illustrissimum Hiberniæ Primatem fugerat, commemorantur, & in his Biblia Moscovitica A. C. 1581. characteribus Slavicis seu Cyrillianis Ostroviz impressa, in cujus præfatione interpres pro concessis viribus Deo gratias agit, cui orationi Basilii Magni Ducis admonitio succedit, qua omnibus catholicis linguæ Slavicæ peritis hæc Biblia commendat.

**NOUVELLES CONJECTURES SUR LA  
Pesanteur, par Monsieur Varignon de l' Academie  
Royale des Sciences, & Professeur de Mathematique au  
College Mazarin. i. e.**

Dn. Varignoni novæ Conjecturæ circa gravitatem.

Parisiis apud J. Boudot, 1690, in 12. Plag. 33½.

**A**uthor præmittit brevem diatyposin totius systematis, quæ huc redit: supponit gravia non habere naturalem instinctum tendendi deorsum, sed indifferenter se habere ad motum in quamcunque plagam instituendum; unde descensum illorum proficisci concludit a corporis alicujus externi pressione. At cum Luna cæterique Planetæ, quanquā sint vastissima & solidissima corpora, non tamen decidere cōspiciantur, infert, exilitatem & subtilitatem corporum non sufficere ad hoc ut gravitatis sint expertia, sed fieri posse, ut maxima quoq; corpora in certa a Terra distantia posita gravitate careant. In qua sententia confirma-

tus fuit experimento, quod recensente in Epistolis Cartesio, Pater Mer-  
 sennus cum Dn. Petito sæpius iterata vice instituerat circa majus tor-  
 mentum bellicum, quo perpendiculariter erecto & disloso globum  
 ejusve vestigia frustra in terra quæsiwere, argumento eum non reci-  
 disse, sed etiamnum in aere hære suspensum. Miri hujus effecti ut  
 inveniret causam, supposuit gravia pelli versus terram a materia qua-  
 dam invisibili proximeque ambiente, hoc est, ab aeris particulis seu  
 grossioribus seu subtilioribus seu utrisque; at cum corpora undique  
 ab aere cingantur, hætenus nullam perspexit rationem, quare potius  
 Terram quam Cælum versus pelli deberent, donec tandem principium  
 aliquod inæqualitatis animadvertere sibi videretur. Fingit aerem istum  
 cingi in extrema regione ingenti fornice solido & impenetrabili, aerem  
 moveri in omnes partes conceptibiles æqualiter, inque aere suspensum  
 hære cubum Terræ tamen quam fornici multo propiorem. Qui-  
 bus positis apparet, cubum in nullam plagarum lateralium moveri pos-  
 se, cum ab ortu & occasu, meridie ac septentrione æqualiter prematur;  
 at hedræ summæ & imæ dispar ratio est, adeo ut cum prior a multo  
 majore aeris columna impellatur quam posterior, cubum propterea  
 deorsum ferri & quidem secundum perpendicularum necessum sit; quo  
 ostenso difficultatem diluit respondendo quærenti, qui fieri possit, ut  
 etiam partes remotissimæ hujus columnæ in cubum agere queant. Col-  
 ligit hinc 1. quod si cubus statuatur loco intermedio inter terram & for-  
 nicem, ibi quieturus sit ob columnarum supernæ & infernæ æqualita-  
 tem: 2. si collocetur prope forniciem, non tantum non descensusus  
 sed ascensusus sit: 3. quod futurus sit nunc magis nunc minus gravis, pro-  
 ut videlicet terræ forniciæ propior a magis minusve alta aeris columna  
 desuper premitur. 4. quod ob resistentiam aeris fieri quoque possit,  
 ut circa ejus medium sit magnum plurium leucarum relinquitur spati-  
 um, in quo constitutum grave necdum ascendat nec descendat, quod  
 vocat *spatium quietis corporum gravium leviumve*, in quo globum Mer-  
 sennianum (si vera sit historia) substituisse judicat. Rationem etiam  
 hinc patere arbitratur, cur Luna nec accedat nec recedat a nobis, ite cur  
 cæteri Planetæ non accedant ad se invicem; quoniam videlicet vasta hæc  
 corpora ad findendum fluidum, quo ambiuntur, plus virium requirerent  
 quam a columnarum inæqualitate accipere possunt. 5. quod alius  
 ejusdem magnitudinis cubus, sed ubique perforatus, ob transitum li-  
 berum quem permittit plurimis aeris vel materiæ subtilis filamentis,

minus



minus gravitate valeat quam prior, quod hinc lignum viride sicco, metallum ligno gravius sit. Infert hinc etiam, baculos ejusdem materiæ & crassitiei, sed diversæ longitudinis, ad perpendicularum erectos æquipo-  
 ponderare, quin & (si accuratius loquamur) breviorum longiori præponderare debere, in eadē videlicet a terra distantia, eo quod utriq; im-  
 mineant paria numero filamenta aerea eo longiora quo brevior est ba-  
 culus. Quibus explicatis ostendit, cur aqua aere licet gravior per va-  
 pores ascendat, cur saccharum in aqua aut metalla in liquoribus acidis  
 dissoluta superiora petant, cur lignum per fumum in sublime feratur?  
 Denique rationem explicat ex istis principiis, pluvix, tonitrus, fulgu-  
 ris &c. tandemque fornicem illum, quæ pura mentis fictio fuit, ite-  
 rum tollit, ejusque officium præstare posse innuit circumferentiam vi-  
 cinorum vorticum, qui rapidissimo suo motu impediunt, quo minus  
 aer nostri vorticis in ipsos expelli possit.

## HIERONYMI VITALIS, CLERICI RE- gularis, *Lexicon mathematicum &c.*

Romæ, apud Joh. Vannaccium, A. 1690. in 4. Constat plagulis 141.

**T**Res & viginti sunt anni, ex quo *Autor* *Lexicon Mathematicum* Pa-  
 risiis primum in lucem emisit; sed *Geometricum* fere & *Astro-*  
*nomicum*, cum plurima farragine terminorum Arabicorum, *Ægy-*  
*ptiorum* & *Barbarorum*, ex *Astrologia veteri* depromptorum. At ve-  
 ro Operis dignitati, votisque hominum doctiorum consulturus, *Uni-*  
*versale Lexicon Mathematicum* adornare post cœpit, quod *Erudito*  
*Orbi* superiore anno publice exhibuit. In hoc pristinum institutum  
 adeo mutavit, ut in eo prius illud parum agnoscas: cum vix quarta  
 pars terminorum utrique editioni sit communis. Constat enim pri-  
 or 1345, posterior 1269 titulis seu locis, quorum tantum 306 utrobi-  
 que, immutata tamen in hac sæpius, aut aucta exegesi, extant, reli-  
 qui uniuscujusque editionis sunt proprii.

Atque ut, quæ juvenili olim, ut *ipse* fatetur, ardore & festinati-  
 one indigesta apposuerat, hic recoxit *Autor*; sic & lacunas ibi obvias  
 solícite nunc replere, sentesque & inutiles herbulas evellere studuit.  
 Pro inanibus ergo *Genethliacorum* commentis, aut etiam vulgo notis,  
 utiliora variarum disciplinarum mathematicarum argumenta reposuit, isq;

promptuarium hoc suum locupletavit. Cæterum doctrinæ ordinem Lexicis domesticum retinuit, dispositis juxta alphabeti seriem titulis; tractatione vero sic instituta, ut plus quam Lexicographus subinde præstitisse non immerito censendus sit. Præcipue vero *Archibellonicem* utramque exornandam sibi sumxisse *Aurorem* Lector deprehendet; nec ingrata novitate explicata comperiet, quæ circa militares artes ingenium & industria hodiernorum Ingeniariorum protulit, veteribus ignota, nec Scriptorum Latinorum stylo multum hæcenus frequentata. His aliisque sparsim *figura, æri incise*, sunt adjectæ, oculorum illecebræ, & intellectus adjumenta. Præmissi etiam Operi *Indices locorum sive verborum; Autorum*, quorum monumentis sua *noſter* inædificavit; & *questionum ameniorum*, quas extra septa mathematica, data occasione hinc inde disceptavit.

### VAL. HENR. VOGLERI INTRODUCTIO

*universalis in notitiam cujuscunque generis bonorum Scriptorum, cum notis & augmento* HENR.

MEIBOMII.

Helmſtadii apud Georg. Wölfg. Hamm. 1691. in 4. Plag. 28.

INTER ea quæ ad disciplinas ac bonas artes literarumque studia spectant, haud postremum locum sibi vendicat scriptorum librorumque cognitio. Cui comparandæ cum plures libelli in eruditionis studioforum versentur manibus, quæ veluti indicibus præclari autores & eorum scripta in quovis doctrinæ genere recensentur; tum haud novimus, an utilitate ullus præstet hunc Voglerianum, postquam recentioribus scriptoribus & eorum monumentis auctiorem eundem instructioremque reddidit doctissimus *Meibomius*. Ex hoc enim non duntaxat nominis, sive scriptoris sive scripti, nudam notitiam haurire licet, sed præterea in penitiorem cujusque cognitionem is deducit, & quomodo in argumento, quod quisque sibi tractandum elegit, se gesserit, exponit. Editus est viginti abhinc annis ab Autore, non eo animo, ut notitiam omnium Scriptorum daret, sed ut ostenderet, qua ratione in ejusmodi cognitionem pervenire possint, quicam expetunt. Pluribus interea editis *Morhofii, Bailleti, Labbei, Teisserii* libris (quibus addendam existimamus *Thoma Pope-Blountii* Censuram

ram

rati, a nobis hoc anno p. 24. memoratâ) magnam cognitioni huic accessionem factam esse *Meibomius* in Additamentis, quibus amicisissimi sui Collegæ (qui vitam A. 1677 cum morte cōmutavit) librū auctiorem dedit, affirmat: quorū scrinia tamen excutere, & ab iis annotata referre clarissimo Viro propositum non fuit, sed extemporanea opera, quæ in lectione Vogleriani libri, dum is recubebatur, in mentem veniebant, eidem annectere, & quosdam tantum in bibliotheca sua extantes scriptores, Voglero non memoratos, proferre, & quid in hoc argumento ii præstiterint explicare. In Præfatione p. 126. sqq. ostendit, notitiam Scriptorum, quæ circa ætatem, patriam, vitæ genus, mores, peritiam, famam, omnem denique vitam versatur, quæque ingenuitatem librorum inquirat, ita esse comparatam, ut sine ea cum fructu evolvi Scriptores nequeant, nullusque ea; sive Theologus, sive Jureconsultus, sive Medicus, sive Philosophus, qui quidem nominum illorum iustum ambitum implere velit, carere queat. Pag. 145. sqq. de utilitate epistolarum eruditarum disserit, & earum auctores recenset, non sine laude *Ant. Magliabechii*, quo neminem studiosiorem ejusmodi literarum esse ex vero prædicat. Pag. 156. Bibliothecam Academiæ suæ Juliæ commendat, & de ea scriptam *Chr. Heidmanni* orationem. Pag. 157. Catalogi Bibliothecæ *Tbuanæ*, a Bullialdo digesti & a Quesnelio editi, laudes & navos ostendit. Jungendus ei videtur catalogus Bibliothecæ *Stufianæ* Romæ anno superiori editus. Pag. 160. 161. *Ant. Teissertii* catalogum auctorum, qui librorum catalogos, indices, bibliothecas, virorum literatorum elogia, vitas aut orationes funebres, scriptis consignarunt, anno 1686. editum, præ *Labbei Bibliotheca Bibliothecarum* recte commendat. Pag. 162. *Marquardi Gudii* studio collectas veteres Inscriptiones, quarum in quibusdam e marmoribus recte describendis a se ipsum adjutum fuisse narrat, cum itineris comitem ante hos triginta annos in Italia haberet, e manuscriptis ejus in publicum proferri optat. Pag. 163. *Balib. Venatorii* panegyricum *Jano Grutero* dictum in exemplum de vita eruditi Viri historiæ condendæ proponit. Pag. 163. imaginum doctorum virorum studium laudat, & nonnullos qui eas congesserunt recenset. Pag. 165. 5. sqq. Ephemeridum sive Actorum eruditorum institutum laudabile esse, & plurimum conferre ad notitiam librorum acquirendam, affirmat; eaque occasione ceteros aliorum in hoc genere laboribus nostrum etiam studium laudat; *Par-*

mensium quoq; & Amstelodamensium operam commendat; iniquitatem tamen *Rerum Germanicarum* operi ab se edito *Joannem Clericum*, qui *Bibliothèque historique* evulgat, p. 167. & seqq. notat, & ad ea quæ is pulcherrimo utilissimoque operi objecerat, respondet. *Pag. 172.* quædam annotat de Vitarum scriptoribus, iisque qui propriam vitam describere, ut *Thuanus* & *Cardanus*. *Pag. 174. & seqq.* de Scriptoribus ecclesiasticis, Patrumque & Ecclesiæ doctorum veterum & recentiorum vitis agit. *Pag. 178.* de epistolis theologicis disserit. *Pag. 181.* Parentis sui, doctissimi Viri, *Jo. Henr. Meibomii* insigne opus de *Vitiis medicorum* se editurum esse pollicetur, causamque exponit cur nondum id hæctenus publicæ luci dederit. *Pag. 184. 185.* de historia numeraria disserit, & earum collectores præcipuos enumerat. *Pag. 188.* Criticorum industriam in mediis seu barbari ævi scriptoribus excutiendis exerceri cupit, quæ hæctenus Veteribus saltem impensa fuit. Nec obscuram spem facit sui in hoc genere adhibiti studii in publicum aliquando proferendi, cum plurimas observationes habeat sibi a multis annis in Historicis Germanicis, partim cum MSSis collatis, partim aliorum Historicorum ope examinatis, natas: quas ut, æque ac paternam de *Vitiis Medicorum* historiam, dudum eruditorum votis expetitam, luci exponere velit, publico nomine Autorem, de studiis cujuscunque generis præclare meritum & in omni eruditione insigniter versatum, rogamus.

## LIBRI NOVI.

Christiani VVeiffii Tabulæ Chronologicæ, quibus *Rerum publicarum* mutationes a nato Christo ad nostrum usque tempus sub unum conspectum revocantur. *Dresdæ 1691. in 4.*

La Science de la Noblesse, ou la Nouvelle Méthode du Blason, par le P. C. F. Menestrier; & augmentée par... à Paris 1691. in 12.

Cornellii Nepotis seu Amilii Probi Excellentium Imperatorum Vitz, notis illustratæ ab Hermanno Essenio. Trajecti ad Rhenum 1691. in 12.

Volage du Monde de Descartes. Suivant la copie à Paris. 1691. in 12.

L' Héritière de Guyenne, ou Histoire d' Eleonor fille de Guillaume dernier Duc de Guyenne, femme de Louis VII Roy de France & de Henri II Roy d' Angleterre, A Rotterdam 1691. in 8.

Johannis Claubergii Opera omnia philosophica: quibus accessere opuscula quædam nova, nunquam antehac edita. Amstelod. 1691. in 4.

Nouvelle Pratique de Chirurgie Médicale & Raisonnées, par Michel Bismuller. A Amsterdam 1691. in 12.

Les Comedies de Terence traduites en François, par Madame d' Avesnes Remarques. Dernière Edition enrichie de figures. A Amsterdam 1691. in 12.

# ACTA ERUDITORUM

*publicata Lipsiæ*

*Calendis Julii, Anno M DC XCI.*

*L' AMBASCIADORE POLITICO CRI-  
stiano.*

id est,

Legatus Politico- Christianus, auctore CAROLO  
MARIA CARAFA, Principe Buteræ, Roccellæ,  
S. R. J. &c.

Mazzareni, 1690. in 4. plag. 32.

**N**E Actorum Eruditorum volumen, cui colligendo operam da-  
mus hoc anno, pejoris conditionis esset, quam illud, cui ante se-  
mestre colophonem imposuimus, tam beatis nobis nunc esse licet,  
ut ejusdem *Celsissimi Principis*, cujus *Exemplar Horologiorum Solarium  
civilium* literati orbis venerationi tunc exposuimus p. 618, Ope-  
re præsentî, non minorem reipublicæ literariæ applausum merente,  
isti quoque decus singularem conciliare queamus. Est is *CAROLUS  
MARIA CARAFA*, Dominus universali familia *Carafa*, Branciforte,  
*Barrese*, *Santapaù* & *Speciale*, *Butera* Princeps, inter *Dynastas titu-  
lis* claros in regno *Sicilia* dignitate primus, atque in regno *Castella* &  
*Magnatibus primi ordinis*, *Roccella* ac *Sac. Rom. Imperii Princeps*,  
*Marcbio Licodia*, *Castriveteris*, *Militelli* & *Barrafranca*, Comes *Crypta  
aurca*, *Grassulati*, *Mazzareni* & *Condoiannis*, Dominus *Prioratus Hie-  
rosolymitana Roccella*, &c. Celsissimæ familix, cui origines suas Princeps  
noster debet, historiam tribus tomis in folio nuperrime vernaculo idio-  
mate recensuit clarissimus genealogorum Itolorum, *Blasius Altrima-  
rus*, quo de in posterum plura dicere habebimus. Tanto igitur san-  
guine cretus eruditissimus Auctor, natalium gloriam auget decoratque,  
bonarum ac principe viro dignarum literarum studiis ad invidiam  
excultus. Cujus rei fidem affatim facit novus hic de *Legato Politico-  
Christiano* liber, dono Auctoris, cura illustri *Magliabechii*, ad nos delatq.

Q9

Equi-

Equidem hoc ipsum argumentum alii scriptores dudum occupaverant, e quibus recentior ac modernorum Politicorum usui prioribus omnibus accommodatior est *Wiquefortius*, ab ipso *Butera Principe* lectus. Non tamen CARAFÆ nostro hi obstitere, quih & ingenium in eo exerceret, & quæ alii fufius tradiderant, strictius ediffereret, præcepta ab aliis obscurius proposita stylo perspicuo pariter ac eleganti concinnaret, denique, quæ alii e veteribus solis solive recentioribus historiis illustrarant, iis facem accenderet ex sacra non minus quam profana, & veteri æque ac moderna historia, imo ex propria quoque experientia rerum a se gestarum in legatione extraordinaria, quam jussu Hispaniarum Regis apud Innocentium XI R. P. octo abhinc annis felicissime obiit. Adjiciemus jam recensum capitum unde viginti, quibus Opus hoc absolvitur. Post definitionem nominalem ac realem Legati, tribus prioribus capitibus enarratam, dotes Legati enumerat Illustrissimus Auctor, eumque fidum & prudentem c. 4, nobilem & opibus affluentem c. 5, eloquentem c. 6, obedientem c. 7, sincerum c. 8, taciturnum c. 9. esse cupit. Hinc monstrat, qualem se gerere debeat erga Principem, a quo ablegatur, c. 10, in itinere c. 11, in aula Principis, ad quem ablegatus fuerat, dum negotia fidei suæ commissa exequitur c. 12. 13. 14, in civili conversatione c. 15. Addit, quibus privilegiis fruatur, c. 16. Docet, qua ratione familiæ suæ curam gerere debeat, c. 17, qualia præmia ac dona pro labore suo recipere queat, c. 18, quo denique modo legatione sua defungi ejusque rationem apud herum suum reddere teneatur. Lectu præsertim jucunda est digressio c. XII. de ceremoniis, quibus Legati recipi solent in aulis Pontificia, Imperiali, Hispanica, Gallica, Anglica, Veneta, Belgii Fœderati Hagienfi, Helvetiorum pagorum, Turcica & Persica.

**DE ABBREVIATORUM DE PARCO MA-  
jori, sive Assistentium S. R. E. Vicecancellario in Li-  
terarum Apostolicarum expeditionibus, antiquo statu illo-  
rum de in Collegium erectione, munere, dignitate, præroga-  
tivis ac privilegiis, dissertatio historica JOANNIS**

CIAMPINI Romani.

Romæ, ex typogr. R. Cameræ Apostolicæ 1691. fol. Constat plag. 53.  
& fig. æneis 2. quarum una *Magnus Parcus* representatur.

Joannes

**J**oannes Ciampinus, Vir Clarissimus & de quo a se edito Roma sibi merito gratulatur, nobis plus simplici vice laudatur, præsertim in Actis Eruditorum A. 1690. p. 414. & in Supplementorum Sectione IV. p. 167. 171. Audiamus jam suimetipsum historiam condentem: Anno 1636 LXXII ( inquit P. II. p. XLVIII.) *Joannes Ciampinus Romanus, Brevium Gratia Magister, ac Præfectus Minutarum Brevium Justitiæ, nec non S. R. E. Vicecancellario rerum Consistorialium a secretis, literarumque Apostolicarum Prosumptor, in Abbreviatorum albo descriptus, per obitum Nicolai Oregii die 27. Septembris. In fine anni 1689 ab Eminentissimo & Reverendissimo Domino Petro Cardinali Orsibono, S. R. E. Vicecancellario ac S. Laurentii in Damaso Diacono Cardinali, ejusdem insignis Collegiata Ecclesiæ Vicarius deputatus, mox a felici recordationis Alexandro PP. VIII. sacrarum Congregationum Consistorialium ac Indicis Consultor electus est. Ut ergo pateret, quanta observantia ac adfectu prosequatur Collegium, cuius non postrema pars est, hoc de eo opus magna industria concessit geminaque parte absolvit. Priori præmittitur Propylaum de auctoribus septendecim, apud quos Abbreviatorum mentio reperta, e quibus antiquissimi ac sæculo orbis redempti decimo quinto clari sunt Paulus Barchinonensis & Polydorus Vergilius. Longe autem altius repetit origines Abbreviatorum suorum illustrissimus Auctor, a cancellariis puta, de quibus J. Gusberius in de Officiis Domus Augustæ l. II. c. IX, aut Notariis septem, quos per totidem Urbis regiones instituisse Clemens I. fertur, quique scribendis Martyrum actis olim occupabantur, postea vero, cessantibus persecutionibus, ad alias res publicis scriptis consignandas adhibiti videntur. His itaque analogos esse existimat Abbreviatores, i. e. Scriptores Brevium sive Epistolarum Papalium, plerumque minoris momenti, quibus non bulla plumbea appenditur, sed tantum cera rubra imprimitur annulo Piscatoris signata. Parcus vero significat proprie locum muro, palis, cratibusve septum, ubi feræ vivæ asservantur; eaque vox ab Anglis in Galliam, ac dein Avenione in Italorum linguam translata est. Dum igitur Avenione hæreret Papalis curia, Parcus major per metaphoram dici coepit locus in interiori aula ipsius Palatii Cancellaria, tornatilibus cancellis circumseptus ad altitudinem fere hominis, in cuius medio stat ovalis forma mensa, cum quatuor magni scamnis ad circuli sive potius ellipsos proportionem fabricatis,*

C. I.

C. II.

C. III.

*in quorum singulis tres commodè Abbreviatores sedent. Ad istius mensa caput parvus est ibronus, ad quem per duos gradus ascenditur, in quibus parva adest quadrata mensa; super qua scribit Vicecancellarius, quando literariis expeditionibus in cancellariis faciendis intervenit. Mensa imminet baldachinus bologericus viridii coloris. Appellatur Parcus major, ad differentiam alterius minoris, qui conspici-  
tur in banco Scriptorum Apostolicorum, quique tanta latitudine ac*

- C IV. *altitudinis minime est, sed hominis pectus tantum aequat. Vetustissimum monumentum, quo aliquot abhinc sæculis Abbreviatores ejusmodi in aula Pontificia fuisse probatur, est Extravagans Joannis XXII. Cum ad sacrosanctam, data Avenione IV. Idus Decembris, Pontif. A. I, Christi 1317. Huic verbotenus a Ciampino relatæ succenturiantur carmen Gaufridi seculo XIV. exaratum, itemque hoc recentiora decreta Martini V, Eugenii IV, Callisti III, ac Pii II. PP. RR. Justum vero ac peculiare collegium Abbreviatorum majoris Parci institutum demum est auctoritate Pii II. A. 1463. 1464. Sed iterum sufflaminatum a successore Paulo II. eodem A. 1474. Confirmatum autem, non obstante Pauli II. diplomate, a Sixto IV. A. 1478. hætenusque factum tectumque conservatum: memorabili sane exemplo fallibilitatis ac inconstantiae humanæ. Quod enim necessarium judicaret Pius, id inutile & scandalosum vocavit Paulus, & rursus utile ac omnino*
- C. VIII. *restituendum censuit Sixtus. Multa nunc essent excerptenda de Abbreviatorum munere, residentia in Cancellaria, admissione, ordine ac sessione, assistentia in Cappella Pontificii aliisque solennioribus functionibus, solennibus equitationibus, vestibus, quibus tum in equitationibus illis, tum festis diebus induuntur, privilegiis, statutis decretisque, exequiis, Oratorio sive Cappella privata, ac Subsistentiis.*
- XIX. *Sed quum hæc recensere omnia prolixum nimis foret, sufficere digritum quasi tantum intendisse in fontem, unde rerum id genus curiosi sitim suam assatim restringere queant.*

Parte altera habetur Enarratio synoptica nominum, titulorum gestorumque omnium Abbreviatorum, quotquot in veteribus Regestis aliisque documentis hujuscemodi reperire licuit Ciampino. His præmittuntur duo antiquiores, quorum regesta deperdita sunt. Primus est *Nicolaus de Francavilla* A. 1355, proximus *Franciscus Petri de Ragazziis* A. 1410, celebres. Ceteri ab A. C. 1419. ad præsentem

annum



annum officio illo functi sunt. Clariores aliquot recensebimus. Sunt ex iis: *Aeneas Piccolomineus*, postea *Pius II. R. P.* Abbreviator A. 1431. *Georgius Trapezuntius* A. 1448. *Radulphus Bartholomaeus de Placina* a. 1464. celebris vitarum Pontificum conditor, de ejus infortuniis prolixius Noster hac occasione agit. *Matthias Palmerius* Pisanus A. 1475. Hunc Gesnerus ac Martinellus confundunt cum *Matthaeo Palmerio* Florentino, qui Eusebii Chronicon ab a. 444. ad a. 1449. continuavit, eo quod alter idem Chronicon ab a. 1450. ad a. 1481. pertexuit, mortuus 19. Sept. 1483. *Laurentius Puccius* Florentinus A. 1506. *Hugo Boncompagnus*, A. 1540. qui postea *Gregorius XIII. P. R.* Porro *Camillus Burgbesius*, A. 1573. vertente tempore *Paulus V. P. R.* dictus. *Jo. Antonius Odescalchus* A. 1576. (Hinc ansam arripit Ciampinus, *Odescalchos* p. XXIV. non paucos *ὡς ἐν τραγῳδίᾳ* commemorandi, duces secutus eruditos conf. p. autores *Propylaei ad Acta Sanctorum Maji* A. 1685. Antverpiæ evulgati.) XXIX. His addantur *Mapheus Barberinus* sive *Urbanus VIII. R. P.* a. 1589. *Franciscus Nerlius* Cardinalis A. 1656, cui opus suum inscripsit Ciampinus, quique composuit, at nondum publici juris fecit, versionem Italicam Annalium Cæsaris Baronii. Is hodiernum superest, æque ac *Franciscus Barberinus* sextus suæ gentis Cardinalis, A. 1678. inter Abbreviatores receptus, itemque *Palutius Palutius* Cardinalis, *Altierius* hodie dictus qui jam A. 1642 Abbreviatoris dignitate potitus est.

Mittamus nunc *Ciampinum*; propediem tamen de eo iterum sermonem instituturi, cum Part. I. pag. 50. *Supplementum Pontificiorum numismatum* in lucem edendum minetur, id quod avidè abs eo expectabimus.

## ADAMI RECHENBERGII LIBER MEMORIALIS Praelectionum Historicarum in Academia Lipsiensi.

Lipsiæ impensis Joh. Frid. Gleditsch, A. 1691 in 8. plag. 30.

Clarissimus Autor libri hujus memorialis historici, tres ejus partes constituit. Quarum prima velut *εισαγωγή* historicam continet. Nam historię in universum consideratæ indolem, naturam ac divisiones varias non tantum exponit; sed & ordinem in lectione historica observandum, cum adminiculis ex Chronologia, Geo-

graphia, Genealogia atque Politica doctrina petendis ostendit; ut circumstantiæ in historia juxta annotatæ rectius intelligi queant. *Altera parte*, quæ delineationem sive connexionem historiæ cum antediluvianæ, tum postdiluvianæ complectitur, inspersis variis quæstionibus historicis, breviter simul quatuor monarchiarum, quæ vocantur, ortus & interitus, cum descriptione gentis Israelis, seu Reipublicæ Hebræorum exhibet. In *tertia* autem *parte* de magnitudine, potentia & interitu Imperii Romani veteris agit, qui post factam illam solennem divisionem Imperii in orientale & occidentale contigit. Inde cum de Imperio orientali seorsum *cap. 2.* tractasset; de Imperio Turcico, quod illi interitum attulit, *cap. 3.* memorat. Hinc ad Imperium Romano-Germanicum progressus, tria ejus intervalla insigniora constituit. *Primum* est a Caroli M. Imp. ætate, ad interregnum illud magnum, quod post Rudolphus Habsburgicus rerum potitus est: *alterum* ab ejus tempore ad Maximiliani I. imperium porrigitur; unde *tertium* inchoatur, cujus res memorabiles tum in Germania, tum in aliis Europæ regnis, per duo propemodum secula gestas, paullo fusius enarrat, inspersis subinde lemmatibus quasi interlineariis, quæ materiam de historia civili, ecclesiastica & litteraria copiosius differendi, historiam professis præbere possunt. Scopus enim Auctoris, ut ex inscriptione libri adparet, non tam fuit historiam perpetuo filo contextam scribere, quam argumenta varia historica studiosæ juventuti suppeditare: ut qui studio huic sane jucundissimo incumbunt. eo ceu libro memoriali uti, atque quæ ab aliis, justis jam commentariis, qui passim laudantur, uberius descripta prostant, repetere inde possint. Sub finem libri dissertationem de mutatione formæ statusque Imperii R. Germanici adjecit, qua variæ ejus mutationes inde a Caroli M. ævo ad nostram usque ætatem enarrantur. Appendicis velut loco duo Pontificis R. decreta, superiori anno Romæ publicata subjunguntur, quæ forte Theologis de noviter excitatis controversiis disquirendi ansam præbere possunt.

## GESTA PONTIFICUM ROMANORUM,

auctore Jo. Palatio.

Venetii, apud Jo. Parè. Vol. I. 1687. Vol. II. III. IV. 1688. Vol. V. 1690.  
in fol. cum figuris æneis. Constant Alphabetis circiter 20.

Oculos

Oculos non minus quam animum Lectoris opere hoc suo pascere atque oblectare studuit *Joannes Palatius* I. V. D. Collegiatæ S. Mariæ Matris Domini Plebanus & Archipresbyter ejusdem Congregationis, Canonicus Ducalis, in Veneto Lyceo Jurisprudentiæ, uti olim Patavii Sacrorum Canonum, Professor, S. G. M. Historicus atque Consiliarius, vir toto literario orbe celebris, ex Monarchiæ Occidentalis Historia a Carolo M. ad Leopoldum Imp. Aug. Latine composita & vastis voluminibus comprehensa, ac Italico quoque idiomate in compendio exhibita, itemque commentariis in IV. Institutionum libros, Leone maritimo sive dissertatione de dominio maris Adriatici, vita D. Petri Apostoli Italice exarata, vita M. Antonii Justiniani Ducis Veneti, paucos ante annos defuncti, aliisque pluribus animi ingeniosi ac solertis speciminibus.

Habet Auctor bene multa, quæ & in numismatibus Pontificum *Caroli Molineri*, & in vitis Pontificum ab *Alphonso Ciaconio*, hujusque Continuatoribus *Francisco Cabrera*, *Andrea Viſtorello*, *Hieronymo Alejandro*, *Ferdinando Vgbello*, *Luca Wadingo*, omniumque recentissimo *Augustino Oldoino* enarratis, ac eorum hermis & monumentis sepulchralibus illustratis, reperias. Sed *Cesarem Baronium*, annalium ecclesiasticorum conditorem, omnium maxime facem sibi prætulisse proficitur in historia, quæ quidem non tam primarium argumentum quintuplicis hujus libri, quam ejus fundamentum est. Namque illud, nostra quidem sententia, præcipue esse videtur *Elogium* forma lapidarii in singulos Pontifices compositum. Huic præmittitur ubivis effigies Papæ æri incisa, eundem in modum, quo in ligno spectatur apud *Ciaconium* Oldoini. Bustum vero illud basi innititur, cujus superior pars exhibet *Pontificis monogramma*, *sigillum* sive *insignia gentilitia*, quæ tamen in prioribus seculis desiderantur; inferior *emblemata* aliquod, plerumque e S. Bibliis petitur, ac ad res istius Pontificis poetica nonnunquam licentia accommodatum. Elogio subjiçuntur fusiores *annotationes* historici, quibus acuminum in Inscriptione ratio redditur; adjectis sub finem *numorum* a Pontificibus illis percussorum & *epitaphiorum* imaginibus ære expressis.

Lubet exempli causa cum lectore ejusmodi elegantiarum cupido communicare breviusculum aliquod *elogium*, quo in laudes *Benedicti VI.* R. P. CXXXVII, A. Sal. DCCCCLXXII. electi, Palatius effunditur,

dicur, ac emblema a crucifixo Christo quæsitum iconique papali substitutum explicat:

*Quem e fune pendere suspiciis,*

*Romanus est Pontifex,*

*Benedictus filius Hildebrandi.*

*Qui adstat carnisæx,*

*Bonifacius Romanus Pseudopapa.*

*Volebant superi laqueum frangere;*

*Sed recordati, Deum ipsum inter latrones pependisse,*

*Permiserunt vicarium Christo non dissimilem.*

*Breve itaque sit epitaphium.*

*SI CRUCIFIXUS DEUS:*

*SUSPENSUS PRO NOBIS EST BENEDICTUS.*

In annotationibus annexis refert, quomodo Bonifacius VII. opera usus Romani civis Cincii, Benedictum VI. in mole Hadriani strangulaverit; addita hac in Platinam animadversione: *Tanta injuria quia vindictam nec Romani exegerunt, nec Otto Imperator, (qui Romana ecclesia fuit defensor acerrimus,) Platina, qui gesta Pontificum saepe interpretatur in pejus, veretur, ne talia fuerint Benedicti merita, quale præmium a Cincio consecutus est; minime advertens, Cincium sub Benedicto VII. meritis luisse panas.* Quæ Apologia si vel maxime locum habeat, *suspensus* tamen pro nobis Benedictus num dici debuisset, aliorum esto judicium.

Quod reliquum est, cum Oldoinus in Clemente IX. substitisset, Palatius Clementem quoque X, Innocentiumque XI, imo & Alexandrum VIII. recens tum electum non præterit. Inter cætera memorat, ubi post Clementis IX. fata quinque fere mensibus de novo Pontifice eligendo dissensissent purpurati Patres, novum sydus exortum esse, quod primo super conclavi emicuerit, inde ad Vaticanam montem progressum prædixerit quasi pontificatum Æmilii Alterii, mox Clementis X. nomine compellendi, utpote qui sex stellas in gentilitio clypeo præferebat. Fuit vero & Alterius ille Roma, quam Tybris alluit, oriundus; unde Palatius impletum ait vaticinium S. Malachiæ: *De Flumine magno.* Nam passim ceu genuinum Malachiæ fœtum laudat prophetiam illam, ab Arnaldo Wiono primitus vulgatam, videas vero nuperius postulatam a Claudio Francisco Menestrierio S. J. cujus

hujus librum Gallicum recensuimus supra p. 144. ac Germanice red-  
ditum nundinis vernalibus venum exposuerunt Frid. Lauckius Biblio-  
polæ quondam Lipsiensis hæredes.

Cum *vita Innocentii XI.* imprimeretur, ut ut nondum certis de  
caussis publici juris fieret, Innocentius adhuc in vivis erat: Hinc non  
miraberis, ab Auctore commendari, quod Nepotismum ecclesiæ Ro-  
mana extermiare voluerit. Sic enim inquit Encomiastes:

*Pro nepote Livio Odescalcho primum decretum,*

*Ut viveret more privati.*

*Christi vere vicarius,*

*Cui fratres & sorores, qui faciunt voluntatem Dei.*

*Onerant alii Rempublicam, ut exonerent familiam:*

*Ad levandam rempublicam, gravat iste familiam.*

*Sic thronum scandunt Pontifices Sancti:*

*Sine patre, sine matre, sine genealogia.*

*Annos supra duodecim regnat*

*Nepotismo sepulto:*

*ABST, UT POST HUMUM RESURGAT INNOCENTII.*

Putares igitur, difficile fuisse Palatio, *Alexandrum* quoque *VIII.* in ap-  
pendice operis deprædicare, qui de nepotibus Principum in morem  
alendis majorem in modum sollicitus fuit. Sed ingenio tam fecun-  
do pollet, ut nullo negotio repererit argumenta, causæ quam desper-  
atam reddiderat prædecessoris exemplum, speciose defendendæ ido-  
nea; dicendo: *Fidos ut sibi vita custodes, ac certos populorum Prin-* pag-207.  
*cipumque interpretes, validos onerum curarumque consortes, sui que*  
*arcani fideles ministros adscriberet, Nepotes vocavit in partem solli-*  
*citudinis, exemplo non solum prædecessorum plurimum R. P. sed ipsius*  
*Christi, qui plures cognatos inter Apostolos cooptavit.*

Dum Auctor Michaelis Molinæ dogmata recenset aliunde  
nota, addit eodem tempore damnatum *Antonium Mariam de Leo-*  
*nibus*, e Comensi diocæsi, spretorem sensuum S. Scripturæ allegorico-  
rum, tropologicorum, ac anagogicorum, & cōmendatorem acerrimum  
orationis quietis. Ut alia mittamus illius dicta, sequentia ipsis fere  
Palatii verbis adduxisse sufficiet: *Per orationem Quies animæ unitur*  
*Deo & fit Deus: Dantur quatuor leges, Naturalis, Mosaica, Evan-*  
*gelica, Quies, qua ad similitudinem virgæ Mosaica devorat leges*

priores, eritque Deus Deorum, ac post præsentem Pontificem reformabit mundum universum, ut fiat unum ovile & unus pastor. Tunc anima eorum conscendent una cum corpore: interim Christus & Deipara extra Paradisum expectant, ut moriantur, & postea ad hanc quietem resurgant, in qua nec jejunia, nec sacramenta. Male dicitur in symbolo Athanasiano: Filium esse increatum. Ecclesia decipitur, cum deficiat ei Spiritus Sanctus. Hæc agebat revelari tantum, magistro Deo, in carcerem conjectis a Patribus Inquisitionis, ac per ignem & aquam probare pollicebatur. Post bimestre spatium, quo Theologorum consilia obstinatus susque deque habuit, palinodiam cecinit, carceri perpetuo datus, ut ibi recitatione diurna (Palatium audis) Symboli Apostolici & Corone Mariana Deum sibi reconciliaret iratum.

Tomo V a pag. 26 usque ad p. 74. prolixè recensentur, quæ in causa Regiæ tum inter Galliæ Præsules Clericosque alios (quorum plerique Regiis edictis velificaturi jus illud ad eas quoque Ecclesias, quæ ejusmodi oneri obnoxia antea non fuerant, extendi æquo animo patiebantur; quidam vero libertatis Ecclesiasticæ tenaciores mala quæque & cruciatus perpeti quam Regiæ hoc in negotio auctoritati vestiminum cedere malebant) tum inter Pontificem Innocentium XI & Regem Galliæ hodiernum magnis utrinque contentionibus fuerunt agitata. Subjiciuntur Vitæ Pontificis numismata honori ejus percussa, magnamque partem Christianorum de Turcis triumphos, ad quos Innocentii in Fœderatos munificentia momenti haud parum contulerat, exhibentia.

Vitam Alexandri VIII. tumultuarie conscriptam fatetur Auctor; unde nec numismatibus, sed solum iconibus ipsius Pontificis, trium Othobonorum Cancellariorum Reipublicæ Venetæ, Antonii Nepotis Papalis, & Petri Cardinalis Pronepotis eam illustriorem reddidit. Justo tamen studio eandem imposterum concinnare sponondit.

Cæterum non semel in historia Lutheri, iniquioribus memoriis, innixus fuit. Ea tamen nolumus sigillatim persequi; sed Italos veritatis historicæ studiosos remittimus ad incomparabile opus Viri Illustrissimi Viti Ludovici Seckendorfi, Potentissimi hodie Electoris Brandenburgici Consiliarii Intimi, Historiam Lutheranismi, quæ maximam partem ac in Folio quidem, ut loquuntur, typis Lipsiensibus jam impressa propediem venum prostabit.

JOH.

Argentorati ap. Joh. Frider. Spoor, 1691. in 4. plag. 7.

Cum doctissimus Auctor observasset, quam frivolis imo nullis rationibus inniteretur receptissima *de figura spherica telluris* sententia, operæ pretium se facturum ratus est, si rem omnem accuratius medicaretur, exactamque terræ tum figuram tum magnitudinem calculo definiret. Hunc ergo in finem duas præcipuas rationes, quibus spherica terræ figura defendi solet, missis illis, quæ nihil aliud quam gibbosam eam esse evincunt, examinat suisque momentis ponderat. Quarum prima cum ex superficie aquæ spherica globosam terræ figuram deducat, altera vero ex eo, quod sectiones telluris omnes per polos transeunt sint circuli, sphericam ipsi formam vindicet, utramque tamen perquam infirmam esse demonstrare nititur. Illam siquidem perperam supponere figuram aquæ esse sphericam, cum superficies aquarum nisi ex figura telluris, quæ adhuc controversa est, determinari nequeat: hanc vero gratis sumere, singulos latitudinis gradus esse ejusdem magnitudinis, cum tantum absit, ut hoc ab ullo fuerit probatum, ut potius contrarium ex dimensionibus terræ variis in locis institutis cluceat. Ante vero quam ad harum recensionem accedat, sollicitus est de diversis mensuris, quibus illius menses usi fuerunt, asseritque pedem Regium Parisiensem

esse ad  $\left\{ \begin{array}{l} \text{Rhinlandicum} \\ \text{Romanum antiquum} \\ \text{Bononiensem} \end{array} \right\}$  ut 1440 ad  $\left\{ \begin{array}{l} 1390 \\ 1331 \\ 1686 \end{array} \right\}$

falsumque adeo esse Ricciolum in ratione pedis Rhinlandici ad Parisiensem determinanda. Porro de Eratosthenis, Fernelii, Snellii, Riccioli & Piccardi dimensionibus præcipue differit, Eratosthenem ab objectionibus, quibus a Snellio & Ricciolo premitur, liberans & Snellium contra Ricciolum defendens. Deinde magnitudines varias unius gradus terrestris ab illis auctoribus observatas inter se contendendo ostendit, illas magis magisque decrescere, prout loca in quibus observationes fuere institutæ, polo fuere viciniora, & quidem eadem quam proxime proportionem, qua latitudines dictorum locorum a se invicem differunt, ut ex sequenti tabella adparet:



Observatores	Latit. Locor.	Magnit. unius gradus in milliar. Rom. ant.
Eratosthenes	27 gr.	100
Ricciolus	44 $\frac{1}{2}$	80
Piccardus	49	74
Fernelius	49 $\frac{1}{2}$	73 $\frac{1}{2}$
Snellius	52	71 $\frac{1}{2}$

Ex quibus proinde concludit, planum telluris secundum longitudinem axis sectæ non esse circulum sed ellipsin, in cujus verticibus poli sunt collocati, & cujus diameter major sive axis transversus coincidit cum axe telluris, diameter vero minor sive axis rectus communem sectionem plani Æquatoris exhibet; atque hinc terram esse non sphaeram, sed sphaeroides oblongum, cujus mensuram atque magnitudinem sequens tabella exhibet:

Mensuræ	Axis Tellur.	Diamet. Æquat.	Circumfer. per polos.	Circuf. Æqv.
Pass. Rom. ant.	10889750	8287665	30123813	26036467 $\frac{1}{2}$
Toises	8388195 $\frac{1}{2}$	6383852 $\frac{1}{5}$	23203878	20055463
Pertic. Rhinl.	4344964 $\frac{1}{2}$	3306743 $\frac{1}{2}$	12019275	10388441 $\frac{3}{5}$

Mensur.	Superficies convexa Telluris	Soliditas Telluris
Passus Rom. ant.	262150525644091	391634468671764004687
Toises	155543546198141	178991662885773951043
Pertic. Rhin.	41733747916317	24876305448240417936


Tandem ne solus videatur discedere a communi sententia, J. Childræum, Claud. Franc. Milliet Dechaies, Th. Burnetium, & Jf. Nevvtonum allegat, figuram terræ sphaeroidem asserentes; miratus posteriores duos ex conversione telluris circa axem effectus plane contrarios produxisse, quippe cum ille terram pro sphaeroide oblongo, hic pro sphaeriode lato vendiderit. Nevvtoniana autem sententia cum Auctori e diametro adversa sit, hinc contra hypotheses, ex quibus deducitur, disputat, neque illas accuratissimis observationibus, quibus suus calculus nitatur, præferendas contendit. Coronidis loco fragmentum Tabulæ adjectum est, quæ magnitudinem unius gradus latitudinis in tellure, pro diversis ejus ab Æquatore distantia, indicat.



*J.B. DEMONSTRATIO CENTRI OSCILLATIONIS ex Natura Vectis, reperta occasione eorum, quæ super hac materia in Historia Literaria Roterodamensi recensentur, articulo 2. mens. Jun. 1690.*

**A**Nte decennium eruditus quidam Gallus Illustris *Hugenii* doctrinam de Centro Oscillationis labefacturus supposuit, *celeritatem totalem penduli compositi æquari summa celeritatum partium ejus separatarum*. Ego *Hugenii* aliquanto post suscepta causâ, principii hujus falsitatem ex natura vectis demonstravi, juxta quam perpetuo partem celeritatis penduli in ipso axe consumi & deperdi necessum sit; quod tum sufficere poterat ad paralogiſmum Adversario ostendendum. Ideoque cum eadem opera determinare volebam, quanta præcise celeritatis pars in axe absumeretur, accidit mihi, ut rem quam præter institutum esse judicabam, paulo negligentius curarem, indeque in calculum inciderem ab *Hugeniana* Propositione abluentem, quod suspicari me fecit, diversam esse rationem vectis, cujus alterum fulcrum sit in motu, quam quæ est vectis ordinarii: id quod tunc quidem aliis discutiendum reliqui, ipsemet vero materiam hanc ab eo tempore prorsus seposui. Interea prælustis & generosus quidam Vir, qui avitæ *Hospitaliorum* gloriæ nunc insuper scientiarum literarumque decus eximium addit, re maturius perpensa observavit, huic meo principio et vulgari vectis natura cum *Hugeniana* calculo convenire, inque eo duntaxat peccatum a me esse, quod celeritatem penduli acquisitam considerarim, cum nascentis tantum ratio habenda fuisset. Cujus correctionis certior per literas factus *Hugenius* approbavit methodum, sed difficilem eandem pronuntiat, & quædam haud satis evidentia continere asserit: veluti, quod celeritas vel quantitas motus penduli initialis, non acquisita spectanda sit; quod distribuentis ejus excessus eo modo quo fecimus, & quod in pendulo trium pluriusve ponderum fulcrum vectis respectu unius ponderis concipiendum sit in centro oscillationis reliquorum: miratur denique cum illustri *Hospitalio*, quod Propositionis suæ veritatem, quam modo agnoscere videbar, calculo meo dubiam reddere coner. Ad quæ sequentiâ notanda habeo: *Primo*, miror mirari Viros acutissimos, cum verba mea satis clare innuant, ex calculi istius ab *Hugeniana* hypothesi

pothefi diffenfu inferre me voluiffè potius, peculiarem ut jam dixi in oscillatorio vecte obtinere communicationis motus legem, quam dictam hypothefin ullatenus fufpectam reddere; quanquam, fi verum fateri licet, nondum a me obtinere poffum, ut hujus veritatem vel in Axiomatum numero habeami, vel ab *Hugenio* fatis in propatulo conftitutam arbitrer, eo præfertim cafu, quo pondera durante motu fuo mox inter fe connexa, mox foluta fupponuntur. *Secundo*, ratio cur celeritas penduli initialis, non acquifita, fpectanda fit, attendenti obfcura effe nequit, nec mihi fuiffet olim, fi vel per momentum fpeculationi inhæfiffem diutius: Intelligantur pondera quotvis B, C, D, E,



virga inflexili AB connexa, junctim descendere in perpendicularibus, ut ante hac fupposui: celeritates quas acquirunt eo

momento quo perveniunt in H, I, K, L, funto HM, IN, KO, LP, quæ cum proportionales effe debeant ob commune vinculum ipsis ponderum diftantiis ab axe AB, AC, AD, AE, fequitur, virgam cui implicata funt ipforum defcenfui cum his celeritatibus continuando nihil afferre alterationis, & propterea nullum pondus hætenus in alterum quicquam de motu fuo transferre. Superest ergo folus gravitatis impulfus, qui quolibet temporis instanti acquifitis celeritatibus de novo fuperadditur, qui alterationem patitur. Repræfentetur hic, (cum omnibus corporibus æqualis imprimatur) per æquales lineolas MQ, NR, OS, PT, quæ quidem refpectu celeritatum acquifitarum HM, IN, KO, LP, uti hæ ipfæ refpectu fpatiorum percurforum BH, CI, DK, EL, habendæ pro incomparabiliter parvis, fic ut hæc tria QM, MH, HB, habæant fe quodammodo, ut linea, fuperficies & corpus. At vero ob inter

interpositam virgam fieri nequit, ut pondera simul sint in punctis Q, R, S & T, hoc est, in recta QT parallela ipsi MA; quin potius in directum jacere debent cum axe A, secundum rectam VWXY, adeo ut cum pondera axi propiora terminos suos S & T nondum attigerunt, remotiora suos Q & R jam præterierint, parte residua virium gravitatis ab illis in hæc translata, parte in axe absumta. *Tertio*, in pendulo trium pluriumve ponderum centrum oscillationis omnium excepto uno considerat *Hopitalius* ceu fulcrum respectu reliqui. Hoc quia evidens judicat *Hugenius* (quanquam verum deprehendam) & præterea quia ad demonstrationem aliter quam per inductionem instituendam parum aptum, malo rem invertere, & pondus duntaxat extimum habere loco fulcri, quod ferat reliqua pondera omnia suis quæque locis vectem urgentia. *Quarto*, distributio seu translatio quantitatis motus (olim solas celeritates consideravi, quia pondera supposui æqualia) nihil obscuritatis habere tandem potest, fuitque ex natura vectis ordinarii: nimirum ponderis D incrementum celeritatis extravirgam est OS, in virga tantum OX, residuum XS, quantitas ergo motus transferenda tum in axem tum in pondus extimum Dx XS; unde AB est ad AD, sicut Dx XS ad  $\frac{Dx AD \times XS}{AB}$  portionem quantitatis motus transferendam in solum pondus B: Similiter portio, quam de motu suo pondus E in pondus B transmittit, est  $\frac{Ex AE \times YT}{AB}$ . At pondus C, quod majus celeritatis incrementum in virga quam extra virgam accipit, motui ponderis B contraria ratione adimere censendum est portionem  $\frac{Cx AC \times WR}{AB}$ . Est vero totum incrementum quantitatis motus, quod ponderi extimo B a reliquis ponderibus accedit, præter id quod a propria gravitate nanciscitur, Bx VQ: tandem sit Z intersectio rectarum QT, VY, & ducatur GZ parallela rectis BV, CW, &c.

Quibus positis centrum oscillationis sic invenitur: Per hypothesin

$$\frac{Ex AE \times YT + Dx AD \times XS - Cx AC \times WR}{AB} = Bx VQ,$$

quare æque-multiplicando & addendo erit,  $Ex AE \times YT + Dx AD \times XS = Cx AC \times WR + Bx AB \times VQ$ , seu (quia YT, XS, WR, VQ, ipsis ZY, ZX, ZW,

ZW, ZV, vel ipsis GE, GD, GC, GB, proportionalia) Ex AEG  $\times$  Dx  
 ADG = Cx ACG  $\times$  Bx ABG, additisque utrique parti tum Ex AEg  
 $\times$  Dx ADg, tum Cx CAG  $\times$  Bx BAG, fiet Ex EAG  $\times$  Dx DAG  $\times$  Cx  
 CAG  $\times$  Bx BAG = Ex AEg  $\times$  Dx ADg  $\times$  Cx ACg  $\times$  Bx ABg; unde  
 tandem AG =  $\frac{Bx ABg \times Cx ACg \times Dx ADg \times Ex AEg}{Bx AB \times Cx AC \times Dx AD \times Ex AE}$ . Si quædam

pondera ultra axem ex adversa parte constituta sint, eadem pro AG  
 invenitur quantitas, nisi quod membra denominatoris ponderibus istis  
 respondentia fiant negativa.

Jam vero puncti G a virga ponderibus B, C, D & E gravata ab-  
 reпти & per rectam GZ descendens, incrementum celeritatis, cum  
 pervenit ad F, necessario est FZ, quæ est æqualis, ob Parallelogrammum  
 FQ, ipsi MQ vel NR &c. incremento scil. velocitatis, quod pondus  
 quodlibet separatim descendens a propria gravitate acquirit; quod  
 cum similiter valeat in omnibus spatii GZ partibus, sequitur, spatium  
 istud, hoc est, angulum GAZ eodem tempore pertransiri a virga, siye  
 omnibus ponderibus B, C, D & E, siye unico tantum pondere in G gra-  
 vata, & proin G fore centrum oscillationis, quod itaque repertum est.  
 Neque variat demonstratio pro pendulo ordinario, cui pondera ita in-  
 hærent, ut per arcus circulorum descendere cogantur: cumque re-  
 perta quantitas AG eadem sit cum illa, quæ alias pro centro percussio-  
 nis invenitur, sequitur, *centrum oscillationis & percussio- nis* corporum,  
 ut recte notavit *Hugenius*, unum idemque esse, quanquam *Wallisius*  
 in Cono ex. gr. aliud percussio- nis, *Hugenius* aliud oscillationis centrum  
 assignat: fallitur enim *Wallisius* in eo, quod integræ basi Coni circulis-  
 que basi parallelis non majorem distantiam ab axe rotationis celerita-  
 temque tribuit ea, quam ipsa horum circulorum centra obtinent. Hæc  
 vero centri oscillationis demonstratio sic reformata, uti generalis est  
 & facilis, inque Geometrica exactitudine *Hugeniana* neutiquam cedit,  
 sic eidem in eo præferenda videtur, quod principium vectis, quo niti-  
 tur, indubitatum est ac evidens, cum *Hugeniana* hypothesis obscura  
 fere sit, nec aliam ob causam pro vera habeatur, quam quod nihil in  
 contrarium afferri possit, intellige in solidis corporibus: in liquidis enim  
 res magis dubia videtur; cum vix appareat, quomodo cum ista hypo-  
 thesi conciliari possit spontaneus communis centri gravitatis ascensus,  
 qui accidit, cum metallum in imo liquoris acidi positum ac dissolutum,

aut liquor levior graviore leniter superinfusus eidem sensum permisce-  
tur; id quod ansa & fundamentum extitit Perpetui Mobilis nuper a  
*Fratre* inventi ac in Actis publicati, cui proin ibidem subjunctam stri-  
cturam neutiquam officere existimamus. Cæterum collegeram, quod  
si celeritas totalis penduli compositi minor esse debeat summa celeri-  
tatum partium ejus separatarum, reliquum in axe premendo consumi  
necessum sit. Negat *Hugenius* hanc consequentiam, dicendo, sape-  
numero deperdi aliquid de motu, quod nullibi insumatur: at ego con-  
tra sentio, si quid amittatur, illud perpetuo alicubi impendi, sed quan-  
doque in premendo firmo obice, quandoque in tollendo motu con-  
trario, adeo ut cum penduli nostri pondera moveantur in eandem  
partem, jure inferre potuerim, motum deperditum necessario in axe  
premiendo consumtum esse. Denique & illud dubium est, quod mihi  
objicit Vir acutissimus, effectum videlicet resistentiæ aeris, disruptionis  
vinculi, quod partes penduli connectit, aliorumque obstaculorum in-  
determinatæ quantitatis esse, minuique in infinitum posse, sic ut non  
tollat (ut existimaram) possibilitatem motus perpetui, qui alias obti-  
neret, si sine his impedimentis centrum gravitatis penduli altius ascen-  
dere quam descendere supponeretur. Constat enim, id quod de  
motu communicatur aut absimitur occurssu obstaculorum, ad celeri-  
tatem mobilis, & hanc ad motus altitudinem determinatam semper  
relationem obtinere. Tantum de his. Notum occasione præsentis  
materiæ Eruditis facio, *Fratrem* meum observasse, quod præter *Huge-  
nii* Cycloidem infinitæ dentur curvæ, per quas descendens grave oscil-  
lationes peragat isochronas: item non solum cum *Newtono* & *Tschirn-  
hausio* infinitas cycloides animadvertisse, quæ sui evolutione seipsas  
describant, sed & detexisse quampiam ex alio quam cycloidalium ge-  
nere, quæ eadem proprietate gaudeat.

*HISTORIA VVESTFALIÆ IN QVA IN-  
primis de origine gentis &c. &c. summa fide atque di-  
ligentia tractatur. Opus posthumum Auctore R. P. Ni-  
colao Schaten Societ. J.*

Neuhusii apud Joannem Todt Paderbornensis Aula Typograph. 1690.  
in fol. Constat Alphab. 7. pl. 9.

**A**D conscribendos hosce Annalium Westfalicorum libros ut animum Autor Clarissimus applicaret, se non pietate tantum ac studio erga patriam adductum, sed aliorum quoque exemplo provocatum, cum primis vero Episcopi sui, raræ atque eminentis doctrinæ Principis, Ferdinandi, (qui *Monumenta Paderbornensia* edidit,) autoritate & subsidio, permotum fuisse profitetur. Florentissimo enim hoc literarum ævo cum plerique per Germaniam non minus, quam per cætera regna & provincias, majorum suorum res domi forisque præclare gestas legantur celebrasse, is sibi non committendum ratus est, ut patriæ res hærent in tenebris: utpote quæ non minus, quam cæterarum gentium origines, & res laudabiliter gestæ mercantur illustrari.

Proposuit suum itaque sic exequitur, ut primas nominatæ gentis origines, ejusve bella cum præcipuis orbis populis, Romanis atque Francis gesta, propugnatam invictis animis per plura sæcula libertatem, abjuratam servitutem idolorum, susceptam religionem Christi, aliaque ad gloriam gentis spectantia scitu lectuque dignissima, luculenter hoc in opere exponat. Narrationem tamen longius subinde fundi per vicinorum quoque populorum campos non miraberis, quod rerum ac temporum status, fœderati, hostesque, & innexa sociorum bella intermitteri non potuerint, ne affinium luce spoliarentur. Romanos etiam Cæsares passim observabis introductos vinculum scriptionis, ut quæ sub singulis gesta sunt a Germanis, Francis & Saxonibus, ordine suo possent dilucidius exponi.

¶ 2.

Tribus vero partibus opus totum distinguitur. Quarum prima Westfaliam Romanam, altera Francicam & Saxonicam, tertia Westfaliam Christianam contemplandam nobis sistit. Et in Romana quidem actum legas potissimum de gentis hujus origine, de priscis harum regionum populis, Tacito etiã memoratis, & de bellis, quæ pro libertate cum Romanis tum ante, tum post nativitatem Domini strenue gesserunt. Atque istam laudis partem Paderbornæ potissimum vendicandam Autor censet, quod fontes Luppæ, ad quos toties Romanorum exercitus legatur consedisse: quod castra & stativa: quod montes Teutonicos Variana clade nobiles: quod campum Martis: quod sedem belli ad Alifonem, aliaque ex bellis Romanorum memoratu non indigna, ibi locorum reperire liceat. Idque egit Libro I. & II.

Parte media Francorum exponuntur origines, ipsique Franci ex eisdem populis Rhenum inter & Visurgim incolentibus, deducuntur.

Docet

Docet hic enim prolixius, quomodo sumto Francorū nomine pro libertate asserenda, & limite Rheni tuendo decertarint, donec ex æquo Marte diu certantes, victores tandem Rheno perrupto, utramque Belgicam, & Galliam occuparent, conditoque nobilissimo Francorum regno, imperium quam latissime extenderent. Inde Autor conficit, Franciam veterem non alibi quam in Westfalia quærendam esse, meritoque eam partem, Westfaliam *Francicam* a se inscriptam: ista gentis suæ gloria nihil ullam Germaniæ partem ex omni antiquitatis memoria habere illustrius: tantum abesse, ut Westfali pro gente obscura, abjecta & ignobili haberi cum antiquitatum imperitis debeant. Cum ipsis quoque Francis aurora quasi Christianæ religionis hic ostenditur: quæ Pipino Austrasiæ præfecto ac Majore domus, Carolo Martello Principe, & Pipino Rege, per viros Apostolicos cœperit in eas regiones introduci: id quod Libro III, IV, V, & VI. præstatum invenias.

f. 144. 64.

325.

Postrema partium Westfaliam Christianam exhibet, jucundaque ratione Libro VII, IIX, IX atque X. cruentum tricennale bellum, a Carolo M. gestum, quo de Saxonia & barbaris harum regionum populis est triumphatum, memorat. Tandem enim gentem bellicosissimam, quæ subigi hæcenus neque Romanorum, neque Francorum in ipsos Francos atque Saxones reflexis armis potuerit, perdomitavit a Carolo, juxta cum Francorum imperio Christianæ legi se submisisse. Aureum hoc, post tot ferrea, sæculum cœli munere tandem illuxisse, quo proculcata idololatria, plena Solis luce religio Christi fuerit introducta, & gens a foedissima dæmonum servitute liberata. Quo loco insimul refertur, qua ratione per Saxoniam primum Episcopatus conditi, sancti Pastores constituti, & distributi per parochias Sacerdotes fuerint: quomodo item populus ex tenebris densissimis in admirabile illud lumen gentium emerferit. Ut adeo intelligatur, quam barbarus olim is fuit & pertinax, tam mitem ac serventem Christiana religione recepta eundem evasisse. Christianam interim religionem, quam imperante Carolo M. Saxonia suscepit, nequaquam imperante Carolo V. uti quidē Autori visum, abjecit, licet sordes & maculas, abs humana traditione profectas, procul esse jussit, Lutheri ministerio admonita. Carolū M. enim nobiscū potius, quā cū hodiernis Pontificiis sensisse, seu, ut ipse loquitur, *formaliter non fuisse Papistam*, peculiari libro

418. 649.

f. 657.



Frâcofurti A. 1670 excuso ostendit *Christianus Nisanius*, cumq; opposito & Neuhusii A. 1674 edito libro alio hic ipse *Schatenus* noster Carolum M. pro Romano-Catholico vendidisset, iterū justo opere, quod inscribitur, *Carolus M. Veritatis Evangelica Confessor denuo exhibitus atque ab Impugnacionibus Nic. Schaten S. I. vindicatus*, Francof. A. 1679. edito, demonstratum ita dedit, ut dubitandi de eo nullus sit relictus locus. Sub finem habes accuratum rerum memorabilium in hac historia contentarum indicem.

## GUILIELMI FLEETWOOD INSCRIPTIO- num antiquarum Sylloge.

Londini, prostat apud Tim. Childe, 1691. in 8. plag. 37.

**D**E juventute rerum antiquarum studiosa bene mereri cupiens *Guilielmus Fleetwood*, aetate Collegii Regalis apud Cantabrigienfes socius, Londini nunc munere Ecclesiastico fungens, in illius usum *Sylogem* hanc bipertitam edidit.

Prior pars *Inscriptiones ethnicae* singulares & rariores complectitur, e *Gruteri* corpore, *Reinesii* syntagmate, *Sponii* miscellaneis, *Terretii* Musis lapidariis, aliisque id genus libris selectas, digestasque in classes quinque. Harum prima est *Deorum*; altera *operum publicorum*; tertia *Imperatorum*; *Sacerdotum*, *Magistratum*, *Honoratorum*, *milium* quarta; ultima variorum, *parentum* puta, *liberorum*, *conjugum*, *fratrum*, *sorum*, *gentilium*, *cognatorum*, *heredum*, *amicorum*, *foedalium*, *benemeritorum*, *corporum*, *singulariorum*, *dominorum*, *patronorum*, *libertorum*, *servorum*. Secunda pars *Christiana monumenta antiqua*, quæ hæcenus e libris impressis innotuerunt, *ad unum omnia* ambitu suo, non sane magno, comprehendere fertur.

Ut chartæ lectorumve sumptibus parceretur, Inscriptiones universæ non capitalibus, sed minusculis literis exprimuntur. Notæ necessariæ ac succinctæ hic illic intersperguntur, quas partim ex aliorum observatis, partim ex suis conjecturis depromsit Auctor. Carminum Græcorum abs eo emendatorum exempla vide p. 303. 322. 338. Ultimo loco habetur epitaphium *Philemidis Samie* ab *illustri Viro* aliquibus cum mendis, si *Fleetwoodo* credas, non paucis abhinc annis primitus vulgatum. Sæpe vicissim de lapidis sensu eruendo concludandum dicitur

Criticus



Criticus noster. Quandoque tamen non omnem spem deponere, æquum erat. Exempli loco sunt, quæ apud eum leguntur p. 100. n. 1.

*Interamna.*

Providentiæ. Titi Cæs. nati. ad. æternitatem.  
Romani. nominis. sublato. hoste. perniciosissimo.

NOT. Nescio, quis hic hostis, nisi Cæcina, quem Titus interfecit, circa A. D. 77. patre vivo.

Quin enim suspicemur, hanc nullibi terrarum existere inscriptionem, nisi in alia, eaque Tiberiana, quam primus exscriptor paulo negligentius legit & in compendium præter necessitatem redigere ausus est? Integra autem legitur apud Nostrum p. 51. n. 3.

*Interamna in Umbria.*

Saluti. perpetuæ. Augustæ. libertatique. publicæ. Pop. Romani.  
Genio. Municipi.

Anno. post. Interamnam. conditam. DCCIII. ad. Cn.  
Domitium. Ahenobarbum . . . . . Cof.  
Providentia. Ti. Cæsaris. Aug. nati. ad. æternitatem.  
Romani. nominis. sublato. hoste. perniciosissimo. P. R.  
Faustus. Titius. Liberalis. VI. vir. Aug. iter. P. S. F. C.

NOTA Fleetwoodi: *Ahenobarbus cum Vitellio Nepote Cof. erat anno Tiberii XVIII. Christi XXXII. Hic hostis perniciosissimus erat Sejanus, anno precedente Consul occisus.*

Omnia recte, nisi quod dum Vitellio *Nepotis* cognomen additur, Virorum magnorum error nobis in memoriam revocetur, a summo eruditæ antiquitatis arbitro, *Henrico Noris*, confutatus in *epistola consulari* p. 14. seqq. unde etiam discere licebit, Cn. Domitii Ahenobarbi ordinarium collegam fuisse non A. Vitellium, sed M. Furium Camillum Scribonianum. Nam quanquam Vitellius Cof. mortuus sit, juxta Suetonium in Vitellio c. 2. ex Grutero tamen p. MLXXXVII. n. 1. aperte patet, Kal. demum Juliis *suffectum* fuisse *A. Vitellium*. Hinc lacunam in marmore aut *Furti* aut *Vitellii* nomine explere necesse fuerit; qua de re vide Norisum c. 1.

Non raro in notis hisce, etsi ethnicas inscriptiones illustrantibus, Pontificiorum dogmata sale aliquo perfricantur; c. e. p. 90. 95. 189. 249. Nec illepidum esse videtur id, quod ex p. 181. representabimus:

1. *Fl. Celina, in ripa, in Norisio,*

Sf 3

C. Ho-

C. Hostilius. et. P. Egnatius. Veitor. XV. leg. Tribuni P. S. P. Q. P. dimicantes. pariter. heic. occisi. pariter. jacent. singulare. posteris. exemplum. et. caritatis. et. fortitudinis. Cilienfes. XXI. dies. atrati. lucferunt.

2. *Prope Goritiam.*

C. Hostilius. et. P. Egnatius. Veitor. XV. Legionis. Tribunus. pro S. P. Q. R. cum. barbaris. dimicantes. pariter. occisi. pariter. hic. jacent. singulare. posteris. exemplum. et. caritatis. et. fortitudinis. Noreenfes. XXI. dies. atrati. luxerunt.

*NOTA: Audiebam multisies, sanctorum corpora diversis locis eodem tempore manere, Tribunorum autem, non antebac.*

Inscriptionem utramque recenset Gruterus p. DXLIV. n. 4. & 5. ac priorem extare ait, fide Aloisii Lolini, in Celinae fluminis ripa in Noricis; posteriorem prope Goritiam, auctoritate Wolfgangi Lazii. Altera alteram emendat, adeo ut in priori legendum sit: *P. S. P. Q. R. pro P. S. P. Q. P.* In posteriori: *Tribuni.* Contradictionem, quam perstringit Fleetwoodus, non incommode sustuleris, si observes, Tribunos istos non in ripa fluminis Celinae *pariter sepultos*, sed ibi tantum *pariter occisos* dici. Contra vero, prope Goritiam *pariter sepultos*, non ibidem *pariter occisos* ferri. Prior itaque lapis erectus est loco, quo obiere, alter eo, quo sepulti sunt.

Utut autem heic aliisque locis bene multis jocos subinde delectetur Auctor, jocosas tamen inscriptiones, æque ac supposititias vel quomodo recentioris ætatis suspectas Sylloge sua eliminavit, paucis tantum ex Ferretio admittis, quemadmodum in præfatione non sine singularis poenitentiae professione ipsemet notat.

Sed fortean nec tam antiquum est epigramma illud elegans, quod Fleetwoodus p. 305. n. 4. exhibet, non adjecto loco, ubi marmor visatur, id quod fraudis optimo viro factæ suspicionem auget:

*D. M.*

*Flavia Rufilla.*

*Quid gnatum cadit Venus? Arcum perdidit. Arcum*

*Quis rapuit? Tusco Flavia nata solo.*

*Qui factum? Petit hac, dedit hic; nam lumine forma*

*Deceptus, matri se dare crediderat.*

Distinximus, Fleetwoodi pace, textum commatibus punctisque interrogationis, & pro crediderit rescripsimus crediderat.

Si vertente tempore contingat, ut de venditis libri hujus exemplis de nova editione cogitandum sit, e re lectoris sine dubio foret, accuratos indices nominum præsertim propriorum addere. Annectitur enim solummodo unus, quem glossarium antiquitatum in marmoribus occurrentium non injuria forte dixeris. Sed rari illic apparent numeri paginarum Sylloges; qui si adessent, valde utiles deprehenderentur illis, qui auctoritate marmoris glossam aliquam Fleetwoodi illustrare confirmareque cuperent. In altera etiam illa editione non incongruum esset, singularum inscriptionum titulis, cum spatium lineæ nunquam fere expleant, adjicere literam G, vel R, aut S. A. B. P. F. W. quo innotesceret, num eas Fleetwoodus depromserit ex Grutero, an ex Reinesio aut Sponio, Aringio, Baronio, Papebrochio, Ferretio, Whelero, &c. Sic namque, si forte de menda typographica suspicio subnasceretur, vel fusior explicatio desideraretur, ad fontes recurrere facile foret.

**GEORGII ADAMI STRUVII JCTI COMMENTARIUS**  
*ad Lib. V. Decretalium, editus a Filio*  
*Georgio Gottlieb Struvio J. II. L.*

Jenæ literis Bauhoferianis 1691. in 4. plag. 27.

**E**T si indefesso literarum studio ac longa rerum gerendarum experientia nomen suum inter Jure Consultos Germaniæ jam pridem celebratissimum reddiderit Autor Magnus, pulchrum tamen ducit continuare labores, & omisso vacationis privilegio tueri spartam, quam in vicina Salana nactus est, primariam. Hæc cum ex more & in aliis Academicis recepto, Decretalium interpretationi destinata sit, illam docendirationem egregie sibi finxit Autor, ut post singulorum titulorum & capitulorum expositionem observationes practicas jus modernum potissimum respicientes adjungeret. Eodem ergo ordine & successu, quo ante tredecim annos, circa librum tertium Decretalium, materiam Conventionum & Contractuum editis Decisionibus Sabbathinis illustraverat, hac vice etiam ex libro quinto Delictorum species varias ac poenas competentes exponit, collatis utrobique Juris Cæsarei Saxonicique suffragiis, & ex iis deductis Collegiorum Juridicorum præjudiciis. Speciminis loco observationes quasdam, præ cæteris notabiles quæ nobis viæ sunt, exhibere deproperamus. *Cap. I. Obs. ult. expo-*

exponit, quomodo apud Protestantes Jurisdiclio in cœmeteriis & locis religiosis, ut & in personas Ecclesiasticas exerceri soleat. Porro refert *c. 2. obs. 7.* si matrimonium sit initum contra prohibitionem graduum ex Jure humano dependentem, & in alio loco nuptiæ sint celebratæ, in alio vero conjuges illi domicilium habeant, non sufficere dispensationem in foro, ubi nuptiæ celebratæ, impetratam, sed & in foro domicilii ulteriorem dispensationem petendam esse. *C. 3. obs. 3.* ex moribus Germaniæ Canonicatus seu præbendæ resignationem certæ personæ, quæ remunerationem præstat, hodie licitam reputari. *Ejusd. Cap. obs. 5.* non incidere in crimen aliquod Simoniz, quando gradus Doctoratus vel Magisterii confertur accepta pecunia. *C. 4. obs. 7.* admittendum esse Judæum ad juramentum suppletorium, secus ac opinatus Fulv. Pacian. in Tr. d. Probat. l. 1. c. 7. n. 33. & Schraderus ad l. 31. ff. de Jurej. n. 307. §. 6. *Obs. 6.* exhibet præjudicium, quo foemina perpetua relegatio dictata, quæ propter infanticidium culeo in aquas submersa, & post aliquod spatium consueto more extracta, rursus convaluerit. *Cap. 8. obs. 4.* sistit responsum Facult. Theol. Jenensis; in quo collatis rationibus dubitandi & decidendi juxta normam Juris divini, pœna ultimi supplicii homicidæ remittitur, qui rixa subitanea ab altero excitatus, in iræ fervore, interveniente licet hospite, absq; necessitate adversarium vulnere lethali confodit. Quod vero scrupulositas nimia circa vulneris lethalitatem in homicidio, sanctioni Carolinæ parum sit conveniens, *obs. 11.* taxat. In *c. 12. obs. 9.* singulares circumstantiæ recensentur, quarum intuitu, ob intercessionem conjugis innocentis, Princeps pœnam ordinariam in adulterio duplicato remittere solet. In *c. 29. obs. 4.* respondetur D. Theodorico Paulo, qui in dissertatione quadam litem moverat Autori circa actionem injuriarum, quatenus illa contra Sacerdotem, verba contumeliosa pro concione contra aliquem proferentem, locum habeat. Postrema duo capita, de pœnitentiis videlicet & sententiæ excommunicationis, ad ordinationes Ecclesiasticas Principum Protestantium, Saxoniorum maxime ac Luneburgensiu, observationes suas componunt & ad usum nostri fori attemperant. Quæ denique mutua titulorum hujus tractatus & libri quinti Decretalium sit connexio, quique textus ex istis præ cæteris fuerint recti, index specialis post primam statim paginam liquido demonstrat.

MENSIS JULII A. M DC XCI. 329  
 AN ANSVVER TO THE LATE OBIECTI-  
*ons made by Mr. Erasmus VVarren against the*  
*Theory of the Earth.*

idest,

Responsio ad objectiones nuperas Erasmi VVarreni  
 adversus Theoriam Telluris Sacram.

Londini, imp. Gualteri Kettilby 1690. in Fol. pag. 22.

**R**ecensu Geologiæ, quam *Erasmus Warren* Theoriæ Telluris *Thoma Burnetii* opposuit, Acta Eruditorum Kalendis Martii 1691. publicata auspicati sumus. Nunc Responsum auctoris Theoriæ ad Geologi exceptiones commemorabimus. Sequitur *Burnetius* antagonisam stricto pede, & ad singula sibi objecta habet, quæ reponat, cum primis autem stigma injuriarum in Scripturam sacrâ adeoq; Spiritum Sanctû, & in philosophiam sanæ rationi consentaneam, quod *Warrenus* ei inurere subinde ausus fuerat, omni studio ei ipsi intentat. Nolumus in litigia illa evagari. Enarrare tantum lubet, quæ *Burnetius* in maxime portentosa, aut (mollius ut loquamur) paradoxa *Warreni* de *Cataclysmo Noachico* sententia reprehenderit. Ut ergo sequentia melius percipias, non incongruum fuerit, Acta Eruditorum allegata levi oculo perstringere ac illorum summam, quam repetere non vacat, in memoriam tuam revocare.

Animadvertit primo *Burnetius* in *Warrenum*, quod (juxta Acta nostra p. 98. l. 8.) hemistichium posterius Gen. VII. 20. divellat a priori, cum tamen hoc illius *ἡ ἄβυσσος* sit, æque ac versus præcedens undevigesimus. Indignatur quod vocem אַבְיִס *abyssus* Gen. VII. 11. de loco altissimo exponat, (quemadmodum p. ead. l. 14. monuimus.) demonstratque, potius imum aliquem locum notare, secundum Gen. XLIX. 25. Deut. XXXIII. 13. Rom. X. 7. non obstante dicto Psal. LXXVIII. 15. (quo de confer supra p. 98. l. 21.) utpote ubi consentientibus tantum non omnibus in universum interpretibus, ut & versus sequentis *וַיִּפֹּץ מֵעַל הָרֵי* exigente, subintelligere oporteat particulam comparativam, h. m. *Diffidit rupes in deserto & potavit populum (TAN- QVAM) abyssis magnis.*

Objectionem sibi fecerat *Warrenus*, a nobis quoque p. 102. in  
 T t literas

litteras relata: *Cacumina montium apparere ceperunt decrecente diluvio, Gen. VIII. 5. Ergoprius aquis fuere cooperta*: responderatque, non emerfisse ex aqua, sed e tenebris, sicque apparuisse. Regerit Burnetius, sibi potius credibile videri, post nubes omnibus vaporibus in aquas olim condensatis, continuo imbrum per quadraginta dies defluxu, exhaustas, aerem non turbidum sed pellucidiorē atque a nebulis liberam evasisse. Querit itaque, cur non montium cacumina post cessationem pluviarum sive die diluvii XL, sed demum post plures centum quinquaginta diebus apparuerint? Neque aliam rationem dari posse persuasus est, quam quod ultra sesquicentisimum diem diluvii, montium apices aquis undiquaque, non vero aere tenebricoso tecti fuerint. Explodit conjecturam Warreni nulla prorsus ratione statuminandam, Solem statim post quadraginta pluviosos dies exactos, magnam imbrum delapsorum partem iterum in vapores commutasse & in altum evexisse, hacque ratione aquas ex orbe nostro removendi initium fecisse, id quod p. 102. adjicere negleximus. Contrarium enim liquere ait ex *Gen. VIII. 3.* ubi initium decrementi aquarum in diem demum centesimum quinquagesimum rejicitur. Et quia Solem in partes heic vocaverat Warrenus ad turbandum & obtenebrandum atmosphæram, Burnetius false ridet, (quod & supra ex professio fecerat) hypothesein ejus de vaporibus materiæ humidæ ac flatulentæ primigeniæ tertia creationis die calore Solis in altum educitis, dein subsidentibus ac inter se in moles prægrandes terreas lapideasque, quas montes vocamus, vario modo concrefcentibus; hac occasione problema ventilari posse festive arguens: *Utrum Henricus VIII. prior fuerit Henrico VII?* eo quod Warrenus similem in modum disputarit, num Sol, quem quarto demum die creationis memorat Moyses, aliquid ad opus diei tertiæ contulerit?

Inter cætera argumenta, quibus depugnat Burnetius in diluvium Warrenianum, reperias & istud, non opus fuisse arca Noachi, nisi omnes montes undique inundati fuerint. Potuisse enim Patriarcham cum familia novique orbis seminario, facili negotio in montem secedere, ac sese hunc in modum periculo cataclysmi quindecim-cubitalis subducere.

Sed mitramus opinionem illam quadrata rotundis, superna inferis pro lubitu miscentem, simulque ejus antagonistam Burnetium, qui defunctus

functus pugna cum Warreno inita, alii ex adversariis suis responsum ullum dare recusat, *Herberto* puta *Crofto*, episcopo quondam *Herefordiensis*, de quo mense Martio, an superaret vivus, dubitabamus, nunc autem inter mortuos referendum esse, sub finem jamjam mensis Maji ex novellis publicis significavimus.

*BIBLIOTHECA CHRONOLOGICA ILLU-*  
*strium Virorum provincia Lombardia Sacri Ordinis*  
*Prædicatorum, qui ab Ordine condito ad hæc usque tempora in*  
*ecclesie utilitatem calamum acuerunt. Autore P. F. Andrea*  
*Rovetta de Brixia Theol. M. Inquisitore Veronensi ES*  
*Priore Provinciali ejusdem*  
*provincia.*

Bononiæ 1691. typis Josephi Longi in fol. 3. alphab. 7. plag.

**H**istoriam Ordinis FF. Prædicatorum plures illustrarunt. Aliqui annales & chronica hujus Ordinis consignarunt, ut *Thomas Malvenda*, & Hispanico idiomate *Ferdinandus de Castillo*, ejusque continuator *Johannes Lopezius*, quorum historiam generalem Ordinis Dominicani *Timotheus Boronus*, & *Hyacinthus Cambius* Italice reddiderunt, ut *Johannem a Cruce*, *Ludovicum de Caceres*, & reliquos, quos labor ille occupavit, taceamus. Alii viros hujus Ordinis scriptis aliisve rebus præclare gestis illustres recensuerunt, ut *Antonius de Conceptione*, qui ab insigni erga Catharinam Senensem affectu Senensis cognominari solet, in bibliotheca Ordinis FF. Prædicatorum, quam ejusdem Ordinis chronico adjunxit; *Leander Albertus* in opere de Viris illustribus hujus ordinis; *Ambrosius Gozzas* in catalogo Virorum ex familia Prædicatorum literis insignium; *Seraphinus de Razzu* in historia Sanctorum & illustrium hujus Ordinis Virorum; *Alphonfus Fernandez* in concertatione Prædicatoria pro ecclesia catholica contra Hæreticos, Gentiles, Judæos & Agarenos per epitomen in annales distributa, cui adjuncta est notitia Scriptorum Prædicatoriæ Familiæ; *Ambrosius de Alta Mura* in bibliotheca Dominicana; *Petrus Malpeus* in Athenæo Dominicanorum; *Johannes Baptista Lancius* in elenchō Scriptorum Ord. Dominic. *Vincenzius Maria Fontana* in theatro Or-



dinis Dominicani &c. Alii intra certas illustrium Dominicanorum classes constitierunt, ut *Hieronymus Bursellus*, & *Sebastianus de Olmedo*, qui Generalium hujus Ordinis historiam exposuerunt; *Antonius Malletus*, qui Paparum, Patriarcharum, Archiepiscoporum, Episcoporum, Doctorum & aliorum virorum illustrium, qui in conventu S. Jacobi Parisiensis vel Priores vel Religiosi fuerunt, historiam contexuit; *Balsasar Sorianus*, qui de illustribus Dominicani Provinciae Aragoniz egit, & quis omnes enumerare possit?

Progredimur ergo ad Rovettam præsentis voluminis Autorem, qui provinciae Lombardiae Dominicanos, quotquot ingenii sui monumentis claruerunt, juxta annorum seriem ita delineat, ut ipsorum studia, dignitates, virtutes, aliaque ad vitae curriculum spectantia, & denique elucubrata ab ipsis opera breviter enarrat. Auspicatur hoc opus ab ipso Ordinis Prædicatorum fundatore Dominico, cui Postillam in epistolas Paulinas, & aliam in epistolas canonicas, nec non in Davidis Psalterium, & Matthæi evangelium, & seorsim in illa Matthæi verba c. 8. *Ascendente Jesu in naviculam*, item duos fidei libellos, quos sæpe in ignem conjectos nunquam tamen combustos fuisse tradit, nec non tractatus nonnullos de laudibus Mariæ, & diversos sermones de Psalterio Virginis tribuit; etsi *Natalis Alexander* ejusdem Ordinis socius Dominicum inter Scriptores ecclesiasticos non retulerit, cum veteres, qui Dominici acta scripserunt, operum illorum non meminerint, nec ubi hodie inveniantur, & præterea quidam non duos libros, sed schedulam tantum in ignem conjectam & miraculo illæsam mansisse memorent: qua de re Dominicani fratres inter se transigant. A Domino ad ceteros Dominicani Ordinis Lombardiae provinciae Rovetta pergit. Scriptores numero fere sexcentos Permissæ sunt Fratribus etiam nonnullæ Sorores, nempe Petronilla Bava, Martha de Rosa & Paulina de Aymericis. Inter autores, quibus in hac bibliotheca adoranda se usum profitetur, memorantur *Jacobus de Susato*, *Ambrosius Tagius*, *Johannes Michael Plodius*, & *Vincentius Maria Rivalinus*, cujus catalogum MSC. Scriptorum Provinciae Lombardiae ad manum habuit. Atque his aliisque, quos usurpavit, Scriptoribus errores suos acceptos referri cupit. Refert autem ad Lombardiam non eos modo, qui in hac provincia nati, sed etiam qui solenni professione conventuum hujus provinciae filii facti sunt, ut Cardinales Ursinum & Howardum.

Adjun-



Adjuncta est huic bibliothecæ Syntaxis Amplissimorum Virorum Provinciae Lombardiæ Sacri Ordinis Prædicatorum, qui ab ordine condito usque ad hæc tempora primos ordinis gradus atque dignitates obtinuerunt. Quod opus in sex partes seu tabulas distributum est. Prima tabula eos complectitur, qui ad totius Ordinis regimen assumti sunt. Secunda illos, qui ad munus Magisterii sacri Palatii in Romana Curia exercendum a Romanis Pontificibus electi sunt. Tertia eos, quibus regimen Commissariatus generalis Romanæ universalis inquisitionis commissum & demandatum fuit. Quarta eos, qui Conciliis aliisque disceptationibus & colloquiis adversus hæreticos interfuerunt. Quinta eos, qui ad varia ardua & difficilia Romanæ sedis negotia tractanda adhiberi fuerunt. Sexta denique eos, qui pro fide sanguinem fuderunt.

*DICTYS CRETENSIS DE BELLO TRO-  
jano, sive L. Septimii Ephemeridos belli Trojani Libri  
sex; cum notis Josia Mercceri, Casparis Barthii, Ulrici Obrechtii,  
Pauli Vindingii, & indice Sam. Artopæi. Accessit Da-  
retis Phrygii Historia Trojana.*

Argentorati sumptibus J. C. Stædelii 1691. in 8. Plag. 24.

**H**istoriam sive fabulam de Trojæ obsidione & excidio plurimi ve-  
terum literis mandarunt, neque Trojanorum virtute atque fortuna;  
& ut Priamus stulta in Paridem filium, qui rapinæ juxta & adulterii cri-  
mine se commaculat, indulgentia, simul quid patris quid regis officiū  
esset oblitus, potius duxerit implicari bello funestissimo quam reddere  
Helenam, eaque ratione & genus regium & omnem Trojanorum po-  
tentiam admoverit fati ultimis, quicquam deeatatum magis a vetustis  
scriptoribus, quos ferme omnes temporū injuria nobis subdixit. *Dictys  
Cretensem & Daretem Phrygium* ex naufragio isto tot belli Trojani scri-  
ptorū utrunque evasisse quidam existimant, sed ita ut non nisi eorū Inter-  
pretes sint superstites: ac *Dictys* quidem Phœnicæ literis scriptum &  
stannea arcula conditum, a pastoribus forte inventum & Neroni inde  
oblatum, a *L. Septimio*, *Daretem* autem a *Corn. Nepote* in Latinam lin-  
guam translatos, præfationes commentariis his præfixæ suaviter fingunt.  
Rectius eruditi existimant, *L. Septimium* virum quempiam haud vul-

garis ingenii, inclinantibus jam rebus Romanis, Constantini aut Theodosii ætate, cum cerneret multa diversis modis de famosissimo illo bello differri, statuisse omnem historię seriem, omisiss & rescatis iis quæ de Deorum pugnis fabulose vulgata & a Poetis conficta erant, quæque fidem antiquissimæ & maxime memorandæ Græcorum expeditionis elevabant, instar certæ narrationis sex libris complecti, iisque omnem belli hujus historiam ab ipso initio usque ad Græcorum ducum reditum descriptum includere: usum autem fuisse nomine *Dictys*, & commentum ac si e scriptoris istius libris suos traduxerit, ut autoritatem & fidem sibi conciliaret, dum narrationem petiisset ab eo qui bello ipsi interfuerit, ab Idomeneo jussus rerum gestarum seriem literis exponere: libellum de excidio Trojæ *Daretis* nomine præscriptum, ab Argonautica expeditione injuriarum Græcis illatarum initium repetentem, dein ab infecuta Hesionæ servitute, Cornelii Nepotis nomine præfixa epistola, nemini imponere, cum cuiusvis manifestum sit, ejus venustati scriptorem hunc respondere minus: utriusque autem libros *commenta esse eorum, qui de bello famosissimo ludere voluerunt*, ceu de iis loquitur *Lud. Pives Lib. V. de trad. discipl.* Et si autem ambo hi scriptores ex compacto rem egerunt, quasi in velabro olearii, multum tamen alter alteri præstat, & judicio ac elocutione *Dictys* longe est superior: quibus virtutibus *Sciappio* imposuit, ut *Velleji, Valerii Maximi & Curtii ætate ab aliquo elegantis ingenii & judicii homine animigratia & exercitationis* scriptos ejus libros sibi videri affirmer, *Josias* autem *Mercerus* elegantem mediæ ætatis scriptorem *maxima eruditione & judicio polentem* eum vocare haud dubitet. Cui *Mercero* etiam si non salutem & integritatem, certe quod plurimum manibus terantur, uterque horum scriptorum debet. Is enim post *Mediolanensem* anni 1477 & *Venetam* anni 1499 ac *Basileenses* anni 1573 & 1583 editiones, novam adornans ope duorum manuscriptorum codicum, quorum alter *Petri Danielis*, alter *Pauli Petavii* fuerat, infinitas in *Dicty* mendas, quæ priores editiones infederant, sustulit, & *Daretem* e codicibus duobus bibliothecæ *S. Victoris Parisiensis* meliorem constituit, geminosque hos *Pseudonymos*, adjectis *Dictyi* annotationibus, anno 1617 in *Gallia* evulgavit. Quæ editio postea aliquoties in *Belgio* repetita, undecim abhinc annis doctissimam in *Galliis* virginem *Annam Tanaquilli Fabrisiliam*, (quæ in *Andr. Dacerii* matrimonio jam agit) stimulavit, ut & ipsa

& ipsa binos hos commentitios scriptores interpretatione & notis suis nitidissime ad Delphini usum adornatos, & ex Homero aliisque Græcis & Latinis autoribus illustratos, in publicum ederet. Cum vero in Academiæ Argentoratensis bibliotheca MSCtus Codex Dictyis extaret, eundemque olim, cum studiis istam Academiam exornaret, qui hodie universam eam urbem consilio & auctoritate regit, Vir illustrissimus *Ulricus Obrechtius* accurate contulisset, eruditas etiam observationes in difficiliores & impeditos Septimii hujus, qui Dictyn in Latinum sermonem transtulisset se finxit, locos literis consignasset, eas nactus Juvenis eximius & literarum elegantiae studiosus *Samuel Artopæus*, has de bello Trojano ephemeridas, capitibus distinctas, eumque fere in modum, quo ex ista Academia olim Tacitus, Suetonius, Justinus, Florus, Cornelius Nepos & Velleius Paterculus concinnati, ab utili & bonis autoribus conveniente industria Berneggeri, Freinsheimii & Bœcleri prodierant, adornatas dedit, ac integras *Merceri*, collectasque ex *Adversariis* ordine dispositas *Barthii*, & ineditas hætenus doctissimorum Virorum *Obrechtii* & *Vindingii* notas adjecit. Utque numeris omnibus absoluta extaret editio, *Indicem* etiam ejus concinnitatis, quam Argentoratenses primi reperisse ex vero laudari possunt, annexuit: in quo non rerum saltem in Dicty memoratarum summa capita, verum etiam phrasum & locutionum rariores annotavit, ostenditque cum Sallustiana dictione Septimianæ prorsus convenire. De Pseudo Darete autem, quod non omittendum duximus, in *Prefat.* observavit Artopæus, ejus libellum periocham videri carminis illius, quod sex libris Historiam de bello Trojano complexum, olim Cornelii etiam Nepotis nomine circumlatum fuit, procul dubio hanc ipsam ob causam, quod exposuisset historiam quæ a Cornelio Nepote e Daretis Græco in Latinum sermonem translata ferebatur; sed a *Josepho Iscario* sive *Exoniense* Angli, quem *Devenium* nonnulli vocarunt, scriptos fuisse sex istos poematum libros, *Cambdenus* in *Britannia* annotavit, eosque vero auctori suo assertos *Samuel Dressemus* anno 1620 cum Notis edidit.

**FASCICULUS DISSERTATIONUM HISTORICO-CRITICO-Philologicarum, collectus ac plenissimis indicibus auctus a Thoma Crenio.**

Roterodami apud P. Vander Staart, 1691. in 8. plag. 35.

Cum

**C**um pro exercitiis Academicis publicis, quibus ad disceptandas rite Scholasticas controversias studiosa juvenus assuefieri amat, non nudæ semper theses, sed luculentæ subinde Dissertationes justo studio elaboratæ, certumque argumentum velut exhaurientes, ad disputandum proponantur, quas Posteritatis etiam usibus conservari Litterariæ Reipublicæ interest: improbandum minime videtur *Crenii* nostri institutū, quo Dissertationes ejusmodi diversos in fasciculos colligendas typis denuo committere decrevit. Neque id sine judicio atque selectu, qualis in tali opere omnino requiritur, præstitum ab eo iri, vel primum hoc, quod nuper exhibuit, Specimen abunde comprobatur, quinque Dissertationes, eruditas sane eas quasque legisse neminem pœnitere possit, complexum. Verum eas quidem, quia novæ non sunt, sed in multorum jam manibus versantur, & perlustrari ab aliis brevi temporis spatio possunt, indicasse nobis hoc loco suffecerit.

Prima est *Edmundi Dickinsonii*, quam Delphos Phœnicizantes inscripsit, Oxonii, etsi non per modum Academicæ Disputationis, A. 1655 edita, & postea Francofurti A. 1669 denuo impressa, qua Græci, quicquid apud Delphos celebre erat, e Josuæ Historia & Scriptis sacris traxisse demonstrantur. Altera est *Adami Tribbeckovii*, in Academia Kiloniensi (in qua Professorio tum munereungebatur, Superintendens postea Saxo-Gothanus, *ὑπερὶ ἀγίων*) publicæ olim ventilationi exposita, qua veritas creationis, prout a Mose descripta est, in traditionibus gentium ac vetustissimis antiquitatis profanæ monumentis ostenditur. Tertia *Martinum Geierum* auctorem agnoscit, Theologum Saxonie nostræ post fata etiam venerandum, & locum Esaie LIII. 8, 9. 10. de morte, sepultura & resurrectione Messie illustrat, pro Licentia olim adeundi supremum in Theologia gradum, in Academia hac nostra ad disputandum proposita. Quarta Historico-Chronologica Computum sacrum LXX Hebdomadum Danielis explicat, in Wittebergenſi quondam Academia, cujus antequam ad Gedanensē abiret, illustre ornamentum fuit, ab *Aegidio Sraucbio* edita, sapiusque postea recusa. Quinta denique de Davidis & Salomonis Satellitio, *Crethi* & *Plethi*, auctorem habet *Henricum Opium*, præclaris in litteras & orientales cum primis meritis celebrem, & SS. Theologiæ hoc tempore in Academia Kiloniensi Professore.

## RELATIO DE LITERIS APOLOGETICIS

*Carolæ Catharinæ Patinæ, Parisinæ, Academicæ Re-  
cuperatæ, Patavio A. 1689 Lipsiam ad Aëtorum Erudito-  
rum Collectores datis.*

Cum *Collegæ desideratissimus*, cujus obitum immaturum paucis ab-  
hinc mensibus ex merito luximus, celeberrimi viri *Caroli Patini*  
commentarium in monumentum Marcellinæ ad Acta Eruditorum A.  
1688, p. 557. s. retulisset, appendicis loco, (ut sæpius in similis argumenti  
libris olim fecerat,) adjecit de suo *conjecturas* nonnullas, quas non ægre  
laturum sperabat Auctorem a singulari modestia æque ac exquisita eru-  
ditione commendatissimum. Neque sane spes eum fefellit, cum is  
hactenus nihil regefferit. At doctissima ejus filia, CAROLA CATHA-  
RINA, (anno jam 1684. p. 587. una cum sorore *Gabrielide Carolæ* nobis  
laudata,) pro ea, qua meritissimum Parentem colit, pietate, objectiones  
Patino factas, non multo post, *epistola* ad nos data, refellere justo  
studio sategit.

Hanc in compendium redigere, ac publici juris facere non tam-  
diu distulissimus, nisi *Συγγράμματος* ille noster, cujus potissimum res ageba-  
tur, aliquid in literas referre incepisset, quo & rationes *τῆς ἐξ ἐναντίας*  
summa fide recensebat, ac quandoque quidem herbam ei porrigebat,  
caussa dissensus in æneum apographum a Patino publicatum rejecta,  
quandoque tamen ostendebat, habere se nonnihil, quod reponere pos-  
set, nisi ab altercandi pruritu abhorreret. Sed cum per concatenata  
negotia alia partim, partim per mortem beatam, non integrum ei fue-  
rit, id scriptionis, quod olim molitus erat, ad umbilicum perducere,  
nobis incumbit, vel nunc tandem Lectori significare, quibus armis Pal-  
las illa Patavina contra eum depugnaret.

Non vero negamus, nobis haud inficiis, aut impredientibus, con-  
jecturas illas a Collega nostro, Patini eruditorumque aliorum judicio  
subiectas. Utut enim non per omnia (præsertim quoad *syllogismum*, quod  
putabat, & *cistam sacram*) cum eo consenserimus, cætera tamen, quæ  
coniciebat, non omni probabilitatis specie destituebantur, ac ad mi-  
nimum ansam dare posse videbantur *Patino*, ut adhuc semel marmor  
inspiceret, & ne figura ænea aut nobis aut aliis fraudi esset, *epistola* brevi  
ac nihil habente nigri salis, doceret, quid sibi de dubiis illis videretur.

Uu

Quod

\* Quod a Patino expectavimus, præstitit Patina. Observat illa ante omnia, patrem non quæsisisse, cur *amplissimo* Ἀρχιερέας honore Marcellinam affecerint, sed cur *monumentum* publicis sumtibus ei *fecerint* Magnetes ac Smyrneses? Legerat Noster in marmore non ΟΤΑ. Θ uti Patinus, sed ΟΤΑ. Θ. h. e. ΟΤΑΛΕΠΙΟΤ ΘΤΓΑΤΗΡ. Sed Patina ad monumentum ἀρχιερέων provocat, quod Patavii tam ab aliis, quam a Germanis etiam, hosque inter a viro celeberrimo, *Gothofredo Guilielmo Leibnizio*, Lipsiensi, Consiliario Brunsvico-Luneburgico inspectum fuerit. Neque se ait tam imperitam esse Græcæ linguæ, quin Α ab Α rite distinguere valeat. His lectis, ingenue fatebatur Noster, quæ de Valeriis disseruisset, a scopo aliena fuisse. Sed querebatur subinde, non curasse satis Patinum, ut sculptor suus orthographiæ studiosus esset. Quod si enim figuram æneam inspiciat aliquis, vel lyncæis oculis præditus, non apparituum ei aliud quidquam, præter ΟΤΑ, hoc est ΟΤΑΛΕΠΙΟΤ, non ΟΤΑ, h. e. ΟΤΑΠΙΟΤ.

Instrumentum illud, quod altera Marcellinæ ministra tenet, non nosse se dixerat Patinus. Noster *sistrum* esse conjectabat, adducto in partes suas *Pignorio*. Sed Patina obtendit, sistrum Pignorianum instrumentum illud sphæristerii referre, quo pilæ propulsari solent. Et quamquam non potuit ostendere, quem usum habuerit in sacris Isidis instrumentum ejuscemodi *foliatum & cuspidatum*; sistrum tamen non esse certo certius autumavit, quia nullæ virgulæ intermedix per latera instrumenti, quæ recurva esse deberent, trajectæ in marmore integerrimo visantur.

Ministram istud tenentem Patinus nominaverat *lugentem*; Noster *meditabundam* vel *devotam* ac *submissam*. Patina concedit eam *meditari*, sed obitum Antistitis suæ, quem non poterat non lugere. Sicque observas, loco sacerdotularum ejusmodi, in aliis epitaphiis Cupidisne Musasve præpropera mortuorum fatalugentes conspici.

Ministras ambas *calamistratas* agnoverat Patinus; Noster *vittatas*. Sed auctoritate ipsius archetypi litem hanc iterum dirimit Patina, nullumque *reticulum* muliebri in marmore extare asseverat. Nimirum acceperat Noster dubio procul *umbras* pro reticulo; nec dubitamus, ad stipulatum postea Patinæ.

\* Quoad vestitum, *probe indufiatas* sacerdotes illas dixerat Patinus. Noster, *indusium* accipiens pro linea veste eum proxime tangente, (quæ

(quæ Gallis *une chemise*, nobis ein Hemdde vulgo appellatur,) illud non apparere objecerat, sed tantum *camisiam* vestem superiorem & *tunicam* talarem, hoc est, *une camifole* & *une jupe*, ein Camifol und Rock; sub quibus intus lateat *indusium*, sive *la chemise*. Non nisi de nomine *camisia* Collegæ nostro controversia moveri potuit. Nam non admodum alias dissensit a Patino; nisi quod hic tunicam sive stolam talarem ipsi cuti sacerdotum harum adhæsisse adeoque & indusium fuisse, æque ac filia statuere videatur. Hinc, explicata sententia per voces Gallicas, non est necesse, ut quæ contra eam prolixius disputat Patina, excerptamus; hoc solum addimus, si barbaræ *camisia* voce Noster, non ad sensum Gallorum ac Itolorum, usus est, nec Patinianam *indusium* acceptionem pro quolibet *indumento*, usu satis receptam esse.

Sacerdotula altera aram offerre Marcellinæ Patino visa est; Noster inquit: *Fert illa omnino aram Ægæi Οὐρανίου sacram. Nam & in sacris Dea Isidû, quæ eadem cum Venere cœlesti est, a sacerdotibus aræ gerebantur. At Patina: in sacris Dea Isidû a sacerdotibus aræ gerebantur, dum procedebant, fatemur. Sed in marmore nostro amniastant, nunquam processura.* Quia vero ex ænea figura adeo firmiter sibi persuaserat Noster, aram illam non tantum penes sacerdotulam extare, sed & abs ea ipsa manibus ferri, addit tandem virgo literatissima: *Quid de in repugnaret, aram hanc PROCEDENDO, Marcellina, summa Urania Veneris ministra, offerri?*

Gravius dissidet Patina a Nostro quoad hujus *cistam vimineam*, ex qua serpens promineat; qualem etiam in onychino vasculo a. 1683. p. 141. depictam stitimus. Verum nec pauci fuere e nostratibus, qui in sculptura quoque a Patino divulgata, facile agnoverunt arborem, & id quod *Appendicæ* auctor *basin cistæ* esse putavit, pro reliquo serpentis corpore habuerunt. Cæterum neque illa Patinæ verba heic præmittenda arbitramur: *Veram esse Parentis conjecturam circa serpentem & cupressum, affirmabunt opinor, qui ejus in sua priora marmora Smyrna allata commentarios legerint, in quibus nihil dubii relictum mihi videtur.*

In superiori eaque dextra parte tabulæ visuntur duo *πιδεσγῶν* ornamenta sculptoris, ut Noster putavit, aut potius, quæ Patini Patinæque sententia est, *arcula* duæ, quæ thus vel alias res ad sacerdotium pertinentes continent.

Pergit Noſter: *Marcellinam -- ipſam inter duos dextra manu priores digitos aliquid ſacri inſtrumenti tenere dixerū.* Reſpondet Patina: *Nil ipſa tenet; manum admovet velo ſcutunica parti, caput operienti & ab ipſa pendenti. Patere id Vobis potuit ex alia velantis panni parte, ab ejus ſiniſtra pendente, quamvis nonnihil obſcuriore. Solent pictores noſtri, -- figurarum latus luci expoſitum albo, oppoſitum nigro ſeu umbris exprimere; ſtatuarum inciſores, extantia beneficio gaudentes, tali arte non indigent. Sic in marmore noſtro apertis ſine conſtaſt veli ſpecies in utroque latere. Et ne fallere vos videar, ſinceros, quaſo, admoveſte oculos ſiniſtra colli parti; inter umbras animadverſetis aqualem pendere pannum ac in dextra.*

Fatetur tandem Patina, non cingulum ſed tunicam a Patre *ceſtum* Veneris dici. Achiciterum de ἀμφιβολία tantum liſ videtur mota a τῷ Μαχαίρῃ. Unde non potuit non contentus eſſe illiſ Patinæ verbis: *Iſpe parens confirmavit, (in marmore) eſſe indumentum, non cingulum, opinaturque eſſe ſolam Medicam ſeu Perſicam, fluxam ſcilicet & talarem, qualem repræſentat Oſi. Ferrarius in Analectis p. 80.* Monet porro, a Noſtrate confundi Veneres, cæleſtem & vulgarem; cum de illa ſola Patinus loquatur, de hac vero exaudiendum ſit proverbium: *Veneris ceſtum habere.* At hoc ipſum eſt, quod male habebat collegam noſtrum, cum non imaginari ſibi poſſet, qua ratione *ceſtum*, Veneri terrenæ adſcribi ſolitum, Cæleſti Veneri tribueret Patinus.

Hæc contenta ſunt epiſtolæ a doctiſſima Patini gnata exarata. Epitomen hanc ſumma fide confecimus. Et ſi quid porro nos velit virgo illa erudita, poterit monere. Contentiones ejusmodi rem literariam mirifice illuſtrant, modo a convitiis utrinque abſtineatur, quæ eruditos minime decent.

**AANTEKENINGEN OVER DE VIJF**  
*Baeken Moſis, Pſalmen en Hoogelied, met een bericht*  
*belangende ſommige tegenwerpingen tegen de onvervalsheid*  
*van de Hebræuſche Text, ende de aantrekkinge van de Rabijnſen in deſe*  
*Aantekeningen, door Henricus Ainsworth, ende nu uit 's Engeliſch*  
*verſaalt door Sibrandus Vomeliuſ, Dienaar Jeſu Chriſti*  
*tot Boſward. i. c.*

Henrici



Henrici Ainsvorthi Annotata in Pentateuchum,  
Psalms & Canticum Cantorum, cum enumeratione re-  
futationeque objectionum quarundam contra Hebræi Tex-  
tus integritatem, ac Rabbinorum in iisdem Annotatis ci-  
tationem: ex Anglica lingua in Belgicam translata a  
Sibrando Vomelio, V. D. Ministro  
Bolsvwardensi.

Leovvardi, apud Heronem Nautam, 1690. in fol. Alph. 12. pl. 16.

**D**Udum est, quod inter lumina decoraque Sacrorum Interpretum,  
quibus Anglia gloriatur imprimis, Henricus Ainsvorthus inno-  
tuit, itaque ingenio judicioque, ac doctrinâ in Divinioribus literis in-  
terpretandis abunde spectata probataque affecit legentes & tenuit, ut  
nec pauci Commentatorum Mosaicæ potissimum Scripturæ suos inde  
duxisset latices, & de isto fonte se ingurgitasse probe haud temere vide-  
antur. Quo factum ut Matthæus etiam Polus in sua Criticorum Syn-  
opsi passim sæpiusque vocare ad partes, & deflorare accuratius hæc  
ipsa Ainsvorthi Annotata pensi habuerit, *tanto scilicet acumine & ju-  
dicio, tanta fide & peritia exarata, ut digna ausit pronuntiare, quæ in  
exteras linguas transfundantur.* Quare omnino operæ pretium fecit  
Vomelius, dum vertendi hanc aleam jecit, nec possumus non approbare  
industriam studiumque in isto labore Belgis civibus suis navata. Adeo  
enim exquisita & egregia plurima habet, quæ a vulgo Interpretum fere  
aliena sunt, & demorsos ungues, solertiamque amussitatem satis super-  
que præferunt. Quippe cum id sedulo Auctor agat, ut non tantum  
phrasin & dictionem ex fontibus excutiat, explicetque, si quid obscu-  
rum & ambiguum, verum etiam ut in *μυστικὰ τεκνῆα* inquiret, evolvatque,  
ubi sensus reconditior insit, qui Christum ejusque disciplinam tegat  
figuris, & ambagibus typorumque involucris cœleste velet arcanum;  
nec alia incedit linea, quam ut signa ac umbras cum corpore, priscum-  
que Fœdus cum Novo considerate atque apte jungat contendatque,  
& insuper ea, quæ quavis ratione facessunt negotium ac turbant, ex  
clarioribus ipsiusmet Scripturæ locis discutiat amoliatque. Id quod  
pulchrum est, & mirifice decet, ut ipsa vis orationis, & linguæ insoles,  
Scripturæque virtus ac dignitas, ex ipsa potius Scriptura magis eniteat ac

Uu 3

magis.

- magis. Namque solet fieri, ut variant mutantque sermonem Scriptores Sacri, & easdem res alio aliove quasi amictu convestiant, & nunc presse atque constrictæ agant, nunc dilatent se, & quiddam amplius afferant, itemque sub tenebris & densa quadam involvant nocte, quod aliquanto plenius ac apertius alibi, & remota caligine, disertius exponunt. Atque hanc sibi jucundam rationem potissimum dedit Ainsworthus, ut nec aliam ad germanos Scripturæ sensus eruendos, percontandasque omnes latebras, viam insisteret, sequereturque ipsum Spiritum Divinum, velut Ariadnæum filum, ac optimum verborum suorum ἐξηγητήν. Hinc Genes. IV. v. 1. *Et Adam ידע חווה* optime exponit ex Numer. XXXI. 17. *אשה ידעת איש למשכב*. Sic Numer. XIV. 21. *וי אני*, tanquam Divini juramenti formulam ex Jesaïæ XLV. 23. arcessit, *כי נשבעתי*, quod Paulus Rom. XIV. 11. ita adducit: *ὃς ἐγὼ, λέγει Κύριος*. Et Deuteron. VI. 13. *ובשמו תשבעו*, ubi jurare in solo Dei nomine jubemur, de ἐξομολογήσει, seu religiosa Divini Nominis confessione cultuque ex Apostolo intelligit, qui Jesaïæ istud, *לִי תכרע כל ברך תשבע כל לשון*, cap. XLV. 23. ad Romanos loco antea citato transtulit: *ἐμοὶ κάμψαι πᾶν γόνυ, καὶ πᾶσα γλῶσσα ἐξομολογήσεται ᾧ Θεῷ*. Genes. XLVIII. 16. *ויקרא בהם שמי ושם ויצחק אברהם אבתי* vertit, juxta Belgicam expressionem, *ende laet mijn name over haar genoemt worden, ende de name van mijne Vaders*.
- p. 165. *Abraham on Isaak*, sensumque petit ex Deuteron. XXVIII. 10. II. Chron. VII. 14. Jerem. XIV. 9. ubi *nomen Dei vocari* dicitur *super nos*, quos ut filios nempe adoptavit, inque nomen suum assumsit. Secus atque *ἰὼν ἐξ ἐναντίας* sententia, qui hunc Geneseos locum ad Sacrorum invocationem cogunt inflectuntque, quos male inde urit Ainsworthus in Præfatione, qua præparandis Lectorum animis, & quodam imbuendis gustu de Mosaïca Interpretatione, multa haud contemnenda eruditaeque inspergit. At enim de Græca Septuaginta Versione, Chaldaicoque textu, quantum inter se configant, aut bene respondeant concinnantque, non tralatitæ juxta satagit: tum ipsa Hebræorum quoque monumenta, egregii & non vulgaris commatis, varie atque subinde ad partes assumit, præcipue in ritibus Judaicisque cæremoniis pertextendis enucleandisque. Quarum cum ubique in Levitico occasio & copia præsto sit, emolumentumque ingens ac fructus largissimos Maimonidis Scripta præ cæteris afferant, horum vineta sane quam insigniter cædit,

cædit, refecatque ad vivum omnia, quæ in Divinis oraculis adprime vim atque momentum habent. Cæterum cum vanum non tantum, sed noxium prope normulli existimarent, in Rabbinorum sæce illustrandæ Scripturæ præsidia & adminicula petere, in quibus nihil sanæ atque pensæ magnopere inesse possit; detrahenda omnino hæc larva erat, & Judaicorum monumentorum auctoritas utilitasque in appendice dignis modis asserenda: juxtaque tuenda Divini textus integritas contra malefactorum insultus, qui ex diversa lectione קרי & כתיב nubes & inania captabant indeque velut ex arce Hebraicam veritatem oppugnabant. Ainsworthus totam hujus fabulæ scenam explicat, & utriusque lectionis causam pluribus disceptat, ut authenticam utrinque evincat stabilitque. Nihil posthæc sollicitus magis, quam ut vocis יהלם, quam ipse Exodi XXVIII, 18. *Sardonichem* reddiderat, ubiorem paulo συζητησιν, & quendam ἀπολογισμὸν breviter attexat, quo ψευδερμνείας culpam enixissime deprecaretur, quam inter cætera accusationis capita obrectatores intentabant. Nec aliud præsentius promptiusque patrocinium videbatur, quam ex Apocalypsi Johannea cap. XXI. 20. jam tum desumptum. Ubi duodecim lapidum nomina in Aharonitico Pectorali expressa signataque notari plane persuasum habebat, indubitatumque *Adamantem* a Prophetis Zacharia VII. 12. Ezechiele III. 9. Jeremia XVII. 1. per שֹׁמֵר significari. In quo tamen hodieum pugnant dissentiuntque Scriptores, qui partim אֶבֶן ex Amoso cap. VII. 7. quod Septuaginta ἀδάμαντα vertunt, partim vero illud יהלם ad *Adamantem* trahunt, non levibus sane rationibus induci, quarum inire numerum instituti nostri non est, præsertim cum *Joannes Brannius* id jam fecerit. Quibus & istud Aben Ezra ad Exodi XXVIII. si recte ponimus calculum, decretorium fere: וְאֶת־לִבְנוֹת־הַכֹּהֲנִים כְּכִדּוֹת לְרֵעֵת אֲבְנֵי הַסֹּלֶתַיִם. Atqui in re difficili & impedita satis certo & firmiter judicare, fraudem plerumque ac noxam adfert. Interim desideratissimum Bocharti libellum de gemmis S. Scripturæ factorum injuria nobis interceptum ereptumque etiam atque etiam dolemus, qui egregia in hac arena, si quisquam alius, spatia fecerat.

p. 190.

p. 190.

## LIBRI NOVI.

*Course Mathematicus. Mathematical Sciences in nine books: by William Leybourn. London printed for Th. Bassett 1690. fol.*

*Political Arithmetick, or A Discourse concerning the Extent and Value of Lands, People, Buildings &c. by Sir William Petty. London 1691. in 8.*

Medici-

*Medicina Hydrostatica: or Hydrostaticks applied to the Materia Medica.* By the Honourable Robert Boyle. London printed for Sam. Smith, 1690. in 8.

*Φαγuario-Ψάσματος: or the Touchstone of Medicines. Discovering the Vertues of Vegetables, Minerals & Animals, by their Tastes & Smells.* Vol. II. by John Floyer. London printed for Mich. Johnson 1691. in 8.

*Osteologia nova: or some new observations of the Bones,* by Clopton Havers. London printed for Sam. Smith, 1691, in 8.

*Prodromus de osium tum generatione tum corruptione interna,* auctore Diderico Goodfalk. Lugd. Bat. apud Petrum de Graaf. 1691. in 8.

*Laur. Odhelii Synagoga bifrons, seu de scrutandis collapsa Synagoga rudicibus* Dissertatio. Francof. ad Manum apud J. D. Zunnerum 1691. in 4.

*Summa & Censura libri, cujus hac inscriptio: Jacobi Perizonii cum V. A. Ulrico Hubero Disquisitio de pratorio & vero sensu Pauli Phil. I. 13.* auctore P. F. Francquera apud Henr. Amama &c. 1691. in 8.

*Absterio Censura Huberiana in nuperas responsiones Jac. Perizonii ad librum singularem Ulrici Huberi de Pratorio.* Francqu. apud Joh. Gyselaer 1691. in 8.

*Les Conciles Generaux. Tome I. contenant le premier Concile de Nice, avec des Notes.* A Paris chez Dan. Horthemel 1691, in 8.

*Nouvelles Découvertes dans le globe de Jupiter faites à l'Observatoire Royal par M. Cassini.* A Paris chez Jean Cusson 1691.

*La Vie de S. Therese, écrite par elle meme. Traduction nouvelle exactement conforme à l'original Espagnol, par Mr. l'Abbé Chanut.* A Paris chez Ant. Dezallier 1691. in 8.

*Histoire des Albigeois, des Vaudois & des Barbets,* par le P. Benoit. A Paris chez Jaques le Févre 1691. in 12.

*Réponse au livre qui a pour titre: Petri Danielis Huetii Censura Philosophia Cartesianae, servant d'éclaircissement à toutes les parties de la Philosophie, & sur tout à la Metaphysique,* par Pierre Silvain Regis. A Paris chez Jean Cusson 1691. in 12.

*Du Royaume de Siam.* Par M. de la Loubere Envoyé Extraord. du Roi auprès du Roi de Siam. A Paris chez J. B. Coignard 1691. in 12.

*Examen d'un Libelle, intitulé: Avis important aux Réfugiés sur leur prochain retour en France.* A la Haye chez Abraham Troyel 1691. in 12.

*La Cabale chimerique, ou Réfutation de l'Examen d'un Libelle &c.* A Rotterdam: chez Reinier Leers, 1691. in 12.

*Histoire de Charles VIII* par Mr. Varillas. A Paris 1691. in 4. & à la Haye chez Adrian Matijens, 1691. in 12.

*Joh. Fréd. Gronovii de Sestertiis, seu subsecutorum pecunia veteris Græcæ & Romanæ Libri IV.* Lugduni Bat. apud Joh. du Vivé, 1691. in 4.

*Les justes bornes de la Tolerance, contre l'Avis sur le Tableau du Socinianisme.* A Amsterdam 1691. in 12.

*Mémoires de la Cour d'Espagne.* A la Haye chez Adr. Matijens 1691. in 12.

*Sacrum Museum Mantuanae Congregationis Carmelitarum de observantia,* auctore Clemente Maria Filina. Bononia ex typographia Pisariana, 1691. in 4.

# ACTA ERUDITORUM

*publicata Lipsiæ*

*Calendis Augusti, Anno M DC XCI.*

*VITI LUDOVICI a SECKENDORFF CON-  
siliarii intimi Saxonici & Brandenburgici Commen-  
tarius historicus & apologeticus de Lutheranismò, jam in-  
teger proditurus, in libros III. distributus.*

Lipsiæ apud Jo. Frid. Gleditsch in fol. Alphabeta, ut vocant, habebit  
circiter XV, non computatis Proœmiis, Summariis & Indicibus  
amplissimis.

**C**um de prima hujus Operis parte in Actis anni 1688 p. 1. & de  
ejus Supplemento in Actis anni 1689 p. 301. egerimus, repeti qui-  
dem sine radio non possent quæ dicta sunt, non pauca vero dicen-  
da nobis superessent, nisi Auctor ipse, Vir Illustris, de Opere suo,  
quod proximo mense, Deo dante, integrum prodicendum est, non solum  
in novo, quod sub initium Voluminis Lectores reperient, præfamine, sed &  
in Actis hisce nostris rationem reddere constituisset. Fecit autem id  
per modum Epistolæ, ad quandam ex nostratibus, quam integram, ut ad  
nos pervenit, exhibemus.

**Q**uamvis non dubitem, Vir Clarissime, quin aliquis e vestratibus  
enarrationem Commentarii mei de Lutheranismò Actis inseren-  
dam benevole & libenter suscepturus sit; causas tamen habui, ut ipse  
potius legentibus, quid expectare ex labore meo possint, simplici qua-  
dam recensione aperirem, quam ut in alium hanc molestiam devolve-  
rem, & simul occasionem darem ut denuo elogia, quibus in enarratione  
Libri primi ante quadriennium editi, honoratus sane, sed & oneratus  
sum, adderentur. Magni equidem facio Virorum doctissimorum mi-  
hiq; amicissimorum judicia & laudes, sed tanto majus harum radium  
sentio, quanto propius ad metam cursus a Deo mihi præfiniti accedo;

XX

ideo

ideoque, qui mihi supersunt ex lumine a Deo concessio, radios, ab externis & vanis retractos, ad meipsum penitus introspectendum & cognoscendos emendandosque navos, intentius reflecto. Exposui satis prolixè in *Prologo partis primæ*, ut & in *Proæmio Supplementi* anno 1689 publicati, quo instituto & fine scripserim, quibusque adminiculis usus sum; fassus etiam, me post editam *Partem primam*, ad inspectionem accuratorem ampliorum documentorum ex Archivis Principum accessisse. Natum inde non solum mihi est *Supplementum* istud, de quo dixi, & speciminis loco tunc evulgatum, sed & postea, habita cum Amicis deliberatione, consilium cepi totum illum *Librum primum* revidendi, corrigendi & augendi, tum curandi, ut una forma unoque volumine, cum *duobus* sequentibus qui nunc producuntur, excuderetur. Dolui quidem, quod hoc modo emtoribus Partis prioris nummi erogati pereant, sed damnum illud & per se exiguum est, & majori commodo penfabitur, dum integrum opus usui publico & Ecclesiarum, quibus id favore & providentia Serenissimorum Principum quorundam & Illustrum Civitatum destinatum est, aptius fiet. Invenient etiam novi Voluminis emtores *librum primum* non correctum solum, sed etiam centum fere & quinquaginta locis auctum: addita enim sunt non modo quæ in *Supplemento* exhibui & ad paucos pervenerunt, verum & alia ex scriniis & bibliothecis illustribus aut ab amicis submissa, quæ nunc primum lucem adspiciunt: *Addimenta*, quæ in priori editione ad finem Libri rejecta erant, in nova hac locis convenientibus inserta reperiuntur.

Inter augmenta autem notabiliora & ampliora Libri *primi* (de quo prolixa relatio in Actis d. l. 1688. p. 1. extat) hic tantum indicare & referre volui ex Manuscriptis desumpta, quæ sequuntur. *Paragr. H. Addit. I.* Friderici Myconii relationem de statu Ecclesiæ ante reformationem. §. VI. *Add. II. lit. l.* diploma indulgentiarum memorabile anno 1516 Smidbergensi Pastori datum. §. VII. *Add. e.* Myconii narrationem de actis Guardiani Franciscani cum Alberto Archiepiscopo Magdeburgensi & Moguntino, circa præconium indulgentiarum: itemque de initio oppositionum Lutheri adversus abusus indulgentiarum. §. XXXIV. *Add. II.* epistolam Capnionis ad Fridericum Sax. Elect. de Melancthone, anno 1518 scriptam. §. XXXVII. *Add. II. e.* duas Lutheri epistolas ad Staupitium. §. XLII. *Add. II. e.* ex Luthero quædam de Friderico Saxonie Electore: item epistolam Conradi Mutiani, *ibid. f.*

§. XLVII.

§. XLVII. & XLVIII. multa ex actis & scriptis Caroli Militarii. §. XLVIII. Add. c. literas Lutheri ad Fridericum Electorem de Degenhardo Pfef-  
fingero, & de tributis. §. LXI. epistolam Jo. Eccii de disputatione  
Lipsiensis. §. LXII. Add. II. f. g. de Mosellano quædam recens inventa.  
Ibid. lit. m. n. literas D. Simonis Pistoris, & Spalatini narrata MSto de  
disputatione illa Lipsiensis. §. LXXIV. Add. Burcardi Baronis Schen-  
ckii, monachi Franciscani, literas de Luthero Venetiis scriptas.  
§. LXXXI. n. 6. relationem ex MSto Spalatini de colloquio Friderici  
Electoris cum Erasmo Roterodamo. §. LXXXIIX. Add. II. collo-  
quium magni momenti inter Joannem Glapionem confessionarium  
Caroli V, & Pontanum Cancellarium Saxonicum de reformatione:  
item Jo. Fabri Dominicani literas de eadem. Add. III. b. & seqq. gra-  
vamina Georgii Saxonie Ducis de Ecclesie Romanæ abusibus. §. XCI.  
Add. summam orationis ab Aleandro Wormalie habitæ, diversæ ab  
ea quam Pallavicinus composuit. §. XCIII. Add. literas Viti War-  
beccii de adventu Lutheri ad Comitum Wormaliensia. §. XCVI. Add. I.  
relationem ex MSto Spalatini de actis Wormaliensibus: Add. III.  
literas Friderici Elect. Sax. de iisdem. §. CX. Add. I. c. Myconii nar-  
rata de seipso, & alia de illo. Add. II. de Henrico Sax. Duce quæ-  
dam, & de literis uxoris ejus Catharinæ, ex quibus conversio illius ad  
Evangelicam doctrinam intelligitur. §. CXVIII. Add. I. acta Friderici  
Electoris cum Melanchthone in causa Anabaptistarum. §. CXXI.  
Add. II. singularia quædam de Carolostadio. §. CXXX. Add. I. am-  
plam narrationem de reformatione Wittenbergenfi, ortaque inde di-  
scieptione per literas inter Fridericum Electorem & Georgium Du-  
cem Saxonie: item, acta visitationis ab Episcopis Misnensi & Martis-  
burgenfi in ditione Electoris Sax. susceptæ. Add. II. relationem de  
fundatione Ecclesie collegiatæ Wittenbergenfis, & de cultu reliquia-  
rum in ea repositarum. §. CXXXII. Add. I. literas Lutheri de Pastore  
Coronacensi. Add. II. quasdam Hartmuthi Cronebergii. §. CXXXIX.  
Add. I. b. de reformatione oppidi Curienfis in Variscis. Add. II. de re-  
formatione Francosurtensi ad Mœnum. Add. III. de Hambugensi.  
Add. IV. de Magdeburgenfi. Add. V. scriptum Lutheri ad Stetinen-  
ses. Add. VII. supplementum ad historiam de Guttelio. §. CXLVII.  
n. 10. & seqq. & §. CLXIII. Add. I. relationes Planitii Legati Saxonici  
ex comitiis Norimbergenfis. §. CXLIX. Add. II. & III. de refor-

matione Danica & Hollatica. §. CLIII. *Add. II.* de reformatione Canoniorum Wittenbergenſium. §. CLXXVI. *Add.* de actis & dogmatibus Munzeri. §. CLXXIX. *Add.* epistolam Eraſmi ad Lutherum. §. CLXXX. *Add.* aliam ejusdem ad Electorem Saxoniz.

Librum *secundum* cum Mainburgio exorſus ſum ab hiſtoria belli ruſtici anno 1525, & finivi in actis Comitiorum Auguſtanorum anno 1530. Servavi in hoc & ſequenti libro accuratius, ut puto, ordinem temporum & connexionem materiarum: ſcriptaque Lutheri potiora, non edita ſaltem, ſed & inedita, ſive literas aut reſponſa manuſcripta, quia id deſiderari & probari a viris piis & gravibus intellexi, operoſius reſcenſui. Index autem ſcriptorum Lutheri diligenter elaboratus in fine Voluminis invenietur. Quapropter nullam hic eorum mentionem facio, niſi quod paragraphos numero, in quibus de iis tractatur; de reliquis autem ſummarium quoddam in hac epiſtola exhibeo. A §. I. ad §. IV. egi de bello ruſtico, & ex documentis idoneis oſtendi, nullam ejus culpam nec ad Principes Evangelicos nec ad Lutherum pertinere. §. V. de conjugio Lutheri diſſerui. §. VI. de adhortatione ejus ad Albertum Moguntinum, ut uxorem duceret, & de ſimili ad D. Wolffg. Reiſſenbuſchium. §. VII. de reformationis & viſitationis in Saxonia primis moliminibus; ſpeciatim ex epiſtola manuſcripta Lutheri d. l. n. 5. *adde* §. XVI. §. IX. X. XI. XIII. de ſcriptis Lutheri hoc 1525 anno. In *Additione* ad §. X. de teſtamenti, morte & exequiis Friderici Elect. Sax. relatio accurata invenitur. §. XII. incrementa & impedimenta reformationis Evangelicæ hoc anno 1525 indicantur; ſpeciatim Georgii Sax. Ducis oppoſitiones. Dicto §. XII. n. 5. item XII. reformatio Haſſiaca. §. XV. geſta in Comitiiſ Spireniſibus anno 1526, in quibus jus reformandi Proceribus Imperii permiſſum fuit; etiam primum inter Evangelicos ſœdus, & conſilium ſingulare Mſtum de reformatione & uſu bonorum eccleſiaſticorum; item literæ Regis Galliz Franciſci I. notabiles, *Add. III.* *Ibid.* n. 9. acta Comitiorum Eſlingeniſium. *Add. IV.* progreſſus reformationis & ſuſſamina hoc anno 1526. §. X. III. conſilia de conjunctione Evangelicorum, & de ea Lutheri conſilium n. 3. Ejus ſcripta a §. XIX. ad XXV. §. XXVI. XXVII. de actis quibusdam Caroli Caſaris. §. XXVII. *Add. a. b. c.* digreſſio de vita Georgii Fronsbergii. *Ibid.* a li. d. ad bb. alia de Sebaſtiano Schertelio, abavo meo materno, tota ſere ex Diario ejus Mſto excerpta. §. XXXIX. *annotation*



tatio ad longam Maimburgii narrationem de capta anno 1527 a Caroli V. exercitu Roma. *¶* §. XXXIX. ad XXXIV. acta & scripta Lutheri hoc 1527 anno; speciatim indicantur quæ scripserit occasione persecutionum quarundam, & imprimis supplicii quod *Leonbardus* cognomento *Cæsar* in Bavaria passus est §. XXXI. *n. 5. & seqq.* §. XXXIV. *Add. I.* de disputatione Friderici Myconii, cum Johanne Corbachio monacho Franciscano anno 1527 Dusseldorffii habita, memorabilis narratio. *Add. II.* acta Georgii Ducis cum Alexio Crofnero ex manuscripto. §. XXXV. relatio tumultus, ex delatione Othonis Pacci de fœdere contra Evangelicos anno 1528 orti, maximam partem ex MSSis desumpta. §. XXXVI. & XXXVII. constitutio visitationis & reformationis ecclesiasticæ in Saxonia publicata, ejusque executio, quæ tota ex MSSa hausta est. *¶* A §. XXXVIII. ad §. XLII. item §. XLIII. scripta Lutheri hoc anno 1528 edita recensentur. §. XLII. progressus reformationis in Saxonia inferiori, Franconia & alibi narrantur. *Ibid.* *Add. III.* de fuga Elisabethæ Electricis Brandenburgicæ religionis causa; item *n. 13.* egressus Ursulæ, Ducis Monsterbergensis filia, ex cœnobio Freibergensi. §. XLIV. XLV. acta Comitiorum Spirensium 1529, in quibus decretum pro libertate religionis, anno 1526 publicatum, abolutum est, in contrarium protestantibus Evangelicis; maximam partem ex MSSis sumpta. §. XLVI. *Add.* historia de legatione Protestantium ad Cæsarem male accepta. §. XLVII. & *Add.* acta conventus Marpurgensis inter Theologos Saxonicos & Helvetios. §. XLVIII. conventus Principum & Ordinum Evangelicorum Smalcaldicæ & Suabaci. §. XLIX. acta inter Cæsarem & Pontificem Bononiæ §. L. progressus & impedimenta reformationis. §. LI. LII. LIII. LIV. Lutheri hoc anno 1529 scripta. §. LV. *n. 5.* de consultatione Electoris Saxonie cum Luthero ante Comitiorum 1530 Augustæ indicta. §. LVI. de itinere & adventu Evangelicorum ad Comitiorum, & acta ante adventum Cæsaris, aliquot etiam Lutheri scripta & responsa. §. LVII. de Melanchthone digressio. §. LVIII. ad LXVII. de actis post adventum Cæsaris. §. LXII. de articulis Confessionis, qui a Melanchthone Secretario Imperatoris Alph. Valdesio traditi esse putantur, admonitio. *¶* A §. LXV. ad §. LXVIII. de exhibitione Confessionis Augustanæ, & ejus Confutatione, & de tractatibus concordie causa secutis. §. LXIX. LXX. de literis a Luthero & ad eum tempore Comitiorum scriptis; speciatim §. LXXI. & LXXIV.

d. libello ad Ordinem ecclesiasticum. §. LXXII. de consiliis Cæsaris consideratio. §. LXXIII. de actis & scriptis Melanchthonis illo tempore quædam. §. LXXVI. Erasmi scripta occasione Comitiorum. §. LXXVII. de separata confessione Argentoratensium, & aliarum Civitatum. §. LXXIX. de habitu Electoris Saxoniz, & decreto Comitiali. *Eod.* §. *Add.* compendium Apologiæ insignis manuscriptum, contra narrationem de Comitibus Augustanis ab adversariis publicatam, ex Archivo Vinariensi. §. LXXXIX. de Apologia a Melanchthone composita & publicata. §. LXXX. acta quædam post publicatum decretum Comitiorum; cum epicrisi de successu actorum in Comitibus. §. LXXXI. LXXXII. de actis inter Cæsarem & Pontificem circa indictionem Concilii. §. LXXXIII. scripta Lutheri hoc anno 1530, & incrementa quædam reformationis. Hæc fere sunt materiæ Libri *secundi*; inter quas eminet tractatio de Comitibus Augustanis. Quamvis enim de his clarissimorum autorum monumenta extant, *Georgii* puta *Cælestini* & *Davidis Chytrai*, quibus etiam adjutum me esse minime dissimulo; puto tamen detecta a me esse ex Actis authenticis haud pauca, quæ illos lauerunt, neque operam, quam in proluxa hac de Comitibus Augustanis relatione impendi, quæ folia integra plus quam triginta implet, ingratam aut inutilem lectoribus futuram esse,

Libro *tertio* historiam anni 1531 & sequentium quatuordecim ad 1546 complexus sum, labore quidem longe majori, quam is fuit, quem prioribus duobus impendi. Tanta enim hic rerum copia & gravitas ex Actis sese obtulit, ut hic Liber priores duos simul superos mole superet. Maimburgii quidem artificium fuit, ut libros suos æquales faceret, ita ut major non sit qui XV, quam qui VII annorum gesta refert. Sed ego ad id neque ingeniosus satis fui, nec violentiam in rescandis aut contrahendis, quæ scribenda erant, consultam esse existimavi, ne latronem illum Atticum imitarer, qui homines ad spondæ suæ mensuram crudeliter truncabat, aut cum membrorum distortionem extendebat. Libri autem *tertii* contenta præcipua hæc sunt. §. I. & IV. agitur de fœdere Evangelicorum Smalcaldico, anno 1531 inito, & speciatim de scriptis & decretis legatione ad Reges Galliz & Angliz. §. II. de impugnatione electionis Ferdinandi I. in Regem Romanorum. §. III. sistitur Lutheri cōmonitio ad Germanos de Comitibus Augustanis. §. IV. *Add.* consilia theologica & juridica de jure defendendæ religionis. §. V.

§. P. Regum Gallie & Angliæ responsa & legationes ad Evangelicos: horum acta in conventu Francofurtensi: & speciatim inter Electorem Moguntinum & Saxonem, quibus ad tractatum de induciis mox secutis præparatio facta est. §. VI. & VII. scripta quædam Lutheri hoc anno 1531 edita. §. VIII. reformationis progressus & impedimenta hoc anno. §. IX. prælixa & notabilis expositio actorum Suinfurti, Norimbergæ, Ratisbonæ de induciis in causa religionis anno 1532. §. X. XI. de bello hoc anno cum Turcis in Austria & Hungaria gesto, item congressus Pontificis & Cæsaris Bononiæ. §. XII. morbus, mors & exequiæ Johannis Electoris Sax. cum refutatione falsi rumoris & mendacis epistolæ de mutata ab eo sub vitæ finem religione. §. XIII. XIV. XV. Lutheri scripta hujus anni. §. XVI. reformatio in Principatu Anhaltino. & alibi, item ejus remoræ. Add. acta Crammeri & Pageti Legatorum Anglicorum cum Saxonibus. §. XVII. XVIII. de Legati Pontificis & Cæsaris, Hugone Rangono & Lamberto Briardo, et quæ a Protestantibus cum iis anno 1533. acta sunt. §. XIX. de Pontificis consiliis, & de Landgravii Hassiæ actis singularia quædam. §. XX. Erasmi de concordia in religione propositiones. §. XXI. Georgii Saxi Ducis cum Luthero rixa, Lipsiensium potissimum occasione. §. XXII. XXIII. XXIV. scripta hoc 1533 anno a Luthero. §. XXV. Add. I. de reformationis ejusdem specie in Ducatu Juliacensi & Clivensi. Ibid. & Add. II. de persecutionibus, Anglicis præsertim, itemque de conversionibus illustrium. Add. III. repetita visitatio Ecclesiarum in Saxonia. Add. IV. ordinatio ecclesiastica Georgii Marchionis Brandenburgici & Senatus Norimbergensis. Sequuntur gesta anni 1534. §. XXVI. & XXVII. Add. I. & II. de Clementis VII. Pont. obitu & electione Pauli III. de conventu Protestantium Norimbergensi; de expeditione Landgravii in Ducatum Wurtembergicum, & secuta transactione Cadanensi; de rebus Monasteriensibus; & de Protestantium gravaminibus contra Cameram Spirensensem. §. XXVIII. XXIX. scripta quædam Lutheri, speciatim de controversia Sacramentaria, & præparatio ad tentandam in ea concordiam. §. XXX. XXXI. plura de scriptis Lutheri hoc 1534 anno. §. XXXII. incrementa quædam reformationis Augustæ Vindelicorum, & in Dania atque Anglia. Add. tentamenta concordie Lipsiæ frustra inita, & rixæ novæ inter Georgium Sax. Ducem & Luthrum. §. XXXIII. de actis quibusdam Pauli III. Pont. anno 1535; cum digres-

digressione de Nicolao Schonbergio Cardinale & ejus familia. *¶* §. XXXIV. usque ad §. XXXVII. de Petro Paulo Vergerio a Pontifice ad Protestantem Legato, & horum cum illo actis & decretis in conventu Smalcaldico. *¶* §. XXXIX & XL. speciatim de scriptis & legatione Regis Galliz ad Protestantem, cum apologia Sleidani adversus injurias Maimburgii; item de Melanchthonis in Galliam itinere desiderato & impedito. *¶* §. XXXIX. de actis Henrici VIII. Angliz Regis, ejusque Legatorum, cum Electore Saxonico & Theologis Wittenbergenfibus. *¶* §. XLI. de Anabaptistis scriptum Lutheri; & quæ cum iis in Saxonia acta sint. *¶* §. XLII. XLIII. scripta alia Lutheri hoc anno 1535 edita. *¶* §. XLIV. reformatio Ducatus Wurtembergensis; item Augustani ministerii cum Saxonis in doctrina de Cœna conciliatio. *¶* *Add.* mutationis in Marchia Brandenburgensi initia, post mortem Joachimi I. Electoris. *¶* §. XLV & XLVI. acta quædam inter Cæsarem & Protestantem anno 1536, & circa indictionem Concilii. *Ibid.* & *Add.* I. dissidia & compositio inter Electorem & Georgium Ducem Saxoniz. *¶* §. XLVII. de concordia in lite Sacramentaria anno 1536. Wittenbergæ tractata. *¶* §. XLVIII. XLIX. scripta Lutheri hoc anno; speciatim §. L. epistola de ancilla a demone obsessa; legatio item Pontificis ad Protestantem. *Ibid.* & *Add.* I. Hermanni Archiepiscopi Coloniensis reformationis initium. *¶* *Add.* II. de Pomeraniz reformatione compendiosa relatio. *¶* *Add.* III. acta quædam Protestantium in conventu Francofurtensi, & speciatim Electoris Sax. *¶* §. LI. LII. LIII. acta Protestantium anno 1537, cum Petro Vorstio, Legato Pontificis, & cum Heldo, Cæsaris Oratore. *¶* *Add.* II. libellus Protestantium, quo Concilium recusarunt; consilia Theologorum & Politicorum in illa causa. *¶* §. LIV. acta in conventu Smalcaldico, præcipue in negotio cum Rege Galliz. *¶* §. LV. LVI. de articulis Smalcaldicis a Luthero, & de potestate Pontificis a Melanchthone conscriptis. *¶* §. LVII. de visitatione ab Henrico Duce Sax. in ditione sua Freibergensi instituta. *¶* §. LVIII. acta quædam fœderatorum Evangelicorum Smalcaldiz singularia. *¶* *Add.* I. de literis, quas Ferdinandus Rex ad Lutherum scripsisse putatur, disquisitio. *¶* *Add.* II. ordinatio ecclesiastica in Hassia. *¶* §. LIX. de reformatione curiæ Romanæ sine effectu tentata. *¶* §. LX. Lutheri morbus in conventu Smalcaldico, & acta quædam. *¶* §. LXI. scripta Lutheri hujus 1537 anni. *¶* §. LXII. LXIII. molimina Pontificia adversus Evangelicos anno

anno 1538. & procuratio fœderis Norimbergensis, quod Catholicum vocabant. §. *LXIV.* fœdus Evangelicorum cum Danicæ Rege. §. *LXV.* præparatio ad pacificationem Francofurti tractandam. §. *LXVI.* legationes Protestantium in Galliam & Angliam. *Ibid.* reformationis progressus in Marchia, in Ducatu Hannoverano & Megapolitano, in urbe Nordlingenfi & Bopfingenfi. *Ibid.* n. 15. tentamen quoddam reformationis a Georgio Sax. Duce. §. *LXVII.* *LXVIII.* scripta Lutheri hoc anno 1538. §. *LXIX.* *LXX.* acta conventus Francofurtensis de pacificatione cum Cæsare & Pontificiis anno 1539. item Wormatiæ. §. *LXXI.* de morte Georgii Ducis, & quæ eam antecessit, tractatione de concordia in religione, Lipsiæ frustra tentata; & alia quædam ad historiam Georgii, & qui ei successit, fratris Henrici Ducis, spectantia. §. *LXXII.* acta reformationis in Ducatu Saxonico, post Georgii mortem ad Henricum delato. §. *LXXIII.* acta Evangelicorum varia, maxime in Anglia; refutatio sparsi apud Anglos per calumniam libelli de mutata ab Evangelicis in religione sententia. *Ibid.* n. 13. acta cum Rege Polonia. §. *LXXIV.* acta cum Ferdinando Rege Rom. *Ibid.* n. 4. de conventu Protestantium Arnstadiensi. §. *LXXV.* de conversione Electoris Brandenburgici Joachimi II. & secuta in Marchia reformatione. §. *LXXVI.* *LXXVII.* scripta Lutheri anno 1539. §. *LXXVIII.* acta anno 1540 inter Cæsarem & Protestantes, item cum Gallis & Anglis. *Ibid.* *Add.* I. contenta scripti apologetici Protestantium ad Legatos Cæsaris pro causa sua. *Add.* II. consilia Dresdensium Theologorum, item Brandenburgensis Electoris. *Add.* III. responsa theologica notabilia. §. *LXXIX.* acta conventus Hagenoensis. *Ibid.* *Add.* I. relatio de digamia Philippi Landgravii Hassiæ, & secutus inde disceptationibus; cum refutatione Bossueti & aliorum. *Add.* II. scripta Ruperti a Mosham. §. *LXXX.* acta conventus Wormatiensis, aliaque in aula Cæsaris, & in conventu Protestantium Numburgensi. §. *LXXXI.* *LXXXII.* *LXXXIII.* scripta Lutheri hoc 1540 anno. §. *LXXXIV.* cum *Add.* I. II. III. de Societate Jesu ampla dissertatio, ex auctoribus ipsius Societatis, aut Pontificiarum partium aliis, fideliter conscripta. §. *LXXXV.* n. 3. de actis Card. Contareni in comitiis Ratisbonensibus anni 1541. §. *LXXXVI.* *LXXXVII.* *LXXXVIII.* alia in comitiis istis inter Cæsarem & Ordines, maxime Evangelicos, gesta; item de colloquio Ratisbonensi, & de libro super quo in Colloquio tractatus est. §. *LXXXIX.*

de declaratione Cæsaris, Evangelicis separatim data; multaue specialia & notabilia alia. §. *XC.* refelluntur iniqua Mainiburgii judicia. §. *XCI.* mors Henrici Sax. Ducis; successio Mauriti; de Sueciæ Regis epistola ad Lutherum, hujusque ad Regem. *Add.* reformatio urbis Halensis in Saxonia, & relatio de reliquiis ibi cultis. §. *XCII. XCIII.* scripta Lutheri per hunc annum 1541. §. *XCIV.* acta in Comitibus Spirensibus 1542. Gallica item & Pontificia consilia. §. *XCV.* occupatio Ducatus Brunsvicensis Guelferbytani per Smalcaldicos; acta in Comitibus Norimbergenfis. §. *XCVI.* de Episcopatu Numburgensi, & Nicolai Amsdorffii ad eum vocatione. §. *XCVII.* reformatio urbis Ratisbonensis, item Palatinatus Neoburgici, nec non urbis Hildesienfis, & de Episcopi cum illa & cum Ducibus Brunsvicensibus litigiis; quædam reformationis molimina in urbe Metensi; visitatio in districtu Wurzenfi; literæ Evangelicorum Italarum, & Lutheri responsa. §. *XCIX.* acta Electoris Saxonie cum Mauritio Duce; item cum Gallis. *Add.* quædam ex Raynaldo excerpta & notata. §. *XCIX. C. CI.* scripta Lutheri anno 1542. §. *CII.* acta in Comitibus Norimbergenfis anni 1543. Evangelicorum angustie; conventus Smalcaldienfis; legatio ad Cæsarem; conventus alius Francofurtensis. §. *CIII.* acta visitationis Cameræ Spirensis. §. *CIV. CV.* varia consilia & acta Evangelicorum in periculo, in quo se versari videbant. §. *CVI.* de suspensione Concilii Tridentini. §. *CVII. CVIII.* de reformatione Evangelica ab Hermanno Archiep. Colonienſe instituta, ejusque formula & eventu. §. *CIX.* ordinatio Ecclesiastica in occupato ab Evangelicis Ducatu Brunsvicensi; *Add.* item in urbe Brunsviga. §. *CX.* continuatio reformationis in Ducatu Mauriti Sax. Ducis. §. *CXI. CXII.* scripta Lutheri anno 1543. §. *CXIII.* acta in comitiis Spirensibus anno 1544. §. *CXIV.* de literis expostulatoriis Papæ ad Carolum V. cum annotationibus. §. *CXV.* de aliis ejusmodi literis a Raynaldo evulgatis, cum responso Cæsaris. §. *CXVI.* acta Evangelicorum particularia in comitiis Spirensibus, & de societate Gallica & Bavarica. §. *CXVII.* de electione Augusti Sax. Ducis ad Episcopatum Mersburgensem, & demandata Georgio Principi Anhaltino, Præposito Magdeburgensi, inspectione Ecclesiastica: accessit ampla de Georgii hujus vita & scriptis relatio. §. *CXVIII.* scripta Lutheri hoc 1544 anno. §. *CXIX.* ultima consultatio de reformatione, & quatenus in ea pergendum aut cedendum sit, a Luthero

a Luthero & collegis Electori Saxonie anno 1545 exhibita; quæ integra ex autographo editur. §. CXX. Electoris Sax. & Landgravii Hassiæ de scripto illo communicationes. *Add.* Buceri aliud de reformatione consilium. §. CXXI. acta in comitiis Wormatiensibus ex MSto excerpta; Valentini Teutlebbii Episcopi Hildesienfis consilium de reformatione, sive assertio religionis Romanæ adversus Augustanam Confessionem & doctrinam Evangelicam. §. CXXII. deliberationes ultiores de reformationis formula; item de scriptis & stylo Lutheri iudicia. *Add. I.* Buceri libellus, quem inscripsit *Admonitio christiana*. *Add. II.* alter, Germanicus, de actis Lipsiæ 1539. *Add. III.* tertius, de *Concilio*. §. CXXIII. Pontificis ad comitia Wormatiensia legatio, & acta inter Protestantes de concilio. §. CXXIV. pericula & gesta Protestantium; clades & captivitas Henrici Ducis Brunsvicensis; legatio Protestantium ad Galliæ & Angliæ Reges, pro pace inter eos constituenda. *Add. I.* de consiliis Philippi Landgravii & Mauritii Sax. Ducis pro novo fœdere. §. CXXV. de actis quibusdâ in concilio Tridentino; ite consultationes de colloquio Ratisbonæ habendo; quædâ ex Raynaldo; Electoris Sax. constitutio de stipendiis; Evangelicæ religionis status in Italia. §. CXXVI. afflictiones & acta quædam Lutheri, ejusque consilium de deferenda Wittenberga, mutatum ab Electore Sax; item falsâ de ejus morte sparsa fama. §. CXXVII. CXXVIII. scripta ejus hoc anno 1545. §. CXXIX. de decretis anno 1546. in prioribus concilii Tridentini sessionibus. §. CXXX. n. 2. & *segg.* libellus Protestantium, quod Concilium anno 1546 recusarunt, integer refertur, lectu dignissimus, stylo Melanchthonis compositus, solidissimis argumentis necessitatem reformationis adstruens. §. CXXXI. acta Protestantium in conventu Francofurtensi, ob belli sibi imminents suspiciones, & speciatim cum Friderico II. Electore Palatino, hujusque reformatione Evangelicæ; formula item novi fœderis inter Evangelicos proposita, sine successu. §. CXXXII. acta colloquii Ratisbonensis. §. CXXXIII. CXXXIV. CXXXV. de morte Lutheri, actisque proxime ante & post eam, speciatim de exequiis & testamento. §. CXXXVI. Historia de cæde Joannis Diazii Hispani, Evangelicæ doctrinæ causa, fratris germani Alphonsi Diazii scelere procurata; ejusque in *Add.* confessio doctrinæ. §. CXXXVII. Landgravii Hassiæ iter ad Cæsarem; Evangelicorum acta in conventu Francofurtensi, & postea incomitiis Ratisbonensibus, horumque dis-

lutione; de reformatione urbis Leutkirchenfis in Suevia; de Th. Naegeorgi opinione de electione & gratia. §. CXXXVIII. & CXXXIX. scripta Lutheri ultima.

Habes, *Vir excellentissime*, sceleton quoddam operis; quomodo vero corpus, ut ita dicam, libri carne & musculis succoque veluti vestiverim & repleverim, a legentibus deprehendendum & judicandum est. Ego, qui laudes ab aliis, ut dixi, non affecto; proprias, ut foetidissimas, prorsus detestor. Hoc tamen, ut in Prooemio & Epilogo operis pluribus feci, ea assèvero fide, quam, teste toto vitæ meæ tenore, omnibus rebus potiolem habeo, & de qua annorum quinque & sexaginta senex Deo propediem responsurus sum; me veritatem & conscientiam meam sincere secutum esse, fraudesque calumnias & cavillos, quos magno cum tædio & dolore in adversæ partis scriptoribus, tum in veteribus, *Cochleao* præsertim & *Surio*, tum recentioribus, *Pallavicino*, *Raynaldo*, *Bossueto*, *Varillasio*, &c., quem ubique oppositum habeo, *Maimburgio* detexi, summa cum sollicitudine vitalse, modestiæ etiam scientem volentemque minime esse oblitum, immo non dicta & scripta velle, si quæ contra illam peccavero. Interim mihi, ut homo sum, nec vigore, quò junior gaudebam, instructus, tum etiam a distractionibus & curis nequiquam immunis, multa sine dubio exciderunt, quæ emendationem possunt; ut de typographorum erroribus, quos nulla diligentia præcavere potui, nihil dicam: quædam loco aut tempore non commodissimo, quædam etiam bis aut otiose, plurima minus polite aut terse scripta deprehenduntur. Si quid tamen de meo labore, non quatenus ille meæ industriæ, sed gratiæ divini, ex qua sola quicquid est boni habemus, donis tribuendus est, promittere mihi licet; affirmare & fiduciam lectoribus facere ausum, reperturos illos esse in hoc opere plurima & prope innumera (quorum in Indicibus, quos adorno, locupletissimis recensio fiet) quæ, si absque mea fuisset opera, in tenebris ad finem forte mundi delituisse. Inter hæc, si quædam minuta & exilia esse videntur, quod non diffiteor, sunt tamen multa etiam gravissima, & tam Politicis quam Theologis profutura. In universum autem demonstratum esse spero, quod demonstrandum sumsi, & in Epilogo operis, qua possum perspicuitate, paulo pluribus ostendam; nempe reformationem a Luthero cœptam & postea auspiciis Principum & Civitatum continuatam, necessariam, justam & piam fuisse, nec esse, ut ejus

nos



nos pœniteat, multoque minus ut adversariorum doli aut violenti insultus nos a professione religionis, qualem majores nostri ex divinarum literarum præscripto formarunt, & ab erroribus abusibusque plurimis purgatam ad nos transmiserunt, ullo modo dimoveant. Illis vero, qui ex opposita parte honesti candidique animi sunt, quos profecto plurimos esse scio, ex intimo cordis affectu precor, ut (etsi non mea, sed Dei solius ope) ex conceptis adversus nos præjudiciis odiisque eluctati, solem veritatis apertis oculis intueri possint: eosdemque hoc tantum oro, ut de fidei Actorum allegatione non dubitent. Extant enim cuncta in locis a me indicatis, nullumque folium a me excerptum & relatum est, quod non ipse ex quingentis fere voluminibus manuscriptis, quorum supra *viginta & quadringenta* solum ex Archivo Vindobonensi, reliqua ex Bibliothecis illustribus aut amicorum, mecum communicata fuerunt, legerim, & seposita omni interpolatione aut corruptione, quæ cum moribus meis minime convenit, excerpserim, aut integra, partim quia scripta sunt lingua, pleraque tamen fideliter versa, retulerim. Magnum etiam documentorum numerum ad mei ipsius confirmationem describi ex autographis feci, & servo. Si quid autem commodi ad Ecclesias nostras in veritate confirmandas, aut adversarias ad eandem convertendas, vel saltem ad æquiores erga nos animum pacisque sincerum studium induendum, conferre labor hic meus possit, id omne Deo optimo maximo acceptum fero, illiusque benignitati gratias ago, qui mihi ad opus difficile & ingens ad hanc usque metam perducendum vires, inter tot senectutis & valetudinis incommoda, largitus est. Excitet is alios, qui me ingenio, eruditione, judicio atque facundia superent, ut ista vel augeant vel emendent, vel etiam quæ ego, fessis annis & morbo fractus, omittere cogor, eadem fide, majori vero cum industria & ornatu, prosequantur & perficiant. Vale. Dabam Meuselvvizil pridie Non. Jul. MDCXCI.

*C. SVETONIUS TRANQUILLUS EX RE-  
censione Joannis Georgii Graevii, cum ejusdem animi  
adversionibus, ut & commentario integro Lavini Torrentii,  
Iſaaci Casauboni & Theodori Marcilii, nec non selectu aliorum.*

*Editio secunda auctior & emendatio.*

Yy 3

Hagæ

Hagæ Comitibus apud Jo. a Velfen, Trajecti ad Rhenum typis Rud. a Zyll  
& Ant. Schouten 1691. in 4. Plag. 136. Icones 12.

**I**nter eos scriptores qui summorum principum aut illustrium viro-  
rum res gestas fidelibus historiæ monumentis commendarunt,  
primæ merito partes tribuendæ sunt Suetonio; cujus historia, a Julio  
in Domitianum usque descendens, duodecim Cæsarum res bene ac male  
gestas mira perspicuitate ac elegantia exponit, ut haud immerito a Fla-  
vio Vopisco *emendatissimus & candidissimus scriptor* appellatus fuerit,  
multique hodie mirentur, tam multa & varia (nam plurimos alios libros  
scripsit temporum injuria perditos, quos recenset Ang. Politianus in  
præfat. de *Græcorum lusbis, de Romanorum certaminibus & spectaculis,*  
de anno Romano, de signis quæ in libris reperiuntur, de republica Cicero-  
nis contra Didymum Grammaticum, de vestium genere atque nominibus,  
de ominosis verbis, de Roma ejusque institutis & moribus annales, stem-  
ma & series illustrium Romanorum, de officiorum institutione, de præ-  
toribus, de vitis corporalibus) eum commentari potuisse, qui & in foro  
causas summa cum laude ageret, & Hadriani epistolarum esset magister.  
Factum inde, ut summo semper in pretio Scriptor hic haberetur, & ab  
ipsis nascentibus literis essent subinde qui eundem aut si quibus in locis  
corruptus esset emendarent, aut ubi difficilior videbatur dilucidiorẽ  
redderent & ex aliis scriptoribus explicarent: quos commentarios jun-  
ctos exhibet Parisiensis editio, quæ anno 1610 in fol. prodit, annexos  
Casauboni animadversionibus, qui ex fide vetustissimorum librorum Scri-  
ptorem hunc recensuerat & anno 1595 evulgarat. Istorum commen-  
tatorum studium continuarunt, & spicilegia post menses sibi relicta  
arbitrati, corrupta quæ videbantur adhuc aut obscuriora loca emenda-  
re & illustrare sategerunt hoc seculo viri docti: quorum omnium in-  
dustriam supergressus est insigni erga bonas literas favore & studio ema-  
culandorum veterum auctorum celeberrimus Joannes Georgius Græ-  
vius, dum ante annos undeviginti (anno 1672.) Trajecti ad Rhenum,  
quam doctrina sua exornat, Suetonium eleganti cura recensitum, & in-  
tegris Torrentii ac Casauboni commentariis, nec non Marcellii & Guyeti  
notis, ut & ab ingenio suo profectis observationibus, ac Berneggeri ab-  
solutissimo indice, insigniter instructum edidit: jamque, dividendis isti-  
us libri exemplis, novam eamque augustiorem Tranquilli editionem in  
publicum emisit. Hæc & cæ omnia, quæ prior continebat, repræsen-  
tat,

tat, & epistola ad Potentissimum Electorem Brandenburgicum (cujus laudes succincta brevitate & gravitate decora exponit) splendidiorē, iconismis Imperatorum duodecim venvstiorē, & Gul. Coetierii & Gul. Goeffii annotationibus auctiorē se exhibet: observationes etiā doctissimi Editoris non paucis accessionibus locupletatas, & scorsim a pag. 775 ad p. 822 excusas (cum prior editio eas Torrentii & Casauboni commentariis substratas referret) sistit; ut ad dignitatem hujus Scriptoris quod faciat nihil plane omissum, & nativa ejus venustas insignium additamentorum bene collocatorum gratia haud parum aucta videatur.

**GERHARDI FELTMANNI DISSERTATIO**  
*de Accessionibus memorabilibus, immani aquarum vi vel terræ motu factis.*

Amstelodami apud Henricum & Viduam Th. Boom 1691 in 8. plag. 9.

**I**Nsignes illæ aquarum exundationes, quibus tum nostro tum superiori seculo Ostfrisiæ & Comitatus Oldenburgici tractus fuerunt expositi, rarioribus aliquot Juris controversiis fecere locum. Dum enim illæ alibi ingentes terrarum portiones, cum arboribus & prædiis, nec non hominum pecudumque magno numero, sede sua naturali avulsas & vi fluctuum longius protrusas, alienis fundis superinjecerunt, alibi veto totos ruperunt aggeres, materiam Jctis præbuerunt, de natis inde quæstionibus in utramque partem disserendi. Præcipua vero contentio fuit ista, utrum scilicet ager aliunde advectus & alterius territorio ita superinjectus, ut illud plane tegat, accederet agro, qui huic novo tanquam fundamentum substernitur, an vero maneret ejus, cujus ante fuerat? Hanc quæstionem, quam principaliter per totum opusculum erudite tractat Auctor consultissimus, jam olim a quibusdam Judicibus hoc modo fuisse sopitam, ut dominus vel totum, quod ejus antea fuerat, tolleretur, vel adversario, in cujus solio confederaret, linqueretur, ex Gryphiandri tractatu, quem ille *de Insulis* conscripsit, testatur, & quidem per has rationes, quod secundum Juris Romani placita superficies, & quicquid illi annumeretur, solo cedat, cujus superficiiei instar sit fundi portio fluctibus abscissa & alii rursus ingesta. Verum enim vero aliud plane postea in casu simili, idque magis rationi legali consonum, a Jctis pronun-

pronunciatum fuisse asserit, Cum enim anno hujus seculi quadragesimo tertio domus cujusdam, cui nomen Hullemanni, cum horto olitorio & nemore a continenti abrupta alterius terram occupasset, re-fuscitata fuit illa quæstio, tandemque volutatis inter se rationibus, placuit judicantibus, ut ager ita ab alio oppressus haberetur pro extincto, nulla, ne quidem utili, rei vindicatione pristino domino relicta. Rationes decidendi has fuisse proponit (1) quod nihil interfit, an ager alicujus vasto hiatus aut voragine, maris æstu facta, an vero per oppressionem alterius terræ, ipsius esse desinat. (2) quod juris perpetui ac naturalis non sit, proprietatem superficiæ pertinere semper ad soli dominum; posse enim id pactis mutari, & illud in hodiernum diem sæpius inter agrarios Groningatorum socios fieri, qui cum dominis, a quibus prædia conduxerunt, conveniunt, ut liceat in fundo conducto ædificium sibi hac lege ponere, ne istud solo cederet, quæ pactio penes illos vernacula lingua *Weslemminge* appelletur. Deinde licet (3) immutabili jure constitutum esset, ut superficies semper soli domino cederet, non posse tamen de tali fundo, qui vi aliunde avectus alterum occupasset, dici, quod ille se habeat instar domus, quæ in alieno posita acquiratur soli domino, cum illa demum supra terræ faciem posita esse dicantur, quæ, hac manente salva, fieri & sine illa consistere nullo modo possunt. At talem fundum, aquarum impetu alteri superimpositum, non solum non relinquere superficiem oppressi fundi salvam, sed etiam sine eo omnino stare posse, cum hæc sit terræ mere palustris natura, ut non demergatur, sed natando tandem vel ab aggere quodam aut super alienis arvis sistatur. Præterea (4) inter domum alterius agro inædificatam & talem terræ portionem alii intrusam, hanc differentiam intercedere, quod ædificium in alieno construens facto suo aliquid præstet, quod si omnem adhibuisset diligentiam, scire facili negotio potuisset; hincque adeo ratione deciden si apparere, cur domus ab alio constructa fundi domino acquiratur, territorium vero tale minime, cum hoc non facto aliquo humano, seu illa, sed ingruentium undarum vi ac pondere, abscissum & in alterius locum delatum esset. Concludit igitur, obstantes ubique diluendo leges & rationes, æquius ac juri tam naturali quam civili magis consentaneum fuisse visum, eum hoc in casu pronunciare dominum, cujus ager alterius solo accessit: cum enim tollere aut auferre non possit accessionem, nisi & rem amittere & inani simul sumptu vexari velit,

velit, iniquissimum fore, illum, si id non fecerit, privare rei suæ proprietate. Cui tamen sententiæ suæ Auctor sub finem opusculi aliquot limitationes prudenter subijcit.

Subiuncta libro huic est *Benedicti de Pratis* (quisquis ille sit) Dissertatio forensis de Stellionibus Maritimis, vernacule *Lorrendrayers* dictis; sed quam, cum ad facti speciem singularem & variis circumstantiarum involucris operam unice semet referat, satius est integram legi a quoque hujus argumenti curioso, quam in compendio a nobis recenseri, quippe quod foret seu prolixum nimis, seu obscurum.

## JOBI LUDOLFI COMMENTARIUS AD *Historiam suam Æthiopicam.*

Francofurti apud Zunnerum, 1691. fol. Constat plag. 173. iconismis 12.

**J**obus Ludolfus, Consiliarius Cæsareus & Saxonicus, vir celeberrimus, præteritis demum Nundinis Francofurtensibus, Commentarium ad Historiam suam Æthiopicam, anno 1681 impressam, edidit. Contingit is non solum uberiolem expositionem rerum ad Historiam Æthiopicam ac descriptionem Æthiopiarum pertinentium, & refutationem contrariorum, cum documentis, epistolis & actis publicis, in primo Opere promissis: sed etiam multa singularia, & quædam plane nova, ad varias eruditionis partes spectantia, quæ occasione data, prolixè & luculenter tradit, ut multa ad hunc diem obscura vel ignorata inde declarentur & illustrentur.

In *Præfatione* consilii sui rationem exponit, & refutationem contrariorum ad veritatem stabiendam necessariam esse asserit. Acta & documenta separatim se tradere voluisse, ne Lectorem in lectione Historiarum morarentur, monet. Prolixitatem in tradendis opinionibus novis excusat; dubiis enim & argumentis contrariis se obviam ire voluisse. Tradita a veteribus, & fabulosa nonnullis visa, declarare & conciliare annititur. Versiones peregrinarum Linguarum ad verbum reddit. Nulum ordinem materiarum observat, nisi quem fors obtulit, secundum numeros in ipso textu positos. Probat morem autores suos laudandi, monetque quibus ex causis omisso rei tam necessariæ fiat, & quæ ex iis culpanda maxime sit. Denique moram dilati tam diu commentarii excusat.

Initium *Proamii* facit a plurimis fabulis, quæ per Scriptores su-

perioris nostrique sæculi de Habessinibus disseminatæ fuerunt, donec Historia *Balthasari Tellezii* prodiret, qui veriora suppeditans, ea simul, quæ *Gregorius Habesinus* in aula Gothana de gentis suæ institutis & natura regionis narraverat, maxima ex parte confirmavit. His aliisque documentis & relationibus, imprimis annuis PP. Societatis Jesu Regumque Æthiopiarum epistolis innititur *Ludolfi Historia & Commentarius*, in quo ante omnia judicium suum dat de plerisque Habessinicarum rerum scriptoribus, præcipue rejiciens *Mattheum Armenium*, *Tagazabum*, *Viretam & Barattum*; quorum tamen fide plurimi hactenus steterunt. *Paulum Jobium* quoque perstringit, *Scaligerum* vero aliosque claros Viros, ubi hallucinati sunt, notat vel declarat. Itineraria pleraque exiguae fidei esse pronunciat, cumprimis *Rauchwolsfi*, *Joanni de Montevilla*, *Benjamini Tudelensis*, &c. præ cæteris æstimans *Bernierium*, *Vincentium le Blanc*, *Cotovicum*, *Linschoten* & *Thevenotium*. Denique vitam & res gestas *Gregorii* sui, utpote viri fide digni, prolixè exponit: Æthiopicas quasdam ejus ad Ducem Saxoniarum ERNESTIUM, ejusque filium natu maximum *Jobannem Ernestum* p. mem. ut & ipsam *Ludolfum* epistolas in Europa nondum visas, cum versione Latina adjungit; præmiumque claudit indicio versionis *Anglica, Gallica, Belgica & Moscovitica*, qua Historiam suam exteri ornavunt, non omnes æquali diligentia & dexteritate; simulque refellit imputationes a Gallis nonnullis sibi factas.

Commentarium *ad librum primum* orditur a scriptiōe & derivatione nominis *Habesini*, ex Arabica lingua; vulgares omnes rejiciens, quibus nulla indoctior sit, quam quæ deducitur ab antiquo Ægyptiaco vocabulo *Audosis*, *Avases*, sive *Oases*. Hæ enim nihil aliud fuerunt, quam insulæ quædam terrestres villis & vicis habitatæ, & arena tanquam mari late circumdatæ; quarum aliquot in Africa dantur. Unde redarguuntur ridiculæ quorundam Jctorum de Oasis glossæ. Porro Autor noster exponit latitudinem & ambiguitatem nominis *Æthiopum*, prolixèque de tempore transfretationis Habessinorum ex Arabia in Æthiopiam, adversus *Ryckium* in epistolis ad illum datis, sed *avenodotis*, disputat, eamque minime recentem & post Justinianum, ut *Scaliger* fingit, sed ab antiquissimis temporibus factam contendit. Agit quoque distincte de *Sabais*, seu *Homeritis*; *Axumitis* & *Nubais*, horumque (secundum *Helychium*) homonymis *Pygmaïs*, quos olim hodieque existisse

stitisse, multis tam veterum quam recentium testimoniis exemplisque probat, & ea occasione vocem vexatam **Ἰνδία** exponit. Porro quoniam Habessini superiori sæculo communiter *Indi* vocati sunt, de latissima vocis hujus tam apud Scriptores profanos, quam ecclesiasticos, acceptione agit, & quæ de multorum Apostolorum Doctorumque in *India* vel *Æthiopia* prædicatione scribuntur, ita distinguit, ut Frumentium *Axumitas* seu Habessinos nostros; Bartholomæum & Pantænum *Arabes* post Saracenos colentes; Thomam *Indos proprie dictos* in augea Chersoneso habitantes; Matthæum vel Matthiam *Nubæos*; Eunuchum Candaces Reginae *Æthiopes proprie dictos*, *Ægypto* conterminos, ad religionem Christianam perduxisse verisimiliter arbitretur. Posthæc crassos Geographorum errores in Habassia designanda detegit; etymologiam veram Maris rubri, & latitudinem variamque acceptionem ejus exponit; mendas numerorum in sacris nonnunquam obvias, in profanis vero scriptoribus frequentissimas esse statuit, & exemplis confirmat. Regna Habassie ex Godigno cum epicrisi sua enumerat; insulam *Meroën* apud veteres celebratam, neque regnum *Gojam*, quod Jesuitis, præcipue Tellezio, placuit, neque hodie amplius insulam esse putat; imo nec de nomine ejus hodierno inter Geographos convenire monet. Novum modum Alphabeti universalis proponit, quo litteræ Latinæ ita accommodantur, ut iis omnes nationes exotica vocabula, peregrinos literarum valores seu sonos habentia, uniformiter scribere possint. Hinc adversus Philosophos quosdam in arenam descendit, & Zonam torridam, quamvis æstus alicubi prope intolerabilis sit, habitabilem tamen, & nonnullis in locis æque ac Europam temperatam esse, demonstrat; audaciamque illorum perstringit, qui de cœli siderumque natura ita differunt, quasi in æthere diu iter fecissent, ut Seneca loquitur. Aërem vero frigidissimum & siccum censet elementum, atque rationibus contra Peripateticos demonstrat. Multa præterea congerit notatu digna de nive pluviisque sub zona torrida, de pericæcis eandem æstatem hyememque ubique terrarum non habentibus, de ignavis fucis, horribilibus ventis, montibus & rupibus inaccessis, de multo auro, metallis & sale fossili *Æthiopia*, de *Cobol* seu stibio, oculorum medicamine & apud Orientales ornatu, &c. qua occasione aliquot S. Scripturæ loca, de hoc minerali tractantia, exponit. Mox, ad aquas properans, fontium originem ex solis pluviisque derivat, verbaque Ecclesiasticis, cap. I. 7. eo tra-

hit, & pro הלכים משם legendum censet הלכים משם & verbum שבים de reversione per vapores explicat. Præcipue vero apud Nilum commoratur, ejusq; præstantiam & magnitudinem commendat: ostia, quorum hodie duo tantum supersunt, salubritatem, fecunditatem, varia nomina, fontes fictos & genuinos, extinctionis causas veras & falsas, alveosq; duos, quorū sinister *Nigri* appellatur atq; in Oceanū se exonerat, accurate atq; sollicite depingit. Quæstionem vexatam adjungit, an Nilus diverti possit, ne in Egyptum fluat & Albuquerquei conatus ex Commentariis ejus Lusitanicis profert. Denique *flumen Sabbaticum*, non tantum, ut apud hodiernos Judæos describitur, sed etiam, ut apud Josephum & Plinium, fictitium plane fabulosumque esse, nec unquam in rerum natura extitisse, pertendit.

Dehinc ad terras regressus, quæ ex ea in Habassia proveniunt, primum considerans, minutissimum & panificio utilissimum semen *Tes* profert, cum herba *Affazoe*, serpentibus maxime noxia, qua Psyllos veterum callide usos esse conjicit. Sed quia Habessini ob nimium æstum vinum facere nequeunt, licet præstantissimas uvas habeant, consilium eis dat, ut rupes excavent pro torcularibus & cellis vinariis: Ficum Indicam, *Mauz* vel *Musa* Arabice dictam, *Dudaim* esse, variis rationibus ductus affirmat, & appellationis rationem reddit, ita ut locum Cantici Canticorum de floribus istius plantæ, Geneseos vero de fructu apposite accipiat. De animalibus Æthiopiz plurima profert haud protrita, præsertim de Taurelephantis, veteribus non ignotis; de adiposis & ponderosis arietum caudis, quas Deus in sacrificiis cum adipe cremari jussit; de Elephantum ingenio ac docilitate; de Camelopardali seu *Giffa*, animalis altitudinis stupendæ; de *Zecora*, quod animal omnium quadrupedum pulcherrimum meliori quam *Onagri* nomine apud Græcos Latinosq; dignum censet, simul autores de eo agentes, sed hucusque non intellectos, declarans; de vera differentia Pardorum, Pantherarum & Tigridum, quas juxta cum *Zecora* ad vivum æri incisas exhibet; de Hyæna, Monocerotibus variis, e quibus non Oryx, animal debile, cum Bocharto, sed Rhinoceros cum Vulgata per Ebraicum מנר intelligendus; de Hippopotamo, qui omnino sit *Behemoth* apud Jobum, non Elephas; de Crocodilis per Leviathan & interdum per חתן in Scriptura signatis; de Caudiverbera & mira Torpedinis natura; de Struthiocamelo & Casuario, quorum hunc veterum *Tragopana* esse censet, suasque



suasque rationes addit; de Rucha Arabum, ave fabulosa, quæ forte ficta ex *Condora*, ave omnium maxima, quam ex autoribus Hispanicis & Lusitanicis describit; de variis serpentibus & venenatis animalibus, uti sunt *Boa*, quæ in vocabulariis trivialibus ridicule exponatur. est *Uncke / Jekko* Stellio venenatissimus in Java majore, Hydræ & Chersydræ, viperæ &c. Omnium profluxissime agit de Locustis australibus, quæ nostratibus multo majores sint, & non solum Johanni Baptistæ in cibum cesserint, sed etiam Israelitis a Deo missæ fuerint, cum carnem in deserto appeterent. Multis enim probat, genuinam significationem Hebraicæ vocis *YW* in captivitate Babylonica fuisse amissam, & Judæos tam veteres quam recentes de ejus expositione non consentire; coturnices autem per eam plane non posse intelligi, ad locustas vero australes textum cum omnibus circumstantiis optime quadrare, earumque esum non solum Judæis licitum, sed hodiernum in Africa, China & India frequentissimum, suavem atque innoxium esse; quorum hoc recentissimis testimoniis Rabbini Maroccani aliorumque scriptis & relationibus confirmat.

Tandem ad incolas venit, ostenditque, Habessinios optimæ indolis & præstantissimi ingenii esse, & propterea non tantum bello captos pluris venire, quam aliarum nationum mancipia, sed etiam eam causam esse, cur ipse in molestissimo tam linguæ quam rerum Æthiopicarum studio tam multum laboriose defudaverit. Gregorium quoque suum animo hilari discendique flagrantissimo fuisse, eodemque præditum Acalexum, juvenem Habessinum, qui A. 1653. sua sponte Ludolfum quæsitum in Germaniam venit, at insansito fidere non invenit. De *Leucæthiopia* cum diversæ scriptorum essent relationes, eas ita conciliat, ut quidem aliquos dari putet hic illic per Æthiopiam degeneres, e nigris parentibus prognatos, ac fortassis vere leprosos, ut Vosius narrat: gentem tamen Leucæthiopum certam esse, ac per se subsistere, vitio illo carentem. Morem Æthiopissarum parturientium in genua procumbendi ex S. Scriptura illustrat, ubi foeminis Hebræis idem tribuitur. Judæos olim in Dembea atque Samena, regnis Habassæ, suo jure vixisse docet, quod tamen Jacobi vaticinium nequidquam labefactet, siquidem id de Politia integra Regni & Sacerdotii Judæorum in Palæstina, non de dominio aliquo absoluto extra eam, ab ipsis etiam Judæis intelligatur. De Lingua Æthiopica peculiarem Diatriben pollicetur, alteri Grammaticæ suæ editioni præmittendam.

rendam. Nunc tantum facilitatem ejus, usumque in vocibus phrasi-  
busque obscuris S. Scripturæ declarandis magna exemplorum copia  
evincit; imprimis *Adami* nomen non a rubedine, sed a formositate di-  
ctum esse persuadens: eam enim significationem radicem אֲדָמָה olim  
apud Hebræos quoque habuisse, & in lingua Æthiopica adhuc habere.  
Addit nonnulla de lingua Amharica, Lexico Æthiopum, *Scala* dicto, &  
falsâ traditione de LXX linguis totius orbis, quam Alstedius & Megi-  
ferus inepta enumeratione auxerint, varias leves Dialectos pro peculia-  
ribus Linguis reputantes. Plinium quoque de trecentis dissimilibus  
Linguis scribentem, egregie emendat. Denique de Cingarorum Lin-  
gua nonnullas observationes subjungit; brevique indicio interitus Ma-  
maluccorum, incursionum Tartarorum in Chinam, antiquissimæ in-  
cantationis, cujus etiam in Scriptura mentio fit, qua variae bestiae in  
unum congregantur, & ἀδελφωδουσίας olim hodieque in Africa usi-  
tata, librum primum claudit.

*Secundum* inchoat cum itinere Hannonis Pœni, unde Lusitani  
occasionem ceperunt, navigationem circum Africam in Indiam ten-  
tandi. Verum Presbyterum Johannem in Asia Septentrionali in regno  
Tenduc olim regnasse adserit, ejusque verum nomen fuisse *Prester-  
chan*, id est, *Adoratorum* sive *Christianorum Princeps*. Hinc varias &  
plerumque vanas, partim etiam ridiculas; Regis Habesini appellationes,  
quæ per Europam sparsæ sunt, recenset, verasque adjicit, & fictos Cata-  
logos tum Habesinorum, tum aliorum Regum exhibet. Per אֲרַבִּי  
*Cusæos* Arabes Sabæos sive Scenitas intelligi Bocharto assensitur, sed  
LXX. Interpretes adversus eum defendit, non quod Æthiopes Africa-  
nos intellexerint, sed quod vocem istam Ebræam secundum seculi sui  
acceptionem per *Æthiopes* reddiderint. Æthiopem enim jam a tempo-  
ribus Jeremiæ Cusæum dictum monet, eaq; occasione tam distinctionē  
inter Æthiopes Orientales & Occidentales apud veteres crebro occur-  
rentem, quam terminos maris rubri ab iisdem latius extensos, cum cura  
explanat. Historiam Calebi Regis & Aretæ martyris egregie illustrat;  
templa Habesinorum in vivas rupes incisa eorumque Ichnographiam  
ob oculos ponit, & cum Græcorum & Judæorum adibus sacris com-  
parat. Quæstionem ventilat politicam, in Habesinia quoque mo-  
tam: an primogenito ante Patris regnum nato sceptrum capessere li-  
ceat? idque affirmat. Confessionem Claudii Regis Æthiopie integram  
brevibus

brevibus annotationibus illustratam inserit, cum historia impostoris Zaga-Christi, (qui tum Italis, tum Gallis imprimis imposuerat, filium Regis Æthiopiæ se venditando, cujus ludicrum Epitaphium nunc emendatus profert.) & cum epistola Af-Saphedi Imperatoris Habesinorum ad Gubernatorem Societatis Indiæ Orientalis. Postea jura quadam Regum Æthiopiæ declarat, inter quæ primum locum occupat Jurisdictio Ecclesiastica, quam illi ita sibi vindicant, ut ob ejus denegationem a Jesuitis potissimum alienati fuerint: nec spernenda sunt, quæ collegit de misero subditorum in plerisque Asiæ Africæque regnis statu, qui nulla bonorum proprietate gaudeant, &c. Hinc varia proponit consilia, quo pacto vicini Habesinorum hostes, Gallæ & Turcæ, domari & expelli queant, additis egregiis observationibus de æquisimo tributi genere ex proventibus regionum naturalibus; de Axuma, veteri Habesinorum regia, nunc desolata; de veteribus & inutilibus coronationis regię ritibus passim abrogatis; de Psalterio Davidis apud nobiles & plebejos Æthiopiæ maxime æstimato, ut a plerisque memoriter recitari possit; de periculosa potentia castrensium, & militaribus Imperiis instabilibus; de elevatione humili loco natorum; de crudelissimo Habesinorum adversus Adelenfes bello, ad quod conficiendum a Lusitanis auxilia acceperunt; de legatione Matthæi Armenii, & Tzagazaabi ad Lusitanos in Europam; de alia a Rege Suseo per ignotas Africæ regiones ad Oceanum Indicum tentata, deque iis, quæ partim Constantinopolin, partim ad Belgicam in India Societatem destinatæ fuerunt; de clamore supplicum Habesinorum notis musicis expresso; de Turcæ igne in capite succenso Sultano suo supplicantibus, deque judiciis & pœnis, quibus nobiles & ignobiles subjiciuntur. Tandem describit præsentem Æthiopiæ statum partim ex iis, quæ Moccha Arabiæ emporio A. 1685. ad illum perscripta sunt, partim quæ ipse biennio ante ex ore Tavernerii, & mereatoris cujusdam Armenii, cognoverat. Ea res Habesinorum florentissimas nunciant, summasque Regis divitias, qui cum subditis suis in religione Alexandrina constanter permaneat, & res magnas contra Gallæos hostes Habesinorum perpetuos moliatur, &c.

*Libro tertio* illustris Auctor res Ecclesiasticas complectitur, non solum Habesinorum, sed aliorum quoque Christianorum, præsertim primitivæ Ecclesiæ. In antecessum rejicit relationem Matthæi Ar-

menii

menii & Tzazazaabi Æthiopiæ Legati Confessionem Fidei, quibus plerique scriptores nostri hucusque incaute nimis fidem adhibuerunt. Tractationem ipsam incipit a circumcissione, quam Habesinia Judæis minime acceperint, sed a majoribus suis, Homeritis siue Sabæis, secum attulerint, quæ etiam respectu *denudationis* essentialiter a Judaica differat: siquidem & aliæ gentes plurimæ jam a multis sæculis eam usurparint sine scientia originis. Quæstionem, quæ hodie nonnullos eruditos vexat, *an circumcissio apud Judæos, an apud Ægyptios primum ceperit?* vanam esse putat, nisi clare probetur, circumcissionem Ægyptiorum antiquiorem esse Abrahamo. Præterea ad dictum Paulinū docet, *quomodo apud Judæos præputium rursus superinduci vel naturaliter recrescere possit*: & quomodo circumcissio vel *exsectio* potius *famellarum* in Africa & Asia peragatur, ut nullo modo cum circumcissione comparari possit, simulq; *famina inexcisa* nomen probrosum apud Arabes esse docet. Disputat adversus recentiores quosdam Theologos, & probat *Sabbatū simul cum die Dominica in primitiva ecclesia celebratum*, ejusq; feriacionem non e Synagoga, sed ex Alexandrina in Æthiopicam ecclesiam derivatam fuisse, & veteres non tam quoad cultum divinum, quam quoad labores intermittendos vel exercendos controversitisse; quibus integram historiam *Confessionis Claudis Regis* subjungit; unde patet, eam veram & genuinam esse. Quæ in historia de *auctore & tempore conversionis Habesinorum per Frumentium facta* dixerat, pluribus defendit, & unum tantum *Frumentium* fuisse, contra Baronium demonstrat. Historiam *novem Sanctorum*, qui Christianismum ibi propagarunt, amplius describit, simulque conjecturam proponit de loco Abdelbakiadis Arabis, ex quo Seldenus & Cosmesius concludere voluerunt, *Imperatorem Habesinorum aliquando ad Muhammedismum defecisse*, cum tamen locus ille potius de *Bazeno Homeritarum* in Arabia Rege, Habesinorum tunc cliente, intelligendus sit. Ex *miraculis* plurimis, quæ *Sanctis Æthiopicis* adscribuntur; illustri Ludolfus occasionem arripit, ea cum miraculis Sanctorum Ecclesiæ Romanæ comparandi. Loquitur etiam de ascetis rigidissimis, & profert PP. Societatis verba: qui *veram doctrinam ex tali rigore & miraculis probari non posse* statuunt; *Antichristum enim etiam operaturum miracula. Versionem Biblicam* apud Æthiopes *duplicem* extare ait, incertum tamen, quibus auctoribus. Varias ejus partes in Europa manuscriptas & impressas repertas, recenset;

recenset; *novum* vero *Testamentum* Romæ editum innumeris scateremendis ait. Præterea habere *Æthiopes* *Codicem Conciliorum & Canonum*, in quo, præter Canones Conciliorum quorundam genuinos & *super-numerarios Nicænos*, quos *Arabicos* hæctenus vocare consueverunt eruditi, reperiuntur quoque *Canones & Constitutiones Apostolicae*, quæ ab *Æthiopicis* pro germano Apostolorum factu agnoscuntur, & in plurimis discrepant a Græcis hujus nominis, ut prolixè monstrat Ludolfus, eoque saltem nomine magnam apud studiosos *Critices ecclesiastica* gratiam inuit. *Epistolam Regiam* in Codice Romano ad Monachos *Æthiopes* Hierosolymis degentes repertam, cum notis edit. In fine differit de vocabulis *Manda & Abtelis*, quibus Canones illi appellantur, nec non de vera illorum antiquitate. Promittit quoque judicium suum de *Liturgiâ Æthiopum*, iis imprimis, quæ Christi, Mariæ & Apostolorum nominibus inscribuntur, easque Pseudepigraphis Apostolicis male adnumerari censet, quum hæc nomina non porteat, quasi ab ipsis, tanquam auctoribus sint profectæ, sed ut in festis eorum recitarentur, vel alia de causa. Neque reliquos *Æthiopum libros* sicco præterit pede, ne quidem supersticiosos, monstrosi nominibus plenos, in quibus haud postremum locum occupat fictitia *Henochi Prophetia*, de qua post Peirescium, multi eruditorum grandia mysteria expectarunt, sed Ludolfus carbonem pro thesauro reperit. Stupendam enim *fabulam de pugna Michaelis Archangeli cum Setnaele* habet; cujus membra omnia immanis magnitudinis putide describuntur. Laudat porro *amorem Habesinorum erga sacram Scripturam*, regii quoque stemmatis viris foeminisq; insitum, atque istos memoriter callere *Psalterium & Epistolas S. Pauli* memorat. *Symbolum fidei*, quo utuntur, non est id, quod nos vulgo Apostolicum vocamus, sed Nicænum: *Concilium vero Chalcedonense* iniquis censuris proscindunt; traditione majorum, non cognitione, *Processionem Spiritus Sancti* a Filio æque negant, ac Græci, quanquam Filii Spiritum esse non inficiantur; ubi de controversia hac Autor latius differit. *Animas beatorum* ante ultimum Christi adventum in regnum cœlorum haud intrare, sed in Paradiso quodam asservari communiter statuunt, quod ex Judaismo traxisse videntur, quanquam multi etiam veterum Latinorum in eadem sententia fuerint, nuperque *Philippus a Limborch* eam simili de somnio incrustare voluerit: sed Ludolfus tantum concedit, plenum triumphum plenamque gloriam in

extremo demum iudicii die post conjunctionem corporum cum animabus eventuram; idque declarat simili cujusdam in magno honore apud exteros, absentibus uxore & liberis, constituti. Idem testimonio Jesuitarum evincit, *purgatorii*, (quod etiam cum precibus pro defunctis ex Judæorum doctrina ortum habuerit,) neque nomen neque rem Habessinios habere: *limbum* tamen *Patrum* in libro quodam Æthiopico se reperisse, scribit; quamvis eam publicam Ecclesiæ illius doctrinam esse ambigat. Originem *invocationis Sanctorum* ab honorifica eorum memoria, olim apud Judæos etiam, primosque Christianos usitata repetit, nimiumque apud Habessinios *S. Maria culum* confert cum eo, qui apud Pontificios illi defertur, & allegat veterem librum Dresdæ A. 1512. impressum, in quo *Magna Dea* vocatur; & propterea miratur, Jesuitas & Lusitanos ab Habessinīs pro inimicis B. Virginis habitos fuisse, quod negarent, illam peperisse Deitatem, sive quod illam quidem *Deiparam* sed non *Deitati param* vocare vellent. Addit nonnulla de *invocatione Angelorum*, a Judæis in Ecclesiam propagata: de *esu sanguinis & suffocatorum*, a quo hodiernum *Habesini* juxta cum aliis in Oriente Christianis abstinent. Sed diutius occupatur ad probandum, antiquissima Christianorum instituta pleraque nullam aliam originem quam e Judaismo habere; & Axioma inde format: *Ritus antiquissimos nascentis Ecclesiæ, si apud Judæos reperiuntur, Judaica, non Apostolica originis esse.* Pergit ad specialem demonstrationem, & docet, *Ecclesiarum Christianarum structuras* ita adornatas, ut majores sive Cathedralis templo Hierosolymitano, minores vero synagogis similes sint. Sic, *usum vestium, candelarumque sacrarum, imaginum oblationes ad Altare, manuum impositionem, cantica & instrumenta musica in sacris, Festa majora Paschatos, Pentecostes & Sabbatum, Trisagion, Baptismum, Confessionem peccatorum, initiationem novorum sponsorum &c.* ex Judaismo derivata, sed in usum Christianum commutata, demonstrat. *Ecclesiam enim traducem quasi esse Synagoga.* Hinc ipsa templa ingreditur illustris Autor, & *icnographia templi Æthiopici Gracique*, ac *Synagoga Amstelodamensis* Lectorum oculis exposita, adytum seu *Sanctuarium veterum Christianorum* latius describit, rationemque ex Judaismo petit, quare Christiani Orientales non admittant *imagines* sculptas, sed tantum *pictas*. Idem *Eucharistiam infantibus* hodiernum tradunt, & *baptismum Christi* d. 6. Januarii (qui inde *Theophania* seu *Epiphania* nomen,

nomen, non ab adventu Magorum, accepit) celebrare solent, & quidem solenni balneatione & maxima letitia, quamvis vinum in hoc festo non bibant. Habessinii ægerrime ad *confessionem particularem* Jesuitis faciendam compelli potuerunt: a suis autem confessariis virgulis oleagineis in tergo se feriri libenter patiuntur; quem morem cum manu-missione servorum apud veteres Romanos confert Ludolfus. De *sacra* illorum *mensa* iis, quæ in Historia dixerat, pauca adjungens, interpretationem vero marmorei apud *Aringum* monumenti latius defendens, ex quo collegerat, mensas veterum Eucharisticas, dum in speluncis S. Coenam administrarent, ad modum arcæ formatas fuisse; hinc lapidem sacram *Arcam* Æthiopibus dici, vinum in Eucharistia per *uvam passam maceratam* exprimi docet ab Habessinibus, Coptitis & Christianis S. Thomæ. Probatq; ex Patrum Societatis Jesu testimoniis, Habesinos *sub utraque specie* communicare, & refellit, quæ Holstenius in contrarium attulerat. Plura notatu digna adfert de *muneribus* eorum ad *sanctuarium* afferri solitis; inter quæ pauper quædam fecmina aliquando parvum selem capiendis Ecclesiæ muribus attulerat: de *Musca* & *cripudiis* sacris, saltationi non ab similibus: de *rigidissimâ jejuniis*, in specie de *quadragesimali*, quod teste Eutychio Alexandrino primi s a festo Epiphaniarum removerit, & ad Pascha usque extenderit *Demetrius Patriarcha Alexandrinus*; cum antea Christiani post celebratum baptismi Christi festum, ut historia Evangelica fert, jejunium illud statim inchoassent. Inde per totum orbem *jejunium quadragesimale*, ut nunc est, receptum, licet diversimode in variis ecclesiis computetur. Tempore *Pentecostes*, id est, per septem hebdomades, nullum in primitiva Ecclesia fuisse jejunium refert. *Computum* porro *Ecclesiæ Æthiopicae* ex MSto edit, Chronologisque elaborandum relinquit, addens integrum *Calendarium Æthiopicum*, rubrica distinctis principuorum sanctorum nominibus; idque cum *Coptico* Seldeni confert, quod plurimis in locis emendat, & egregiis notis illustrat, unde varia de festis sanctorumque vitis hauriri possunt; *Epactarum* vero auctorem facit Demetrium Patriarcham paullo ante nominatum, Æthiopum & Coptitarum testimonio. Denique *ritus nuptiales* Habesinorum, *polygamiam* legibus civilibus, non ecclesiasticis apud eos permissam, *divortia* creberrima, quippe illorum jure licita, & *exequias* describit.

His defunctus, *Ordinem Sacerdotalem* lustrat, & ostendit, *Cleri-*

cos Æthiopum nullam fori immunitatem habere: *Metropolita* suo, qui *Abbuna* dicitur, a Patriarcha Alexandrino semper venienti, subiectos esse: nullos tamen alios Archiepiscopos aut Episcopos hoc nomine dari: Presbyteris vero & inferioribus Clericis uxores permitti: quibus præmisit nonnulla de Nicænis Canonibus Arabicis supposititiis, quos *Somnia* vocat Baronius; de *antiqua Ægyptiorum lingua* hodie fere obsoleta; de quatuor primum, deinde quinque *Patriarchis Oecumenicis*, ac ortu nominis *Patriarchæ & Papæ*; de *Diaconis*; de *Conjugio Clericorum* in Oriente permissio, & *calibatu* Latinorum, ut & de *secundis nuptiis* ab Orientalibus hodie, multisque olim Patribus rejectis. Deinde infelix *schisma post Concilium Chalcedonense* pluribus describit, & dubitat, an *Eutyches* hæretica illa verba, quæ ipsi vulgo tribuuntur, ita protulerit, *quasi in Christo ante incarnationem duas naturas, post eam vero unam tantum agnovisset*; cum *Protocollum*, quod Baronius habet, videatur imperfectum. Veram autem ejus hæresin haberi posse ex *S. Leonis Magni* epistola, ex qua rationes suas dubitandi desumit. Sententiam Eutychetis per sequelam imponi etiam *Jacobitis*, quales sunt *Armenii, Coptitæ & Habeshini*, quorum hi tamen diserte asserant, *divinitatem & humanitatem in Christo post incarnationem sine mixtura & separatione subsistere, & esse unum*, scilicet ὁ Θεὸς ὁ υἱος: neque *Theopyschitarum* erroris eos esse reos, sed verba illorum commodam explicationem admittere. Hisce dogmaticis jungit Ludolfus nonnulla ad Historiam pertinentia, de *Jacobo Syro*, unde *Jacobitis* dicti; de *Coptitis, & calamitatibus* ob reprobationem decreti Chalcedonensis in *Ægypto orsi*; de *Timotheo Patriarcha Alexandrino*, quo nomine plures dati fuerint; de *disidio Melchitarum & Jacobitarum in Ægypto* adhuc hodie durante &c. Nihilominus Habeshinorum cum Ecclesia Romana conciliatio sæpe tentata est, Legationibus hinc inde misis. At *Alexandri III Pontificis* epistolam ad *Indorum Regem* huc nihil facere monet. Postremo *Jesuitas* hoc & superiori sæculo plurimum præstitisse. Eorum res initio in Habeshia florentissimæ fuerunt, post aliquot autem annos ruere, ac A. 1632 plane evanescere cœperunt, adeo ut illis hodie spes nulla supersit. Nam omnes quos Romana religionis clericos suspicantur, aditu regni severe prohibent. Hæc omnia magna diligentia persequitur illustris Autor, & monumentis necessarius, *epistolæ, & tractatus a Patribus Societatis*



*in* eorumque inimicis, nec non ab ipsis *Æthiopia Regibus* scriptis, confirmat, ut nihil ab eo ejusque autoribus *Tellizio & Gregorio* fictum esse, luculenter appareat. Finem tertio libro imponit notabili relatione de *Petro Heylingio* Lubecensi, qui optima indole morumque innocentia præditus, Galliam Italiamque peragravit, hinc in Ægyptum profectus est, indeque cum novo Habesfinorum Metropoli, pulsus Jesuitis, ex Alexandria pro more petito, in illorum terram venit, & magnam apud Regem procuresq; gratiam consequutus, institutioni juvenum nobilium tempus impendit. Fama constans est, quod ex *Æthiopia* Europam repetitum rursus exierit; quando vero & quomodo, plane non constat: nec de morte ejus certi quidquā dici potest, quum *Wanstebii* de eo narratio subleſtæ fidei sit, ut multis argumentis Autor noster docet.

Commentarius *ad quartum librum*, qui *res privatas & æconomicas* continet, paucis absolvitur; & priores quidem numeri ad rem litterariam artesque liberales spectant, agentes de *litterarum Æthiopicarum* cum Samaritanis convenientia, & Græcarum ex Phœniciis derivatione: deque *vocabulario Æthiopico* satis inepto: de miris Habesfinorum circa *Systemamundi* astrorumq; motum opinionibus (qua occasione Ludolfus reliquis omnibus *Copernicanum* præfert, & quomodo loca Scripturæ cum hac sententia concilianda sint, singulariter docet:) de *carminibus, enigmatibus, proverbiiis, epistolis, nominibus propriis* significativis Æthiopum, quibus docti quidam viri decepti, qui ea pro appellativis habuerunt: de imperitiæ eorum in *arte grammatica, pictura & musica* &c. Reliqui numeri artes populares & opificia tradunt, imprimis *modum molendi* apud Æthiopes, veterum usitato more, dum super *catillo metam* manu versant, & sic grana in illo posita conterunt, labore difficillimo: unde quid sit *datio in pistrinum*, intelligi potest. Græci *metam* ad imitationem Phœniciæ vocis *מֶטֶם* *ōven asinum* vocant, unde Autor nove exponit *μύλον ὀνικόν* apud Mattheum, quasi per hypallagen *ὄνον μυλικόν, asinum molarem*, id est *metam*. Tandem de officiis & moribus Habesfinorum domesticis, ut & *cerevisia* sine lupulo cocta, & *vestitu* eorum tenui differit; & quid *bracca* sint, nec non etymologiam vocum Germanicarum *Hesen & Strümpfe* exponit. Postremo cum mercatura & monetarum pondere totum opus claudit, *septem* adjectis *Indicibus*, ut Lector in tam diffuso Opere eo facilius, quæ cupit, invenire queat; nempe, *Rerum &*

*verborum; nominum propriorum; Sanctorum* Calendarii *Aethiopici; Vocabulorum Graecorum; Hebraicorum & Arabicorum; Ethiopico- rum & Ambaricorum; necnon vernaculorum Europæ.*

**JOHANNIS CLAUBERGII OPERA O-  
mnia Philosophica, cura Johann. Theodor.  
Schalbruchii,**

Amstelodami, apud Wacsbergios &c. 1691. in 4.

Constat alphabetis septem & amplius.

**J**ohannes Claubergius Theologiæ & Philosophiæ Doctor & Profes-  
sor in Academia Duisburgensi, inter Cartesiana Philosophiæ asser-  
tores, ingenii acumine, perspicuitate docendi, ac ordine proponendi  
præcellens, plurimis opusculis separatim editis jamdudum inclaruit,  
utpote *Physica contracta, Disputationibus Physicis, Theoria corporum vi-  
ventium, Conjunctione animæ & corporis, Metaphysica de ente, Paraphra-  
si in Meditationes Cartesii, Exercitationibus centum de Cognitione Dei &  
nostri, Logica vetere & nova, Logica contracta, Defensione Cartesiana,  
Dubitatione Cartesiana, Differentia Cartesianam inter & vulgarem Phi-  
losophiam.* Eadem nunc conjunctim emendatiora auctioraque pro-  
diçrunt. Nam libellum de Philosophiæ Cartesianæ & vulgaris diffe-  
rentiis, ab Autore Germanice conscriptum, aliquis in Latinam linguam  
male convertit, ediditque in Germania; qua versione meliorem hic ex-  
hiberi, præfatio Typographi ad Lectorem promittit. *De novo acce-  
dunt* hæcenus nondum editæ *Notæ breves* in Cartesii Principia Philo-  
sophiæ, manu Auctoris codici, quo in scholis privatis uti solebat, ad-  
scriptæ; item *Exercitationes & Epistola*, inter quas *prima*, utrum Athe-  
us possit convinci, se habere vel experiri apud semetipsum ideam DEI?  
*Secunda* vindicat doctrinam Cartesii de Motu & Legibus Naturæ ab  
exceptionibus Jacobi Revii; *Tertia* examinat novum argumentum  
probandi Dei existentiam, inventum ab Escalache. Adduntur Episto-  
læ Tobiz Andreæ, Historiarum & Græcæ linguæ in Academia Gro-  
ningana nuper Professoris, quarum *prima* tractat de collegio Sapien-  
tum Parisiis; de argumento pro existentia Dei, quo usus est Escalache;  
de libello in auctione librorum Dematii Ultrajecti invento; de oppri-  
mendis

مندis Canonis *secunda* refutat Gassendi sententiam de Vacuo: *tertia* refellit Varenium, qui in Geographia sua opinionem Cartesii de æstu maris oppugnavit. Dictata Physica privata sub nomine Claubergii abhinc novem annis Francofurti edita, in hoc volumine frustra quaeres. Etenim referente editore horum Operum, pars multo maxima Dictatorum Auctori ne per somnium quidem unquam in mentem venit, cum eorum nec vola nec vestigium inter schedas ejus diligentius excussas reperiri potuerit, sed cuncta discipuli ex ore Claubergii, in scholis privatis Chiliada Thesium Physicarum exponentis, festino exceperint calamo, atque haud raro male intellecta, & a Doctoris sensu aliena consignarint. Præfixa est vita Johannis Claubergii per Henr. Christianum Henninium, Professore Historiarum, Eloquentiæ ac Linguae Græcæ, Collegam descripta, ex qua constat Auctorem nostrum A. 1622 natum, A. 1665 demortuum esse.

*JOH. FREDERICI GRONOVII DE SESTER-  
tiis, seu Subsecivorum Pecunia veteris Græcæ & Ro-  
manæ libri IV. Accesserunt L. Volusius Macianus J.C. & Balbus  
Mensor de Aesse: Pascasii Grosippi Tabula Nummaria: Mantissa &  
tres Αντιζηγήσεις de Fœnore Unciario & Centesimis Usuris, item  
de Hyperpyro: Salmasii Epistola & ad eam Responso.*

*Δοξαρχὴ Παλαιὰ καὶ Νέα, Græcæ & Latine.*

Lugduni Batavorum ex Officina Johannis du Vivie, 1691, in 4.

Constat 4. Alphab. & 11. plagul.

**Q**uid in hac nova laborum paternorum editione præstiterit de elegantioribus literis insigniter meritus Jac. Gronovius, ex ipsius ad Lectorem præfatione omnium optime cognoscere licebit. In ea namq; edocet, se eorum, quæ in libris IV de Sestertiis, item in Mantissa ac duplici Αντιζηγήσει de fœnore unciario & centesimis usuris a Parente ad oras annotata repererit, plurimam partem vel locis suis inseruisse, vel si amphora essent, aut talia quæ relinqui aliorum industria possent, in extrema pagina apponi curavisse: duplici eidem Αντιζηγήσει tertiam hæcenus ineditam, in qua aliquod doctrinæ adjumentum habeatur, ac inprimis vexatissimus apud Horatium l. 2. Satyr. 3. v. 60 sqq. locus suæ integritati

tegritati restituitur, adjecisse item Diatriben in Nicolai Abrami scriptū, cum ad laboris hujus reliqua pertinere videretur, comprimere noluisse: his virorum doctorum, scil. Josephi Scaligeri, Joh. Meursii, Jacobi Gretseri, Thomæ Reinesii, Balsamonis, Guntheri, ac parentis sui de nummo posterioris ævi, *hyperpyro* appellato, qui duos thaleros sive quinque florenos Hollandicos faciat, adjunxisse: nec epistolam Salmasii & ad eam parentis sui responsionem jam multis cognitam atque descriptam, cum primam totius hujus laboris occasionem & originem referat, occultare voluisse: duplex tandem Rationarium, tum vetus Augusti Cæsaris, tum novum Alexii Comneni Imperatoris, quod parens etsi totum notis scriptum tamen eo usque versaverit, ut explanandi via feliciter reperta in Latinum sermonem redegerit certus publicandi, haud ingratum fore benevolo lectori judicasse. Licet enim parente mox defuncto, occuparint ultimam hanc operam Parisiis Monachi Benedictini, Bernardo de Montfaucon interpretationem allinente, non pauca tamen in illa editione jure desiderari posse, aliquot in medium adductis & obelo notatis exemplis demonstrat. Quæ adversus *Jo. Harduinum* Jesuitam hodieque supersitem, & *Theodorum Ryquium* Professore Lugdunensem, meritis in rem litterariam celebrem, sed non ita pridem mortuum, a clarissimo Gronovio in Præfatione ad Lectorem porro disseruntur silentio præterimus. Cæterum *Pascasi Grosippi* nomen anagrammaticum *Gasparem Scioppium* tegere, Lectorem non ignorare putamus,

### NIC. GURTLERI HISTORIA TEMPLARIO- rum, observationibus ecclesiasticis aucta.

Amstelædami, apud Henr. Westenium, 1691, in 8. Plag. 15.

**T**emplariorum ut hodie exoletum nomen & extinctus prorsus est Ordo; ita olim ingens numerus & magna extitit potestas, isti haud absimilis, qua per universum Christianum orbem hodie floret a Jesu nominata Societas. De his insignem commentarium *Petri Puteani* Gallica lingua scriptum ante hos 37 annos in Gallia novimus divulgatum; & nunc eorundem historiam edito in Belgio libello clarissimus Autor exposuit. Intra centum nonaginta & quatuor quasi annos ortum & occasum eorum contineri docet, originem referens ad A. C. 1118, quo novem Equites ad impetrandam peccatorum veniam, vias & iri-

nera

nera, quæ Hierosolymam & ad loca sacra ducebant, quæque Saraceni, Turcæ & Ægyptii infestabant, adversus grassatores hos tuta reddituri, & peregrinantes defensuri, in Palæstinâ expeditionem susceperint, more Canonicorum regularium in obedientia, paupertate & castitate viventes, sub Patriarchæ Hierosolymitani imperio, ad palatium Regis Balduini, juxta templum Domini (unde nomen iis natum) mansionem habuerint, victum amictumque a Regis, Patriarchæ, & aliorum Ecclesiæ procerum liberalitate acceperint, a parvis autem his initiis intra breve tempus, Synodo Trecenti in Gallia A. 1128 confirmati, succreverint, albis induti primum vestibus, postea rubeam ex panno crucem palliis affluentes, & vexillo bipartito ex albo & nigro utentes, intra quinquaginta annos aucto in immensum eorum numero, accessione Comitum & primariæ nobilitatis virorum, beneficentia item Ludovici VII. Galliæ Regis & plurimorum aliorum liberalitate, ad ingentes divitias pervenerint. Sed ut magnæ fortunæ comes fere solet esse superbia, ita postquam immensas opes & potentiam impetrassent, elatius eos se gerere cœpisse, & neglecta humilitate, Patriarchæ Hierosolymitano se subtraxisse, obedientiam ei denegantes, ex Wilh. Tyrio, Matthæo Parisiensi & Balæo tradit. Clades in expeditionibus adversus Arabes, Turcas & Saracenos sæpius eos passos, & quosdam eorum a Saladino ferris dissectos fuisse, ex Genebrardi ac Sigeberti Chronicis, nec non Marino Sanuto Torsello narrat. Cum primis autem, postquam A. 1187. Hierosolymæ in Saladini venisset potestatem, adverso Marte sæpius conflixisse, præterea multa injuste, luxuriose & crudeliter gessisse memorat. Tandem in excidium totius Ordinis Clementem V. Pontificem & Philippum Pulchrum Regem Galliæ, ob iram quam hic animo erga illos seditioni adversus ipsum in Gallia ortæ faventes conceperat, & avaritiam ac spem ingentis lucri ex illorum interitu percipiendo, consensisse, observat. Neque tamen satis constare existimat, utrum rei scelerum quorum insinulabantur, utrum innocentes fuerint, id vero colligi posse, Ordinis institutum Deo non placuisse, eoque nec peregrinationes religiosas, nec insanam possidendæ Palæstinæ cupiditatem, gratam ei acceptamve fuisse. Non videri autem verisimile, vera omnia esse, quæ objecta iis fuere crimina, fortioraque esse argumenta, quæ ad minuendam illorum culpam faciunt, adeoque injuste cæcos fuisse & trucidatos omnes. Contrigisse id ait A. 1367 quo Phil-

ippus Pulcher R. G. datis per Galliam literis, eadem die & hora ubique resignandis, omnes Templarios comprehendi, torqueri & igne cremari, ademtis eorum fundis & fisco, mandarit, omnes etiam Principes Christianos, ut in sua quisque ditione idem faceret, monuerit, Pontifex quoque Clemens V idem iusserit: unde factum, ut ferali Viennensis Synodi iudicio condemnati intra septem annos ferro & igne omnes interierint; ultimo eorum Magistro *Jacobo Mola* cum duobus sociis *Guidone Viennensi* & *Hugone de Paraldis* A. 1314 Parisiis combusto. Excidio huic Templariorum Clementem Papam & Philippum Regem non diu supervixisse, sed a quodam ex isto Ordine Burdigalæ, cum in conspectu Pontificis & Regis cremaretur, ante tribunal Dei citatos, ut intra annum ambo compareant, eodem anno vitam utrosque finivisse, ex Fulgoso annotat.

Dum hanc de Templariis historiam contexuit Autor, varia quæ ad eos quidem non spectant, ob affinitatem tamen argumenti locum obtinent & grata Lectori se offerunt, adpersit. Ut de Canonicis regularibus & secularibus §. 15. *seqq.* de tribus votis, castitatis, paupertatis & obedientiæ, §. 19. *seqq.* de Patriarcharum etymo & appellatione, §. 30. de reparata cum templo urbe Hierosolymorum, & Ælia, §. 35. *seqq.* de vestium discrimine in Ecclesia receptarum, pallio, colobio, dalmatica, byrro, cucullo, §. 47. *seqq.* de vario crucis usu in signandis frontibus & vestibus, aut gestatione & pro templis ac in viis erectione earum, §. 60. *seqq.* de diversorum Ordinum inagnis incrementis ex parvis initiis, §. 84. de liberalitatis erga sacros ordines causis, §. 87. *seqq.* de vespertis Siculis, §. 160. de nuptiis sanguinariis Parisiis, §. 161.

**SEBASTIANI SCHMIDT IN LIBRUM SALOMONIS Regis, Hebr. Kobeleth, Grace & Latine Ecclesiastes dictum, Commentarius.**

Argentorati, sumptibus Joh. Frid. Spoor, 1691. in 4. Plag. 54.

**N**otor est summe reverendi Autoris methodus exegetica, quam ut prolixiori descriptione, nedum præconio laudeque nostra indigeat. Multos enim acutissimi Interpretis labores typorum beneficio publici juris factos intueri ac in usus nostros convertere nobis licet,

recentis-

recentissimumque, *epistolis* quibusdam *Paulini* impensum, memoravimus supra p. 90, ubi etiam ceteros a nobis recensitos non difficile reperire est. Utut vero præsens opus, si editionem spectes, *recentissimi* potius titulum sibi vindicet, ejus tamen fundamenta jam olim sunt jacta in collegio studioforum juvenum Argentoratensium septem abhinc lustris, cum, qui nunc *Senior* est, paulo ante inter inclutæ illius Academiæ *Professores Theologos* receptus esset. Exhibentur illo, ac quidem uno conspectu, singulorum capitum Salomonæorum primo *textus* originalis Hebræus, *versio* dein nova Latina literalis ac simplex, denique *paraphrasis* elegans ac perspicua, nec brevitatis leges transgressa. Hinc subjicitur separatim *analysis* logica, singula membra Ecclesiastis nervis suis optime coherere ostendens. Sequuntur *annotationes* fusiores, quibus rationes versionis & connexionis analyticæ dilucide redduntur, simulque expenditur, adeoque aut approbatur, aut modeste refellitur, quicquid e nostratibus *Martinus Geierus*, ex Reformatis *Joannes Mercurius*, (quibus meliores ante *Schmidium* in Ecclesiasten commentatores non habuimus,) in difficilem hunc Salomonis librum disseruere. E *Pontificiis* nemo in partes vocatur, quod omnes non ad Hebræicam veritatem, sed versionem vulgatam commentarios suos adornent, hæc autem abs illa quam maxime in *Kohelth* nostro recedat. Tandem adjici videas *Locos communes*. Unoquoque capite ita pertractato, toti volumini adnectuntur tres *indices*, unus *vocum Hebræarum*, alter *locorum Scriptura*, tertius *rerum & verborum*.

Cum autem sub initium relationis hujus monuerimus, non esse, cur speciminis loco, ut alias circa Autoris hujus optimi opera a nobis factitatum est, multa excerpamus nove dicta, nolumus prolixioribus excerptis nunc Lectorem morari. Indicabimus tantum loca, *Cap. IV. vers. 8.* — *16 C. V. vers. 7. 8. & C. VII. vers. 20.* (ut quamplurima alia taceamus,) quibus a trita via multum recedit. Priorem enim locum totum ac tantummodo de *conjugio & calibatu*, non de aliis societatibus, explicat, per חוּם הַמְשׁוּרֵשׁ *funiculum triplicatum* maritum, uxorem & sobolem intelligens; alterum de *peccato originis* sub allegoria *femina peccatricis* representato accipiendum asserit. Quoad tertium, in verbis: כִּי גִבּוֹהַ מֵעַל גִּבּוֹהִים עֲלֵיהֶם *Nam est altius supra altum observator; & Alii supra ipsos, per observato-*

rem Angelos, per *Altos supra ipsos* Personas SS. Trinitatis indigitari cenfer; Deumque ipsum *אין אין* *excellentiā terrā* vocari contendit. Sed definimus plura. Quin enim harum rerum cupidi ipsum mer opus jam diligenti manu versent, nobis non est dubium. Id unum dicamus: In connexionē verborum sacri textus monstranda aliquid eximium ac paucis imitabile Schmidium præstitisse, diffitebitur nemo, nisi qui librum aut non viderit, aut pervolvere attentius pigritus sit.

## L' INCREDULO SENZA SCUSA:

id est,

Incredulus inexcusabilis. Opus Pauli Segnerii Soc J.

Bononiæ, apud Jul. Borzaghi, 1690, in 4. Plag. 4r.

**Pag. 1.** IN hoc libro in duas Partes distributo, id agendum in se suscipit Autor, ut, cum per 25 annos Missionarii partibus functus probe observasset, quam perniciosum ex peregrinatione venenum plurimi inter externos hæresi infectos versati in patriam secum referre soleant, dum Vaticani oraculis non contenti clariore circa Fidem probationes flagitent, de miraculis, quæ alii clausis oculis revereantur, dubitare, & tantum non subsannare eadem audeant, & nec pro Hæreticis, nec pro Catholicis, sed ipsius Atheismi Candidatis habendi, apud suos benefici fiant, antea veneno infecti, his talibus viam monstret, infallibilem *fidei Catholica* veritatem, cujus Deus ipse autor extiterit, & cui citra ullam probandi necessitatem credere teneamur, inveniendi.

**9.** Parte I contra *Atheos* pugnat, eosque *intellectu* fastuoso & *voluntate* corrupta laborantes, & qui, cum ex operationibus convincantur, esse animam, quæ illas producat, ex creaturarum tamen operationibus, ut Deum credant, adduci se non patiantur, ad *Autoritatis* & *Rationis* tribunalia evocat. In *priori* omnium Nationum, ingenio & moribus alias mire inter se dissentientium, unanimum circa Dei existentiam consensum ipsis opponit. In *posteriori* de *causa prima*, ad quam ab effectibus gradatim tandem deveniendum ibique subsistendum sit, ratiocinatur. *Mundum* ait corruptioni obnoxium a se ipso non esse, nec *casu* ex atomis æternis productum, aut produci potuisse; alias **16. 24.** tot fore Deos, quot atomos. Sic ex *Natura* etiam constantia & effectibus **26. 30;** *fatis*



satis manifestari, quod *casu* ea non operetur; ejus nomine vero abuti,  
 qui in Dei locum eam substituunt. Contra *Cælum*, vastitate, motu  
 & influxibus suis, de potentia, sapientia, & bonitate Creatoris sui testari. 34.  
*Terram*, quæ omnium rerum *matris* vices, ut cœlum *Patris*, sustineat;  
 ad cognitionem divinitatis nos deducere. Testari de Deo omnis generis 36.  
*Animalia* quoad mirabilem tam individuorum quam specierum forma- 42.  
 tionem & conservationem, & stupendam interiorum, quæ in minutissimis  
 insectis occurrunt, partium structuram, docilitatem item illorū & varia-  
 rum artium peritiā. *Hominem*, quem *Macrocosmum* in *Microcosmo* haud 59.  
 inepte dixeris, sui ipsius contemplatione, si modo velit, ad cogniti-  
 onem Dei pervenire posse; artificiosam enim ejus compagem ita se ha-  
 bere, ut *Anatomices* peritūs *Atheus* esse non possit, si *manuum* saltem &  
*vultus* compositionem accurate dispiciat. Hinc sub conceptu *Entis* 69.  
*summe perfecti* divinitatis demonstratio sistitur. Ostenditur simpli- 73.  
 cissima Dei in tot diversis attributis suis *unitas*; exposita simul & Deo-  
 rum, si plures essent, & hominum maxima infelicitate & miseria.  
*Providentiam* divinam negantes rationibus a conscientia post viola- 78.  
 ta summi Legislatoris præcepta moribus, sapientia, omniscientia, bo-  
 nitate & dignitate Dei petitis confutantur; iisque, tot peccatorum per- 84.  
 missionem, præmiorum, item & poenarum inaequalitatem in contrarium  
 afferentibus, respondetur. *Astrologia generalis* & *judicialis* vanitas; 97.  
 cum æque ac *Atheismus* in *Providentiam* divinam injuria sit, prolixè di-  
 ducitur. *Immortalitate* denique, *anima* argumentis physicis & moralibus  
 adstructa, & oppositionibus, quæ contra eam proferri possunt, vali- 120.  
 de enervatis, ex ante dictis ejusmodi catenam necit Autor: Si est 145.  
 Deus, est etiam *Providentia*; si *Providentia*, *anima* est immortalis;  
 si *anima* est immortalis, *Religione* quadam & quidem vera, quam *ani-*  
*ma* profiteatur, opus est. *Religionis vera* necessitatem exinde eruit,  
 quod Deus, uti primum omnium rerum principium, ita & ultimum fi-  
 nis esse, & pro autore rerum peculiari cultu agnoscere debeat. Politicæ  
 inventum *Religionem* a quibusdam frustra perhiberi, cum in ejus po-  
 testate non sit ad credendum quid proponere, quod demonstrare non  
 potest. Veram autem *Religionem* non esse, nisi ab ipso Deo reve-  
 latam.

In *Parte II* veram *Religionem* illam non esse aliam, quam *Roma-*  
*Catholicam*, contra *Paganos*, *Muhammedanos*, *Judaos*, & quos

pag. 149. putat *Hæreticos*, comparatione instituta, probandum Autor aggreditur. Et initio quidem docet, *summopere convenire, ut per viam Fidei nos ducat Deus*, tum respectu sui, ut intellectum & voluntatem ipsi subijciamus, cum in ejus honorem cedat, ut ipsius stetur dictis: tum nostri, cum per fidem vera inter Deum & nos stabiliatur amicitia, ea-que fundamentum sit amoris divini in terra, haud secus ac visio beatifica in coelo: tum *rerum credendarum*; fidem enim non exerere aliquam violentiam in rationem, sed hanc magis perficere, transcendereq; & pessundare superbientem. Ad hanc fidem addiscendam *schola* opus esse; & hanc esse *Ecclesiam*, quæ *Magistrum* habeat Deum, *Discipulos* vero ipsos Fideles: decere etiam, ut sit *antiquissima, infallibilissima, & apertissima*. *Antiquitatem* ab Adamo statim accersit, & rejecta trium Religionum *Natura, Mosis & Evangelii* distinctione, unam eandemque esse ait, quæ vero successu temporis clariorem subinde lucem diffuderit. *Infallibilitatem* veritati Magistri in Scripturam sacram relatâ superstruit. Hanc nunquam fuisse adulteratam, nec ulterari potuisse; nec Deum, qui minimam creaturarum speciem perire non sinat, ut talis Libri, in quo voluntatem suam nobis dictaverit, interiret veritas, unquam passurum. Et nisi *aperta* foret hæc schola & omnibus *visibilis*, inferiorem fore Synagoga Judaica, quæ tamen destructa sit, & Regnum Christi non nisi terram incognitam. *Signa*, quibus Religio vera a falsa discernatur, ad tria attributa divina, *Potentiam, Sapientiam, & Bonitatem*, reducuntur. *Illam* relucere in Miraculis & fortitudine Martyrum; *Istam* in doctrina cœlesti nobis exposita; *Hanc* denique in virtutibus, quas sequaces ejus profiteantur. Miraculorum *necessitate & sufficientia* demonstrata, omnes, cujuscunque generis sint, Religiones provocat, an cum Ecclesia Romana paria facere possint. Nullis gloriari posse *Anabaptistas, Lutheranos, & Calvinistas*. Et Anabaptistam quidem in Polonia, cum visibilem Spiritus S. baptismum ejus confirmaturi descensum promitteret, a dæmone in aqua illa baptismali submersum fuisse: *Lutherum*, Staphylo teste αὐτόπτη, cum energumenam quandam adjurare auderet, a Spiritu maligno tam male exceptum, ut fuga vitæ suæ consulere opus habuerit: *Calvinum* ad virum, ex composito simulate mortuum, resuscitandum accederet, illum vere mortuum invenisse. Hinc veritas *miraculorum Christi* contra Judæos, defectum algerius cujusdam historici, præ-

ter

ter Christianos, artem magicam, diaboli concursum opposcentes, alle-  
 ritur; contra Hæreticos vero docetur, miracula ad demonstrandam  
 Ecclesiæ veritatem *sufficere*, & *necessaria* adhuc esse. *Illud* quidem;  
 alias Christum Judæos *Joh. 15, 22.* inexcusabiles dicere non potuisse,  
 quod doctrinam tot miraculis confirmatam recipere noluerint: *hoc*  
 vero, ob conversionem novarum gentium, item ad Ecclesiam veram  
 a Sectis distinguendam, & ut Dei circa negotia hominum providen-  
 tia ostendatur, &c. Quemadmodum vero Ecclesiæ jam satis radicatæ  
 & in possessione constitutæ crebriora miracula æque ac plantanda non  
 sint necessaria, & intra 170. annos, postquam Lutherus prodiit, vel uni-  
 cum miraculum ad probandam illam sponsam Christi sufficiat, veluti vel  
 unus annulus sponsam Regiam satis declarare queat, licet non omnes di-  
 giti gemmis superbiant: ita Lutherum, Calvinum, & Carolstadium, ut  
 veritatem doctrinæ suæ omnibus Patribus, omnium Pontificum decretis, &  
 auctoritati Catholicæ Ecclesiæ contrariantis comprobarent, miraculis  
 maxime opus habuisse. Diluuntur hinc duæ *Objectiones*: I. Catholi-  
 cos in admittendis miraculis esse nimis faciles. Resp. negando hoc  
 asseri posse de miraculis a Congregatione illis examinandis præposita  
 approbatis, cum Romæ tot rigorosæ occurrant difficultates, donec  
 vel unum, saltem prodigium ratum habeatur. II. Miracula esse falsa  
 vel fidei dubiæ. Resp. provocando ad Scriptores miraculorum fide di-  
 gnissimos, & inter eos Chrysostomum, Hieronymum, tres Gregorios,  
 Athanasium, Augustinum, satis gnaros verum a falso distinguere, quo-  
 rum fidei in his derogare nequeant Hæretici, cum eos alibi sibi faven-  
 tes allegare soleant. Quia adhuc superesse miracula permanentia,  
 quale sit coagulatus *Johannis*, nec non *Januarii* sanguis; *Illius* enim  
 sanguinem sub lectionem historiæ decollationis, *hujus* sub appositione  
 capitis, liquefcere & ebullire: item ossa *S. Nicolai* in humore in-  
 corrupto & saluberrimo natantia; quos effectus sympathiis vel oc-  
 cultis qualitatibus Hæretici frustra tribuant. Miraculum vero mira-  
 culorum esse *conversionem mundi* ad Christum a profundissima super-  
 stitione & vitiosissimis moribus, a debilibus Apostolis, Petro in conver-  
 sione Romæ præ aliis eminente, peractam, nec non victoriosam *Mar-*  
*tyrum* constantiam, inter quos, & prætenso Sectarum martyres; ma-  
 gna intercedat differentia, ratione tum *numeri*, cum tot Ecclesia Ca-  
 tholica habeat martyres, ut singulis anni diebus 30000 memoria recol-  
 possit,

pag. 170.

174.

176.

189.

184.

189

192

- possit, Sectarum vero vix tot testes habeant, quot sectas; tum *consordia*, cum testes harum itidem non magis concordēs esse possint, quam earum magistri; tum *dignitas*, ad obtinendam fidem facientis, Sectarum similes iis, quos Catholici sistant, producere non valentibus.
- pag. 199. Nec recentiores, qui veritatem Ecclesiae Romanae comprobent, deesse martyres, in *Japonia* praesertim, in quibus corona martyrii insignitis foeminae & tenerae aetatis pueri praeter aliam admirationem mereantur.
203. Veritatem porro Ecclesiae Catholicae corroborari *Propagatione sectarum*, quarum *Sapientia*, secundum *Jac. 3, 15. non sit deorsum descendens*, sed *diabolica* ob superbiam animi in suis autoribus; *animalis* in affectibus, concessam licentiam avide amplectentibus; *terrena* in patrocinantibus. Principes enim Germaniae, quibus omnis in pecunia cura sita sit, spe filio addicendi bona ecclesiastica, a Luthero ad doctrinam suam sollicitatos: *Gustavum* Sueciae Regem bello exhaustum ab Olao Secretario ad eandem allectatum: & ex ratione status Principes sanguinis in Gallia fuisse Hugonotis, ut Guisios opprimerent; *Belgas*, ut obsequium Regis sui excuterent; *Elisabetham* Anglicam, ut regnum suum stabiliret, venenum illud admisisse; & demum totam illam propagationem nil nisi naturae corruptae opus fuisse. Duplicem quoque *Judaorum* miseriam, cui ab extrema Hierosolymae direptione in poenam commissi Deicidii obnoxii fuerunt, & funestum *persecutorum* fidei exitum in favorem ejus testari. Exemplorum recensione a *Simone Mago* inchoata, etiam pervenitur ad *Lutherum*, quem nocte hilarem coenam secuta seipsum suffocasse, testatus juvenis domesticus sit: *Bucerum* moribundum a Spiritu nigro ex lecto abreptum & solo allisum; *Calvinum* a vermibus fere consumptum daemonia in auxilium vocasse, & execratum fuisse horam, in qua scribere coepisset, *Stabilitatem* quoque Ecclesiae Catholice veritatem ejus indicare, ambulantis super *Aspide* & *Rastis*, i. e. *Judaum* & *Hæreticum*, & conculcantis *Leonem* & *Draconem* i. e. *Imperatores* persequentes, & *Antichristum*. Ab origine Ecclesiae ad Lutherum usque 305. familias hæreticas una cum libris suis extinctas esse, quorum nec memoria superstitaret, nisi in libris refutatoriis eadem recurreret. Interim etiam, dum florerent hæreses, complures alias nationes accessisse Ecclesiae.
228. *Ludovicum Magnum* Galliae Regem intra paucos menses Hugonotorum exterminasse religionem, miseram ideo dicendam, quae militibus non praedantibus, sed hospitantibus saltem manus dederit. Quin &

citra

citra insultum defultores fieri hæreticos. Ita *Brandenburgicos* Lutheri antehac castra secutos A. 1616 Calvini partibus accessisse, sed A. 1623 Lutherum iterum agnovisse. *Lutheranos* intra 50 annos ab anno 1517 ad 1567 in 11 alias Sectas nomine & fide variantes, *Semi-Lutheranos* in alias 11, & *Anti-Lutheranos* in 56 subdivisos fuisse, qualis inconstantia cum fide stare non possit. *Muhammedanos* constantes dici non posse, nullam religionis causa molestiam expertos. *Judeos* pertinaces instar topæi vindictæ divinæ duraturos usque ad finem mundi, quando Deus superabundanti tandem gratia sua eos emollire dignabitur. Solam igitur Ecclesiam Catholicā, cum inter tot pereundi pericula immota persisterit, sine dubio pro vera habendam esse. Veritatem præterea Fidei Christianæ haud leve pondus accipere a *Vaticiniis* Prophetarum & Sibyllarum, longis post prædictionem intervallis & præcisè impletis, imprimis ratione Messiae, cujus frustranea expectatio Judæis pluribus argumentis exprobratur. Et ex *Spiritus prophætiæ* perpetua in Ecclesia Romana *conservatione* veritatem ejus denuo elucescere; nisi divinam promissionem *Joel* 2. mendacii insimulare velimus. In promptu esse prædictiones *Antonii*, *Tbaumaturgi*, Abbatis *Johannis*, *Benedicti*, *Malachia*, *Francisci*, *Catharina Senensis*, *Catharina Raconissa*, ex cujus ore *Picu* Princeps *Mirandulanus* multas se prædictiones audivisse fateatur; *Brigitta*, Græcorum excidium & varias afflictiones, donec Romanæ Ecclesiæ se submittant, & *Hildegardis* ruinas erroribus Lutheri Germaniæ illatas præfagientis. Nec nostra tempora carere vaticiniis de Imperii Romani incremento, & intertrimmento Ottomannici. Sic *Martinum* quendam *Stridonium*, cujus Vita A. 1673, 24. post excessum ejus anno, Pragæ edita fuerit, de *Turcici Imperii* excidio clare & cum exaltatione *Spiritus* locutum esse, brevi, ut verba habent, inchoandam ruinam ipsius; ideoque Societatem eo nomine hortatū ad Græcæ Linguae studiū, quod essent Constantinopoli Christianam doctrinam aliquando explicaturi &c. Novatoribus vero tam nobile privilegium neque *de facto*, neque *de ratione* competere posse. *Non de facto*; Muhammed enim corporis sui post mortē statim in cœlum assumptionem, & perpetuam suorum victoriam vaticinatum: Lutherum rebellibus rusticis itidem victoriam adversus Nobiles prædixisse; item Wittebergæ se obiturum; A. 1583 universale judicium venturum, unde & multi sementem 50 anno facere neglexerint: Sed utrumque

- fecerit, nec Epitaphio Lutheri, quod ipse sibi fecerit; *Pessus eram  
 virus, moriens ero mors tua Papa*, eventum hactenus respondisse.  
*Nec de ratione*; lumen enim propheticum, ubi affectus & libido,  
 ceu in Luthero & Muhammede, prædominentur, locum habere  
 pap. 241. non posse. *Uniformitas* porro in *docendo & credendo*, a primo  
 usque ad præsens seculum semper & ubique servata, & ab omni-  
 bus personarum generibus recepta, amplissimi testimonii vicem  
 249. sustinet apud Autorem nostrum, qui contra a *novitate Sæctarum* ad  
 252. falsitatem earundem argumentatur. Eandem falsitatem planam face-  
 254. reputat *Contradictiones*, nulli Auctori, quam Luthero, magis familiares.  
 258. Variationis causis in *seductionem* Spiritus superbiæ, & *defectum* certi *Ar-  
 bitri* reiectis, cum Magistratui Politico definitio dogmatum etiam le-  
 gibus publicis, uti in Hollandia, Anglia, Genevæ alicatur, & cuilibet  
 262. Scripturam pro suo arbitrio explicare liceat: a *Sanctitate* dogmatum,  
 præceptorum, morumque, & mediis sanctitatis, argumentum veræ  
 Ecclesiæ Romanæ petit; 1. contra Judæos & Muhammedanos omni-  
 potentia, sapientia & bonitati divinæ in Thalmude & Alcorano suo  
 detrahentes. 2. contra Novatores in Atheismum paulatim dilabentes.  
 Ita in libro quodam *de arte nihil credendi*, cujus Auctor etiam vivi-  
 comburio punitus fuerit, diserte dici, *oportere Calvinistam fieri, qui  
 Atheus esse velit*; & *Calvini* doctrinam de Deo autore peccati ex magna  
 parte *Luthero* fuisse communem; qui etiam Turcarum pietatem Chri-  
 266. stianorū, Apostolorū & ipsius Christi pietati, in approbatione sua libro  
 269. ignoti Auctoris de *moribus Turcarum* præmissa antetulerit; polyga-  
 miam, divortium ex levibus causis, matrimonium inter consobrinos  
 indifferenter, & cum nepte permiserit; & perinde esse docuit, si quis  
 parentem alat vel feriat, divinam majestatem laudet vel blasphemet.  
 Contra Ecclesiam Romanam omni tempore, uti veram fidem, ita &  
 279. morum sanctitatem integram conservasse. Et licet a Novatoribus  
 varia crimina, frigidi imprimis cultus divini a se observata indicia, &  
 liberior conversatio Catholicis objiciantur, ea tamen de omnibus affir-  
 mari non posse. Veluti autem athletæ ob robustam naturam gravius  
 280. agrotent, quam alii: ita & gravitatem criminum apud Catholicos Re-  
 ligionis excellentiam indicare, & populorum insuper genium in causa  
 esse, ut quidam præ aliis pluribus contaminentur vitiis; quæ tamen ab  
 Ecclesia graviter taxari & improbari, satis notum sit. Contra si in-  
 ter

ter Turcas & Lutheranos honestius quis vivat, id non doctrinæ, sed veræ majorum religionis tribuendum esse reliquiis. Lutheranos tamen rigidiores cum Calvinianis comparatos crepusculum, hos vero obscurā referre noctem; ad alterutros vero a Catholicis digressos dissolutiores factos esse, meliores induentibus mores, qui ab illis ad hos transferint. *Mediis* autem ad sanctificandum idoneis Ecclesiā Romanā unice instructam esse; *internis* quidem, Lege scil. Evangelica, & *externis*, qualia sunt pag. 284. festa, concentus, templorum splendor, supplicationes publicæ, jejunia, conciones, missiones, orationes, imprimis Sacramenta *Pœnitentiæ* & *Eucharistiæ*. Ex Sacramento Pœnitentiæ amplitudinem jurisdictionis ad cogitationes usque se extendentis satis se prodere; eamque efficacissimum adversus vitiorum exorbitantiam remedium esse. Unde etiam Civitas *Noribergensis* confessionis auricularis, Lutheri auspicio abrogatæ, reductionem a Carolo V. per Legatos petierit, quia confessionis omissionem enormes civium excessus insecuti fuerint. Inde etiam fieri, quod Hæretici in Germania libentius catholico utantur famulatio, meliora ab hoc, quam a suis sibi pollicentes servitia. In partes quoque vocatur *Charitas* in *condonatione*, & *expositione vite* 286. *pro salute proximi* conspicua. Prius nobilioris dignitatis viri in primaria quadam Italiæ urbe exemplo illustratur, qui assassinio lethali petitus, non solum gratiam delicti ex animo fecerit, sed & omnibus Sicarii filiabus dorem in tabulis suis reliquerit. Simile quid nec apud Judæos nec apud Turcas vindictæ cupidissimos obtinere, quin apud hos moris esse, ut media nocte crapulantium fores clava quis pulsans exclamare soleat: *surgite ad comedendum & bibendum, & gignendos liberos contra Christianos*. Ipsum Lutherum rusticos & nobiles contra se mutuo concitasse, & internecione 150000 ab utraque parte caesorum exultasse. *Bezam* vero dixisse, *nil nisi sclopis & gladios in Gallia plantandum esse*. Posterius itidem eorum exemplis confirmatur, qui omnibus seculis zelo infidelium convertendorum accensi, vite suæ prodigi fuerint. Fuisse ex Societate sua, qui in naufragio tabulam arreptam Judæo cesserit, professionem Christianismi, si servaretur, ab ipso promissi postea memore prius stipulatus. Minime vero simile quid legi de *Bataviâ*, toties in Gentilium ditiones navigantibus, de conversione vero eorum nihil sollicitis. In Insulis contra *Marianâ*, quas illi, cum nec aromata nec argentum ibi reperirent, deseruerint, Missiona-



pag. 294.

reriorum nuper opera 13000 idololatrias baptizatos, 20000 catechumenis similem gratiam expectantibus. Quæ cum ita se habeant, exinde concluditur, *extra Ecclesiam Romanam non esse salutem*, impugnatis illis, qui omnes Religiones ad salutem obtinendam statuunt habiles; quæ assertio, quod recta non potest, furtiva via Atheismum introducat. Deinde, cum beatitudo aut per *gratiam* aut per *retributionem* a Deo expectanda sit, Sectas neutro modo eam sperare posse, quia Deus coronam quietis æternæ absque prævio labore non largiatur, nec illæ actionibus suis ex vera fide non provenientibus eandem mereantur, sed potius condemnationem, ceu læsæ Majestatis divinæ reæ, legem Catholicam a Deo datam & tot miraculis confirmatam recipere nolentes. Quantum vero roboris argumenta Autoris adversus Hereticos, quos vocat & acerbe satis insectatur, in recessu habeant, eorum, ad quos spectat, judicio relinquimus. Ex flosculis interim istis, quos excerptimus, satis colligi potest, quantum fidei in factorum historia tribuendum sit illi, qui cætera minime indoctus tot putidas calumnias ineptasque fabulas, a nostratibus multoties refutatas & ab ipsis cordatioribus Pontificiis dudum explosas, in lucem denuo protrahere non erubuit. Quibus tamen qui delectantur, iisque putant veritatem Religionis, quam profitemur, everti posse, illis illustrissimi *Seckendorffii* nostri Historiam Lutheranismi supra jam indigitatam, diligenter legendam, & sepositis paulisper præjudicii expendendam merito commendamus.

### ABORTUS BICORPOREUS MONOCEPS



*Romæ A. 1691. editus, in Academia Physico-mathematica examinatus a Francisco de Honuphriis M. D.*

Romæ, typis Rev. Cameræ Apostolicæ, 1691, in 4. Plag. 2.

QUANquam alias monstis non delectemur adeo, non potuimus tamen, quin mentionem faceremus illius, quod circa initium Martii præsentis anno natum abortuque septimestri exclusum Romæ fuit, TAB. IX. & in Academia Physico-Mathematica, quæ in illustrissimi Ciampini aedibus a multis annis celebratur, examinatum. Tabula quidem hic adjecta satis docet, quæ hujus monstri conformatio fuerit externa, & quomodo in occipite alterum par aurium imperfectarum erroneam habuerit sedem: qua ratione pectora coaluerint, reliquis corporibus infra umbilicum perfecte distinctis &c. Internarum autem partium structuram, ab Eximio Chirurgia Professore Hippolito Magnano observatam relatamque



TAB. IX. ad A. 1691. pag. 388.





que magis miramur. Unicum namque cerebrum, cerebella vero duo, ab interjecto quodam septo cartilagineo, duplicique dura matre divisa, intra cranium visa sunt. In pectore cor quoque unicum, & pulmo saltem binis conflatus lobis, nihilominus bifida e corde aorta, quatuor statim carotides præbens, apparuerunt: reliqua in utroque abdomine contenta viscera, ventriculus, epas, lien, pancreas, renes cum vesica uteroque debite conformata.

Hac præmissa delineatione Anatomica, non dubitat Autor ulterius inquirere in causas modumque illius prævæ conformationis. Possitissimum adversus opinionem recentiorum, qui testes muliebres pro ovario habent, adeoque hominem ex ovo nasci arbitrantur, satis acriter pugnat, eam præcipue ob causam, quod, cum in ovulis, ut vocat, imaginariis, & quidem singulis, delineatio fiat perfecta totius hominis, non possit duplex ex eadem cicatrice formari corpus, quale præsentis monstri fuit. Multo minus existimat possibile, biza concurrentia ovula ita coaluisse, ut caput atque cor appareret unicum, cum cerebella & vasa sanguifera & reliqua viscera abdominis duplicia deprehensa essent. Quapropter neglecta modernorum hypothesei, causam querit in materia seminali ejusque virtute plastica hoc pacto: Vulgatissima, inquit, experientia satis innotuit, sales diversi generis commixtos & aquoso menstruo dissolutos, sensim se præcipitando, se jungi ac separari, & juxta eorum similitudinem figuramque invicem uniti ac in cristallos coagulari. Non absimili modo extricari putat seminis moleculas salino-volatiles magisque spirituosas, adeo ut aliæ ad cerebrum, aliæ ad cor, aliæ ad ossa efformanda se explicent incumbantque. Sic illæ particulae, quæ ad cor delineandum fuere hoc in casu aptæ, ubi duo alias effinxissent corda, uteri compressione vel fortasse matris imaginatione diversimode agitata, per earundem analogiâ invicem conjunctæ & colligatæ, unicum cor fabricarunt cerebrumque.

Ceterum dum in monstrum hoc incidimus, in memoriam nobis revocatur simile fere aliud, in Diario Eruditorum Parmensi A. 1690, no. 9. pag. 218 descriptum ac depictum, felis nempe bicorporeus monoceps, qui duo exhibet corpora infra umbilicum ex omni parte perfecta, supra umbilicum autem adeo connexa, ut in unum collum & caput, idque rostratum, quale avium est, desinant. Quod monstrum felinum cum humano hoc nostro conferri ab iis meretur, qui historiarum monstrorum studio ducuntur.

FRIDE-

ACTA ERUDITORUM  
FRIDERICI SPANHEMII F. DE PAPA FOE-  
minainter Leonem IV. & Benedictum III. Dis-  
quisitio Historica.

Lugduni Batav. apud Joh. Verbeffel, 1691, in 8.

Constat plagulis 35.

Quod post Leonis IV obitum, ante Benedictum III, seculo medio nono, Pontificiam sedem fraude occupavit foemina, sexum mentita virilem, postquam id tradiderunt Anastasius, Marianus Scotus, Sigebertus Gemblacensis, Radulphus Flaviacensis, Otho Frisingensis, Martinus Polonus &c. autores antiqui, a sequentium temporum scriptoribus ferme omnibus affirmatum fuit: traditumque praeterea, foeminam istam, *Agetem* antea dictam, Moguntio oriundam, sub *Johannu Anglici* nomine orbi illudentem, a familiari suo fuisse impraegnatam, & postea partus sui temporis ignaram, cum e Basilica Vaticana S. Petri in Lateranum tenderet, enixam fuisse; ob cujus facti detestacionem Pontifices hodiernum viam istam declinent. Primus in dubium vocavit Johannæ vel Agnetis hujus Pontificatum Jo. Aventinus, eumque secuti pontificiarum partium scriptores omnes, probe intelligentes, quantum auctoritati pontificiae ejusque sedis dignitati dedecus adspargeretur, si infame scortum ea aliquando gavissimum fuisse, omnibus purpuratis elusis, concederetur. Falsi igitur insinularunt hanc narrationem editis scriptis plurimi sedem pontificiam reverentes autores, quos recensent & eorum numero accedunt Baronius ac Leo Allatius; in fabulae etiam argumentum eam convertit e Reformatis David Blondellus vir doctissimus, libro breviori anno 1647 Gallice ipso nesciente edito, & prolixiori Latino post fata ejus A. 1657 per Steph. Curcellaeum evulgato (cui assensisse Dan. Chamierum, Sam. Bochartum & Petr. Molinæum, e Sarravii Epist. p. 227. intelligimus,) in quo efficacibus argumentis vulgarem opinionem impugnavit, fabulosum istud commentum ad destructionem auctoritatis pontificiae exiguum emolumentum afferre posse existimans. Cum vero minus probabile videatur, per tot secula tot viros doctos (quorum septem decadas ipse Blondellus protulit, centum autem triginta & quinque testimonia *ἐμὸς ἡ Πα* Egbertus Grimmerius in commentario de Johanna Papissa lingua Belgica A. 1636 edito enumeravit) adeo facili credulitate admissuros fuisse Papatum

patum hunc fœmineum, absque accuratiori in re tanti momenti veritatis investigatione; leves illæ in circumstantiis discrepantiæ aut parachronismi Blondello observati, eruditæ & in ecclesiastica antiquitate probe versatis viris persuadere non potuerunt, ut fidem detraherent rei, in qua narranda cæteroquin tot veteres scriptores convenerant. Ac proinde statutum fuisse Claudio Salmasio, objectiones Blondelli discutere, & quæ ad adstruendam rei hujus fidem facerent memoriæ mandare, ipse Curcellæus in præfat. indicat, & Bœclerus in Comm. de rebus sæculi IX, p. 119. in Suecia sibi ab ipso Salmasio narratum fuisse scribit. Sed quam interveniens proposito huic summi Viri mors vacuum reliquit provinciam, exornandam suscepit doctrina & vasta eruditione ipso non inferior Frid. Spanhemius celeberrimus in Belgio theologiarum & ecclesiasticarum rerum Doctor, remque arduam & magnis difficultatibus implicitam (uti controversiam hanc vocat in Epist. Saravii p. 227.) aggressus, utriusque partis momenta accurate libravit, & fidem ætatemque testium ac monumentorum exacte expendens, quorundam auctoritatem interdum infirmavit, easque confutavit, qui Johannæ pontificatum in fabulam convertentes expunxisse eam e catalogo Paparum, seu infandum nomen, & damnaſſe æterna oblivione putabantur. Etsi autem multos sibi esse intelligeret adversarios, quorum præcipuos & reliquis præstantiores in libri titulo nominat, Onuphrium, Allatium, Labbeum, Launoium, Mabillonum; præ omnibus tamen Blondellum, (utpote argumentorum vi inque ecclesiasticæ antiquitatis solida eruditione reliquis superiorem) summisſe videtur, cujus argumenta convelleret, & e chronologia Pontificum depromtas rationes destrueret. Vero non prorſus abſimile esse factum hoc, (quod multis tale viſum est) inde ostendit, quod sexum mentendi ratio haud æque difficilis fuerit apud Italos mento raso, quam alias gentes barbam eo tempore gestantes; idq; exemplis fœminarum, quæ religionis ac disciplinæ studio ita sexum occultarunt, ut pro viris habitæ, & ad dignitates maribus convenientes, sacras etiam, admotæ sint, probat p. 8. seq. 119. seq. Autores historiæ de fœmina hac, pontificiam sedem occupante, adversus negantes eam tuetur, & primo loco Marianum Scotum nec ex errore nec ex malicia comminisci talia potuisse, si non vera res fuisset, docet p. 18. seq. 46. 345. codices autem ejus corruptos & insertam ab alio hanc narrationem fuisse negat p. 22. seq. De Radulpho Flavia-

Flaviacensi, num is Mariano antiquior, & ejus de Papiſſa mentione diſſerit *p. 26. ſqq.* aſſeritque haud multis adeo poſt Papiſſam annis eum floruiſſe, ſub primordium ſeculi decimi, ſeſquiſeculo circiter ante Marianum, qui undecimo ſeculo medio inter monachos vixerit; quo tempore ſagaciſſimi ſeveriſſimique Pontifices, ſcriptores præterea Papatus acerrimi vindices extitere, non permiſſuri, ut putida fabella conſingeretur, infamiæ notam Romanæ ſedi inſtura, niſi multum ex vero traxiſſet, *p. 45.* Poſt Mariani & Radulphi ævum ſeculo duodecimo Johannam Pontificem proditam a Sigeberto Gemblacenſi; ſeculo tertio decimo a Martino Polono Pœnitentiario Nicolai III. indicat, nec per fraudem illata iis loca eſſe, quæ extare nollent Pontificii, late oſtendit *p. 52. ſqq.* Sed nec Martinum primum id tradiſſe (quod Mabilionius aſſerit) verum ante illum complures idem narraſſe declarat *p. 69. ſqq.* Teſtes autem rei hujus, qui Martini tempora ſecuti fuerunt, aſſert multos *p. 74. ſqq.* non tamen omnes, quos petendos ait ex his qui ex profeſſo id egere, citati *p. 81. 82.* Subdit ingenuam confeſſionem Jo. Launoii: *neminem, vel certe paucos dubitaſſe, quin femina Romanam ſedem occuparit.* Præter hiſtoricos de Papiſſa teſtari ait ſtatuam, Johannæ huic inter alia Pontificum ſimulacra Romæ & Senis publice erectam, monumenta item eam indicantia alia, *p. 91.* Quo loco etiam de ſella perforata, & more explorandi in ea ſexum novi electi Pontificis, multa diſſerit *a p. 101. ad p. 124.* & inde colligit, narrationem hanc de Papiſſa accenſeri non poſſe fabulis, quæ in favorem idololatriæ papalis perſuadendæ fuerunt plebi credulæ & ſuperſtitioſæ, quæve commodis inſervirent Cleri & monachorum, quarum multe in hiſtorias tranſierunt, plurium aſſenſu & fide comprobatæ, reſenſitæ *p. 135. ſqq.* cum diſſimillima ſint iſta exempla huic hiſtoriæ, cujus ab iis differentias quatuor *p. 138. 141. 146. 149.* annotat, & quod nihil ea contineat vero minus ſimile, quam portentosa & incredibilia iſta, quæ a monachis & Jeſuitis credi jubentur, obſervat *p. 152. ſqq.* Id præterea monet, alia omnia, mendaciſſima licet, quæ contigiſſe feruntur, in factò aliquo hiſtorico fundamentum habuiſſe quoddam, nec occaſiones ac origines conſingendorum eorum ignorari; (quales aſſert *p. 159. ſq.*) at Johannæ pontificatui comminiſcendo, & ſingendo in Apoſtolica ſede hujusmodi monſtro, nullam fuiſſe ſeu oblatam ſeu arreptam occaſionem; eam autem, quam pandere quidam ſtuduerunt, fri-  
volam

volam esse, nec falsis istis conjecturis labefactatam historiam hujus veritatem, immo effugiorum vanitate firmatam potius fuisse, *p. 165.* Cavillationes inde & absurdas conjecturas eorum, qui occasionem fabulæ tradere, sicque Papissæ veritatem inficiari studuerunt, examinat & configit, Aventini *p. 165,* Onuphrii *p. 169,* Baronii, Bellarmini & Mabilloni *p. 175,* Allatii *p. 195,* Sorberii *p. 201.* Palmaria porro tria argumenta negantium-historiæ hujus veritatem aggreditur & subruit: primum a silentio hostium Romanæ Ecclesiæ desumptum, examinat *p. 207.* ostendens, Judæos Johannam memorasse *p. 208.* nec Græcos omnes silentio eam prætermisisse *p. 209.* An Photius patriarcha, seculo nono, eam tacuerit, diligenter inquit *p. 216. sqq.* ejusque & cæterorum ipsi συγγράμματα, Metrophanis Smyrnæzi, Styliani Neocæsariensis, Nicetæ Davidis Paphlagonis, Georgii Cedreni, Johannis Scylitzæ, Jo. Zonaræ, Nicetæ Choniata, Georgii Acropolitæ, Nicephori Gregoræ, Michaelis item III. Imp. Constantinopolitani, silentium (in quo maximum causæ suæ præsidium collocat Allatius, ac de eo gloriatur, sibi-que ob profligatam fabulam alios gratulari gaudet, *p. 212.*) ita accipiendum docet, ut non absque suspitione violentæ suppressionis aut interpolationis castrationisque plurimorum Græcorum Scriptorum a Latinis facta, id contigisse existimetur. Plurima sane e Photii (quem eunuchum fuisse negat *p. 214. 215.* insigni autem animi moderatione ac prudentia polluisse, ostendit *p. 216. sqq.*) scriptis, quæ in Romanam sedem erroresque & innovationes Latinorum literis consignaverat, horum fraude interiisse, vel alio fato intercidisse, aut inaccessis loculis esse recondita, publicæ luci perpetuo invidenda, *p. 222. sqq. 248. 344.* demonstrat. Romæ etiam & in monachorum claustris passim scripta Patrum antiquorum inique haberi, & de iis prout rei ipsorum expedit statui, alia aboleri, alia per fraudem supponi, ac in MSSis tractandis nihil non permittere sibi Censores, Expurgatores, Præsides sacræ Inquisitionis, ab aliis abunde probatum affirmat. Nil igitur dubitandum, non modo e Latinorum multis Chronicis, verum etiam e Græcorum scriptis ab infidis his manibus erasam fuisse Johannam, & vel abolitos vel in tenebris sepultos esse Græcos ejus Pontificatus testes, familiari Expurgatoribus arte, Romæ pridem in hos fines constitutis, De Barlaamo monacho, cujus silentium causæ suæ multum conferre putat Allatius, disserit pluribus *p. 257. sqq.* & adversus eos, qui eundem

cum Barlaamo Calabro esse statuunt, disputat *p. 264. sqq.* Alterum argumentum ex silentio Anastasii Bibliothecarii, Leoni & Benedicto coævi, petitur, quod non modo de Papa fœmina, quæ Johannes appellata fuerit, is taceat, sed ea etiam referat a morte Leonis, quæ Johanni cuidam IIX locum prorsus faciant nullum, diluit *p. 270. sqq.* multa statuens a Launolo (qui solum hoc argumentum ad confingendam Johannam sufficere censuit) & cæteris supponi, quæ vel ambiguae fidei sint, vel aperte falsa, *p. 277.* Anastasiosque plures extitisse, a scriptoribus istis confusos, nec Vitarum Pontificiarum autorem eum videri qui sub Hadriano II & Johanne IX vixerit, *p. 279.* ostendit: quicquid etiã Anastasius Bibliothecarius scripserit, passum esse tot mutationes id quod hodie extat de Vitis Pontificũ opus, a Jesuitis Moguntinis A. 1602 editũ, ut non unum, sed sexcentos in eo laborasse, ex infinitis adjectionibus, detractionibus & variatione intelligat, qui Codices conferre velit, *p. 287.* Non ergo dubitandum, sicubi auctoritatem & honorem Pontificiæ sedis violatum animadverterint, id ab ipsis fuisse erasum: quippe cum in Codice Palatino inter Leonem IV. & Benedictum III. collocatam vitam Johannis fœminæ olim viderit Freherus, peculiari epistola id testatus; Salmasius quoque eandem in isthoc Codice, antequam is Romanam asportaretur, sibi conspectam narraverit Sarravio, Bœclero, Riveto & Autori, *p. 292. 294;* in Bibliothecæ Regiæ Parisinæ Codice Anastasiano etiam disertis eam verbis legi testatus sit Fabrottus, Sarravius & Blondellus, *p. 295;* Naudæus item codicem ejusmodi habuerit, *p. 299;* neque vero sit simile, (quod tamen arbitrantur isti) a monachis librariis, pontificio dominatui & honori addictissimis, sub præfectorum oculis interpolatum fuisse librum Bibliothecarii Romanæ Ecclesiæ, remque tantæ invidiæ & tam ignominiosam isti intrusam, *p. 297;* credibile potius sit, ipsum Anastasium e vitis reliquorum Pontificum infamem Johannam omisisse, cum solenne ipsi fuerit, premere ea quæ Romæ invisa essent & causæ Paparum adversarentur, in eorum vero gratiam a vero aliena asserere religioni sibi haud duxerit, quod pluribus ex eo desumptis testimoniis probat *p. 300. sqq.* vultum ejus etiam & abjectæ servitutis ingenium in causa Photiana eluxisse *p. 321.* ostendit. Quæ autem ratio suspitionis in corruptis & depravatis Anastasii codicibus, eandem quoque obtinere in Gulielmo Biblioth. Arnalibus Bertinianis, Adone, Hermanno Contracto, Contracto Urspergense, & Monacho-



nachorum monumentis aliis, quorum autores vel ex studio in Pontificiam sedem silperint, vel silere iussi sint, expuncta & ejecta ex iis, Expurgatorum artibus, Johanna *p. 323. 344.* observat; nec e silentio scriptorum, qui Mariani Scoti tempora præcesserunt, recte inferri historiæ de Johanna vanitatem, demonstrat *p. 345. 522.* Motam a Sirmundo ex Hincmari epistola difficultatem, qua venisse ad se de obitu Leonis Papæ nuncium memorat, cum Missi a se in itinere essent, qui cum Romam pervenissent, Benedictum Papam electum invenerint, *p. 362. 599.* ita diluit, ut hiulcam esse eam epistolam doceat, & studio quædam resecta, ut Benedictus Leoni immediate suffectus cæderetur; immo locum esse suspicioni, quod ad Johannam, non Benedictum spectarit ea epistola, quam ab Hincmaro missi Romam ferebant, & pro ea nomen Benedicti suppositum fuerit, *p. 370. adde p. 458.* Benedicti III. diploma in favorem monachorum Corbeienfium scriptum, quod præcipue Labbeus urget, variare in omnibus editis, & confictam esse epocham Johannæ expungendæ; nec inusitatum falsariis istis, clausulas pro lubitu privilegiis bullisque papalibus adscribere, in favorem suorum vel ordinum vel cœnobiorum, alias item refingere & interpolare, *p. 381. & 599.* probat. Tertium argumentum, quo ex ratione temporum & chronologico calculo annorum, mensium, dierum, quibus singuli ante & post Johannam Pontifices sederint, collatis Lotharii & filiorum annis, Onuphrius, Allatius, Blondellus, Launoïus, & Labbeus, falsi arguere conantur Marianum Scotum, Martinum Polonium, & cæteros qui biennium & amplius Johanni IIX fœminæ attribuunt post excessum Leonis IV, ante electionem Benedicti III, refellit *p. 407. 599.* & chronologiam papalem incertam, fallacem, ac lubricam esse, tum ex ipsis pontificiis scriptoribus *p. 414.* tum duabus tabellis demonstrat, quarum prima *p. 421. 599.* insignes discrepantias exhibet chronologiæ pontificiæ, inde usque a Petro ductæ, multum variantis non solum in numero & serie Paparum, sed & in ætate eorum seu tempore per quod sederint denotando, quod exemplis priorum sex post Petrum Episcoporum Romanorum *p. 426. 599.* manifestum reddit, nec aliud quidquam in re chronologica magis perplexum existimat, & nutans, & instabile, ac perpetuo secum conspectu præbens jucundius attendentibus spectaculum, quam sit illa chronologiæ papalis digestio; seu initium Pontificatus singulorum attendatur, seu duratio

sedis, seu vacatio ejusdem, vel interpontificium, seu combinatio cum annis Æræ Christianæ, aut Consulium, aut Imperatorum, aut cum Indictionibus, & qui alii sunt characteres in collatione temporum *p. 434*. Altera tabella Paparum, præcipue noni seculi, & temporis illis attributi, seriem ac rationem discordibus plane calculis atque sententiis constare ostendit, unde manifestum redditur, quæ demonstrationis chronologicæ evidentia negetur, post mortem Leonis locum fuisse Johanni sive VII. sive VIII.; affirmetur vero Benedictum III. paucis post diebus, certe eodem mense Julio, electum fuisse, postquam obierat Leo, *p. 436*. Igitur Hadriani I, Stephani V, Eugenii II, Valentini, Gregorii IV, Sergii II, & Leonis IV tempora & initia ac fines pontificatum examinantur, & ut scriptores in iis definiendis discordent exponitur; quam adversis item inter se frontibus iidem committantur, aut sententiis distrahantur, circa tempus interpontificii Leonis IV, & ut plerique properent in Benedicto surrogando Leoni, ridicule etiam Anastasium in partes vocent, (cujus vetustissimi codices tamen vitam Benedicti non recenseant, sed in Leone IV desinant, ut *p. 382. 300. 460*. e Cod. Thuanco fuit ostensum) id unice agentes, ne inter Leonis excessum & Benedicti consecrationem ullum omnino Johannæ tempus, ne mensem quidem aut diem, relinquant, fuisse traditur. Dissensum eorum, qui Papissam admittunt, aliis ad ænum 854, aliis ad 855 exordium ejus sedis referentibus, in mensibus etiam & diebus variantibus, in argumentum ficti pontificatus verti posse, negatur *p. 467. 84*. nisi pariter inde a Petro usque omnes Papæ expungendi sint, quorum exacta temporum notitia admodum incerta. Papale autem bellum istud, ut in Pontificibus determinandis qui Johannam præcesserunt, & interpontificiis designandis, præsertim isto a morte Leonis IV; ita quoque in adsignandis annis & definienda sede Benedicti III, Nicolai I, Hadriani II, manifestum redditur *p. 468. 99*. Gesta sub Johannæ pontificatu quod attinet, quorum notitia nos destituit indeque eam non extitisse contendunt, cum Leonis & Benedicti actis confusa fuisse putat *p. 481*. ac falso quidem adscripta quædā Johannæ, quæ referenda erant ad Leonem antecessorem, v. g. conventus Ticinensis, iter Romanum Æthelwulphi Anglo-Saxonum regis cum filio Ælfredo *p. 483. 99*. ad Benedictum vero relata, quæ spectant tempora Johannæ, ad obscurandam eam & infamiam sedis pontificiæ abstergendam, *p. 488*, docet. Ex his pruden-

prudenti & præjudiciis vacuo Lectori constare posse, falsos Onuphrii, Allatii, Blondelli & Labbei calculos, vanosque *πυρρομασιγών* triumphos esse concludit.

*HISTOIRE DES PERRUQUES, OU L' ON  
fait voir leur origine, leur usage, leur forme, l'abus  
& l'irregularité de celles des Ecclesiastiques, par M.*

*Jean Baptiste Thiers, Docteur en Theologie,  
Curé de Champrond,*

hoc est,

Historia comarum adscititarum, in qua de ipsarum  
origine, usu, forma, abusuque & indecentia illarum, qui-  
bus Ecclesiastici utuntur, agitur, auctore Joanne Bapti-  
sta Thiers, Doctore Theologo & Parocho  
Campi-rotundi in Pertico.

Parisiis, sumptibus Auctoris, 1690. in 12. Constat Alphabeto.

Cum observasset, ut in Præfatione operis ipse fatetur, Auctor, Ec-  
clesiasticorum comas adscititias gestantium tantum his tempori-  
bus invaluisse numerum, ut persuasissimi videri possint, ornamentum  
hocce nequaquam Ordini suo interdictum esse, nec aliquid habere in  
se, quod vitæ genus, cui addicti sunt, quodque profitentur, minus  
addeceat; ad istum errorem ex animis ipsorum eximendum opus  
istud aggressus est. Quapropter in Clericorum tantummodo  
gratiam hunc se ait invulgare laborem; quamvis ut ad seculi genium  
se propius accommodaret, titulum paulo generaliorem libro præfi-  
xerit.

Ab initio igitur in capillorum adscititorum ætatem inquit, cap. I.  
quam antiquissimam sane, eosque fœminis æque ac viris usitatos fuisse  
contendit; quamvis *Rangoni* assentiri nolit, fœminas prius iisdem  
assuevisse existimanti, quas pravo demum exemplo imitati fuerint viri.  
Cæterum primos omnium *Japyges*, Apuliæ nunc populos fuisse, qui  
asserant apud Athenarum *Clearcho*, omnis generis luxu diffuentes,  
*primi faciem attriverint, capisque galericulum & siliitiam comam ad-*

*aptaverint.* Non minus apud *Judeos* comas hujusmodi in usu fuisse, ex *Eccl. III, 17.* ut verba tamen a Theologis *Lovanicensibus* Gallice reddita sunt, colligere satagit. Sed aptioribus rationibus *Persas, Medos, Lycios* iisdem usos esse deducit, & *Romanos* maxime pelles quoque sibi paravisse docet appositis crinibus humanis, sic ut aptatæ capiti, cutis vera, non coma adscititia viderentur; comas vero ipsas vel captivorum capitibus succisas, vel aliunde coemptas fuisse, quam in rem diversa ex *Ovidio, Propertio, Petronio, Juvenale, Martiale* aliisque *Auctoribus* prisca loca affert in medium, eumque usum diu constituisse, & usque ad nostra secula derivatum esse, ex *Patribus* scriptoribusque nonnullis aliis confirmat sed nunquā magis obtinuisse, quam nostro hoc tempore innuit. Ecclesiasticis tamen in Gallia morem hunc non nisi inde ab anno sexagesimo nostri seculi attrisisse memorat, cum ejus rei auspiciū fecisset *Abbas de la Riviere* postea Episcopus *Lingonensis*, quem proinde *Patriarcham* illos inter *Ecclesiasticos, qui comas adscititias gerunt*, nominare par sit; ejus enim exemplum, ut elegantiori hujus ætatis mori & ipsi reverenter obsecundarent, *Abbat*es alios, & hos iterum permagnam Clericorum omnium ordinum turbam esse æmulatam. Sed quod nullo modo habitu isto uti liceat Sacerdotibus & Clericis, nunc argumentis pluribus se demonstraturum confidit Auctor, quorum istud veluti primarium primo loco producit, quod *Paulus* ipse *i. Cor. XI, 4.* comas istas gravissime prohibuerit, cum homines *nudo & aperto capite præces fundere jubeat*; *Chrysostomum* vero ait ulterius adhuc procedere, cum alio modo & habitu orare maximum peccatum, idque *καὶ εὐρό* pronuntiet: hinc & Christianos primos nunquam aliter precatos; *Concilium* etiam *Romanum* anno 743 Episcopis, Presbyteris & Diaconis *velato capite altario Dei assistere* sub pœna excommunicationis prohibuisse; & unum ex *Armeniorum* esse erroribus, quod Sacra celebrantes capitibus tegmina non modo non detrahant, sed etiam *cucullam tegmini imponant.* Quod vero *Revisius* Lugduni in Batavis Theologiæ Professor, edito anno 1647 de *libertate Christiana circa usum Capillitii defensa* libro, Pauli mandatum ad solos Corinthios pertinere evincere voluerit, id absque ratione facere, cum multi Papæ & Patres hic omnium locorum & temporum præceptum a Paulo dari agnoverint. Ubi tamen *objectioni* occurrit, quod ex usu ecclesiæ Concionatores hodie capite tecto verba ex suggestu faciant, cum tamen *propheta*

*phetare æque ac orare* Paulus in allegato loco Christianis interdixerit :  
 At enim, juxta S. Thomæ explicationem illum qui prædicat vel evangelium docet, ex propria persona loqui ; illum vero, qui Sacram Scripturam in ecclesia recitat, puta legendo *lectionem* vel *epistolam* vel *evangelium*, veluti *Diaconi*, *Subdiaconi* & *Lectores* solent, ex persona totius ecclesiæ loqui, & hanc *Prophetiam* ab Apostolo intelligi. Licet vero Ecclesia in hac traditione & regula a Paulo præscripta sibi aliquid indulserit, virisque ecclesiasticis variorum generum integumenta, quæ longa serie recenset, eorumque, *Biretorum* nempe, *mitrarum*, *almutiarum*, *capisiorum*, *cucullorum*, *aliorumq;* originem & usum prolixè & studiose cap. IV. persequitur, permiserit ; mentem tamen ipsi semper mansisse, ut aperto capite, quemadmodum adhuc laici, precibus operam darent, eaque in re multorum Sanctorum, nec non Bellarmini præfulgere exempla ; ipsa vero illa capitis, quæ recensuimus tegumenta, comas illas adscititias condemnare. Repugnare easdem antiquæ ecclesiæ traditioni, quæ nudo capite & stando attendere evangelio jubeat ; cui & Papa ipse, & Sacerdotes, & Diaconi, & Subdiaconi sese submittant, & de qua præter *Ordinem Romanum circa Missam Pontificalem* a Mabillonio publicatum, sat multi iique insignes Auctores rerum ecclesiasticarum testimonium perhibeant. Nec credibile esse, quod olim seu scamna seu cubitalia in templis extiterint, sed tantum baculos afferri consuevisse, quibus, si opus esset, aliquis potuisset inniti ; id quod adhuc apud Maronitas in Monte Libano moris sit, utpote qui in ligneis fulcris, patibuli formam habentibus, inter audiendum orandumve prono corpore recumbere soleant. Accedere, quod & Scriptura Sacra, & Concilia, atque Ecclesiæ Patres, *capillos in cincinnos contortos & crispatos* in omnibus utriusque sexus Christianis ; Sanctus vero Hieronymus cum aliquibus Conciliis speciatim in ecclesiasticis *condemnet*, idque fulmen necessaria consequentia etiam in comas adulterinas evibretur. Quemadmodum etiam crines, barbæ & supercilia *colore indulta* materiam sæpe cavillationum & contemptus causam suppeditaverint paganis, itidem a Patribus inde & conciliis condemnata ; quam in rem imprimis Tertulliani atq; Cypriani diversæ afferuntur rationes : ita easdem ad mutationes capillos applicari rectissime posse contendit. In primis autem illas, quibus iidem Patres alienos & aliunde assumptos *crines* reprobaverint, Culpam vero dicit fieri longe majorem, quod in *novem capitibus Canonibus*

V.

VI.


VII.

VIII.

IX.

- monibus ecclesia*, quantum ad coronam & tonsuram clericalem attinet, advenſentur, quibus tamen quam arctiſſime Clerici adſtringantur. Qua occasione inquiritur, quo tempore, ut tondeatur & coronam gerat, obſtringere cœperit Clerum ecclesia. Capillamenta porro *aliâ inducere faciem*, Autor monet, quales diſſimulationes a ſinceritate Chriſtiana alienæ ſint. *Multum etiam inſumendum temporis*, & nimiam adhibendam curam, ſi iisdem uti aliquis velit paulo comtioribus, quod ſtudium tamen & ethnici ipſi improbaverint, & eccleſiæ Patres in univerſum in Chriſtianis reprehenderint, ut nec S. *Tiburtius* admittere teſtem voluerit, quem nimiam operam in fovendis capillis collocare noverat. Nec obſtare, quod Sacerdotibus undecim conditionibus liceat Miſſam recitare galericulo capiti impoſito (*la calotte en tête*;) quippe nullam ex iisdem, quod uberius per undecim capita demonſtrat, Clericis capillamentorum ſtudioſis revera favere poſſe. Cumque *Eccleſiaſtici in tota vitâ irreprehenſibiles* eſſe debeant, eo ornamento indutos nec veſtium luxum, nec capillorum globulos & cincinnos increpare jure poſſe.
- XIV. Primum & *eſſentiale Clericatus ſignum* & fuiſſe ſemper & adhuc hodie eſſe, *tondere capillos*, quod tamen ipſi hac ratione indecore abdicare videantur. Ornamenta, quibus utuntur homines, tribus ſtipata eſſe debere conditionibus, ſi modetiæ laudem habere velint, ut ſint decetia, non ſuperflua, nec nimis exquiſita, quarum nulla competat in comas adſcitiſias. Has præterea *transcendere limites tonſuræ clericali* a Conciliis *preſcriptos*, & ad nimis promiſſos capillos referendas eſſe, qui & Laicis vetiti ſint. *Adverſus eſſe obligationi*, quam contraxerint per tonſuram, *Offenſiones* multas *præbere*, ut ex pluribus rationibus pateat; ubi & non unas actiones, quæ capillatis Clericis intentatæ ſint, Auctor recenſet. Eapropter rectiſſime omnia genera capillamentorum, quorum novem nominat, a diverſis *Synodis* hucusque *improbata* & ſevere prohibita eſſe. In Regularibus vero, monſtroſam plane & ſcandaloſam deformitatem eſſe, quippe qui duplici nomine Canonibus obligentur, partim nempe quatenus ſunt Clerici, partim quatenus Regulares ſunt. Denique octo *objectiones*, quæ ad Clericos culpa liberandos vulgo afferuntur, *diſſolvit*; & *media* proponit, quibus imprimis in Galia Eccleſiaſtici in ornamento & habitu iſto gerendo impediri poſſint.

*Prodit una cum Auguſto hoc Actorum menſe Sæctio octava Supplementorum.*



N. IX.  
ACTA  
ERUDITORUM

461

*publicata Lipsiæ*

*Calendis Septembris, Anno M DC XCI.*

JOANNIS CIAMPINI, ROMANI, MAGISTRI  
*Brevium Gratia ac in utraque Signatura Referen-*  
*darii, de incombustibili Lino, sive lapide Amiantoejus-*  
*que filandi modo, Epistolaris Dissertatio.*

Romæ, typis Rev. Cameræ Apostolicæ, 1691, in 4. Plag. 3.

**R**ecordabitur forsitan adhuc benevolus Lector eorum, quæ a Roberto Plot L.L. D. circa speciem quandam panni incombustibilis, e China advecti, annotata ex Transactionibus Philosophicis Anglicanis per compendium retulimus in *Actis M. Aug. 1686. pag. 400.* Cumque ibidem ingeniosus ille Vir texti illius materiam quidem haud obscure Amiantum esse conjiciat; attamen ambigat, quomodo linum hocce fossile ob filamentorum breviteriam neri commode atq; texti valeat: non ingratum fore curiosis existimavimus, si compendia circa hoc negotium a clarissimo Ciampino suggesta indicaremus. Tametsi enim facile prævideamus, non defore, qui propositum hic modum elaborandi tale linum, multum adhuc imperfecti-  
onis habere dicturi sint: forte tamen ansa sic aliis dari poterit, in comminiscenda hujusmodi texturæ via commodiori ingenium exercendi. Ut ergo de brevi hac & epistolari dissertatione brevibus etiam dicamus, perscripta ea est ad R. P. *Fr. Bernardum Josephum a Jesu Maria*, Commissarium, Procuratoremq; Generalem totius Franciscanæ familiæ, Terræ Sanctæ in Curia Romana: cui nempe circa linum hoc incombustibile nonnulla sciscitatio, in redhostimentum beneficiorum olim in se collatorum, Ciampinus & frustulum lapidis, & linum ac chartam ex eodem confecta transmittere, simulque quicquid in Academia Physico-Mathematica (quæ nempe in ejus domo jam a multis habetur annis) ea

Ecc

de re

de re dissertum fuit, una cum modo filandi tale linum, per amicurn quendam sibi communicato, aperire voluit. Praefatur vero multa de nominibus & historia hujusce lapidis, quæ cum ex Plinio, Agricola, Pancirolo aliisque, a nostro etiam citatis, jamjam nota esse possint, non est cur iis detineamur. Varias quoque ejus species indicat, colore, bonitate, aliisque notis multum inter se discrepantes: sic perhibet alium Amiantum in Corsica obvium, longum esse, cujus nonnulla frustula, quæ ligneam formam habeant, ad dimidii palmi longitudinem & ultra se protendant, coloris subalbidi ad rufum tendentis; alium plumbei coloris ad argenteum appropinquantis molliorem breviorisque, cum tres palmi uncias minime excedat, erui ad Sextum Liguria, vulgo *Sestri di Ponente*; alium in Cypro reperiri solitum, omnium infimum bonitate, veluti e squammis mutuo sibi in incumbentibus ad cepæ formam compositum esse, terrei coloris in nigredinem vergentis, intermixtis quandoque albis superficiebus sive lineamentis, nonnullis vero nigris, aliis subrufis sive terreis, in longitudine autem vix ad duo minuta uncie palmi Romani pertingere; alium rursus e Pyrenæis montibus effossum reliquis speciebus omnibus longiorem esse & palmum Romanum æquare, filamenta vero crassiora & asperiora habere; alium denique adhuc diversum in Volaterranis montibus reperiri ait. Cumque præterea multi sint qui Amiantum cum Alumine scissili confundant, noster ex Dioscoride quidem notat lapidem hunc, in Cypro maxime natum, alumini isti persimilem esse, utriusque tamen differentiam simul ex *Agricola L. 5. de natur. fossil.* producit: scilicet sapore eum differre ab alumine scissili: hoc enim adstringere, amiantum autem parum modo pungere linguam, minime vero adstringere. Falsitatis porro arguit conjecturam eorum, qui perennes antiquorum lucernas ex oleo, hoc e lapide extracto, ellychnioque ex eodem parato constituisse autument: propria scilicet experientia edoctus testatur, cucurbitulam vitream Amianto repletam ignique commissam nil quidquam olei, ut quidem speraverat, sed non nisi paucas aquei humoris guttulas ardere nescias fuisse. Sed nec ellychnio parando materiam hanc aptam esse arbitratur; eo quod particula lapidem hunc componentes ita arida & minutissima sint, ut nullos poros inter se contineant ad assurgendum attrahendumque oleum. Venit tandem ad premissum in dissertationis rubrica filandi modum; quem jam ipsissimis Autoris nostri verbis retentis dabimus expositum.

Ante-





TAB. X. ad A. 1691. pag. 403.



Antequam, inquit, lapis iste neatur, sequenti forma præparandus est. Accipitur & infunditur in aquam lapid, quæ si calida sit, citius operatur; ibique per aliquod temporis spacium, quod ad arbitrium est, in infusione relinquitur. Deinde manibus contrectatur, perstringitur & dilatatur, ut ex illo quædam tenuissima exeat terra, quæ ad similitudinem albæ est calcis, quæque lapidis filamenta inter se conjuncta detinebat. Ex hac terra aqua densa fit & lactescens, quæ projicitur, & nova superinfunditur, & iterum manibus dilatatur, postea obstringitur & premitur, ut ex hisce iteratis operationibus ab omni purgetur calce: & hæc operatio fiet quinquies, sexies & pluries, quia magis linum heterogeneis partibus purgatur. Successive tota massa e vase eruitur, & ipsum purgatur vas, quia in fundo multæ heterogeneitates remanent. Experientia plura docebit. Lapidis filamenta, quæ linum appellari possunt, expansa ponuntur super aliquod canistrum, sive aliud simile, ut facile aqua percolari & facilius ipsum linum exsiccare possit. Dixi de modo lapidem reducendi in linum: nunc qua forma illud neatur, exponam.

Primo loco referam ostensum mihi modum, qui talis est: Pectines duo minutissimis ac tenuissimis dentibus sumantur, ut in *Fig. 1. & 2.* ad instar illorum, quibus carminatur lana ad conficiendos pileos, sive pannos texendos. His levisime carminetur linum: deinde inter amborum pectinum extremitates ipsum linum claudatur, ita ut foris præminear, ipsique pectines coli vicem præstent: superponantur deinde ipsi pectines alicui mensæ sive scamno, ibique firmentur, ut *Figura 3;* sumatur postea parvus tenuisque fusus, ut *Fig. 4.* qui superius uncinunculum habeat, ut *Fig. 5.* & inferius verticulum, ut *Fig. 6.* ut facile circumvolvî possit; fusus subtili filo induatur; deinde urceolum cum oleo oportet habere, ut *Fig. 7.* cum quo digitorum indicis & pollicis interiores extremitates loco salivæ illiniantur; ad hoc ut primo loco cutis conservetur, quia Asbestinum linum corrosivum est & excoriat: secundo quia oleum ipsum linum mollius reddit, & ob id commodius neatur, quia facilius cum lino conjungitur. Accipitur ergo ipsum filum & unitur cum lino vivo existente in pectinibus, & circumvolvendo ipsum filum cum eodem lino conjungitur: quod non sine maxima patientia ac tædio peragitur. Quando igitur satis fili præfato lino vestitum fuerit, poterunt ex eodem formari sive texamenta, Italice *fistucci*, sive *nasfri*;

Ecce 2

poterit

TAB. X.

poterit etiam tela confici; sed periculum de hac minime feci. Quando hæc confecta fuerint, oleo liniuntur & projiciuntur in ignem, quæ statim accenduntur. Ignis devorat filum, & purum remanetamentum sive tela.

Secundo loco dicam, quid in hoc nendo lino experientia, quæ rerum omnium magistra est, me docuerit; nam vidi, quod linum Asbestinum difficile filo unitur, & eo difficilius, quo ipsi linum est brevius; unde loco fili linum commune sumsi, quod appositum colo, ut moris est, desumptis tribus vel quatuor filamentis lini vivi, quæ intermixta & inserta in filamentis lini communis in hisce implicantur & circumvolvendo facilius uniuntur & connectuntur, unde filum ex hisce proveniens firmius & durius ad texendum evadit. Quare pectinibus uti, non est opus, quia potius dilacerant & abbreviant Amianti fila, quam ullam præstant utilitatem, ac sufficit ponere Asbestinum linum in aliquo canistro sive mensa, illudque in parva dividere filamenta, ad placitum, lino communi inferenda. Et hæc de modo nendi nunc ad formandam chartam me confero.

Quando iste abluitur Amiantus & a calce expurgatur, in vasis fundo quædam Amianti partes remanent, quæ omnibus aliis breviores sunt, quæque ab aliis separantur, cum ob illarum brevitatem ad nendum minime sint aptæ: ex hisce igitur partibus consueto modo charta formatur.

Nunc superest, ut aliquid breviter exponam, quomodo Amiantus ille sic filatus ac textus diu conservetur: nam propter maximam ejus ariditatem manibus eum contrectando in tenuissimas abire partes, ut supra enarravi. Quare melius ut conservetur tela, sive quodcunque aliud opus ex Amianto confectum, oleo illiniendum est: nam oleum lapidis conservationi mirum in modum prodest. Ex hac igitur illinitione non solum ipsius lapidis deducitur perennitas, verum etiam quodammodo lapidis incombuistibilitas demonstratur; nam facilius ipse accenditur lapis flammaque attollitur, duratque donec totum oleum absumatur; unde tela illa, quæ ante accensionem olei inquinata conspurcataque apparebat, post combustionem candida & nitida evadit, quæ postea singulis vicibus ad conservationem, ut dixi, illinienda est, sicque in scrinio servanda.

Hactenus illustris Auctor noster: cujus quidem consilium, de lino com-

MENSIS SEPTEMBRIS A. M DC XCI. 405

communi filamentis Asbesti commiscendo pro obtinendis filis tenacioribus, a supra laudato *Roberto Plot* jamjam, loco antea dicto, suggestum meminimus. Num vero tela ex talibus filis parata post exustum admixti lini fulcimentum, eam retentura sit firmitatem, ut usibus, quæ olim linteum incombustibile adhibitum fuisse constat, inservire valeat, alii viderint.

*LA FILOSOFIA OVERO IL PERCHE DEGLI  
Scacchi. i. e.*

Philosophia sive τὸ διότι Ludi Scachorum; auctore  
M. Aur. Severino.

Neapoli, impensis Ant. Bulifonii, 1690. in 4. Plag. 16.

*DELL' ANTICA PETTIA.*

id est,

De περτεία antiqua; auctore eodem.

Neapoli, imp. Ant. Bulifon, 1690, in 4. Plag. 9.

**M.** *Aurelius Severinus*, Cratigena Tharsiensis, in regio Gymnasio Neapolitano Anatomæ & Chirurgiæ Professor, natus est A. 1580, mortuus A. 1656, non minus ob variam eruditionem, quam ob studium multa scribendi valde celebris. Egit de eo ejusque operibus fuisse satis vir Clarissimus *Leonhardus Nicodemus* in Additionibus ad *Nicolai Toppii* Bibliothecam Neapolitanam, p. 167, 168, 169. MSCtorum ejus volumina *quinquaginta* nactus *Bulifonius*, edere ex parte cœpit, cætera imposterum additurus. Ad numerum fœtum Severinianorum obstupesceremus, nisi auctor vitæ Severini, a Nicodemo citatus, de iis judicium in hæc verbatulisset: *Gloria nimis cupidus non tam a bonitate, quam a numero voluminum famam quarere visus est. Hinc multos commentarios magis inchoavit, quam perfecit, sive magis demonstravit, quomodo illi componendi essent, quam composuit.*

Ex his etiam est *Philosophia Ludi Scachorum*, nuper admodum illustri *Magliabechii* beneficio ad nos delata. Quale argumentum pertractare jam olim aggressus est, decimo tertio orbis redempti sæculo, *Jacobus Thessalonicensis*. Extat opus hujus MSC. in Bibliotheca

Ecc 3

Acade-

Academix nostræ Paulina, descriptum a *Joanne Laurentio Sacerdote Utenhusano* A. D. 1354. Initium ejus hunc in modum sese habet:

*Ego frater Jacobus de Thessalonis multorum fratrum ordinis nostri & diversorum secularium precibus persuasus, dudum munus requisitum negavi, ut transcriberem solatii ludum, scachorum videlicet, regiminis, morum ac belli humani generis documentum. Sane cum illum ad populum declamatorie prædicassém, multiq; nobilibus placuisse materia, honori eorum ac dignitati curavi ascribere, monens eos, ut formas ipsorum menti imprimant, ut sic bellum & ludi virtutem cordetenu possint facilius obtinere. Hunc ergo libellum de moribus hominum & officiis nobilium, si placet, intitulari decrevi; &c. Locum eo lubentius exscripsimus, ut pateat, quanto major nostri temporis sit sollicitas, quo concionibus ad populum Christianum non ludus aliquis, sed pericopa S. Bibliorum subministrat. Codex hic memoratur a desideratissimo Felleri nostro in catalogo p. 84. Ex apographis, quæ idem recenset p. 88. & 190. prius auctoris nomen omittit, nec quo anno exaratum sit, constat; alterum auctorem nominat Jacobum de Thessolis, & descriptum est A. 1419. Caterum an hic Jacobus Latine impressus sit, non liquet. Serenissimus autem GUSTAVUS SELENUS lib. I. Germanice conscripto de ludo Schachorum, c. 2. auctor est, Fratrem Jacobum de Casallis, alias Casolis, vel Thessolis, ordinis Prædicatorum, antiquissimum forte esse omnium, quorum de hoc ludo commentarii supersint. Proximeque ab eo abesse ait *Cunradum ab Ammenhusen* sacrificulum Steinensem, der Statt zum Stein Münch und Lüttpræstet / qui A. C. 1337. Jacobum illum rhythmis Germanicis expresserit. Pervetustam vero versionem profaicam Germanicam *Anonymorum* cura exaratam parum abest, quin integram inferuerit Dux Celsissimus supra laudatus, quem AUGUSTUM Brunsvicensem fuisse, nemo ignorat, libro suo primo c. V. VI. VII. VIII. IX. X.*

Simili fere ratione *Severinus* noster (æque ac ei plane ignotus *Jacobus*,) præcepta multa ethica, politica, æconomica, præcipue vero bellica ludo scachorum recondi statuit, ac demonstrare satagit. Verendum tamen est, ne pro mero ingenii lusu habeantur isthæc omnia ab illis, qui aleam belli a lusoria infinites distare ac differre putarint.

Hæc de primo opusculo. Alterum Eruditis magis placebit. Eo quippe solide demonstratur, nec *Wetteiav*, quam Palamedes invenis-

se fertur, nec *latrunculum ludam* apud Latinos frequentatum idem esse ludi genus cum *Sebachico* moderno; qua ratione non paucis veterum Græcorum Latinorumque Autorum locis haud temnenda lux affunditur.

*POLITICAL ARITHMETICK, BY VVIL-  
liam Petty, late Fellow of de R. S.*

five

Arithmetica Politica, autore VVilhelmo Petty, Socie-  
tatis Regiæ quondam Sodali.

Londini, apud Rob. Clavel & Henr. Mortlock, 1691, in 8.

Constat plagul. 9.

**N**ON ignotum est, qualem ingeniosus hic Autor modum commen-  
tus sit, res ad regimen politicum statumve publicum spectantes  
nova quodammodo ratione dijudicandis, easdem nimirum revocandò  
ad vulgares Arithmeticæ regulas, atque sic, argumentis potissimum in  
externos sensus incurrentibus adhibitis, ipsas ad quandam Demonstrati-  
onis speciem reducendo. Etenim specimen hujus rei jamjam ab eo  
editum extat in comparatione illa Londinensis atque Parisiensis civita-  
tis per ipsum instituta, cujus relationem dedimus in *Actis M. Octob.  
anni 1687. p. 545.* ubi nempe Londino amplitudinis prærogativam præ  
Lutetia asserere sætegerat. In præsentī nunc Tractatu, dudum quidem  
jam exarato, sed post ejus mortem demum a Filio *Shelbornio* in lucem  
emisso, latiore discurrendi campum sibi sumpsit, judiciose plurima  
differens de ineunda æstimatione Territoriorum, Populorum, Com-  
merciorum, Rediarum, Rei Nauticæ, Militiæ, Tributorum & simili-  
um, cum generatim, tum in specie habito respectu ad Regnum Bri-  
tanniæ, ditionesque vicinas Franciæ & Belgii. Scopus Autoris, ut ipse  
profiteatur, potissimum fuit, querulas plurimorum e suis civibus, An-  
gliæ hodiernam faciem multum ab antiqua discrepare, potentiamque &  
opes haud parum deerevissē, causantium voces reprimere, & ostende-  
re, statum hujus Regni & nunc sat floridum esse, & facili opera ad ma-  
jus amplitudinis & opulentæ fastigium evehi posse. *Decem* vero im-  
primis *conclusionibus* totum hunc suum discursum complexus est,

totidem

toridem capita facientibus: quorum singulis quid pertractetur, in eorum, qui Anglicæ linguæ periti non sunt, gratiam paulo uberius nunc exponemus. Et quidem *Capitis I.* argumentum est: fieri posse, ut ditio aliqua exilior ac gens non ita numerosa, beneficio situs, commerciorum & politiæ, æquivalet potentia & opibus alii cuidam territorio populoque multo ampliori: speciatim vero naviculariæ opportunitatem plurimum ad hoc conferre. Pro adstruenda hac propositione, Auctori præ aliis adhibere placuit vicinia exempla Franciæ, nec non Hollandiæ ac Zelandiæ inter se collata. Scilicet tametsi constet ex auctoribus non vanis, Franciam quoad incolarum quidem numerum habere se ad Hollandiam & Zelandiam circiter ut 13 ad 1, quoad agrorum vero fundorumque amplitudinem fere ut 80 ad 1: tamen neutram harum proportionum æstimandis in viribus opibusque harum Rerum publicarum offendit obtinere: quin potius earum intuitu vix triplicem, aut certe non multo majorem esse evincit; imo quibusdam in capitibus Belgium Gallia longe superius esse: v. g. In accumulandis divitiis, cum res ipsa doceat, facultates Hollandorum inde a 100 annis prope in decuplum increvisse, Gallorum vix in duplum: item in re nautica: hanc nempe per omnes Europæ nationes computatam ascendere circiter autumat ad 2000000 Tonnas, quas vocant: de his vero Anglicæ nationi tribuit 500000, Belgis 900000, Gallis 100000, Hamburgensibus, Danis, Suecis, Dantiscanis 250000, Hispanis, Portugallicisque 250000: ut adeo hoc nomine Gallorum apparatus navalis ad Belgicum se habeat modo, ut 1 ad 9: sicut & valorem mercium e Regno Galliæ exportari solitarum non nisi talem habere proportionem statuit ad eas, quas Hollandia quaquaversum mittat, qualem 5 ad 21. Recensitas autem hæcenus aliasque prærogativas situi suarum terrarum Belgas magna ex parte debere, comprobatur variis argumentis a proprietatibus hujus regionis petitis. Sic allegat solum æquale ac fertile, aptumque adeo magnæ hominum multitudini intra ambitum non ita latum recipiendæ ac alendæ; porro commoditatem molarum pneumaticarum ob eandem terræ planitiem ubivis locorum semet offerentem; opportunitatem trium fluminum, quorum accolis agriculturæ fere deditis Hollandi merces suas, manu factas imprimis, insigni cum lucro divendant; item grandem copiam aquarum fossarumque navigabilium, ad singularum fere nulliarium distantiam suppeten-

peten-



petentium, multumque adeo emolumenti in distrahendis mercibus largientium; cum constet, vecturam per aquas vix  $\frac{1}{17}$  aut  $\frac{1}{25}$  sumtum ejus, quæ terra sit, exposcere: denique facilem hujus regionis contra hostiles insultus defensionem ob continuas fere fossas & paludes, nec non summam portuum commoditatem, navibus minori, quam alibi, hominum rudentumve apparatu, tutandis idoneorum. Cunctas has prerogativas in unum concurrentes plus quam centum librarum Anglicarum myriades annuas Batavis aut lucrari aut servare contendit, indeque non mirandum esse ait, quod commerciis tantopere inter cæteras nationes emineant, quandoquidem tot naturæ beneficiis mactati, pretio etiam viliori merces suas vendendo, majus tamen lucrum inde habeant, quam aliæ gentes illis destitutæ. His porro jungit ingentem navigiorum, omnis generis mercibus transportandis accommodorum copiam, nec non piscaturæ commoditatem; solamque halecum capturam plus reddituum Belgis tribuere judicat, quam aut Hispanis Indiæ Occidentalis, aut ipsis Orientalis Indiæ commercium: dum nempe eos ultra trecentas librarum myriades annuas adscendere perhibet. Pergit hinc Autor & exponit varia Hollandorum artificia politica, ad statum & commercia sua in flore conservanda, in usum ab ipsis adhibita, uti libertatem conscientiæ variarumque religionum tolerationem: (ubi obiter observatum fuisse notat, mercaturam plerumque apud eam populi partem quam maxime vigere, quæ in loco illo pro heterodoxa habeatur, id quod diversis exemplis corroborat;) item hypothecarum ob credita in bonis immobilibus datarum firmam securitatem, quam in Anglia quidem videtur desiderare; denique usum Bancarum publicarum, quo ipso quomodo efficiatur, ut minor paratæ pecuniæ summa, v. g. 60000, in sustentandis civitatis cujusdam commerciis æquipolleat summæ majori, v. g. 100000 librarum, eleganter deducit. Ulterius annotat, prudenter admodum a duobus potissimū vitæ generibus Batavos valde alienos esse, magis lucrosas nempe profesiones sequi suetos. Alterum ex iis est militia gregaria, alterum agricultura & pecuaria: nimirum posterioris defectum a vicinis Danis atque Polonis assatim suppleri; prioris vero intuitu non deesse Germanos, Anglos, Scotosve, qui parvo satis ære stipendia apud eos facere parati sint, id præterea commodi Reipublicæ afferentes, quod ipsorum, quos ibi gignant liberi, Hollandi nascantur, incolarumque

adeo numerum continuo augeant: quam quidem rationem hominibus provinciam locupletandi securiorem illa reputat, qua exteri privilegiis Naturalisationis propositis invitari soleant: quandoquidem non ita facile quis nudis verbis ac data venia novo semet nomine appellandi alliciatur, ut aliorum domicilium transferat. Quanti vero Reipublicæ interfit numerosos habere cives, Autor ostendit, modo proposito, cujus auxilio gentis alicujus capita ad certam velut æstimationem reduci valeant. Scilicet si ponamus Anglicam nationem constare 6. millionibus hominum, singulos vero, facta per aversionem computatione, ad sui sustentationem impendere annuas 7. libras, jam habebimus 42. milliones librarum: nunc porro si statuatur agrorum redditus per annum largiri 8. milliones, itemque personales incolarum facultates alios 8. milliones, remanebunt adhuc 26. milliones librarum per populi laborem quæsitæ atque completi. Hos 26. milliones jubet multiplicare per 20, (cum non incongruum sit acquestum ex massa veluti humanæ gentis provenientem eadem ratione supputare, ut fundorum usuram) ut ita prodeant 520. milliones, tanquam valor universæ nationis: quæ summa tandem si per numerum populi, sex nempe milliones, dividatur, apparet ultra 80. libras provenire pro æstimatione singulorum capitum absque sexus aut ætatis discrimine, cum tamen adulta personæ bene duplo pretiosiores hoc intuitu censendæ sint.

In *Capite II.* Autor probare nititur, dari certi generis tributa & munera publica, quæ opulentiam regni populivæ alicujus augere potius, quam imminuere apta sint. Pro-thesi hac stabilienda exemplis utitur domesticis partim, partim e vicinia petitis. Nimirum in regnis Britannicis exactiones publicas inde ab anno 1636. nimium quantum auctas esse, & nihilofecius regna hæc ab eo tempore opibus atque potentia plurimum increvisse: Regem Franciæ hodie quintam fere facultatum, quas subditi habeant, partem tributis haurire, & tamen regnum satis floridum manere ac passim suas ostentare vires: denique nullam partem Europæ esse, quæ tantam pecuniæ vim ad onera publica conferre jussa sit, uti Hollandiam & Zelandiam novissimo hoc seculo fecisse constet, nec ullam tamen fere dari provinciam, quæ interim magis divitiis atque potentia creverit. Quo vero sic proficua aut innoxia saltem evadant talia tributa publica, ante omnia considerare jubet, a quibus hoc nomine nummi exigantur, & in quos usus conferantur: nimirum si ita  
contin-

contingat pecuniam eripi manui prodigæ ac eroganti in sumtus inutil-  
les, & vicissim collocari. v. g. in meliorationem agriculturæ, piscatio-  
nis, operas metallicas, artesve manuaras provehendas, bene se rem-  
habituram, & exactionem talem cessuram in emolumentum Reipubli-  
cæ: at viceversa si censibus emungerentur homines ingeniosi, laborio-  
si ac seduli, iique expenderentur in tales, qui laute genio indulgent,  
aut etiam non nisi inanibus speculationibus parumque fructuosis  
incumberent, opes publicas sic dubio procul imminutum iri. De-  
inde præbe pensæ habendum autumat, quænam res tributis talismo-  
di gravandæ sint aut eximendæ: eoque nomine Batavorum pruden-  
tiam magnopere commendat, quibus nempe fere solenne sit, merces  
ad cibum potumque pertinentes omnium maxime onerare, ad restrin-  
gendos excessus expensarum passim a luxuriosis circa eas fieri solita-  
rum; alias vero res venales mitius taxare, quæ majoris durationis sint:  
neque adeo censibus onerare ea, quæ homines lucrentur, nisi extraor-  
dinaria necessitas id exposcat; sed ad illa potissimum oculos flectere,  
quæ isti expendant, ac præsertim inutiliter & absque spe restitutionis  
vel emolumentis: unde sit, quod vectigalia mercibus advectis aut ex-  
portandis apud eos plerumque satis levia indici fuerint. Porro res-  
piciendum suadet, quæ in materia commodissime tributa pendantur;  
quæ occasione demonstrat, in Hibernia, quæ circiter 1200000 capita &  
prope 300000 caminos habeat, non modo populo tolerabilius, sed &  
Regi magis proficuum fore, si quotannis de singulis capitibus pende-  
rentur 2. Shillingi *in lino*; quam si totidem *in pecunia parata* pro sin-  
gulis modo caminis exigerentur. Pariter & utilius fore autumat, si  
loco pecuniæ numeratæ ab Anglis pensio talis exsolveretur in lino el-  
aborato, puta lintheaminibus, taniis, filis & similibus, quæ alioquin e  
Francia, Flandria, Hollandia & Germania advehenda sint: a Scotis  
vero in hæcibus: talem enim præstationem utrisque minus on-  
erosam, publicoque commodo magis salutarem fore. Neque porro  
iniquam adeo futuram existimat exactionem, si subditi bonam partem  
ejus, quod ex messe præter solitum locuplete redundaret, in publica  
horrea tradere juberentur, necessitatibus status publici impendendum;  
quandoquidem alias experientia doceat, non exiguam talis benedictio-  
nis divinæ portionem frivole absumi, plebemque, victus fere gratia  
tantum laboribus semet applicantem, inde nimis licentiosam & effre-

nem reddi, adeo ut iis annis, quibus exuberans annona est, vix operarios nancisci aliquando valeant, qui iis indigent. Denique ostendit, quomodo Anglia exigua subditorum cum molestia, & annuis circiter 120000 librarum sumtibus, ex indigenis exercitum 155000 virorum in promptu habere posset, ad omnes eventus paratum satisque armis tractandis habilem: itemque quomodo ibidem annuis quasi 72000 librarum impensis 24000 epibatae seu classarii subsidarii haberi possent, necessitate exposcente ad classem tam militarem, quam mercatoriam ex tempore instruendam prompti, cui parandæ alias nimium fere tempus magno reipublicæ damno infumi soleat: cum constet Regiam quidem classem 36000 viris ad plenam sui instructionem indigere, navalem vero Anglorum mercaturam vix minori, quam 48000. hominum opera plene exerceri.

In *Capite III* Autor id agit, ut evincat, fieri ob naturalia & perpetua impedimenta non posse, ut Gallia mari potentior evadat, quam Angli Hollandive aut nunc temporis sint, aut reddere se valeant. Discurrit hic primo de navigiis bello aptissimis, &que in maribus septentrionalibus esse pronunciat, quæ capacitate sint inter 300. & 1300. tonnas, ex iisque optima, quæ aquas profundius secent, ventorum nempe nautarumque regimini accuratius parentia: navem scilicet 1000 tonnas capientem & 500 viris instructam, in prælio facile superiorem esse quinque aliis, quarum singulæ 200. tonnarum sint & 100 armatos vehant. Jam vero pro navigiis dictas qualitates habentibus capiendis portus commodos inter *Dunkerkam* & *Ushantum* Regi Galliarum omnino deesse ait: portus vero *Brest* & *Charente* eidem ad hoc parum proficere posse, ut meliori præ hoste conditione sit, vastum quippe oceanum respicientes, ubi ob nimiam latitudinem hostis ad prælium adigi haud facile queat. Porro pluribus ostendit, Regem Galliarum nec habere, nec adipisci commode posse sufficientem numerum epibatarum, pro armanda tali classe, quali Rex Angliæ polleat, ut maxime nudare penitus vellet hominibus mercatorias suæ gentis naves, quas nempe non ultra quartam partem commercii navalis Anglicani adscendere pronunciat. Rationes, quas pro adstruenda hac sententia adducit, prolixiores sunt, quam ut hic commode recenseretur. Ceterum nec probabile reputat, commercia etiam nautica Gallorum adeo magnum posthæc incrementum captura: tum quod Gallia plerisque mercibus necessa-

necessariis jam ipsa per naturam instructa sit, frumento puta, pecoribus, vino, sale, linteis, charta, serico, aliisque, ut adeo paucis indigeat navigiis ad importandas merces, ponderosiores præsertim: tum quod nec ita multæ tales inde exportentur aliorum, si salem & vina excipias, quorum tamen pondus annuatim vix adscendere credit ad 100000 tonnas, quibus transvehendis navigia summam 25000 tonnarum efficientia queant sufficere: & eas quidem plerasque ait adhiberi Belgicas vel Anglicas, utpote quæ jam in possessione ejus commercii sint, & minoribus etiam sumtibus, quam Gallicæ, instruuntur velificentque aut intra portus sese teneant.

*Caput IV.* pro argumento sequentem habet conclusionem: Populum ac territoria Anglicana naturaliter ejusdem propemodum momenti esse ratione opum ac potentia, cum Gallicis. Non diffitetur quidem Autor, latiore Gallici, quam Anglici regni esse ambitum intuitu quantitatis: ast hujus exiguam esse efficaciam propositæ questionis respectu, persuadet per aliam propositionem, prima specie satis paradoxam, sed quam ex regulis suis arithmetico-politicis non parum reddit probabilem; videlicet, *si contingeret incolas Hibernia & montanorum Scotia tractuum, terris suis pro derelicto habitis commigrare cum bonis suis mobilibus in reliquas magna Britannia partes, ibique suam figere sedem, tum Regem Angliæ ejusque subditos multo, quam nunc, locupletiores inde fore.* Ipsum subditorum utriusque Regni numerum quod attinet, largitur quidem Descriptori Status Gallici, Regem illum dominari 13½ millionibus hominum: Anglicis vero ditionibus in unam summam collectis tribuit 10 modo milliones: at nihilo secius hos 10. illis 13½ ob multas rationes æquivalere contendit. Sic allegat, in Angliæ vix degere 20000 personas Ecclesiasticas: in Gallia bene 270000, adeoque prope 250000 viros otiosos & non nisi fruges consumere aptos, quibus nihil opus sit: porro in insula, quales fere Angliæ ditiones, 10 viros abunde ratione defensionis æquipollere 13 aliis in continenti hostem repellentibus; item Angliam plus quam 40000 nautas alere, (quorum singuli tantum lucrentur, quantum alias tres agricolæ) Galliam non multum ultra quadrantem ejus summæ habere; in Angliæ lineam secundum litora maritima ductam esse circiter 3800 milliarium, in Gallia non nisi 1000 milliarium; quæ si utrinque terrarum adjacentium latitudine simul pensabitur, in parallelogram-

mum redigatur, appariturum fore, in Anglia nullum esse locum, longius remotorum cum vicinioribus facta compensatione, qui ultra 12. milliaria a mari distet: at in Gallia distantiam talem sæpe 65. milliari-um emergere, imo bene 70, paucitatis nempe portuum ratione habita: adeoque Anglos multo majori gaudere compendio in vectura mercium, ponderosiorum imprimis, quo nomine ipsis bene 4. pro 100. lucro cedant in mercatura facienda. Ulterius provocat Autor ad testimonium peregrinatorum, an non operarii in Gallia passim minus mercedis capiant, & victus tamen fere carior sit, quam in Anglia: unde necessum sit, Anglos facilius opes sibi quærere posse; item an non plebei in Anglia (maximam nempe populi alicujus partem constituentes)  $\frac{3}{4}$  plus expendant, quam iis æquales in Gallia degentes: at vero si ita plus sumtuum faciant, oportere ut antea plus etiam acquisierint, unde rursum quaestus facilitas elucescat. Denique quamvis aliqui crediderint, totum terrarum orbem ultra 300. miliones hominum continere, Autor tamen iis non mox fidem adhibendam putat: saltem id sibi persuasum ait, cunctas mundi partes, Europæorum commerciis frequentari solitas, non ultra 80. miliones animarum habere: atque mercium quaquaversus toto hoc universo exportatarum valorem per annum non excedere 45. miliones: de hac vero summa Anglos  $\frac{2}{3}$  ferre, Autor particulatim per singulas commerciorum species deducit; dum interim Galliarum mercaturam cum exteris exercitum triplo minorem reputat. Postremo monet, ne quis extrinseco Galliarum potentiae splendore capiatur: hunc enim pendere maxime ex immodica illa parte quota, quam Rex Galliarum quotannis de suorum subditorum facultatibus hauriat: evidens enim esse, quod si duæ nationes supponantur divitiis æquales, & alterius quidem princeps de suorum opibus capiat  $\frac{1}{2}$ , alterius vero  $\frac{1}{4}$ , ille quidem actu appareat triplo locupletior, cum interim potentia ambo æquales sint.

*Capite V.* Autor occupatus in eo est, ut demonstraret, impedimenta, quæ hactenus Anglicæ potentiae incremento obstant quadantenus, contingentia modo esse, nec remotu penitus impossibilia. Varia verò ea recenset: uti, nimiam territoriorum, vastis quoque marium intervallis disjunctorum, distantiam, indeque fluentia plura, quæ speciatim commemorat, incommoda; obscurum sensum variarumque interpretationem legum regni fundamentalium, ac Parliamenci

menti privilegiorum; unionem populi Hibernici cum Anglico non satis firmam, quæ nempe coloniis hinc inde missis stabiliri melius posset: tributorum impositionem exactionemque non satis providam, qua fiat, ut populus fere duplum ejus pendat, quod de nummis talibus in Regis manus perveniat; inæqualitatem proportionis inter Comitatus, Dioceses, Parochias; denique & divulsionem juris bellum gerendi a potestate censum indicendi: cuncta vero hæc impedimenta remediis debitis neutiquam immedicabilia esse, breviter innuit.

*Capite VI.* demonstrare contendit, potentiam & opes Anglorum postremis his 40 annis non parum increvisse. Probat hoc ex adjectis noviter aut saltem magis ex cultis ditionibus, quales Nova Anglia, Virginia, Barbados, Jamaica, Tanger & Bambay; ex pretio habitationum, nunc passim duplicato; ex classe Regia jam in triplum vel quadruplum antiqui navium numeriaucta; ex quadruplicata fere carbonum fossiliū mari advektorum quantitate; ex incremento conspicuo mercaturæ Americanæ & Guineanæ; ex vectigalium summa in triplum fere adaucta; ex decremento usurarum, quæ ante 50 annos dextantes, ante 40 besse fuerint, nunc vero semisses sint, aut minores, si bona a debitorum dari cautio possit. Cæterum tamen hoc temporis spatio bene 300000. homines in Anglia extra ordinem bello aut peste perierint, attamen hunc numerum interim ex 10 illis incolarum, quos supposuit, millionibus jamjam per ordinarium generis humani accrementum satis suppleri potuisse autumat: dum observatum sit, regulariter intra 200. annorum intervallum duplicari hominum numerum per consuetum generationis progressum.

*Capite VII.* deducta conclusio hæc est: Decimam universarum expensarum partem, quas Regis Angliæ subditi per annum erogare soleant, sufficere alendis 10000. peditum, 40000. equitum & 40000. classiariorum, prætereaque sustinendis universis, tam ordinariis quam extraordinariis Coronæ sumtibus, dummodo debite taxaretur & exigeretur. In computandis modo dictis expensis placuit Auctori, ne nimium dixisse videretur, regulam modo sumere ab infimæ sortis hominibus, mercenariis puta in victu, & ancillis rusticis in amictu æstimando, habita nempe mercedis ratione, quæ talibus solvi soleat; unde conficit, hujus generis homines in cibo, potu, vestitu, aliisque rebus necessariis comparandis non facile minus quam 7. libras annuas inferre:

mere: his igitur per 10. milliones, quantum nempe subditorum numerum supponit, multiplicatis, pro decima parte expensarum talismodi prodeunt 7 librarum milliones. Atqui constare ait, quinque circiter milliones sufficere dicto militum numero per annum alendo: ordinarios autem Coronæ seu Regiminis sumtus annuos non transcendere 600000 librarum summam. Gravem vero adeo taxam talem subditis videri non posse, maxime cum pacis temporibus plerique plus lucrentur, quam expendant: & ad eam præstandam non alio opus sit, quam ut quis quotidie  $\frac{1}{20}$ , adeoque semihoram circiter, plus laboribus vacet, &  $\frac{1}{20}$  minus expendat, quam alias faceret, quod & ipsum non ita difficile, dum pauci fuerint, qui non  $\frac{1}{20}$  plus cibi potusve assumant, quam iis salubre sit.

*Capitulum VIII.* argumentum est, superesse Britannicæ affatim manuum superfluarum, ut quotannis duos milliones plus, quam nunc fiat, lucrari possent: nec deesse hanc in rem occasiones aptas, promptas atque sufficientes. Scilicet largitur quidem Autor, e 10. subditorum millionibus, ob sexus, ætatis, dignitatis atque conditionis impedimenta, vix remanere ultra milliones 6 $\frac{1}{2}$  eorum, qui actu laboribus quæstum facere possint: attamen & eum numerum huic rei satis esse putat. Etenim cum horum aliqui 3, alii 5, alii 7 solidos seu Shillingos per hebdomadem lucrentur, media proportionem capta & facta compensatione, si singuli 5 Shillingos per septimanam, aut saltem 10 libras per annum lucrifacere statuatur, cunctorum quæstus summa provenit 65 millionum, adeoque 25 milliones ultra expensarum quantitatem residui: atqui nunc quidem vix 5. millionibus lucrum annuum expensis majus esse credit. Quod vero nec occasio desit pro quæstu tali faciendo, colligere jubet ex facta computatione, quantum nauli exteris solvere Regis Angliæ subditi soleant; item, quantum commodi Hollandi capiant ex piscatione in maribus Britannicis exercita; denique quantum pro mercibus extraneis expendatur, quæ in Anglia ipsa laborari per diligentiam adhibitam possent: scilicet ex sola Francia quotannis importari merces pro 2600000. librarum precio; inter quas tamen vix quinta pars e talibus consistet, quæ in Angliâ parari nequeant, uti vinum, charta, suber, resina, cappares & pauca alia: ut adeo vel solius Franciæ intuitu duo librarum milliones compendiseri valerent.

*Capitulum IX.* ostendit, sat pecuniæ suppetere Angliæ ad exercendum



dum nationis commercium. Fundamentum computationis hic sumit a nummis tempore Cromwellianæ usurpationis cufis, ac dein post factam Regis restitutionem revocatis & novo typo insignitis, quorum summam ait fuisse circiter 800000 librarum; & creditum tum inter trapezitas fuisse, efficere istam quasi septimam partem universæ monetæ Anglicæ, quæ ita tota fuerit 5600000 librarum, aut rotundiore numero, cum sane aliquid pro pecuniis in thesaurum reconditis indulgendum, sex millionum. Hanc vero quantitatem sufficere gentis commercio, ita ex solitæ nummorum circulationis fundamento probat. Si in Anglia sunt 6 milliones hominum, quorum quilibet 7 libras annuas consumit, tota expensarum summa est 42 millionum, & per hebdomadas singulas 800000 librarum: ut adeo minus uno milione satis esset, si pecunia intra quamvis septimanam absolveret circulum. At quia redditus fundorum, per semestria intervalla solvi soliti, 8 milliones annuos faciunt, hinc ad eos pendendos requiruntur 4 milliones: præterea cum pretium habitationum Angliæ trimestribus spatiis exsolvendum, per annum ascendat circiter ad 4 milliones, unum millionem huic implendo satis esse existimat: ut adeo non ultra sex in universum milliones ad universos sumtus requiratur.

*Capite X.* & ultimo Autor evincere satagit, Regis Angliæ subditis non deesse media seu fundum pro exercenda totius Orbis, qua commerciis patet, mercatura sufficientem. Dixerat superius, commercia per totum hoc universum geri solita per annum non transcendere 45 milliones; his addi vult 15 alios, pro navigiorum necessariorum apparatu, ut ita summa ad agendum universale commercium sit 60 millionum. Jam reputare jubet, non omnem hanc pecuniâ paratam esse oportere, sed fere dimidium fide mercantium stare solere, ut adeo vel 30 milliones fere satis esse possent. De his jam prope dimidium in moneta, navibus ac sorte actu mercaturam faciendo occupari, reliquumque tantum non indycto Bancarum usu, quo nempe pecuniam mercatoriam dupli propemodum vices subire supra ostenderat, suppleri valere. Quod si tamen adhuc 20 milliones deficere statuatur, dat consilium, ut universa Regni Nobilitas, e qua nempe plures nunc filios natu posteriores mercaturæ dicare soleant, pro ampliori tali commercio impetrando, tanti valoris sortem in fundis constituent, pignoris & securitatis loco futuram pro quibusvis mercibus, quas pro rationibus com-

Ggg mercii

mercii illius universalis vendi aut emi contingeret: talem vero terrarum quantitatem circiter sextam vel septimam Anglici territorii partem præstare posse putat: quod consilium quam proficuum & necessarium Nobilitati futurum sit, pluribus dedecit. Quod superest, præmonet Autor in præfatione, positiones, quibus hi Discursus superstruantur, aut veras esse certasque, aut saltem tales sint, a suprema potestate facile indagari posse: sin minus, certe non ita falsas esse, quin suppositionum instar inservire queant, ad ostendendum quo collimetur: nec abs re futurum judicat, si publica autoritate in veritatem harum materiarum inquiratur: cum utique privata conamina tali negotio haudquaquam sufficere valeant.

*MEMOIRES DE MESSIRE JAQUES  
de Saulx Comte de Tavannes, Lieutenant General des Armées du Roy. i. c.*

Commentarius Jacobi de Saulx Comitæ Tavannii, Exercituum regionum in Gallia Legati Generalis; in quo exacte & fideliter describuntur causæ & progressus motuum factione Principum & Parlamenti Parisiensis excitatorum, quibus Gallia in postremis turbis ad annum usque 1653 afflictæ fuit.

Coloniæ, 1691, in 12. Plag. ii.

**R**evixit libellus, sed in quo ingenuitas singularis, peritia rerum aulicarum & militarium egregia, nec non modestia styli, nostro quidem judicio non exiguam laudem meretur. Heros, ut dici solet, historię hujus est *Ludovicus Borbonius, Princeps Condeus*, cujus ardorem bellicum non modo Germania, sed & ipsa Gallia, patria ejus, nostra ætate experta fuit. Sopiti erant utrumque moxus priores Parlamenti & Parisiensium, qui a funda (*fronde*) cognomen habuerunt, compositione A. 1649 inita, in quibus Condeus præter spem populi, aulæ regiæ strenue adstiterat; cum inter illum & Cardinalem Julium Mazarinum ex causa non admodum gravi dissidium oriretur, querente scilicet *Condeo*, quod *Mazarinus* promissio cuidam amico

Princi-

Principis factio non stetit. Hujus vero simultatis is tunc eventus fuit, ut Mazarini summa, qua apud Reginam, Ludovici XIV, qui nunc regnat, tunc vero impubes erat, matrem, & nutricem valebat auctoritate, *Condeus* ejusque frater *Contius*, & sororius *Longaville Dux* captivi in castellum *Vincenarum*, & postea ad oram Neustriæ in *Portum gratiarum* (Havre de grace) ducerentur. Inde *Tavannius*, autor libelli, inter familiares Condei primarius, cum multis aliis nihil omisit consiliis & manu, quo captivos in libertatem assereret. Copiæ igitur cohibebantur, arces & oppida Condei præsidii firmabantur, regię quædam occupabantur, accito in partes *Turenno*, celeberrimo nostrisque damnis cognito Duce, qui Principum causa Hispanorum patrocinium imploravit, & militare subsidium ab illis accepit, expugnatæ aut ad deditionem adactis haud spernendis in Picardia & Campania Gallicæ ditionis oppidis & munimentis. Paulo post factioni caput sese præbuit *Gasto Dux Aurelianus*, patruus Regis, cum multis ex reliquis Proceribus, quorum accessu elatum Parlamentum Parisiense *Mazarinum* publicis edictis proscripsit. Hic tempestatæ illi cedendum sibi esse videns, demereri prius Principes in custodia detentos voluit, eosque ipse mandatis a Regina instructus & aliis quibusdam ex aula comitatus, d. 13. Febr. A. 1651 liberavit, tanta cum submissione, ut Condei genua amplexus gratiam & protectionem ejus imploraret; inde relicta Gallia, Coloniam Agrippinam petiit, & apud Electorem tutum & benignum hospitium invenit, ex quo per literas aulam Gallicam non multo aliter, quam si præsens esset, regebat. *Condeus* etsi magna cum lætitia Lutetiæ exceptus, & cum aula in speciem reconciliatus, sinceram tamen Reginæ & Regis jam pubertati proximi benevolentiam assequi non potuit, plurimos etiam ex amicis, factis dictisque fervidioribus a se alienavit, ita ut brevi nihil tutum Lutetiæ videns, ad copias suas, quas duce *Tavannio* in sinibus Picardiæ habebat, sese recipere cogeretur. Secuta tamen est nova aulæ cum *Condeo* reconciliatio, ejectionis ejus gratia viris in ministerio regio celeberrimis, *Tellerio*, *Servieno* & *Lionneo*. Iterum tamen *Condeus* pompa & comitatu nimius Regem offendit, novisq; suspicionibus de fœdere cum Hispanis ita gravatus est, ut Regis nominæ in Parlamento publice de illo crimine accusaretur; quam imputationem & ipse ore tenus fortiter in Senatu repulit, acerrime repressit. Coadjutore & postea Archiepiscopo Parisiensi & Cardinali *Gondio*,

dein edita apologia. Cum vero interea Rex annum ætatis XIV attigisset, & solenni ritu mense Septembri inauguratus esset, facile concessit *Condeus*, graviora sibi ab aula metuenda esse, quod Regi utut puero, tam aperte resisti non posset, ac matri tutrici, cujus tamen consiliis hac regis ætate summa constabat autoritas, nec *Mazarini* imminuta erat, ita ut pro oraculo aulæ, absens licet, haberetur. Evecti eodem tempore sunt ad ministeria aulæ tres viri, quos ob ætatem & barbas prolixiores vulgo barbaros (*barbons*) vocabant: *Castellonovus* ad primarias expeditiones; *Moleus* ad custodiam regii sigilli; *Vivilleus* ad ærarii curam; invisi & infesti pariter *Condeo*. Ille itaque non solum solennitati consecrationis regię non interfuit, sed spe omnis favoris aulici abjecta, in Aquitaniam ejusque metropolin *Burdigalam* partibus suis addictam evasit. *Tavannius* in Campania, Hispanorum copiis subnixus, arma expediverat. Deposita inde simulatione *Mazarinæ*, licet contrarium Rex Parlamento pollicitus esset, ineunte anno 1652 revocatus in aulam, summoque cum honore & gaudio exceptus fuit, restituti etiam in pristinas functiones *Tellerius* & reliqui. At Parlamentum, renovata *Funditorum* factione, audacius, editis acerrimis in *Mazarinum* edictis sæviit, patrocinantibus *Aureliano*, *Nemoroso* & *Bellofortio* Ducibus (Orleans, Nemours & Beaufort;) nomen etiam & opes factioni afferente *Aureliani* filia ex priori matrimonio, ditissima virgine *Montpenseria*. Collectæ itaque copię, tentatæque sunt urbes regni a fœderatis, exiguo tamen cum successu, parum concordantibus factionis ducibus, multisque occasionibus neglectis, ut *Tavannius* passim ingenue indicat. Regi vero & aulæ fortissime militavit, desertis Principibus, *Turennius*, nec infeliciter mense Aprili cum *Condeo* prælium quoddam ad *Blenavium* commisit, quanquam *Tavannii* judicio victoria illa extenuetur. Principes Lutetiam sese receperunt, & *Tavannius* Stamparum urbem commeatu refertam occupavit, cladem tamen paulo post a *Turenno* passus, quod invitus licet, & postulante *Montpenseria*, spectaculi causa copias in aciem eduxisset; interim enim in suburbio mille & quingentos suorum amisit. Obsidioni inde Stampensi Rex ipse per aliquot dies interfuit: cum vero in eum ex tormento minori (*falconetum* vocant, nec majora habebant obsessi) inficio quidam & in alia urbis parte tunc agente *Tavannio* exploderetur, summum illi odium apud Regem suggestione æmulorum concitatum est, ita

ita ut restituto licet postea Condeo, gratiam tamen Regis sinceram recuperare & ad dignitates meritis suis pares emergere non potuerit, domi consensescere coactus. De hoc fato suo querelas non leves instituit, ita ut harum potissimum causa commentarium hunc edidisse videatur. Obsidio Stamparum ad Idus usque Junii frustra continuata, soluta demum fuit adventante in auxilium *Carolo Lotharingia Duce*. In hunc vero vehementer invehitur *Tavannius*, quod consistentibus jam adversa fronte exercitibus, adigi se a *Turenno* una manu gladium, altera diploma regium ostentante, passus sit, ut absque pugna discederet, & Galliam sociosque turpiter desereret, acceptis & subscriptis, quas Rex offerebat, qualiscunque pacificationis conditionibus. Regiæ copiae postmodum Lutetiæ admotæ sunt, *Turenno* & *Fertio Seneterreno* ducibus, pugnatumque est in ipsis suburbiiis, ut Principum cohortes in urbem recipi necesse fuerit, persuadente ad id cives *Montpenseria*. Verum tanta inde exarsit plebis insolentia, & in *Mazarinum* ira, ut plebsque per tumultum fierent, nec cædibus abstinereetur, nulla quidem, ut *Tavannius* testatur, *Condei* culpa. Verum etiam Regem multa urgebant: deerat comitatus, & Hispanorum exercitus ex Belgio appropinquabat, omnisque spes concordiae cum Principibus & Parlamento abjicienda erat, nisi *Mazarinus* aula & regno iterum ejiceretur. Abiit igitur vel sua sponte, ut quidam existimarunt, vel monitus a Consiliariis Regis reliquis, & in Episcopatus *Leodiensis* oppido *Bullione* receptaculum invenit. Mutatis deinde, ut fieri solet, subito populi Parisiensis animis, magno studio conciliatio cum Rege quaesita est. *Condeus* ad copias suas novis Lotharingi, quem pacificationis nuperæ cito tæduerat, auxiliis auctas egressus est. *Turennius* illis exercitum regium opposuit, castra ad confluentes *Sequana* & *Icauna* fluminum metatus spatium incommodo & angusto, ut a *Tavannio*, qui Principum exercitum admovebat, sine dubio opprimi posse videretur, eaque spe ita efferreretur *Condeus*, ut Lutetiam rediens de republica quasi jam victor consilio disponderet. Artibus autem aulae, & mobilitate plebis Parisiensis, ipsiusque Ducis Aureliani solita inconstantia, effectum est, languente etiam ex morbo Condeo, ut ad conciliationem civitatis cum Rege serio omnia inclinarent. *Turennius* etiam, ut erat non minus solers quam promptus, viam invenit ex iniquo castrorum loco copias sub initium mensis Octobris absque damno educendi, & Lutetiam accedens

negotium pacis promovit, ita ut Rex d. 21. Octob. faustis cum acclamationibus populi regiam suam intraret. *Condeus* exercitum in hiberna ad fines Campaniæ & Belgii dimisit, eaque occasione munita quædam Galliæ oppida in Hispanorum potestatem pervenerunt, *Mazarinus* manu militum 4000 collecta, insidias sibi structas feliciter evasit, & ab obvio *Turennii* exercitu in Galliam ductus est. *Condeus* pacis conditiones, quæ offerebantur, aspernatus, novoque subsidio 6000 militum, quos Princeps *Tarentinus*, *Tremolli* Ducis filius, mense Decembri adduxerat, firmatus, bellum continuare decrevit, neque id ante pacem post annos octo initam finem habuit. Memorat hic *Tavannius*, ut ipse post adventum *Tarentini*, & traditum huic a *Conde*o supremum in copias imperium, missionem petierit, ægre licet impetratam, Abolitio inde regia d. 3. Januar. A. 1653, data cum literis Cardinalis *Mazarini*, opera soceri sui *Ducis de Tresmes* missa ipsi est, spes quoque de gratia Regis & augenda dignitate facta; ipse tamen tunc temporis consultus esse censuit, ut in prædiis suis viveret. Queritur vero iterum, quod nec aulæ placuerit, neq; apud *Condeum* remunerationem fidelitati suæ parem invenerit. Hæc est libelli hujus summa, quoad præcipua historiæ momenta, omisissis brevitate causa multis narrationibus particularibus memoratu licet haud indignis. *Tavannius* statim atque ducatu copiarum sese abdicaverat, in singulari certamine cum *Marchione Quintino* cognato *Turennii*, a quo pravo inter illius ordinis viros more provocatus erat, magnum vitæ periculum adiit, ipsius tamen adversarii generositate superavit. Cum enim huic lethale vulnus inflixisset, famuli ejus tres *Tavannium*, qui unum tantum adduxerat, nec propinquum satis habebat, a tergo adorti interfecissent, nisi jacens jam in terra & morti proximus *Quintinus* illi acclamasset, ut sibi caveret: conversus itaque ictum sibi intentatum declinavit, & aggressores fortiter in fugam conjecit.

**TOMUS II. AUTOGRAPHORUM LUTHERI**  
*Et coetaneorum, ab anno 1517 usque ad annum 1546,*  
*in Serenissimi Principis RUDOLPHI AUGUSTI Brunsvicensis*  
*Et Luneburgensis Ducis Bibliotheca domestica Brunsviga reconditorum.*

Brunsvi-

Brunsvigæ, ex officina Zilligeriana, 1691, in 8.

Constat plagulis 18:

DE auspiciis, scopo & utilitate hujus catalogi diximus in recensione  
*Tomi I. Actis nostris anno 1690. p. 601. inserta.* Jam secundus  
 in publicum prodit, cum ampla & erudita præfatione, cujus autor no-  
 men nunc suum, (quod in ea, quæ Tomo I. præmissa est, dissimulave-  
 rat) proficitur, estque is *M. Hermannus von der Hardt* / cujus eru-  
 ditionem Lipsia nostra ante aliquot annos perspexit, quaque jam insi-  
 gni cum fructu gaudet Academia Julia, in qua Professoris linguarum  
 orientalium munus cum laude sustinet. Ex præloquio hoc, quia in-  
 dicem librorum referre non possumus, pauca quædam annotamus.  
 Præclare differitur, quantum conducatur veritati historię, & inprimis ec-  
 clesiasticę, diligentia in conservandis majorum scriptis & monumen-  
 tis, & quantum noceat tepor & negligentia in illa cura & in continua-  
 tione eorum quæ bene cœpta olim fuerunt. Adduntur de hoc insignia *D.*  
*Lutheri monita, & exempla scriptorum memorabilium; v. g. epistola* pag. 16.  
*Martini Meieri Cancellarii Moguntini ad Æneam Sylviū tunc Cardi-*  
*nalem, postea Pontificem Pii II. nomine insignitum, anno 1457 data:* 17.  
*Gravis de corruptelis Ecclesię ante Lutherum querela A. 1496 a Wolf-*  
*gango Ayttingero conscripta. Indicatur modus, quo impacta nuper* 21.  
*a scriptore Gallo, egregio & celeberrimo scriptori Johanni Sleidano*  
*calumnia, ex collatione variarum Commentarii ejus editionum refelli*  
*possit; id quod hujus indicii beneficio & opera clarissimi Hardtii præ-*  
*stabitur in opere Sekendorffiano propediem edendo. Antiqua porro*  
*quædam indulgentiarum ante Lutherum diplomata, testimonium eras-*  
*issimę superstitionis præbentia exhibentur; ut & casuum, quos vocant* 23.  
*reservatorum & taxarum penitentiariarum autores nominantur.* 26.  
*Quæ vero de utilitate in conservanda ejusmodi librorum memoria di-*  
*cta sunt, eximio judicio D. Gisberti Voëtii celeberrimi inter Reforma-*  
*tos Theologi ex Libro II. cap. 2. l. Stud. Theol. confirmantur, item-* 30.  
*que exemplo scriptoris Angli Davidis Echlini. Meritissimo itaque jure* 35.  
*prædicat Autor Serenissimæ Brunsvicensium Ducis RU D O L P H I A L-*  
*GLISTI inexplicabilem sollicitudinem, & inexhaustum desiderium, quo* 36.  
*multis ab annis hoc egit, ut evanescentibus antiquis ac ponderosissimis*  
*monumentis resurgendi spem faceret. Apertius quoque iterum signi-*  
*ficat,*

pag. 38-39 *ficat, Celsitudinis ejus intentionem fuisse, ut laudato operi Secken-*  
*dorffiano opis atque lucis aliquid ex conquisitis magno labore nec par-*  
 278. *vo sumtu & communicatis libris accederet; quod quomodo successerit,*  
*ex ipso opere, cui nunc in typographiis nostris ultima manus admo-*  
*vetur, Lectores percipient. Subjunctus est Tomo huic II. epilogus,*  
*in quo singularis eruditio Johannis Murmelii Ruræmundani, Scholæ*  
*Monasteriensis ante reformationem moderatoris commendatur, pro-*  
*ducta memorabili Johannis Bugenbagii, qui postea D. Pomerani no-*  
 mine inclaruit, tunc vero Ludimagistrum Treptoviensem seipsum no-  
 minavit, ad Murmelium epistola anno 1512 scripta; carmina quoque  
 in ejusdem viri laudem ab *Ulrico Hutteno & Job. Pistorio Bilsfeldensi*  
 288. *edita. Additur elogium poematis de omnibus officiis ad bene beateque*  
*vivendum pertinentibus, a Dominico Mancino Italo elaborati, & anno*  
*1516 Lipsiæ publicati, quod permissu Serenissimi Principis, cura Har-*  
*dii nuperrime recusum extat,*

## HISTOIRE DE CHARLES VIII PAR Monsieur Varillas. i. c.

Antonii Varillasii Historia Caroli VIII Gallix  
 Regis,

Hagæ Comitum, apud Adrianum Moetjens 1691, in 12.

Constat plagulis 11.

**R**eplet Autor locum, quem inter Ludovicum XI & XII Gallix Re-  
 ges vacuum reliquerat, *Caroli VIII* historia, licet a multis tradita,  
 libris voluminis hujus quinque renovata. In dedicatione ad Regem  
 suum parallelismos, quales in voluminibus prioribus, (videantur *Acta*  
*nostra A. 1688. p. 661. & A. 1689. p. 511.*) concinnaverat, denuo instituit.  
 Ait enim Carolo VIII sapientiore esse Ludovicum XIV, quod ille  
 matrimonium *Margaretæ* Austriacæ, quam Maximilianus I. Impera-  
 tor ex *Maria* Burgundica susceperat, & qui in dotem offerebatur, Bur-  
 gundiæ & Artesiæ Comitatus, male consultus spreverit; Hic vero *ju-*  
*re devolutionis*, quod indubitabile vocat, *Artesiam & Burgundiam*  
 acquirere non neglexerit, & cessionem ab Hispanis pactis *Neomagen-*  
*sibus* obtinuerit. *Carolus*, ut Autor judicat, ex superstitione, & cor-  
 ruptos



ruptos Sacerdotes sequens, Comitatum *Ruscinonensem* & *Cerdaniam* Ferdinando Arragonio gratis restituit; *Ludovicus* recuperavit, & terminum regni ad Pyrenæos montes protulit. Fœdus ab Imperatore Maximiliano, Italis, & Hispanis Carolo oppositum, pro exiguo habet Varillasius, considerato illo, quod hodie contra Ludovicum, ut Autor scribit, *Augustæ Vindelicorum inchoatum, Mindecontinuum, & Magdaburgi perfectum est, inter Curiam* (ita hanc a Pontifice distinguit) *Romanam, Leopoldum Imperatorem, Carolum II Hispania Regem, Angliam, Scotiam & maximam partem Hiberniæ, Federatum Belgium, & Ducem Sabaudia.* Addit, tanto majori gloria dignas esse victorias contra tot tantosque hostes hucusque a Rege suo obtentas, ex quibus argumentatur, illum a nemine, quam a se ipso vinci posse. Denique Carolo objectam fuisse dicit aversionem a literatis; at summam in eos beneficentiam *Ludovici* prædicat, & suo exemplo comprobatur.

In admonitione ad Lectores, ut solet, adminicula quædam singularia, quibus usus est, indicat, tum inventa & conjecturas suas commendat. Autorem apologiæ pro Anna Ludovici XI filia, *Comitissa Bellojoviensi* (Beaujeu) sive *Ducissa Borbonia*, ut postea vocata fuit, *Lib. I.* hujus historiæ relatæ, fuisse conjicit *Martialem Arvernum* Procuratorem in Parlamento, quem ob eruditionem laudat, speciatim ob librum, quem inscripsit *Decreta amoris*, (Arrets d'amour.) Acta *Francisci Aureliani*, Comitæ Longavillani, in causa matrimonii *Anne Britannicæ* cum Maximiliano Austriaco, & Carolo VIII Rege, *Lib. II.* allegata, debere se profiteretur ultimo *Duci Longevilla*, qui anno 1672 in transitu Rheni periit. Excusat, quod *Lib. III.* paucos ex Nobilitate, quæ Carolum VIII in Italiam secuta est, nominaverit; numerum enim majorem esse, quam ut investigari, nedum recenseri nominatenus possit. Cum enim Rex equitum hastatorum quatuor milia secum duxerit, & singuli, ut pro certo affirmat, quatuor armigeros sive famulos habuerint, eosque omnes ex Nobilitate, numerum equitum ad viginti millia ascendisse computat. Ad *Librum IV.* supplementum addit narrationi de *Comite Ligniæensi*, qui inter duces Caroli in bello Italico fuerat, & memorabilem ejus casum refert, quod sub regno Ludovici XII ex indignatione decesserit, altero die postquam intellexisset, alium sibi a Rege in præfectura exercitus tunc in Italiani destinati prælatum esse, eodemque fato post mensem extinctam uxore

rem ejus, ex illustri in Neapolitano regno familia ductam. Ad *Librum* denique *V*, *Gilbertum Montpensierum* Ducem Gallicum, cum *Antonio de Leva* Hispanarum copiarum Præfecto comparans, hunc extreme malum, sed felicem, illum bonum & fortem, sed successu destitutum fuisse tradit.

- Ex Opere ipso, quod ordine & integrum enarrari non potest, excerptemus, quæ inter legendum occurrerunt, aliisve judicavimus notabiliora. *Lib. I. Carolo VII* ingenium tribuitur, quod excoli potuisset, nisi *Ludovicum XI* parens ejus, ex invidia & cautela minime probanda, educationem filii negligere, quam talem procurare maluisset, qua sapientior, quam patri expediret, fieri potuisset. Notat tamen, *Carolus* adultum lectione librorum historicorum & politicorum delectatum fuisse, eamque ob causam commentarios *Julii Cæsaris a Roberto Gaguino* Gallice verti curasse. Eadem calliditate a *Ludovico XI* filiam supra nominatam *Annâ*, magnæ sapientiæ & virtutis formidam, *Petro Borbonio*, regii quidem sanguinis Principi, sed pauperi & stupido elocatam fuisse, cui tamen administrationem regni, dum impubes esset *Carolus*, per testamentum detulit; unde periculosa factiones inter proceres regni mox ortæ sunt, jus tamen tutelæ *Anna* per solertiam suam, habito *Ordinum Regni* conventu, tenuit. Primum illa regiminis specimen dedit, supplicio de *Olivario Dama* vili homine, sed *Ludovico XI* ob ministerium in flagitiis præstitum charissimo, justissime sumto. Iniquissimæ autem in alia *Galliæ* parte, *Britannia* nempe *Aremorica*, oppressiois exemplum fuit *Guillelmus Cheuvain*, *Francisci* ultimi illius provinciæ Ducis Cancellarius, qui æmulatione & sævitia pessimi hominis, *Landasii*, patre sartore nati, sed immodico Ducis favore ad summum in aula & militia locum evecti, indicta causa, squalore carceris diuturni & demum fame enecatus est: autor vero sceleris postea seditione populari captus, & invito licet infocioque *Hero* infamium criminum reus peractus & suspendio sublatus fuit, Subjunguntur multa de rebus *Anglicis* & *Aremoricis*, quorum veritas pendet a fide, qua manuscripta ab Autore allegantur. Toto enim hoc opere, ut in historiis antehac editis facere consuevit, pro ingenio suo ita versatus est Autor, ut pleraque nova quadam forma induerit, quæ delectationem lectoribus affert, certe tædium demit.

*Lib. II.* prolixè exponitur, quibus consiliis & artibus *Carolus*

VII

VIII *Annam* Britannici Ducatus heredem Maximiliano Austriaco jam per procuratorem nuptam eripuerit, nec minori insolentia *Margaretam* Maximiliani filiam, impuberem quidem, sed sibi jam legitime & solenniter junctam & aliquot annis Lutetiae educatam, repudiaverit & domum remiserit. Exemplum vix habet atrox & duplicata injuria, excusatur tamen non solum, sed & laudatur ab Autore, & Caroli Regis simplicitas irridetur, quod soluto matrimonio provincias dotales, Comitatum nempe Burgundiae & partem Artesiae, sibi jam traditas repudiatæ restituerit. Philippus Cominæus in negotiis aularum & scriptis suis illustrius nomen sibi peperit, quam ut vel mediocriter doctis ignorari possit. Hujus calamitatem, quam post mortem Ludovici XI, cui charissimus erat, ob societatem cum Duce Aureliano incurrit, ex *MSSis* refert Varillasius, falsus tamen non omnia, quæ ad plenam cognitionem requiruntur, in actis reperiri. Quæ in dedicatione tetigerat de restitutione Comitatus *Ruscinonensis*, hic pluribus persequitur, culpam duobus monachis Franciscanis tribuens. Hi enim lagenas, aureis nummis vini loco repletas, a Rege Hispanorum accepisse ferebantur, & clamoribus suis Regem ejusque tutricem & proceres aulae obtundebant, disstantes animam Ludovici XI ex purgatorio liberari non posse, eosdemque cruciatus Carolo VIII olim expectandos esse, nisi Comitatus ille Ferdinando Arragonio restitueretur. Refutat hic Autor scriptores Hispanos, & qui eos sequuntur Gallos, tradentes restitutionem illam ideo gratis factam esse, ut Ferdinandus agnatum suum Regem Neapolitanum, cui Carolus bellum intentabat, defereret. Duo enim pacta diversa inter utrumque Regem facta a scriptoribus confundi dicit: prius initum esse A. 1492 de restitutione illa *Ruscinonensi*, alterum A. 1493 de expeditione *Neapolitana*. Hujus causas ab origine repetit, non tam ex autoribus, qui extant, quam ex suo ingenio speciose reconcinnatas. Taxat per occasionem *Scipionem Gentilem*, Episcopum *Aretinum*, ob immodicam laudis ab eruditione & eloquentia captationem, quam consiliis publicis, quibus pax Italiae servari potuisset, no- cuisse putat. Affert quædam ex manuscriptis de gestis Pontificum, in primis *Alexandri VI. Ludovici vero Sfortia* historia plurimas libri paginas implet, nec non Regum Neapolitanorum & familiae *Mediceæ*. Jus Galliae Regum in Provinciam, itemque regna Neapolis atque Siciliae, ex tribus dispositionibus & cessionibus *Renati Andegavensis*

pag. 179.

Regis Neapolitani ejusque agnati & heredis Caroli Comitis Ceniomanorum deducit. *Renatus* nempe A. 1478 Ludovico XI Provinciam conditionibus in pacto expressis tradidisse dicitur: deinde A. 1480 condito testamento Carolum modo dictum fratris sui filium heredem scripsisse, exclusis filiabus suis earumque posteris: denique Carolum istum, quicquid a *Renato* patruo acceperat, A. 1482 *Ludovico XI* legasse. Fœderis conditiones inter Carolum VIII & Ludovicum Sfortiam initi, ex tabulis authenticis exponit, refellitque veteres autores, qui scripserunt, *Sfortia* Principatum *Tarentinum* cum jure supremo articulis secretis a Rege promissum fuisse.

208.

*Libro III.* historiam *Francisci Sfortia*, qui post mortē Philippi Mariae, ultimi ex Vicecomitum familia Mediolanensium Ducis, ducatum invasit, ejusque successorum *Galeatii*, *Johanni Galeatii*, & *Ludovici* prolixè explicat; ubi obiter monet, jus Austriacum in Mediolanensem ditionem rectius ex *Philippi* illius testamento, quo *Alfonsum* Regem Neapolitanū heredem scripsit, quam ex investitura Cæsarea defendi posse, quia scil. tota successio Regum illorum Neapolitanorum ad Austriacos pervenit. De matrimonio *Maximiliani I.* Imperatoris cum *Blanca Sfortia*, & investitura *Ludovico Sfortia* facta, multa cum acrimonia & satyrico in Imperatorem sale tractat. Cum vero jam dudum inæqualitas illius matrimonii Maximiliano exprobrata a scriptoribus fuerit, ipse excusandi ejus specie, *Friderici III.* (parentis Maximiliani) exemplum proponit, qui *Eleonoram*, Johannis Portugalliae Regis, cujus

16.

mater Judæa fuerit, neptem uxorem duxerit. Miratur, neminem ex scriptoribus intra duo secula hoc pro Maximiliano allegasse. Hujus itaque argumenti, pulchre scilicet inventi primum debetur Varillasio, qui tamen cogitare debuit, hoc aculeo, si quis est, suum etiam Regem pungi, qui ab Eleonora illa per Serenissimam Matrem suam, Annam Austriacam, itidem genus ducit. Consultius fortassis etiam Historicus Regius in Gallia fœdus Alexandri VI cum Turcis dissimulasset, nisi eo ipso Gallica fœdera cum Barbaris exemplum & excusationem invenire putarit. Major tamen utique Pontificis, qui se pro Vicario Christi gerebat, culpa fuit, quæ extenuari non potest excusatione quam affert, quod Papa non qua talis, sed ut Princeps politicus, supremusque regni Neapolitani Dominus cum Turcis pepigerit. Reliqua hujus libri parte recensentur acta Caroli VIII cum Pontifice & Florentinis, tum

232.

imma-

immania Ferdinandi senioris, filiiq̃ ejus Alfonsi, Regum Neapolitanorum, flagitia & facta.

*Liber IV.* occupatum celeriter a *Carolo VIII* regnum Neapolitanū,reditumq; ejus periculosissimum in Galliam describit. Non tacet Autor errores & vitia Caroli, quibus felicitatem suam ipse corruperit, pro- pag: 305.  
secutionem victoriæ neglexerit, pompas inanes & voluptates sectatus sit, opes regni luxu & inconsideratis donationibus exhausserit, nobiles ex Andegavensi factione, quibus regni possessionem magna ex parte debebat, meritis præmiis privaverit, cives denique, quos Reges priores facili accessu dignabantur, per fastum repulerit & insensos sibi reddiderit. Alexandri VI detestabile facinus memorat, quod *Zizimum, Bajaz- 310.*  
*z-ius* Turcorum Imperatoris fratrem, non solum pensione Turcica annua quadraginta millium aureorum in custodia tenuerit, sed etiam, cum ex pacto cum Gallis, *Zizimus* ille Carolo VIII Regi tradendus, ejusque nomine prætexto belli titulus contra Bajazetem quærendus esset, corrumpi se a Turcis, trecentorum millium aureorum pretio passus fuerit, ut lentum venenum *Zizimo* propinaretur, quo paulo post extinctus est. Refert etiam *Hieronymi Savonarole* acta cum Carolo Rè- 345.  
ge, ut ei bona & mala prædixerit, & nisi ad reformandam Ecclesiam animum serio appelleret, exitium minatus fuerit. Operosa est descriptio prælii ad Tarum amnem, sive *Fornovum* oppidum, d. 15. Jul. A. 1490 cum fœderatorum Italarum exercitu, qui Gallico quadruplo major fuit, ita commissum, ut Rex illis profligatis, iter suum in Subal- 363. 375.  
pina & inde in Galliam prosequi potuerit. Duplici autem modo pugnae istius historiam proponit, aliter nempe ex Gallorum, aliter ex Italarum relatione, judicium & electionem lectoribus deferens, utris assentiri velint.

*Libro V.* sub initium *Comineum & Guicciardinum* perstringit, in descriptione prælii illius, ut putat, hallucinatos. Gallia Regi im- 391.  
putat, quod male consultus occasionem occupandi in itinere illo Ducatus Mediolanensis neglexerit. *Jovium*, cujus venalem calamum 394.  
reprehendit, eatenus tamen laudat, quod *Consalvum Cordubensem* 398.  
(*Magni Capitanus* nomine celebrem) jura divina & humana violasse fateatur, dum Gallorum res in Italia profterneret, & regnum Neapolitanum Hispanis vindicaret. De matrimonio Ferdinandi junioris, qui anno 427.  
1496 regnum illud recuperavit, cum amita sua ita loquitur, ut dispen-

- saionem Pontificis non satis probet. Guicciardino denuo dicam scribit, quod in historia obsidionis Novariensis fidem corruperit non alia ex causa, quam ut personam fingeret, cui orationem, in quibus componendis scriptor ille gloriam affectare videtur, apte posset tribuere.
- pag. 443. Multus post hæc est in detegendis Caroli Regis noxiis consiliis & actis, affectibusque *Brissonei* Cardinalis, quo ministro primario utebatur.
460. Secuta itaque est præceps & fugæ similis ex Subalpinis in Galliam reditus, totiusque regni Neapolitani amissio, consumto cladibus & morbis toto Gallorum exercitu, cum ipso duce Montpenserio supra nominato.
483. In dubium vocatur ab Autore *Petri Bembi* Veneti historici relatio, qua patriæ suæ eandem laudem tribuit, quam Romani olim reportarunt, cum Pyrrho Epirotarum Regi perfidiam medici sui revelassent. Idem enim fecisse, narravit *Bembus*, Senaturn Venetum, cum illo tempore aulicus quidam Caroli VIII ex eadem Epirotarum sive Albanorum gente polliceretur, se Regem veneno sublaturum esse. Negat enim Varillafius, in aula Regis ullum ex ista natione fuisse, & rationes exponit, per quas mors Caroli Venetis nullum allatura fuisset emolumentum. Magnam inde iterum negligentiam Caroli accusat, quod matrimonium *Philippi* Austriaci cum *Johanna Arragonia*, cum posset, non impediverit; agnoscit tamen divinam providentiam, quæ per conjugium istud potentia, ad quam natus ex illo Carolus V Imperator postea evehctus est, fundamenta struxerit. Carolo VIII filii fuerant, sed ante Patrem defuncti, & spes prolis simul defecit, quod is corpus vagis libidinibus exhaustisset. Secutus est etiam ipsius Regis subitus interitus ex apoplexia.
526. De vitiiis & defectibus ejus sat multa dixit Autor: adscribi tamen mereatur, quod de ejus emendatione in fine historię subjunxit. *Seria*, ait, *conversionis argumenta fuerunt, quod Rex novas leges gubernationis, quam ipse jam tractare & gerere cœperat, ministris antea obsequi solitus, instituit; jurisdictionis & æconomiarum rationes ordinavit; convitiis concussonis deposuit aut ab officio suspendit; bis in hebdomada, & supplicantes etiam pauperrimos & senues ex populo audivit; laboravit in restituenda disciplina Cleri; abusum pluralitatis beneficiorum ecclesiasticorum, quantum in se fuit, sustulit; reddituum suorum rationes ipse investigavit; tributorum modum ad summam duodecies centenorum milium librarum reduxit; consiliarios & ministros perspecta probitatis elegit, & cum eo tempore eminenti virtutis & industria viros non facile inveni-*

inveniret, eos tamen prae tulit, quorum mores culpari non possent; abstinere cepit a disertiis lasciviis & indecentibus, quibus antea adfueverat, nihilque ex eo auditum amplius fuit, quam quod reverentiam erga Deum, & tenerum in subditos amorem indicaret. Ita se juvenis adhuc ad vitam futuram preparabat, tanquam non diu praesentis fruiturus. Insigne continentiae ab illo editae specimen d. l. refert Autor, narrans, quomodo juvenulam eximia formae in civitate Assensu stupri causa ad se ductam, in medio libidinis ardore, precibus & lacrymis ejus victus, intactam dimiserit & honeste elocatam munifice dotaverit.

**PHILOSOPHIAE CARTESIANAE ADVERSUS  
Censuram P. D. Huetii Vindicatio, autore D.  
Andrea Petermanno.**

Lipsiae, apud J. C. Meyerum, 1690, in 4. Plag. 8.

**JO. EBERHARDI SCHWELINGII EXERCITATIONES  
Cathedrae in P. D. Huetii Episcopi  
Suessionensis Censuram Philosophiae Cartesianae.**

Bremae, typis Herm. Braueri, 1690, in 8. Plag. 30.

**JO. SCHOTANI EXETASIS CENSURAE, QUAE  
P. D. Huetius Philosophiam Cartesianam ini-  
que vexavit.**

Franequerae, typis Jo. Gyselaar, 1691, in 8. Plag. 28.

**V**ix dum in lucem prodierat *Cartesiana Philosophiae Censura Huetiana*, cum statim suos quoque nactus est censores. Et primus quidem omnium has partes sibi sumsit Vir experientissimus D. Andreas Petermannus Anatomiae hoc tempore in Academia nostra Professor Publicus. Secuti hunc sunt Vir consultissimus *Job. Eberh. Schwelingius*, Juris pariter atque Philosophiae naturalis in illustri Gymnasio Bremensi Doctor publicus, & clarissimus Vir *Job. Schotanus a Sterringa*, Philosophiae in Lyceo Franequerano Professor. Atque hic quidem *Exetasis Censura Huetiana* ipsum Huetii scriptum inseruit, acriusque paulo dicendi genus adhibuit; iste fusa rem omnem discussit; ille au-  
tem

tem stricte breviterque Cartesium defendit. Ut ergo adpareat, quid responsum fuerit Huetio, præcipue quoad illa, quæ in Actis Januarii A. 1690 recensuimus, *Schvvelingii* nunc librum, & eum quidem solum, ne uno in argumento nimii simus, paucis recensebimus; inprimis cum *Pettermanni* liber dudum jam in doctorum virorum manibus versetur, brevique tempore perlustrari possit, *Schotani* vero opus in officinis nostris librariis frequentius quam *Schvvelingii* sit obvium. Id autem generatim in Huetio reprehendit *Schvvelingius*, quod vix unquam Domini Des-Cartes sententiam candide proposuerit, plerumque vero affinixerit ipsi opiniones absurdas, ut larvas haberet, quibuscum depugnaret. Nam ad *primum Censura caput*, in quo *dubitationem* Cartesianam & propositionem, *Ego cogito, ergo sum*, tantopere exagitat Censor, regerit *Schvvelingius*, *dubitationem* illam non in rigore summo esse accipiendam, sed nihil aliud significare, quam remedium illud mentem a præjudiciis avertendi, dum nihil decernimus, aut pro vero vel falso habemus; eo solum fine, ut rationes, quæ assensum aut dissensum vel invitis extorqueant, inquiramus. Cartesium enim, cum videret nihil eorum, quæ sensibus & intellectu cognoscuntur, de quorum tamen veritate apud se vel maxime esset convictus, per philosophiam receptam adversus rationes dubitandi, quibus Athei & Sceptici abutuntur, defendi satis posse, consilium cepisse de cogitationibus semel in limine philosophandi quam maxime avertendis ab omni præcognito, quod experiretur ab hostibus veritatis per objectiones, quæ promte refutari non possent, dubium reddi posse, donec inveniret veritatem quæ a nemine in dubium vocari posset. Cum ergo incidisset in hoc primum cognitum, se existere rem cogitantem, cessasse omnem *εποχην*, quæ potius laudanda in ipso, quam vitio ei sit vertenda. Quamvis autem Des-Cartes unico didicerit intuitu se cogitare & existere, cum hoc ipsum sine regulis dialecticis & absq; illatione per immediatam conscientiam cognoscatur, recte tamen existentiam inferri ex cogitatione, cum plus dicat *τὸ* cogitare quam existere, ac proinde mirum non esse, si in cogitatione actuali existentia rei cogitantis includatur, cum in præmissis virtualiter lateat conclusio. Porro, quia particularia notiora nobis sunt universalibus, ita ut, dum cognoscimus particularia, eadem opera universalia quoque intelligamus, recte dici posse, generalia lumine naturæ esse cognita, postquam adest notitia specierum, atque hinc Dn. Des-Cartes post detectam primam

verita-



veritatem optimo jure alia generalia admitti jubere. Nihil etiam aliud hoc enunciato, *Ego cogito, ergo sum*, significari, quam quod intelligi vult Cartesius, falsumque esse duplicem adhiberi cogitationem, cum mens cogitat se esse rem cogitantem. Tandem Cartesio injuria tribui, ac si statuerit, Deum fallere nos posse; cum hæc sit Scepticorū objectio ab illo proposita, ut ostenderet, eam nequaquam labefactare posse primam veritatem a se inventam, quæ sua certitudine & evidentia ita convinceret animum, ut assensum denegare non posset.

Ad *secundum* Huetii *caput* sequentia respondentur: Viam qua Dn. Des-Cartes ad *veritatis criterium* pervenerit, regiam omnino rectamque fuisse. Cum enim ipsi innotuisset veritas prima, *se existere rem cogitantem*, vidisse illum quoque, causam, cur tantopere de illa certus esset, non esse aliam quam claram ac distinctam perceptionem, & hinc merito conclusisse, alia quoque vera esse, quæ æque clare ac distincte cognosceret, ac proinde admittenda ceu nulli obnoxia dubitationi. Quod vero modo lumen naturale, modo perspicuitas pro *criterio* allegetur, id nullam arguere inconstantiam, cum una eademque res per diversa hæc nomina intelligatur. Neque etiam circulum committere Cartesium, dum modo, ut Huetius ait, ex eo quod clara & distincta perceptio vera sit, colligit se esse, atque item Deum; modo vero ex eo quod sit Deus, colligit claram & distinctam perceptionem veram esse. Ipsum enim ante demonstrationem de existentia Dei, infallibiliter certum fuisse de se deque *criterio veritatis*, nondum tamen perfectam habuisse sui & criterii veritatis scientiam per causas. Cognita vero demum existentia Numinis, causam criterii a priore dedisse hanc, quod Deus omniscius atque optimus nec fallere possit aut falli, neque etiam, salva sua immutabili veracitate, intellectum condere, qui aliquid videat, quod non ita se revera habeat, prout ab illo videtur; atque hoc sensu docuisse, nisi nobis constet Deum esse, fierique non posse ut nos fallat, nihil a nobis perfecte sciri posse, nec ipsa etiam Theoremata Geometrarum. Frustra autem cavillari Huetium regulas methodi, quibus *clare, distincte, ordine, adequate* contemplari res propositas jussit Des-Cartes; falsumque plane esse, illum pluribus argumentis probabilibus vim certissimi argumenti tribuisse; aut Cartesianos statuere, quod habent in mente, id omne existare extra mentem.

De mente humana vera sensisse Cartesium, contra ac Huetius pu-

tat *capite* suæ Censuræ *tertio*, Schvvelingius ex eo conficit, quod cogitatio est primum & immediatum mentis attributum, nec non ipsa sine corpore optime potest concipi. Licet vero ex hac hypothese colligatur, minime pertinere corpus ad essentiam animi, negat tamen Cartesii Hyperaspistes hinc sequi, sola mente totum constare hominem, aut Cartesium hoc unquam docuisse. Quæ deinde ad sensum corpori asserendum subjicit phænomena Censor, ea, iudice Schvvelingio, nequaquam confirmant animam non sentire, sed optime explicari possunt ex hypothese Cartesiana, quæ animam per corpus sentire ultro concedit, perfectamque sensationem illam vocat, cum animus exceptos organis sensoriiis motus percipit, illique perceptioni suum superaddit iudicium. Porro Cartesii sententia de Ideis commode explicatur, ostenditurque Huetium, dum evincere conatur, nihil esse in intellectu quod non fuerit in sensu, & tamen concedit ideas universales ab intellectu effingi, sibi ipsi non constare. Tandem de animæ sede disputatur, & glandula pinealis a telis, quibus eam Censor impetit, defenditur. Quæ ad illa, quibus *argumentum ad existentiam Dei probandam* a Cartesio excogitatum impugnatur *capite quarto* Censuræ Huetianæ, reponuntur, prolixum esset omnia referre. Concedit quidem Schvvelingius, inspectionem creaturarum rerum ad Dei cognitionem nos deducere per vias, quas Scholastici causalitatis, eminentiæ & negationis adpellant, sed methodos hasce præsupponere jam Ideam Numinis innatam, eamque solum explicationem clarioremque efficere, contendit. Cartesium vero a petitione principii liberat dicendo, ipsum quidem ante inventam demonstrationem de existentia Dei, certum fuisse de rebus variis per immediatam experientiam, sed post Deum demonstrative cognitum, illas quoque per causas ac scientifice cognovisse.

Porro illa, quæ in *capite quinto, sexto & septimo* Cartesii *doctrina physica* objecta sunt, ita diluuntur: Dn. Des-Cartes recte corporis essentiam constituere in extensione, cum in corpore nihil deprehendatur quam divisibilitas, mobilitas, figurabilitas, situabilitas, dimensionumque ac mensurarum certarum capacitas, quæ omnia ab extensione dependant. Ipsum mundos uno plures existere posse negasse, quia id repugnet naturæ rerum, neque tamen definivisse, quid per potentiam Dei absolutam fieri posset. Vim argumenti Cartesiani, quo naturam corporis non in duritie aut mollietate consistere ostenditur, Adversarium

farium non fuisse afsecutum, cum in eo non de translatione totius corporis sermo sit, sed de intestino particularum insensilium motu: mundum autem infinitum dici, quia nullas cognoscimus extensionis mundi fines. Speciatim ad *argumentum Henr. Mori*, in quo praesidium validissimum ponit Huetius, reponitur, falsam assumi a Moro hypothesein, quod scilicet, particulæ illæ minutæ, ex quibus ortus hujus mundi derivatur, fuerint æquales, & vel cubi vel prismata hexagona. Nullibi enim hoc Cartesium determinasse, sed potius disertis verbis fateri, hæc sola ratione definiri non posse, cum potuerint innumeris iisque diversissimis modis a Deo temperari. *Gravitatis* autem *causa* dum vindicatur ab Adversarii insultu, objicitur eidem, non recte intellectam ipsi fuisse Cartesii sententiam, qui non in solos globulos causam gravitatis retulerit; neq; ipsum satis considerasse æqualitatem situs terræ ac vorticis eam peculiariter ambientis, ut habeant ambo unum axem, sitque terræ superficies in omnibus axis sui punctis plane recta, & perpendicularis globulis oppositè versantibus; ex quo fiat, ut ad rectos angulos gravium pressiones ubique in superficie terræ peragantur, nec ipsis exceptis polis, per quos effluens materia subtilis gravia corpora deorsum propellat.

Tandem in *ultimo capite* plura odiosa & falsa, quam vera contineri, ostendit Cartesii vindex. Falsum enim esse, quod a Christianæ religionis placitis sit aliena philosophia Cartesiana, licet cum inepto Transsubstantiationis dogmate conciliari non possit, cui & ipse Renatus renunciasset amplexurus Reformatorum fidem, nisi eristicis de confraternitate Mariâna Voetium inter ac Maresium scriptis absterritus fuisset. Falsum quoque esse, quod ejus asseclæ sint elegantiorum literatum osores, Aristotelemque nullo in numero habeant, quodque Des-Cartes ex antiquorum scriptis omnia furtim sublegerit, cum incertum sit, an veteres eodem modo sua explicarint dogmata, ac Cartesius, qui suæ methodo insistens omnia, quæ proposuit, ex principiis semel adsumtis derivavit.

## G. G. L. DE SOLUTIONIBUS PROBLEMATIS

*Catenarii vel Funicularis in Actis Junii A. 1691,*

*aliisque a Dn. I. B. propositis.*

**V**alde delectatus sum lectis tribus Problematis a *Galileo* propositis, a *D. Bernoullio* renovati, solutionibus inter se consentientibus, quod indicium est veritatis, apud eos valiturum, qui talia accurate non examinant. Etsi autem omnia conferre non vacaverit, in summa tamen rei manifesta est concordia. Legem tangentium, & extensionem curvæ catenariæ in rectam invenimus omnes, & cum curvedinis mensurâ olim in *Actis Junii A. 1686, p. 489*, (introducendo novo contactus genere, quem osculum appellare placuit) explicuerim per radium circuli curvam osculantis, seu ex omnibus circulis tangentibus maxime ad curvam accedentis, eundemque adeo quem ipsa curva ad rectam facientis angulum contactus, placuit celeberrimo *Hugenio* (animadvertenti contra horum circulorum semper incidere in lineas a se primum inventas, quarum evolutione describuntur datæ) speculationem huc applicare, & investigare radium curvaturæ vel circulum osculatorem curvæ catenariæ, sive ejus curvam evolutione generantem, quam & dedit solutio *Bernoulliana*. In *Hugeniana* autem, distantia quoque habetur centri gravitatis catenariæ ab axe. In *Bernoulliana* & mea, ejusdem distantia tam ab axe quam & a basi aut alia recta, adeoque puncti determinatio, item quadratura figuræ catenariæ. Quibus ego in mea centrum gravitatis etiam hujus figuræ seu areæ adjeci. Constructionem lineæ *Dn. Hugenius* exhibet ex supposita quadratura curvæ, qualis est  $xyy = a^4 - aayy$ , *Dn. Job. Bernoullius* & ego reduximus ad quadraturam hyperbolæ; illo perbene adhibente etiam extensionem curvæ parabolæ in rectam, me denique rem omnem reducens ad logarithmos, eaque ratione obtinente, *perfectissimum in Transcendentibus exprimendi pariter & construendi genus*. Sic enim unica tantum semel supposita vel habitata ratione constante, de reliquo infinita puncta vera exhiberi possunt per communem Geometriam sine interventu ulteriore quadraturarum, aut extensionum in rectas. Lineæ Catenariæ mirum & elegantem cum Logarithmis consensum, ex mea constructione animadvertere fortasse non injucundum videbitur. Caterum a *Dn. Hugenio* (egregii ex Tab. Sinuum compendii nobis spem faciente) observatum est, rem etiam reduci ad summam secantium arcuum, per minima æqualiter crescentium. Idem & a me notatum fuerat, & cum in mentem venisset, ab iisdem pendere & lineæ rhombicæ seu loxodromicæ determinationem in usum nautarum, quam jam multis abhinc annis

annis etiam ex logarithmis definiisse recordabar, excussi veteres schedas, & in *proxime precedente Aprili p. 181 Actorum Erud. bujus anni* rem tandem publice exhibui. Contigit autem, ut Clarissimus Basileensium Professor Dn. *Jacob Bernoullius* Problematis Catenarii renovator, fraternæ solutioni, in *Junio nupero p. 282*, subjiceret etiam loxodromiarum considerationem, ubi multa detexit egregia; dedit etiam constructionem loxodromiæ ex supposita quadratura lineæ, cujus abscissa & ordinata sint  $z$  &  $x$ , æquatio vero differentialis ad calculi mei ritum, sit  $dx = r r dz$ :  $z \sqrt{r r - z z}$ . Ubi vero videbit, quomodo res a me reducta sit ad quadraturam hyperbolæ aut logarithmos, agnoscat credo nunc colophonem quodammodo impositum esse huic diquisitioni, tantumque superesse, ut ad usum practicum captumque popularem magis adaptetur. Ubi tamen annotare debeo, quædam in dicta mea lineæ rhombicæ constructione, Aprili nupero publicata, esse corrigenda. Nam pag. 181, lin. 12, pro  $11z$ , ponatur  $11z$ , & lin. 25 pro  $1dz$  ponatur  $2dz$ , & pag. 182, linea 20, pro *sen ad*  $\frac{e}{1} + \frac{e^3}{3} + \frac{e^5}{5}$  &c. ponatur *sen ad*

$$\frac{e - (e)}{1} + \frac{e^3 - (e)^3}{3} + \frac{e^5 - (e)^5}{5} \text{ &c.}$$

Quod utique debuisset poni, ex præcedentibus apparet. Elegans est, quod Dominus *Bernoullius* habet, *Januarii nuperi p. 16*, de curvæ partibus quibusdam dissimilaribus inter se æqualibus. Porro *Junii p. 283* lineam finitæ magnitudinis, infinitos licet gyros facientem, non puto esse interminatam; cum finitæ sit æqualis, & motu æquabili finito tempore percurri possit. Hæreo etiam circa id, quod ab eodem dictum est *mensse Januarii proximo p. 21*, nullius curvæ Geometricæ in se redeuntis rectificationem (generalem) esse possibilem. Scio alium virum Clarissimum simili argumento probare instituisse, nullius arcæ curvæ Geometricæ in se redeuntis quadraturam indefinitam esse possibilem; visum tamen est Dn. *Hugenio* non minus quam mihi, rem non esse confectam. Et ni fallor, dantur instantiæ, quibus tamen hujusmodi argumenta applicari possunt. Hæc veritatis amore, non contradicendi studio a me notata, spero non displicitura, cum aliis egregie dictis nihil detrahant. Ego certe eo sum animo, ut viros præclare de literis meritos ac merituos, lubentissime nec sine voluptate prædicem, hanc eorum laboribus honestissimam mercedem

deberi judicans, quæ & in futurum incitamento, & ipsis & aliis esse potest. Negare non possum, nîrifice mihi placuisse, quæ Celeb. *Bernoullius* cum ingeniosissimo juvene *fratre* suo fundamentis calculi novi a me jactis inædificavit, idque eo magis, quod excepto acutissimo *Scoto Job. Craigio* nondum mihi occurrerat, qui eo fuisset usus, ipsorum autem præclaris inventis rem, quam summæ utilitatis esse judico, & ab ipsis agnoscere video, spero latius propagatum iri in usum rei literariæ. Nec dubium est, quin ea ratione *Analysis Mathematica* perfectioni propius admoveatur, & *Transcendentia* hætenus exclusa ei subjiciantur. Egregie a Dn. *Bernoullio* annotatum est, in omni puncto flexus contrarii rationem inter  $x$  &  $y$ , vel  $dx$  &  $dy$ , esse omnium possibilitium maximam vel minimam. Et omnino non dubito, ipsos aliqua detecturos, ad quæ pervenire mihi ipsi difficile esset futurum: supersunt enim, in quibus nondum ipse optata brevitate rem conficere possum. Et quemadmodum mihi, qui in has meditationes occasione *Pascalianorum* & *Hugenanorum* scriptorum potissimum incidi, ad ea pervenire progrediendo licuit, quæ ex illis non facile deducuntur, & quæ antea vix sperabantur: ita credo, mea qualiacunque aliis adhuc abstrusioribus occasionem præbitura. Et sanè gratulor clarissimo B. affinia problemati catenariodanti & daturò, si nempe catena sit inæqualis crassitie, si funis sit extendibilis, si pro fune gravi adhibeatur lamina elastica, ac denique de figura veli; de quibus vellem mihi cum eo conferre nunc liceret, sed diversissimi generis laboribus distractissimus ægre nuper a me obtinere potui, ut repertam jam ante annum solutionem propositi ab ipso Problematis tandem elaborarem & in ordinem redigerem, quæ etiam moræ causa fuit. Cæterum quia ipse p. 290 conjicere voluit, qua occasione, aut quorum ante me scriptorum auxiliis potissimum ad has meditationes devenerim, placet id quoque candide aperire. Eram ego hospes plane in interiore Geometria, cum Lutetia Parisiorum A. 1672 *Christiani Hugonii* notitiam nactus sum, cui certe viro, post *Galileum* & *Cartesium*, & has literas publice, & me in ipsis privatim plurimum debere agnosco. Hujus cum legerem librum de *Horologio Oscillatorio*, adjungeremque *Dettonvillas* (id est *Pascalii*) Epistolas & *Gregorii a S. Vincentio* opus, subito lucem hausi, & mihi, & aliis quoque qui me in his novum norant inexpectatam, quod mox speciminibus datis ostendi. Ita mihi sese aperuit ingens numerus theorematum, quæ corollaria tantum

tantum erant methodi novæ, quorum partem deinde apud *Jac. Gregorium & Isaacum Barrowium* aliosque deprehendi. Sed animadverti fontes non satis adhuc patuisse, & restare interius aliquid, quo pars illa Geometriæ sublimior tandem aliquando ad analysin revocari posset, cujus antea incapax habebatur. Ejus elementa aliquot abhinc annis publicavi, consulens potius utilitati publicæ, quam gloriæ meæ, cui fortasse magis velificari potuissem methodo suppressa. Sed mihi jucundius est, ex sparsis a me seminibus natos in aliorum quoque hortis fructus videre. Nam nec mihi ipsi integrum erat hæc satis excolere, nec deerant alia, in quibus aditus novos aperirem, quod ego semper palmarium judicavi, ac methodos potius, quam specialia licet vulgo plausibilia æstimavi. Postremo unum adjiciam, etsi ab hoc loco alienum, optare me, ut *D. Bernoullius* expendere dignetur, quæ circa æstimationem virium *D. Papino* altera vice repono, præsertim in fine, ubi detexisse videor fontem erroris popularis. Optime urget *Julio nupero p. 321.* nihil virium deperdi, quod non alicubi impendatur; sed differunt vires & quantitas motus: & præterquam, quod quanto firmior obex, eo minus potentiæ in ipso perditur, certissimum est, obstacula in data quavis ratione diminui posse, & obstacula attritus seu frictionis non esse proportionalia celeritati (ut monui in *schediaismo de resistentia*) esse quidem resistentiam medii, sed nihil prohibet fingi oscillationes in loco aere exhausto, aut medio quantævis tenuitatis; postremo abstrahendus est animus a circumstantiis variabilibus, ad ipsam per se rei naturam indagandam.

## G. G. L. DE LEGIBUS NATURÆ ET VERA æstimatione virium motricium contra Cartesianos

*Responsio ad rationes a Dn. P. mense Januarii proximo  
in Actis hisce p. 6 propositas.*

**C**um varia impedimenta promptius responsuro obstiterint, facile a Clarissimi Antagonistæ humanitate veniam spero. Ut brevitati qua licet consulatur, disquisitionem de causa gravitatis cum ipso nunc sepono. Primaria de virium æstimatione quæstio est, quas scilicet semper easdem natura conservat. Plerique vim æstiment producto ex mole in velocitatem seu quantitate motus, unde & *Cartesiani* volunt, eandem

candem in natura motus quantitatem conservari. Ego contra ostendi in *Actis Erudit. Mart. 1686 pag. 16*, cum concessum sit a plerisque, potissimum ab ipsis *Cartesianis*, ejusdem potentiae esse elevare unam libram ad quatuor pedes, aut quatuor libras ad unum pedem; non posse vim aestimari per quantitatem motus, nec corpus librarum 4 velocitatem habens gradus unius tantum valere, quantum corpus librae unius velocitatem habens graduum quatuor; quoniam si illud unam libram possit elevare ad pedes 4, hoc eandem possit elevare ad pedes 16. Huic meo argumento quidam respondere conati, sese ita implicuerunt, ut non satis rem percepisse videantur, dum concesserunt aestimationem potentiae in ratione molis & altitudinis, ad quam moles vel pondus attolli potest. Sed Dn. P. recte vidit, hac admissa, aestimationem in ratione molis & velocitatis stare non posse; itaque de hac persuasus, illam negat *Act. Erud. April. 1689, p. 183*, & argumentum quoddam suum pro velocitate in pari mole viribus proportionali affert. Ego respondens *Act. Erud. Maji 1690, p. 228*, & rem altius repetens, docui ex contraria sententia sequi inaequalitatem causae & effectus, imo motum perpetuum, quae absurda videantur. *Virium* enim *inaequalium* ea esse definivi, quorum si unum aliquod in alterius locum substitui supponatur, nascatur motus perpetuus seu effectus *potior* causa, & substitutum tunc esse *potentia majoris*, id cui substituitur, *minoris*. Ostendi autem machinatione quadam adhibita, si globus quadrilibris velocitatem habens ut i totam suam vim transferre supponatur in globum unilibrem, isque proinde secundum vulgarem sententiam debeat recipere velocitatem ut 4, oriturum esse effectum potiore causa, seu motum perpetuum mechanicum. *Potius* autem hic voco, in quo vel in cujus effectum continetur alterum (*inferius*) aut ejus effectus, & adhuc aliquid praeterea; seu *potius* & *inferius* vel *major* & *minus* hoc loco sunt, cum contenta (formalia vel virtualia) hujus in illius contentis insunt & aliquid praeterea. Ita potius est, quod attollere potest libram ad 16 pedes, quam quod ad 4; nam illud etiam libram attollit ad 4 pedes & praeterea adhuc ad 12 pedes.

Clarissimus P. mense *Januario Actorum hujus anni* partim ad meum argumentum respondet, partim ad suum quod necit, accuratam responsionem jure suo postulat. Sequar praecuntem eo libentius, quod & perspicaciam ejus & candorem animadverto. Interim ad argumenti mei partem tantum respondere videtur. Concedit candidè, motum perpe-



perpetuum ex vulgari sententia secuturum esse, si globi 4 librarum, velocitatis ut 1, tota vis transferri possit in globum unius libræ, sed hoc fieri posse negat. Ego (inquit p. 9 *Al. Erud. hujus anni*) & motum perpetuum absurdum esse fateor, & demonstrationem ex supposita translatione esse legitimam. Et mox, si mihi indicet rationem aliquam, qua tota vis motrix sine miraculo ex corpore majori transferri queat in minus & quiescens, ego vel motum perpetuum vel vitæ manus dabo. De ratione hoc efficiendi postea, nunc dicam ad vim inæ argumenti, ea non omnino esse opus. Mihi enim satis fuit ostendere, 4 lib. veloc. 1, & 1 lib. veloc. 4 non posse esse virium æqualium; cum si supponimus unum in alterius locum substitui, sequatur motus perpetuus. Non igitur opus habeo, ut ostendam modum actu efficiendi hanc substitutionem. Si quis autem neget meam hanc virium æqualium & inæqualium definitionem (quam tamen Dn. P. admittere visus est) ego, ne de nomine litigemus, id tantum quæram, an non reapse naturam observet, seu an non caveat, ut nunquam ea sibi substituat actu, quorum saltem alterutro alteri subrogato motus perpetuus oriri possit. Certum est experimenta prorsus favere, nec ullum exemplum in contrarium extare. Hoc concessio, non habeo opus, ut tota vis corporis majoris actu transferatur in corpus minus; sufficit mihi, exempli causa (quod concedere videtur Dn. P.) totam vim minoris in majus transferri posse. Itaque si tota vis 1 libr. veloc. 4 transferatur in corpus librarum 4, & hoc adeo secundum vulgarem sententiam recipiat velocitatem ut 1, incidetur in id absurdum (contra concessa) ut eorum unum substituat alteri, quorum alterum possit vicissim substitui ipsi, quin motus perpetuus oriatur. Et ita sequetur, naturam in transferendis viribus æqualitatis leges non servare effectuum respectu. Quod si etiam pro parte retineri vim, & pro parte transferri ponamus, in idem tamen absurdum incidemus. Erunt fortasse, qui vel omnem æqualitatis inter causam & effectum legem tollent (quales sunt qui motum perpetuum admittentes, quantumvis effectum per quantulumcunque produci posse putant) vel saltem negabunt quidem motum perpetuum seu effectum causa potioris esse possibilem; admittent tamen, ut effectus esse possit inferior causa. Sed vix credere possum, Dn. P. huc descensurum. Cum enim effectum causa potioris esse non posse concesserit, videretur effugium quærentis potius quam sibi satisfaciens, causam

admittere majorem effectū totali, cum utrumque æque a ratione abhorreere videatur. Sequeretur etiam, causam non posse iterum restitui suoque effectui surrogari, quod quantum abhorreat a more naturæ & rationibus rerum, facile intelligitur. Et consequens esset, decrescen-  
tibus semper effectibus, nec unquam rursus crescentibus, ipsam rerum naturam continue declinare perfectione imminuta; (fere ut in morali-  
bus secundum Poetam, ætas parentum pejor avis, tulit nos nequiores &c.) nec unquam resurgere & amissa recuperare posse sine miraculo. Quæ in Physicis certe abhorrent a sapientia constantiaque Conditoris. Videturque inter prima principia hujus doctrinæ recipi posse, ut semper causa & effectus (integra integro) æquipolleant. Et sane ipsius Dn. P. judicium & candorem appello, an rationi consentaneum ipsi videatur, ut pro potentia quæ poterat attollere unam libram ad 16 pedes, oriatur mox potentia quæ possit attollere unam libram non nisi ad 4 pedes? reliqua potentia nescio quomodo amissa, & ut ita dicam annihilata, sine ullo vestigio effectusque relicto. Quod utiq; contingeret, si pro 1 libr. veloc. 4 succedere posset 4 lib. veloc. 1. Quin imo effici poterit, ut totus effectus substitutus vix millesimam aut centesimam millesimam &c. partem ejus quod causa poterat, præstare possit. Nam si pro 1 libr. veloc. 1000 substituat 1000 lib. veloc. 1. (quod secundum vulgarem sententiam fieri potest) effectus ad millesimam partem redigitur, quæ videntur perabsurda. Et generaliter posito, primum dari A veloc. c, & B veloc. e, translationes vero & concursus esse A veloc. (c) & B veloc. (e) & secundum regulam vulgarem a *Cartesianis* maxime defensam, servandam esse quantitatem motus, seu esse  $Ac \div Be \approx$  A(c)  $\div$  B(e), tales assumi possunt numeri, ut eadem absurda oriantur.

Mirarer autem, si ipsi Dn. P. nihil subnatum esset scrupuli, tum hinc, tum quod videret vim max demonstrationis inevitabilem esse, nisi aliquid sine omni ratione possibile negetur, id est nisi naturæ rerum denegetur facultas efficiendi vel immediate & directe, vel mediate & per ambages, ut tota potentia majoris corporis alicujus transferatur aliquando in quoddam corpus minus antea quiescens. Profecto sententia quæ eo redacta est, ut stare non possit, si hoc reperiatur possibile, valde laborat atque in periculo versatur. Ut taceam, non videri generalem naturæ legem a tali conditione debere suspendi, & suspectum esse effugium, quod nulla postulata admittit nisi actu procurata; ut si quis

quis Archimedi postulanti negasset, aliquam rectam alicui curvæ æqualem esse, quia nullam poterat Geometrice exhibere. Itaque prope mihi persuadeo, Dn. P. expensis omnibus tandem in nostram sententiam inclinaturum. Si quis tamen absurda paulo ante indicata concoquere posset, in ejus gratiam tentabo, quod Clarissimus Antagonista postulat, *modum indicare, quo natura efficere possit, ut potentia corporis majoris transferatur in minus quiescens*. Possum autem afferre non unum. Et quidem si concedatur, posse totam vim minoris transferri in majus sive motum sive quiescens, igitur A motum, majus B quiescente dividamus in partes ipso B minores, totius A velocitatem retinentes, & cujuslibet deinde potentiam in B transferendo successive, tota ipsius A majoris potentia translata erit in B minus quiescens. Aliter: A & B connectantur linea rigida quantum satis est longa, & in ea sumatur punctum H quod ponatur sibi, ita ut compositum non progredi quidem, rotari tamen possit circa immotum punctum H, quod sit tam vicinum ipsi A, & tam remotum a B, ut celeritas quæ inter circulandum competit ipsi A, sit quantumvis parva. Ita potest A haberi pro quiescente, vel quasi, & tota quasi vis ejus soluto mox nexu seu linea rigida sublata, translata erit in B. Adhibeo lineas rigidas mole carentes, exemplo aliorum qui & puncta gravia fingunt, aliisque id genus demonstrationum subsidiis utuntur, non utique aspernandis, quando non de praxi, sed rationibus indagandis agitur. Et compertum habeo, nunquam inde aliquid falsi deduci. Cum Florentiæ essem, dedi amico aliam adhuc demonstrationem pro possibilitate translationis virium totalium &c. corpore majore in minus quiescens, prorsus affinem illis ipsis quæ *Clariss. Papinus* ingeniosissime pro me juvando excogitavit, pro quibus gratias debeo, imo & ago sinceritate ejus dignas. Quamvis enim mox ipse respondere tentet, & pag. II de instantia a se ipso facta ita disserat: *Ad id respondeo, negari non posse validitatem hujus argumenti, si supponamus vellem perfecte durum & rigidum, verum non datur in rerum natura ejusmodi perfecta durities*: Spero tamen, omnibus expensis ipsummet animadversurum, vim argumenti non ita facile eludi posse. Pro certo enim habeo, leges naturæ ac motus ita debere concipi, ut nullum oriatur absurdum, etiamsi corpora summe rigida ponantur, quemadmodum & Dn. *Malibranchium* admonui. Neque ullum, credo, exemplum contrarium afferetur.

Quin & sufficeret ad argumenti efficaciam, non esse impossibilia corpora perfecte rigida, etsi actu non darentur. Ut taceam, talia corpora secundum Atomorum Patronos necessario debere reperiri in natura. Quin etsi concedamus, nulla dari corpora perfecte rigida, imo nec dari posse, quoniam tamen elastica corpora promptæ admodum plenæque restitutionis in effectu rigidis æquipollent, idemque cum ipsis præstant, exiguo quantum voles discrimine, itaque si ipse vestis sit sufficienter rigidus, seu restitutionis quantum satis est plenæ ac promptæ, effici poterit, ut aberratio a perfecte rigido, sit data minor, adeoque vis omnis nostro argumento manebit, nec potuit motus perpetuus (saltem in theoria) evitari, nisi nuntius mittatur opinioni *Cartesianorum*.

Supereſt ut contrario Clarissimi Antagonistæ argumentò satisfaciam. Ejus enim speciositate videtur unice impeditus fuisse, ne meæ demonstrationi manus daret, quod & ipse p. II innuit, cum ait: *Satis est mihi aliquod argumenti dubium ostendere, quum enim supra allata demonstratio qua Cartesianorum sententia probatur, sit evidentissima* (id cujusmodi sit, nunc videbimus) *modo adversa opinio eadem certitudine non gaudeat, satis liquet priorem esse proferendam.* Cum ergo dubium meæ demonstrationi objectum sustulerim, nunc contrarium argumentum solvere aggrediar. Quod huc redit: Quæ æqualem vincere possunt resistantiam, eorum vires sunt æquales; sed corpus A 4 librarum, habens velocitatem unius gradus, & corpus B libræ unius, habens velocitatem 4 graduum, æqualem vincere possunt resistantiam; ergo corporum A & B vires sunt æquales. Minorem ratiocinatione p. 8 (ad formam Logicorum redacta) probat tali prosyllogismo: Quæ æqualem numerum impressionum gravitatis vincere possunt, eæ æquale vincere possunt resistantiam: sed corpora A & B æqualem numerum impressionum vincere possunt. Ergo &c. Minor hujus prosyllogismi sic porro probatur: Si corpora A & B ascendant in planis similiter inclinatis (vel etiã ambo perpendiculariter) tempora quibus suam ascendendi vim consumunt, seu perveniunt quousque possunt, erunt ut celeritates, uti constat ex *Galilei* ratiocinationibus. Sed celeritates in nostro casu sunt reciproce ut corpora A & B (ex hypothesi) ergo & tempora ascendendi sunt reciproce ut corpora A & B; sed quantitas impressionum gravitatis ascensu superanda, est in ratione composita, & corporis in quod fit impressio, & temporis quo durante fit impressio;

(quoniam

(quoniam si corpus pariter & tempus dividantur in partes æquales, æqualis est impressio in qualibet parte corporis, & in qualibet parte temporis) Et ratio composita eorum, quæ reciproce proportionalia sunt, est ratio æqualitatis. Itaque quantitas impressionum, seu numerus æqualium impressionum gravitatis in corpora A & B est æqualis. Ad hoc argumentum respondeo, negando minorem Syllogismi principalis, & ad probationem respondeo, negando majorem prosyllogismi ita habentem: Quæ æqualem numerum impressionum gravitatis vincere possunt, ea æqualem vincere possunt resistantiam. Hanc, inquam, propositionem nego, sumendo scilicet *resistentiam*, pro quantitate virium contrariarum. Et ne quis temere aut affectatè eam a me negati putet, sciendum est, in ea contineri id ipsum quod est in quaestione. Cum enim impressio gravitatis nihil aliud sit, quam gradus velocitatis cuius parti impressus, utique si resistantiam seu vim contrariam paterer hac impressione mensurari, concederem vim æstimandam esse ex ductu velocitatis in corporis quantitatem, seu ex quantitate motus. Atque hæc quidem ad oppositum mihi argumentum.

Ego vero ut consilii mei rationes tandem aperiā, quantitatem resistantiæ seu effectus non æstimo gradibus velocitatis, hoc est entibus modalibus sive incompletis, sed substantiis seu realibus absolutis; atque in hoc neglecto *πεῖστον ψεύδῳ* adversæ partis consistere arbitror, & ea judico VIRIBUS ÆQUALIA esse, quæ æqualem numerum elastrorum æqualium vi sua ad eundem possunt tensionis gradum perducere, aut quæ eundem numerum librarum possunt attollere ad altitudinem eandem supra cuiusque situm priorem, vel etiam (si rem a physicis concretis ad pure mechanica traducere malimus) quæ æquali numero corporum æqualium eandem velocitatē imprimere possunt; aut denique quæ quamcunque rem potentia præditam (tanquam *mensuram*) æquali numero repetitam exhibere possunt. Et duo VIRIBUS INÆQUALIA, eam judico inter se PROPORTIONEM VIRIUM HABERE, quæ est proportio inter replicationes *mensura*, verbi gratia inter numeros æqualium inter se elastrorum, vel ponderum æqualiter ab ipsis intendendorum aut attollendorum, vel inter numeros corporum æqualium æqualem velocitatē ab ipsis recipientium. Hac æstimandi ratione vires reducuntur ad quandam *mensuram*, semper sibi congruam tantumque repetendam, & eveniet, ut æstimatio facta secun-

dum unam mensuram pro arbitrio electam, succedat etiam secundum aliam quaecunque; alioqui natura careret legibus. Ast hæc non succedunt, sed invicem pugnant in æstimatione per gradus velocitatis replicatos, quam ostendi cum aliis irrefragabilibus & semper inter se consentientibus æstimandi modis non consentire: cujus rei vera atque intima causa est, quod sic nulla accurate loquendo vera & realis mensura adhibetur. Etsi enim (quod probe notari velim) fatear, tria corpora æqualia & æquivelocia præcise triplo plus habere potentia quam eorū unum, quia una eademq; mensura etiam hic ter repetitur; ter enim repetitur corpus quale singulorū, certæ quantitatis: non tamen ideo concedo, corp⁹ tres habens velocitatis gradus, ter continere corpus ipsi æquale unum habens velocitatis gradum, aut adeo triplam ejus potentia habere; etsi enim ter contineat velocitatis gradum, non tamen & quantitatem corporis ter continet, sed tantum semel. Unde patet, velocitatem ab æstimandarum virium officio a me non excludi: ostendo enim, quicquid demum ad ipsarum determinationem afferatur, ut elastrum datæ tensionis, pondus datæ magnitudinis & elevationis, corpus datæ molis & velocitatis &c. unum vel plura, si a causa possint præstari aut exhiberi, posse etiam exhiberi ab effectu & vicissim. Et quaecunque demum *realem* virium *mensuram* assumo, semper consensum reperio etiam pro reliquis. Sed ubi *modalis* quædam mensura assumpta est, gradus verbi gratia velocitatis replicandus sine replicatione corporis (statuendo nimirum duorum corporum æqualium vires esse ut velocitates) illico induimur in absurditates, & sine causa vel amittimus partem potentia, vel lucramur. Quæ in exemplum utilia esse possunt, ne abstractis nimium fidamus, neve in realis Metaphysicæ præcepta impingamus. Ex his igitur intelligitur, quod hætenus a plerisque in hoc negotio non satis recte processum est, oriri ex defectu *Matheseos vere generalis*, seu *scientia æstimandi* in universum, quæ nondum quod sciam tradita est, & cujus hic aliquod specimen damus. Quod si jam numerus vincendorum elastrorum librarum aut aliorum effectuum realium inter se congruentium ad æstimandam potentiam adhibeatur, stare non poterit recepta opinio: mea autem indubitato prodibit, simulque omnes illæ absurditates supra hic adductæ cessabunt, nec unquam substituetur alteri, cui non alterum vicissim substitui possit, neque unquam causa producere poterit, quod non & effectus integer possit aut vicissim; quæ in adversa sententia locum

locum non habent. Sed hæc prolixè deducere necesse non est, cum a Dn. P. aliisque hæc meditaturis facile animadvertantur. Gratissimum autem erit intelligere, an aliqua supersint, in quibus Vir Clarissimus nondum sibi satisfactum putet, quæ si methodice & pressò pede, ut solet, proponere volet, a me pariter ac Cultoribus harum literarum inibit gratiam. Spero enim hac ratione absolvi quòd restat, & consolatione inter nos continuata tantum momenti negotium (quo constituendæ sunt veræ leges naturæ) ad finem perducti posse.

*JOHANNIS HENRICI EGGELINGII DE  
orbe stagneo Antinoi epistola.*

Bremæ, typis Herm. Braueri, 1691, in 4. Plag. 5.

**E**pistolam hanc ad illustrem virum, *Gerhardum Molanum*, Liberi Imperialis Coenobii Luccensis Abbatem, clarissimus Autor dedit Bremæ, ipso natali suo, III. Eidus Maji 1691. Argumentum suppeditavit vetus monumentum stanneum, aut, ut Noster cum *Cujacio* scribi cupit, *stagneum*, quod etiam ob formam orbicularem *orbis* nomine in frontispicio opusculi appellat, cum *numi*, *pecunia*, *moneta* titulos privato huic signo convenire non crederet, *metallionem* autem, more Italorum, dicere nollit, utpote barbarici vitandæ studiosissimus. *Orbis* ille ἐξ ἀρχαίου in Peloponneso prope Corinthum a militibus, socium ibidem humaturis, ex sepulcris forte fortuna erutus, deinde Serenissimo Brunsvicensium & Luneburgensium Duci ANTONIO ULRICO, Eruditorum Principi, a centurione oblatus, abs eo dono datus est *Molano*. In ejus antica visitur caput Antinoi cynædī ab Hadriano Augusto inter Divos relati, cum epigraphe: ΟΚΤΙΑΙΟΣ ΜΑΡΚΕΛΛΑΟΣ ΟΡΕΤΟΤΟΤΑΝΙΝΟΟΣ; i. e. Ὀσίλιος Μάρκελλος ὁ ἱερεὺς τῆς Ἀντινόου. Sic enim scribere voluisse imperitum sculptorem, certum est ex numis ab Illustrissimo *Mediobarbo Birago* recensitis. Constat autem, Hadrianum catamito suo & templa & sacerdotes dicasse. Ac in his fuisse videtur *Hostilius Marcellus*. Hinc in postica absque lemmate extat *aries*, victima nempe abs illo in Antinoi honorem immolandæ. Prolixè probare nititur Eggelingius, *Antinum* quondam fuisse athletam. Et ejusmodi orbes æque ac numos contorniatos exornandæ palæstræ infervisse. Tandem autem stagneum hunc discum sepulcro illatum alicujus Antinoi familiariter noti, nisi forte is ipse *Hostilius*

*Hofstilius* ille *Marcellus* fuerit; quod sane non adeo improbabile. Idque triplici de causa: aut ut instar hermarum sepulcris impositorum, vices Deorum Manium expleret, ac Lemures Larvasque ab ossibus defuncti arceret; aut ut naulum Charontis foret; aut denique ut indicaret, quis illic loci situs esset,

*Αὐθεντία* monumenti hujus rarissimi dubiam reddunt tum *matéria*, tum *orthographia*. Licet enim olim ex plumbo vel nigro, vel albo seu stagno, diversis temporibus & locis cusi sint numi; eorum tamen, praesertim circa Hadriani *πολιτεῖα* tempora, nullus, vel interdictus usus in rebus alicujus momenti fuit, ut vel ex ipsis Imperatoris hujus numis colligas, qui Monetam Deam non nisi A. A. A. (Auro, Argento Aërique) tutelam exhibentem representant. Dein quis crederet, Hadriani literatissimi Principis, ac *Graculi* nomen isthinc adepti aëvo, tam fœde lapsos fuisse monumenti publici scalptores? Utrumque hunc scrupulum sedulo remouet doctissimus Autor, primum dicendo, quod stagnum quidem in publicis numismatibus non usu venerit, bene tamen in privatis ornamentis palæstrarum; dein exempla producendo similium lapsuum in orthographia monetariorum & quadratariorum illius temporis. Vicissim urget pro *γνησιότητι* orbis sui, partim *ἁμφιμαλλον* ejus, seu ut Galli amant loqui, *patinam*, nigram saturi coloris omninoque talem, quæ non nisi longa annorum serie in stagno contrahi, a nulla vero arte effingi potuerit. Mox argumento esse monet *gibbosum* atque *crenatum marginem*, non dubium formæ malleique antiqui characterem. Ultimo loco magnum sententiæ suæ pondus accedere ait ab *artificio* singulari *calature*. Inde quippe concludit, orbem hunc non barbaris sæculis esse effictum, quin ante Pertinacis tempora; quemadmodum etiam post restaurari cœptas bonas literas efformatum non esse, persuasus est, quod eo abhinc tempore Corinthiacus ager sub Turcarum barbarorum potestate fuerit ad illum ipsum annum, quo ex sepulcro erutus fuerit, cum aliis antiquitatis Romanæ ruderibus, orbis iste Antinoi imagine conspicuus.

Dum, Lector Beneyole, spatium Novis Litterariis aliud non superest, dissimulare tamen non possumus celeberrimi & sapius nobis in his Aetis ex merito laudati Polyhistoris, Danielis Georgii Morhofii, lugendum universo Litterato Orbi obitum, quippe qui Lubeca d. 30. mensis Julii proximi ex diuturno languore & cachexia, anno aetatis quinquagesimo quinto expiravit.



N. X.  
ACTA  
ERUDITORUM

449

*publicata Lipsiæ  
Calendis Octobris, Anno M DC XCI.*

LE TABLEAU DU SOCINIANISME &c.

id est,

Repræsentatio Socinianismi, in qua conspicitur dogmatum Socinianorum impuritas atq; falsitas, & simul ostenditur machinatio eorum, qui hæresin Socinianam tolerandam esse contendunt; divisa in duas partes, & diversas ad vere fideles epistolas. Pars I.

Hagæ Comitum, apud Abrahamum Troyel, 1690. in 12.

Constat plagulis 26.

**A**utor libri *D. Petrus Jurius*, qui etsi nomen suum in titulo non expresserit, in ipso tamen contextu non dissimulat (vid. Ep. III. p. 131.) ad impugnandum Socinianismum incitatum se esse profitetur consideratione summæ necessitatis, quæ urgeat, ut sectæ hujus incrementis resistatur. Queritur de calamitate Ecclesiarum Gallicarum, quod præfixæ persecutionibus, adversus irrepen-tes Socinianismi propagatores remediis sufficientibus uti nequivissent. Ecclesiæ munere privatum quidem quendam esse ait in Pictonibus, duosque alios ejusdem hæresis reos in Andegavensi provincia detectos fuisse; sed occulte serpsisse malum, donec universali illa proscriptione dispersi non solum pii & orthodoxi, sed & hæretici istiusmodi doctores, in Angliam & Belgium venerint. Quanquam autem Deo gratias agit, quod horum non adeo magnus sit numerus, ingentem tamen eorum esse significat, qui pestilenti opinione de indifferentia inter sectas Christianas (quam in libello pernicioso de *reunione Christianismi*, Gallice ante annos viginti edito, sparsam esse ait) imbuti, Socinia-  
L II  
nos

pag. 9.

21.

19.

10.

27.

29.

32.

36.

38.

nos tolerandos esse, & in illorum quoque doctrina salutem inveniri posse existiment. Hoc imputat iis, qui contra gratiam sufficientem & invincibilem disputent, *Arminianis* nempe, quos *Semipelagianos* vocat, & paulo post aperte *Simonem Episcopium* omnium periculosissimum Christianæ religionis hostem esse pronuntiat, & omnes ejus discipulos pro Socinianis habet. Dolet etiam, quod scripta ejus in Academicis Britannicis publice explicari dicantur. Licet vero non neget, licentiam tantos errores profitendi ex libertate religionis, sive tolerantia politica diversarum sectarum ortum habere, Romanam tamen Ecclesiam in Gallia eadem hæresi infectam esse statuit, multosque ex Clero illi adhærere, sicut Politiei, teste *Huetio*, ad atheismum prolapsi sint. Hæc ex introitu operis, sive *epistolæ primæ* (in octo enim distributus est liber) exordio annotavimus, in qua postea systema Socinianismi proponitur. In hoc errores sectæ summam recenset, eamque accusat, quod Scripturæ auctoritatem enervet, infallibilitatem prophetiæ neget, & utilitatem Veteris Testamenti extenuet; deinde contradictiones & corruptiones in textu admittat; maxime vero, quod sacræ literas simpliciter humano judicio subiciat, nec ex illis agnoscat, quæ philosophiæ repugnent, sed potius quocunque modo explicanda esse contendat: unde fiat, ut æternitatem Filii Dei ejusque satisfactionem neget, tum animarum lethargum aliaque ejusmodi a Christianismo plane abhorrentia doceat; item, quod fidem justificantem Christiano necessariam non esse putet, sed ex mandatorum observatione & promissis salutem suspendat; porro quod de Deo ideam habeat longe pejorem, quam Plato aut Zeno, dum omniscium vel infinitum esse neget, omnipotentiam ejus restringat, & materiæ, quam æternam statuat, quasi alliget, eaque minorem esse censeat, affectibus quoque subiciat. Addit reliqua, quod Angelos & animas ex materia productas esse doceat, quod hominem justum & immortalem creatum esse neget, imaginem vero Dei nihil aliud fuisse putet, quam usum rationis & dominium in bruta; quod de providentia Dei profanas habeat cogitationes, minusque ei quam Platonici & Stoici tribuat; unde fiat, ut prædestinationem penitus tollat, omnesque Pelagii errores, ut & Novatiani foveat; item quod virtutem & utilitatem Sacramentorum inficietur, & baptismum pro indifferenti habeat; quod jus gladii Magistratibus auferat, & catenus Anabaptistis assentiatur. Repetit, quod Trinitatem rejiciat, Christum pro pura creatura habeat, incarnationem Verbi,

ut &amp;

ut & redemptionem & satisfactionem simpliciter neget; immortalitatem animæ, quam aperte negare non audeat, debilitet, motum & actiones animæ corpori alliget, separatæ vero a corpore soporem tribuat, pag. 42. impiorum prorsus annihilet; resurrectionem tollat, dum novam animarum & corporum creationem statuatur, ex qua hypothesi etiam judicium extremum locum habere non possit. Fatetur quidem, *Cretellum* celebrem Socinianorum Doctorem, aliquanto obscurius & verisimilius scribere, sed ad communem sectæ sententiam respici vult. Ex his omnibus concludit, Socinianismum adeo non esse Christianismum, ut potius sit formalis Christi abnegatio, & destructio atque ruina absoluta religionis Christianæ. Occurrit in fine iis, qui utilius esse dicunt, ut de his opinionibus sileatur, idque in Gallia factum, & vix nomen sectæ auditum esse notat. Fieri id quidem tunc absque magno periculo potuisse putat, sed aliud nunc exigere, postquam libri perniciosi, *Tumulus Socinianismi*, *Protestans Pacificus*, & similes, (quibus tolerantia sectarum universalis suadetur) lingua Gallica prodierint, & in hominum manibus versentur.

*Epistola II. articulo I.* parallelismus instituitur, inter religionis Christianæ dogmata, & Socinianorum errores. In hoc multa cum eloquentia ostendit Auctor, quantam quamque nobilem ideam de Deo verus Christianismus concipiat, quomodo hominem ut creaturam cum Deo collatam deprimat, miseriam culpamque humanam evidenter ob oculos ponat, officium hominis egregius arguentis liquide demonstrat, de mysteriis divinis cum summa doceat reverentia & majestatem eorum extollat. His omnibus (*Art. II.*) contraria doceri statuit a Socinianis. Ideam enim de Deo destrui, creaturas in præjudicium Creatoris extolli, superbiam hominis foveri, virtuti omnia adminicula subtrahi, disciplinam morum principiis sectæ illius subverti. Contemnit jactata de Socinianis pietatis exempla, & que vel hypocritica esse, vel minime æquari iis dicit, quæ apud paganos quosdam olim, & hodie apud Indorum Philosophos aliquos reperiuntur. Speciatim notat, dogmate Sociniano, quod Christus perfectiorem legem, quam Moysaicam, promulgaverit, manifesto solvi obligationem hominis ex lege morali divina ortam, & conscientias constringentem, quia lex Christi tantum foret positiva. Addit alia arguitque, quibus mysteria religionis Christianæ prorsus evertant, dum illa rationis imperio subjiciant, & Scripturæ auctoritatem elidant.

pag. 97.

*Epistola III.* ab initio opponitur aliquid libello anonymi, cujus titulus refertur: *Advis sur le tableau du Socinianisme, sive, Animadversio in representatione Socinianismi.* Hujus scripti scopus esse dicitur, ut errores Sociniani extenuentur, & pro non fundamentalibus habeantur.

102.

Sed acriter repugnat *D. Farinus*, &, ut alia prætereamus, *art. I.* magnopere contendit, & argumenta prioris epistolæ eo allegat, quod Socinianismus minime sit doctrina Christiana: neque enim sufficere, quod quidam ex Socinianis Christum pro Messia habeant & adorent (quanquam a Transylvanorum cœtu, inter Socinianos maximo, ne id quidem fieri scribat;) nam Gnosticos quoque & Manichæos paria & plura fecisse, qui tamen pro Christianis haberi nequeant. Comparisonem subjungit inter Socinianismum & Mahumedismum, & hunc propter quosdam articulos illi præfert. Negat denique Socinianismum proprie religionem dici posse, cum præmia & pœnas non credat; neque Christiana (quod ex supra deductis præsupponitur) neque Judaica sit, quia creaturam (pro qua Christum habet) adoret, neque Pagana, quia pluralitatem Deorum non admittat, & a Turcica quoque distinguatur; nil aliud denique esse existimat, quam speciem quandam *Deismi*. *Deistas* vocat,

103.

qui Deum esse fatentur, sed nullam ei fere providentiam tribuunt, & omnes religiones Deo placere contendunt; dein animas cum corporibus interire statuunt, pœnasque & præmia post hanc vitam tollunt.

107. &  
seqq.

112.

Parem impietatem Sociniani adscribit. *Altera hujus epistolæ parte, sive articulo II.* reprehendit, quod nullos articulos religionis essentielles admittant Sociniani, vel adeo paucos, ut religio ipsa plane tollatur. Allegat hic, quæ adversus *Nicolium* Sorbonicum demonstrata a se esse dicit, nempe quod dentur articuli essentielles, qui a non essentialibus distinguenda debeant. Addit, eos ipsos articulos, quos Sociniani negant, aut indifferentes habent, essentielles esse. Articulorum autem fundamentalium characteres tradit, (1.) quod sint clare & liquide revelati;

113.

(2.) quod sint gravissimi momenti; (3.) quod ad finem, quem Deus in religione sibi proposuit, accommodatissimi sint, ad gloriam nempe Dei, ac sanctificationem & salutem hominum. Appendicis loco secundæ huic epistolæ adjuncta est dissertatio de *Pelagianismo*, cujus Socinianos reos esse censet, simul etiam *Pajonii* discipulos perstringit, qui providentiam Dei in actionibus voluntariis rejiciunt, & ita in mutationibus hodiernis insignibus, v. g. in *Britannia*, *Sarbandia* & *Valdensium* vallis-

115. &amp; seqq.

bus,

119.

128.

129.

bus, manum Dei agnoscere nolint; item, quod operationem Spiritus Sancti & tentationes Satanæ in mente hominum negent. Respondet pag. 131. etiam adversario, qui scire ex eo voluerat, quomodo cor suum disponat ad credendum, quæ sint supra & contra rationem suam. Hoc ita a se fieri dicit, ut subjiciat eam divinæ revelationi, & hanc pro suprema ratione habeat, licet minime percipiat & comprehendat, quomodo cum sua ratione mysteria divina conciliari possint.

*Epistola IV. Art. I.* monet Autor, veritatem evidentem sive sensus (*de sententiâ*) ut loquitur, non egere probatione, nec magis probandam esse inter Christianos divinitatem Christi, & satisfactionem ab eo præstitam, quam lucem aut calorem Solis. Observat præterea, fidem de mysterio Trinitatis separari non posse ab articulo incarnationis, sed eos, qui Christum Deum esse credunt, necessario etiam & duas personas in essentia divina agnoscere; si autem duæ admittantur, nihil prohibere, quo minus etiam tertia credatur, cum Scriptura de tribus, Patre nempe, Filio & Spiritu diserte loquatur. Cum vero Autor nunc adversus eos potissimum disputet, quos indifferentes & tolerantes vocat, & qui Christi divinitatem a se ipsis credi asseverant, dubitant autem, an illa necessario credenda sit, aut Sociniani, qui eam non credunt, damnandi: ideo magno studio demonstratum est, hunc articulum necessario credendum esse. Hoc loco quatuor comparationibus urget adversarios, desumptis a subditis, qui Regem de throno dejectum ad vilissimam conditionem redigere velint; ab Atheismo, cujus speciem esse dicit, si Divinitas ei, qui eam habet, detrahatur; a Paganis, qui Deo Israelis divinam gloriam non tribuebant; & ab immortalitate animæ, quæ stare non possit cum opinione, quod anima sit materiæ corporeæ pars subtilior. Ista vero omnia applicat ad Socinianismum, per quem Christus, negata ejus divinitate æterna, eadem aut majori contumelia afficiatur, quam vel Regi in pistrinum detruso contingat, vel quam Athei aut Pagani Deo inferant, aut qui animæ suam auferant dignitatem, dum eam ex materia oriri & cum ea interire statuunt. *Art. II.* defendit necessitatem credendi divinitatem Christi æternam adversus *Episcopium*, cujus verba ex *Lib. IV. Instit. Theol. cap. 34.* affert. Negat enim sufficere, quod ille opinatur; si credamus, Christum esse filium Dei, neque tamen definiamus, quomodo & qua ratione filius sit, scilicet cum plures sint *filiationis* modi, & quod modus ille æternæ generationis in Scripturis, ut causantur,

tur, non sit revelatus. Contrarium quidem parte secunda hujus operis contra Socinianos probandum recipit, idque contra conniventes illos hic præsupponit, & inde necessitatem credendi hunc articulum adstruit. Idem asserit de satisfactione Christi pro peccatis præstita, & fide, qua illa apprehendi debet, speciatim argumentatus ex Joh. VI. 51. & seqq. de manducatione spiritali corporis & sanguinis Christi, de qua ibi agi dicit, item ex Rom. III. 25, ubi Christus propositus esse dicitur a Deo, credendus *propitiator per fidem in sanguine ipsius*.

Ulterius hoc thema prosequitur *Epistola V, & ejus art. I. & necessitatem credendi aliis argumentis adstruit*. Scribit enim, systema fidei de Christo, non solum a Socinianis, sed & ab illis, qui eos tolerare velint, penitus destrui, vaneque jactari sapientiæ, misericordiæ & justitiæ divinæ magnitudinem in opere redemptionis, nisi duo illa fundamenta teneantur. Idem deducit ex adoratione Christi, quam Sociniani admittunt. Solide refutat *Episcopium*, qui putat, adorari illum etiam posse non ut Deum, sed ut Legatum Dei. Denique multus est, ut ostendat, si Arminianorum conniventia & tolerantia locus sit, fore, ut plerique ad Arianismum & Socinianismum deficiant, quia longe facilius est horum tradita, cum ratiocinatione humana convenientia sequi, quam animum ad credenda mysteria incomprehensibilia inducere. *Artic. II.* judicium de Theologis tolerantiam Sociniani erroris suadentibus aperit. Negat bona fide loqui, qui Sociniani videri nolint, sed incarnationem & satisfactionem Christi credi a se profiteantur, simul tamen censeant, hæc veritates non esse, essentielles in fide Christiana. Hæc enim nequaquam a viris doctis & argumentandi peritiam habentibus admitti & statui posse, licet forte multi ex simplicioribus ita sentiant. Interim a Theologis illis ferri Socinianos & ad communionem admitti, ideoque in omnibus sectis separatis, puta *Anabaptistarum, Menonistarum & Remonstrantium seu Arminianorum* latitare Socinianos, & a Doctoribus & Consistoriis eorum non rejici, imo in scriptis (*Episcopium* separatim innuit) semina Socinianismi deprehendi ostendit. Negat quoque tales de religione persuasionem habere, quæ fidei nomen mereatur, sed solum opinionem philosophicam & probabilem. Conqueritur de fama, quæ Anglicanæ Ecclesiæ hanc opinionem tribuat; laudat tamen librum *Bulli*, Theologi Britannici, pro Nicæni Symboli assertionem, & quod approbatus sit ab Anglorum Ecclesia.

ha. Taxat epistolam quandam Latine editam, qua tolerantia defenſa est, & licet concedat, male docere, qui tantum contra errores declament, morum veto vitia intacta sinant; non minus tamen peccare dicit, qui neglecta veritate dogmatum, de charitate & disciplina vitæ solum fermocinentur. Denique nec in confessionibus & libris eorum, imo ne in juramentis quidem, cum se orthodoxos esse affirmant, sufficientem securitatem agnoscit, ob periculum æquivocationis & dissimulationis, stante præsertim tolerantia & communione, quam cum Socinianis colunt, & frigida articulorum fundamentalium tractatione. Neque etiam excusatos habet, qui dicunt, tolerantiam Socinianismi nec possibilem nec justam esse, nisi affererent, quod secta illa cum religione Christiana sit incompatibilis.

*Epistola VI.* opposita est *Bossueto Episcopo Meldensi*, ut & Autori relationū de libris eruditorū (*Histoire des Ouvrages des Sçavans*) quæ cum *D. Jurini*, ut ex aliis libellis, quos consulto huc usque in Actis nostris non recensuimus, satis constat, vehementer est collisus, aliisque, a quibus se impugnatum esse dicit. Ut autem imputationem *Bossueti*, ac si Patres Ecclesiæ ante Concilium Nicenum pro Arianis & Socinianis habeat, a se amoliatur, *Art. I* aperte asserit contrarium, & adductis testimoniis Polycarpi, Athenagoræ, Justin Martyris, Tatiani, Irenæi, Clementis Alexandrini, & Tertulliani, confirmat, dogma de Trinitate ab iis creditum fuisse. Ulterius progredi non voluit, cum de sequentibus Patribus nemo facile dubitet. *Art. II.* idem facit in doctrina de æterna generatione filii Dei, & dicta sua in *epistolis pastoralibus* explicat, improbens scripta *Petavii* & *Huetii*, qui patribus supra nominatis, aliisque, præsertim *Origeni*, *Theophilo Antiocheno* & *Lactantio* errores in hoc articulo imputant. Prosequitur ea pluribus, & sententiæ veterum orthodoxum sensum tribuit, quanquam speculationes & phrasæ inconvenientes secutos illos esse non neget: interim ab Arianismo & Socinianismo eos penitus absolvit. *Art. IV.* acius aggredditur *Bossuetum*, & ante omnia axioma illius, quo velut cardine tota illa machina libris de *variationibus* volvatur, Ecclesiā nempe in expositione fidei nunquam variasse, disjicit, confidenter affirmans, licet in fundamentis ipsis non variaverit, variasse tamen successu temporum in expositione, sive modo & formula docendi & explicandi. Sugillat *Bossuetum*, quod non, ut *Petavius* & *Huetius*, in libris antiquorum

pag. 281. versatus sit, sed compendiariam notitiam aliena relatione nitentem habeat; imo ex fama, de sincera ejus de mysteriis fidei professione dubitat. At *Basnagii* opus contra variationes editum laudat: deinde ad epistolam *Bossueti* ad Protestantem contra Epistolas suas Pastorales editam, quam in Actis nostris anni proximi p. 609. retulimus, non sine acrimonia respondet. *Petavi* & *Huetii* sententiam de Theologia Patrum denuo proponit, & ideo in hos convitia, sibi a *Bossueto* injuste impacta, reflecti ostendit; se vero Patres illos minime pro Arianis habere protestatur, & Autoris supra indicati judicium perstringit. Interim lapsus quosdam Patrum agnoscit, & sine scandalo detegi posse existimat, cum non ab iis, sed a Scripturis veritas religionis & judicium de controversiis peti debeat. Negat constanter, quod *Bossuetus* illi objecit, quasi statuerit, quod in Socinianismo salvari aliquis possit; excipit tamen eos, qui in cœtu Sociniano vivant, & discedere ab eo non possint, errores vero detestentur. Inter alia ad ea, quæ *Bossuetus* de digamia Hasfiaca retulit, retorqueri posse dicit, quæ de lascivis amoribus, etiam Episcoporum celeberrimorum in Gallia, libris vulgata sunt. Negat, & ab autore relationis injuste & falso sibi tribui scribit, quod digamiam illam approbaverit: statuit tamen leges matrimonii, ut positivas, ita & dispensabiles esse, dummodo in facto non erretur; provocat ad *Zvingerum* Doctorem Helvetium, & exempla atque decreta Genevensium; notat etiam, Imperatores Christianos, *Theodosium*, *Valentinianum*, *Leonem* & *Justinianum*, XIV causas divortii uxoribus, XVII maritis indulgisse, quanquam neget omnia illa sibi probari.

*Epistola VII.* aggreditur Autor *Art. I.* librum, qui titulum *Commentarii Philosophici* habet: rejicit autem in primis principium, cui libri istius scriptor, & qui eum sequuntur, tolerantiam universalem superstruunt, dicentes, culpam non contrahi apud Deum ab iis, qui errorem aliquem fovent, quem pro veritate habent. Hoc prorsus impie asseri dicit, & satis refutatum esse libro parvo, cujus titulum refert, & se ejus autorem profitetur: *Des droits des deux Souverains en matiere de religion*, id est, *de duarum supremarum potestatum, conscientia & Principum, jure contra dogma de indifferentia religionum &c.* Equiparat sententiam illam novæ hæresi Jesuitis imputatæ de peccato philosophico, iisdemque argumentis refutari dicit, recte explicando, quæ sit ignorantia



tia invincibilis, & quatenus excusetur. Eodem loco habet libellum pag. 321.  
 seu epistolam: *La lettre écrite de Suisse en Hollande, sive Literas ex  
 Helvetiorum regione in Bataviam scriptas*; cum non nisi compendium  
 sint commentarii illius. *Artic. II. Episcopii* & sequacium argumenta 336.  
 aggreditur, & primo regulam rejicit, quod nemo obligetur aliquid  
 credere, quam pro modo & proportionem, quo revelatum est; unde in-  
 ferunt, quia articuli de Trinitate, incarnatione & satisfactione non  
 sint clarissime revelati, necesse non esse, ut plena certitudine credantur.  
 Docet enim *D. Jurinus*, credenda simpliciter esse, etiam obscurius revela-  
 ta, v. g. immortalitatem animarum, poenas inferni & gaudia vitæ æternæ,  
 & quidem assensu, si non *speculationis*, saltem *adhesionis*. Concedit  
 vero, obscuriora quædam minus necessaria creditu esse, quando non  
 sunt maximi momenti ad salutem, & cum doctrina de hac evidenter  
 non coherent. Ista & alia ad regulam illam seu majorem propositionem  
 argumenti regerit; minorem quod non satis clare revelati sint tres illi  
 articuli, ad partem hujus operis secundam differt. Interim *Episcopi-* 339.  
*um* ipsum adducit, qui dictis Joh. I. ad Socini sophisma rejiciendum  
 convictum se esse fatetur. Examinat postea & elidit secundum argumen-  
 tum pro Socinianis, quod saltem speculative ex malo philosophiæ usu  
 errent; neque enim concedit, hoc modo excusari vel hanc vel alias hæreses  
 posse, quæ ex eodem fonte errores suos hauriunt; multo minus admit- 340.  
 tit *Episcopis* ratiocinationem a silentio Scripturæ, sive quod Scriptura  
 expresse non dicat, hos articulos necessario credi debere. Sufficere 346.  
 enim dicit, quod aliquid in Scriptura clare sit revelatum & assertum,  
 eoque ipso creditu fiat necessarium: allegat tamen etiam dictum Joh.  
 III, 18. quo non credenti *in nomen unigeniti filii Dei* denunciatur da-  
 mnatio. Repetit & explicat, quæ supra monuerat de adoratione,  
 quam Christo, ut angelo seu legato Dei tribui posse *Episcopus* statuit.  
 Accedit denique ad maximum *Episcopii* argumentum, tolerari de-  
 bere in recentioribus, quod toleratum fuerit in antiquis. Negat hanc 351.  
 assertionem, quia veritas quædam successu temporis clarius explicata  
 fuit, & ita innotuit, ut excusari ejus ignorantia aut neglectus jam non  
 possit. Respondet ad symbola, in quibus mentio non fit divinitatis  
 Christi æternæ, & de intentione atque occasione symbolorum differit, 356.  
 vehementer autem improbat immodestum Episcopii de Symbolo Ni-  
 cæno judicium; excusat etiam (ut fieri posse putat) Justin Martyris lo-  
 cum

pag. 363.

cum ex *Dialogo cum Tryphone*, quem opponere consueverunt; addit, si non sufficiant, quæ pro eo allegari possunt, ex singulari tamen ejus opinione & errore de Patrum omnium sententia judicari non debere. *Art. III.* refellit tractatum Doctoris *Berry* Angli, Rectoris Collegii Excestriensis Oxfordiæ, lingua vernacula editum titulo *Rafed Gospel i. e. nudum Evangelium*. Rationes autem ejus, propter quas divinitatem Christi æternam & incarnationem inter quæstiones curiosas & ad salutem non necessarias retulerit, pro inutilibus habet, easque prolixè diluit, & proterva autoris illius dicta contra fidem horum articulorum serio vituperat. Narrat tamen illum Collegio ejectum, librum ejus a Doctoribus Jano & Hullo examinatum, & a tota Academia condemnatum, tum manu earnificis combustum publice esse. Hoc nomine Ecclesiæ Anglicanæ gratulatur, & Regi gratias agit.

395.

Ultima, eaq; longissima epistola est octava, inscripta *Pastoribus & Directoribus Ecclesiarum Gallobelgicarum in provinciis federatis*, quos in exordio impense laudat ob pia & justissima decreta in congregatione sua proxima facta, & ad alia etiam severiora hortatur. Agit autem *Art. I.* de tolerantia civili, sive de libertate religionum omnium, quam, etsi Ecclesiastica consensus obtineri non possit, a multis ex recentioribus commendari queritur, quasi quieti publicæ, ut & propagationi veræ religionis isthoc modo consulatur. Licet autem *D. Jurinus* moderationem erga dissentientes & hæreticos non improbet, & conscientiam a coactione eximat; laxam tamen illam tolerantiam & Ecclesiæ & Reipublicæ summe periculosam esse contendit, hujus vero relaxationis suasores, per multas conjecturas suspectos Socinianismi facit. *Art. II.* quod præcedenti de moderatione adversus hæreticos dixerat, pluribus explicat, ita tamen, ut licitum & justum esse dicat hæreticos premere (*grésner*), id est, exercitium publicum, & accessum ad muneræ & honores, & dogmatum propagationem inhibere. Explicat & conciliat, quæ in aliis libris suis scripserat, & ab adversariis ut contradictoria allegantur. *Art. III.* negat se statuisse, quod Magistratus semper autoritate sua uti adversus hæreticos debeat, aut quod aliquando tolerantia locum consilio prudenti dare non possit, idque pluribus declarat. *Art. IV.* statum controversiæ sic concipit: *An Magistratus, cum possit & commodum fuerit, auctoritatem suam interponere debeat ad extirpandam hæresim & idolatriam, non quidem per vivitomburia, sed tollendo docendi*

404.

412.

426.

434.

*condi licentiam & ejiciendo contravenientes, item destruendo idolorum  
templa, & usurpando omnia media, quibus vera religio jurebatur.* Hoc  
affirmat Autor, & refutat contraria sentientes ac Magistratui omnem  
curam de religione adjudicantes, eorumque objectionibus respondet.  
Primum argumentum in hoc articulo ex jure Dei deducit, cujus hono-  
repi Magistratus promovere debet. Alterum, *Art. V.* ex jure ipso- pag. 460.  
rum Magistratum; & probationes affert ex decreto *Ordinum Hollan-  
diæ* A. 1614 publicato, item ex libro *Hugonis Grotii* de imperio sum- 466.  
marum potestatum circa sacra, cujus contenta enarrat, tanto majori  
cum pondere, utputat, quia *Arminiani* Autorem illum pro idolo ha-  
beant, & quia sententia *Grotii* ab Ordinibus Fœderati Belgii ipso facto 477.  
probetur, quamvis per conniventiam (nulla lege publica) sectas com- 479.  
plures ex utilitate Status sui tolerent. Male igitur de forma Reipublicæ  
Fœderatorum instructos esse juvenes illos Doctores dicit, qui effrenem  
omnium religionum licentiam, in Gallia olim conceptam, in Belgio vel-  
uti enixi sint. Jus tamen Magistratus, sive, ut loqui in Germania so-  
lemus, *reformandi*, moderate & cum consilio procerum ex populo  
exerceri debere monet. Sequuntur notabilia plurima contra novato- 491.  
rum sententiam, quod Magistratus omnes religiones liberas permitte-  
re, omnesque dissidentes, modo boni cives sint, ferre debeat. In sum- 507.  
ma dicitur, adversari illam autoritati Principum & Magistratum, spe-  
ciatim vero fundamentalibus Belgii fœderati legibus, & corrumpere  
disciplinam Christianam. Tam perniciosi dogmatis autorem in epi-  
stola Latina de tolerantia supra allegata & Goudæ impressa, nominat 509.  
*Bernardum. Art. VI.* aliæ minoris momenti objectiones refelluntur,  
& speciatim, spem & promissionem de magna utilitate ex affluxu homi-  
num, & pace provinciarum per licentiam illam procuranda, vanam esse;  
pacē vero Belgii non licentia illa, sed sapienti regimine & conservatio- 515.  
ne juriura Magistratus circa sacra, niti ostenditur. *Art. VII.* speciosum  
pro tolerantia absolutā & universali argumentum, quod asserto Magi-  
stratibus jure reformandi, non possit culpari, si ut in Gallia factum est,  
religio purior vi subvertatur, confutat. Singulatim hic examinat &  
refutat Autor, quicquid a contrariæ sententiæ propugnatoribus affer-  
tur, & demonstrat, quanta sit inter eos, qui falsam, & qui veram reli-  
gionem promovent, ratione juris, differentia; speciatim vero Gallici  
rigoris contra Reformatos exerciti injustitiam arguit; denique ut ja- 557.  
ctanti-

etiam de magno licentiam illam afferentium numero reprimat, ex actis *Synodi Gallobelgicae* Amstelodami A. 1690 habitæ, epistolam, XXXV ministrorum Ecclesiæ, qui ex Gallia in Angliam profugerant, d. 2. Augusti scriptam, & responsum a Synodo d. 8. Decembr. datum adducit. pag. 559. Quæsti sunt exules illi de suæ gentis & professionis viris, qui errores Socinianos, quos dudum clam fovisse & specie tolerantia & charitatis excusasse in Gallia visi erant, jam palam disseminarent, & quod idem in Belgio editis scriptis fieret. Respondit Synodus, se eundem dolorem sentire, & ad remedium afferendum opem & consilium conjuncturam. Addit Autor decretum Synodi, quo propositiones novem damnantur, quas Latine versas adscribere operæ pretium est. (1.) *Quod Socinianismus sit religio tolerabilis, in qua salvari homines possint.* (2.) *Quod salus obtineri possit in omni religione, dum adsit bona fides & intentio.* (3.) *Quod non peccent, quantumcunque mali perpetrent, qui conscientia ductum sequuntur.* (4.) *Quod illi saltem hæretici sint, qui veritatem contra conscientiam oppugnant.* (5.) *Quod blasphemus non sit, qui non blasphemet contra propria principia.* (6.) *Quod pietas & ratio exigat, ut tolerentur omnes hæreses, tolerantia civili & ecclesiastica.* (7.) *Quod Magistratibus jus non sit, ut auctoritate sua utantur contra idololatriam & progressum hæresium.* (8.) *Quod cuilibet privato fas sit credere & docere quæ velit, nec impediri a Magistratu debeat.* (9.) *Quod gratia divina unice consistat in propositione verbi, nec detur operatio interna Spiritus Sancti.* Additur acris censura contra harum thesium defensores. Finit Autor respondendo paucis ad epistolam *Intolerantis ad intolerantem* recens publicatam, in qua nimis cito jactari dicit, quod non omnia Commentarii Philosophici argumenta refutata epistolis hujus libri prioribus fuerint: id enim edita ultima sufficienter præstitum esse confidit. Quam vero spem fecerat de parte secunda operis, sive refutatione Socinianismi, eam fere tollit, tum ob virium defectum, tum quod audire se scribit, esse in Anglia viros doctos, qui laborem illum sint suscepturi. Brevis subjungitur declaratio duorum locorum ex epistola VI, & unius ex Ep. VII, quæ contra sententiam suam explicari non vult Autor.

**ABREGE' DE LA DOCTRINE DE LA TOLERENCE civile. i. c.**

Cem-

## Compendium doctrinæ de Tolerantia civili.

Roterodami ad exemplar Londinense, 1691, in 12. Plag. 2½.

**S**Tatum quæstionis, quæ hoc tempore magna utrinque contentio ne agitur, sic concepit Autor: *An Magistratus possit aut debeat affligere seu cruciare (geefner) aut punire aliquos solius religionis causa?* Qui hanc quæstionem negant, *Tolerantes* vocantur: qui affirmant, *Intolerantes*. Prioribus accedit Anonymus hic, & negativam sequentibus argumentis ita stabilitum. (1.) Respectu Dei ad promovendam ejus gloriam nihil agi dicit, quia zelo illo non extinguantur hæreses, nisi extrema Inquisitorum Hispanicorum sævitia, quam *Intolerantes* ipsi rejiciant & execrentur, adhibeatur. Unicam ergo, quæ tuto eligi possit, ad gloriam divini nominis in convertendis hæreticis promovendam, viam esse instructionem piam & exemplum morum proborum. (2.) Respectu veritatis utilius esse censet, idque ex dicto Apostolico: *oportet esse hæreses*, colligit, si errores in notitiam populi veniant & solide refutentur, quam si violenta eorum suppressio instituitur. (3.) Ex natura religionis deducit, non alio modo eam (quia in corde hominum residet) quam instructione & persuasione plantari posse & debere; coactionem autem ad externam professionem, neque quidquam efficere, & contumeliosam esse Evangelio, quasi scilicet hoc absque manu regia ad persuadendas hominum mentes non sufficiat. (4.) Salutem nostram periclitari negat, sed promoveri, si errantes tolerantur; neque ab his contagionem metuendam esse, si legitima media, instructionis nempe adhibeantur: quod si hæc non succedant, eventum divinæ providentiæ committendum esse judicat. Parum æstimat argumentationem ab exemplo eorum, qui pestifera lue infecti, arceri aut separari solent: ait enim, si infectis præsentia hominum sanorum succurri posset, ejectionem eorum injustissimam futuram esse; at errantibus in fide & opinionibus succurri posse a recte sentientibus & errores refutantibus, neque tentandum esse, & successum, ut dictum est, divinæ gubernationi deferendum. Unde (5.) consequens esse existimat, ut etiam proximi salus tolerantiam exigit. His subjungit argumenta ex revelatione sive sacris literis: nempe ex veteri Testamento liquidum esse statuit, quod extra incolas Palæstinæ exitio destinatos nemo ad religionem & sacra Judaica coactus fuerit. Urget speciatim

tolerantiam Sadducæorum, quam Christus, licet occasionem sapienter haberet, minime improbaverit. Deinde ex Novo Testamento ipsam Evangelicæ doctrinæ omni violentiæ repugnare, hanc vero Samaritanæ methodo convenire ostendit. Post hæc mediâ illam, sive mitiorē *tolerantibus* sententiâ in *D. Jurii* epistola octava Resurrectionis Societatis explicatam, in censuram vocat, nec magis probat, quod Magistratus affligere, premere & vexare possit aut debeat errantes, quam perire. Rejicit etiam, quod dicunt, non semper ad afflictionem auctorem dam obligatum esse Magistratum, sed quando commode id facere possit. Si enim bonum & justum sit, ut affligantur, semper id in hac gravissima etiam cum periculo fieri debere. Negat Magistratus incumbere, aut in ejus viribus esse, ut de erroribus cognoscat. Nam natim ab eo onere liberandum esse ait, quem cum summa venerantia nominat, *GUILLIELMUM Britannie Regem*. Ex antiquitate etiam ecclesiastica & martyrum historia suam tuetur opinionem; asserens, in optimis Ecclesiæ temporibus nunquam vis facta sit dissentientibus, infirmitates & lapsus refert, quod intempestivo Episcoporum & Magistratorum quorundam zelo fieri cœpit. Inde opprobrium Christi sine illatum esse putat legibus Arcadii & Honorii contra Manichæos & Donatistas. Exemplis Doctorum, qui reformationis seculo prædixi auctores fuerunt, non movetur, quia quæstionem hanc nunquam solide examinarint, aliasque opinionis suæ causas habuerint. Tamen non plus concedit Magistratibus, quam ut religionem, cui addicti sunt, dominari & eminere faciant, nisi forte pacto prohibeantur, aut persecutione prærogativam illam obtinere non possint: deinde, ut prohibeant & coerceant religiones, quæ subditos ab obsequio Magistratibus debito retrahant, turbas excitent, aut in reliquas omnes dominari velint. In his tamen omnibus cogitare Magistratus debere, rationem reddendam a se esse, & ut charitatem potius sequantur, quam timori & suspicionibus indulgeant. Gloriam vero divinam operari promoveri a Magistratu posse arbitratur, si Doctores populo de Deo ad eum instruendum & emendandum idonei sint doctrina & moribus; plus ab illis negat a Deo exigi. Addit aliquid contra sperantiam Romanæ Ecclesiæ conversionem, quam prædictam esse innuit, & ab Ecclesiis Gallobelgicis petit, ut in proxima Synodo de hac tolerantia denuo deliberent, & de ea sapienter deciderent.

MATHE.

*MATHEMATICAL SCIENCES IN NINE  
Books, by VVilliam Leybourn Philomath.*

hoc est;

Curſus mathematicus; in quo ſcientiæ mathemati-  
cæ novem libris comprehenſæ docentur a Guilielmo  
Leybourn Philomathem.

Londini, apud Thomam Baſſet & Socios, A. 1690. in fol.

Conſtat 11 Alphas. & tab: xxi. 43.

**C**Um ſolertiſſimus vir *Guilielmus Leybourn* uſu frequenti compoſi-  
ſet, quanto cum diſcentium emolumento ſcientiæ mathematicæ  
doceantur, ſi omnes uno in ſyſtemate comprehenſæ, illarumque do-  
ctrinæ ita inter ſe connexæ ſint, ut fundamenta ſua ex aliis libris,  
quos cum temporis & ſumtuum diſpendio evolvere neceſſe ſit, non  
arceſſant ac repetant; a multis jam annis conſtituit, tale opus Anglica-  
na lingua in ſuæ gentis uſum conſcriptum edere in publicum, nuper-  
que ab amicis compulſus, id quod animo diu volverat, exſecutus eſt.  
Dedit autem præcipue operam, ut omnes hujus ſyſtematis partes eo or-  
dine diſponeret, quo ab illis legendæ ſunt, qui ſuo Marte illarum no-  
titiam ſibi comparare geſtiunt. *Primus* ergo *liber Arithmetica* pro-  
ponit, non vulgarem ſolum, ſed decimalem quoque ac logarithmicam.  
*Secundus Geometricus* eſt, & problemata ac theoremata elementaria  
complectitur. Utrique autem ſupplementi loco brevis de *Algebra ſpe-  
cioſa* tractatio adjecta eſt. In *tertio* libro doctrina de *primo mobili* uſu-  
que Globi perſpicue explicatur, & varia circuloꝝ ſphæræ proje-  
ctio docetur. *Quartum* librum *Cosmographia* ſibi vindicat, partim  
cœleſtis, quæ de ſyſtematibus Aſtronomiſis, & tam errantium quam  
affixarum ſtellarum, nec non cometarum natura agit; partim terreſtris,  
quæ *Geographia* quoque dici ſolet, cui annexa eſt de æris ſeu epochis  
variis diſſertatio *Chronologica*. In *quinto* libro *Trigonometria* plana  
& ſphærica exponitur, non ſolum quatenus Tabulis ſinuum, ſed etiam  
Analemmatis, globi cœleſtis, & ſcalarum in hunc finem conſtructa-  
rum adminiculo exerceri poteſt. *Sextus* liber Geometricorum inſtru-  
mentorum uſum oſtendit in *Longimetria*, *Planimetria* & *Architectura*  
militari.

*militari. Navigationis præcepta tradit liber septimus, Gnomonices octavus. Nonus autem nihil aliud est quam Nicolai Mercatoris Institutio-  
num Astronomicarum liber secundus de Planetarum Theoria, in lin-  
guam Anglicanam conversus. Additæ quoque sunt suis in locis tabu-  
læ ad rem præsentem accommodatæ.*

## GERHARDI FELTMANNI DE TITULIS Honorum Libri II.

Bremæ, apud Hermannum Brauerum, 1691. in 8. Plag. 47.

cap. fin.  
§. 6.

**A** Mœnum hoc ac nitidum disserendi argumentum, ex Jure publico  
ac gentium moribus maxima ex parte depromptum, jam ante vi-  
ginti annos occupavit Autor Consultissimus, illudque collatis ex Jure  
civili suffragiis condigne illustrare instituit. Quanquam autem inter-  
medio tempore ex Universitate Groeningana, in qua Primarium Juris  
Professorem agebat, ad Curiam Provincialem Frisicæ Orientalis fuerit  
vocatus, negotiisque forensibus arctius multo addictus; non ideo ta-  
men ab Academicis studiis, quibus ipsum a prima adolescentia com-  
mittones haud vano augurio destinaverant, semet abstrahi passus est.  
Singulari etenim alacritate hoc ipso anno non tantum nova eruditio-  
nis suæ edidit monumenta (Vid. Acta mensis Aug. pag. 359.) sed curam  
quoque adhibuit merito laudabilem, ut hunc Tractatum *de Titulis Ho-  
norum* non tam externa forma, quam potius re ipsa ex insigni acces-  
sione locupletiores sisteret. In concinnando vero ac emendando hoc  
opere haudquaquam rigido nexu membra singula strictim compinge-  
revoluit Autor; sed solutius paulo scribendi genus amplexus genui-  
nas sæpe materias invicem miscet, liberiusque deinceps supplet, haud  
raro etiam adventitiis quæstionibus distinguit, ut alternante hac vicis-  
situdine Lectoris animum suspensum semper tenere magisque avidum  
reddere videatur. Quod ipsum institutum æmulari eo minus vere-  
mur, ubi summa rerum momenta nobis commemoranda veniunt, si  
paucissimis prius generalem connexionem fuerimus præfati. Hoc  
videlicet ordine in duobus libris Tituli censuram subeunt, prout no-  
mini proprio vel præmitti vel postponi consuevere; cumque duas rur-  
sus species forment posterioris notæ tituli, declarantur prius illi, qui di-  
gnita-



gnitatum, officiorum, possessionumque sunt indices; post & isti, qui nuda honoris aut amicitiae epitheta. Quae singula titulorum genera a summis Principibus, sub quo augusto vocabulo Imperatorem Romanum, Reges, Electores, aliosque Status potentiores comprehendimus, explanate decurrunt ad Magistratus, Nobiles, Eruditos ceterosque honoris luce aliqua conspicuos.

Ipsius vero commentationis exordium more solito ducitur ab iis, Lib. I. quae circa Titulorum ac Honorum naturam ac species sunt observanda; cumque haec theoretica magis esse videantur, subjicitur in *c. 5. 6. 7. 8.* quaestio praejudicialis & apud Batavos maxime illustris de statu Drenthiae, utrum inter foederatas Belgii Respublicas Provinciae titulum mereatur? Indecisam relinquere maluerat hanc quaestionem Autor in priore editione p. 23: ne vero intempestivae cujusdam timiditatis eum quispiam insimulare posset, manifeste affirmativam amplectitur, expositis late argumentis, quae in utramque partem proferri solent. Titulorum origo ex Jure Gentium deducitur in *cap. 9. 10.* ac Juris Divini indulgentia stabilitur. *Cap. 11. 12.* duae classes producuntur, quarum prior Reges & Principes ambitiosos ac titulis ineptis stolidi tumidos notat; posterior vero gloriose commemorat Heroes magnanimos & modestos, quibus non affectata in titulis simplicitas placuit. Scorsim mox in *c. 13.* disseritur de Regibus Galliae, cur adstricto utantur titulo, & quibus instituti recessus esse videantur. Luxuriam dehinc in privatorum titulis, quae ab Italis potissimum derivata nostram aetatem affligit, liberius perstringunt *cap. 14. 15.* sic tamen ut in *cap. 16.* concedatur, certis in casibus alios etiam titulos & majores admitti posse; argumento ducto a nummorum fato, in quibus nunc tyroni eadem constituatur merces, quae ante duo secula praestabatur egregio artifice. Et sic adeo, concordante Limnaei judicio, titulos aequae, ac rerum pretia crescere ferendum est. *Caput 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.* recensent Principes provinciarum titulos usurpantes sine re, quorum commemorationem cum possessorum indignatione susceptam commoda haud pauca, nec pauciora tamen incommoda secum vehere, ex latiori discursu deprehendimus; quemadmodum ex *cap. 25.* omnino innoxiam esse omissionem tituli circa rem adhuc acquirendam, licet tredecim rationes obstant, quae sigillatim ac solide refutantur. Intermedium *cap. 24.* Pontifici Romano summum imperium in terras, quas hodie possidet, defert, & Ejusdem

dem Nuntios apud Reformatos etiam Principes ac Status eodem cum Regum Legatis honore haberi, Fœderatorum Belgii Ordinum exemplo docet. *Cap. 33.* evolvit epitheta Majestatis Sacræ, Sacrosanctæ, & quibus eorum inter Imperatorem Romanum, & Reges Angliæ, Daniæ & Sueciæ in salutando mutuus sit usus. Circa Cæsaris titulum ex *cap. 34.* notamus, Imperatoris titulū Regem Galliæ non tantum, sed & Reges omnes posse usurpare, adjecto regni nomine; perperam tamen Cæsaris titulum tribui ulli alii Principum quam Imperatori Romano. Stringit ea propter Autor monumentum a mercatoribus Londinensibus Carolo II Regi positum, in quo *Cæsar Britannicus* salutatus fuit. *Cap. 36.* Protectoris titulum a Cromvvello usurpatum, jam olim in Anglia cognitum fuisse probat, ac insimul notat, titulum sine re fuisse, quando Henricus II Galliarum Rex se Protectorem libertatis Germanicæ in literis jactavit. In *Cap. 37.* differitur de Titulo Ministri, qua de causa apud Protestantes Clericis tribuatur, & quo in pretio eundem Magnatum aulæ habeant, quandoquidem illis solum Consiliariis servetur, cum quibus arcana dominationis Reges & Principes potentiores conferre solent. Galliæ Rex quinq; tantum ex suis hoc titulo mactare dicitur, veluti Regni Cancellarium, Secretarium rerum exterarū, Secretariū rerum militarium, Principē Rationalium regni, atq; Secretarium Domus Regiæ. *Cap. 42.* avitam Frisiorum libertatem eruit, & qualis inter istum populum & Imperium Germanicum olim intercesserit nexus Nobilium ordines diversos *cap. 43.* recenset, prout alii vel ob merita, vel ex stirpe Nobiles, alii Liberi Nobiles Imperii, alii Equites, alii Equites Imperii. *Cap. 45.* exponit titulum Superintendentis & Inspectoris. In *cap. 48.* adstruitur, singularum Belgii Fœderati Provinciarum Ordines creare posse Equites. De titulis Deo tribui solitis in *cap. 51.* disquiritur, ac speciatiim quidem, an Ter Optimus Maximus a Christianis appellari tuto possit. Negavit id ipsum *Joachim Oudaan* libro, cui titulus *Roomsche Outheder, Coll. 4. p. 146,* hoc argumento motus, quod profana gentilitas eum titulum soli Jovi tribuerit, cum is Deorum omnium Optimus & Maximus haberetur, quæ comparatio Christianis esse debeat abominabilis. Huic tamen reponitur, verba ista non semper comparisonem supponere, verum & citra eam absolute denotare rem nihilissimam & plenissimam. Sic fundum O. M. dici, qui cum omni cornu modo, qualescunque illud sit, ad aliquem pertinet, licet unicus sit. In

*Cap.*

Cap. 54. origo vocis *Souverain* in disceptationem venit. Deduxerat eam *Guy Coquille sur les coutum. de France Quest. 39.* ex vocabulo Latino *supremus*; quod reprobatur Noster, & contendit, illam in Germania inferiore natam esse, & compositam ex *suiver & rein*, quæ pro synonymis habentur, & propter singularem emphasin usu loquentium conjunguntur, quales formulæ complures hac ratione connexæ ibi prostant. Exprimit ergo *Souverain* illud, quod *purum putum* appellatur, cui nil admixtum, id quod imperio accommodatum talem vim ac potestatem denotat, quæ in omnes sine ulla exceptione competit. In cap. 61. memoratur, olim a Galliarum Rege Electoribus Imperii datum tantum fuisse titulum Celsitudinis Electoralis, sed ante annos non multos Baronem Blumenthalium, cum Legati munere apud Regem Galliæ fungeretur, effecisse, ut Electori Brandenburgico Serenitatis Electoralis titulus fuerit tributus. Quo titulo hodie a Regibus non tantum cæteri Electores seculares decorantur, sed & Ecclesiastici, modo ex Domino Electorali aut patre Principe Imperii sint nati. Qui enim ex Comitum, Baronum, Nobiliumve ordine ad istud fastigium fuerint evecti, hodie cum Celsitudinis Electoralis titulo salutantur. Haud frustra vero in seq. cap. 62. quaeritur, utrum Septemviri hodie Electores dici possint? Et affirmativam sententiam Autor his potissimum rationibus adstruit: secundum famosam Juris regulam, temporariam mutationem Jus provinciae non innovare; spectandam esse originem; nec pro absurdo reputandum, si alicujus numeri ratio in appellatione non habeatur. Nam Fœderis Divini veteris dici interpretes LXX; neminē tamen nescire, quod plures fuerint. Sic Centumvirale judicium & Centum-Viros fuisse dictos, licet quinque supra centum essent; imo aucto postea numero ad centum & octoginta, priscam tamen Centum-Virorum appellationem mansisse. An vero Papa Romanus a Protestantibus Principibus *Sanctissimus Pater* satis commode appellari possit, ambiguae decisionis quaestio videtur ex iis, quæ cap. 66. congesta sunt. Traditur hic, de titulo isto disputatum fuisse in Anglia, cum ageretur de nuptiis inter Carolum I. & Filiam Hispaniæ Regis contrahendis, ubi Papæ dispensatio ab altera parte desiderata fuit. Cum enim Pontifex prius epistola ad Regem Angliæ scripta ei titulum Dilecti Filii largitus esset, exinde illos, qui suasores hujus connubii extiterant, fundamentum petiisse, Pontifici ex relatione civili titulum Sanctissimi Patris

trīs ceu mere politicum tribui posse. His tamen non obstantibus, pressius Noster concludit, vel ex hac sola ratione Principes Protestantes non posse Pontifici largiri Patris titulum, quia in suis provinciis pro Patribus coli debent, & non tantum Episcopi, sed & summi Pontifices in suis territoriis revera existunt. Quod ipsum thema de *Jure P. p. ali Principum Evangelicorum*, Magnificum Strykiū, B. Zigleri in primaria Juris professione in Academia Wittenbergenſi successorem dignissimum, in oratione sua inaugurali nuper tractasse cognovimus. In *Cap. 72.* prolixa disquisitio de Legatis eorundemque variis ordinibus, honoribus ac postulatis instituitur, quibus v. g. ex his titulus Excellentia sit tribuendus, utrum secundo legato idem sit exhibendus honor, qui primo deferitur. Quem in finem exhibentur declarationes nonnullæ de hisce causarum momentis a Legatis Brandeburgicis in conventu Neomagenſi Legatis Anglicis Mediatorum partes tum sustinentibus oblata. Quæ Pontificibus Romanis circa titulorum secularium collationem competat potestas, & quæ de facto, ut loquuntur, ab iis subinde fuerit usurpata, *cap. 75. & l. 2. cap. 27.* fusius exponunt. In *Cap. seqq. 77. & 78.* duas quæstiones decisionem suam ex Jure Civili expectantesprehendimus. Primum quæritur, quam probandi vim habeant tituli in lapide vel monumento scripti? Rem totam occasione *l. 6. C. de relig. & sumt. fun.* hisce conclusionibus exponere satagit Noster: (1) si consensu personæ, cui vel ipsi vel hæredibus & successoribus ejus, titulus inscriptus incommodum adfert, is antea positus fuit, tunc absque dubio contra eam hæredesve ejus plenam faciet probationem. (2) Si de consensu non apparet, & in loco publico per tempus longissimum inscriptio hæserit, tunc perfectam & plenam probandi vim habet, ut is damnum adeo sua culpa sentiat, qui non contradixit. (3) Sed secus res habet, si nec longo tempore posita, nec in loco publicoprehenditur inscriptio, & insuper neque de consensu neque de contradictione ejus constat, de cujus damno agitur, tum etenim titulus neutiquam probabit dominii alteriusve juris translationem, ac ne quidem præsumptionem pariet, maxime si extiterit in loco haud frequentato. Quæritur secundo de probandi modo. Repetit Noster doctrinam a Bartolo ac Baldo traditam, probationem tituli supponentis collationem dignitatis, aut officii alicujus, faciendam esse per productionem originalium, ut loquimur; adeoque non sufficere, si vel testimoni-

testimoni-

testimonium codicillorum Principalium jam confectorum proferatur, aut ad testes vel famam publicam fiat provocatio. Quæ omnia majori solertia excutiuntur, si non de mero honore publice augendo, sed de procedria, quam alius sibi deberi ait, contentio fuerit suborta. Hoc etenim casu obtinet dispositio *l. 15. C. de R. V.* ut non is alteri præferatur, qui prior codicillos Principis manu signatos impetravit, sed qui prior possessionem muneris, cujus titulus est index, acquisivit; quod illustri exemplo quorundam Competitorum noviter evectorum in Collegium Principum ulterius declaratur. In *Cap. 85.* explanantur & ordine & re affines *Tituli Cod. de his qui potentiorum nomine titulos pradiis affigunt &c. & ut nemo privatus titulos pradiis suis vel alienis imponat vel vela regia suspendat. Cip. fin. 88.* vigore *Auth. Habita C. ne filius pro Patre eum*, qui Studiosum vel Professore in injuria afficit, ipso jure infamem fieri, notat.

Ethæc ex Libro I. Sequitur Lib. II, qui licet 34 tantum Capitibus constet, & sic nedum mediam prioris libri partem æquet, isti tamen materiarum utilitate & jucunditate haudquaquam cedere videtur. *Cap. 1.* titulos varios Scholarum tradit, earundemque characteres, qui pedagogia seu scholas triviales a gymnasiis illustribus, ista rursus ab academiis, has ab universitatibus distinguunt. Cumq; de eo satis constet, quod in Germania non nisi Imperatoris indultu academiæ possint erigi, quaritur porro, an gymnasium illustre civitas municipalis constituere jure suo valeat. Negatur id ipsum, atque ad effecta superioritatis territorialis refertur, ea potissimum de causa, quod nullum collegium absque Principis consensu constitui queat. In *cap. 9.* exemplis compluribus adstruitur, Reges & summos Principes subinde etiam alterius Reipublicæ civibus titulos conferre solere. Quo in casu commendanda venit Fœderatorum Belgii Ordinum cautela. Istis tale quid ubi subolet, malunt prævenire alios, & eosdem prius Proceribus suis discernere honores; ne forte vel non agnovisse suorum merita, vel impares extraneo Principi in conferendis honoribus esse videantur. Ideo cum jussu Reipublicæ suæ Legatus Venetus Danielem Heinsium Equitis cingulo donare vellet, eidem eandem dignitatem Patriæ Ordines prius contulerunt. Cumque alio tempore Ludovicus XIII Rex Galliarum Belgis Fœderatis per literas denunciasset, hoc se in mandatis dedisse Legato suo, ut Principem Auriacum, cui hæcenus Excellentia titulus tributus fuerat,

fuerat, majori titulo *Alteſſe* exciperet; tale reſponſum tuliffe fertur ab Ordinibus, gratias ſe agere Regi, quod eadem ipſi mens eſſet, quæ ſibi eſſet: nam & pridem ſe Principem Auriacum condecoraſſe titulis, qui idem ac Gallicum *Alteſſe* notarent. A moderno vero Principe Auriaco WILHELMO, jam Magnæ Britanniæ Monarcha, Licentiati Juris titulum, quem Academia Cantabrigienſis ejus Serenitati ante annos non ita multos ſubmiſſe obtulit, clementiſſime admiſſum eſſe reſertur in *Cap. 12.* cui jungimus *cap. 19.* quod Regiæ Domus Stuardianæ nomen gentilitium eruit. Teſte! Buchanan, natales illud ducit ab officii titulo. Poſtquam enim conditor Sereniſſimæ hujus Familiæ Gualterus pater Roberti Regis Scotiæ ampliſſimā meruerat dignitatem, quæ populi iſtius lingua audit *High Steward*, quaſi diceres ſummum Vicarium; factum eſt dehinc, ut poſteris ejus, auguſto licet folio admoris, titulus iſtius officii in *Stuard* contractus, ex tenaci ſubditorum uſu adjiceretur, quamvis perperam, nec abſq; omni indignatione Regum. Simile quid circa Familias illuſtres Senſchallorum & Truchſſiorum accidiſſe, fuſius memoratur. *Cap. 29.* concurſum titulorum ac officiorum examinat, & quæ circa *l. f. C. de Adſeſſ.* moveri ſolent. Recenſentur poſtea conditæ hac de re a Batavis leges, earundemque fata; quibus præmiſſis, tranſitus fit ad quaſtionem præjudicialẽ Comiti Portlandiæ ab Ordinibus patriæ non ita pridem motam. *Cap. 31.* Actiones inveſtigat, quæ intuitu titulorum, in quantum dignitatum, officiorum ac poſſeſſionum indices ſunt, competere cenſentur. Varia vero remedia pro caſuum varietate ſemet offerunt. Occurrit (1) Poſſeſſorium ſummariffimum; quando inter Principes potentiores metus armorum ſubelt; ſequuntur (2) Actio ex interdicto uti poſſidetis, (3) Actio injuriarum, (4) Actio negatoria & confeſſoria, (5) Actio præjudicialis, (6) Actio ex *L. Diffamari*, (7) Condiſctio ex lege priva adverſus illum, qui ſciens dolo malo alicui negavit titulum debitum, ut poenam privilegio expreſſam luat; quorſum ſpectant, quæ habentur in *med. art. 44. Capitul. Leopold.* Nec privatorum tantum vindicationi titulos relictos eſſe credendum, quin illos publica tutela gaudere *Cap. 33.* demonſtratur. In *Cap. 34.* & fin. incidenter Autor vitæ, ſtudiorum ac honorum ſuorum curſum & incrementa exponit, adjiciens prætermiſſa ſeu ſupplementa nonnulla. Præ cæteris monet a ſe paſſim uſurpatam formulam, Ordines Imperii a Cæſare receptos eſſe in conſortium

fortiunt Majestatis: utque mentem suam clarius exprimat, addit, modum Regiminis istius convenientius vix posse conferri, quam cum statu matrimoniali, ubi mulier viro nupta recipitur ab hoc in omnis vitæ consortium, quo non cutarum tantum, sed & imperii domestici particeps fit; & tamen paterfamilias est, qui in domo dominium habet. Perinde ergo, ut paterfamilias æquiore animo sibi feret dici, quod conjugent admiserit in consortium domini vel imperii domestici, quam cum nil invita uxore posse facere, cunctaque sine hujus consensu gesta esse nulla: sic & satius fore, si omnes illæ quæstiones de sede Majestatis in Imperio cum reliquis luforiis proscriberentur, earumque tractatio Professoribus aliisque, qui de Jure Publico scribere volunt, gravi poena interdiceretur. Absq; ulla autè acerbitate, jurjum ac negotiorum publicorum capita sic posse distingui, ut tradatur, quid Cæsar solus faciat ac facere possit, quidve Ordines soli faciant facereve queant, & in quibus rebus horum arbitrium expectare Augustus noster lege de ejus imperio lata promiserit. Humanissimis denique verbis in §. §. fin. Lectorem compellat Autor, ut æquo animo ferat, si quid forte vel citra voluntatem suam in alios liberius dictum, aut prætermisum, aut non satis methodice prolatum fuerit. Quo ipso egregie nobis implere videtur axioma in Jure Canonico passim obvium: *Bonarum mentium esse culpam timere, ubi culpa non est.*

*NOUVELLE ANATOMIE RAISONNE'E, OU  
les usages de la structure du corps de l' homme, &  
de quelques autres animaux, suivant les loix des Mecha-  
niques, par Daniel Taurvy, Docteur en  
Medecine.*

hoc est,

*Nova Anatomia ratiociniis instructa, sive usus stru-  
cturæ corporis humani & nonnullorum aliorum animalium,  
secundum leges mechanicas, autore Daniele  
Taurvy Medicinæ Doctore.*

Parisiis, apud Stephanum Michallet, 1690. in 12.

Constat plagulis 17. cum 20. iconibus,

Tanto

**T**anto cum artificio machina corporis humani elaborata est a sapientissimo Creatore, ut, licet quamplurimi sagacissimi viri omnem studium, operam & laborem collocarint, partim in perscrutanda automati hujus fabrica, & cognoscendis instrumentis, quibus mens nostra corporis molem agit, partim in explicando singularum partium usu, nondum tamen nec sibi nec aliis satisfacere in omnibus potuerint, relicturni quam plurima posterorum diligentia. Quæ cum apud se perpenderet doctissimus hujus libri Auctor, non putavit ingratum fore naturalis scientiæ consultis, si sua cogitata de usu structuræ corporis humani in publicum proferret, ac cum ipsis communicaret. Habet autem ille corpus humanum pro machina quadam statica, hydraulica & pneumatica, cujus hypomochlia & vectes sint ossa, funes musculi, antlia cor & pulmones, canales vasa in quibus liquores cursum circulem peragunt. Hinc ergo primum paucis figuram, situm, structuram & connexionem partis, cujus actionem explicare instituit, describit, & nonnunquam de organis brutorum ad eundem usum aptis natis quædam differit, deinde ex principiis physicis ac mechanicis usum ejus derivat. Qua quidem in re ita versatur, ut sicubi recte censere ipsi videntur Doctores alii, calculum suum ipsis adjiciat, sed ubi res nondum ad liquidum est deducta, suas quoque conjecturas proferat, tanquam hypotheses simplicissimas. Ex his speciminis loco præcipuas summam recensere. Spiritus animales, prout vulgo explicantur, non dari, sed *cerebrum* liquorem quendam subtilissimum a sanguine secernere, qui nervos imbuens tantam rigiditatem ipsis conciliet, ut ab objectis sensilibus debita ratione commoveri possint. Odoriferarum rerum particulas non immediate ad *olfactus* organon applicari, sed aerem, qui dum in illis hospicaretur, determinatum quendam modum acquisivit. *Musculorum* fibras ex vesiculis constare, in quas sanguis ab arteriis continuo impellatur. Quod si vero nervæ fibræ, quæ extrema fibrarum carnearum cingunt, se contrahant, non patere exitum sanguini ab arteriis adfuso, atque ideo intumescere musculum, & partem mobilem ad se trahere. Dum *inspiramus* aerem, non influere sanguinem in pulmones, sed aerem in interstitiis hærentem a lobulisque inflatis pressum comprimere vasculorum orificia, sanguinem vero inibi contentum & in angustias reductum, cum secundum lineam rectam moveri prohibeatur, deflectere in motum circulem, atque hinc oriri sanguinis colorem pariter atque calorem: interim vero illum



illum quoque ab aere partes quasdam elasticas recipere, a quibus deinde in vascula capillaria protrudatur. Sanguinem ad *lienem* adlapsum, dum cellularum fibræ contrahuntur, comminui quasi ac subtiliorem reddi; hinc vero deferri ad jecur, ut bili admixtus motum ejus celeritorem reddat, ne diuturniori mora partibus, quas alluit, noxam adferat: ab *omento* vero oleosas particulas ad bilis præparationem conferri, quibus involvantur salina ipsius spicula. Renes succenturiatos eundem fere usum habere cum epiploo, & sanguini suppeditare partes pingues & oleosas. In *ovulis femellarum* non foetus stamina, sed semen illarum contineri, idque dum cogitationibus, quas amor ipsis suggerit, indulgent, exprimi, & in uterum delatum ibique mensera circiter detentum, acorem contrahere, quo orificia vasculorum reserret, fluxusque menstrui sit origo. Bestias vero ab hoc immunes esse, cum in illis oscula vasorum uteri glandulis sint obstita, nec proinde facile arredi possint.

## THE ART OF PRACTICAL MEASURING &c.

hoc est,

Ars praxin Geometricam facile exercendi, bipedalis regulæ adminiculo. Auctore Heinrico Coggeschall.

Londini, apud Thomam Bennet, 1690, in 12. Plag. 6.

**Q**uamvis plurima passim prostant instrumenta, quibus facile expediuntur ea problemata, quæ ad Geodasiam & Stereometriam pertinent, testatur tamen Auctor hujus libri, in Anglia præcipue probatam fuisse regulam hic descriptam, atque hinc factum quoque esse, ut ejus usum explicandum sibi sumeret. Quod ut commodè faciat, Logistica decimalis præcepta præmittit, modumque exponit in usum vocandi Logarithmos Tovvneleanos, de quibus nemo hætenus præter Jonam Moor mentionem injecerit. Deinde tam superficies quam corpora ope regulæ suæ dimetiendi modum ostendit, tandemque sciatericorum præcipuorum constructionem edocet, varias hinc inde tabulas ad res propositas facientes interserens.

## IL GENIO VAGANTE, &c.

000

Genius

Genius vagans, seu Bibliotheca curiosa ex centum  
& pluribus Itinerariis a Comite Aurelio Anzi collecta.

Pars I.

Parmæ, apud L. M. Ruinetti, 1691, in 12. Plag. 24.

**P**Horii Constantinopolitani, per Myriobiblon suum æternam  
famam meriti, & *Joh. Bapt. Ramusii*, a tribus diversorum Itinerum  
voluminibus, superiori seculo editis, satis noti exemplo excitatus, simi-  
lem ex variis cujusque linguæ Relationibus præsentis seculi Bibliothec-  
eam Itinerariam Ill. Autor adornare instituit. Et in Præfatione qui-  
dem succinctam eorum exhibet notitiam, qui *Bononia* oriundi peregrina-  
tionis studio incluserunt, inter quos *Ludovicus Barthelemy*, & *P. Fran-  
ciscus Pipinus* emineant, cui Latinam *Marci Pauli Veneti* Historiam  
oblivioni alias prope obnoxiam debeamus. Orditur deinde opuscu-  
lum ab itinere cujusdam *Martinieri*, qui opera sua chirurgica Societati  
*Boreali & Islandica*, Friderici III Dania Regis auspicio A. 1647 institutæ  
addicta, Septentrionales partes perlustraverit. De *Berge* Norvegiæ emporii,  
cujus palatium Archiepiscopale Hamburgi, Lubecæ & Bremæ usui  
cesserit, mercatoribus refert, quod in loco publico, qui *Canobii* nomi-  
ne veniat, certam Fraternitatem inter se & cælibatum colant, huic po-  
steriori vero renunciantes, negotiandi libertate reſenta, inde excedere  
neceſſe habeant. In ſingulis *Laponia* ædibus nigram ali *felem*, quæ in-  
colas, quocunque abeant, inſtar fidi Achatis comitetur, & vesperti circa  
negotia domestica in conſilium adhibeatur. In *Siberia* quinque ipſi  
honeſtioris conditionis exules, qui a M. Moscoviæ Duce eo relegati  
fuerint, obvios factos intolerabilem ſui ſimilium miſeriam expoſuiſſe;  
quomodo quotidie venatum ire coactis, præter famem, inten-  
ſiſſimum aeris rigorem, & ferociſſimarum beſtiarum incurſus, lar-  
ga ictuum, qui coreaceis ſcuticis nudo corpori inſillantur, meſſis immi-  
neat ſtatum muſtelarum Scythicarum numerum non referentibus.  
Notari ab eodem Geographos, longitudinem freti *Weygaz* intra  
10 leucas Gallicas reſtringentes, cum ultra 30 milliaria Germanica  
ſe extendat; unam item eandemque *Zemblam* in veterem & novam  
male diſſeſcentes: *Hollandos* quoque fruſtra eſſe, quide ingreſſu in  
mare Tartaricum unico navigio tempore Mauriti Naffovii facto glo-  
rientur, cum montibus *Pater noſter* dictis & perpetua glacie obſi-

tis

tis undique cinctum sit. A *Francisco Negri* Ravennate multa ad *Laponia* notitiam facientia edoctus Autor noster, ex parva incolarum pag. 33.  
 statura refutari eos asserit, qui quæ de Pygmæis traduntur, pro com-  
 mentis habeant; nec, cum inertes sint & meticulosi, *Gustavum Adol-*  
*phum* S. R. aliquot eorum, ut vulgo perhibeatur, legiones secum tra-  
 xisse, ex *Scheferi* Historia, a *P. Lubino* A. 1678 Gallice reddita, itidem  
 confirmat. Ex itineris a *Frid. Martens* Hamburg. A. 1671 *Spizbergam* 44.  
 versus suscepti descriptione, a *Jacobo Rautensels* Nob. Curland. in  
 Italum idioma translata, didicisse se ait, quam jucundum glacies istius 52.  
 loci spectaculum præbere soleat: ita integra apparuisse facella cum  
 fenestris & portis suis, tabulas item & mensas quadratas & rotundas  
 cyaneis pilis innixas, ex quarum una vel 40 personarum capaci, stiræ  
 instar tapetis pependerit: cadavera etiam post 30 annos ita incorrupta 60.  
 reperta fuisse, ac si pridie demum exanimata fuissent. Post Synopsin  
 aliquam Navigationis Batavicæ A. 1594. seqq. in *Novam Zemblam* ex-  
 hibitam, de transitu in Indias Orientales per mare Septentrionale adhuc 73. 84.  
 sperando ratiocinatur, si inter *Spizbergam*, & novam *Zemblam*, Con-  
 tinentis partem & falso hæctenus insulam creditam, usque ad 78 &  
 79 grad. instituat navigatio, & si hibernandi ibidem necessitas oc-  
 currat, non in superficie, sed sub terra habitacula, frigoris arcendi  
 causa, extruantur. De simili transitu inter Grœnlandiam & Ameri-  
 cam, ex Indiis item Orientalibus in Europam tentato ibidem agitur;  
 subjiciuntur etiam quædam de naturalibus Islandiæ & Grœnlandiæ; 115. 94.  
 & quomodo in oris ejus maritimis naucerus Societatis Grœnlandicæ  
 Daniæ 300 dolia arena aurei coloris & ponderis A. 1616 repleverit,  
 aurifabris vero ne granum quidem auri eruentibus, in mare Balthicum 100.  
 jussu Capitis Societatis arenam ejicere coactus præ mœrore obierit;  
 subeunte tamen paulo post jubentem pœnitentia, cum alius quidam  
 aurifaber ex eadem arena purissimum aurum extraheret. De quatuor  
 item Grœnlandis in conspectum Regis adductis additur, eos præ ani- 113.  
 mi ægritudine pariter defunctos esse, cum sexaginta jam milliaria na-  
 tando emensi, ex fuga in patriam per mare tentata retracti fuissent. In 127.  
 longa satis epistola *Herculis Zani* Equitis Bonon. (qui insigni lingua-  
 rum variarumque scientiarum apparatu instructus totam Europam,  
 Turcia excepta, perlustravit, hanc etiam aditurus, nisi A. 1684. vita  
 cum morte commutanda fuisset) de statu *Moscovia*, quem A. 1671 in

- comitatu Legationis Polonicæ alius pernoscendi opportunam commoditatem nactus erat, varia scitu jucunda occurrunt. Ita, ut pauca  
 pag. 143. attingamus, ob indispensabilem Regni legem neminem, qui cum Legatis accedit, ante quam hi ad M. Ducem introducti fuerint, quicquam in urbe negotiandi licentiam habere. De urbis, Parisiis & Londino triplo majoris, amplitudine ex 700000 incolarum & 2000 templorum copia constare posse, quorum potioribus extruendis architectus Italus *Aristoteles* Bononienfis a *Job. Baslide* immensis sumtibus adhibitus fuerit. Ad singulos viarum angulos, vel trahas vel effeda, prout anni cardines id exigunt, parata inveniri, quibus, quocunque lubeat, pro certa mercede deveharis. Cujuscunque generis artifices, institores & mechanicos peculiares sibi habere regiones, in quarum una, ad miliaris longitudinem, non nisi Sanctorum imagines venum expositæ conspiciantur; ubi tamen *emendi* vel *vendendi* vocabulis uti religio est, sed emptor, num hoc vel illud pretium argenteum cum imagine quadam *permutare* velit, rogatus, illud absque ulteriori contentione venditori numerat. Inter cerimonias circa publicam Legatorum admissionem observari solitas, & illam refert, quod *Bojarus* quidam (quod nominis *Consiliarium* innuit) Magni Ducis manum elevare, & advenis osculandam porrigere soleat. Infideles tamen, qui canum loco habeantur, ad genuum solum admitti osculum. Omnem Religionis innovationem cum averfentur Moscovitæ, duabus tunc primariis fœminis de Ritualis modo ecclesiastici mutatione aliquando differentibus, sub crurifragii comminatione silentium impositum fuisse. Fabulam alioqui esse, quod Sanctorum suorum imagines, beneficio quod sibi petierant, non impetrato, flagellis cædere dicantur. Postquam solennem fluminis in festo *Epiphaniæ* consecrationem, cum tali aqua peccata  
 148. ablui credantur, & pomposam Dominicæ *Palmarum* celebrationem ipso *Zarc* (quod vocabulum Regem proprie denotare, Bibliorum auctoritate probatur) ejusque Aulicis præsentibus peragi solitam, exacte descripsit, de proceribus agit, & quod nulla præ vilissimo subditorum prærogativa gaudeant, fustigationi, æque ac illi, obnoxii, *Bojari* ob defloratam gynæcei virginem publice, usque dum expiraret, flagellati exemplo confirmat. Statuta Regni, & Antecessorum Sanctiones A.  
 154. 1647 a *Zarc* rerum tunc potiente in uno volumine collectas & typis vulgatas esse, in quibus de cultu divino, judiciis, bonorum divisione, tutelis,

tutelis, mancipiis, &c. pauca quadam disponantur, consuetudine & praxi legum paucitatem supplente. Omnem viris ad Gynæceum pag. 189  
aditum interclusum, & si quæ male se habere incipiat, a medico accersito, & a provectioris ætatis matrona de morbi genere edocto, congrua ei remedia applicanda esse. Testatur etiam, priscam illam in festo *Paschæ* se invicem salutandi formulam: *Christus resurrexit: vere resurrexit*, usu adhuc obtinere; quo tempore *Zarius* quoque ministris & exteris duo rubicunda ova distribuere soleat. Eam esse porro lingue Moscoviticæ & Polonicæ affinitatem, ut citra interpretis interventum loquentes se mutuo intelligant. *Waiwodu* hodie uxores & liberos in provincias secum ducere licitum esse, quos olim obsidum loco relinquere opus fuit; variis interim Secretariis aliisque ministris actionum observatoribus adjunctis. Dum ritus nuptiales recenset, nec hunc intactum relinquit, quod tertio ferculo illato sponsus ad thalamum sponsam deducat, & certis fœminis jacturam libertatis interim pro mercede aliqua deplorantibus, post horam circiter sponsi pater poculum vini plenum convivis porrigat; hoc si pertusum sit & effluat, sponsam violatæ pudicitie ream inventam fuisse indicio est, & rescindendo matrimonio ansam præbet; quæ rescisso etiam ob alios corporis defectus locum habet, si modo dotem duplicatam reddere sponsus paratus sit. Cognationem spirituales & quartum gradum matrimonia impedire: maritidas collotenus vivas sepeliri: ad certos annos vendi posse uxores, ut & liberos in servitutem tradi, si parentes ære alieno urgeantur; qui communiter ob laxiorem disciplinam eos minus habeant morigeros, ob promiscuum etiam cum liberis balnei usum merito detestandi. Procerum alicui injuriam inferens duplo majorem offenso multam solvere cogitur salarii, quod hic ex aula percipit. Inter Nobiles, qui majores suos civilitate hodie superant, inveniri, qui in arctioris amicitie signum, externos ad uxores introducant, quæ nitidissime comptæ, porrectæ prius aqua vitæ, jussu maritorum genis osculum infigi patiantur, eosque vel flore bombycino vel strophiole acu picto, aut alio id genus munusculo donatos dimittant. Lites inter eos exortas, consensu equis, baculis terminari, quibus se invicem excipiant. Veluti devotio in templis spatiosis & subselliorum vacuis se exerens, exuberantius erga Principem obsequium, & haud æque ubi obvia in pauperes largitas, inter primarias virtutes referendæ sint:

- pag. 224. ita ebrietatem utrique sexui, Religiosis etiam nimis familiarem, & ob negligentiam inde oriundam tot cientem incendia, superbiam, & impotentem mutuis se proscindendi convitiis pruritum, turpissimam ipsis aspergere maculam. Frequentissimi usus monetam, ab una parte *Zari*, ab altera *Equitis* effigie insignitam, (quæ *Kopek* dicatur, & dimidium ejus *Deniske*, cujus generis vel centum Ducato valore æquales citra ullum loquæ impedimentum intra buccam recipi videas) exportare velle gravissimum piaculum est. Et cum olim fodinæ ob industriæ defectum ignotæ fuerint, versus Tartariæ fines fodina ferri se prodeunte, rogatu *Zari* ab Electore Saxonie fossiles impetratos, eorumque opera notabilem ferri copiam inde erutam fuisse. In M. Ducis *Alexii Michalovicii* laudes dum excurrit, a miti eum, iusto, casto, pio & sobrietatis studioso commendat animo, qui Regicidio Anglicano intellecto, facti indignitate commotus Carolo II. 50000 militum obtulerit, & universis Anglis ejectis, omnem Legatis a Cromvello mittendis aditum denegaverit; qui literarum amore quotidie librorum in linguam suam translatorum lectioni aliquid temporis impenderit, & *Luciano Goloſovio* Bojaro Latine docto, & *Nascechino*, Latina, Gallica, & Germanicæ linguæ perito, ut & *Paisio Ligaridio* Chio, Metropolitano Theſſalonicensi, ob eruditionem largi stipendii oblatione ad se evocato, impense faverit, aliasque artes munificentia sua promoverit; unde & in gratiam Regis artificiosis fabricis oppido delectati, Proceres in spatiosa ante urbem planitie complura eaque splendida ab utroque latere palatiola erigere certaverint. Primarii quoque, qui magna apud *Zarum* gratia valuit, Ministri *Artemonis* meminit, & quomodo ex hujus arbitrio ultimâ conjugem Princeps duxerit, *Nataliam* scilicet, filiam *Cyrylli Poliocrevicii* Equitatus Smolenskoviensis Præfecti, origine tamen *Germani*, quam ex formosissimarum Regni corona, & ex tribus harum omnium, prævia matronæ honestæ exploratione, perfectissimam inventam Principi suo selegerit. Sequuntur itinera a *Vincentio Fava*, itidem Equite Bononiensi, in *Africam* & *Syriam* A. 1615; item a *Sebastiano Berni* Societatis Jesu A. 1655 in *Cyfrariam* suscepta, qui posterior *Goam* quoque adiit, ubi S. *Francisci Xaverii* corpus visitans integrum idem, excepta altera manu, quam Roma habet, & ore aperto prædicantis quasi, reperit. Literæ nonnullæ a *Job. Ludov. Zani*, Excubiarum Præfecto, & Glogaviæ A. 1671. ex ictu globi defuncto, ad

Propin-

Propinquos suos scriptæ, varia ad successum belli Sueco-Danici pag. 338  
 ut & Cæsareo-Turcici in Hungaria & Transylvania tunc gessi, spe-  
 ctantia continent; in quibus nec illud reticendum sibi putavit, quan-  
 tum commodi pauxillum illud Latinitatis ex schola adhuc reliquum  
 sibi attulerit. Subjungitur *Nova divisio Terra* per differentes inco- 387  
 larum species & generationes instituenda, desumpta ex Ephemeridi-  
 bus Gallicis d. 24. Apr. A. 1684. In hac *Lappones* peculiarem & 393  
 quidem quartam speciem constituunt; cumque quoad sequiorem se-  
 xum pulchræ & deformes ubique reperiuntur; pulchritudinis causam  
 non solum in aquæ, ciborum, regionis & aeris, sed potissimum etiam  
 in seminis certæ speciei vel generationi quadrantis qualitate quæren-  
 dam esse. Sic in *Egypto* & *Africa* reperiit, quæ vel cum Cleopatra 395  
 aut famosa illa Veneris Romanæ statua certare possint; *Mingreliam*  
 quoque, *Georgiam*, & *Circasiam*, omnium peregrinantium consensu,  
 pulcherrimas totius Orbis fœminas fovere, adeo ut nec Christianis nec  
 Judæis mancipia muliebria in *Circassia* sibi comparare liceat, solis Tur-  
 cis & Musulmanis reservanda. Partem hujus Operis primam claudit  
 compendiaria trium Regnorum *Africæ*, *Congô*, *Matamba* & *Angole* de-  
 scriptio, ex vasto *Cavazzi* Opere excerpta, cujus recensionem curâ  
 jamdum in Actis nostris A. 1687. mense Decembri exhibuerimus, hoc  
 labore, ne actum agamus, eo facilius si persequeremur.

## LES MEMOIRES DE MONSIEUR DE

*Puysegur.* i. e.

Commentarii Jacobi Castneri, Equitis, Domini de  
 Puysegur, Tribuni legionis Pedemontanæ, & in exerciti-  
 bus regiis sub Ludovico XIII & XIV Locumtenentis gene-  
 ralis, publicati a Dni. du Chesne, Consiliario Regio  
 & Historiographo Galliæ. Accesserunt instructio-  
 nes militares. Tomi II.

Amstelodami, 1696. in 12. Plag. 22.

Quantum multa cum libertate, res a se gestas vel visas Vir hic fortis  
 & rei militaris peritissimus in commentariis hisce suis retulerit &  
 descripserit, de genere tamen suo & parentibus nihil memorat; sed sup-  
 plevit

plevit hoc in præloquio, quod opusculo præfixum est, editor Dn. du Chesne indicans, natum illum fuisse (quo die & anno non notavit) ex nobili & splendida in Aquitania familia; tabulam quoque progenologicam addidit. Patrem habuit XIV liberorum parentem, inter quos *Jacobus* hic septimus fuit, qui postquam ex ephebis (inter quos in Ducis Guisii aula locum habuit) excessisset, militiæ nomen dedit, totosque quadraginta quinque annos Regibus suis fidelem & utilem præstitit operâ; ætatem vero ad octoginta duos annos produxit, ea felicitate, ut in tot expeditionibus, in quibus maxima pericula intrepide adierat, nunquam vulneratus fuerit, licet bis in hostium venerit potestatem. Referuntur in eodem præloquio contenta documentorum quorundam, quæ post excusum jam commentarium reperta sunt, ad historiam illustrandam & confirmandam facientia; sunt autem literæ Regum, Principum, & Ducum exercituum regiorum, ad *Puysegurium* vel de eo scriptæ. Quod commentarios ipsos attinet, tam varia & multa in iis narrantur, ut recenseri in compendio ordine & prolixè non possint, sed per summa tantum capita, aut notabilia quædam eundum sit. Initium narrationis ab anno 1617, finem vero in anno 1658 facit Auctor. Interea, quæ de seipso refert, plurima sunt, quæ animi præsentiam, consilii copiam & intelligentiam rei militaris insignem, tum probitatem non vulgarem ostendunt. Cum anno 1620 in civili illo tumultu, qui inter Regem Ludovicum XIII, matremque ejus Mariam Medicæam ortus erat, *Puysegurius*, viginti forte annorum adolescens, & adhuc gregarius miles, cum hostibus profugis in castellum quoddam prope urbem Andegavensem ardore quodam animi perripisset, non mortem solum evasit, sed & præsidarii persuasit, ut deditionem Regi facerent; id quod Marefcallus Galliæ, *Franciscus Bassompierre*, in suis quoque notavit commentariis, quanquam *Puysegurium* errore quodam *Puyfigutium* nominaverit. Anno 1622, cum bello, quod vocant, Hugonotico in obsidione Montispeffulani in cohorte quadam prætoria inter minores ordinum duces adhuc esset, ob solertiam tamen & fortitudinem a Ducibus regiis delectus est, ut munimentum quoddam suburbanum (*cornutum* vocant) exploraret, quod cum vitæ discrimine præsentaneo ea fide & peritia præstitit, ut dignus haberetur, qui Regi ipsi, quæ egerat, referret; quod ea fecit ingenuitate, ausus etiam consilium de ratione oppugnandi munimenti dare, cui successus respondit, ut Rex primum Signiferi, qui vacaturus esset, locum

pag. 4.

20-



locum ei promiserit; generose enim recusaverat pecuniam præmii loco a Rege oblatam, eamque sodali suo, qui in exploratione ista vulnus lethale acceperat, volente Rege, tradidit: sed præventus ambitu potentiorum, signiferi munere non nisi post annum & sex menses potitus est, interim inter *sclopetarios*, quos *maiores* vocant, Regii corporis custodiæ destinatos receptus. Anno 1631, cum septem annis signifer fuisset, soluto XII millium librarum Gallicarum, i. e. quatuor imperialium millium pretio, in legione veterana, quæ a Pedemontana provincia nomen olim sortita est, centurionis locum & vigilum præfecti acquisivit. Hoc pag. 36.  
per occasionem in actis anni 1622 refert, & postea anno 1632 repetit. 30.

Interim cum adhuc inter sclopetarios illos esset, a Rege tamen, qui in Subalpinis tunc bellum gerebat, ob insignem peritiam rei tacticæ, ut & favore quodam singulari, delectus est ad instruendas copias, quibus Rex sororem suam, Sabaudia Ducis uxorem excipiebat, & instituto certaminæ simulato delectabat; ut vero ornatior labore illo fungeretur, veste, qua Rex ipse die præcedente usus erat, donatus fuit. Nec solum in expeditione bellica opera ejus libenter usus est Rex, sed & in negotiis occultioribus, quale fuit, cujus gratia Bruxellas, ubi tunc Regina mater exulabat, anno 1622 missum se esse scribit, & in quo industriae suæ specimen haud exiguum dedit. Anno 1635 interfuit expeditioni, quam regius exercitus ductu *Bernardi Saxonie Ducis* Vinariensis, & *Mareschallorum Forcai & Brezei* ad Rhenum susceperunt, in qua multa narrat suo consilio & opera gesta, ut & anno 1636 in Belgio sub Castilianæo & eodem Brezæo Mareschallis. 57.  
Anno 1637, cum legio sua sub Ludovico Borbonio Comite Suesfionensi Campaniæ summo Præfecto militaret, insigni illi & regii sanguinis Principi industriam virtutemque suam multis experimentis probavit Puysegurius; honesti 112.  
etiam & boni viri officium ei præstitit, cum apud Regem, apud quem male delatus erat, fidem & prudentiam ejus laudaret, & quosdam casus adversos excusaret. 138.  
Anno 1639, Rege ipso præsentem, Hesdinum 153.  
captum est, in qua obsidione quædam a Ducibus non optime administrata annotavit Puysegurius, commendavit tamen Regi secreto eum 161.  
interroganti Mellerajum ex Richelii clientibus, tormentorum Præfectum, juvenem quidem, nec satis peritum, sed discendi cupidum & fidelem, qui etiam dignitate Mareschalli Franciæ tunc honoratus fuit.

Anno sequenti 1640 urbs egregia *Atrebatum* in Gallicam venit potestatem. 101.

statem. In ejus obsidione haud contemnenda Puysegurii opera fuit, sed præmia a Rege sibi destinata, præfecturam nempe in cohortibus prætoriiis, invidia Cardinalis Richelii, & Henrici Desfiati de Cinqmars, qui stabuli regii Præfectus major erat (vulgo *le Grand*) interversam esse queritur. Anno 1641, cum Comes Sueslionensis cum Duce Bullionæo Sedani tunc domino, arma contra Regem, aut potius, ut dicebant, contra Richelium cepisset, datum a se consilium esse memorat, ut munimentum ad pontem Mosæ Sedano oppositū construeretur, tamen si suspectus nihilominus Regi factus fuerit: quam tamen suspicionē eluerit, cum Bullionæo persuasisset, ut cum Rege in gratiam rediret, singulari illa in re industria versatus, nec exiguis obnoxius periculis. Richelii enim potentia tanta erat, ut Regi ipsi metuenda esset, ita ut, si fides haberi debet *Cinqmartio* qui id Bullionæo aperuit, in nulla regni urbe tutum se esse crederet, cum omnes a factione Richelii tenerentur, & ideo Sedanum se recipere vellet. In prælio ad Bassèam anno 1642, cum magna clades decum culpa, qui Puysegurium recta monentem spreverant, Gallis esset illata, captus ipse ab Hispanis, annoque integro in custodia detentus est, nec nisi mortuo Ludovico XIII. anno 1643 in Galliam rediit, a quo post obitum Richelii, cui nunquam gratus fuerat, insignem gratiam sibi promittebat. Hæc ex Tomo I. observavimus.

Tomo II. continuatur narratio de gestis A. 1644 & sequentibus.

249. Ex his notabilia sunt expugnatio Gravelingæ, Burburgi & aliorum oppidorum A. 1645: Contraci, Montium S. Vinoci, Furnæ, Mardici, Dunkerchæ A. 1646: quibus expeditionibus plerisque interfuit Puysegurius consilio & manu promptus: observata quoque disciplina & æquitate multam acquisivit laudem, cum Dixmuda custodienda ei crederetur. Anno 1648 capta urbi Yprensi a Condæo Principe præpositus fuit; cum vero gubernatio superior non *Castilianæo* Marescallo, sed alii, artibus aulæ prælato deferretur, præfectura illa se abdicavit, & postea in expeditione illius anni multa prudenter & fortiter egit, & Furnensibus deditionem persuasit. Anno sequenti 1649 Puysegurius Magistri aulæ regiae (*maître d' hôtel*) munere fungebatur, cum Rex cum Regina matre Lutetia civium seditione territus excessisset, & Turenus pro factionis exercitum contra regios duceret. Insigne fidei suæ specimen tunc dedit Noster, recusatis centum aureorum millibus, quos ei Elhebovius, ad Parisienses tunc transiens, offerebat, si partibus illorum accedere & ur-

& urbis custodiam suscipere vellet. Erat enim hoc animo, ut Regi semper & unice adhereret, nec potentium ministrorum nutum sequeretur; quo quidem instituto rebus suis nocuit, ut non semel in hoc commentario & circa finem in primis queritur, sicque nec ad majora & fructuosiora militiæ munera, quæ merebatur, evehctus est. Licet etiam Condæto Principi valde acceptus esset, ausus tamen fuit anno præcedente, jam tum prævidens, quod regias partes deserturus esset, diserte & in faciem ei obtestari, se sub eo militaturum non esse, si id faceret. Dudum quoque, cum A. 1630 Rex *Marillacum* Franciæ Mareſchallum Richelii instinctu capi jussisset, (qui & paulo post supplicio affectus est) promissam Reginæ matris nomine parem summam, si liberationem *Marilliaci*, a se custoditi, procurare vellet, itidem rejecerat. Cum ille, de quo dicere cœpimus, tumultus prior, in quo *Puyſegurius* operam haud spernendam, in custodienda ripa Matronæ amnis, exiguis licet cum copiis præstitit, compositus esset; Regius exercitus ductu Comitis *de Harcourt* Cameracum obsedit, sed nequicquam reclamante *Puyſegurio*, sine causa, ut judicat, & cum damno ab urbe illa recessit. Anno 1650 amissam esse scribit *Neoparsi* capiendi occasionem, cum ne tunc quidem recte monens audiretur. Successit tamen consilium ejus, quod *Mazarino* ad obsidendum Retelium munitum in limite Belgico oppidum, & ad prælium cum Turenſio, factionis adversæ duce, Hispanicis & Lotharingicis copiis subnixo, committendum suppeditavit. In hoc tam perite & fortiter sese gessit, ut licet ambigue pugnaretur, multa que minus recte administrarentur, victoria tamen ab regiis staret partibus. At nec ea ratione *Mazarini*, quem candore suo plus semel offenderat, benevolentiam sinceram acquirere potuit. Anno 1651, cum legiones regiæ sub *Aumontio* Mareſchallo, ob stipendiî defectum aliasque querelas seditionem moverent, ipse verbis primum, & exemplo legionis cujus Legatus erat, in officio eas continuit, & postea ablegatus fuit, ut obsequium exercitus nomine Regi offerret. Quanquam vero morbo impeditus adire tunc Regem nequii, grata tamen fuit voluntas ejus, ut Rex benigna epistola d. 16. *Septembris* data testatus est. Paulo post, cum tentatus, an Ducis Aureliani, qui gubernationem regni olim neglectam denuo prætendebat, imperium agniturus esset, masculè restitisset, ab ipsa Regina cum aliis veteranorum tribunis elementissime admixtus & publice laudatus est.

pag. 172.

80.

300.

308.

31.

349. seqq.  
ad 355.

342.

358.

- Pollicebatur autem Regina, manu capiti Regis impuberis, qui ejus sibi adstabat, imposita, se fidei sibi filioque præstitæ oblituram non esse, & fore, ut Rex meliori tempore suo digna bene meritis præmia daturus esset. Tunc intra verba stetit gratia, & *Mazarinus* instituta salutatione oblectari tribunos & centuriones post aliquot dies curavit. *Laudunum* eo anno Puysegurii opera servatum. Omissa enim ejus urbis occupatione, Condæus Reteliū tunc aggressus est & expugnavit. Compensatum id damnum fuit adacto ad deditionem, itidem Puysegurii industria, castello Portiano. Anno 1652 sub Turenno, Regi jam reconciliato, & cum Fertæo copiis præfecto, denuo in recuperando Retelio utilem operam navavit noster. Anno 1653 certamen ei cum Mazarino obortum est satis acre, quod is *Præfectum generalem*, quem vocant, ex equitatu & clientibus suis deligeret, præteritis veteranis peditem tribunis. Ausus est tunc Mazarino, præsentem *Tellurio* dicere, se licet ille locum eminentiorem obtineret, non minus tamen Regis ministrum esse. Offensæ inde conceptæ ex genio nationis suæ memorem mansisse Cardinalem, cum damno suo se sensisse refert. *Monsonium* inde captum est, strenue in oppugnatione se gerente *Puysegurio*, sed non sine damno legionis. Anno 1654 ad Atrebatensem urbem tum regius exercitus Turenno Duce, tum ex adverso Condæus castra habuerunt, hic tamen in suis oppugnatus, & cedere accepta clade coactus est. Multum consilio & manu ad id contulit *Puysegurius*, qui non longe post A. 1655 legionis Pedemontanæ, cujus Legatus hucusque fuerat, Tribunus (*Mestre de camp*) factus fuit. Capta sunt eo anno a regis, semper strenue cum legione sua militante Nostro, Landrecejum, Condātū Fanum D. Gislenii & alia. Annus 1656 in felix fuit regis partibus: cum enim Valencenarum urbem Turennius & Fertæus obsedisent, tam prave omnia, spreto Puysegurii monitis, sunt administrata, ut Condæus magna strage regiones affecerit, & urbem, cui tunc *Bourneville* præerat, liberaverit, captis in prælio illo non solum *Puysegurio*, sed & Fertæo Marefchallo, & magno ductorum regionum numero. Noster satis liberaliter habitus fuit a Condæo & aliis, fidemque ob fortitudinis & moderationis famam adeptus, ad captivos regiarum partium liberandos viginti librarum millia erogavit, ipse tamen *Mazarini* malignitate serius quam alii liberatus. Reversus & a Mazarino satis comiter admissus Condæum, hostem tunc licet, summo opere commendavit,

davit, neminem esse asseverans, a quo fortitudine & militandi peritia pag. 434.  
vinceretur. Experimentum anno sequenti 1657 cum regis Turenni-  
us sensit, cum ab obsidione Cameſaci per Condæum depelleretur. 439.  
Eodem tamen anno Mardicum cepit Turennius, postquam a *Puyse-  
gurio* de situ munimentorum melius instructus, oppugnationem non  
bene institutam correxisset. Annus 1658 captura *Dunkerke*,  
*Furnarum*, *Dixmuda*, *Ypra*, *Meninii*, *Aldenarde*, & profligatis plus  
una vice hostibus, prosper fuit Gallis. Secuta A. 1660 pace, Con-  
dæum in regnum redeuntem Puysegurius Sueſſione stativa habens ho-  
spitio excepit, sprete Cardinalis invidia. Hic narrandi finem fecit  
Noster, & nos excerpti faciemus, omisſis non solum vitandæ pro-  
lixitatis gratia multis, quæ ad Autorem spectant, sed reliquis quoque,  
quorum mentionem facit, quæ alii gesserunt. Notari ex illis, quæ  
epilogi loco commemoravit, meretur, quod a se Regi Ludovico XIII  
consilium datum esse scribit, ut Legatos munitarum urbium ipse Rex  
constitueret, non dependentes ab electione & patrocínio Gubernato-  
rum; item ut veteranas cohortes in primariis urbibus in hyberna collo-  
caret, & ut Generali exercituum Præfecto non permetteret, ut suas le-  
giones in expeditione in castris haberet, (commoda enim harum cum  
damno cæterarum injuste promovebant) sed ut eas alias in regiones 451.  
militatum mitteret. Non tacet tamen, Turennii contrariis studiis mul-  
ta postea ex utilibus illis consiliis mutata esse, & de hujus, quem tamen  
omnibus officiis demereri non neglexerit, & ob insignem fortitudinem  
& rei militaris scientiam maximè fecerit, in se malevolentia queritur.  
*Inſtructiones militares*, quæ in titulo memorantur, fini commentario-  
rum adjunctæ sunt, pagellarum circiter 30, & distributæ in capita 17,  
de quibus bellicæ rei periti judicabunt. Continent autem monita de 458.  
metandis castris, de agmine in planitie aut per sylvas & trans amnes  
bene ducendo, de duplicatione ordinum, de acie pro hostilis exercitus  
situ aut ordine instruenda aut versanda, de loco ad prælium capiendo,  
de iis quæ in obsidione munitorum locorum, habita præſidii & alia-  
tam circumſtantiarum ratione observari debent, item de officio ejus,  
qui defendere talia loca velit. 463.

*MEDICINA HYDROSTATICA: OR HYDRO-  
staticks applied to the Materia Medica, by the Honou-  
rable Rob. Boyle, Fellow of the R. S. five,*


Hydrostatica ad Materiam Medicam applicata per  
Virum Illustrē Rob. Boyle, Regiæ Societatis  
Sodalem.

Londini, sumptibus Samuelis Smith, 1690, in 8. Plag. 18.

**T**ametſi potiſſimus præſentis tractatus ſcopus ſit, oſtendere modo, qua ratione per examina hydroſtatica explorari queat, num hæc vel illa corpora inter Materiam Medicam recenſeri & adhiberi ſolita, pro genuinis reputanda, an vero pro adulterinis ac ſuppoſitiis habenda ſint: nihilominus celeberrimo Autori placuit generaliore ei *Medicine Hydroſtaticæ* titulum præfigere: tum ne prolixior rubrica his, qui librum poſt hac forte allegare cuperent, incommoda foret: tum maxime, ut ipſe fatetur, exemplo ingenioſi *Sanctorii*, qui nempe non dubitavit *Medicine Staticæ* nomine inſignire tractatum, quo trutinam ad uſus quosdam artem medicam ſpectantes applicuit, fortæſſe haud plures, quam hic ex Hydroſtaticis eidem aecommodati reperiantur. De cætero confidit Autor, nec deſore ſeculo hoc naturæ ſcrutatorum feraci, qui & illius & ſuum hoc inventum pluribus poſthæc uſibus non infeliciter adhibitori ſint, utut forte a neutro ipſorum primum præviſis. Licet vero nec momentofum illud *Archimedis* Problema, (*Corpus nempe aqua gravius tanto minus in aqua quam in ære ponderare, quantum eſt pondus aque, mole ſeu magnitudine iſti æqualis*, cui nempe cuncta pene experimenta hydroſtatica innituntur, quodque iſtius quidem interpretes mathematicæ paſſim demonſtrare ſategerunt, Noſter vero in *Paradoxi Hydroſtaticis* jam olim phyſice magis explanavit) nec fluentium inde operationum modus, ab ejusdem ſcilicet Commentatoribus & *Marino Getaldo* imprimis, traditus, nova aut ignota ſint: attamen ne quis forte talium ignarus in limine hæreret, in antecellum non omiſit Autor ſigillatim & apparatus omnem instrumentorum hic neceſſariorum, & compendia per experientiam ſibi hac in re ſuggeſta, totum deniq; procedendi modum clariffime & populari plane ſtylo ob oculos ponere: veritus nempe, ne ſi librum habitu magis mathematico indueret, eos facile deterreret & ab utilitate inde capienda arceret, qui conſpecto theorematum, problematum & ſimilibus nominibus, mox a ſcriptorum talium perluſtratione abhorrent, putantes ea Mathematicum tantum lectorem ſibi expoſcere. Et apparatus quidem hydroſta-



TAB. XI. ad A. 1691.  
pag. 487.





hydrostaticus instrumentis sat paucis iisque simplicissimis, uti ex *adjecta Figura* videre est, absolvitur: inter quæ primas tenet Trutina *a a*, medio-  
 cris saltem bonitatis, (nisi forte gemmas aliave pretiosiora examinare est  
 animus, ubi solito accuratior requiritur,) suis lancibus *b b* juxte instru-  
 cta; hanc e fulcro seu columella *c c* ope uncinuli *r* suspendere præ-  
 stat, quam nudis tractare manibus, ne hæc inter longiorem expendendi  
 moram vacillantes, incertam forte reddant observationem: cujus qui-  
 dem cautelæ neglectum quamplurimis erroribus, apud varios autores  
 occurrentibus, ansam dedisse Noster conjicit. Suspenditur vero colu-  
 mellæ ex brachiolo *d e*, sursum deorsumque mobili, eum in modum,  
 ut mediante filo *b b b*, trochleas *f & g* pervadente, sustolli ad lubi-  
 tum aut demitti, & in quolibet situ sic adminiculo pondusculi mobilis  
 i statuminari valeat. Proximum est, ut juxta pondera ad manus sint, cum  
 majora unciarum, drachmarum, &c. *q*, tum minora, granorum mi-  
 nutiis dijudicandis apta, *ssss*, quæ e sua pyxide *o* ministerio forcipulæ  
*p p*, quam digitorum exprimere & tractare commodius est: His ita  
 apparatis jam, si obveniat corpus aliquod *solidum aqua ponderosius*, cu-  
 jus gravitatem specificam hydrostaticè explorare lubeat: non aliò  
 opus est, quam ut corporis pondere, quod in aere habet, prius exa-  
 cte cognito & consignato, ope setæ equinæ *k k* (quæ nimirum ejus-  
 dem propemodum cum aqua gravitatis esse, nullumque adeo in  
 aqua pondus habere observata fuit) vel simplicis, vel pro re nata mul-  
 tiplicis, & instar reticuli adaptatæ, ex altera lancium innoxie hunc  
 in finem perforata, (nisi ejus loco aliud sacoma alteri lanci æqui-  
 ponderans substituere quis malit) suspendatur corpus trutinandum *l*,  
 penitusque sic immergatur intra aquam in alveolo vitreo *m m* stagnan-  
 tem, & ita jam attendatur, quot ponderibus altera lanx indigeat ad lin-  
 gulam trutinæ in perpendicularem præcise situm redigendam: quo  
 pacto innotescet pondus illius corporis, quale in aqua habeat. Hoc  
 porro pondus, si a priori illo, quod in aere deprehensum fuerat, detra-  
 hatur, & per Residuum, (quod utriusque differentiam dabit,) divi-  
 datur integrum illud in aere pondus, Quotiens manifestabit, quæ-  
 nam obtineat proportio, ratione gravitatis specificæ, inter solidum il-  
 lud examinatum & aquam mole eidem æqualem. Sic v. g. frustum  
 marmoris albi, quod in aere habuerat  $\text{3ij } 3\text{ij } 3\text{j gr. ix}$ , seu rotundius  
 loquendo, 1169 grana, intra aquam non ascenderat ultra 738 grana:  
 quibus

quibus a priori summa subtractis, residuum 431 granorum exhibuit gravitatem aquæ marmoris mole æqualis; factaque sic divisione, proportio marmoris ad aquam talis prodiit, qualis est inter  $2\frac{71}{100}$  vel proxime  $\frac{7}{6}$  ad 1. Quo vero accuratior emergat computus, inter operandum sedulo curare jubet Autor, ne corpus examini subjiciendum ulla parte extra aquam promineat, aut vasis vitrei latera fundumve tangat, aut aeris bullulis sponte sæpius adnascantibus quadantenus quasi toridem vesiculis supportetur leviusve reddatur; aut lanx superficiiei aquæ imminens ei nimis appropinquet, & ab adhærescentibus inde guttis observatio turbetur: denique ut lanci pondera continenti tanta simul setæ equinæ portio indatur, quanta in altera corpus appensum tenenti super aquam extat: quandoquidem ea tantum setæ pars, quæ aquis mergitur, nulla indiget ponderis compensatione. Si corpora examinanda tam *pussilla* sint, ut circumligari se non commode ob exilitatem setis equinis patiantur, nec reticulo inde contexto comprehendi valeant, qualia sunt gemmarum frustula, *pulveresve* ponderosiores: iis recipiendis adhibetur situla vitrea latioris orificii, qualis *n* in figura apparet, cujus pondus tam in aere, quam in aqua prius exacte explorandum; huic enim a seta suspensæ talia immittuntur, ipsaque dein penitus aquæ submersa, eodem modo, ut cum aliis corporibus proceditur. Eadem situla inservit etiam ponderandis hydrostatice *liquoribus aqua gravioribus* & ab ejus commixtione immunibus: qualismodi sunt hydrargyrum & olea nonnulla chymica, cinnamomi puta, cariophyllorum, Guajaci, &c. Pro *reliquis vero liquoribus* expendendis varia communicantur technasmata. *Primus modus* est, ut liquorum gravitas exploretur ministerio certi cujusdam corporis in aqua subsidentis, (cujus pondus semel notum sit) in variis nempe liquoribus successive trutinati, perque ponderis sui in quolibet eorum repertam quantitatem, ipsorum gravitatem specificam prodentis; uti v. g. idem Succini frustum in aqua pependit  $6\frac{3}{4}$  grana, in vino rubro Gallico  $8\frac{1}{2}$ , in spiritu vini  $17\frac{1}{8}$ , denique in vinosis spiritibus summe rectificatis  $34\frac{1}{8}$ . Cum vero succinum, levioribus quidem liquoribus examinandis aptissimum, in gravioribus, v. g. oleo Tartari per deliquium, fortiori solutione salis Tartari vel Cinerum clavellatorum, oleo Vitrioli, spiritu Nitri, etff. supernatet, adeoque explorationi tali ineptum reddatur, Noster consultissimum expertus est, pro talismodi operationibus adhibere bullam vitream, immisso prius pauxillo

pauxillo Mercurii pro augenda gravitate, hermetice sigillatam; aut melius adhuc frustum Cryſtalli montanæ, præſertim cum graciles ejus ſtiræ priſmaticam a natura figuram naſcæ, immergi aptæ ſint lagenulis etiam minoribus, pretioſiores liquores includentibus, absque ullo horum diſpendio: uti & reliquæ proprietates pleræque, quas ad *ſolidum* ejusmodi *hydroſtaticum* requirit Autor, in ea concurrunt: quæ ſunt, ut corpus tale in omnibus, præter hydrargyrum, liquoribus ſubſidat, item, ne quid de pondere ſuo perdat per effluvia inſenſibilia, ne diſſolvi ſe aut corrodi ab ullo liquore patiatur, ne fractu facile ſit; utque tandem uniformis, qua ſenſum & parabilis materiæ ſit, quo experimenta eo facta cum aliis communicari ab iisque pariter probari valeant. *Alter* *modus* liquorum pondus examinandi, mechanicus potius, quam hydroſtaticus, talis eſt, ut ampulla gracili collo inſtructa pluribus ſucceſſive liquoribus ad certum & fixum uſque ſignum repleatur, & ſic dein ponderoſitas cujuſlibet trutina expendatur. *Tertius* a Merſenno communicatus, conſiſtit ex cavo cylindro æneo, inferius ſacomate onerato, quo arrectus in liquoribus natæ, & ſic magis minusve ultra eorum ſuperficiem extans ſpecificæ gravitatis gradus indigitare queat: cui ob corroſionis facilitatem, Noſter vitreum ſubſtituere mavult, duplici inferius bulla inſtructum, quarum inferior Mercurio gravanda pauliſper ſit, quo ſitum teneat perpendicularẽ. *Quartus* ab eodem Merſenno prodiſtus ita ſe habet, ut liquores qualeſcunque hydroſtaticè examinandi, inſundantur in ampullam minorem vitream, obturaculo cereo vel ſubereo firmiter, & excluſo omni aere obſtructam; atque ita aquæ immergantur, hydroſtaticè inſtar aliorum corporum ponderandi, cognito tamen prius ampullæ obturaculi que pondere tam in aere, quam in aqua: quod nempe dein deducendum eſt ab obtenta ejusdem gravitate, quam liquore plena habuerit. Cum vero ampullæ hujus obturaculum ſive cereum ſive ſubereum hoc incommodi habeat, quod aqua levius ſit, ſeparataque adeo trutinatione indigeat, ac præterea corroſioni variorum liquorum pateat, Noſter ejus loco elegit vitreum, ampullæ collo exactiſſime per mutuam attritionem adaptatum: præbuitque ampulla iſta, quam rotundam adhibuit, exempto obturaculo alium in ſuper uſum, ſubiens nempe vices *ſitula hydroſtatica*, ſupra indicatæ, pro examinandis pulveribus: quin & immiſſo pauxillo hydrargyri obturata inſervit loco *bullæ hermetice ſigillatæ*, cujuſ pariter

superius facta mentio est. Denique si *corpus tale* hydrostatice examinandum offeratur, quod in *aqua facile dissolvatur* eive se misceat, id consilii Autor suggerit, ut, quandoquidem id immediate in aqua ponderari nequit, alius loco hujus liquor substituat, a quo talis dissolutio metuenda haud sit, atque sic investigetur specifica gravitas, quam corpus respectu hujus liquoris obtineat, tandemque comparata utriusque liquoris inter se differentia innotescat, quamnam gravitatem corpus in aqua habiturum fuisset, siquidem intra eam tuto examen instituere licuisset. Cum vero experientia doceat, eas substantias, quæ in *aquosis* liquoribus diffiunt, intra *oleosos* dissolvi non solere, saltem quoad sensum ac tam brevi tempore, dum ponderatio peragitur; hinc facile patet, oleosum aliquem liquorem aquæ hic commodissime vices subire. Præ cæteris vero aptissimum Noster huic negotio expertus est oleum Terebinthinæ, & quidem limpidius illud, quod vulgo sub spiritus Terebinthinæ nomine venire solet: partim quod passum ejus copia haberi possit, nec adulterari facile ob pretii vilitatem soleat, uti oleis chymicis sæpius contingat: partim quia tanquam destillatum corpus liberius reputari valeat à mixtura particularum aquosarum, quibus olea vulgata expressa plerumque scateant.

Exposuimus hæcenus modos, quibus varii generis corpora hydrostatico examini subicere liceat: in quibus quidem ex Autore nostro communicandis vel ideo prolixiores esse volumus, ne talismodi compendiorum ignaris interim carendum foret experimentis adeo proficuis, si forte ingeniosi hujus scripti translationem, de quâ tamen haud dubitamus, diutius nonnihil differri contingeret: restat nunc ut videamus, quid utilitatis ejusmodi examina, in arte & materia Medica inprimis præbere valeant. Et *Uusus I.* quidem ab Autore nostro allegatus, concernit potissimum lapides aliave fossilia ad regnum minerale spectantia: ut nimirum generatim explorare liceat, num ea metallici aliquid admixtum intra se foveant. Quandoquidem enim Idem jam in *Tractatu* antehac de *Gemmarum origine & virtutibus* edito deduxit, præcipuam, si non omnem Gemmarum vim & efficaciam pendere a qualitatibus metallicarum & mineralium substantiarum, materiæ lapidiæ, dum ea liquida adhuc aut saltem mollis fuit, intime unitarum, quod verosimile est pariter, imo magis adhuc obtinere in *bolis*, argillis aliisque fossilibus ignobilioribus, dum scilicet intra ea, dum

dum in *soluiis principis* extiterunt, major metallicarum partium copia semet in sinuare facilius potuit: Medicorum utique interesse arguit, novisse, plus minusve materiae talis adventitiae corpori alicui num admixtum sit. Ad faciendam vero talem æstimationem consultum judicavit, normæ loco adfixere lapidem aliquem maxime purum, qua sensum certe, & ab omni adventitia tinctura mixturæ maxime liberum, *crystallum* puta; cujus gravitatem specificam comperit se habere ad æqualem aquæ molem, ut  $2\frac{1}{2}$  ad 1 circiter, vel absque fractione, ut 5 ad 2. Pro regula itaque haud fallaci tradit, quod, quodcumque durum aliquod fossile factò examine hydrostatico deprehendatur esse multo ponderosius, quam crystallus ejusdem molis, pro signo sat probabili hoc haberi debeat, solido illi concreto notabilem inesse quantitatem corporis alicujus metallici aliusve mineralis; unde porro ejus qualitates vel proficiæ vel nocivæ humano corpori deduci queant: fatetur tamen, argumentum hoc negative haud procedere, quandoquidem ad qualitatem ejusmodi conciliandam nonnunquam perexigua adventitiæ materiae portiuncula admixta sufficere possit. Caterum regulam hanc comprobarunt varia tentamina circa diversos lapides in re medica occurrentes facta, quorum nempe singuli crystallum gravitate specifica superare visi sunt: sic v. g. Hæmatites ad aquam se habuit ut  $4\frac{1}{100}$  ad 1; Lapis Lazuli, ut 3 ad 1; Magnes ut  $4\frac{95}{100}$ ; Lapis Calaminaris (cujus in pollinem triti miram virtutem, in curanda diarrhoea torminosa & quandoque dysenterica, magno opere sibi a famoso quodam nec indocto empirico commendatam narrat Autor,) ut  $4\frac{60}{100}$  ad 1. *Uusus II.* indicatur, dijudicare num corpus aliquod lapidi quoad speciem æmulum revera pro tali habendum, adeoque ad regnum minerale referendum sit: quo magis enim illud abludat a specifica crystalli gravitate in defectu, eo minus titulo tali dignum esse: ita patuit corallia & margaritas propius ad naturam lapideam accedere, quam aut calculum humanum aut lapidem Bezoardicum: dum proportio quidem gravitatis coralliorum ad aquam fuit, ut  $2\frac{68}{100}$ , & margaritarum ut  $2\frac{51}{100}$  ad 1: calculi humani vero tantum ut  $1\frac{76}{100}$ , item  $1\frac{60}{100}$ , & lapidis Bezoar quandoque ut  $1\frac{47}{100}$ , quandoque ut  $1\frac{55}{100}$  ad 1: qua occasione Autor perhibet, Medicum quempiam experientissimum diuque in India Orientali versatum, ac ita propitiam sæpe occasionem natum genuini lapidis Bezoardici virtutes probandi, nihilominus ei cal-

culum humanum aut æquare aut præferre quoad efficaciam solitum fuisse. *Uusus III* est, quod distinguere nonnunquam hoc adminiculo liceat diversas ejusdem corporis species, sub eadem quidem vulgo denominatione venientes, at non minus quandoque inter semet variantes, quam ejusdem speciei individua: exempli loco adducuntur diversæ *magnetis* species pondere notabiliter discrepantes, dicunturque Norvagici & Anglicani haud paulo graviore esse Italicis, Elvam Insulam nactis patriam. Sic *hydrargyrum* Hispanicum hydrostatice examinatum a Nostro compertum fuit ratione ponderis ad aquam se habere ut 14  $\frac{11}{100}$  ad 1: cum alioqui vulgaris Mercurius fere se contineat intra proportionem 14 ad 1, aut plane  $13\frac{1}{2}$  ad 1. Pariter quoque inter *Granatos* Europæos & ex America advectos tantam sensit intercedere differentiam ratione gravitatis specificæ, ut non abs re conjiciat diversissimæ utrosque virtutis esse, qua gradum saltem, si non qua speciem. *Uusus IV* habetur, discernere lapides genuinos, sive minerales sive animales, a factitiis & adulterinis: nempe quemadmodum inter qualitates corporum vix ulla est, iis adeo intime inhærens, ut gravitas specifica: sic nil quoque difficilius est impostoribus, naturalis nimirum historiæ plerumque satis ignaris, quam eandem aut exacte imitari, aut alterare, quin simul sensibilis semet exerat mutatio in reliquis qualitatibus fraudem detectura: sic gemmæ factitiæ ex minio paratæ, pariterque margaritæ Mercurii adminiculo fabrefactæ, utut speciosissimæ, tamen insita ponderositate nimia facile se produnt. *Uusus V* in eo consistit, quod opetalis examinis hydrostatici probabiliter æstimare detur intemeratam bonitatem gradumque puritatis in variis corporibus: cognito nempe semel specifico pondere alicujus individui, quod genuinum esse noverimus, eoque dein collato cum gravitate aliis ejusdem speciei insita. Et sane adseverat Autor, majorem hoc intuitu inter lapides ejusdem nominis differentiam obtinere, quam quis facile sibi persuaderet: quo spectat exemplum de Granatis superius allatum. At vero hic simul monet, gemmarum nobilitatis æstimationem non eodem modo fieri mox debere a Medicis, uti quidem a Gemmariis: scilicet hos quidem, de venustate & splendore maxime sollicitos, inter gemmas ejusdem speciei non abs re eas præ aliis in pretio habere, quæ cæteris paribus, specificam gravitatem exerant minorem, ut quæ fere magis uniformes ac translucidæ sint, tincturam suam nactæ a pigmentis

tis

tis partium subtiliorum: ast vicissim Medicos atque Chymicos, in gemmis virtutem medicamentosam unice intuentes, merito eas præferre, quæ ponderosissimæ sunt, uberiorem nempe portionem substantiæ mineralis vel metallicæ adeptæ. Ne vero gratis hoc asserere videatur, exempli loco exponit, quomodo in opinione sua, qua suspicatus fuerat, in Granatis latitare sat copiosa corpuscula metallica naturæ Martialis, confirmatus per experimentum fuerit. Scilicet Granati Bohemici, saturato rubore conspicui & in minutissimum pollinem contriti (& quidem ad evitandam suspicionem, mortario non ferreo) grana octo cum vitri crystallini in pulverem redacti uncia una commiscuit, & intra fornacem fervidissimam ad bihorium in fusione detinuit: unde prodiit massa uniformis satis & sufficienti *vire* tincta, qualem nempe colorem alias præparatum ferrum vel chalybs vitro puro conciliare solent. Non ideo tamen negat, dari quandoque pigmenta mineralia naturæ adeo subtilis, ut vel minima eorum quantitas, quæque vix sensibilibiter gemmas aliis minus coloratis graviore reddere valeat, ad quamlibet totius earum materiæ partem imprægnandam sufficiat: id quod illustrat exemplo Zaphoræ, cujus nempe partem unam centesimam vitro Veneto in fusione probe commixtam, ad idem colore caruleo suaviter saturato imbuendum sufficere expertus est. *Ufus VI.* innuitur, acute dignoscere specificam variorum liquorum gravitatem, non modo ad distinguendum sic genuinos & intemeratos ab adulteratis & corruptis, sed & pro aliis finibus, tam respectu materiæ medicæ propriæ sic dictæ, quam aliarum physiologiæ partium utilibus: cum certum sit, alterationes in gravitate liquorum specifica emergentes plerumque comitem habere ipsius consistentiæ mutationem. Sicv. g. hoc pacto experiri datur, quatenus asservatio diuturnior, fermentatio, putrefactio specificam liquorum gravitatem immutet; item probare licet gradum spirituositatis aut virtutis in variis liquoribus & mensuris, & quidem certius & compendiosius, quam per deflagrationem vulgo usitatam, qua nempe perditur, quantum probationi destinatur. Quoad examinis hydrostatici applicationem vero hic pro regula notare jubet Autor, quod inter liquores quidem per distillationem ex vino, pomis aliisque fermentatis paratos, *levissimi*, inter acidos vero spiritus & liquores *gravissimi* pro fortissimis omnium ejusdem generis reputandi sint: id

quod nempe scire, gradumque adeo subtilitatis roborisve liquorum in numero quasi habere, multis casibus maxime necessarium est: sic expertus nonnunquā fuit Noster, *aquam fortem* nimis quandoq; fortē apparuisse pro arrodendo argento, adeo ut opus habuerit prius per aquæ admixtionem nonnihil debilitari. Pariter & falli subinde arguit Chymicos, quando pro Extractis parandis indistincte adhibeant Spiritum Vini rectificatissimum: quandoquidem virtus medicamentosa complurium corporum non unice resideat in eo, quod Chymicis *sulphur* audit, seu parte resinosa, cui sane eliciendæ omnino talis Spiritus vini aptissimus; sed sæpius in gummosa & quandoque mucilaginosa substantia, pro qua elicienda spiritus suo phlegmate adhuc paulisper dilutus magis foret adæquatus: uti v. g. constat, Gummi Arabicum, Tragacantham etss. non parere spiritui vini rectificato, bene tamen debiliori: myrrham quoque in hoc facilius, quam illo dissolvi, *Ussu VII.* est Stereometricus, non directo quidem tendens ad examinandum materiam medicam, & Medicis tamen & Physicis non parum proficiuus, pro meliori descriptione & exactius determinanda magnitudine variorum Simplicium, quam vulgo per dimensionem nudam longitudinis latitudinisque fit: dum certum est ob insignem figurarum, irregularium præsertim, varietatem multa dari posse corpora mole diversissima, & eandem nihiloscus longitudinis latitudinisq; mensuram recipientia. Certius itaque molem eorundem determinare docet Autor. Scilicet cubis ex varia materia, magnitudine unius præcise plurimum pollicum, in ære prius, dein in aqua trutinatis comperit, aquam unius pollicis cubici dimensione, ponderare 256 grana, aut saltem excessum defectumque vix notabilem esse: vel ideo vero numerus iste præ aliis se commendavit, quod absque ullis fractionum ambagibus septies bipartiri se pateretur, puta in 128, 64, 32, 16, 8, 4 & 2, adeoq; huic negotio commodissimus esset: maxime cum experientia ei haudquaquam reclamaret. Si ergo solidum aliquod, postquam ejus pondus in ære prius exploratum est, in aqua deprehendatur de gravitate sua perdere 36. xvi. gr. seu rotundius 256 grana, tuto concludere licet ejus dimensionem esse præcise unius pollicis, cujuscunque etiam illud ponderis aut materiæ sit: quod si numerum istum excedat, aut eum non attingat, non minus facilis erit extensionis æstimatio ob fractionum commoditatem, dum



32 quælibet grana designant  $\frac{1}{8}$  pollicis partem, adeoque excessus ille defectusve nullo pene negotio computari potest. Si corpus tale sit, quod in aqua solvatur, eadem operatio, ut supra monitum, institui potest in Oleo Terebinthinæ: hac tamen observata differentia, quod ejus olei pollex cubicus non 256, sed modo 221  $\frac{1}{8}$  grana pendere comperitus sit. Corporis aqua oleove hoc levioris soliditatem ita explorare, difficilius quidem videri posset, cum experimentum proprie tantum concernat corpora in fluido subsidencia; ita vero, ad Mersennii, hac in parte justo obscurioris ductum, rem aggredi jubet Noster: nimirum 1. Corpus illud aqua levius in ære ponderetur; 2. sumatur lamina plumbea, isti submergendo sufficiens, ponderis certi atque rotundi, v. g. unius præcise drachmæ vel uncix; 3. hujus pondus, quale in aqua existat, exploretur, & a priori illo cognito subtrahatur; 4. lamina ope sextæ equinæ alligetur corpori examinando, & consignetur, quantum pondus in ære aggregatum hoc habeat; 5. idem aggregatum in aqua trutinetur, & obtentum ita pondus ab illo subducatur: Differentia dabit specificam gravitatem aggregati respectu aquæ; 6. ab hac differentia subtrahatur rursus solius laminæ specificum in aqua pondus, ac Residuum manifestabit pondus corporis levioris in aqua; 7. hoc ipsum tandem per 256 (quot nempe grana unum pollicem aquæ cubicum habere supra dictum est) dividatur, habebiturque sic soliditas propositi corporis aqua levioris. Si vero hoc simul porosum atque bibulum, adeoque metuendum sit, ne inter explorandum aqua semet intra illud insinuet, jubet Autor id prius, postquam nempe corporis pondus in ære indagatum fuerit, tunica cerea totum obvestire, ipsumque ceræ ita obductæ pondus, quod in ære habeat, (aquæ enim cera pondere non multum dissimilis est) explorare: porro alligata lamina plumbea observare pondus hujus aggregati in aqua, indeque subtrahere pondus aquæ, quanta ceræ adjectæ mole æqualis sit, ac de cætero procedere eodem modo, ut antea expositum est. Alium præterea modum communicat Autor, corporum bibulorum minorum, sive aqua sint graviora, sive leviora, soliditatem computandi ope Mercurii, illis in vasculo, cujus capacitas stercometricæ prius cognita sit, si peraffusi, explorato prius numero granorum, quot uno pollice cubico Mercurii contineantur. Denique occurrit objectionibus nonnullis, quibus aliqui incertitudinem experimentorum hydrostaticorum arguere soleant, pe-

culis

titis partim a discrepante pondere aquæ, diversis e locis hæstæ, partim a discordia autorum in gravitate variorum corporum definienda passim discrepantium. Prius quod attinet, testatur Autor, se varii generis & loci aquis exploratis, persensisse earum differentiam in gravitate adeo exilem esse, ut vix ultra  $\frac{1}{1000}$  alia aliam gravitate superet, (speciatim vero nivalem ceteris leviozem prædicat,) ut adeo minutum hoc discrimen in re, ubi non mathematica, sed physica tantum accuratatione opus sit, vix ullius momenti esse valeat: quoad alterum non diffitetur, scriptores nonnihil inter se hac in parte dissonare, cujus rei plusculas quoque causas adducit: cum tamen & ipsæ hæ differentię plerumque, fere illarum instar, quæ in Observationibus Astronomicis semet exerunt, satis exiles sint: iis nil quicquam obstantibus concludit, experimenta hydrostatica, tot nempe in praxi egregios usus præbentia, in pretio habenda esse, nec minus accurata, quam ullum ex aliis modis, hæctenus pro determinanda proportionem corporum ratione ponderis & molis, mensurandaq; eorum corpulentia adhiberi solitis. Superesset nunc, ut de libri hujus appendice, cui Titulus, *Methodus Hydrostatica æstimandi Mineras*, diceremus: verum cum jam in nimium excreverit hic discursus, ejus relationem in proximum mensem, si Deo placuerit, Lectoris nunctædium veriti, differre cogimur.

*BASILII FABRI SORANI THESAURUS ERUDITIONIS Scholasticæ, jam olim post aliorum operas per AUGUSTUM BUCHNERUM recensitus & emendatus. Huic novæ Editioni accesserunt præter Indicem Latinum rituum & antiquitatum, Germanicum item dictionum & phrasium, infinita pane vocum & exemplorum Supplementa, iteratis curis CHRISTOPHORI CELLARII.*

Lipsiæ, sumptibus Joh. Friderici Gleditschii, 1691, in fol.

Constat Alphab. 20.

**B**ASILII FABRI, viri eruditissimi, *Thesaurus Eruditionis Scholasticæ* jam diu notissimus est, postquam jam ultra seculi spacium discentium usibus inservivit; neque minus constat, AUGUSTUM BUCHNERUM

NERUM literarum istarum, si quisquam alius, peritissimum, aliosque post illum doctissimos Viros, semel atque iterum ea adjecisse, quæ in *Theſauro* hoc desiderari videbantur, eundemque fulgentissimum reddere poterant. Sed isti tamen omnes cum in hoc tantummodo desudaverint, ut sua, quæ annotaverant, infererent, non vero ut omnia in aliam faciem reformarent, quæ quidem emendatione videbantur indigere; cumque præterea sine Autoris mentione multa, omnia fere sine Autoris sectione, hoc est, libro, capite, versu allegata; & innumera vocabula plane omiſſa; sæpe etiam longa serie quædam sine exemplo & testimonio nude apposita deprehenderentur; istam demum, arduam quidem & difficilem provinciam sibi imponi passus est clarissimus CELLARIUS, multis ingenii monumentis dudum famæ celebritatem adeptus, nobisque proinde sæpenumero cum laude nominatus, ut istis omnibus, & si quæ plura in utilissimo libro prætermiſſa erant & requiri poterant, pro sua in his rebus spectata dexteritate remedium afferret, Lexico huic celebratissimo colophone veluti imposito. Ille igitur iterata industria opus aggressus, vacua supplere, turbata ordinare, bis posita aut alieno loco inserta refecare curæ habuit, adjectis præter nova exempla, novasque observationes ferme innumeras, ad minimum millenis vocabulis, quæ frustra hic antea aliquis quæſiverit. Imprimis vero id sedulo egit, ut Autores accuratissime citarentur, allegato libro, & libri minore inciso, sive epistola, sive carmine, sive quod vulgo appellitari mos est, capite, capitique paragrapho aut carminis versu. Ut adeo nunc demum, quantum ipsius rei indoles atque ratio permittit, Lexicon habeat studiosa juvenus, quod suis numeris absolutum videri possit.

LEONARDI PLUKENETII PHYTO-  
*graphia.*

Londini, sumptibus Autoris, 1691, in 4.

GRatiam certe permagnam a curiosioribus Botanophilis inibit clarissimus Autor, quod adeo raris egregisque plantis augere numerum Exoticorum, ad imitationem clarissimi Breynii aliorumque, voluerit. Sunt enim Phytographiæ binæ partes: prior 72 Tabulis absoluta ultra 400 stirpes continet, posterior continuando seriem pag. 409. Tabularum a 73 ad 120 excurrit, atque adeo 48 Tabulas complexa, 323. ultra 300 plantas addit. Utrinque plures novæ hæcenus nondum, aut

R r r

etiam

etiam obscurius descriptæ recensentur, præcipue quas ex India Orientali a Chirurgo peritissimo D. Richardo Sambach ad Pharmacopœum & Botanicum apud Londinenses meritissimū D. Jacobum Pettever missas impetravit. Id autem egit clarissimus Plukenet, ut non modo icones illarum stirpium Tabulis inscriberentur æneis, sed & nomina ex Notis Characteristicis desumpta subnecterentur; servato tamen in utraq; parte Operis ordine alphabetico, ut hoc facilius quæsitæ reperiri queant.

**FERDINANDI HELFRICI LICHTSCHEID,**

*VVürmla-Austriaci Considerationes quædam  
circa altitudines & velocitates pendulorum  
in diversis circulis.*

TAB. XI. **E**Volvendi nuper Clariss. Renaldinii insigne analyticæ artis opus, & imprimis Partem Secundam, quæ Resolut. & Compos. mathematicam complectitur, incidit pag. 192 figura pendulum representans, quam alibi antehac videram. Evolvi igitur Borelli tractatum de vi percussionis, ubi in annexa responsione ad considerationes Stephani de Angelis mox ab initio, pag. 239, hoc schema, una cum determinatione, eandem, in diversarum longitudinum pendulo, permanere velocitatem, inveni, in qua paralogismum commissum esse a Borellō, Clariss. Renaldinius, licet penitus omisso Borelli nomine, hic demonstrare intendit. Et fatendum sane est, non vacillare ostensionem Renaldinii, si id saltem demonstratum dare voluit, velocitatem mobilis in F (termino nempe similis arcus, cum AE,) constituti, non esse eandem cum velocitate ejusdem mobilis in A existentis. Nam quia tempora oscillationum sunt in subduplicata ratione radiorum, (Seu, quadrata temporum sunt ut radii,) ut notum, & Borellus de vi Percuss. Prop. 92, pag. 169 demonstravit, ubi autem temporum periodicorum quadrata sunt ut radii, velocitates erunt in dimidiata ratione radiorum, per coroll. 4. Prop. IV, Lib. I Newton Princip. Mathem. & quia ut circularum radii, sic similes arcus, & subtensæ in illis circulis, ut constat, & Sturmīus monuit Mathes. enucl. p. 19; erunt quoque velocitates in ratione subduplicata subtensarum arcuum illorum similibus. Cum ergo radius BA ad rad. BF sit ut 4 ad 1, erunt quoq; similes arcus AE, ad GF ut 4 ad 1, tempora autem oscillationum AE, 2, GF, 1. Ergo velocitate ut 1, tempore ut 2, percurritur duplex arcus GF, qui tamen

tamen nondum æqualis est arcui AE, sed ejus saltem subduplus, adeoque velocitas quoque non eadem, sed tantum subdupla erit. Sed quia hoc ipsum, nempe percurri a mobili, certam velocitatem habente, in diversis longitudinibus seu circulis, similes arcus (quod tamen supponitur in Renaldinii ostensione) expresse negavit Borellus, miratus sum, id ipsum fundamenti loco deductioni ad absurdum subterni, quod ex professo impugnare eo in loco intenderat Borellus. Rem ergo & experimento & calculo inde ducto inquirere statui, ubi omnino firmissimam Borelli sententiam, & naturæ legibus consentaneam deprehendi, ordine vero tali procedebam. Cum Viro Celeberrimo Dn. Leibnitio de publicatis Act. Er. 1686, Mart. p. 161, legibus naturæ circa quantitatem motus, Cartesianæ sententiæ contrariis, controversia moveretur, & is prolixius sententiam suam declararet, quæ vim motricem in corporibus, ex altitudinibus, ad quas ascendunt, vel ascendere possunt æstimat, seposita ratione temporis, utpote hic inutili; ego saltem id experimento confirmatum spectare volui; *mobile a certa altitudine quantocunque tempore cadens, ad eandem, quantocunque tempore, iterum ascendere.* Sumsi igitur Pendulum AB plurimum pedum (ne in minori longitudine error tegeretur,) & ducta ad perpendicularē AB, quam ipsum pendulum in quiete monstrabat, alia perpendiculari CD (quæ propterea horizonti parallela erat) per punctum E pro lubitu sumtum transeunte, illam altitudinem EB pro cer-

Fig. 11.

ta & constanti usurpans, infixi acum in punctum E, ut pendulum in Oscillatione, obstaculo hoc ad alium circulum, diversum a priore, permeandum adigeretur; adducto proin pendulo ad punctum D in linea horizontali, describebat id lapsu suo arcum DB, sed ibi ob remoram acus in E, ascensu suo describebat arcum BF, cujus radius erat EB, & vel millies repetito Experimento breviori quidem tempore, ad eandem tamen altitudinem EB, seu lineam horizontalem CD ascende-  
 bat, in puncto F ascensum finiens. Sic quoque si adductum pendulum in F dimittebatur, describebat lapsu suo arcum FB, & quia ibi integra longitudo fili AB non amplius impediabatur, describebat ascensu suo arcum BD, cujus radius tota longitudo penduli erat, sed tamen (longiori quidem tempore) ad eandem altitudinem, punctum nempe D ascende-  
 bat. Dein in puncto Q sumto ubicunque in linea AE iterum alia acus infixi in causa erat, ut pendulum adductum in linea horizontali punctum H tangeret, & inde delabens describebat arcum

HB diversum a priore DB, sed ascensu suo iterum, ob remoram in E, arcum BF usque ad horizontalem CD, prout antea describebat. Et sic vel centies variatis per punctum O, propius vel remotius sumtum radiis, manente tamen altitudine EB immutata, tempora quidem lapsus & ascensus diversissima erant, sed altitudo unde delabebatur, & ad quam redibat pendulum, eadem. Imo si supra hanc altitudinem constanter elevaretur pendulum aliquantisper ad punctum, ex; gr. K, describebat arcum lapsu suo KB, & ibi iterum ascendens in arcu BF, ob nondum consumptam omnem vim circumvolvebat filum aliquoties motu gyrativo circa acum in E, & sic innexum quiescebat. Veritatem igitur sententiæ Leibnitianæ circa motum pendulum motu comprobavit. Sed nondum sollicitus eram, eademne an diversa esset velocitas penduli in diversis his arcubus, donec nupertime Renaldinii examen Borellianæ demonstrationis legerem, ubi cum omnes tres suppositiones ipsius veræ essent, ex secunda tamen (eandem esse rationem penduli perficientis circumferentiam circuli ADE, circuli que GF, ac est, si in plano aliquo verticali moveretur, describendo arcum ex A in E, & ex D in F) dubium ob prius experimentum statim incidit huiusmodi: Certe ad convincendum Borellum parallogismi & absurditatis, non sufficit assumere arcus AE & GF similes, sed arcus GF talis esse debet, qui eandem altitudinem ascensus cum arcu AE habeat, adeoque arcum GF non includi & determinari lineis BA & BE posse, sed

*Fig. I.*

*Fig. III.*

utrinque adhuc multum excursurum. Ut ergo certus essem, an pendulum longius & brevius gyris suis circa conijunctæ latera BA, BE volveretur, ita ut nunquam angulus ABE mutaretur, sumsi iterum pendulum plurius pedum BA, infixoque unco laqueari, filum longitudinis tantæ, ut globus penduli pavementum tangeret, per eum trajeci, & in gyrum actò pendulo in certa a solo alitudine, nempe quarta totius penduli parte EL = DK; una cum Dn. Teubero Collega meo conjunctissimo, qui tum commodum advenerat, observare cœpi, qua ratione sensim adducto filo penduli usque ad signi notatam quartam partem (prout vult experimentum Borelli) radii gyrorum decrescant, & ut eo exactius res innotesceret, filum aliud gyrorum amplitudinem mensurans BA in unco firmatum, in certa a perpendiculari BD distantia, (quæ paulisper major erat, quam ut pendulum gyrans in infimo gyro ADE id tangere posset) usque ad pavementum deduxi, sed licet primus penduli

duli gyrus ADE non attingeret ſilum, attractum tamen pendulum priorem illum coni angulum ABE quem gyrando designabat, adeo excedebat, ut nondum ad quartam partem attractum, ſeſe circa ſilum BH, utpote impediens motum jam ultra excurrentem, circumvolveret, & ſic ulterius gyrari prohiberetur. Neque prius hæc circumvolutio ceſſabat, quam ſilum BH, (quod ſemper remotius a perpendiculari diſtare feci, tandem ad angulum rectum cum linea BD, adeoque horiſonti parallelum conſtituerem, eadem cauſa prohibuit ſilum BC, quo pendulum per annulum B elevabatur, quemcunque acutum angulum cum BD conſtituere, ſed rectum vel penitus aliquantiſper obtuſum exigebat. Sed tum pendulum ad quartam partem uſque elevatum, gyrum horiſonti parallelum GBF deſcribere vidimus. Unde & hic in motu gyrativo eandem altitudinis regulam, quæ in priori experimento obtinuit, ſemper obſervari facile concludi potuit. Nempe ſi in certa quadam, ab infimo quietis puncto, altitudine quam ſinus verſus arcus gyrationis DK vel EL indicat, pendulum gyrari incipiat, attractum ad quamvis longitudinem, minorem quidem gyrum ſed in altitudine eadem ab infimo reſiduæ longitudinis puncto peraget, adeoque facile recta perpendiculariter per altitudinis fixæ punctum tranſeunte, & a longitudine penduli utrinque terminata, amplitudo gyri determinabitur. Lineam curvam omnes illas amplitudines determinantem poſtea contemplabimur. Jam ergo facile veritatis quantitatem concludere licebit calculo. Sit pendulum certæ longitudinis  $AB = a$ , vel oſcillans vel gyrans in certa altitudine  $BD = b$ : erit ipſum in puncto C Sinus Recti arcus altitudinis, nam  $AC = AB$ , Velocitas ejus  $= v$  erit hic, ut ſubtenſa BC, quod notiſſimum geometris pronunciat Neuton Princ. pag. 21. Jam attrahatur ad quartam (vel aliam quamcunque) longitudinis partem  $AE = ea$ , altitudo eadem ab E verſus A ſit *Fig. IV.*  $EG = b$ , reſiduum ergo  $GA = ea - b$  ergo ſinus rectus hujus arcus altitudinarii GH, & pendulū (quod præſupponitur eandem vim retinuiſſe abſtractis reſiſtentiis aeris, proprii ponderis &c.) erit in E, & velocitas ejus erit ut ſubtenſa EH, ſed hic arcus major eſt arcu EF, qui ſimilis eſt arcui BC, & ſubtenſa EH major ſubtenſa EF, quæ ſimilis eſt ſubtenſæ BC: ergo quia velocitates in eodem circulo ſunt ut ſubtenſæ EH ad EF, in diverſis circulis autem in dimidiata ratione ſubtenſarum (quin & radiorum) patet præcipuam rationem habendam eſſe ſubtenſarum BC, EF, EH, ut exacte determinentur, quod ex doctrina Triang. Rectang. facile habetur.

I Subt. BC

$$ACq - ADq = DCq.$$

$$a^2 \quad a^2 - 2ab \times b^2 \quad 2ab - b^2$$

$$DCq \times DBq = BCq.$$

$$2ab - b^2 \quad b^2 \quad 2ab$$

$$\text{Ergo Subt. BC} = \sqrt{2ab}$$

II Subt. EF

$$AB \text{ Rad. } AE \text{ rad.} :: BC, \quad EF$$

$$a \quad ea \quad \sqrt{2ab} \sqrt{2c^2 ab}$$

III Subt. EH

$$AHq - AGq = GHq.$$

$$c^2 a^2 \quad c^2 a^2 - 2cab \times b^2 \quad 2cab - b^2$$

$$GHq \times GEq = EHq$$

$$2cab - b^2 \quad b^2 \quad 2cab$$

$$\text{ergo EH} = \sqrt{2cab}$$

Jam velocitatum ratio

$$\text{Subt. BC, Subt. EF} :: \text{Veloc. q. in}$$

$$\text{Velocq. EF}$$

$$\text{Subt. EF, Subt. EH} :: \text{Veloc. in EF,}$$

$$\text{veloc. in EH}$$

$$\sqrt{2ab}, \quad \sqrt{2c^2 ab} :: v_2 \quad ev^2$$

$$\text{ergo velocitas in B} = v \text{ \& in EF} =$$

$$\sqrt{ev^2}$$

$$\sqrt{2c^2 ab} \sqrt{2cab} \sqrt{ev^2} \sqrt{v^2} \text{ seu } v$$




$$\text{quæ omnino æquatur velocitati in}$$

$$BC, \text{ quæ quoque est } = v, \text{ ab initio}$$

$$\text{assumpta.}$$

Et sic ex Celeb. Leibnitii regula, quæ retinet eandem altitudinem, Borelliana regula quæ retinet eandem velocitatem demonstrata est. Adeoque universaliter verum: *Pendulum (abstractis impedimentis) in quomocunque variatis circulis & eandem altitudinem adquam, & eandem velocitatem cum qua ascendat retinere.* Evidentissimum ergo est, locum qui determinet amplitudines gyrorum vel oscillationum penduli, (par enim & oscillantis in plano verticali, & horizontaliter gyrantis ratio est, ut vere supponit Renaldinius,) non esse triangulum ABE fig. I, quod ex sectione conici per axem oritur, cujus basin circularem ABE pendulum infimo gyro descripsit, latera autem BA, BE longitudini penduli æqualia; sed longe aliam lineam curvam, quæ omnia puncta determinet. Nempe, data altitudine quadam fixa, quæ sit BE = a, & longitudine penduli AB, (vel AC vel AD, nam hæc æquantur) = x, semper a longitudine AB auferatur BE altitudo fixa, ab infimo quietis puncto in perpendiculari versus punctum suspensionis A, ut residuum sit AE: per punctum E transeat horizontalis CED, cujus puncta C & D determinentur arcu BC & BD ex centro A (puncto nempe suspensionis) linea AB (longitudine penduli,) illa erunt duo hujus curvæ puncta. Et sic semper quadratum AC (seu AD vel AB) erit = quadr AE + quadr EC (AE autem = AC, vel AD vel AB - BE) adeo





ex  
sta  
FA Fig. VI.  
um  
igi-  
FE  
D in  
nter  
erit  
cem  
em-  
pen-  
per-  
tum  
rout  
Fig.  
= 4,  
pla-  
nsio-  
gitu-  
rcus,  
Geo-  
s ap-  
nusus  
nens  
dens  
con-  
iandi  
uod-  
ec li-  
roin  
i, u-  
a fir,  
(mihi

498

AC,

42

DC,

21b-

Ergo

Sub

✓ 2

ergo

Et si

relli

coq

quo.

can.

ergo

nun

liter

lum

cula

long

mni

sit I

qua

infi

A, 1

jus

nen

huj

crit

= quoniam est quoniam de (the action of the) de,

adeo

adeoque curva hujus erit indolis, ut si AB vel AC vocetur  $x$  BE =  $a$ ,  
EC =  $y$ , AE =  $x - a$ , sit semper

$$y^2 = 2ax - a^2. \text{ Seu } x \text{ equalitate in proport. reducta}$$

$$a, y :: y, 2x - a.$$

Cum ergo quodlibet punctum in linea hoc modo inveniri possit ex  
datis longitudine & altitudine penduli, patet eam per infinita puncta  
describi posse. Sit Linea indefinita FZ, ab F versus Z sumatur FA *Fig. VI.*  
= ducta constanti altitudini (EB in fig. V) punctum A erit punctum  
primarium seu suspensionis. Jam ab eodem F sumatur FE = longi-  
tudini cuicumque data penduli (AC fig. V) erit AE =  $x - a$ , & FE  
✕ EA =  $2x - a$ . Ex E erigatur perpendicularis EC = dimidia CD in  
fig. V, seu = EC vel ED, quae semper media proportionalis est inter  
FA & FE ✕ EA, & sic in infinitum, puncta C, C, connectantur, & erit  
ducta curva VCC, ubi solum haec determinatio addenda; verticem  
hujus curvae V non cadere in F sed in  $\frac{1}{2}$  FA, quia tum aequatio (si nem-  
pe  $2x = a$ ) expirat, nam tunc  $2ax - a^2 = 0$ ; adeoque &  $y^2 = 0$ , & pen-  
dulum oscillans in plano verticali ascendet ad punctum V, & inde per-  
pendiculariter cadet. Si vero  $2x$  minor sit quam  $a$ , tum circa punctum  
suspensionis A gyros describet verticales, pauciores vel plures, prout  
 $2x$  vel parum, vel multo minor fuerit quam  $a$ , uti in experimento Fig.  
II nobis satis constitit. Dein AC semper aequari FA, quia si  $x = a$ ,  
describet pendulum oscillando Semiperipheriam in verticali pla-  
no, vel gyrando in horizontali eodem plano cum puncto suspensio-  
nis gyrum peraget, ut antea monitum, ut sic AC & denotet longitu-  
dinem penduli quia E incidet in punctum A, & amplitudinem arcus;  
adeoque & sit hic =  $x$ , =  $y$ , & =  $a$ . Evolvi quidem Renaldinii Geo-  
metram Promotum, & inter lineas noviter inventas, quas Mediceas ap-  
pellat, & variis aequationibus solvendis inserviunt, quæsi an hujus  
proprietas ulla compareret, sed nihil huc accommodatum & pertinens  
inveni, nam illa, quam pag. 34 primam tertii generis vocat, respondens  
aequationi  $ba - a^2 = z^2$ , circulus est determinatae magnitudinis, ob con-  
stantem quantitatem  $b$ , hic autem quia  $x$  semper variatur, variandi  
sunt in infinitum circuli, adeoque per circulum & lineam rectam quod-  
libet hujus curvae punctum quidem invenire licet; at nec circulus nec li-  
nea recta est ipse quaestioni semper & ubique satisfaciens Locus. Proin-  
aliis majori otio praeditis hanc considerationem & inquisitionem, u-  
trum haec curva a quoquam alio ante hac vel inventa vel explicata sit,  
(mihi

(mihi enim nunc primum de ea cogitandi ex his penduli proprietatibus data est occasio) & annon continuo quodam regulari motu, & quali describi queat (nam Renaldinii Inventum descriptionem per infinita geometricè inventa puncta præscribit) relinquens, solum hanc insignem & elegantissimam proprietatem notare volui. Si sit fixa altitudo = 1 (ut FA in V & VI figura) & sumatur longitudo penduli æqualis huic altitudini, & in linea verticali AX transferatur ab A puncto suspensionis aliquoties versus X, & ductis perpendicularibus per punctum A & reliqua ordine sequentia, determinatisque illis per longitudinem penduli cuique competentem, uti antea monitum, connexisque ut Fig. VII monstrat punctis, erunt illæ lineæ & linearum quadrata in progressionē arithmetica naturali, ut 1, 2, 3, 4, 5, 6, 7, 8, &c. quæ sunt quadrata, ut  $\sqrt{1}$ ,  $\sqrt{2}$ ,  $\sqrt{3}$ ,  $\sqrt{4}$ ,  $\sqrt{5}$ ,  $\sqrt{6}$ , &c. quæ sunt radices quadratorum, adeoque quadratum duplum, triplum &c. quam facillime sumta saltem competente radice facere licet. Demonstrationem addere opus non est, cum ex conspectu triang. rectang. pateat. Cætera quæ addere animus erat, differo in aliud tempus, interim cum multis aliis expectans quam avidissime Celeber. Leibnitii Responsionem ad ea, quæ Clariss. Papinus contra ipsius sententiam denuo in hujus anni mense primo pag. 6 publicavit, ut tandem veritas profundius & eruatur & intelligatur, nostraque Scientia nullis sectæ præjudiciis & autoritatibus impedita in ipsam feratur rerum naturā, de qua non semel optime meritus est Vir & profundissimæ inquisitionis & felicissimæ inventionis, qui ut plures alios excitavit, ita & his exiguis licet cogitationibus ansam præbuit, quas ideo ea qua par est modestia, hujus Celeber. Viri censuræ, eique vel approbanti, vel rejicienti, subjectas esse volo, cum ex utraque nil nisi augmentum scientiis, quarum incrementa hæcenus quæsit procuravitque, certo sperare liceat,

G. G. L. Additiuncula ad considerationes hæcæ.

*Perplacent quæ Cl. Dn. Lichtscheid ingeniosè excogitavit circa motus pendulorum non tantum per Geometriam, sed & per experimenta examinandos. - Responsum meum ad Papinianas objectiones interim ad ipsum pervenisse puto. Lineam, quam per puncta describere docet (tanquam locum certis pendulorum oscillationibus determinandis inservientem) quæ nonnihil composita prima fronte visa est, deprehendi ipsissimam esse parabolam, cujus (si figura ipsius & inspiciatur) vertex sit V, axis VEZ, & VA sit quarta pars lateris recti, ita ut a seu EB sit semilatus. Et in fig. 7 reperiet rectas transversim ductas (ut V2, V4, V6, &c.) esse omnes et curvam, (seu ejus tangentem) normales, ex nota parabola proprietate. Ita etiam ipsius opera quædam non intelligentia circa parabolam observata habemus.*

# ACTA ERUDITORUM

*publicata Lipsiæ*

*Calendis Novembris, Anno M DC XCI.*

## AN ESSAY CONCERNING HUMANE *understanding, in four Books.*

hoc est,

Tentamen circa cognitionem humanam, quatuor  
libris comprehensum.

Londini, ap. Eduard. Mory, 1690. fol. plag. 100.

**Q**Uamvis omnis illa doctrina, quæ mentem nostram veritatis cognitione locupletat, laude sit dignissima, nulla tamen præstabiliior, nec expetenda magis esse videtur, quam quæ cognitionis humanæ naturam explicat. Cum enim plerumque fallamur, si vel rerum illarum scientiam imprudentes sectemur, ad quas intellectus noster pertingere nequit, vel etiam timide refugiamus earum cognitionem, quas insuperabili difficultate circumseptas perperam opinamur, facile illos effugiet errores, qui humani vires intellectus probe perspectas habuerit. Atque hinc etiam non male suam collocasse operam censendus est Clarissimus Vir *Johannes Lockius*, qui cognitionis humanæ naturam fusiùs, quam factum hætenus est, in præsentì opere explicavit, quod in quatuor libros dispertitus est. In *primo* contra innata principia tam speculativa quam practica disputat, & in originem opinionis secus sentientium inquirat. In *secundo* de *Ideis* agit (vocat vero hoc nomine immediatum cogitationis nostræ objectum) quæ dicuntur esse vel simplices vel complexæ. *Simplices* sunt conceptus illi mentis, qui in plures differentes distinguì non possunt, fluuntque ex duplici fonte, *sensatione* nimirum, & *reflexione* seu perceptione operationum mentis nostræ. Quasdam enim mens sibi acquirit per sensum unicum, v.g. colores, sonos, &c. quas-

SSI

dam

dam per plures, v. g. extensionem, figuram, motum; quasdam per solam reflexionem, v. g. volitionem, reminiscenciam &c; quasdam tandem per sensationem & reflexionem simul, v. g. existentiam, successionem &c. Simples Ideæ, quas sensus suggerit omnes positivæ sunt, licet forsan nonnullæ causæ, a quibus producuntur, sint privationes in illis subjectis, a quibus sensus nostri illas hausērunt, v. g. umbra, silentium. Neque tamen omnes Ideæ imagines sunt alicujus rei, quæ objecto revera inest, cum nonnullæ oriuntur a qualitatibus primariis, v. g. soliditate, extensione, motu & quiete, aliæ vero a qualitatibus secundariis, quæ sunt complexiones primariorum qualitatum, quæ simul in nos agunt, & clare non distinguuntur. Licet enim Ideæ primariorum qualitatum similitudinem habeant cum rebus, quas referunt; secundariorum tamen Ideis nihil simile in corporibus offenditur, perinde ac nihil in acu reperitur, quod dolori, quam pungendo efficit, sit simile. Ideæ *complexæ* sunt, quas ipse animus ex simplicibus componit, & ut unum aliquid considerat, v. g. pulchritudo, gratitudo. Distinguuntur autem in tria genera (1) *Modos* seu Ideas aliis inexistentes, quales sunt triangulum, homicidium. (2) *Substantias* seu Ideas, quæ res per se existentes repræsentant, quales sunt homo, navis. (3) *Relationes*, quæ in comparatione unius Ideæ cum altera consistunt, v. g. pater, dominus. *Modi* rursus vel *simplices* sunt, qui ex diversa combinatione unius ejusdemque simplicis Ideæ oriuntur, v. g. numerus; vel *mixti* qui ex diversis Ideis componuntur, v. g. furtum. *Substantiæ* quoque vel sunt *simplices*, ut homo, vel *collectivæ*, ut exercitus. Porro si Ideæ simplices tales se menti offerant, quales ab objectis in sensatione rite facta proficiscebantur, *clare* dicuntur, ac tales quoque sunt Ideæ complexæ, quæ ex Ideis simplicibus clavis, quarum & numerus & ordo determinatus est, constant; *obscuræ* vero sunt, si requisitis illis destituantur. Quod si mens nostra rei cujusdam perceptionem tam plenam atque evidentem habeat, ut illius Ideam ab omnibus aliis distinguat, *distinctam* Ideam ejus habere dicitur, alias vero *confusam*. *Chimariæ* sunt Ideæ, in quibus simplices Ideæ, quæ simul consistere nequeunt conjunguntur, vel etiam quæ non conveniunt cum rebus illis ad quas tacite tanquam archetypos suos revera existentes referuntur; reliquæ vero *reales*. *Adequata* sunt, si perfecte referant suos archetypos; *inadequata*, si imperfecte hoc fiat. Tandem vel *veræ* sunt, vel *falsæ*, quas

quas concinnius Auctor *rectas ac perversas* dici posse existimat. Hæc autem omnia dum prolixè explicantur, varia admiscuntur philosophemata scitu perquam digna & jucunda, v. g. Cogitationem non essentiam esse animæ, sed actionem. Soliditatem differre a spatio, atque hujus clarâ nos habere Ideam. Perceptionem & memoriam brutis quoque esse tribuendam; non autem abstractiones aut complexarum Idearum formationes. Solem atque Lunam non esse mensuram temporis ratione motus sui, sed adparentiarum periodicarum. Voluntati hominis non tribuendam esse libertatem, sed agenti voluntate prædito. Substantiæ in genere nos nullam habere claram & distinctam Ideam, neque etiam clariorem esse Ideam substantiæ corporeæ, quam spiritualis. Corporum naturalium Ideas componi ex Ideis primariarum & secundariarum qualitatum, futurumque, si sensus nostri, qui ad præsentem nostrum statum quam maxime sunt accommodati, acutiores evaderent, & v. g. acquireremus oculos microscopicos, ut secundariæ illæ qualitates plane evanescerent, atque ita novas rerum illarum Ideas acquireremus. Angelorum scientiam, quam circa res naturales habent, forsan ex eo oriri, quod dum corpora assument, organa sibi construere possint aptissima ad rerum inquisitionem. Spiritus quoque esse mobiles. Cohæsiorem solidarum partium in corpore non posse magis explicari quam cogitandi modum in spiritibus, & æque difficile intellectu esse, quomodo impulsu communicetur motus, ac quomodo cogitatione sua mens aliqua corpus moveat. Quoniam porro Idearum nostrarum signa sunt verba, hinc in natura illorum explicanda *tertius versatur liber*. Agitur autem hic de *verbis* & sermone in genere, de significatione illorum & terminis generalibus, nec non definitionis natura. Respondent ergo, judice *Lockio*, nomina Ideis nostris abstractis, quas singulas tanquam distinctas essentias mens nostra considerat. Neque enim res ipsæ in species diversas, seu classes, quibus diversa nomina competunt, distinguuntur essentis realibus, quæ plerumque nobis sunt incognitæ, sed solum definitionibus, quas essentias nominales dicere liceat, quæque nihil aliud significant, quam Ideas illas complexas, quibus singulas res denotamus; id quod præcipue in substantiis animadverti potest. Jam quia verba non a philosophis, sed a vulgo ad vitæ civilis usum inventa, non possunt non ob hanc aliasque causas laborare imperfectione, quæ præcipue in dubia

illorum significatione consistit. Sunt autem *ambigua* imprimis *nomina* (1) Idearum quæ ex pluribus aliis componuntur, cum fieri facile possit, ut alter, ad quem verba facimus, unam pluresve Ideas in hac compositione omittat, atque sic plane aliud quid ac nos intelligat: (2) quæ Ideas denotant, quarum arbitraria est compositio, nec certus in rerum natura datur archetypus, ad quem possint exigi & examinari: (3) quorum significatio refertur ad archetypum, cujus cognitio nobis non est satis obvia: (4) quæ non ipsam realem essentiam rei significant. His incommodis accedit *verborum abusus*, si quis ea adhibeat sine claris & distinctis Ideis, varius & inconstans sit in illorum usu, obscuritatem in illorum adplicatione adfecerit, verba pro rebus ipsis amplexetur, aut pro illis ponat, ad quas significandas sunt inepta, supponat verba certam evidentemque habere significationem, quæ alterum statim in rei, quam mente concepimus, notitiam deducat, figuratosque tandem dicendi modos sine necessitate adhibeat. Quibus malis omnibus certa opponuntur ab Auctore doctissimo remedia. *Quartus liber* explicat *scientiam* tam *sensitivam*, quæ circa existentiam objectorum externorum occupatur, quam *rationalem*, quæ in perceptione convenientiæ aut disconvenientiæ duarum Idearum ratione identitatis aut diversitatis, relationis, coexistentiæ, realisque tandem existentiae consistit, ac vel *intuitiva* est vel *demonstrativa*. Quando ergo perceptio illa clara est, *clara* dicitur & *distincta* scientia; secus vero si se habeat, *obscura*, licet Ideæ forsitan nulla obscuritate laborent. Quod *extensionem* attinet *humana cognitionis*, illa non porrigitur ad res, quarum Ideas nullas habemus, neque etiam attingit omnia illa, quorum Ideæ in nobis existunt, cum convenientia & disconvenientia illarum omnis neque ex immediata illarum comparatione, seu intuitione, statim innotescat, nec etiam semper in promptu sint media, quæ nobis ad demonstrativam scientiam monstrent viam. *Axiomata* perperam dici fundamenta cognitionis nostræ censet Auctor cum nec evidentia magis nec clariora sint, quam particulares propositiones, quæ per ipsas probari solent; Identicas vero *propositiones*, nec non in quibus genus aut differentia de definito prædicatur, *nugatorias* esse, nihilque ad *scientia augmentum* conducere. Hoc vero nos procurare posse, si comparemus nobis claras perfectasque Ideas sub certa constantiaque nomina redactas, & quæramus deinde alias, quæ ipsarum



ipsarum convenientiam aut disconvenientiam manifestent: idque præcipue locum habere in Mathesi & philosophia morali, cum naturalis doctrina vix aliter, quam per experientias, perfectior reddi possit. De *ratione humana*, quam in sagacitate & illatione consistere dicit, hæc asserit: parum eam juvari syllogismis Logicis, cum illorum adminiculo nihil novi possit detegi. Rationem deficere, cum destituimur Ideis, aut Ideæ confusæ sunt & obscuræ; cum non animadvertimus Ideas, quæ inservire possent ad convenientiam aut disconvenientiam Idearum vel probabiliter vel certo ostendendam; cum falsis innitimur principiis; aut decipi nos patimur verbis incertis & ambiguis. Rationi non esse *fidem* opponendam, cum hæc nulli temere adhiberi debeat, & rationis sit judicare, utrum traditio aliqua vere divina sit an falso jactetur; distinctas tamen illarum esse provincias, fideique proprium objectum esse res illas, quarum vel nullas vel imperfectas habemus Ideas, aut quarum existentiam & naturam sensu & ratione nostra certo non possumus assequi; reliqua rationi esse relinquenda, in iisque explicandis revelationem traditionalem contra rationem allegari nec posse nec debere. Erroris porro quatuor fontes constituuntur (1) defectus rationum; (2) ineptitudo illis utendi; (3) illarum neglectus; (4) perversum probabilitatis criterium: si scilicet propositiones dubiæ aut falsæ pro principiis assumantur; receptis semel hypothesebus pertinaciter inhæreatur; non ratio, sed affectus aut alterius auctoritas, in consilium adhibeatur. Denique scientia universa dividitur in *Physicam*, quæ naturam rerum explicat, *Præcticam*, quæ vires atque facultates nostras ad bona obtinendum rite adplicare docet, ac *Semioticam*, quæ naturam signorum, quibus in cognoscendis aut docendis rebus utimur, exponit.

## OBSERVATIONES ET CONJECTURÆ IN numismata quadam antiqua, πρῶτον Laurentii

Begeri. Accedunt duæ Ez. Spanhemii ad Añthorem epistola, iisque interjecta Authoris  
ad priorem responsio.

Coloniæ Brandeb. Constant plag. 27. & fig. æneis non paucis.

Prostant Lipsiæ apud Joh. Frid. Gleditschium, 1697. in 4.

Quemadmodum Vir clarissimus *Laurentius Begerus*, Serenissimo *Electori Brandenburgico* a consiliis, antiquitatibus & bibliotheca, sex abhinc annis *Thesaurum Palatinum*, cujus tunc curam gerebat, luculento opere descripsit: ita quam tum sibi peperit, gloriam observationibus hîsce tueri studuit, quibus singularem suam de nummis viginti quatuor, quanquā pridem vulgatis, opinionem exponit Viro illustri *Ezechielî Spanhemio*, eidem *Electori* potentissimo a consiliis status & secretioribus, summoque cimeliarchii & bibliothecæ *Electoralis* præfecto, qui & suam de ea ἐπιστολὴν duabus in epistolis cum illo communicavit.

¶ I.

Ante omnia tum caput petasatum in nummi *Ætolici* antica, tum figuram in postica conspiciendam ac venabulo & sica armatam, cui a tergo idem petasi genus dependet, non *Mercurium*, vel *venatorem* aliquem, sed *Apollinem* signare contendit Begerus, eo quod in Augusti numismate *citharædus* Apollo, cum pileo ejusmodi in tergum rejecto, visatur. Hinc in alio *Ætolico* aprum *Calydonium* insistere monet venabulo, quod Meleager *Apollini* dedicavit, quodque in nostro nummo ab *Ætolico* hoc Numine manu gestari Begero creditur. Ea simul occasione nummum *Cyrenæorum* allegat, in quo Apollo eques cum petaso in tergo ac Sole scalptus videtur. Sed hunc *Battum* potius, vel *Battiadem* aliquem, (cui æque ac cæteris *Cyrenæis* equitandi artem & Solis cultum curæ fuisse constat,) censet esse *Spanhemius* in epistola priori; partim quia equus *Apollini*, maxime *Didymæo*, apud *Sextum Empiricum* *invisus* traditur, partim quia *Latonæ* ille filius nulli *Ἰανπιδῶ*, (uti *Neptunus*, *Minerva*, *Diana*.) nuncupatur. In *Ætolici* vero averſa area non *Apollinem* ipsum, uti Begerus, sed *Meleagrum* conspici se opinatur, tum quoniam *Gentilium* *Dii* in nullo nummo aut marmore *μαχαίρης* *φόεγι* (utut clypeati vel hastati) deprehendantur, tum quia *Philostratus junior* statuam *Meleagri* eundem fere in modum describat, quo *venatorem* illū petasatum in nummo intueri licet. Interea Begerus in *Responsoria* tibiā *Marſyæ Satyri* esse conjecit, quam gladium esse putarat *Spanhemius*, provocavitque ad *Pausaniam* locum, quo & *venabulum* *Meleagri*, & tibiā illā, quæ e *Marſyæ* amne in *Mæandrum*, ac hinc in *Asopum*, illinc vero in *Sicyoniorum* terram delatæ fuerant, ceu sacra anathemata in fano *Apollinis* extitisse feruntur. Unde quemadmodum *Jupiter Carius*, in nummis *Hecatommi*

tomni aliorumque Cariorum, *bipenni* Amazônica, quæ in ejus templo adservabatur, armatus sistitur; ita *Apollinem* ab *Ætolis* cum *tibia* *Marlyæ* effingi, adseveravit. At *Spanhemius*, in alia abeundum sibi porro ratus, (ut cæteras ejus responsiones brevitatis studio reticeamus,) existimat, nec telum illud longius, quod dextra gerit vir iste in nummo conspiciendus, *venabulum* esse, nec, qui id tenet, *Meleagrum*. Istud scilicet hastam puram, Diis Heroibusque tribui solitam, brevius autem telum, quod circa sinistrum viri latus cernas, jæculum esse *Ætolicum*, tandem statuit. Cum itaque *petasum* non *venatoribus* solum, (ac eo nomine, *Meleagro*,) sed & *iter facientibus* familiarem fuisse, non uno loco antea evicisset, hinc omnium maxime ei arridere videtur sententia, depingi heic ipsum *ÆTOLVM*, illoque *petasati* habitu *profectionem* ejus, (quam *Strabo* l. X. p. 463. commemorat,) ab *Ælide* in *Curetum* regionem, *Ætoliam* inde ab eo dictam, & ejectis prioribus incolis inhabitatam, denotari; sicuti in aliis nummis, *Cyzicæorum*, *Byzantium*, *Pergamenorum*, *Tomi*, *Abderitarum*, *Smyræorum*, *Amasiranorum*, &c. conditores ac conditrices *Cyzicus*, *Byzas*, *Pergamus*, *Tomus*, *Abderus*, *Smyrna*, *Amasiris*, etiamnum prostant.

Redeamus ad *Begerum*. Is proximo loco *turrim* in nummo *Siphnenfi* de diversorio eorum, qui in aurifodinis operabantur, interpretatur. Miratus fuerat *Nonnius* notis ad *Golzium*, cur *Apollo* signetur in moneta *Idaliorum*, utpote quos soli *Veneri* devotos forsân credidisses. Ostendit idcirco *Noster* e *Stephano* *Byzantino*, *Cypriam* illam urbem a viso *Sole*, qui extructiæ auspiciûm dederat, nomen traxisse.

Mox controversiæ argumentum petitur e numismate *Amisænorum*, in cujus antica videas caput galea absque crista tectum, quod an viri sit, fœminæve, incertum est. *Begerus* vel *Minervam*, vel potius *Amisum* *Amazonem* agnoscit: *Nonnius* & *Spanhemius* *virum* aliquem *Amisænorum* evergetam. Duplici autem hic argumento in *Begeri* conjecturas insurgit, quod *Strabo* *Hesychiusque* non *æneas* casides, sed *leonum* tantum exuvias *Amazonibus* caput tecturis in usu fuisse tradant; nulla etiam *pelta bipennisve* hermiæ illi adjiciatur, ut in aliis *Amazonum* iconibus fieri notum est. Qui in postica habetur, non volans, sed gradiens pascensque *Pegasus*, pugnam *Bellerophontis* cum *Amazonibus* innuere videtur *Begero*: *Spanhemio* tranquillitatem publicam, quam anno MB (qui in nummo ob signatur) h. e. XLII ab *Actiaca* victoria

c. 2.

c. 3.

c. 4.

victoria, Amiseni, indulgentia Augusti, obtinebant, quaque equos suos, quos ob singularem, qua pollebant, velocitatem *Pegasos* vocari moris erat, secure pastum educebant in campos.

- c. 5. Sequens nummus hinc caput imberbe laureatum ac inscriptionem ΕΠΙΔΙΟΣ ΔΑΙΩΤ, illinc gryphum literasque ΑΒΔΗΡΗΤΕΩΝ exhibet. Isaacus Vossius ad Melam legerat Επὶ Διὸς Δαῖϊς *sub Jove frugifero*; quia Δαῖς (adeoque Doribus Δαῖς) *fertilem* notet. Begerus: Επὶ Διὸς Δαῖϊς, *sub Jove sinistro*, quasi dicas Romana phrasi: *SVB VEJOVE*. Abderitas nempe indicasse suspicatur, se quidem *sub Jove sinistro*, i. e. *sub aere crasso* nasci, hoc sibi tamen non esse vitio vertendum, cum nihilominus sint genuini Apollinis alumni, e quibus nimirum prodierint Democritus, Protagoras, Anaxarchus, Hecataeus, Nicænetus. Dissentit Spanhemius, tum quod vox illa Vossii *poetica* in nummo vix locum habeat, nec *spica, calathusve* aut simile *frugiferorum* Numinum signum, ibidem appareat: tum quod nec illic extet *fulmen* aut *sagitta*, quibus *semper ad nocendum instructus* fingitur *Vejovis* Romanus, quodque nusquam ante Deorum Regumve nomina in nummis observetur vocula Επὶ, frequenter autem occurrat ante nomina magistratum. Indeque, pariter ac *Harduinus*, legendum autumat Επὶ Δαῖϊς, *Epidius Laji filius*.

- c. 6. Probare deinceps satagit doctissimus *Begerus* uno alteroque *C. Antii Restionis* nummo, *Herculem, Geryone domito, in Italiā regressum, Cacum interfecisse, erectaque ara maxima, super ea bovem immolasse*. Dionysio etiam Halicarnassæo contra F. Ursinum patrocinator, *Lupa & Aquila*, quæ *Æneæ* Lavinium condituro præfagium dedere, *ænea simulacra* adferit *Lavinii* fuisse, non *Lanivii*.

- c. 8. Quod ad fœdus *Romuli Tatique* retulerat Ursinus, gentis *Veturie* numisma, ad *Tulli Hostilii* fœdus cum *Albanis* adplicat Begerus, ac apud Livium, pro *M. Valerio*, feciali fœderis illius, *Veturium* forsan rescribendum, divinare sustinet.

- c. 9. Progreditur porro ad alium nummū Ursinianum, ubi unam arcem caput Clementiæ explet olea redimitum; in altera *Victoria* galeata, trophæum & caduceum gestans, incedit, adjuncto lemmate: L. HOSTILIVS SASERNA. Hunc gentis *Hostilie* denarium respicere conjectat ad *Tullum Hostilium*, pacemque, quam victis Fidenatibus concessit.

- c. 10. Caput quoddam galeatum & diadematum, *Anci Marci* Romanorum

norum Regis esse nummo simili, *ANCVS* inscripto, evincit, cum Urfinus Patinusque *L. Marcium*, Vaillantius *Philippum* Persei patrem intelligendos putassent.

Altioris indaginis res est, utrum Tarquiniorum vultus in numismatibus supersint. Dantur tamen duo, quorum alterum hinc caput diadematum & clavam, illinc lupam lactantem pueros cum lemme ROMANO; alterum in anteriori area caput galeatum & clavam, in posteriori clavam itidem, equum & literas ROMA exhibet. Illud caput videri poterat Herculi adscribendum, hoc Marti. At si *Begeri* conjecturam admittas, (quam quidem ipsemet non satis firmam esse, ingenue fateatur,) ista Tarquinii Superbi, hæc Tarquinii Prisci effigies erit. Nam homines veros, & quidem, ut ex diademate & inscriptionibus patere videtur, Reges Romanos, non Numina, (arbitraria sculptorum figmenta,) ex singularibus vultuum lineamentis agnoscesse, *Begerus* certissimus est. Prætorum autem Regum non esse, ex nummis eorum, qui adhuc ab antiquariis adservantur, satis noverat.

Caput pileatum femineum, cui adjecta inscriptio: CN. PLAN- c. 12.  
CIVS. AED. CVR. S. C. ex simili numismate pro capite LIBERTATIS habendum iudicat.

Nummos inscriptos Q M X Q. *Fabio Maximo Cunctatori* tri- c. 13.  
buere suadet. *Aereum* quandam, qui in antica caput laureatum literasque SER. SVLP. in postica navem, acrostichum, temonem, anchoram & duos captivos ostentat, *P. Sulpicio*, qui *Philippum* & Macedonies terrestri navalique robore pressit, adplicat.

Cum in *Aburia* gentis numismatibus vel *Mercurii* vel *Herculis* ca- c. 15.  
pita, ac in postica *Navis* vel *Mars* triumphalibus quadrigis insitens, occurrant, *Begero* designari censetur *C. Aburius*, T. Livio L. XXXXII. p. 35. memoratus. Hic enim auxiliorum contra Perseum rogandorum gratia cum aliis ad Masanissam & Carthagenenses, *Mercurii* instar, quasi a Diis (Senatu Romano) missus, quanquam non *alarum*, sed *navis remigio*, Martium gentis bellicosissimæ robur Herculisque illius Africanæ auxilium Romanis conciliavit.

Effigiem juvenilem, quam *Seguinus*, *Patinus* ac *Oisellius Jugur-* c. 16.  
*the* adjudicarant, *Boccho* adserit, illumq; *barbatum* probe, hunc *imberbem* e numismatibus *Fausti*, *Syllæ F.* demonstrare allaborat.

Caput *galeatum* cum *mallo* in antica numismatis, & nudum c. 17.  
T t t aliquem

aliquem hominem inter tropæum, proram navis, & locustam in aver-  
sa consistentem, adjectis literis C M A explicat de *C. Malloco*, ra-  
paciſſimo Dolabellæ in Asia quaſtore, de quo *Cicero* in *Verrina* tertia;  
oceiſus *grande pondus argenti, familiam magnam, multos artificeſ,*  
*multos formoſos homineſ reliquit.* Videtur ergo victoriarum & parſi-  
moniaſ ſymbolis ceu velo ſpecioſo texiſſe rapinaſ ſuaſ.

c. 18. *Bacchium Judeum* in nummo A. Plautii repræſentatum, non Re-  
gem, ut Urfino viſum fuerat, ſed recutitum privatum, Aretæ forſan  
Arabum Reguli, a Scauro victi, adſclam eſſe credi cupit.

c. 19. C. Julii Caſaris effigiem in nummo gemino obſervaviſſe ſe ait, ac ma-  
gnam inde lucem Suetonianæ Caſariſ proſopographiæ accedere, nulluſ  
dubitat.

c. 20. Caput diademate revinctum in anteriori area pro *Indutimaro*  
Trevirorum principe accipit, ob averſam, qua boſ, & verba GERMA-  
NVS INDVTIII viſuntur.

c. 21. Sub Dioſcurorum figura ſe fratremque Publium in numiſmate  
ſuo *C. Servilium M. F.* (occifo a ſe *C. Julio Caſare*), eſſeſſigiare, ſicque indi-  
gitare voluiſſe ſtatuit, facinuſ id Romanis non minus utile eſſe, quam  
fuit auxilium *Dioſcurorum* in pugna Regillenſi, quo ultimum pro liber-  
tate cum Tarquiniis pugnare Romani.

c. 22. Sententiam *Triſtani* de COPIA Thurium notarite in nummo *Di-  
vi Julii & Caſariſ Divi F.* contra *Vaillantium* defendendam ſuſcipit.

c. 23. In *Kalenii & Cordi* nummo ſpectantur hinc jugata capita *Honoris  
& Virtutiſ*; illinc Italia cornucopiæ ac caduceum habens, & Roma glo-  
bo inſiſtens dextrâ jungunt. Hunc non ante Auguſti tempora cu-  
ſum, pronuntiat Begeruſ. Auguſtum enim demum orbem terra-  
rum Romæ ſubjeciſſe, Italiaſ *felicitatem* ſtabiliviſſe, ac C. Furnio  
& Silano COSS. feſtum *Honoris & Virtutiſ* in eam diem, qua Dionis  
Coecejani ætate agebatur, tranſtulſiſſe obſervat.

c. 24. Dum nummo P. Sept. Getæ, in quo Janum inibi extantem ad impe-  
rii cum fratre Caracalla cõmunionem reſort, ulteriuſ illuſtrando in-  
cumbit, adducit numiſma *Tenediorum* cum vultu gemino uni cervici  
impoſito, atque ita *Spanhemio* occaſionem ſuppeditat, ut in epiſtola  
ſua altera tum ſummatim repetat, quæ in alia ad nobiliſſimum *Cupe-  
rum*, (nobis A. 1687. pag. 700. laudata) prolixiuſ enarrantur, immo ut no-  
viſ quoq; conjecturiſ ea augeat, ac ejuſmodi capita modo pro *Joviſ &  
Junoniſ*

*Junonis*, modo pro *Herculis & Dejanira*, modo pro *conjugum adulterorum*ve effigiebus, in diversis numismatum exemplis accipere doceat.

Atque hac ratione defuncti sumus operis Begeriani recensione, ac ad singula ejus capita ex epistolis Spanhemii Begerique amœbæis adnexuimus, quæprehendimus illuc pertinere. Carterum Spanhemii digressiones eruditissimas, hic illic per modum præteritionis rhetoricæ insertas, ac de variarum Græcarum vocum sensu satis abstruso disquisitiones non unas, lectori ipsi quærendas permittimus, magna de iis promissuri, nisi neminem non jamdum persuasum fore crederemus, nihil unquam ab illustri hoc viro in lucem emissum, quod non summi judicii promptissimæque conjectandi peritiæ simul ac diffusissimæ lectionis laudem, quam apud eruditos dudum meruit, optimo ei jure conciliaret conservaretque.

## A PREVIOUS HYDROSTATICAL VVAY OF estimating Ores.

sive,

### Methodus Hydrostatica prætentandi Minerarum æstimationem.

**M***edicina Hydrostatica*, ab Illustri *Boyllo* non ita pridem editæ, & a nobis *mensè proxime elapso* recensitæ, hæc *Appendix* est, cujus intuitu reliquatores tunc mansimus, pagellarum nempe angustia a pleniori ejus commemoratione prohibiti. Destinatus hic tractatus fuerat Transactionibus Philosophicis Societatis Regiæ, (ad ejus proinde Secretarium per modum epistolæ dirigitur,) quas nimirum propediem denuo continuatum iri spes alluxerat: verum postquam earum editionem, quod merito dolendum, per incidentia noviter impedimenta rursus differri persensit Autor, non ulterius cunctandum ratus, prælaudato suo libro eum additamenti loco annexuit, tum quod plures materiæ utrique communes essent, tum quod processus hydrostaticus in examine faciendo idem utrobique foret, quamvis alioqui ratione finis quodantenus discrepant: dum prior ille quidem eos potissimum concernit, qui sanitati hominum procurandæ intenti sunt, hic posterior vero lucripetas inprimis fodinarum scrutatores. Tametsi vero Autori pro-

positum hic non sit, plenam tradere artem metalla minerasve probandi, cujus nempe primarium instrumentum non *aquam*, sed *ignem* rite ac scite tractatum, esse constat: non ingrati tamen huius sui meletematis communicationem curiosis fore confidit, hoc maxime tempore, quo tot e suis civibus, (revocato nuper prohibitivo illo Edicto Parliamentario, quod regnante Henrico IV prodierat,) tam in regno Britannia, quam Nova Anglia & reliquis Coloniiis Americanis occupati sint in detegendis noviter venis metallicis. Quamvis etenim per examen tale hydrostaticum præcise determinari nequeat, quanta metalli portione hæc vel illa minera sit gravis: ad prætentandam tamen probabiliter ejus æstimationem commodè inservire potest; adeoque ad præcavendum, ne quis incautior decipi se, aut inani, propter speciosam fossilis cujuspiam formam concepta, spe lactari frustra patiatur. Nimirum, ut in *Medicina Hydrostatica* antedicta recensione jam expositum est, utiliter ponderatio talis hydrostatica adhiberi potest ad oblatum quodlibet fossile generatim examinandum, an metalli quid intra se contineat, nec ne: quod si enim gravitas ejusdem specifica major sit ea, qua crystallus aut marmor album, lapides puta ab adventitiæ materiæ mixtura maxime liberi, pollent: haud vane metallici quid in eo reputabitur latitare; sin vero minor, incassum de eo tale quid expectabitur. Quo vero cautius tentamen hocce fiat, consultum ducit Autor, ut prius a minera, tali probationi submittenda separetur interspersa materia terrea vel lapidea Anglis *Sparr* dicta, aut etiam pro re nata in antecessum ipsa igne valido per horas aliquot torreatur: quandoquidem alias mineræ in statu suo nativo nonnunquam minorem exferant gravitatem specificam, quam pro portione metalli intus absconditi forent habituræ. Monet præterea, ne sola ponderositas mox pro indubio signo capiatur metalli intra hoc vel istud fossile latentis, quin potius, ubi iusta dubitandi causa subsit, oculus simul flectatur ad alia indicia illam comitantia: cum alias dentur non unius generis semimetalla seu mineralia media non exiguam gravitatem specificam nacta, qualia Antimonium, Bismuthum, Lapis Calaminaris & alia: quæ ipsa tamen, cum plerumque aut integris venis, aut saltem magnis sui generis massis reperiantur, discretu sat facilia autumat. Nullius vero fossilis aspectus aut speciosus nitor cum imponere magis incautis soleat, quam qui in Pyritis seu Marcasitis fere cernitur, ponderositate simul genuinas aliquan-



aliquando venas metallicas multum superantibus: consilium suppeditat Autor, quomodo Larva personato huic fossili facile detrahi valeat: nempe jubet ejusmodi mineram, de qua suspicio sit, immittere crucibulo, aut etiam extra illud igne fortiori aliquandiu urgere, atque tum semel iterumque folle ipsam propius afflare: ita enim fore ait, ut sulphur, quo scilicet Marcasitas fere abundare constat, ignem concipiat & cærulea flamma semet prodatur; qua extincta dein lapis residuus amissa omni pristina venustate nil præter substantiam fragilem & nigricantem exhibeat. Non ideo tamen negat, Marcasitas aliquando cupri vel ferri quid simul in sinu suo fovere: imo ex *Kentmanni Catalogo Fossilium Mifisæ* allegat, in iis & argentum & aurum nonnunquam reperta fuisse: sicut & agnoscit, eosdem præterea variis usibus tam chymicis, quam medicis inservire posse; speciatim vero intimat, pharmaca exinde parari valere non minus nobilia, quam insolita, fugandis febribus continuis præsertim apta, tam lenia licet, ut eorum operatio vix aliter, quam læto suo effectu, sensus incurrat. Quamvis vero, uti dictum, sola ponderositas fossilis cujuscumque nondum infallibile sit indicium metalli in eo reconditi: & diverso tamen ejus absentiam certum satis signum præbere deficientis ibi materiæ metallicæ, comprobatur Autor diversis exemplis mineralium crystallo in gravitate specifica inferiorum, puta Gagatis, sulphuris vivi, succini fossilis, Talci, necnon corporis istius plumbi non absimilis, quod Anglis *Black-Lead* vocatur: quod ipsum nempe ratione ponderositatis ad aquam se habere modo, ut  $1\frac{2}{3}$  ad 1, & nil quidquam plumbi continere, sed esse Minerale sui generis comperit. Alius porro experimentorum hydrostaticorum usus insinuat, in examinando *sabulo illo aureo*, cujus in Guinea & aliis Africæ oris non leve cum Europæis commercium exercetur. Scilicet cum experientia docuerit, istud admixta æris limatura haud raro ab indigenis falsari: promptum adest fraudi huic evitandæ remedium, si sabuli talis pondus in aqua exploretur ministerio *scilicet hydrostaticæ* ab Autore nostro traditæ: ubi enim aurum juxta Mercenni computum ad aquam se habet, ut 18 ad 1, vel, uti noster in auro puriore expertus est, fere ut 19 ad 1, cuprum vicissim non adscendit ad dimidiam ejus gravitatis proportionem, ut adeo fraus, si qua subsit, facile oculos incurrere valeat. Cum vero trutina hunc in finem non ubique ad manum esse soleat, alios insimul modos communicat Noster, arenam ta-

lem extempore probandi: scilicet ejus vitium statim detegi ait, adpersa modo aqua forti, aurum nempe genuinum quidem intactum relinquente, sed ex ærea scobe confestim virorem subcærum eliciente. Cum autem experimentum hoc fallere quadantenus posset, si natura forsan ipsa argenti quid admiscuisset aureo isti fabulo, substituere *aqua forti* jubet spiritum urinæ, aut ipsam quoque urinam vetustiore & rancidam, spiritumve cornu cervi; aut si quis *agens* tale in forma sicca secum portare malit, sal ammoniacum: his enim singulis chartam albam modice madefactam & arenæ ejusmodi conspersam extemplo viridem contrahere colorem, siquidem dicto modo adulterata eadem sit. Discurrit hac occasione Autor de aurifera variorum fluminum (quæ inter etiam Rhenum recenset,) glarea, judicatque per artificia chymica multo plus auri exinde obtineri forsitan posse, quam nunc quidem per nudam lotionem aut selectionem in forma granorum excerpi soleat; aurum enim ipsi quandoque fabulo velut matriçi suæ inharere & ex ea proinde separari valere, si arena prius opelithargyrii vel minii vitrificetur, atque tum cura habeatur *aurum volatile* inde extrahendi per additionem puri cujusdam corporis ad istud detinendum atque figendum apti, v. g. argenti: qua ratione aliquando se ipsum ex unico crucibulo tali arena vitrificata pleno, non nisi adhibito uno alteroque additamento parvi pretii ad fluorem facilitandum, per *Quartationem*, 16. gr. auri puri obtinuisse perhibet. Ne vero quis termino *Auri volatilis* offendatur, utpote quod Chymicorum plurimi pro mero figmento habent, per propriam experientiam confirmat, tale omnino dari: narrat nimirum se aliquoties auxilio additamenti cujusdam, nec mole, nec pondere adeo notabilis, absque etiam igne nudo intra Retortam Vitream vidisse aurum (ne quidem prævia calcinatione præparatum) sublimari aliquando in forma salis colore fulvi, aliquando vero, operatione melius succedente, sub schemate crystallorum, venuste figuratorum, ac Rubinos & rubore & nitore æmulantium. Cæterum num ullibi terrarum veræ *auri fodine* darentur, (voce nimirum non in populari sensu, sed pro talibus accepta, in quarum minera metallum prædominans sit Aurum,) diu se ambiguum hæsisse fatetur, in primis cum nemo peregrinatorum, quorum tamen plurimos hac super re interrogaverit, aliud testimonium, quam de mero auditu potuerit ferre: tandem nihilominus convictum se de rei veritate fuisse

te fuisse refert per transmissam ex India Orientali unam alteramque talis mineræ particulam: quas idcirco ob eximiam raritatem sollicito & quoad singulas circumstantias describit. Sed, ut cum ipso nunc ad hydrostatica examina revertamur, ulterius ea proficere ait ad pertentanda varii generis corpora ad minerale regnum spectantia, & sæpe præter opinionem metallici aut alias insoliti quid continentia, lapides puta, arenas, glareas, limum ipsum quandoque: sicuti memorat, in Suecia optimæ notæ ferrum latere sub specie quadam limi fulvi & lacubus hauriri soliti, & in America alicubi aurum ipsum in forma glebæ seu terræ rubicundæ reperiri: quapropter sedulo monet rei metallicæ curiosos, ne oblatam sibi, in itineribus maxime, ullam prætermittant occasionem examinandi materias quascunque de fossilium genere occurrentes & inusitati quid præ se ferentes: non abs re quippe, patriæ suæ exemplo edoctus, statuit, multis in regionibus fossilium non temnendorum copiam esse, quæ tamen ab inexpertis per supinam oscitantiam neglecta & ignota relinquuntur. Denique ad provehenda ulterius hoc in negotio examina hydrostatica, suadet Autor, ut talium amantes procurare sibi pluscula variarum minerarum, & diversis fodinis erutarum, frustra sive exemplaria satagant, simulq; sive proprio experimento, sive per sedulam inquisitionem ab aliis exacte perdiscere, quantam Metallæ eas denominantis proportionem contineant, atque tum gravitatem cujusque specificam hydrostatice indagare: ita enim fore ait, ut aliis minerarum ejus speciei portiunculis oblatis, facilius de intestino earum valore judicium præmisso simili tentamine ferri possit. Quod superest, Tabula subnectitur alphabetica variorum corporum naturalium hydrostatice examinerum, communicaturque pondus, quale singula tam in aere, quam in aqua habuerint, addita eorum cuilibet proportionem gravitatis specificæ intuitu aquæ iisdem mole æqualis. Atque hæc fere summa est eorum, quæ in appendice hac prælaudati Tractatus continentur: de quo ipso id adhuc indicandum habemus, quod *Secundus* ejusdem *Tomus* propediem secuturus una promittatur, exhibiturus nimirum partim artificia quædam alia, ad meliorandam examinandamve Materiam Medicam facientia; partim supplementa quædam & paralipomena, quæ primo huic tomo destinata quidem, sed per incuriam omissa fuerant: pro cujus editione acceleranda, Perillustri Autori & bonam valetudinem & suave otium, de quibus nempe sub-

pe subinde deficientibus haud parum conqueritur, animitus apprecamur. Coronidis loco Bibliopola subnexuit Catalogum universorum operum tam Philosophicorum, quam Theologicorum haftenus a Viro hoc celeberrimo in lucem editorum, a Gallo quodam, ut ait, medico concinnatum: certo simul signo iis in margine adjuncto, quæ in Latinum sermonem quoque translata prodierint; præter quæ tamen & aliorum quorundam Latina versio confecta esse perhibetur, licet nondum publicata: quod quidem non leviter dolendum est, cum interpretationis talis editionem omnibus modis promoveri, Reipublicæ literariæ plurimum interfit. Ne enim jam de scriptis hujus nostri Autoris Theologicis dicamus, de quibus nempe non nisi unicum illud, *de Stylo Scriptura Sacre*, Latina veste donatum est: sane tot egregii supersunt ejus tractatus Philosophici & ad complendam Historiam naturalem summe proficui, qui tamen nondum translati hec usque habentur: cujusmodi sunt volumina tria *Considerationum de utilitate experimentalis Philosophiæ naturalis*; item *Historia frigoris*; *Continuatio prior* (secunda enim traducta publici juris est) *experimentorum physico-mechanicorum circa elastem & gravitatem aeris*; *Discursus de atmospheris corporum solidorum*; *Experimenta & notæ de mechanica origine seu productione diversarum qualitatum particularium*, frigoris puta, caloris, saporum, odorum, volatilitatis, fixitatis, aptitudinis corrosionem tam faciendi, quam patiendi, præcipitationum chymicarum, qualitatum magneticarum & electricitatis: ne plura hujusmodi enarremus, quæ excitare quidem appetitum solidioris Philosophiæ amatoribus, sed Anglica haud callentibus possent, non explere, nisi versio dictorum librorum etiam procuraretur. Cæterum in Catalogo illo & ea Autoris scripta una commemorantur, quæ non separatim, sed inter Transactiones modo Philosophicas Societatis Regiæ evulgata fuere: inter quæ non ultimum locum tenet Descriptio novi cujusdam Instrumenti hydrostatici, aureis nummis promptius & exactius, quam per ullam stateram examinandis inservientis, quæ habetur in *diët. Transact. ann. 1675. Mens. Jun. num. 15 pag. 329*: cujus quidem mentionem præ cæteris ut faciamus, materiæ affinitas, quam cum præsentī hac nostra appendice hydrostatica habet, exigere a nobis suo quodam jure videtur.

MENSIS NOVEMBRIS A. M DC XCI. 517  
*SINGULARIA EFFECTA VITRI CAUSTICI  
 bipedalis, quod omnia magno sumtu hactenus  
 constructa specula uistoria virtute superat,  
 per D.T.*

**Q**uamvis naturalis philosophiæ fines promoti fuerint adminiculo vitrorum dioptrico artificio rite paratorum, cum jam olim apud animum meum perpendifsem, magno incensus fui desiderio meam quoque symbolam pro viribus ad hanc rem conferendi. Simul atque ergo commodam adeptus sum occasionem, ea quæ mente conceperam, in praxin deducendi. præcipuus fuit laboris mei scopus, *primo* ut *telescopia* inusitatae magnitudinis non solum facillima ratione construerem, sed modum quoque non operosum illa dirigendi adinvenirem, ut scilicet objecta procul a nobis remota nobisque incognita possent perlustrari; *secundo* ut talia *microscopia* fabricarer, quibus quævis objecta cominus posita, vel tota vel ex parte, clare ac distincte possent inspicere, atque ita plura indes, quæ sensus nostros adhuc fugiunt, indagari, id quod a nemine eo, qui mihi maxime probatur, modo factum meminimus; *tandem* ut singularem illam vim, quam *Solis radii* in res ipsas expositas *exserunt*, rite applicarem, ita quidem, ut tantum excitare liceret ignem, qui omnes nobis cognitos agendi virtute superaret. Quo meo proposito adeo non excidi, ut potius per machinam valde simplicem & ab aqua commotam, vitra ad hos usus facientia non formare solum, sed nitidissime quoque expolire possim, sine magna ullius hominis opera. Qua de re cum alias plura in publicum proferre constituerim, non ingratum curioso Lectori puto futurum, si de vitris solum uistoriis quædam hac vice afferam.

Quibus perspectum satis est, quam operosa speculorum urentium sit fabrica, polituræ facilis jactura, conique uistorii in objecta comburenda non satis commoda directio, conjectura haud difficili assequentur, quibus rationibus ad vitrorum uistoriorum fabricam tentandam inductus fuerim. Id vero institutum meum deinde magis urgere cœpi, cum animadverterem, specula metallica aut vitrea *Solis* radios reflectentia, si comparentur cum vitris dioptrici ejusdem magnitudinis *Solis*que imaginem æque amplam referentibus, ab his virtute

Uuu

adu-

adurendi non parum superari, atque ita eos posse effectus ediper vitra haud adeo magna, quos a speculis vastæ molis frustra desideraveris. Verum experiundo didici, si quis opus hoc aggrediatur, tantas sese difficultates illi objicere, quæ insuperabiles prima fronte videntur. Neque enim, ut præcipuas solum commemorem, possunt vitra tantæ spissitudinis, quanta hic requiritur, parari in officinis vitriariorum eo modo, qui operis illis familiaris est, dicique non potest, quanti sit laboris, homines illos in viam ipsi nondum tritam deducere, adigereque ad rem, quam impossibile judicant, inprimis si tentamine uno alteroque facto vitra magno labore parata disrumpantur. Certe triennium integrum conflictatus sum cum difficultatibus illis, quas non nisi pertinaci studio sumtibusque haud exiguis superavi. Quod si vero vel maxime vitrum quinquaginta circiter libras grave confectum fuerit, quoruscumque quisque tanto qui robore polleat, ut manibus suis in patina illud versare, & figuram pariter ac lævitatem debitam ipsi conciliare possit? Necesse ergo est, ut per machinas hæc omnia efficiantur, quas excogitare non cujusvis est, & licet vel maxime quis animo conceperit earum fabricam, non tamen eidem statim vel aquæ fluentis copia vel locus commodus, & quæ requiruntur cætera suppetunt. Quæ quidem cum in finem commemorantur, ut adpareat, nemini mirum videri debere, vitra ustoria, quæ magnitudine ac virtute cum nostro paria facere possint, a nemine parata fuisse; licet procul omni dubio multi solertissimi viri, quorum ferax fuit hoc nostrum seculum, eorundem fabricam mente agitarint.

Cæterum quanti momenti sit res ipsa, naturalis scientiæ consulti facile intelligent ex effectis jamjam dicendis, quibus nulla temporis accuratior determinatio adjecta est, cum omnia paucorum secundorum minutorum spatio producantur.

1. Simulatque *lignum* foco admovetur, qui a superficie vitri trium ulnarum longitudine distat, statim flamma concitatur, tametsi *lignum aqua* prius *madefactum* fuerit.

2. *Plumbum* atque *stannum* non contemnendæ crassitie confestim liquefunt.

3. *Lamina ferrea* ea in parte, qua ad focum admovetur, mox excandescit atque sine mora liquefit. Id quod in lamina cuprea & orichalcea quoque observatur.

4. *La-*

4. *Lapis fissilis* (Schlefferstein) liquefactus in vitrum abit nigri coloris, quod in fila diduci potest.

5. *Vas argillaceum* aqua repletum, interim dum illa vehementer ebullit, colliquefcit.

6. *Lateres cocti* excandefacti in vitrum flavum mutantur.

7. *Pumex* autem diaphanum vitrum fuppeditat.

8. *Asbestus* foco admotus expectatione citius in nigricans vitrum convertitur.

9. *Plumbum liquefactum* in pellucidum vitrum tranfit.

10. *Stannum* vero primum in albiffimum pulverem, deinde vero in vitrum commutatur.

11. *Aurum* liquefcens in vitrum colore rubinos referens redigitur.


12. *Antimonium*, dum in claufo vafe comburitur, fumos emittit, qui collecti in subtiliffimum albiffimumque pulverem abeunt.

13. *Sub aqua* ulnam alta pix, refina & sulfur liquefcunt.

14. *Lignum* quoque ac *papyrus* concremantur a radiis ab hoc vitro verfus Solem reflexis, quod iis minime incredibile accidet, qui norunt, lentem quamvis numero indefinitos habere focos, quorum tres in noftra fatis funt confpiciui.

Quoniam ergo vitri hujus ope, quod unius hominis opera facile loco moveri, & ad ufum adhiberi potest, ignis excitatur, qui efficacia fua omnes alios nobis notos antecellit, atque ita non folum in aere libero, fed etiam in vitris claufis & vacuo artificiali varia poffunt inftitui experimenta, & pulveres quoque, nec non res variis fluidis circumdate igni Solari potentiffimo exponi; id quod fi fpeculis uftoriis utaris, fieri nequit, quia conus uftorius, qui in vitris deorfum tendit, in fpeculis Solem verfus in aorem projicitur: nemo certe inficias iverit, hoc inftumento, quod media etiam in hyeme eadem vi pollet, quam plurima in fcientiæ naturalis incrementum poffe indagari, fi incidat in hominem & pyrotechniæ peritum, & veritatis ftudiofum. Quia vero ipfe temporis, quod ad experimenta illa fumenda requiritur, penuria laboro, curabo, ut a quo fibi poffint talia vitra pretio comparare, qui curioforum rerum ftudio tenentur. Quorum in gratiam hic addam, qua ratione & fpeculorum & vitrorum uftoriarum vires incredibilem in modum augeri facile poffint. Sit AB vitrum (fpeculum) caufticum, in quo refracti (reflexi) radii conum AFB conftituant. Adplicetur ad co-

num lūminosum vitrum aliquod ustorium ea in parte, quæ foco non est nimis vicina, ita ut extremi radii AF & BF peripheriam ejus CD



stringant: ita fiet, ut Solis imago F contrahatur in E. Quantum vero vim radii hoc modo collecti habeant, vel ex eo potest colligi, quod res, quæ in F positæ, cum Sol altitudine debita non gaudet, duntaxat incallescunt, in foco E statim colliquescent.

## L' HERITIERE DE GUYENNE.

sive

*Heres Aquitania. i. e.*

Historia Eleonoræ, filiæ Guilielmi ultimi Aquitaniæ  
Ducis, nuptæ primum Ludovico VII Galliæ, dein  
Henrico II Angliæ Regibus.

Roterodami, apud Regnerum Leers, 1691, in 8. Plag. 18.

**A**rtificium veteres historias reconcinnandi & ad genium seculi nostri eleganti stylo accommodandi, Gallis quibusdam ab aliquot annis usurpatum, imitatus etiam est libelli hujus Autor ejusdem nationis *De Larrey* (hoc enim nomen in dedicatoria ad *Illustrissimum Ducem Schombergium* epistola proficitur.) sed ut conjici potest, cum plurimis aliis ob religionem patria exulans. Cum vero aliis quibusdam, ut notum est, objici soleat, quod veritati historicæ minus studeant, quam dulce. cini fabularum heroicarum, quas *Romanas* vocant; fidem narratis asserere hic voluit adscriptis margini scriptoribus, quorum autoritate nititur. Titulum historiæ suæ paulo angustiores a se datum esse non negat,



negat; majorem enim libelli partem in commemoratione aliarum rerum, quam quæ ad Reginam illam proprie pertinent, consumpsit. Institutum tamen hoc suum nobilium scriptorum exemplo tuetur, qui Heroum suorum gestis non pauca ex ejusdem temporis actis admiscunt. Hoc vero in Eleonoræ historia tanto excusatus fieri videtur, quod illa disidiis inter Reges Galliar & Angliæ, secutisque inde motibus & bellis non minimas causas dedit. Oreditur Autor filum narrationis, postquæ ex præcedentium annorum historia, quæ ad notitiam suæ pertinere putavit, repetiisset, ab A. 1136. Hoc enim *Guilielmus IX* Aquitanæ Dux, qui genus ex Caroli M. stirpe traxisse perhibetur, decessit, cum prius ex duabus, quas habebat, filiabus, natu majorem *Eleonoram* testamento hæredem scripsisset, & *Ludovici* Crassi Galliar Regis filio *Ludovico* (qui *septimus* ejus nominis numeratur) desponsari curasset. Altera *Alix* sive *Alexia* Comiti *Veromanduo*, ex Regio sanguine in Gallia Principi nupsit. *Eleonora* XIV annorum puella ejus fuit pulchritudinis & elegantiar, ut non solum mariti Regis amorem sibi conciliaret, sed & per aliquot annos retineret; licet conversis in eam aulæ Gallicæ oculis, suspensionem liberioris vitæ vitare non posset, quam tamen Autor, meliora de ea sperans, eluere conatur. Postquam vero Regem, ad bellum sacrum in Asiam pro illorum temporum more proficiscentem, comitata esset, mira quadam & incredibili pene occasione, & amoris maritalis, & existimationis suæ non exiguam fecit jacturam. Captus erat a *Saladino*, Saracenorum in Palæstina Duce, quidam ex cognatis Reginæ, cui *Sanzæo* nomen erat. Hunc illa literis ad Barbarum, clam Rege, scriptis liberavit: nec *Ludovicus* Rex indignationem dissimulavit. Sed Regina elatiori animo erat, quam ut eam ferre, aut uxoriis blandimentis tollere vellet; quin contemnere maritum, ut superstitioni deditum, & monastico rigori quam regio splendori aptiorem cœperat. Interventit quidem conciliatio quædam, sed recrudescente variis ex causis odio, accedente Pontificio & utriusq; conjugis consensu, matrimonium A. 1152 dissolutum est, quamvis Regina duas ex Rege filias peperisset. Consanguinitas prætexebatur, propter quam illis seculis facile divortiorum licentia impetrabatur, si gratia aut pecunia accederet. *Eleonoram* secretiores stimuli agitabant, amore *Henrici* Comitis Andegavenfis captam. Hunc soluto regio matrimonio maritum sine mora elegit, & *Aquitaniam* in dotem ei attulit;

nimis bona fide, ut Auctor judicat, a Gallia Rege restitutam, cum eam Rex filiarum, quas ex Eleonora genuerat, nomine retinere potuisset, certe nostro seculo vel levioribus etiam titulis utilitati regnorum studeatur. Cum *Henrico*, qui post *Stephani Blesensis* adversarii & competitoris sui obitum, Angliæ regnum secundus ejus nominis acceperat, aliquandiu satis jucunde vixit Eleonora, & quinque filiorum, duarumque filiarum mater ex illo facta est. Verum senior marito & jam effæta illecebras continuare non potuit, quibus illum in fide amoris conjugalis retineret. Cum igitur ille vagis amoribus indulgeret, implacabili in maritum odio exarsit, & adultos jam communes filios in patrem concitavit, infelici quidem conatu. Nam & ipsa a marito in arctam custodiam A. 1177 conjecta est, ex qua non nisi post annos duodecim a *Richardo* filio, qui post mortem primogeniti *Henrici* (tertium vocabant) & parentis, in regnum successerat, liberata fuit. Rependit filio beneficium mater, cum is ex Asiatico bello redux in manus *Leopoldi*, Austriæ Ducis, quem indigne tractaverat, incidisset, & *Henrico* VI Imperatori traditus in vinculis teneretur. *Eleonora* enim ingentem pecuniæ summam collegit, & obsides ex Angliæ Proceribus comparavit, quibus *Richardum* ex vinculis redemit. Post hujus mortem, filio suo superstiti, *Johanni* (quem *sine terra* cognominant) contra *Henrici* III filium Artum, nepotem suum, cui ex jure primogenituræ potius in regnum jus competere videbatur, adhæsit haud bono successu, quamquam *Johannes* istum in potestatem redegerit, & ut fertur, clam sustulerit; nam ipse infelix admodum regnum habuit, & amplissimæ Eleonoræ provinciæ in Aquitania ad Galliæ Reges postea pervenerunt. Decesit illa octoginta amplius annos nata, in quibus sedecim Galliæ, quinquaginta Angliæ Reginæ nomen & dignitatem tenuit, varia fortuna, quam tamen animi inquietudine & ambitione sibi metipsum infensam fecit. Hæc fere præcipua esse putavimus, quæ ex *Eleonora* historia breviter recenserentur. Lectu tamen dignissima sunt multa alia, quæ per occasionem libello hujc, in tres partes diviso, inseruntur, de gestis præsertim Regis Galliæ *Ludovici* VII, & Angliæ Regum *Henrici* II ac *Richardi* fortissimi Principis, & *Saladini* raræ itidem virtutis viri, quibus omnibus eleganter & copiose commemoratis, monita haud inutilia cum judicio addit Auctor. Inter alia sub initium partis II summam exponit vitam & exitum *Thomæ Becqueti*, celeberrimi Archiepiscopi

piscopi *Cantuariensis*, cujus memoriam adhuc colit Romana Ecclesia, abominari autem cœpit sub Henrico VIII Anglicana. Cancellarius fuit Thomas Henrici II, sed pro beneficio accepto cum ad Præsulatum eveheretur, malam illi retulit gratiam. Cum enim in Synodo Episcoporum & Procerum a Rege Oxoniæ convocata, decreta contra abusus dominatus Pontificii cum reliquis juramento approbasset, mox tamen absolvi se ab illo vinculo Romæ curavit, & Pontificum prætensiones summo cum zelo tueri nixus, omnes qui placita Synodi exequabantur, excommunicare ausus est. Ausugit postea in Galliam, sed reconciliatus cum Rege, & in patriam post sex annos reversus, pristino rigori institit, & tam acriter offendit Episcopos, ut illorum instinctu, a quatuor ex Nobilitate Normannica in templo suo trucidatus fuerit d. 29. Decembris A. 1170, jugulum quidem ultro præbens, & tantum rogans, ut cognatis amicisque suis parceretur. Fuerunt inter Doctores etiam Parisienses, qui iure cæsum esse judicabant; sed Romæ tanti habitus est, ut post triennium ab Alexandro III inter Sanctos referretur. Henricus Rex jurejurando sese a suspitione cædis illius purgavit, quanquam voce, quæ illi exciderat, & qua de Thomæ injuriis sibi illatis querebatur, Nobiles illos ad facinus incitados fuisse non ambigeretur.

*MELCHIORIS LEYDECKERI SYNOPSIS CONTROVERSARUM DE Fœdere & Testamento Dei, quæ hodie in Belgio moventur. Accedit Apologeticus, quo ad iniquas D. Johannis Wajeni Censuras modestè respondetur: nec non Exercitatio Theologica de S. Scripturæ Autoritate ad conscientiam adstruenda.*

Trajecti ad Rhenum, ex officina Francisci Halma, Academiæ Typographi, 1690. in 8. Plag. 24.

**I**N *Apologetico*, qui primam hujus opusculi partem constituit, Clarissimus *Leydeckerus* Viri itidem non incelebris *Johannis Wajeni* præfationem Synopsi Hierozoici præfixam ad censuram revocat, ac nominis sui famam contra eundem vindicat. Hunc deinde excipit ipsa *Synopsis Controversiarum de Fœdere & Testamento Dei hodie in Belgio motarum*, ac quinque libris absolvitur. E quibus *primus* in decidendis quatuor

tuor controversiis occupatur, ac in earum I. negat Autor, vocem *διαθήκη* ex usu N. T. ac speciatim Apostoli Pauli, præcise significare Testamentum, non vero *συνθήκη* fœdus. II. ostendit, Testamentum Dei juxta Scripturas significare ipsum fœdus gratiæ, non æternum Dei propositum, voluntatem & gratiæ consilium. III. propugnat, Theologos hæcenus recte docuisse, Vetus & Novum Testamentum revera unum esse quoad substantiam, & quibusdam tantum accidentibus differre. IV. demonstrat, fœderis gratiæ ejusve œconomix non esse distinguenda tria tempora, 1. promissionis a protevangelio usque ad Moysen; 2. Veteris Testamenti a Moysen ad plenitudinem temporis; 3. Novi Testamenti ab adventu Christi ad consummationem seculorum. Liber *secundus* duarum controversiarum enodationem instituit, & quidem I. evincit, sponsonem Christi sub Vetere Testamento non habuisse naturam fidejussionis, sed rationem expromissionis, adeoque Christum sub Vetere Testamento considerandum fuisse ut expromissorem, non fidejussorem, etiam secundum definitionem fidejussoris apud Jureconsultos receptam. II. declarat, Deum sub Vetere Testamento, admissio sponse, non reservasse sibi libertatem nihilominus exigendi solutionem ab electis fidelibus, seu primariis debitoribus. Liber *Tertius* duas itidem controversias sub examen revocat, e quibus I. refutat docentes Vetus Testamentum nihil aliud fuisse, quam consilium seu promissionem Dei de danda typica hæreditate terræ Canaan, cujus periodus sit incipienda a Moysen & legislatione in monte Sinai. II. autem defendit, Apostolum Paulum Gal. IV, 24. & sqq. non agere de natura & origine Veteris & Novi Testamenti, nec per duas *διαθήκας* intelligere Vetus & Novum Testamentum, quorum illud sit de danda hæreditate terræ Canaan, & incipiat demum a monte Sinai. Liber *Quartus* tres exhibet controversias, inter quas I. impugnat sententiam eorum, qui statuunt sacrificia a prima promissione, facta in Paradiso, fuisse liberæ usurpationis, non imperata, & quidem usque ad Moysen, per quem propter *μοσχοποιαν* fuerint demum Ecclesiæ injecta. II. improbat opinionem asserentium, legem ceremonialem post *μοσχοποιαν* datam esse in peccati exprobrationem ac quandam imputationem, nec non ad aggravandam atque obsignandam Patrum, sub reatu, ira, & execratione, servitutem. III. falsitatis arguit asseverantes, Decalogum primitus in monte Sinai Israelitis esse latum in puram putam formulam

mulā fœderis gratiæ. Liber *Quintus* in explicando statu Patrum sub Vetere Testamento versatur, ac tredecim de eodē controversias proponit. L. ruerur, statū Patrum ante Moysen a statu Patrū post Moysen non esse discriminandum, juxta D. Cocceji conceptum; adeo quidem, ut facta fuerit ingens status mutatio, ex libero in duriores, imo durissimum, propter peccatum *μοχολατρείας*. II. probat, clarissimum Coccejum statum Patrum sub Vetere Testamento, adeoque & differentiam status sub Vetere & Novo Testamento minus recte explicuisse. III. IV. & V. negat, recte dici posse, Fideles Veteris Testamenti vixisse sub reatu, ira & maledictione, in eoque mansisse usque ad mortem Christi expiatoriam & satisfactoriam, adeoque nec actualiter eos fuisse cum Deo reconciliatos. VI. docet, Patribus sub Veteri Testamento adscribendam esse quietem animæ ac tranquillam conscientiam, cum libertate ac fiducia accedendi ad Deum. VII. inficiatur, Patres Veteris Testamenti derentos fuisse per omnem vitam in servili & miserrimo metu mortis, maxime ex intuitu per eam amittendæ terræ Canaan typicæ hereditatis. VIII. refellit opinantes, Patres Veteris Testamenti usque ad Christum quodammodo & ex parte imperio diaboli obnoxios fuisse. IX & X. inculcat, Patres Veteris Testamenti nec Angelis, nec Principibus, Senioribus, Sacerdotibus, Prophetis, tanquam Dominis & Diis *λεγομένοις* subjectos fuisse. XI. exponit, Spiritum servitutis ad Vetus Testamentum, & Spiritum adoptionis ad Novum Testamentum male restringi. XII. sub examen revocat & rejicit opinionem, quæ Patribus Veteris Testamenti plenam ac proprie dictam remissionem obtigisse inficiatur. XIII. inquit in sensum loci ad Hebr. XI, 39, 40. atque ex eo sententiā Cocceji de statu Patrū sub Vetere Testamento hautquaquam probari posse edocet. His quinque libris subjungitur tandem *Exercitatio de Sacra Scriptura Autoritate ad conscientiam adstruenda*, in qua methodum recentiorum quorundam suæ fidei sociorum, Scripturæ Sacræ autoritatem non aliunde quam ex ratione adstrui posse propugnantium, a Reformationum processu, in demonstranda Sacri Codicis divinitate hæctenus observato, multum abire, ac variis periculis expositam esse, luculenter tradit, eandemque, in medium adductis aliquot argumentis, concise refellit.

### CHRISTOPH. VVITTICHII INVESTIGATIO

*Epistola ad Hebræos, & POSITIONES sive Aphorismi universam Theologiam adumbrantes.*

XXx

Amste.

Amstelædami, apud Joan. Wolters, 1691, in 4. Plag. 60.

**D**ivinam hanc Pauli ad Hebræos epistolam *Wittichius*, dum in vivis erat, ita exponere studuit, ut sæpe quidem *Cocceji* sui vestigia solícite premat, nec raro tamen de suo etiam observationes haud pœnitendas adjiciat. Præsertim vero adminiculis profanæ eruditionis Græcæ utitur, ad emphasin phraseon Apostolicarum declarandam. Sic enim explicat v. g. Cap. I. v. 1. πολυμερῶς ex *Hesychio*:

pag. II.  
26.

πολυμερῶς, δαψιλῶς, πολλά ἡμέτερα ἔχων. Versu 4. διαφωρότερον ὄνομα, de prærogativa dignitatis, ex *Xenophonte*: ἀπὸ γὰρ τῆς μάχης τὸ τῶν ὀνόμα μέγιστον ἦν ἔτι; & *Philostrato*: ὅφ' Ὀμήρου πολλοὶ καὶ τῶν μὴ πένυ σπαδαίων εἰς ὄνομα ἤχθησαν. Pariter ut *Latini* apud *Virgilium* II. *Æneid*: Et nos aliquod nomenque decusque

44.  
52.

gessimus: & *Catilina* apud *Sallustium*: Fuimus vulgus sine nomine. Versu 10. Κατ' ἀρχαίς, pro ἐν, ex *Demosthene*: κατὰ τὴν ἀγορὰν, in foro: κατὰ τὴν νόσον, in morbo, ex *Thucydide*. Cap. II. v. 1. Παρεργυρώμεν, ex *Hesychio*, ἐξολισθώμεν, *Suida*, παραπίσωμεν, *Chrysostomo*, μὴ ἐκπέσωμεν, ne excidamus, prolabamur, præterlabamur vel præterfluamur, cum *Coccejo*, qui refert ad aoristū II. verbi passivi παρεργυρίσθαι.

Quod plenum tamen Grammaticæ alæ *Wittichio* videtur, satiusque omnino in præsentē activo explicari exemplo *Chrysostomi*, qui simul adducit locum *Proverb. III. 21*. Τί ἐ, μὴ παρεργυρῆς, τήρησον ᾧ ἐμήν βελήν καὶ ἔννοιαν, רָחֵם לִי וְיִרְוּ לִי בְנֵי. Τελειῶσαι versu 10. ex sacris *Ethnicorum* atq; initiatis, qui μυῖσθαι, πλειῖσθαι, τελίσκεσθαι, πλειῖσθαι dicebantur. Ut frustra *Grotius* hoc idem esse, quod antecedens proxime εἰς δόξαν ἄγειν, contendat. Αγ-

74.

γέλων ἐπιλαμβάνεσθαι versu 16. ex *Platone*: μὴ ἐξίσθω τοῖς τῶν κτήματ' ἐπιλαβέσθαι &c. ubi notat idem quod pro suo vindicare ac redimere. *Castellioni* placet opitulari, *Grotio* liberare a servitute manu injecta. respondet *Ebræorum* יִתֵּן, רִיחַ & שָׂפָה, propius tamen, *Wittichii* calculo, verbo לָחַץ. Ἐν ᾧ v. 18. pro ὅταν, sub-

89.

intelligendo χρόνῳ, ex *Thucydide*: τὸ γὰρ γένος τὸ τῶν Θρακῶν, ἐν ᾧ ἂν θαρσύνῃ. Φοινικώτατόν ἐστι, *Thracum* enim natio, si quando fiducia gliscit, cedis avidissima est. Cap. IV. 13. Τετραρχηλισμένα ejusdem sensus significationisque cum αὐ ἐρέειν, quod in sacrificiis usitatum juxta *Homerum* *Iliad. α'*. Αὐ ἐρεύσαν μὲν πρῶτα καὶ ἐσφαζαν καὶ ἔδειξαν, retrotraxerunt quidem primum, & jugularunt, & exco-

90.

riarunt

95.

132.

riarunt. Γῇ ἡ πῖσσα τὸν ὑέτόν, cap. VI. 7. ex *Anacreonte*: ἡ γῆ μέ-  
 λαινα πίvei. Quemadmodum Ebraeorum מרי, proprie inc- pag. 161.  
 briari, de terraetiam usurpatur. Θάνατον φέρεσθαι τὸ διαβιμένοι, 254  
 cap. IX v. 16. *ferre mortem testatoris*, non *exspectare*, ut Grotius  
 arbitratur, ex Hebr. מוֹת Deuteron. XXIV, 15. Jer. XLIV, 23. ubi  
 vox מוֹת conjugitur. Ex δευτέρω versu 28. *secundo*; sic ἐκ τῷ 263.  
 Φάνερε ἀperte, ἐκ δὲ δικαίᾳ *juste*. Cap. X. v. 15. Μαγευεῖ ἡμῖν 278.  
 καὶ τὸ πνεῦμα; h. e. *assentitur nobis*, ex Xenophonte: καὶ γὰρ δὲ μαγ-  
 ευῶ τῶν τοις, ego vero *his assentior*. Cap. XI. 1. πραγμάτων ἐλογ-  
 χος ὁ βλεπομένων, scil. *convictio*, ex Xenophonte: ἐλέγχεται γελοῖ- 309.  
 ος ὢν, *convincitur esse ridiculus* &c. Ετυμπαυῖθησαν versu 35. *de*  
*fustigatione, quando homines suspendebantur, & tympanorum instar fu-* 353.  
*sibus cedebantur usque ad mortem*, ex Hesychio πλήσεται, δέρεται,  
 ἰχυρεῶς τύπεται, ex Suida ξύλω πλέσεται, ἐκδέρεται καὶ κρεμάται.  
 Nec raro Criticus noster de lectionis varietate disquirat. Asserit 72.  
 v. g. cap. II. 9. vulgatam lectionem χάρις Θεῷ contra Syriacam editio-  
 nem Tremellii, codices quorundam orthodoxorum Patrum, Fulgen-  
 tium, Vigilium, Ambrosium, & ipsum Nestorium, qui legunt χωρὶς Θεῷ  
*sine Deo*, collegitque inde hominem tantum, non Deum in crucem  
 sublatum mortuumque. Cap. X. 2. ἐπεὶ ἄν, *cateroquin*, pro quo 266.  
 alii, ἐπεὶ ἔκ ἄν, vel ἐπεὶ καὶ ἄν, vel ἔκ ἄν. Versu 11. καὶ πᾶς μὲν δέχ- 274.  
 ιερὺς ex editione Genevensi anni 1619, & MSto Grotii, quod ad sco-  
 pum Apostoli quadret magis, quam vulgatum illud in nostris codici-  
 bus, καὶ πᾶς μὲν ἱερεὺς. Sic v. 34 utrumque probat, καὶ γὰρ τοῖς δε 300.  
 σμοῖς μα, & καὶ γὰρ τοῖς δεσμοῖς, uti Beza scriptum testatur in duo-  
 bus MSS. codicibus, lectumque a vetere Interprete Latino, Syro &  
 Arabe.

De Cherubinis ad versum 5 capitis IX breviter agit, ac deno-  
 minationem ab illo animali arcessit, quod bovem facie retulisse, seu  
 פני הכרוב habuisse, *Ezechielis I, 10.* dicitur, ut כרוב sit idem (sic  
 ut Coccejus jam ante ex Kimchio notavit) quod *bos arator*, deriva-  
 tusque a כרב *arare*, secus atque aliis videtur, qui deducunt a רכב  
*equitare* per μεταθῆσιν literarum ר & כ, & כרוב *fellam* seu רכב  
 faciunt. Qua ratione alias Cherubini vocantur רכבי אלהים  
*currus Dei, Psalm. LXVIII, 18.* Iis symbolice ait exprimi duplicis  
 generis creaturas, Angelos nempe & homines, ubi impositi atque se

- mutuo adspexisse dicuntur, innuique Angelos cum hominibus in Christo amico quasi vinculo consociari, & arcanis salutis nostræ flagrantissimo animo studioque inhiare. Istiusmodi *μυστικώτερον* Auctor diligenter quandoque tangit exponitque, v. g. *cap. IX, 2. τὴν λυχνίαν* seu candelabrum tabernaculi de cœlesti lumine, quod in cordibus nostris vel per Divinum verbum in hac vita, vel proxime a Deo in æterno illo futuroque tabernaculo accenditur. *τὴν τράπεζαν, καὶ τὴν πρῶτην τῶν ἀετῶν, mensam & propositionem panum*, de Salvatore, qui panis vitæ est *Joh. VI.* & spiritualis cibus noster, ejusque pretiosa morte ac merito, quod panum illorum instar, qui coram Deo in mensa positi perpetuo erant, sempiternum manet, operaturque, ut per *εὐαγγέλιον* ac Sacramenta nobis velut in mensa subministratur. *τὴν κιβωτὸν τῆς διαθήκης περικεκαλυμμένην πᾶντοθεν χρυσῷ, arcam Testamenti undique auro obductam*, v. 4. de Christo, in quo omnes divina ac humana sapientiæ thesauri repositi sunt atque reconditi, *Coloss. II, 3.*

- Neque minus in eam curam incumbit, ut diluat illa convellatque, quæ ab Apostolico sensu recedere videntur. Hinc depugnat adversus Socinianos, qui *capit. VII. v. 26.* de Christi felicitate præpostere explicant, quasi his ipsis verbis, quibus summa absolutissimaque Pontificis Maximi integritas, sinceritasque indicatur, nonnisi status quidam beatus auspicatusque significetur, conanturque ex *versu 7. capit. IX* evincere, omnia peccata, quæ *Levit. XVI, 16, 30, 34.* dicuntur *expiata die expiationis*, esse restringenda ad peccata infirmitatis, quæ appellantur *ἄγνοια*, & ex *versu 8.* piorum animas ante Christi adventum ad cœlestia æternaturaque gaudia non esse admissas. *Quo pervenisse quidem etiam Abrahamum, Isaacum & Jacobum, & alios viros eximios* Grotius hoc loco existimat, *sed quasi per machinam, non per viam, extraordinaria quadam ac rara Dei dispensatione.*
34. 35. Quem notat inde Wittichius, & passim refutat, v. g. cum dictum *Psal. XLV,* quod *Capite I. v. 8.* de Christo adducitur, *ὁ θεὸς σου, ὁ Θεός, εἰς τὸν αἰῶνα τῶν αἰῶνων*, de ipso potius Deo Patre, tanquam throno Filii, vel firmatore ipsius, & verba illa *Capitis V. v. 6. σὺ ἱερεὺς εἰς τὸν αἰῶνα καὶ τὴν τάξιν μελχισδεκ,* de Sacerdote, cujus nullus successor, non vero de perfectissimo ejusdem munere æternumque duraturo interpretatur; quin imo *ἀπολύτῳσιν* illam *τῶν ἐπὶ τῇ πρώτῃ δια-*



τη διαθήκη παροράσεων de redemptione, sive liberatione a peccatis, que in populo Dei ante Christum ut plurimum valuerant, intelligendam opinatur; veteresque illos *Cap. XI, 40.* ideo dici sine nobis minus consummatos, quia in vita aeterna erant nostri accessio, & sic istorum bonorum participes. Quid quod alia varie atque subinde ex Coccejo contra Schlichtingium Autor disputat; propugnatque contra Heinsum, vocabulum ἀγγέλων *Cap. II, 2.* proprie de Spiritibus illis a corpore liberis, non de nunciis Prophetisque divinis esse exponendum; istud item Psalmi VIII. τὸν βασιλὸς πᾶς ἀγγέλος ἡλαττωμένον, &c. de Christo, capiendum esse, non de hominibus aliis, uti Heinsius male existimaverat. Quamvis vero saepe ὑποθέσει suæ nimium quantum serviat contra Arminianos ac Nostrates disputans, non tamen id obstat, quo minus in bibliotheca exegetica bene struenda locum huic Wittichii Commentario haud postremum tribuendum existimemus. 358. 54. 70. fqq.

*HISTOIRE DE DOM JEAN DE PALAFOX &c. i. e.*

Historia Iohannis de Palafox Episcopi Angelopolitani, & poëta Osmensis, ejusque litium cum Jesuitis.

Anno 1690, in 12. Plag. 24.

*HISTOIRE DE LA PERSECUTION DE deux saints Evêques par les Jesuites &c.*

sive,

Historia persecutionum, quas Bernardinus de Cardenas Paraguayensis in America Meridionali Episcopus, & Philippus Pardus, Archiepiscopus Philippinarum, a Jesuitis passi sunt. Accedit Responsum ad Judicium de Tomo III Practicæ moralis, anno 1690 Colonia excusum.

A. 1691, in 12. Plag. 26.

Xxx 3

Tomum

**T**omum III. *Practica moralis*, qui D. Antonio Arnaldo tribuitur, in Actis nostris A. 1690 p. 442. & sqq. recensuimus. Quod igitur in illo de edenda historia Præsulum in India a Jesuitis male tractatorum promiserat Autor, in voluminibus his, quæ quartum & quintum *Practica Moralis* tomum constituunt, nec incommode a nobis hic conjunguntur, præstare aggressus est. Summa rerum ex Tomo illo III. & aliunde sic satis nota est. Casus autem tot atq; tantos variosq; continent scripta, quæ in his compilationibus producuntur, ut compendiosam enarrationem difficillime admittant. Omissa itaque illa, indicem libellorum & documentorum, tum quæ integre in linguam Gallicam versâ exhibentur, tum quorum fragmenta aut excerpta solum producuntur, hic inferemus.

In priori volumine de Episcopo Angelopolitano reperiuntur (1.) *Antonii Gonzalez de Rosende*, ex Ordine Clericorum Minorum, libellus de vita *Johannis de Palafox & Mendoza*, Hispanice A. 1666 cum insignibus approbationibus editus. (2.) Initium vitæ ejusdem Episcopi, a Jesuita quodam Gallice publicatum A. 1688. (3.) Ejusdem vita ab ipso Palafoxio Hispanice scripta, titulo: *Vita interior cujusdam peccatoris penitentis*. (4.) Ejusdem *defensio canonica* magno volumine A. 1652 edita & Regi Hispaniarum dedicata, ex qua memorabilia quædam documenta singulatim allegat Autor, puta, Provisoris Episcopi mandatum ad Jesuitas, ut approbationes suas exhibeant; epistolam Episcopi ad Regem d. 12. Sept. A. 1647. postquam sese in montes recepisset, datam; Ejusdem literas ad P. Radam, cui Regis diplomata adjunxit d. 7. April. A. 1649; Responsum Rade d. 14. April. A. 1649. quo causas adducit, propter quas mandato Regis non pareat; Replicam Episcopi d. 4. Maji A. 1649. (5.) Prima Episcopi ad Pontificem epistola d. 25. Maji A. 1647. data, in qua de injuriis a Jesuitis sibi illatis conquestus est. (6.) Alia prolixior ad eundem d. 8. Jan. A. 1649. quam a Jesuitis perperam pro supposititia traduci notat Autor. (7.) Responso ad memoriale Jesuitarum Regi, sub finem anni 1649. contra Episcopum exhibitur, & a Canonico quodam Angelopolitano, tunc Madriti præsentem, publicatum. (8.) Memoriale P. Pedrazæ Jesuitæ, Episcopo quidem Paraguayensi oppositum, sed in quo tria capita falsæ accusationis contra Angelopolitanum contineri dicuntur. (9.) Responsum ad Memoriale Jesuitarum, quod Episcopus

pus Angelopolitanus Regi tradidit, pro obtinenda executione *Brevis Apostolici* d. 14 Maji A. 1648 pro se expediti. (10.) Manuscriptum, cui titulus est, *Angelopolitana*, productum in congregatione Cardinalium, & a D. *Johanne Magano* subscriptum, in quo acta Episcopi narrantur & defenduntur. (11.) Breve Pontificis *Innocentii X.* d. 14 Maji A. 1648 supra n. 9. allegatum, & postea d. 19 Novembris A. 1652 & 27. Maji A. 1653 confirmatum. (12.) Scriptum Jesuitarum Romæ A. 1653 compositum, titulo: *processus & finis cause Angelopolitane*. De hoc notat Autor, quod Tomo IV *Bullarii* Lugduni A. 1655 excusi, a fol. 289 usque 300 insertum, sed in indice librorum prohibitorum A. 1683 jussu *Innocentii XI* edito expunctum fuerit.

In volumine altero ejusque Tomo I. de Episcopo *Paraguayensi* sequentia Gallice versa producuntur. (1.) *Memoriale*, sive *Defensorium Bernardini de Cardenas* Episcopi Paraguayensis, & Monachorum Franciscanorum illius diocesis, ad Regem Hispaniarum, oppositum Memoriali *Juliani de Pedraza*, Procuratoris Jesuitarum in India Generalis d. 26 Novembris A. 1652 ab *Johanne Villalono* Monacho Franciscano. (2.) Ejusdem responsum ad primum memoriale a *Pedraza* contra Episcopum scriptum. (3.) Ejusdem refutatio posterioris memorialis a *Pedraza* exhibiti. (4.) Dissertatio de vita, meritis & laboribus Episcopi ex actis ab A. 1644, usque ad annum 1657, quo ex sede sua in montes & sylvas ejectus est, & Barbaris Evangelium prædicavit. (5.) Dissertatio apologetica de persecutionibus & molestiis Episcopo a Jesuitis inflictis, Alexandro VII Pontifici exhibenda, autore *Alfonso Carillo*, Advocato curiæ Hispanicæ. (6.) Memoriale ex Hispania missum, quo continentur resolutiones Alexandri VII & congregationis Cardinalium, itemque Regis Hispaniarum in causa Paraguayensi.

Tomo sequenti hujus voluminis producuntur, quæ ad historiam *Philippi Pardi*, Archiepiscopi Philippinarum spectant. (1.) Responsum *Alfonso Sandini*, Dominicanæ, Definitoris & Procuratoris Generalis provinciæ Philippinæ, ad curiam Regis Hispaniæ, quo relatio adversariorum, pro defendendo Pardi exilio, refutatur. (2.) *Christophori Padrochi* narratio de captivitate & exilio Archiepiscopi, mandato hujus, cum ipse a defensione sui impediretur, conscripta. (3.) Ejusdem

Ejusdem alia relatio de actis Archiepiscopi, postquam in sedem suam restitutus fuisset. (4.) Exemplum relationis authenticæ de actis Archiepiscopi circa mercaturam Jesuitarum. Adduntur in fine (5.) litteræ *Gabrielis Curuzelaequi* Gubernatoris Philippinarum d. 15. Febr. A. 1686. ad Archiepiscopum data, hujusque responsio d. 25. Febr. ejusdem anni: (6.) Excerpta ex scripto Maniliæ in Philippinis composito, & Romam ad *Congregationem de propaganda Fide* destinato.

Subjunctus est historię huic tractatus, ad illam quidem non pertinens, sed quem Autor una cum isthac historia melius conservari posse putavit, quam si seorsim ederetur. Dicendum autem prius aliquid est de libello, cui tractatus hic opponitur, cujusque in rubrica mentionem fecimus. Habet is formam dialogi inter *Alcippum* & *Theodorum*. Ex illis prior magnis in speciem laudibus ab ingenii acumine, excellentia styli & insigni moderatione D. Arnaldum extollit, & Jesuitarum causam in *Tomo III. Pract. moral.* vehementer vulneratam esse disserit. Alter in contrariam prorsus sententiam verba facit, & ex omnibus Arnaldi scriptis *Tomum* illum tertium pessimum esse contendit. Speciatim reprehendit in eo prolixitatem & moram tædiosissimam in præliminaribus, in primis autem temeritatem, imo stultitiam deliro sene dignam, quod fidem haberi postulet libris & documentis adversus Jesuitas publicatis, licet authentica non producantur. Exprobrat ei, quod deserta patria non potius in Indiam ad propagandam fidem & cognoscenda Jesuitarum acta profectus sit, quam in Hollandia refugium quæsiverit, in qua hæresin & confusionem regnare terramque martyrum sanguine respersam esse dicit. Addit alia non parum acerba, & responsiones copiosas ad narrata Tomi III (quæ in præsens intacta reliquit,) pollicetur. Huic Dialogo opposita est Appendix illa, de qua diximus, quæ eo præcipue tendit, ut ostendatur, in controversiis, quæ non coram tribunali judicis tractantur, sed in scriptis ventilantur, sufficere, si a viro probro exempla librorum & documentorum producantur, non exhibitis licet authenticis sive autographis; standum enim illis esse, donec falsi convincantur. Autor interim confidenter asserit, verissima & sincera esse, quæ allegavit, & cum autographis convenire; hæc vero tutius in locis, ubi sunt, donec a iudicibus edi jubeantur, custodiri, quam artibus adversariorum exponi, quibus illi abolere, aut corrumpere, quæ sibi nocere putent, noverint.

verint. Post alia, quæ illis hac occasione objicit, ad rixam Arnaldi cum Jesuitis de peccato philosophico digreditur, & librum Platelæ Jesuitæ Duaceni & theses P. Pugeani ex collegio Claromontano Arvernorum allegat, ut adversus Jesuitas Antverpienses, a quibus provocatus est, probet, quod omnino docuerint Jesuitæ, peccata enormia pure philosophica committi posse. Ad ea vero, quæ *Theodorus* ille *Arnaldo* exprobraverat, existimationem hujus tuetur, cum sit Doctor Theologiæ in celeberrima Parisiensium Academia renunciatus, & pro orthodoxo & probò a Pontificibus & Cardinalibus adhuc agnitus, nullius vero nec falsi, nec læsæ charitatis, post quinquaginta annorum cum Jesuitis contentiones, convictus. Objectam *Tomi III* prolixitatem defendit, quod generalia prius clare asserenda fuerint, antequam ad probationes particulares, sequentibus Tomis instituendas, progressus fieret: obtentum tamen esse scopum existimat, & argumenta illius, ex quibus quædam breviter repetit, intacta consistere. Aculeis quibusdam pungit autorem *Judicii*, quem innuit *Bubursum* esse: senem esse *Arnaldum* fatetur, octoginta annorum, sed cui vigor memoriæ, ingenii & judicii, qualem habuerit, integer supersit: salvam illi esse fidem in Regem & patriam, salvam doctrinam Catholicam. In Indiam ut proficisceretur, ex re ejus non fuisse, nec illo itinere opus esse ad noscenda Jesuitarum facta. Horum odio & violentia Gallia ejectum fuisse, nec vitio verti illi debere, quod in Batavia sedem quæstiverit, quam Jesuitæ frequentissime adeant, malintque soli, excluso reliquo Clero, missionis illius emolumenta ad se trahere. Catholicos in Hollandia absque participatione hæresis aut confusionis vivere posse, & eorum ad quingenta millia in ea reperiri, qui Deo majori zelo serviant, quam in provinciis, in quibus cultus Romanus publice vigeat: Clerum doctum & pium esse, populum bene instructum. Adjicit quædam de martyribus veteribus novisque, & inter hos de *Gorcumensibus* & *Brielsensibus*, ac nominatim *Cornelio de Muis*. Acerbiora quædam, cum ad caput quæstionis parum faciant, studio præterimus.

PLAINTÉ DE Mr. ARNAULD DOCTEUR  
de Sorbonne à Monseigneur l'Evesque  
d'Arras, &c. i. c.

Yyy

Que-

Querela D. Antonii Arnaldi Theologi Sorbonici ad Dn. Episcopum Atrebatensem de impostoribus, qui ultra annum ejus nomine falsas literas plurimas ad Theologos Duacenses non paucos plenas mendacii & fraudum scripserint.

Typis hoc ipso anno, sed non adscripto loci nomine, excusa, plagulis  $3\frac{1}{2}$  in 4.

**I**mpostura, de qua queritur Autor, tam atrox est, ut propemodum, ob imitationis metum, periculosum videri possit, eam liquide exponere. Quoniam tamen evulgata est, & cautelam aliquam notitia ejus afferre etiam prudentissimis potest, dissimulandam omnino aut silentio prætereundam non putavimus. Tanto vero magis detestanda est fraus ista, quod a viris literatis & sacri ordinis commissa esse videatur. Ansam enim habuit ex diuturna illa & acri disceptatione, quæ Arnaldo & sociis cum sectatoribus Molinæ intercedit. Qui illic fuerint architecti, Arnaldus affirmare non audet; suspiciones tamen detegit, & investigationem atque vindictam criminis ab Episcopo expectat. Antequam igitur innotescat, quid Episcopus præstiterit, nemo præjudicio gravandus est. Summa querelæ, ut eam paucissimis proponamus, hæc est: Cum in Academia Duacena ex Professoribus Philosophiæ junior quidam, *Lignius*, orationem & sententiam Jesuitæ cujusdam in publica declamatione refutasset, & famosas illas quinque propositiones (quas Jansenianas vocant) defendisset, mirum in modum adversarios offendit. In hujus igitur perniciem literæ confictæ & ad illum aliosque Arnaldi nomine missæ esse dicuntur, quæ illos in fraudem induxerunt, ut Arnaldo illi personato respondentes, animi sui sensa simpliciter & aperte indicarent. *Lignius* ipse & libros & manuscripta quadam secretiora impostori misit, reculas suas vendidit, & statione sua deserta in extremos Galliæ fines Carcassonam usque, Galliæ Narbonensis urbem, ducentis a patria miliaribus distitam, profectus est, mendacibus promissis illectus, fore, ut a pio quodam Episcopo susciperetur & optime haberetur. Sed misere delusum se esse cum damno & dedecore expertus est. Alius Duacensium Arnaldo fictitio, quem pro patre spiritali elegerat, arcana conscientie suæ in literis revelavit. Ut vero literæ hæc Duacensium, in damnum eorum & sine

sine suspitione stellionis, qui eas ab incautis elicuerat, publicari possent, alio figmento suppositæ sunt Arnaldi literæ, quibus vehementer lamentatur, literas illas ab infido & profugo famulo, ægrotanti sibi surreptas esse; quanquam ipse in hac Querela sua affirmet, se neque ægrotasse, neque a multis annis famulum habuisse. Interim in fine libelli ad Episcopum significat, epistolas illas Duacensium a Rectore collegii Jesuitarum illius loci asservari, & cupientibus ostendi, Hæc de ludo hoc minime liberali & faceto sufficiant; de quo fortasse tempus plura docebit, cum nec Arnaldus a prosecutione causæ cessaturus esse videatur, nec fortassis etiam Jesuitis defutura sint, quæ pro se allegent.

## *HISTORIA MULIERUM PHILOSOPHARUM, scriptore Ægidio Menagio.*

Lugduni, apud Anissonios, 1690, in 12. Absolvitur plagulis dimidiatis 22.

**E**T si paucis philosophandum esse Neoptolemus apud Ennium excenseat, & multitudinem consulto philosophiam fugere Cicero existimet, quod eam non nisi docti homines assequi possint; fœminas tamen ab ejus studio non exclusas fuisse olim, nec id hodie averfari, in vulgus notum est. Ut miremur, unde Lactantius sententiam istam hauserit, qua Lib. III. Instit. divin. cap. 25. tradit, Veteres docuisse, nullas unquam mulieres philosophatas esse præter unam ex omni memoria Themisten. Plures studio isti fuisse deditas ostendit Menagius, dum ad Diogenis Laërtii historiam Philosophorum observationes olim in Anglia editas novis accessionibus locupletatas in Belgio nunc evulgat, haud alienum ab isto instituto existimans, in hoc libello fœminas recensere, quæ in Græcorum veterum libris memorantur philosophiæ studio claræ. Itaque elenchum earum peculiari hoc commentariolo contexit, eumque artibus & scientiis omnibus excultæ in Galliis fœminæ *Anna Dacier* Tanaquilli Fabri filiæ dicavit. Neque eas tamen, quæ amœnitatum studia excoluerunt, rhetoricen, poeticen, historiam, mythologiam & similia, enumeravit, quarum plurimæ memorantur in scriptis veterum; sed solas eas & præcis historiis congescit, quæ severiori disciplinæ philosophiæ

phiæ operam dederunt, & vel ejus studio vel libris de ea scriptis inclauerunt. Singularem de iis *Apollonii* Stoici librum olim extitisse, Photii testimonio *p. 4. & 79.* affirmat, ipse vero in Scriptorum priscorum, quos evoluit assiduus, libris sexaginta quinque se reperisse indicat, easque hoc ordine recenset, ut primo loco novendecim sectæ non certæ addictas collocet. Inter has præ cæteris eminent, de quibus etiam prolixius disserit, *Aspasia* Periclis prius scortum, dein conjux *p. 9.* *Julia Domna* primum Severi Imp. postea Caracallæ privigni, vel ut alii rectius censent, filii, conjux *p. 19.* *Anthusa* divinationis e nubibus inventrix *p. 26.* *Eudocia*, quæ prius *Athenais* fuit dicta, Theodosio Jun. matrimonio juncta *p. 28.* *S. Catharina* Alexandrina virgo & marty, Philosophiæ professorum Parisiensium (æque ac Wittenbergensium) patrona, *Ælæterine* etiam dicta; cujus historiam, quod nimium fabulis implicita esset, ex Breviario Parisiensi jussu Archiepiscopi anno 1680 ejectam annotat *p. 46.* Dein certis alligatas sectis philosophas mulieres enumerat; Platoniciæ quidem addictas septem, quas inter celebris est *Hypatia* Theonis Mathematici Alexandrini filia, miseris modis trucidata, *p. 56.* Dialecticis addictas quatuor Crononis filias *p. 63.* nominat. Cyrenaicam unam *Areten* *p. 64.* Megaricam unam *Nicareten* *p. 65.* Cynicam unam *Hipparchiam* uxorem Crætetis, cum quo publice congressa fuerit, verecundiæ nulla ratione habita, *p. 67.* Peripateticas duas *p. 70.* Epicureas tres *p. 75.* Stoicas quinque *p. 79.* recenset. Pythagoricas plures extitisse, deque iis *Philochorum* peculiare volumen scripsisse *p. 4. & 81.* ex Suida refert. Inter quas *Theano* uxor Pythagoræ, quæ duos filios Telaugem & Damonem ex eo suscepit, cumque his marito defuncto scholam rexit; & *Myia* Milonis Crotoniæ conjux, Pythagoræ filia; necnon *Timycha* Millyæ Crotoniæ uxor, quæ stupendæ pertinaciæ exemplum edidit, linguam dentibus sibi præmorsam in os Tyranni, causam ex ea scire cupidi, cur Pythagoræ mortem oppetere malint, quam fabas conculcare, exspuens, memoria dignæ videntur.

Huic de philosophantibus fœminis libello adjecit Autor Dissertationem lingua Italica scriptam super tessaradecastichon (*sonetto* vocant Itali) septimum Francisci Petrarchæ, cujus initium:

*La gola, e 'l sonno, e 'l ozio se piume.*

Commendatur in eo studium philosophiæ, etsi vulgo contemni solitum. Desinit autem in hos versus:

*Tanto*



*Tanto ti prego più, celeste spirito,*

*No. 1 lasciar la magnanima tua impresa.*

id est, Eo magis te oro, anima coelestis,

Ne avertaris a magnanimo tuo proposito.

Quæritur hic, cuinam inscriptum fuerit hoc poemation? Si commentatores ea de re consulas, vir aliquis intelligendus erit, isque aut *ignoti nominis*, juxta Antonium de Tempore, Castelvetro, & Tassonius; aut *Ursus* in Montis Pessulani academia studiis incumbens, juxta Franc. Philolphum; aut secundum Bernardinum Danielem & Vellutellum *Joannes Boccacius*. Sed a scopo aberrarunt hi omnes. Observat quippe Menagius, carmen hoc esse responsum ad epistolam, eodem ligati sermonis genere, iisdemque (quod potissimum argumentum est) rhythmis terminatam, quam *Justina Levia*, Andrea filia, *Perotta* Saxoferratenensis ad Petrarcham dederat, consilium rogans, an in philosophiæ studio pergere, an ad fûsum & colum se relegari debeat pati? Fuit hæc (quod annotat Autor) agnata Nicolai Perotti, Episcopi Sipontini, qui *Cornucopia* congescit, ac in eo Phædrum fabularum scriptorem insigni plagio expilavit, observante Sriverio ad Martial. Lib. III. ep. 20. Hæc ubi memorasset Menagius, singula Petrarchæ verba notis illustrat, quibusdam grammaticis sive criticis, quibusdam historicis. Sic prolixius agit de poetarum coronis p. 30. de paupertate poetarum p. 46. Paradoxe satis p. 58. statuit, si unicus Poeta epicus sit apud Græcos Homerus, apud Latinos Virgilius, apud Italos Torquatus Tassus, (cui tamen Fulvius Testi Ludovicum Ariostum jungi voluit) eadem ratione dici posse, apud Lusitanos unicum esse Cammoesium, at apud Hispanos Gallosque nullum. Catalogum foeminarum eruditarum texit p. 59. ex Italia, Gallia, Hispania, Germania & Belgio collectarum. De Germanis inquit p. 63: *Anno gl' istessi; oltre ad Antonia Burignona Teologa; la Principessa Elisabetta, sorella dell' Elector Palatino, Abbadessa d' Erfort; e Antonia de Vitemberg, sorella d' Eberardo III Duca di Vitemberg: l'una e l'altra, non solo in ogni sorte di bella letteratura eruditissime, ma anche intelligentissime delle lingue orientali.* Ad quem locum, pace doctissimi Autoris, majoris lucis causa annotare quædam lubet, uti suevimus quandoque facere, ubi de nostratibus exteri loquuntur, *Burignonia* ad Belgium potius quam Germaniam nostram referenda erat, uti ex Actis anni 1686

p. 12. patebit, & *Elizabethe Palatina*, eruditarum virginum miraculo vix commode sociatur, quippe eruditione isti prorsus impar, in theologicis saltem meditationibus defixa, Elector porro, cujus soror hæc erat Herfordiensis Abbatisa, mortua d. 8. Febr. A. 1680, Carolus est Ludovicus Comes Pal. Rheni, ejusdem anni die 28. Aug. fato functus, Pro *Vitemberg* heic & in Indice legendum *Virtemberg*, id est, *Württemberg*; simulque notandum, Antoniam istam sororem habuisse natu minorem *Annam Joannam*, quæ ei persimilis fuit in cœlibatu, in eruditione, in longævitate, in anno denique emortuali: nata quippe illa fuerat d. 24. Mart. 1613, hæc d. 13. Mart. 1619, denata illa Kal. Octobr. hæc d. 5. Mart. eodem A. 1679. Nec Germania nostra adeo foeminarum eruditarum est sterilis, quin plures, tum fato functæ tum adhuc superflites, ad miraculum usque doctæ & scientiis excultæ, nominari ab Autore potuissent: quarum ut justum catalogum texere instituti nostri ratio non permittit, ita in transcurso tamen non possumus non memorare *Henriettam Catharinam*, ex perillustri *Frisorum* stemmate prognata, & hoc tempore sanctioris in aula Electorali Saxonica Consilii Præsidi, Viro illustrissimo *Dn. Nicolao Libero Baroni a Gersdorff* matrimonio junctam; cujus eximia eruditio vivæ omnium Musarum ac Gratiarum imaginis laudem ipsi jampridem peperit, ejusque consummata omnium artium & linguarum scientia omnisque generis doctrina, infusata pietati virtutibusque alijs juncta, ita per orbem dudum innotuit, ut famam ejus in Gallias ad Autorem penetrasse omnino existimemus. E *Rappolti* sane, summi poetæ & theologi, *Miscellaneis*, si non aliunde, id cognoscere potuit, qui hunc in modum p. 287. eam, cum adhuc virgo teneræ ætatis esset, sex & viginti abhinc annis allocutus est:

*Ecce stupet, citharamque tibi submittit Apollo,  
Et cantu assurgit turba novena tuo.  
Namque aliquis nostras tractare ait acriter artes,  
Et vatum assidua volvere scripta manu.  
Postque Dei cultum, post cultum utriusque Parentis,  
Ingenuis studiis nil coluisse magis.  
Quid loquar? Aonias te fama aquare puellas,  
Et Latias nobis reddere velle nuxus?  
An generi miscere tuo titulisque Camænas,*

*Et*

*Et vetus abjectis conciliare decus?*

*Quales Heroum nec iniquo sanguine sponfas*

*Alta Croton Samia prætulit arte viris:*

*Mascula vel qualis modulata est peetine Sappho*

*Clausula suis numeris verba sonante chely:*

*Vel Latiis cecinit Grajisque immortua chartis*

*Imperii occidui nupta Serena Duci.*

*Quicquid id est, raris te cernit dotibus orbis,*

*Posteritasque viros inter adulta canet.*

Nec minus apposite & vere de ea cecinit Morhofius in libello, quem *Venerum novarum* nomine insignivit, p. 16. qui quod in paucorum manibus est, tot illustrium dotium Fœminæ absolutissimæ testem, inde depromptam elegiam, nuptiis ipsius cum Illust. & Excell. Gersdorffio consecratam, integram adscribemus, dignam omnino ob argumenti & dictionis elegantiam, quæ hoc loco adeo opportuno & Menagiæ commentationi prorsus conveniente legatur:

*FRISIA, magnorum proles miranda Parentum,*

*Secula cui, credo, nulla tulere parem.*

*Illa sui generis Phœnix & amabile monstrum,*

*Gentis honos, sæcli fama, pudorq; virum.*

*Si mores videas, Charis hæc Germana vocari;*

*Si mentem, cerebro nata Minerva queat;*

*Si tibi pingenda tot cum virtutibus artes,*

*(Famineo pingi scilicet ore solent)*

*Hoc poteris omnes, Piclor, comprehendere vultu:*

*Ore Deas uno tresque novemque dabit.*

*Quicquid signat Eos, veteresque loquuntur Athena;*

*Illa legit, calamis hos imitata sonos.*

*His mire sæcunda fluit facundia labris;*

*Seu fallat Latias æmula voce nurus;*

*Seu patrio attonitas effascinet ore Camænas,*

*Torque suos populis dividat una sonos.*

*Illa, quod æternis Pietas generosaque Virtus*

*Inscripsit tabulis, quod domus, aula sapit;*

*Quod schola rixantes inter distracta cathedras*

*Extudit, omne domi docta Virago tenet.*

*Non*

*Non tacitos Natura sinus tegit: illa volentem*

*Dadaleo vultus dedocet igne rudes.*

*Ætherea patuere domus, divisaque regnis*

*Tellus, & fatis regna rotata suis.*

*Mira facit, justa cum res explorat amussi:*

*Corpora cum numeris ponderibusque ligat:*

*Sidera cum speculis rapit, & solerter ovantes*

*Temperat agglomerans ore manuque sonos.*

*Nulla viris ars est, nulla est celebrata puellis,*

*Seu venit ingenio, seu pede, sive manu:*

*Una viros junctis superat, superatque puellas*

*Artibus, & nulla se videt esse rudem.*

*Ut nulla sit in arte rudis; tamen unica restat,*

*Qua non turpe uni succubuisse Viro:*

*Nam, quod tantum uno poterat didicisse Magistro,*

*Ut tot post artes omnia sciret, AMAT.*

Claudat encomiorum exteris jure meritoque ostentandorum farraginem istud, quo clarissimus Leucoreæ olim Professor Job. Ericus Ostermannus eam machavit in carmine, præfixo Othonis Prætorii Secessui Rothaviensi, ubi hunc in modum de ea scribit:

*Cujus politum mille ab artibus doctus*

*Et eruditum fertilis Liger pectus,*

*Et fluminum rex ipse Mævus, & flavum*

*Mose vadum, tum limpida Oderæ terga,*

*Et illa princeps omnium ipsa terrarum.*

*Italia sic volens veretur, ut secum*

*Mirata mites post ferociam longam*

*Septentriones, sceptrâ sponte submittat*

*Germanicarum principi puellarum.*

Sub finem catalogi sui p. 66. Menagius meminit Jacobi Carmelitæ, qui grandi volumine nondum publici juris facti complexus sit nomina ac opera mulierum doctarum: allegat aliquot suos Latinos Gallicosque versus in Christianæ Reg. Suec. laudem compositos, qui in Poematibus ejus pridem notis ac communi vatum calculo approbatis leguntur: itemque epigramma suum profert p. 79. in obitum Pauli Scarronii festivo scribendi genere non magis quam nephriticis doloribus

ribus clari, Maintenoniæ mariti, quod quia non lepidum modo, sed & breve est, apponemus:

*Deliciæ procerum, tota notissimus aula,  
Venerat ad Stygias Scarro faætus aquas.  
Solvuntur risu mæstissima turba silentum;  
Heic Jocus & Lusus, heic lacrymant Veneres.*

**SYNAGOGA BIFRONS, SEU, DE SCRUTAN-  
dis collapsæ Synagogæ ruderibus dissertatio aca-  
demica, auctore Laurentio Odhelio Sueco.**

Frankofurti ad Mœnum, apud Joh. Davidem Zunnerum, 1691, in 4.

Constat plagul. 25.

Cum doctissimus Odhelius opera Rabbinorum assidua ac diligenti manu versasset, tantopere in hoc studio profecit, ut Talmudicum tractatum *Schebbhuoth*, sive de Juramentis, Maimonidisq; *Hilcoth Melachim umilchamothehem* i. e. tractatum de Regibus & bellis gerendis, Latine versos notisque illustratos prælo paraverit, editurus, si per fata ei licuisset, hoc nimirum, quem agimus, anno vita functo. Unde dubii hæremus, an versiones istæ lucem aspecturæ sint, quam (uti par est credere) æque merentur ac ineditæ ejusdem auctoris notæ in *versionem Latinam* paraphraseos Chaldaicæ *Jonathanis* Uzielidis, in Polyglottis Londinensibus extantem. Se autem totum fere accepimus impendisse in Theologiam Judaicam systematicè concinnandam. Merito quippe dubitabat, num omne tulissent punctum Hulsius, Hackspanius, alii, qui eam in rem quadam commentati fuerant. Accedebat, quod de illa, quam in lectionibus publicis academicis exorsus erat *Carpozovius* noster summe reverendus, unquam perficienda, ætæ & conclamationum esse videretur, postquam professione Ebrææ linguæ se abdicarat, inter Theologiæ Professores receptus. Nam si huic integrum esset, per immensa, quibus distinctur, negotia, telam illam olim cœptam pertexere absolvereque, neminem forsan de alio systemate condendo cogitaturum existimamus. Ut igitur haberet orbis eruditus specimen, unde conjectare posset, quid sibi ex *Odhelii* laticubrationibus sperandum foret, *Synagogam* hanc *bifrontem* oculis ejus ac censuræ modo laudatus Auctor voluit subjicere.

Si primam ejus *frontem* respicias, videbis ea explicari ex scriptis N. T. *Pharisaismum* sive ἀποστολική Synagoga a veteri Patrum doctrina, partim quoad *praecepta decalogi*, partim quoad doctrinam de Deo & Christo.

Dum de quarto praecepto Odhelius agit, illustrat locum *Matth. XV, 5.* ὃς ἀνείηται τῷ πατρὶ καὶ τῇ μητρὶ, δῶρον ὃ ἐστὶν ἐξ ἐμῶν ὡς Ἀνθῆς, vertitque: *Si quis dixerit patri & matri: Donum est id, quo a me juvari possis*, subintelligens, *is voto suo tenetur, nec relaxari illud potest*; sive, ut phrasibus Talmudicis hoc dictum eloquitur: ראימר לאביו ולאמו קונס שאני נהנה לך אסור: Ac ejusmodi ex-cusationem, quantumvis omnibus humanitatis legibus adversam, apud Judæos olim obtinuisse, ex codice *Nedarim*, cap. 9. Mischna I. colligit: Ibi enim legas: רבי אליעזר אומר פותחין לאדם בכבוד אביו ואמו וחכמים אוסרים. אמר ר' צדוק עד שפותחין לו בכבוד אביו ואמו ופתחו לו בכבוד המקום אם כן אין נדריים. מורים חכמים לרבי אליעזר בדבר שבינו i. e. *Rabbi Elieser dicit: Aperiunt homini (portam ad revocandum votum) ob honorem patris & matris ejus. SED SAPIENTES PROHIBENT. Dixit R. Zadok: Antequam aperiant illi ob honorem patris & matris ejus, aperient ei ob honorem Dei; Si sic, non erunt vota. Confessi sunt sapientes R. Elieseri, quod in re, quæ versatur inter illum & patrem matremque ejus, aperiant illi ob honorem patris & matris ejus. Quod si quæras, num ergo Talmudistæ approbent antiquum illum canonem a Christo damnatum, quæstionem affirmat Odhelius, quia heic dicitur: SED SAPIENTES PROHIBENT relaxari votum ob honorem & commodum parentum. Equidem (inquit Noster,) Mischnam citatam legenti patet, Sapientes a R. Eliesere convictos in sententiam ejus pedibus ivisse, atque hoc ipso, quod prius decreverant, reprobasse. Verum nonnulla sunt, quæ dubiam facere videntur hanc impiorum hominum emendationem. Primo, quod רב חכמים in primo loco, ubi a R. Eliesere dissentiunt, circellum impositum habet, id quod ibi *Halacham* esse ostendit, ut docet *Goccejus*, præf. *Sanhedrin*. Deinde, quod ipsi Rabbinī tradunt, non decerni secundum R. Elieserem, quia rejectaneus factus sit. אין הלכה כרבי הריכות משום רשמותי הוה אין הליכות כרבי. inquit R. *Josua Levita* in הריכות f. 88. edit. Ven. in folio. Tertio, quod ibidem f. 93. a. tradi-*

tur,

tur, quotiescunque scb Mischnæ initium legatur: אמר רבי פלוני  
*Dicit Rabbi N. N.* sigillatim *R. Eliezer*, illic non esse *Halacham*, sive  
 sententiam communem Doctorum Juris Ebraei. Quarto, quod etiam  
 apud *Maimonidem* adhuc dum legitur canon, *vota cadere in res man-*  
*dati*, de quo videndus vir celeberrimus ac hoc demum anno morta-

litate solutus, *Eduardus Pocockius*, notis ad *Portam Moysi*, p. 415.  
 At missam facimus *primam libri partem*, cujus præstantiam vel  
 ex unico hoc specimine intelliges. Uti vero argumentum illius erat  
*Synagoga insana*; ita secundæ est *Synagoga sana*, sive usus scriptorum  
 Judaicorum in Christianos redundans.

Inter cætera, quæ heic in vicem exordii præmittit Auctor, eminet  
 censura *Kabbale Denudate*, quam multis nominibus laude dignam, nec  
 raro tamen admodum periculosam ac absurdam opinionibus & interpre-  
 tationibus refertam esse, luculenter probat. Statuit deinde, *reliquias ve-*  
*teris sapientie Israeliticae & sana catecheseos Patrum in libris Judeorum*  
*reperiri*. Hinc de præcipuis *dogmaticis & moralibus* Rabbiorum libris  
 disserit, *Maimonidis* puta articulis tredecim, *R. Abrahami Bar Dior* ספר  
 רב ר' ס' המנוחות והעיון *R. Saadia* אמנות רב  
*R. Jaghelis* ספר לקח טוב sive *Catechismum*, quem tum a *Job. Bone-*  
*disto Carpozio*, tum a *Ludovico Compiegne de Veil* in Latinam linguam  
 traductum, superiori anno p. 586. commemoravimus. *Veilianam* versio-  
 nem Odhelius nunquam vidit, *Carpzovianam* non nisi postquam suam  
 absolvisset. Contulit postmodum hanc cum illa, & ubi sibi a clarissi-  
 mo Philologo discedendum esset, modeste innuit. Singulis Paragra-  
 phis libri Hebræo-Latini subjicit annotationes philologicas, usum  
 illorum *polemicum*, adversus Christianos heterodoxos, *exegeticum*  
 ac *moralem* pro re nata monstrantes. Multa heic egregia, sed quo-  
 rum catalogum texere superfedemus, cum utrique operis parti præ-  
 mittantur satis proluxa ac parvo temporis intervallo perlegenda *sum-*  
*maria*. Attamen ne specimen ex secunda Parte depromitum deside-  
 res, auctoris dicta de controversia circa divisionem decalogi in com-  
 pendium redigemus. Judæos observat unicuique duarum tabularum pag. 137.  
*quinque præcise præcepta sive verba* attribuere, eaque propter præce-  
 ptum *de honorandis parentibus* ad tabulam primam referre, ad quam  
 forsan hypothesin respexerit Apostolus, *Rom. XIII, 9*. Ventilat post-  
 modum ex professo duas quæstiones: Num scilicet ante Augustini tem-

pora *Judei omnes eandem decalogi divisionem statuerint, ac Reformati?* Et: num hodie *equalis in Judæorum & Reformatorum scholis decalogi divisio doceatur?* Ad posteriorem monet, communem hodiernæ Synagogæ sententiam hauriri posse ex *R. Raphaelis מרפ"א* cap. 37. ubi *primum* verbū esse traditur: *Ego Dominus Deus tuus;* (2.) *Non erunt tibi Dii alii coram me;* una cum appendice: *Non facies tibi sculptile.* (3.) *Non sumes, &c.* (4.) *Memento Sabbati:* (5.) *Honora patrem &c.* Hactenus pertingere *tabulam primam.* In *tabula altera* extitisse (1.) *Ne occidas;* (2.) *Ne fureris;* (3.) *Ne facies adulterium.* (4.) *Ne respondeas testimonium falsum.* (5.) *Ne concupiscas.* Tantundem haberi apud *R. Judam* ידו & *R. Josephum Albo.* Sic igitur, dissentiunt Judæi a nostratibus æque ac Reformatis, dum quam præfationem hi vocant, primum præceptum constituunt. Discedunt etiam a Nostratibus, quod præceptum *de non habendis Diis alienis* secundo loco numerant, & quod unicum tantum *de non concupiscendo* effatum agnoscunt. A Reformatis, quod præceptum *de imaginibus* non pro *verbo generali*, sed pro *appendice* tantum verbi *de non habendis Diis alienis* venditant. Sed duplex heic difficultas animadvertitur. Primo enim plurimi Judæorum reprehenderunt *Maimonidem*, quod effatum: *Ego Dominus Deus tuus*, pro præcepto habuerit. Si autem non est præceptum, non pertinet ad decalogum. Secundo Judæi, quando 613 præcepta enumerant, 13 aut 14 ex solo decalogo exculpunt. Ergo omnia apud eos incerta esse videntur. Respondet Odhelius: Synagogam communiter approbare *Maimonidis* opinionem; hinc in præceptorum catalogo vulgo recepto *vigesimum primum* esse: *לירע שיש שם מצוי בעולם שנה' אנכי ה' אלדך* sciendum, Deum in mundo existere, juxta dictum: *Ego Dominus Deus tuus.* Dein distinguunt Judæi inter *מצות* & *דברים*, sive verba vel effata, & *præcepta*; decalogumque statuunt continere quidem *עשרת דברים* *decem verba*, quia decem vicibus inter loquendum respiravit quasi, sive loqui cessavit Legislator, non *decem*, (sed *tredecim* aut *quatuordecim*) *præcepta.* Id quod autoritate *R. Isaaci ben Arama* & *Abarbanelis* probatum ivit Odhelius. Ad *questionem* priorem responsurus Odhelius stylum vibrat in doctissimum *Buxtorfium* Patrem, quod in Grammatica Chaldaica, *Jonathanem* Targumistam eandem, quam Reformati in usu habent, decalogi partitionem suo calculo



calculo approbasse, confidenter, sed ut Noster ostendit, invita veritate, asseruit. Jonathane rite explicato, provocat ad testimonia libri *Mechilta*, quem *R. Ismael* sæculo a nato Christo secundo composuisse fertur, quemque allegat *R. Simeon Haddarschan* in *Jalkut P. I. f. 82. col. 4.* itemque ad locum libri *Vajikra Rabba*, (qui eodem fere tempore, quo *Mechilta*, conscriptus censetur.) *f. 157. edit. Wilhermsdorfensis.* Utrobique decem verba eadem omnino ratione disponuntur, qua id apud *R. Raphaelem* fieri, pag. præcedente diximus. Nec aliter fieri potuit, ob hypothesin vetustissimam, quod *אני Ego Dominus Deus tuus* verbum unum ac primum per se constituent, quod Abenefra asserit ad *Deut. V, 16.* his verbis: *רע כי דעת כל הקדמונים כי הרביר הראשון הוא אנכי:* Mox ad privatam *Fl. Josephi* opinionem non exigendam monet communem Synagogæ sententiam; *Philonem* vero recte explicatum cum hac potius amice conspirare, quam, ut quidam putarunt, abs ea dissidere. Neque tandem, quid sibi videatur, dissimulandum judicavit Odhelius. Judaicam igitur partitionem antiquissimam ipsemet esse statuit, præsertim cum *Ireneo* quoque *l. 2. c. 42. Athanasio, Hieronymo, & Hefychio* placuerit, nec argumenta *Pauli Burgenfis*, quibus illam creditur absurditatis convicisse, magni sint ponderis. Urserat hic primario, quod ad naturam præcepti requiratur, ut aliquid proponatur non tantum *enunciative* aut *assertive*, sed vel *mandative*, vel *prohibitive*; concluderatque inde, quod *אני Ego Dominus Deus tuus*, præceptum primum absolvi, incongruum sit. Regerit Odhelius, verbis illis decalogum incipiendum fore, etsi præceptum esse neges, cum *decalogus* non *decem præcepta*, sed *decem* tantum *effata* vi nominis sui indicet; Judæos etiam distinguere inter *מצות המעשיות* *præcepta practica* & *מצות האמוני* *præceptum credibile* seu *fidei*. In verba *E. D. D. T.* (quibus *præcipitur* credere Dei existentiam majestatemque) quadrare nomen *posterius*, in reliqua decalogi *prius*. Instantiam profert ex dicto *Deut. VI, 4.* *Audi Israel, Dominus Deus noster Deus unus est.* Concipi ait illud assertive, & tamen esse *præceptum*, quo nomine appelletur *ibid. v. 6. & Marc. XII, 29.* Expendere jubet, annon paraphrasis verborum, *Exod. XX, 2.* reperiatur *Deut. VI, 12.* & hoc supposito, anne loco priori præcepti nomen concedere æquum sit. Argumentatus erat secundo loco *Paulus Burgenfis*: Israelitas jam ante

promulgationem decalogi credidisse in Deum, *Exod. IV, 31. & XIV, 31*; imo jugum obedientiæ divinæ in se recepisse, *Exod. XIX, 8*. itaque non opus fuisse præcepto expresso, quo ad existentiam Dei credendam & obedientiam legi præstandam obligarentur. Sed nec huic Achilli cedendum autumavit *Odbelius*; quin triplicem pro una instantiam in promptu habuit. Nimirum Israelitas agnovisse, Deum esse totius terræ dominum, *Exod. XIX, 5*. adeoque non potuisse ignorare, quod alius Deus extra eum nec detur, nec coli debeat; At hoc non obstante, in decalogo cultum alienorum Deorum prohiberi. Porro nec oblitos fuisse, vi & ope brachii divini ex Ægypto se eductos esse; Et tamen id quoque iis denuo inculcari. Postremo probandum incumbere *Burgensi*, Israelitis in *Mara*, ubi Deus *וַיִּשְׁמַע יְהוָה* statutum & iudicium posuisse legitur *Exod. XV, 25*. nullum præceptum iis, quæ decalogus continet, simile datum fuisse. Nam si ibidem non solum septem Noachidarum præcepta repetita, sed & alia, de sabbato, iudiciis & parentum honore, adjecta, (quæ Ebræorum traditio est) tunc consequi, juxta *Burgensis* ratiocinium, quod totus decalogus supervacaneus fuerit.

Sub finem digressionis, Auctor in *M. F. Wendelinum* acriter invehitur. Asseveraverat is, *effati divini de concupiscentia dichotomiam ab ecclesia Judaica non esse agnitam, sed a solis idolorum patronis ex radicibus וַיִּשְׁמַע יְהוָה & חַמֵּר esse deprehensam*. Illam quippe dici statuerant *Theologi Jenenses* de primo concupiscentiæ motu, qui in corde est, hanc de appetitu, qui in altum deducitur & cum rei expertæ ademptione est conjunctus. Demonstrare vicissim annis est *Odbelius*, tum quod celebriores Rabbini, & in his *Maimonides Gersomides* que eandem differentiam ac emphasin vocum וַיִּשְׁמַע יְהוָה & חַמֵּר docuerint; tum quod veteres interpretes, (quos nemo idolorum aut Papiismi fautores nuncupaverit,) quosque commemorant *Abenesra* ac *Abarbanel*, sententiæ Lutheranorum præluserint; tum denique quod ex recentioribus Judæis sint, qui plane cum Nostratibus in hoc argumento conveniant, præcipue *Abenesra*, comm. ad *Deut. V, 16*. Sed nolumus huic argumento diutius immorari, vel eo nomine, quod de illo in decima Supplementorum sectione, ex clarissimi *Ortho-* *nis* diatribis, fusior nobis dissertatio instituenda sit.

R. P. LUDOVICI NOGUEIRA, LUSITANI,  
*Soc. Jesu Theologi, Expositio Bullæ Cruciatæ  
 Lusitania concessæ.*

Coloniz Agrippinz, sumptibus Fratrum Hugetan. 1691, in fol.

Constat Alphab. 6. & plag. 12.

**O**pus hoc jam ante annos aliquot Ulyssipone editum fuisse, ex præmissis censuris & approbationibus, quibus Auctor unus ex majoribus Societatis Jesu Heroibus prædicatur, Ulyssipone A. 1685 consignatis colligere licet. Quia autem hoc anno recusum est, mentio ejus aliqua vel ideo facienda fuit, quod sciamus, in Romanæ etiam Ecclesiæ Prælatorum atque Sacerdotum, quibus consultum maxime Auctor voluit, manus Acta hæc nostra quandoque incidere.

*Bullas Cruciatas* primi e Pontificibus Romanis Urbanus II & Innocentius III publicarunt, quibus nimirum iis omnibus, qui pro recuperanda Terra Sancta contra Saracenos militatum ibant, & rubea *cruce* signabantur, indulgentiæ, gratiæ aliæque privilegia concedebantur. Tametsi vero istæ in Palæstinam expeditiones dudum desierunt, Cruciatæ tamen id genus Bullæ hodiernum Hispaniæ inprimis atque Lusitaniæ Regnis, quæ in ora maritima Africæ fortalitia quædam possident, & adversus Christiani nominis hostes militari præsidio tuentur, concessa Romanis Pontificibus consueverunt. Cum enim munitimentis illis, per quæ sola Muhammedani Africæ incolæ a tentandis majorum suorum exemplo in Hispaniam irruptionibus prohiberi videntur, custodiendis servandisque sumptus impendendi sint haud exigui, quibus ferendis non semper paria sunt æraria regia; invitandi per Bullas tales promissis spiritualibus gratiis fuere, qui liberalem in hos usus eleemosynam conferrent. Ex his eam, quæ Lusitaniæ a Gregorio XIV A. 1591 concessa, & a successoribus, Clemente VIII & Paulo V, amplificata fuit, & hodieque repeti & ut plurimum a sexennio in sexennium prorogari a Pontificibus solet (qua iis omnibus, qui ad præsidiorum illorum, adversus Muhammedanos in Lusitanis Africæ arcibus excubantium sustentationem, eleemosynam a Commissario pro cujusque opibus definiendam contulerint, plenissima omnium peccatorum suorum indulgentia & remissio; precum item, eleemosynarum, peregrinationum cæterorumque bonorum operum, quæ in militante Ecclesia universali & singulis ejus membris sunt, participatio; nec non privilegia & gratiæ aliæ, inprimis tempore interdicti,

&

& circa oratoria privata, esumque carniū, ovorum & lacticiniorum in diebus vetitis, conceduntur) Auctor noster amplissimo commentario illustrandam suscepit. In quo 26 disputationibus, in suas iterum sectiones divisīs, singulas fere Bullæ istius voces accurate explicavit, eamque sollicitè cum Bullæ Hispanica composuit, & quicquid ex Canonico & Pontificio jure eam in rem congeri poterat, studiose congeffit. Quæ omnia ut præcipue Confessariorum & Parochorum Romanæ Ecclesiæ usibus inserviunt: ita quæ passim ex illius Ecclesiæ disciplina de indulgentiis, interdicto & censuris ecclesiasticis, absolutione a censuris, de peccatis summo Pontifici aut Episcopis reservatis, de votis eorumque commutatione, de suffragio & indulgentiis pro defunctis, de beneficiis ecclesiasticis, de sacerdotum & confessariorum munere, ejusque generis aliis passim prolixè disceptantur, a nostratibus etiam perlustrari merentur.

## LIBRI NOVI.

*Tabella selecta & explicata a Carola Patina, Parisina, Academica. Patavii, 1691, in fol.*

*Cours entier de la Philosophie selon les Principes de M. Descartes, par Pierre Silvain Regis. A Amsterdam, 1691. in 4.*

*Dictionaire Mathematique, ou Idée generale des Mathematiques, par M. Ozanam. A Amsterdam, 1691. in 4.*

*Nouvelle Bibliotheque des Auteurs Ecclesiastiques par Mr. L. Ellies du Pin. Tome cinquieme. A Mons, 1691. in 4.*

*Discours Politiques de Machiavel sur La I. Decade de Tite Live. Traduction nouvelle. A Amsterdam, 1691. in 12.*

*Reflexions Morales de l'Empereur Marc Antonin, avec des Remarques de Mr. & de Mad. Dacier. A Utrecht, 1691. in 12.*

*Les Oeuvres d'Horace, traduites en François, avec des notes & des remarques critiques, par Mr. Dacier. A Paris, 1691. in 12.*

*Defense de l'Histoire des Variations, contre la Réponse de Mr. Basnage, par Messire Jaques Benigne Bossuet, Evêque de Meaux. A Paris, 1691. in 12.*

*Nouveau Voyage d'Italie. A La Haye, 1691. in 12.*

*Suite de l'Innocence opprimée dans les Filles de l'Enfance. A Toulouse, 1691. in 12.*

*Histoire d'Olivier Cromwell. 1691. in 12.*

*Abregé de l'Histoire des Vaudois par P. Boyer. A La Haye, 1691. in 12.*

*Histoire des Albigeois & des Vaudois ou Barbets, par le R. P. Benoist. A Paris 1691. 12.*

*Difficultez proposées à Mr. Steyaert Docteur & Professeur en Theologie de la Faculté de Louvain. A Cologne, 1691. in 12. Parties VI.*

*Lettre d'un Abbé à un Prelat de La Cour de Rome, sur le Decret de l'Inquisition du 7 Dec. 1690 contre 31 propositions. 1691. in 12.*

*G. Vander Muelen in Historiam Pomponii de Origine Juris Exercitationes. Trajecti ad Rhenum, 1691. in 8.*

N. XII.  
ACTA  
ERUDITORUM

549

*publicata Lipsia*

*Calendis Decembris, Anno M DC XCI.*

---

TABELLÆ SELECTÆ AC EXPLICATÆ A  
Carola Catharina Patina, Parisina, Acade-  
mica.

Patavii, ex typographia Seminarii, 16 91. fol. Constat foliis impressis 52,  
figuris æneis 42.

**P**ingendi artem, toti humano generi gratam maxime ac amabilem, nec non necessariam subinde ac utilem esse, apud omnes in confesso est: cuncta quippe seu artis seu naturæ opera oculis obijcit, quantumvis longe sint remota; historiam illustrat servatque ad posteritatem; ritus exponit veteres; aliaque reddit clara quæ oratione exponi nequeunt; memoriam quoque juvat; format mores; corpus & animum vehementer movet; ornat omnia facitque conspectiora; delectationem affert; nominis denique dat immortalitatem. Eximiam hanc artem antiquissimis temporibus, in ipso ejus primordio, admodum rudem & imperfectam extitisse, nec aliud fuisse primam picturam, quam *umbram hominis circumductam lineis*, e Plinio cognoscimus, qui Lib. XXXV Historiæ naturalis cap. 3 & seqq. multa de artis hujus origine, præstantia & cultoribus tradit. Quintilianus *lineas extremas umbræ, quam corpora in Sole fecissent, circumscriptas*, indeque pingendi artem exortam fuisse, Lib. X Inst. orat. cap. 2. affirmat, & Ælianus Lib. X Var. Hist. cap. 10. primos illos artifices adeo rudi atque impolito penicillo animalia expressisse refert, ut necesse habuerint informibus figuris adscribere: *hoc est bos, illud equus, istud arbor*. Secutis autem temporibus præstantium artificum cura (quales memorantur e Græcis Pamphilus, Apelles, Melanthius, Polygnotus, Timagoras, Apollodorus, Zeuxis, Timanthes, Eupompus,

A a a

Parrha-

Parrhasius, Euphranor, Aristides, Protogenes, Nicias, Antimachus, Asclepiodorus, Antiphilus, Theon & alii) ad tantam dignitatem ars hæc evecta est, ut infano pretio tabulæ eorum venditæ fuerint. Ita Mnason, Eleatenſium tyrannus, prælii Perſici imaginem ab Ariſtide conſectam, in qua centum homines exhibebantur, quemvis eorum decem minis, adeoque integram tabulam mille minis, id eſt, Philippeorum decem millibus emiſſe fertur: & Apellis picturam, quæ Alexandrum M. fulmen tenentem in templo Dianæ Ephæſiæ referebat, viginti talentis auri, quæ faciunt Philippeorum millia duodecim, fuiſſe redematam: pro Niciæ quadam tabula Attalum ſexaginta talenta, ſive triginta ſex millia Philippeorum obtuliſſe: Timomachi Ajacem & Medeam talentis octoginta, ſive quadraginta octo millibus Philippiis venditam: Ariſtidis tabulam ab Attalo talentis centum, id eſt, Philippeorum ſexaginta millibus emtam: eandemque ſummam Romanos pro Apellis Venere Anadyomene, tributi nomine ſibi debitam, Cois remiſiſſe: Bularchi pictoris tabulam, in qua erat Magnetum prælium expreſſum, a Candaule rege Lydorum repenſam auro, id eſt, ut Schefferus in Graphice p. 35. explicat, magnitudinem ejus æquatam nummis aureis, ac tot nummos datos, quibus tota contegi poſſet tabula: Apellis, Echionis, Melanthis, Nicomachi tabulas ſingulas *oppidorum opibus* veniſſe, e Plinio diſcimus. Collapſam tamen eſſe hanc artis excellentiam, ipſosque artiſtes defeciſſe, cum luxui deditæ gentes iſtam aſpernarentur, notat Petronius, *inter pulcherrimas artes picturam ne minimum quidem ſui veſtigium reliquiſſe* queſtus. Verum ſuperiori ſeculo renatam pingendi hanc artem dicere poſſumus, exortis tot eximiis artiſtibus, Michaelæ Angelo Bonarotto, Raphaelæ Urbinate, Alb. Durero, Titiano Vecellio Cadorino, & nonnullis aliis, qui veteres longo poſt ſe intervallo reliquiſſe exiſtimandi ſunt. Extat de iis inſignis liber *Georgii Vaſari* Pictoris Aretini, Italica lingua ſcriptus & Bologniæ 1681 excuſus, in quo artis pictoriæ, ſculptoriæ & ſtatuariæ præſtantiſſimi magiſtri, qui ſuperiori ævo floruerunt, recensentur, eorumque vitæ & præcipua opera enarrantur.

Ab his artiſtibus proſectorum excellentium operum, in Italia, præſertim Patavii, extantium notitiam ut exteri adipiſcerentur, eruditosque oculos (quos Cicero vocat, in tabulas hujusmodi cum ratione deſixos) iis paſcerent, & artis præſtantiam recte intelligerent; celeberr-

leberrimi Antiquarii & Medici Patavini *Caroli Patini* omnibus artibus egregiis exulta filia, formæ & eruditionis laude præstantissima virgo, *Carola Catharina*, Academicis Patavinis ob doctrinæ raram in hoc sexu excellentiam adscripta, allaboravit: camque ob causam selectas rariores sibi observatas Titiani Vecellii Cadorini *decem*, Leonh. Vincii *unam*, Pauli Calliarii Veronensis *undecim*, Caroli Calliarii *unam*, Alex. Varotarii *unam*, Andr. Vicentini *unam*, Jac. Robusti Tintoretti *unam*, Jacobi a Ponte Bassani *unam*, Hannibalis Caraccii *tres*, Lud. Caracci *unam*, Dom. Contareni *duas*, Nic. Pussini *unam*, Fr. Barbieri five Quercini *unam*, Jo. Holbenii *unam*, a Natale Jouveneto depictam *unam*, & ab Ant. Polato *unam*, incertorum vero artificum *tres* tabulas æri insculpi fecit, indeque expressas conspectui nostro subjecit, famam, quam perennem sibi excellentissimi artifices monumentis istis pepererunt, studio isthoc suo communem cum iis adepta. Omnes hæ tabulæ cum vel sacrum, vel pietati honestatque conveniens argumentum exhibeant; (nam lasciviorum, etsi artificiosissimarum picturarum nullam rationem habuit, ingenuos iis corrumpi ocellos & nequitie reddi participes a castissimo poeta Propertio edocta) unamquamque earum Dissertatione cuivis iconismo subjecta illustrare, & e sacris literis depromtas imagines verborum elegantia venustiores reddere, e Martyrum historiis aut Sanctorum vitis petitas ubertate sermonis explicare, e Gentilium monumentis acceptas vel priscorum Historicorum sententiis vel proprii sermonis cultu dilucidiores reddere sategit; verborum suorum elegantia pulchritudinem iconum æmulata, & orationem ex penicillo pictorum præstantissimorum (ut *p. 106.* loquitur) prodeuntem styli sui venustate tantum non supergressa. E sacris literis depromtas primo, utpote digniore, loco collocavit imagines; e quibus ad Vetus Testamentum ex spectant, quæ Mosem Nili aquis expositum, indeque a Pharaonis filia protractum & servatum *p. 11.* Salomonis de duabus fœminis super infante demortuo altercantibus e tribunali latam sententiam *p. 13.* Angelum Tobie viam & rationem sanandorum oculorum monstrantem *p. 16.* sistunt: e Novo Testamento accersitæ sunt Johannis Baptistæ *p. 20.* Nativitatis Christi *p. 24.* Matris Virginis cum filiolo ludentis *p. 28.* eundemque in templo Hierosolymitano Deo offerentis *p. 36.* & cum eo ac Josepho in Ægyptum fugientis *p. 42.* Christi in nuptus Cananæis miraculum aquæ in vinum

num conversæ edentis *p. 50. & 56.* in domo Simonis leprosi discumbentis *p. 64.* Magdalenzæ ad pedes Christi procumbentis eosque lacrymis rigantis *p. 72.* adulteræ a Christo criminis absolutæ *p. 76.* Pilati in pratorio manus lavantis *p. 80.* Josephi Arimathæensis corpus Christi e cruce detractum sepulcro inferentis *p. 82.* Spiritus Sancti super Apostolos in festo Pentecostes delapsi *p. 84.* Petri in somnio linteum variis animalibus refertum conspicientis *p. 88.* imagines. Sanctorum historiis & Martyrum gestis accensendæ sunt icones, quæ referunt Crucem ab Angelis in cœlum deportatam *p. 82.* assumptionem Divæ Virginis in cœlum *p. 90.* Justinam virginem a Maximino, qui pudicitiam ejus frustra sollicitaverat, confossam *p. 94.* Sebastianum coram Diocletiani tribunali causam orantem, ab eo postea plagis cunctum *p. 100.* Guilielmum Aquitaniz Regem a D. Bernardo anachoreticam vestem accipientem & induentem *p. 102.* Antonium Patavinum castitatem foemina nobilis Ferrariensis adversus zelotypiam mariti tuentem *p. 104.* eundem cujusdam viri abscissum pedem tibiz jungentem & sanantem *p. 108.* & graviter sauciatam a marito ira accenso foeminam miraculose curantem *p. 112.* patrem etiam suum Martinum Bullionium homicidii inculatum & damnatum a morte liberantem *p. 116.* demortui usurarii cor in cista nummaria Antonio indice repertum *p. 122.* ejusdem doctrinæ veritatem miraculo vitrei scyphi, ab Aleardino milite in pavementum lapideum projecti neque contracti, assertam *p. 126.* reliquiarum ejus d. 13. Jun. 1231, anno ætatis sexto & trigésimo demortui d. 15. Febr. A. 1330 translationem *p. 132.* D. Hiacyntum & D. Dominicum Divæ Virgini supplices *p. 136.* Petrum martyrem a Matichæis interfectum, cum Mediolano Comum redire vellet *p. 140.* E profana historia & fabularum scriptoribus accepere pictores eas imagines quæ oculis subjiciunt Bacchum e curru ad Ariadnem defilientem, multis Silenis Nymphisque stipatum *p. 154.* Paridem venustissimæ Dearum pomum porrigentem *p. 162.* Alexandrum Darii matrem uxorem & liberos benigne excipientem *p. 170.* Antiochum perditæ novercam Stratonicem amantem, eamque a patre suo Seleuco Nicanore obtinentem *p. 174.* Exhibetur etiam tabella Concilii Tridentini A. 1545 Idibus Decembr. cœpti, pridie Nonas Novembr. 1562 absoluti confessum repræsentans *p. 146.* cui doctissima Virgo brevem subjecit historiam & Oratorum a Regibus & Principibus eo missorum enumerationem



rationem *p. 149.* causamque, cur Regis Hispaniarum Orator Claud. Fern. Quignonius singulari loco seorsim solus sederit, exposuit *p. 150.* Alia Viennam a Turcis A. 1683 gravi obsidione cinctam, liberatamque fortitudine Poloniae Regis, Saxoniae & Bavariae Electorum, aliorumque Imperii Principum *p. 180.* refert: cui eloquentiae etiam laude praestantissima Virgo orationem suam hujus argumenti, Imperatori Leopoldo dicatam, isthoc anno prid. Cal. Nov. Patavii recitatam, annexuit. Familias quoque nonnullas exprimentes spectandae proponuntur tabulae; qualis *p. 32.* a Titiano picta, nobilem apud Venetos Pisaurorum familiam ad pedes & aram B. Virginis filiolum gestantis prostratam exprimens, in aedibus Fratrum Franciscanorum Venetiis extans; ista item quae a Jo. Holbenio delineata Thomae Mori gentem adumbratam refert *p. 191.* inque Basileensi Academia asservatur; ac tandem familiae suae decora exhibens *p. 200.* proponitur tabella, in qua spectandus sistitur Carolus Patinus sedens, illiusque humero innixa Coniux, avi Guidonis effigiem digito veluti monstrans filiabus, quarum major natu Gabrielis altera manu librum gestat, minor Carola Catharina patri adstans sphaeram tenet, doctrinae ac omnis generis studii indicia. Testis istius eruditionis idoneus hoc ipsum volumen est, cuius elegantias exposuimus, quas ipsa in annexa cuius tabulae Dissertatione prolixius explicat; non solum praestantiam artis in quavis commendans & accurate exponens, verum etiam vitia & lapsus artificum, interdum a vero aberrantium, dum nimium penicillo luxuriant, ingeniose notat. Id cum primis reprehendit, quod ad artis magis ostentationem, quam rei veritatem exprimentam multa confinxerint, & magna pompae varietate imagines exornarint, quae rebus tamen, quas exhibent spectandas, minus conveniat: ita nuptiis Cananaeis; quibus Christus temperantiae magister cum matre interfuit, a tenuis etiam fortunae hominibus apparatus, minus convenire putat tantam magnificentiam, tot dapes, tam augustam domum, regias porticus, pretiosas gemmas, ministrantium tantam turbam, ludionumque & musicorum concentuum apparatus, praesertim autem fastigiis columnarum imposita Gentilium simulacra, quae Alex. Varotarius & Andr. Vicentinus penicillo expressit *p. 52. 57. 58.* vel columnas, arcus, peristylia & statuas aedificiorumque maiestatem, qua Simonis leprosi aedes Paulus Calliarius Veronensis ad suae artis ostentationem exornavit *p. 65. 66. 74.* Monu-

menti autem marmorei, e quo Beata Virgo in cœlos assumpta confingitur, figuris, symbolis ac emblematicis exornati splendorem, paupertati ejus parum consentaneum *p. 92.* excusat, & Hannibalis Caraccii peritiam eximie commendat, id agentis ut insignis triumphus hujus pompam magnificum sepulcrum æquaret: *Quis enim est, subijcit, e pictorum numero, vel ex iis qui artis fama inter ceteros eminent, qui in suis operibus nonnulla rerum sincere veritati adversantia non adjiciat? Usu jam comprobatum est, ut si quadam ad veritatem picta paululum ab operis perfecta venustate deficiant, artificum figmenta jam ante concessa ornatu adsititio lacunam impleant.* In Pullini tamen tabula militem, coram Salomonis tribunali infantem dissecturum, Romano verius quam Hebræorum more armatum *p. 16.* & in Pauli Calliarii Veronensis icone Sebastianum coram Diocletiano stantem, vestimenta Imperatori magis quam martyri apta gerentem *p. 102.* Egyptiorum etiam Hebræorumque tecta acuminata, quæ plana pingi par fuerat, *p. 14. & 90.* notat. Anachronismos quoque & *ἀνιστορίας* subinde occurrere in præstantissimorum pictorum imaginibus, recte observat: ita Hieronymum, seculi quarti Doctorem, Christi præsepio accumbentem, vestitum Cardinalium, qui tamen multis post ipsum seculis ab Innocentio IV. A. 1244 fuerunt constituti, prolixam etiam barbaram gerentem, contra quas toties declamaverat, minus recte repræsentatum *p. 26.* monet; diversorum etiam seculorum homines eadem in tabula, una veluti in scena, simul produci minus apposite *p. 33. 83. 84.* ait; & *p. 114.* frequentissimum a pictoribus errorem committi annotat, quod Græcorum Romanorumve prælia fumo e tormentis bellicis prodeunte exornent; quæ tamen nonnisi post viginti secula, invento pyrii pulveris usu, adhibita fuerint. Vestem etiam Paridis in Veronensis Pauli effigie Phrygium potius quam Italum in habitum compositam mallet *p. 163.* Enimvero, ait, qui hominum communis error est, ut peregrina, quæ nunquam sensibus perceperunt, eadem sub familiarium sibi ac domesticorum conceptu imaginationi sistant, etiam pictores hætenus nondum deseruisse videmus. Ineptiam eorum hic notare liceat, qui Græcos Romanosve Gallicis aut alienis vestibus induunt: id enim observare sæpe mihi contigit a præstantissimis pictoribus erratum. Ut taceam de ineptis illis seu pictoribus seu poetis, Christiana sacra Ethnicis fabulis accommodantibus, Hymenæum Junonem-

que

que nuptiis Jacob & Rachel advocantibus, Mercurium Tobie praeicientibus, Jovemque tonantem cum Mose verba facientem. An decent talia? nonne absconsa? cachinnos certe Democritis movent, verius Heraclitis luctum.

Paret hinc, in pictore non artem modo requiri effigiandi belle quæ animo concepta sunt, verum etiam acre judicium in constituentibus omnibus ad argumentum quod exequi proposuit sibi facientibus, eoque idoneis nec alienis & vero minus consentaneis accessionibus exornando. Nec minori judicio aut ingenio opus est ei, qui vim artis assequi, quidque ei conveniat, quid dissentaneum sit, arbitrari deque tabulis pictis sententiam dicere velit. Hic enim quam maxime illud Quintiliani Lib. IX Inst. Orat. cap. 4. valet: *docti rationem artis intelligunt: indocti, voluptatem*; & apposite pictor quidam apud Plutarch. tom. 2. f. 575. sub init. lib. de Genio Socratis dixit, εὐκρίναι τῆς μὲν ἰδιώτας καὶ ἀτέχνους θεατὰς ὅχλον ὁμῶς πολὺν ἀσπαζομένους, τῶς δὲ κομψῶς καὶ φιλοτέχνους, καθ' ἑκάστον ἰδίᾳ τῶν ἐντυγχανόντων προσαγορεύουσι· τοῖς μὲν γὰρ ἕκ ἀκρεβῆς ἀλλὰ τύπῳ πῶς γίνεται μόνον ἢ τῶν ἀποτελεσμάτων συνοψίς· τῶς δὲ τῇ κρείττει μετὰ μέρος τὸ ἔργον διαλαμβάνοντας, ὧδὲν ἀξίωτον ὧδὲ ἀπροσφώνητον ἐκφεύγει τῶν καλῶν, ἢ τῶναντίον γενομένων. Tali judicio valere ingeniosam doctamq; Virginem, Patinam, nec animum saltem omni scientiarum genere excultum, verum etiam *oculos eruditos* habere, ut Cicero parad. 5. loquitur, vel τεχνικὰ ὄμματα, ut Ælianus Lib. XIV Var. Hist. cap. 47. eos appellat, qui non superficialiter picturas tuentur, sed ad artis regulam examinatas accurate dijudicant, volumen hoc, cujus elegantiam exosculamur, demonstrat.

## SFERA ASTRONOMICA DEL PADRE BONA- ventura Cavalieri.

hoc est,

### Sphæra Astronomica Patris Bonaventuræ Cavalieri &c.

Romæ, apud Ant. Manari, 1690, in 12. Constat plagulis 15.

**P**ostumus hic Autoris celeberrimi fœtus iterato nunc prodit opera Domini *Urbani D' Aviso* Romani, qui eundem philosophicis quibus-

quibusdam disquisitionibus, praxibus & problematis astronomicis, ac tractatu de erectione thematis cœlestis juxta viam rationalem, non parum locupletavit. Ipse quidem *Cavalerii* labor commodo videtur susceptus tyronum Astronomiæ; compendio enim complectitur doctrinam sphericam, additis paucis, Planetarum theoricam, Cometas & Stellæ novas attinentibus, de quibus plura profari impertinens fuerit. Clarissimo vero *Editori* nobiscum una orbis eruditus non exiguas debet gratias, quod tanti mathematici vitam, de qua non nisi pauca nobis in *Chronico* suo *Astronomorum*, *Tomo primo Almagesti* insinuavit *Ricciolus*, studiosius descriptam in limine libelli hujus voluerit exhibere. Nec ingratam Lectoribus nostris, præcipue Cisalpinis, quibus scilicet libelli copia rarius contingit, rem facturos nos confidimus, si ipsam hanc narrationem, quantum licebit contractam, hic inferamus.

Editus est in hanc lucem *Bonaventura Cavalerius* Mediolani, anno proximi seculi nonagesimo octavo, honoratis prognatus parentibus: quorum cura, præter cæteras vires, ad pietatem sedulo formatus, eandem studiis, quibus in tenera ætate imbutus est, perpetuo conjunxit. Latine autem linguæ addiscendæ causa scholæ traditus, summa mox ingenii vim in rhetoricis & maxime poeticis exercitationibus prodidit, quam ad alia deinceps studia præclare, multoque cum applausu, applicuit. Cumque paternæ ædes vicinum haberent Collegium Patrum Jesuatorum, S. Hieronymo sacrum: eorum non tantum frequenti consuetudine delectatus *Cavalerius*, sed & exemplis incitatus, prensare Ordinem hunc instituit; votique sui ob singulares, quæ ipsum ornabant, animi virtutes damnatus, novitiatus, ut vocant, annum cum laude exegit. Pronissimo deinde totius Conventus assensu religionem professus: eo cum successu philosophicis theologicisque se dedit studiis, ut postquam sacerdotio inauguratus esset, Pisas amandandum duxerint Superiores, in illustri scilicet illius civitatis Academia opportunitatem præbituri uberiores, insignes quas ostentabat ingenii dotes in publicum proferendi. Non perinde lætum *Cavalerio* fuit hoc imperium, patriæ Lombardiæ cum Tuscia permutationem haud leviter averfanti. Commodum autem tum temporis in eodem (S. Hieronymi) Conventu Pisis commorabatur P. *Benedictus Castellus*, Ordinis S. Benedicti, & in Academia Pisana Professor publicus: qui

animad-

animadversa *Cavalerii* ægritudine eundem blande consolatus, persuasionibus suis ab eo non difficulter obtinuit, ut se hodego mathematicis animum adjungeret studiis: non vulgaria enim ab ingenio tam acri vividoque in hoc doctrinæ genere sibi pollicebatur. Nec mora, eo mox effectu Elementa *Euclidea* adorsus est, ut in stuporem conjectus *Castellus*, Deo gratias debere *Cavalerio* pronunciaret, qui ingrata hac mutatione eidem viam comparandæ immortalī famæ stravisset. Paucissimis enim diebus sex priora Elementa *Euclidis* proprio Marte pervolverat; adjutus postea a *Castello* cætera brevissimo tempore absolvit. *Archimede* dein, *Pappo*, *Apollonio* aliisque autoribus consultis, ita super iis cum magistro suo contulit, ut is *Galileo*, qui mathesin eo tempore Pisis profitebatur, miraculi instar memoraverit, tam vasti hominem ingenii repertum, qui tantillo tempore eos in mathesi profectus facere potuerit, qui non nisi magnum promitterent mathematicum. Captus hoc augurio *Galileus*, tenerrimo affectu complexus est *Cavalerium*, charissimumque deinde habuit suorum discipulorum: nec veritus est in suis *de Motu locali dialogis*, cum jam *Geometriam* suam *Indivisibilem* publicasset *Cavalerius*, eidem huic palmam prælagio decernere inter ingenia seculi nostri excellentissima. Pisis mandato suorum postea Parmam in Conventum S. Benedicti concessit *Cavalerius*, ubi tractatum scripsit de *Sectionibus conicis*, & septem libros *Geometriæ Indivisibilium*. Cum autem A. 1629 e vita excessisset *Jo. Antonius Maginus*, primarius mathematicum Lector in Academia Bononiensi, obtinendæ ejus cathedræ, dictos tractatus in manus tradidit *Cæsaris Marfilii* amici sui Bononiensis, qui eosdem mathematicis memoratæ Universitatis, *Ovidio Montalbano*, *Carolo Antonio Mancino*, & *Antonio Maria Bonafonio* aliisque communicavit. Hi, deprehensa profunditate ingenii *Cavaleriani*, rem detulere illustrissimis viris, *Octaviano Zambeccario*, *Achilli Volta Consalonero*, aliisque Senatorii ordinis, quorum commendatione & patrocinio optatam spartam mense Novembri anni 1629 consecutus est.

Anno 1632 typis commisit *Tractatum de Sectionibus conicis*, sub titulo *Speculi Ustorii*; in quo scitissima ratione multas harum sectionum proprietates demonstravit, aliis non observatas: & *Directorium Uranometricum*, in gratiam Trigonometriæ, tam planæ quam sphericæ, beneficio Logarithmorum perficiendæ; adjunctis Tabulis Geo-

Bbb b

metricis

metricis & Logarithmicis, regulisque resolutioni quorumcunque problematum Geographicorum necessariis. Triennio abhinc, A. 1635 *Geometriam* edidit *Indivisibilem*, quo opere parem consecutus est famam cum principibus mathematicorum, quos aut lapsa tulerunt secula, aut postera unquam sunt latura. Prodiere paulo post ejus publicationem *Centrobaryca Pauli Guldini*, Societatis Jesu Presbyteri, in quibus cum præter alia in methodum *Indivisibilem* directa, inventionem ejus *Sovero* & *Keplero* deberi, *Cavalerio* objecisset: Noster defensionem suæ tractatum adornavit in forma dialogi, in quo & a plagio intentato se vindicavit (*ediderat enim suam de curvi & recti Proportionem promotam opus Bartholomæus Soverus anno demum 1630; cum Geometriam Indivisibilem ipse jam anno 1629 censuræ subdidisset mathematicorum Bononiensium*) & cæteris objectionibus respondit. Apologiam hanc, antequam formas subiret typographicas, cum ostendisset *Joanni Antonio Rocca*, celebri mathematico & amico suo conjunctissimo, qui tum forte Mutina Bononiam concesserat, & in Collegio, in quo degebat *Cavalarius*, hospitabatur; hic vero a contentione alienior editionem dissuaderet, quod *Guldino* disceptationem urgente, se molestiæ recipiendarum pluries responsionum implicaturus esset *Cavalarius*: destitit hic a proposito, curamque potiore habuit dilucidandæ suæ methodi, cujus eximium postea specimen præbuere *Exercitationes Geometricæ*. Hoc tamen laboris & studii aliæ identidem interrompere operæ: *Compendii regularum de Triangulis, per viam Logarithmorum*, A. 1638; *Novæ practica astrologica*, & centuriæ variorum problematum A. 1639; *Trigonometriæ planæ sphaericaeque, linearis & Logarithmicæ*, A. 1643 publicatorum. Urgentibus deinde plurimis auditorum suorum, quos genethliacæ addiscendæ cupido tenebat, Tractatum, quem *Rotam Planetariam* inscripsit, sub nomine *Sylvii Philomantii*, forte quod Genethliacæ, cui infensior erat, nomine suo pretium aliquod conciliare fastidiret, A. 1646 edidit: in quo beneficio planisphaerii, & quorundam circulorum a *Lansbergio* inventorum, & secundum regulas libri hujus dispositorum, facies cœli in plano, ad quodcunque datum punctum describitur.

Tandem A. 1647, qui supremus *Cavalerio* fuit, *Exercitationes Geometricas*, supra memoratas, in quibus methodum suam *Indivisibilem*

lium luculentissime exponit, earundemque tertia *Guldiniana* speciatim objecta diluit, publici juris fecit, eoq; perfecto vivere simul desiit; tanquam nobilissimus ingēnii partus non leviori pretio, quam auctoris sui vita, publico redimendus fuerit. Morbus enim articularis, qui toto vitæ tempore *Cavalerium* exercuit, atq; ita excruciauit, ut nec pedū nec manuum (nisi quod ægre digitos regendo calamo scriptorio in potestate habuit) officio uteretur, occupatis denique gula & pectore, eundem ad tumbam deduxit. Transiit ad alteram vitam *Bononia*, ex *Cænobio S. Marie de Mascarella*, cujus perpetuus Prior erat, beneficio Brevis Apostolici, ab *Urbano VIII*, intercedente Cardinali *Julio Sacchetto*, cum Legatum Sedis Romanæ *Bononiae* ageret, impetrati, ut quiete sua tranquille frueretur, nec alieno subesset arbitratui. Mortuus est Calendis Decembribus, anno ætatis quadragesimo nono. Statura fuit mediocri, animi magni, a bonis literis ornatus, conversationis suavissimæ, amatus æstimatusque omnibus, maxime Mathematicis sui temporis: e quibus (ut cætera celebrium mathematicorum testimonia, Editori præsentis tractatus recensa, taceamus) vel solum hic commemorasse sufficiat *Evangelistam Torricellium*, *Cavalerii* condiscipulum, cui tanti *Cavaleriana* methodus fuit, ut sub finem *Introductionis* suæ ad dimensionem *Parabole*, eam ejusque autorem insigni hoc elogio exornare non dubitaverit: *Hæc est in mathematicis spinetis via vere regia, quam primus omnium aperuit, & ad publicum bonum complanavit, mirabilium inventorum machinator Cavalerius*. Quæstionibus & problematibus, undecunque ipsi propositis, liberali indefessaque opera nunquā non satisfecit. Nec privatorum solum studiis cultus, sed Principum etiam amicitia inclaruit *Cavalerius*; *Magno Duci Hætrurviæ Ferdinando II* eo in pretio habitus, ut propria lectica Florentiam ad se delatum aliquandiu familiariter secum habuerit. Ex discipulis, quorum plurimos reliquit, præcipue nominandi nobis veniunt *Stephanus de Angelis* Venetus, & *Petrus Mengolus* Bononiensis: uterque post mathematicum Professor, ille in Patavina, hic in Bononiensi Academia; uterque scriptis mathematicis editis celebres,

*Cæterum & hoc visum est indicare, quod alias a Ricciolo, & ipso Cavalerii amicissimo, accepimus: eundem, qui nostro æmortalis fuit, annum & Torricellio & Vincentio Reinerio (tribus adeo eximiis Galilæi alumnis) intra duos menses fatalem extitisse.*

*APOLOGIA PRO PATRIBUS JESUITIS BEL-  
gis, præsertim Professoribus S. Theol. Lovaniensibus;  
de Hæresi postulatis in materia de Peccato Philosophico, ad-  
versus Jycophantam Gallum, Janseniani venenifatorem,  
auctore Joanne Segers P. P. Societatis nu-  
per Auditore.*

Coloniæ, typis Arnoldi ab Egmond, 1690, in 4.

Constat plagulis dimid. 43.

**N**Ovæ Hæreseos a Jesuitis in Theologia morali, de peccati Philoso-  
phici & Theologici discrimine, traditæ ac propugnatæ Denunciati-  
ones quinq; retulere Acta Eruditorum; primam *A. 1689 mense Decembri*  
*pag. 620*, alteram *A. 1690 mense Julio pag. 319*, tertiam *mense Octobri*  
*pag. 502*, quartam *A. 1691 mense Martio pag. 104*, & quintam *mense Aprili*  
*pag. 183*. Nunc, cum scriptum occurrit pro Jesuitis ab ipsorum discipulo,  
adversus Arnaldum Denunciationum auctorem, quod non obscure pas-  
sim in contextu indicatur compositum; nos & illud merito exhibemus,  
atque argumenta ejus Lectori candide communicamus. In præfatione  
narrat, litem omnem a Jansenistis malitiose motam esse, utpote qui in-  
fensilissimi Jesuitarum hostes omnem capient occasionem se ulciscendi,  
quod Societatis Patres prius Jansenium aggressi sint, atque ejus hæresin  
cum Calviniana eandem esse demonstrantes effecerint, ut communi-  
bus Ecclesiæ suffragiis illius errores damnarentur. Disputationem  
ipsam in duas quasi partes dispescit, quarum priore doctrinam Jesuita-  
rum exhibet, in altera sistit adversarium ingentes de nihilo, ut ait,  
excitantem tragedias.

Capite primo præmittit, peccatum dupliciter considerari, uno  
modo, quatenus formalem Dei offensam continet, altero modo, qua-  
tenus cum ratione pugnat: priori consideratione appellari Theolo-  
gicum, posteriori Philosophicum; & ita etiam in Thoma reperiri. Et  
Theologicum quidem peccatum mereri sempiternas pœnas, quod ma-  
litiâ complectatur quodammodo infinitam, non solum Jesuitas, sed  
etiam alios Theologos statuere: at de pœna peccati Philosophici discre-  
pare Jesuitas, dum alii existiment, neque damni pœnam, neque sensus  
mereri sempiternam, nec expelli per hujusmodi peccatum gratiam san-  
ctifican-



ctificantem; alii contendunt gratiam sanctificantem expelli, contrahi poenam damni, non tamen sensus æternam. Quæ sententia posterior Auctori Apologia perplacet. Neminem autem ait Jesuitarum asserere, peccatum dari philosophicum a theologico reipsa separatum, sed quicquid de peccato mere philosophico tradiderunt, dictum esse ab iis ex hypothesis, si detur, si dari possit peccatum mere philosophicum. Quare adversarium sycophantice propositionem hypotheticam detorquere ad absolutam, & absurda inde elicere. Etenim Jesuitas adeo non existimare, pure philosophicum peccatum reipsa dari, ut plerique contendant, dari non posse, propter notitiam Dei in hominibus naturalem. Atque ejus doctrinæ non Jesuitas primos & solos auctores esse, *cap. 2.* ostendit, sed prævisse ipsis Thomam 2a. 2æ. q. 29. a. 3. diserte pronunciantem: *Si posset esse conversio ad bonum commutabile, sine aversione a Deo, quantumvis esset inordinata, non esset peccatum mortale.* Et Gerfonem lect. 4. corol. 1. dicentem: *Nulla transgressio legis naturalis aut humane, ut naturalis est vel humana, est de facto peccatum mortale.* Conspirare recentiores Thomistas, inter Gallos Joannem Baptistam Gonetum, inter Hispanos Vincentium Ferre & Dominicum de Navarette, inter Belgas Martinum Harnæum. Consentire in schola Franciscana Belgica, Guilielmum Herinx, & in Carmelitana Franciscum Bonæ Spei; adstipulari Joannem Alphonsum Curielem Canonicum Salmanticensem, aliosq; Theologos quamplurimos. *Cap. 3.* detegere suscipit calliditatem, quam vocat, versutiam, fraudulentiam adversarii in accusando tum Professore Divionensi, tum Professore Lovanienensi, veluti thesicos Divionensis patrono. Thesis Divionensis, quæ occasionem præbuit liti, his verbis proposita fuit: *Peccatum Philosophicum seu morale est actus humanus disconveniens naturæ rationali, & rectæ rationi. Theologicum vero mortale est transgressio libera legis Divinæ. Philosophicum, quantumvis grave, in illo, qui Deum vel ignorat, vel de Deo actu non cogitat, est grave peccatum; sed non est offensa Dei, neque peccatum mortale dissolvens amicitiam Dei, neque æterna pœna dignum.* Quam crudam & imprudenter prolata thesin Noster approbare non vult, propter absurdissima consectaria, quæ ex ea deducuntur. Sed benignum, qui accesserit, interpretem, juxta mentem universæ Jesuitarum Societatis in hunc modum expressurum esse: *Peccatum philosophicum, quantumvis grave, in illo, qui DEUM vel ignorat INVICTE, vel de Deo actu non cogitat, NE QUIDEM TE-*

NULI ET REMISSO, *est grave peccatum, sed non est offensa Dei &c.* Atque hoc sensu thesin a cavillatore potuisse & debuisse accipi, quod manuscripta Professoris Divionensis haberet, in quibus conclusiones & fundamenta suæ sententiæ exposuerat. Professor Lovaniensis, Josephus de Reux, thesin scripserat: *Fieri potest, ut ab homine ordinariis tantum divine gratiæ auxiliis prevento, existentia Dei ignoretur tantisper inculpate.* Omisisse adversarium, cum citaret mala fide, vocē *tantisper*, atque ob falsationem correptum respondisse, id a se factum fuisse per incogitantiam. Quæ omnino frivola sit, & indigna Disputatore accurato & circumspecto exceptio. Aliam criminationem esse adversarii dicentis, Jesuitas in doctrina de peccato philosophico eundem sibi scopum præfixisse, quem Michael Molinos princeps Quietistarum intenderit, nimirum latam peccandi licentiæ viam aperire. Cap. 4. defendit Jesuitas Belgas, præsertim Lovanienses, quibus eandem hæresin, quam thesos Divionensi auctori adversarius affinxerit & imputaverit. Cap. 5. expendit ac frangere nititur machinas, quibus per vim & fraudem Belgarum doctrinam detorqueat ad sensum Divionensi a se affectum. *Machina prima: ad peccatum sufficit sola voluntas facti, nulla prorsus opus est notitia malitiæ.* Hanc evertit ostendendo refragari Philosophis & Theologis, exceptis Jansenistis. *Alterâ machina: stultum dictum est, Tiberios, Cæsar, Neron, Helio-gabalos nulla perpetrasse scelera, nisi cum actuali aut habituali Dei notitia.* Noster eam invertit, dicens, stultum esse inficiari a Tiberio &c. & ejusmodi monstros peccata commissa esse vere theologica, testantibus tam diserte historiis, eos hominum nequissimos & conscientiæ stimulis, & Numinis metu, fuisse velut de mente dejectos. Immo quod plus est, illos eosdem non Dei solum notitiam assecutos esse asseverat, verum & Christum sua culpa ignorasse. *Machina tertiâ: non solos Americanos, sed Romanos etiam atque Græcos gentiles, auxiliis tam humanis quam divinis ad assequendam Dei notitiam necessariis sine sua personali culpa fuisse destitutos:* unde infertur, inter illos innumeros peccasse mere philosophice, atque adeo sempiternas poenas & immanissima supplicia non fuisse meritos. Negat vero Noster antecedens, probans auxilia vel humana, vel divina, ne barbaris quidem defuisse. Id quod in sequentibus latius deducit. Nam cap. 6. monstrat, adversarium in suo de Gentilibus omni ope tum humana tum divina

divina citra suam culpam destitutis paradoxo, bellum Philosophis, Patribus, Sacris Literis, Theologis omnibus indicare, qui multa de notitia Dei naturali in Gentilibus tradant. *Cap. 7.* novum bellum indicat altera parte assertionis, qua Americanos, Romanos, Græcos, nulla sua culpa toto vitæ tempore cœlestibus gratiæ auxiliis destitutos fuisse perhibuit, excitari tum S. Literis, pronam Dei in omnes homines voluntatem prædicantibus, & mortem Christi pro omnibus & singulis hominibus obitam adstruentibus, tum Patribus & Theologis, qui eadem de amore Dei ac morte Christi diligenter iæculcent, & gratias in omnes homines illarum capaces exinde derivent. Caput ultimum consecraria educit ex sententia adversarii, de subtracta Romanis, Græcis, Americanis gratia, nulla prævia eorum personali culpa toto vitæ tempore, qua potuerint ad Dei notitiam pervenire, sponte fluentia. Nimirum ea doctrina fidem debilitari, spem infringi, charitatem in Deum & Jesum Christum eliminari, charitatem in proximum extenuari, virtutum omnium studium & curam religionis extinguere, morum honestati certam stragem inferri, Deum auctorem statui præceptorum servatu impossibilem, Deum tanquam tyrannum induci.

In Epilogo Apologiæ suadet adversario, ut Jansenio ex animo valedicat, Jesuitas alios, quam visi hæcenus ipsi sint, experturo. In fine tandem protestatur, cum audiverit Theses Divionenses de peccato Philosophico & Theologico esse proscriptas Romæ, se eas isto sensu recipere nolle, aut defendere, quo damnatæ sunt. Se enim Jesuitarum esse discipulum, cui alte impressum sit, summam deberi Sedis Apostolicæ, & S. Congregationis statutis ac decretis, reverentiam & obsequium.

**Christian Weisens Curiose Gedancken von deutschen Versen x.**

*CHRISTIANI VVEISII MEDITATIONES Curiosa super Poesin Germanicam, ut sciat studiosa Juventus bonos versus dignoscere, eosdem componere & modum denique in studiorum hoc genere retinere.*

Lipsiæ, apud Jo. Friedericum Gleditschium, 1691, in 8. Plag. 44.  
Nondum

**N**ondum cessat clarissimus Autor præclaris ingenii monumentis studiosæ Juventuti ad familiariorem cum Musis politionibus consuetudinē aditum patefacere. Et novissimum quidem hoc argumenti est poetici, quo rationem ad carminis Teutonici laudem, quam ipse adeptus dudum est, aspirandi accurate & perspicue docere sustinuit. Tria vero quæ maxime agit. *Primo* enim docet, quæ in re consistat versuū indoles, & quid ad exteriorē eorum faciem requiratur, idque fit in *parte prima*. Tum in superiora redit secula, & discrimen inter veterum & recentiorum Poësin profundius investigat; *denique* & artificia ostendit, quibus ad elaborationem carminis applausum seculi demerituri utendum sit: quæ duo *parte secunda* exequitur, ubique vero præcepta exemplis profana & sacra, læta & tristia exprimentibus, illustrat.

*Prima* pars *quatuor* capitibus absolvitur, quorum *primum* de rhythmis agit. Ubi observat, singularem rhythmis inesse suavitatem, qui exinde etiam plerisque nationibus allubuerint. Etsi enim ab antiquioribus & Græcis & Latinis versuum hoc genus non frequentatum fuerit, repertos tamen esse inter externos pariter & nostros, qui Latinos etiam rhythmos auditu perquam jucundos condiderint; cujus generis specimina Autor ipse, præter alibi vulgata, in fine capitis subjecit. Cum vero nostra lingua multis videatur duriuscula, huc imprimis operam ponendam esse monet, ne ingratiior in rhythmis sonus auribus molestus accidat. Prolixe itaque universam hanc doctrinam expedit; quidque de *Sonnetis* atque *Madrigalibus*, ut vocantur, habendum sit, & numquid non sine rhythmis in nostra etiam lingua versus fieri possint, qualia exempla e Lipsia prodiisse ait, sollicitè disquirat. *Secundum* circa scansionem occupatur, de qua tria præcipue expedit, tum quid circa pedes eorumque varias species tenendum, tum in qua re ipsorum suavis quærenda, tum quomodo connectendi invicem sint; qua occasione de accentu scansionis & pronuntiationis, de epithetis, de pronuntiatione prosaica, de versibus ex meris monosyllabis constantibus, de positione, de apostrophis, de syncope & epenthesi, de dialecto, de vocibus duos accentus sustinentibus, de verbis & nominibus compositis, de cæsura denique proxius disserit. *Tertium caput* circa *constructionem* satagit, quam cum ejusmodi principiis inniti jubeat, quæ viri cæteroquin eximii non æque per omnia observasse videntur, modeste eadem *Verisimilium* in modum tradit, relicta unicuique in sectandis iisdem libertate,

tate, ut fateatur tamen, in ipsa praxi nunquam ab iisdem se fuisse destitutum. Quoad *verba* itaque, ea non a Germanis tantum intelligi, sed usu etiam frequentari vult; non familiari solum sermone, sed etiam panegyrico, quamvis & hic pro norma istum agnoscat. Ergo cum istis facere non vult, qui recens efficitis & nondum usitatis vocabulis singulare aliquod decus fortibus suis conciliare se opinantur, quamvis linguæ nostræ, ad Græcorum imitationem, potestatem isthanc non penitus adimere velit; qua occasione Deorum etiam gentilium nomina, per prosopopœiam licet a quibusdam excusata, a plerisque tamen non intellecta, exesse e carminibus jubet, nisi quorum jam diu nota sunt vocabula, amœnis allusionibus elocutionique inservientia. Non tamen Gallica vocabula plane rejicit, modo excessu ne peccetur. De ipsa *constructione* hanc regulam iterum iterumque inculcat, *nullum tolerandam in versu esse, nisi quæ & valeat in prosa*, ejusque præceptionis fundamentum ex ipsa natura linguæ facile ait patescere. Nam quod siæ linguæ in versibus trajectionibus utantur, id inde esse, quoniam & in soluto sermone pari libertate gaudeant, quod secus fiat in Germanica. Germanis igitur naturali constructionis ordini summa industria inhærendum esse, nisi de orationis gratia multum decedere sibi cupiant. Tria vero impedimenta esse præcipue, quæ in hoc negotio aliquibus obstare videantur, cum alii scansionem aliter non procedere, alii rhythmum perire, alii vero sensum aliter fluere non posse existiment; quæ omnia tamen ingeniosè non minus quam accurate tollit, monstrata ubique ratione, qua evitari incommoda ista aptissime possint: ubi obiter de *imitatione*, quam duplicem facit, adstrictiorem unam & difficiliorem, liberiores & faciliorem alteram, utilissimâ præcepta adjicit. Denique vero quid de *licentia poetica* circa constructionem habendum sit, explicat, ac neq; rhythmî repercussionem, neq; emphasin, neq; parenthesis, (id quod celeberrimo *Morbo* visum erat) regulæ obstare posse, deducit; & an constructio dubia sit, an particulari relativæ saepe prosint, quid constructio ex abrupto sit, manifestum facit. *Quarto capite* in genera carminum inquit, & unde existant, & ut ratione materiæ & ratione usus discriminentur, explicat, suggerens imprimis scitissimum monitum, quo, offerente se conscribendi carminis occasione, quam aptissimum semper genus eligi queat. Hinc *caput quintum* usitatoribus carminum generibus totum impendit

& de Alexandrino, de Elegiis, de Trochaico, de Dactylico, de Odis denique prolixissime differit, & quid singula peculiariter sibi deposcant, quid ea deceat, quid denique in illis liceat, dilucide præcipit. Demum *capite sexto* inusitatiora genera, de quibus hoc loco agere instituit, nullis regulis contineri annotat, & quam multiplex tum ratione syllabarum, tum ratione pedum, tum ratione generum suscipi variatio queat, multis tradit; quamvis & istud addat, licentiam istam non usque adeo vagam esse, ut non elegantissimo semper sensu compensanda sit. In fine disquisitio instituitur, an Latinorum genera carminum in Germanicis etiam procedant; quod equidem non negat Autor, licet vix operæ pretium illum facturum esse fateatur, qui isti rei suam addicere velit operam.

Pars secunda tum de *discrimine veteris & novæ poeseos*, tum de prudenti & facili *imitatione* tractat. Ubi tamen primo omnium de *usu Germanicorum poematum* quædam præmittit, & hic quidem nimis aliquos excedere, omnia carminibus replentes; aliquos vero abjectius quam par erat de elegantissimis literis pronunciare contendit. Ipse *poetas inter & poeseos studiosos* distinguit. *Poetas* olim sapientes fuisse, rerum divinarum & humanarum scientiam versibus includentes; indeque Homerum & Virgilium tantopere olim æstimatos, quod juvenutem de arcanis Deorum, sacrificiis, omnique virtutum apparatu instruerent; nobis vero, quibus verioris de Deo prudentiaque politica cognitionis lux aliunde affulgeat, tanta hodie in veneratione eos jure non esse. Interim a multis seculis *poetæ* titulo eximîa ingenia Imperatores exornasse, nomenque Poetæ hac ratione eruditæ Nobilitati adscriptum. Sed quod alicubi in contemptu sint, in eo quidem ipsos partim extra culpam esse, partim nullatenus excusari posse. Cæterum *poeseos studiosum* artem istam pro mero parergo & veluti instrumento habere, quo in superioribus excolendis studiis utatur. Maxime eam inservire eloquentiæ, & affectibus hominum demulcendis, sive lætitia afficiantur, sive tristitia corripiantur, sive amoris dulcedini indulgeant, accommodatissimam esse. Curiosa vero sunt admodum, quæ *differentiam veteris & novæ poeseos* explicant. Veteres inquit, gentilismo immerfos, parum circa nitorem linguæ conciliandum elaborasse, eruditionis suppellectile destitutos. Postmodum etiam, illato cum religione Christiana in Germaniam scientiarum lumine,

juven-

juventutem Latinæ solum linguæ, Barbaris in super nimis quam defœdatur, notitia imbutam fuisse; neque plus ab istis *Teutonicis Cantionum Magistris* expectari potuisse, indoctis illis & elegantia omnis expertibus. Lætior omnia faciem superiore demum seculo induisse, refflorescentibus solidioribus literis, & *Luthero* nostro præcipuum linguæ patriæ decus asserente, cujus etiam poësin admirabilem sane esse judicat, ut ne nunc quidem in multis ab ullo superatus sit. Secutos ipsum fuisse *Iustum Jonam, Paulum Speratum, Matthesium, Nicolaum Hermannum* aliosque, qui omnes naturæ potius impetum, quam artis regulas sectati fuerint: ut inde ipsorum in carminibus occurrant *emendanda* quædam, ut nempe neglectus ille linguæ; quædam *excusanda*, qualis constructio atque scansio; *admiranda* denique aliqua, & adhuc hodie imitanda, ut perspicua & ponderosa scribendi ratio. Hodiernam vero poësin natales debere *Martino Opitio*, omnis generis doctrina copiose instructo, & Itatorum, Gallorum, maxime Heinsii exemplis excitato: & istum virum jam pervidisse omnia, quæ ad consummatam carminis elegantiam requiruntur; cujus tamen juvenilia a maturioribus sint secernenda, e quibus speciminis in vicem odam ejus omniura optimam, ut vocat, legendam Lectoribus sistit. Hæc nova contendorum carminum ratio cur non amplius exculta progressus ultiores fecerit, equidem varie allegatis rationibus quam plurimis ait disquiri: ut quod nimia a nobis verborum habeatur cura; quod exterorum supersticiosiores sumus imitatores; quod versuum nimia obruamur copia, ut vix bonorum haberi queat delectus; quod Mæcenates denique hodie deficiant Marones gratia foventes & præmiis. Sibi id inde existere videri, quod festinare nimis jubeamur carmina, quæ tamen, ut ex veteribus exemplis patefeat, ad exquisitam elegantiam meditandi spatium inprimis sibi deposcant. Forsitan & eminentiora ingenia holle se minutoribus istis occupare, ad sublimiores disciplinas reique publicæ utiliores se conferentia. Aliam quæstionem esse, num institutis *Societatibus* de lingua ipsa ad aliarum gentium imitationem magis magisque excolenda, consilia agitari debeant, quibus tamen vix successum in Germania polliceri audet; suam interim, quæ unice cœtui ejusmodi peragenda sint, libere expromens sententiam, nec dissimulans, quid ab *illustri Societate Frugifera* jam præstitum, & quid ulterius votis expectandum sit. Ad *imitationem* ait pertinere ante omnia *pra-*

*parationem*, quæ tum exquisitiora realia, ex disciplinis & experientia arcessenda; maxime vero affectuum illam *opum*, ex perfectione similis argumenti poematis, uti & ex profunda rei ipsius atque casus ejusmodi meditatione, nobis obvenientem, quæque nihil aliud quam furor poeticus sit, requirat. Hinc demum de *dispositione* cogitationem suscipiendam esse, quæ vel artificialis sit & nostræ potestatis, vel naturalis atque realis, ab argumento nobis oblata. Quæ circa *operationem* monenda erant, ea prolixo satis professorem inter & auditorem dialogo, scite tamen & prudenter, executus est, non sine jucunditate perlegendo.

De cætero non possumus non duorum adhuc Voluminum, in usum juventutis a clarissimo Autore editorum mentionem brevibus saltem subjicere. Paulo enim ante *Curiosas* etiam de *Epistolis Germanicis Meditationes* luci publicæ exposuit, de quibus dicendi fortasse redibit occasio, cum ultima pars, quam pollicitus est, accesserit. Interim dum in isto absolvendo occupatur, *Tabulas Chronologicas* aliquoties promissas hoc ipso anno e vulgavit, quibus *Rerum publicarum mutationes a nato Christo usque ad nostra tempora* sub unum conspectum revocat, secutus in iis concinnandis *Calvisii* imprimis vestigia, quod certis principibus videret innitendum.

## SUITE DE L' INNOCECE OPPRIME'E dans les Filles de L' Infance.

id est,

Continuatio tractatus de innocentia in Virginibus ab infantia Christi cognominatis oppressa; sive Relatio de condemnatione Caroli Peissonelli Medici Masiliensis, multorumque aliorum variæ conditionis hominum, quos Jesuitæ causæ illi implicuerint. Narratur etiam, quid acciderit Episcopo Vasio-nensi.

Tolosæ, apud Petrum de la Noue, 1691, in 12. Plag. 11.

**H**istoriam casuum, quibus Virgines illæ in Gallia afflictæ fuerunt, in Actis nostris A. 1689, p. 365. enarravimus. Quæ vero nunc idem  
(ut vi-



(ut videtur) autor recenset, & pro sequela rigoris in virgines exerciti habet, maxima ex parte ad alios spectant, quorum, ut hominum parum celebrium, nomina & fata prolixè & singulatim exponere tædiosum foret. Præcipua igitur quædam ex relatione hac afferemus, ex quibus intelligi potest, quam dura sit fors illorum ex Clero Gallicano, aut qui iis adstipulantur vel favent, qui Pontificis gratiam Regiæ præferunt, utque levissima quæque ejus affectus indicia acerrime vindicentur. Exhibetur in fine libelli exemplum sententiæ a judicibus Regiis *Massilie d. 12. Febr. 1689*, post consumtum in inquirendo duorum fere annorum tempus, pronunciata. Condemnati judicio illo sunt viri insignes laici & clerici, his necquicquam privilegium fori opponentibus. Bibliopola Lugdunensis *Laurentius Albinus* (Aubin) qui antea ob tractatum Episcopi Apamiensis *de jure Regaliæ* excusum accusatus, utcunque tamen sese a periculo sibi intentato liberaverat, jam ad annos quinque ad triremes condemnatus est, ob libros pro Pontifice in eadem controversia de *Regalia* scriptos & ex Italia ad ipsum missos, qui cum vinctus ad triremes duceretur, publice exclamavit, se Jesuitarum victimam esse. Medico in titulo libelli nominato, ad annos septem Regno iuterdictum fuit: *Antonio Isoardo*, honesto civi Massiliensi, dispensatori Episcopi Vasionensis, ad annos decem. *Guilielmus Cautelus*, agnatus Apamiensis Episcopi, Præsès mitratus Parlamenti Tolosani, a munere suo ad triennium suspensus fuit. Idem ad certos annos Canonicis & Presbyteris quibusdam injunctum est; multa etiam pro modo facultatum aut culpæ plerisque dictata, & publicæ deprecationis ceremonia imposita. *Cerlius* Vicarius *Apamiensis*, cujus effigiem patibulo suspensam fuisse in Actis A. 1689, p. 267. narravimus, ab his judicibus, profugus adhuc & latitans, ad triremes damnatus est; item *Doratus* Archipresbyter Aqueus Multi alii, bonis in, fiscum redactis, perpetuo exulare jussi sunt, plerique prius squalidis carceribus diu detenti & fame atque frigore pene enecati. Crimen generaliter in sententia notatur, quod contravenerint jussis & declarationibus regiis, de receptione & distractione librorum in regno prohibitorum, & quod varia machinati sint contra officium Regi debitum. Autor tamen calamitatis hujus causam Jesuitis, & inter hos *P. de la Chaise* attribuire non dubitat, tenacibus odii adversus Virgines illas ab *infantia Jesu* cognominatas, quibus plerique ex reis faverant, concepti. Com-

probat id Autor potissimum casu Episcopi *Vasfonensis*. *Vasio* oppidum est *Avenionensis* tractus, Pontificiæ ditionis, Episcopus (*Geneto* nomen est) librum de Theologia morali antehac ediderat, qui contraria sentientibus Jesuitis displicuit: postea vetus odium renovavit, cum quibusdam ex virginibus illis e Gallia fugatis, haud invito Pontifice *Innocentio XI* receptum dedisset; cæterum Gallis vicinis æstimatus ob multas dotes, & ob præstitam, quam Autor celebrat, in convertendis Reformatis operam. Cum vero a regiis ministris sollicitatus, virgines tradere aut expellere nollet, neque hæc sua sponte cedere cuperent, atque jam duo haberent Collegia, Regis jussu, etiam antequam *Avenionensem* ditionem occupasset, d. 29. Sept. A. 1688, Asinus quidam ex ductoribus regiis, cum quatuor turmis dimachorum summo mane *Vasionem* ingressus, œconomum primo Episcopi *Isoardum*, supra nominatum, dein ipsum lecto extractum & durissime habitum, cum presbyteris quibusdam cepit & in oppidum *Nemausum* abduxit, unde postea in insulam *Ream* translatus, & in loco insalubri quindecim mensibus, ademptis omnibus fere vitæ commoditatibus, detentus fuit. Virgines ex *Vasfonensi* diocesi vi abreptæ, in monasteria dispersæ & custodiæ deditæ sunt. Si fides est Autori, plerique ex Clero, qui in has misérias inciderunt, singulari pietatis studio invidiam sibi conciliarunt, dum lectioni Biblicæ præter morem reliquorum diligenter incumberent, tum conciones atque instructiones juventutis & plebejorum, item examina & censuras consentium, ad normam potius sacrarum literarum & ad emendationem sinceram, quam ex receptis ab aliis consuetudinibus susciperent, ab æmulis pro novatoribus & *Quietistis* diffamati. Maxime vero nocuit, quod, ut dictum est, ab institutis Jesuitarum dissentirent, & Episcoporum Canonicorumq; vetera jura & Pontificiam autoritatem contra regia jussa, in materia *Regaliæ* & collationis beneficiorum ecclesiasticorum, tuerentur. Subjuncta est tractatui brevis relatio, de ultimo rigore adversus Virgines captas in monasteriis exercito, & proposita illis formula, qua se ab instituto illo abdicarent, quam tamen paucæ admisisse dicuntur, reliquis contra conscientiam & veritatem subscribere nolentibus, quarum rationes ab Autore defenduntur.

DEFENSE DE L' HISTOIRE DES VARIATIONS &c. i. e,

Jacob

Jacobi Benigni Bossueti Meldensis Episcopi Defensio Historiæ suæ de Variationibus, contra Responsum Basnagii, Ministri Roterodamensis.

Lutetiæ, apud Joh. Anissonium, 1691, in 12. Plag. 11.

**B**asnagii opus, Episcopi Meldensis historiæ de variationibus oppositum, prolixè recensuimus *A. 1690 p. 392. 472. 517.* Hoc refutaturus Episcopus dissertationem hanc primam edidit, & Reformatis, quos charos fratres, ut solet, appellat, inscripsit. In exordio non minus de *Basnagii*, quam *Jurii* vehementia & duritie quæstus, illam disceptationis partem ante omnia tractandam sibi sumit: *an Reformati in Gallia ex religionis suæ principiiis arma adversus Reges arripuerint, tumultus exciverint, & sic rebellionis crimen incurrerint?* id quod, ut in historia sua fecerat, denuo confidenter affirmat, & *Basnagii* exceptiones operose refutat. Præmittit aliquid de *Calvini* sententia, qua *Servetus* condemnatus est, & acriter reprehendit recentiores ex Reformatis, qui Principibus jus puniendi hæreticos, aut eos a professione errorum suorum prohibendi aperte denegant, cum tamen contrarium etiam a Protestantibus usu & praxi teneri evidens esse dicat. *Basnagium* erroris arguit in historia *Anastasi & Juliani apostata*, §. 6. sqq. adductisque & examinatis scriptorum testimoniis dicta ejus confutat. *Augustini* sententiam valde urget, jus omne subditis ad arma, adversus immutabilem legem Dei, in Principes arripienda abjudicantis. Elidit, quæ ab exemplo *Armeniorum* contra *Persas* insurgentium adduxerat *Basnagius*, & contradictiones ei objicit. Speciatim persequitur historiam conjurationis *Ambrosiana* a *Beza* probatæ, quod adversarius, ut ait, negare non potuerit. *Calvino* denuo imputat, quod rebellionem probaverit, & concionatoribus, quod contra pacem *Aurelianensem* protestati sint. Frustra pro belli legitima causa allegari contendit lanienam *Vassiacenam*, nullo publico consilio factam. Negat fas fuisse subditis edictorum regionum violationem armis ulcisci, aut observationem eorum vi extorquere; neque juvari causam rebellium literis *Catharina Mediceæ*, Regina, cui jus nullum fuerit motus a Condeo & Reformatis excitatos permittendi aut approbandi. Ex synodo Reformatorum *Lugduni A. 1563* habita demonstrat, Pastores diserte

- diserte approbasse & manifeste statuissè, Evangelium armis defendendum esse. Malæ causæ indicium esse dicit, quod argumentum hoc silentio a *Basnagio* transmissum sit. Addit & alia de synodo ista. In historia *Valdensum*, qui superiori seculo contra *Sabaudie* Ducem arma ceperant, falsificationem historiæ *Thuani* & *Popelinerii* a *Basnagio* sibi objectam in ipsum retorquet, & concionatores *Valdensum* omnino statuissè, quod licite bellum pro religione geri possit, ex *Thuano* ostendit. Spargit etiam quædam contra *D. Burnetum*, Episcopum *Sariberiensem*, & *Basnagii* fratrem, historiæ literariæ autorem. Sequuntur alia argumenta ex synodorum Reformatarum decretis & ex *Beze* scriptis, item ex epistola *Parisiensis* Ecclesiæ nomine ad *Catharinam* Reginam data. Perfitit in accusatione, quod Reformati eadem Ducis *Guisi* procuraverint & probaverint, atque iterum *D. Burnet* dicam scribit, quod in *Critica* sua male allegaverit scriptores Gallos, & rerum regni Gallici imperitus sit, *Thuanum* quoque falso citaverit; neque contentus est, quod *Burnetus* errorem quandam in historia de regimine regni *Navarræ* agnoverit, sed exigit, ut crimina a se Protestantibus & *Crammero* objecta agnoscat. Addit haud pauca ex historia motuum *Scoticorum*, ut ostendat, rebellionis culpa *Scotos* non caruissè, nec excusari a *Burneto* posse, sicut nec celebrem illum *Joh. Knoxium*, reformationis *Scotiæ* præcipuum autorem. *Lutherum* postea vel maximum rebellionis & belli *Smalcaldici* instigatorem fuisse, ex thesibus ejus A. 1546 & 1545 editis constare putat, & jura Principum *Germaniæ* in bello illo destruere conatur. Tumultus *Pacciani* exemplum proponit, quem improbatum licet a *Melanchthone*, *Luthero* tamen probatum esse haud dubitat. Sed ista, & quæ de aliis *Lutheri* in hanc sententiam dictis repetit, a nostratibus dudum examinata sunt, & veritas in nupero sæpiusque a nobis laudato opere *Seckendorffiano* egregiis documentis demonstrata est. Disputat inde eum *Basnagio* de verbis *Melanchthonis*, quæ negat a se falso aut maligne allegata esse. *Anabaptistis* & *Munzero* non fuisse *Lutherum* ultro concedit, sed illorum errores ex *Lutheri* dogmatibus ulterius extensis ortos esse contendit. Veterum quoq; *Cochlei* & similium, calumniam recoquit, quod *Lutherus* ab initio blanditus sit rusticis rebellantibus, & hos in Principes animaverit; hinc eum, ut falsum Prophetam acriter taxat, & librum ejus de *libertate Christiana*, & quæ de rusticis scripsit, vehementer

vehementer infectatur; de quibus omnibus, ex inspectis *Lutheri* scriptis integris, & absque præjudicio expensis judicandum est. Progreditur inde ad encomium libelli in *Hollandia* publicati, nec nobis ignoti, cui titulus est: *Avis aux Réfugiés*, i.e. *Admonitio ad exiles Gallos*. Gratias agit Deo, si autor libri, ut conjicit, sit ex Protestantibus. Demonstratum ab eo inter alia esse ait, quam frustra *D. Jurins* fidelitatem Reformatorum in Gallia erga Regem suum laudaverit. Succedit disputatio satis proluxa & fervida de *digamia Hassiaca*, quam pro scopulo inevitabili Reformationis habet & exaggerat. Hanc historiam ex instrumentis authenticis optima fide traditam, & defensionem *Lutheri*, ex suprarelato opere *Seckendorfiano*, Lib. III §. LXXIX Add. III, qui volent, petere possunt, & considerare, cujus ponderis sint, quæ *Bosluetus* ex illa contra Protestantes argumentatur. §. 56. sqq.

## OSTEOLOGIA NOVA,

or some new Observations of the Bones and the Parts belonging to them, by *Clopton Havers*, M. D.

Fellow of the R. S.  
five,

*Cloptoni Havers*, Med. D. & Societ. Reg. Sodalis,  
Observationes novæ de Ossibus partibusque ad ea spectantibus.

Londini, sumtibus *Samuelis Smith*, 1691, in 8. Plag. 20.

**O**steologia nova titulum haudquaquam præter meritum ingenioso huic scripto præfixum fuisse, facile cuivis ipsum pervolventi patefecit: dum in eo, posthabitis iis, quæ extrinsecam ossium figuram atque compagem aliasque circumstantias, jam tum passim annotatas ac descriptas concernunt, talia potissimum proponere sategit Nobilissimus Autor, quæ circa hanc humani corporis partem ab Anatomicis hujus seculi neglecta hætenus, vel nondum satis eruta fuere; quæque adeo ipse aut acuta speculatione, aut oculari indagatione definiendi sibi atque illustranda sumsit, sedulo ubique in consilium adhibitis variis experimentis & observationibus, tam hominum, quam brutorum circa ossa factis. *Quinque* vero in universum *discursibus* suum huncce laborem inclusit, Regiæ

D d d d

giæ etiam Societati, ejus ipse per dignum est membrum, per intervalla communicatis atque prælectis, ejusdemque, competentis nempe talibus in causis tribunalis, suffragio haud obscure comprobatis, dum ipsius maxime hortatu ad eorum publicationem incitatum semet Autor profitetur: quorum singulis quid pertractetur, per compendium nunc pro instituti ratione indicare aggredimur: utut prævideamus, difficile quodammodo fore, tantam materiæ ubertatem, quanta succinctis his discursibus comprehenditur, intra paucarum pagellarum limites ita compingere, ne plurima, scitum tamen dignissima, intacta relinquantur.

- Et *primus* quidem in ordine *Discursus* naturæ ossium & partibus earum constituentibus, tum obvestientibus, explicandis destinatus est. Nimirum ab ovo, quod ajunt, rem exorsus Autor, initio breviter describit de generatione fœtusque formatione, scite & ex mechanicis veluti legibus adumbrans, qua ratione per fermentationem particularem in ovulo materno excitatam, prima jam tum uti cæterorum membrorum, ita & Ossium stamina continente, circulatio sanguinis suam capiat exordia, indeque postmodum jure molis incrementum & partis ad partem adpositio procedat. Sermone hinc propius ad propositum thema converso, ad membranam, quæ ante alia in ossibus spectandam semet exhibet, describendam se confert, *Periosteum* puta: de cujus origine cum Anatomici non consentiant, Noster strictiori examine præmissio comperisse se ait, illud, quacunque demum in parte corporis consideretur, a duplici velut fonte scaturire, fibrasque adeo ipsum constituentes duorum generum esse: nimirum quasdam, & eas quidem semper ossi ipsi contiguas, ac recta ab una ad alteram ossis extremitatem procurrentes originem ducere a dura matre, per diversa nempe cranii loca prodeunte & a capite sic ad universam ossium compagem semet diffundente, ne quidem articulationibus cursum ejus interrumpentibus, cum ibi non obscure fibrosarum harum propaginum super ossium ligamentis continuatarum vestigia legerit Autor. Alias vero, his superincumbentes, periosteæ fibras a musculis ac tendinibus singulorum corporis partium subnasci & istuc propagari observat, easque non ita recto, ut illas, tramite procurrere; sed pro diverso muscutorum situ & ipsas varium obtinere positum, ita ut alicubi plane aliæ alias decussare fuerint visæ: & has quidem non raro intra ipsam ossis substantiam

stantiam radices agere animadvertit, penetrantes reliquam perioſtei membranam, eas inſtar circuli ambientem. Atque huic fibrillarum pag. 24.  
inſertioni non modo deberi putat exquisitam illam oſſium ſenſationem, quam ſæpe in partibus etiam membrana ſua denudatis habere deprehenſa ſunt; (nervos enim, quales nonnulli hic ſuſpicari voluere, Autor, accuratiſſime licet facta inquiſitione, in oſſium nullo, præterquam in dentibus reperire ſe potuiſſe teſtatur) ſed & quadantenus firmam 22.  
iſtam hujus cum illis cohæſionem acceptam reſert: cujus tamen potiorem cauſam quærendam vult in gelatinosa oſſium, dum primum naſcantur, qualitate, liquato glutini æmula, unde non poſſint non contiguæ ſibi membranæ tenaciter adhæreſcere. Inter uſus perioſtei, quos 27.  
diverſos allegat, potiſſimus eſt, quod animales ſpiritus ſufficiat oſſibus pro fovendo calore ac ſenſu, nec non accretione & nutritione eorū perficienda; præterea vero eandem membranam inſervire (non ſolitarie 26.  
tamen) ſtatuit ad limites incremento oſſium ponendos, dum nempe ulteriorem tenſionem admittere jam recuſet: cui quidem nil quidquam obſtare autumat hujus membranæ tenuitatem; quandoquidem experientia ſimile quid fieri oſtendat in arboribus, non raro ob corticis anguſtiam amplius augmentum haud capientibus; nec non in morbo illo equorum, quem Angli *Hidebound* vocant, ubi pariter adſtriſta nimis cutis, utut non omnino tenſionem reſpuens, impedimento eſſe credatur, ne animal ad juſtam ſtaturæ dimensionem creſcere valeat. Progreditur hinc Autor ad examinandas partes oſſium conſtituentes, quas terreas partim, partim ſalinas ſtatuit: tamenſi enim haud diffiteatur, cuncta demum *principia chymica* per ignis torturam ex iſtis elici poſſe (proportione licet admodum inæquali, dum terreſtrem quidem materiam ſolam  $\frac{3}{4}$  aut ſaltem  $\frac{5}{8}$  conſtituere, ſpiritum cum phlegmate circiter  $\frac{1}{8}$ , oleum non multū ultra  $\frac{1}{4}$ , ſal volatile forte  $\frac{1}{8}$  efficere deprehendit) attamen eorum pleraq; pro peregrinis & adventitiis agnoſcit, dum ſpiritus quidē & phlegma vaſis ſanguiferis & interſtitiis oſſearum particularum, oleum vero medullæ per ea diffuſæ accepto ferenda ſint, adeoq; non magis oſſium partem conſtituere dici queant, quam ſanguis 33.  
pro parte venarum aut arteriarū reputari. Sal tamen volatile aut potiorem ſaltem ejus portionem pro genuina rigidorum horum corporum parte habet; dum obſervavit, illud non modo poſt deſtillationem brevi iterum ſolideſcere & cryſtalliſari, ſed & quoad ſaporem ſalibus fixis, ac

TAB. XIII.

Fig. 1.

pag. 36.

37.

38.

Fig. 2.


43.

50.

speciatim lapidi prunellæ, ratione frigiditatis multum affine esse. Porro curiose designat formam atque situm particularum, indeque constantem ossium texturam, quam & pro faciliori captu per adjectam figuram adumbrare quodammodo annisus est. Nimirum statuit materiæ hujus salino-terrestris particulas forma oblongas esse, directoque situ collocatas, ita quidem ut altera alterius extremitati jaceat contigua: ex his vero componi chordas *A, A, A*, parallelas & rigidas, quarum plures contiguæ dein laminas, laminæque tandem ossium parietes constituent. Et has quidem chordas in extima ossis parte jugiter contiguas & parallelas manere vult, nec in extremitate ossis terminatas, sed illic arcus in modum reflexas & chordis alterius lateris in *BB* occurrentes: interiores vero chordarum ordines quod attinet, annotat Autor, eos licet circa meditullium, ut in *AAAA*, paralleli perdurent, prope ossis caput tamen, ut in *DDDD*, paulatim a situ hoc divergere & laminarum loco fasciculos formare, *cancellorum* instar decussatos, *CC*: reliquarum vero chordarum ulterius non paucas prope *FFFF* a sociarum agmine discedere, ad formandas cavernulas *EE*, quibus ossium capita fere scatent: ut adeo evidens sit, horum parietes in media regione (ubi nempe ob majus fractionis periculū necessitas id maxime exposcebat) longe crassiores esse, quam circa extrema: quemadmodum & Autor in osse femoris prope medium eos reipsa quater crassiores, facta dimensione, deprehendit, quam in capite ossis. Cæterum ne quis putet, circa hæc partes, cartilagine scilicet munitas, chordarum contiguarū cursum interrompi: contendit Autor, eorum seriem vel ideo inde non turbari, cum particularum cartilagine componentium parilis, ut in ossibus, dispositio obtineat, nec alia intersit differentia, nisi quod hic particularum una alterius extremitatem non plene attingat; sed alterna inter singulas spatiola interfluo aeri humorive relinquantur; uti in *Fig. 2.* quadantenus ob oculos ponitur. Memorat ulterius Autor *poros* ossium, eosque duorum generum: alios nempe longitudinem eorum pervadentes, & ex interstitiis parallelarum chordarum ossæarum ortos; alios transversos, ac per singulas laminas nulla certa serie dispersos, istis prioribus subservientes, & in eos medullare oleum, gradatim ex interioribus in exteriores laminas transmissum, convehentes. Varias insuper in extima ossium superficie observat strias, sulcos, aliasque inæqualitates ad firmiorem periosteæ



Fig. 1.



TAB. XIII. ad A 1691.  
pag. 576.


Fig. 3.



Fig. 4.



Fig. 5.





ostei adhaesionem tendinumque implantationem facientes. Speciatim vero in ossē frontis, necnon circa sincipitis ossa, futuramque sagittalem, peculiare pororum genus annotavit, intra ipsam cranii substantiam penetrantium: quos proinde non adeo dictis modo finibus destinatos autumat, maxime cum tendinum musculorumque adjacentium ratio tale quid efflagitare haud videatur; quam potius aliis & nobilioribus usibus dicatos conjicit, nimirum ut spiracula quasi sint, per quæ immediate (non demum auxilio glandularum cutanearum & massæ sanguineæ ministerio) eliminari ac dissipari valeant noxii vapores intra cranium prognati, atque sic supera hæc regio animæ sedes a nubibus nebulisve serena manere queat. Et ex porosa hac cranii conformatione jam patescere putat, tum cur sudor e fronte citius & copiosius fere, quam ex ulla alia corporis portione erumpat; tum quæ ratione emplastra & epithemata partibus his applicata, nec non fonticuli in cervice aperti juvent in affectibus cephalicis citius, quam si aliis locis adhiberentur, ubi per viam sanguineæ circulationis demum evacuationem fieri oporteret. Fatetur tamen, se non in omnibus subjectis talismodi poros cranii reperire potuisse: unde hariolatur, hanc eorum absentiam forsitan jugi quorundam cephalalgæ, aut etiam nativæ aliorum stupiditati causam præbere posse. Transit hinc ad exponendos meatus ossa perforantium arteriarum atque venarum, cum nutritiarum, tum medullarium: quarum has quidem nunquam recta intra ossium cavitatem tendere; sed plerumque obliquo itinere inter eorum laminas, more ureterum intra vesicæ tunicas, serpere observat, adeo ut quandoque sesquipollicis longitudinem in medio ossis emetiantur, licet hujus crassities vix octavam pollicis partem superet: cæterum hanc arteriarum insertionem ratione numeri & loci tam mire variare notat, ut vix bina quis offensurus sit sceleta, quæ exacte hac in parte consonent; licet respectu directionis, qua vasa hæc aut sursum intra ossis cavitatem tendant, aut deorsum, unam eandemque in omnibus ejusdem speciei individuis viam tenere, cujuslibet ossis, cum simili suo collati intuitu soleant. Rationem vero, cur hoc vel illo in membro sursum potius, quam deorsum, & vice versa ferantur, Autor per plusscula exempla a situ partium, respectu habito ad positum trunci corporis & aortæ, indeque pendente commodiori insertionem deducit. Accedit inde ad describendam internam ossium cavitatem, non uno ubique

- modo comparatam, dum in aliquibus quidem ampla est & unica, in meditullio saltem; in aliis multiplex & spongiæ instar in plures cavernulas distincta: priorum superficiem interiorem lævem fere & uniformem (nisi ubi turgescencia nimis vasa sanguifera sui vestigium osfi imprimant, ut in cranio & majorum articulationum osfibus aliquando fieri observat,) circa extremitatem utramque in clathratam quasi texturam, tandemque in cellulas spongiosas desinere ait. Et *Cancellos* quidem istos osseos (quos in tibiis equorum aliorumque brutorum bajulantium elegantissime omnium figuratos testatur) inservire potissimum reputat pro suspendenda massa medullari, cujus nempe non modo vasa sanguifera huc illuc trans cancellos continentur, sed communis quoque membrana undique medullam ambiens iisdem intertextatur: ac proinde cum in osfibus bovinis parum hujus texture cancellata adsit, non absimile technasina a provida natura substitutum refert, dum medulla super diversis tenuibus schidiis osseis, transverso situ per interiora latera dispositis recumbat, quo ita ejus pondus in plures quasi partes divisum melius sustineatur, nec medulla deorsum in unum concidat cumulum. Rationem quoque reddere nititur, cur certa modo ossa, quorum catalogum dat, amplam talem cavitatem, (pro molis nempe proportionem) nacta, reliqua vero intus non nisi minutis cellulis instructa sint: cum enim advertisset, ossa articulata generaliter sic excavata esse, judicavit id fieri, partim ut firmiora, laminis nempe magis compactis forent; partim ut pleniori medullaris olei penam instruerentur, cujus nempe majorem copiam continuo motu insumerent: acideo ossiculis etiam ossis hyoidis largam cavitatem obtingisse observat, moventibus nempe, quotiescumque quid aut deglutimus aut loquimur: uti & illis, quæ in corde bovino inveniri solent, quæ gemina semper & articulata se reperisse perhibet; cum ipsa quoque motum in qualibet cordis aut systole aut diastole exerant. Respondet etiam objectionibus, quæ contra hanc assertionem ab ossium nonnullis, articulatis quidem, nec tamen larga cavitate donatis, moveri possent: speciatim de costis monet, quod licet omnium frequentissime, singulis nempe respirationibus, in motum ciantur, ille tamen levis admodum & obscurus sit, nec ita magnas proinde medullæ expensas exigit; dum facta computatione constet, costas in parte sui maxime a centro remotas, agitatione sua non emetiri ultra  $1\frac{1}{2}$  sui circuli;

culi: cum e diverso tibiaregulari incesſu  $\frac{1}{2}$  & quandoque  $\frac{1}{4}$ , os cu-  
 vero nonnunquam  $\frac{1}{2}$  circuli motu ſuo deſcribat. Cætera oſſa, pag. 71.  
 uti dictum & alias notum eſt, loco amplæ cavitatis non niſi minuſculas  
 eaſque numeroſas cavernulas intra ſe habent: atque hæc ruruſ in  
 triplici differentia eſſe Noſter expertuſ eſt: alia ſcilicet una cum cel-  
 lulis etiam cancellorum oſſeorum aliquid includere; alia meris caver-  
 nulis iisque ſimplicibus referta eſſe; alia denique pariter quidem niſi  
 niſi cellulas continere, ſed quarum binæ, ternæ aut etiam plures in u-  
 num coaleſcere videantur. Omnibus vero id commune eſſe advertit, 72.  
 quod cavernularum una cum cæteris adjacentibus communicet ope  
 pororum atque meatuum, per quos non modo oleoſus medullæ liquor  
 ex una in alteram feratur, ſed & ejusdem membrana nec non vaſa ſan-  
 guinea multifariam diſtribuantur: quandoquidem tam in horum po-  
 rorum numero, quam cellularum figura, miram ubiq; varietatem depre-  
 hendit. Curioſa quoque ſunt, quæ de meatibus arteriarum nutritiarum, 74.  
 per totidem diſtincta foraminula fere in unam oſſis extremitatem, trun-  
 co corporis propiorem intrantium, venarumque ex oppoſito extre-  
 mo, inde ut plurimum magis rubente, ruruſ exeuntium annotavit. Sub  
 finem denique huius Diſcurſus peculiarem *Dentibus*, tanquam ſingula-  
 ri oſſium ſpeciei, non parum a cæteris diſtinctæ, tractationem impen-  
 dit. Nimirum primo obſervat, e duplici dentes materia conſtare, 79.  
 altera molliori & vere oſſea tantum, altera duriori & quaſi lapidea, quæ  
 alteri illi in partibus extra gingivas extantibus corticis inſtar incumbat,  
 eamque a conſumtionem & detritione immunem præſtet: unde fieri ar-  
 guit, quod dentes poſt noxam ſemel acceptam tam cito computreſce-  
 re obſerventur: dum nempe gingivis (ut intra quas dura hæc cruſta 85.  
 mox deficere incipit) alicubi forte læſis vel abſumtis, dentis portio  
 munimine hoc velut ſiliceo deſtituta, & jam externis injuriis expoſita,  
 non poſſit diu integro in ſtatu perdurare. Tameſi vero corticalis hæc 78.  
 dentium ſubſtantia nitore non minus quam ſoliditate ſilicem æmule-  
 tur; animadvertit tamen, eam ab aqua forti, a cujuſ vi iſte indemnis  
 manet, facile arrodi: unde colligere jubet, quantum damni dentibus  
 inferatur per acida potentiora, oleum puta ſpiritumve vitrioli & ſimi-  
 lia, quibus paſſim eos expolire moris eſt. Cæterum notat, ſtrias cor-  
 ticis huius lapidei ratione ſitus nequiquam conſonare cum filiſ illiſ ſeu  
 chordiſ, e quibus interior & oſſea dentis pars conſtet: quin potius ma-  
 niſeſtam,

pag. 83.

89.

87.

82.

nifestam, quam latius expromit, utrobique differentiam elucere: præterea licet non modo *canini & incisores* generaliter, dura hacce crusta undique obvestiantur; ratione molarium tamen non exiguam inter diversa animalium genera discrepantiam Autor annotavit: dum in homine quidem, leone aliisque carnivoris eos itidem toros, quatenus extant, lapideo hoc munimine tectos scribit: at in equis, ovibus, capris aliisque brutis, granis aut gramine pasci solitis, non basin molarium, sed latera tantum, dura ista materia, in aciem velut assurgente, stipari; imo & alicubi ipsi substantiæ ossæ velut intermixtam diversis locis ultra istam acute emicare, ac ad imas usque radices inde descendentem sæpius deprehendi refert. Porro & hoc in dentibus tanquam peculiare observat, quod periosteo destituantur, non modo quæ gingivis extant, ubi nempe id eorum muneri obfuisse; sed & in parte abscondita ipsisque radicibus: quamvis enim hæ non omnino nudæ alveolis insertæ stent, sed membrana cum gingivis & palato communi obvelentur, cui in maxilla superiori accedit portio aliqua durioris & carnosæ substantiæ, intra alveolos una descendens, pro majori firmamento: ipsum tamen, uti fert, periosteum maxillas stipans ad dentes usque non pertingit, utut prope satis ad eos accedat: dum alveolos intus obducens, altero sui latere horum substantiæ ossæ, altero dictæ membranæ & carni dentes firmanti sit contiguum. Hunc autem periostei defectum abunde a provida natura, ne scilicet dentes spirituum influxu carerent, compensari innuit per nervos, quos videlicet, tanquam sortem præ cæteris ossibus præcipuam iidem obtinent. Nempe nervus, uti perhibet, seu potius fasciculus minorum nervorum, 16, 12. 7. nunc plurium nunc pauciorum, secundum maxillæ longitudinem intus procurrens, ad singulas cujusque dentis radices suos propagat ramulos, nunc in ipsa extremitate, nunc a latere (utroque etiam, ubi una tantum denti radix est) ossæ dentis substantiam subintrantes, foramine nonnunquam nudis oculis sat conspicuo. Denique confutat Autor sententiam eorum, qui dentes continuo crescere, indeque uno evulso oppositum longiorem fieri autumant: ait enim, ut maxime talis elongatio deprehenderetur, tamen id non tam pro genuino incremento, partis præsertim corticalis, haberi posse, quam pro aliquali protrusione ab extravasato succo nutritio facta; ut de quo alias constet, quod dente exempto e mandibula paulatim intra vacuum alveolum fluere, ejusque cavitatem ossæ substantia complere soleat.

Discur-

*Discursus secundus* totus impenditur explicando abstruso satis negotio accretionis atque nutritionis, cum totius corporis in genere, tum in specie osium: quam quidem utramque a massa potius sanguinea quam nervis procedere Autor agnoscit; remota simul famosa illa objectione, quam in atrophia paralyfin comitante quæsierunt alterius opinionis patroni. Nimirum statuit, chylum sanguini affusum, dum ad cor appellit, circulando magis magisque comminui & attenuari, unde paulatim ejus particulæ aptiores reddantur diversis partium poris, quibus destinantur: & quemadmodum sic quolibet in loco continuæ circulationis beneficio deponantur particulæ singularum glandularum poris figura congruæ, ita speciatim in glandulis porisve nutritiis (quibus non in extremitate, per glandulas fere aliorum humorum, v. g. feri secretorias occupata, sed in lateralibus arteriarum partibus suum assignat locum) a reliqua massa sanguinea separari succum alibilem; & ipsum quidem non unius ubique generis, quum diversis membrorum partibus formandis dicatus sit, generatim tamen fere gelatinosum: qui adeo continuo pulsu & affluxu sequentium particularum propellatur tandem ad interstitia fibrarum, nec non ossæarum chordarum, cæterarumque partium, ubi jam spirituum ea jugiter pervadentium motui ac potestati velut subjiociatur, magisque immediate accretioni animalis impendatur. Spiritibus nempe duplicem tribuit motum, alterum quidem directum, qui a termino ad terminum tendat, alterum rotatorium circum propria sua centra: (qualem duplicem motionem & in scintillis e silice excusis, & in lapide ex funda projecto spectari, & per simile a sphaera in plano provoluta petatum declarari posse innuit;) cum ergo spiritus ita moventes jugiter occupati sint e via submovere, quicquid eorum cursui objaceat, hinc fieri, ut occurrentes ita particulas gelatinosas seu nutritias motu suo rotatorio impellant atque urgeant intra spatia lateralia, quousque ea pateant aut vi obtineri queant, ut quo ipsæ facilius, quam in directum, propulsæ secedant. Ac obiter notat Autor, probabile esse, quod gelatinosa viscositas succi nutritii, motui spirituum obviam sic posita, non parum retundat eorum impetum & rapiditatem, indeque natum fervorem temperet: quodque a defectu potissimum hujus repaguli oriantur hæctici illi calores, qui nimias evacuationes sequi amant. Accretionem proinde omnem in eo consistere autumat, quod, dum animal adhuc tenetur

Eccc

rum

pag. 92.  
141.

97.

118.

pag. 146.

129.

131.

133.

rum est, tonusque partium laxior & fibræ magis tensiles existunt aptæque, ut laterali pressioni cedere & locum facere possint, nutritiæ illæ particulæ in eas cuneorum instar impingantur, earumque dimensionem continuo adaugeant, ac speciatim in interstitia chordarum ossæarum semet ingerant eaque compleant: usque dum tandem fibræ ita tensæ & partes contiguæ, extremitatesque particularum ossa constituentium ita cunctiæ sint, ut ulterius cedere nesciant: aut saltem singulæ partes tam fixum & solidum induerint habitum, ut earum quies a spirituum motu amplius superari se aut disjungi haud patiatur: quo factò jam succus nutritius fere desinat rotatorio spirituum motu ad latera deponi, incipiatque magis directò eorum motui subesse, recta nempe, cum alius cedendi locus non supersit, per angustos interstitiorum vasorumque canaliculos propulsus, donec ad horum extremitates variasque glandulas excretorias perveniat. Atque hinc etiam unice terminum figi judicat incremento corporum animalium, staturæque adeo dimensionem pendere, non parum licet in ejusdem speciei individuis variantem, prout nempe in aliis fibræ citius vel serius tensæ partesque compactæ evadant, & ossæarum chordarum extremitates inter se consolidentur: utut non inficietur, quandoque copiosorem succi nutritii suffectionem, majoremve spirituum vel copiam vel vigorem, partes fortiori pressura impetentium, dum adhuc vel ad latera, vel in extremitatibus cedere aptæ sunt, non exiguum hac in re momentum addere posse; sicut e diverso certum sit, alterutrius horum defectum solenni animalium incremento haud parum detrahère. Ab explicata vero sic accretione ejusque processu admodum differre credit *nutritionem* ipsam: hanc etenim neutiquam in jugi appositione materiæ novæ ad partes solidas consistere vult, sed unice in continuo supplemento fluidorum, spirituum puta humorumque necessariorum pro implendis fistulis & canaliculis aliisque vasis, e quibus universam corporis machinam constare compertum est, ne iis quidem partibus exceptis quas pro meris parenchymatis antiqui habuere. Et licet haud neget, quin si per accidens ab ulcere aliove casu contingat solidas quasdam partes absumi aut deteri, novæ tum particulæ per rotatoriam spirituum motionem determinentur ad refarciendum illud vacuum: regulariter tamen tali restauratione in statu sano nequaquam opus esse ait, adeo ut ne semel quidem per integrum vitæ spatium totam partium solidarum substan-



substantiam universaliter reparari seu renovari credat: quas ipsas pag. 138.  
nempe in extrema etiam tabe intemeratas perdurare inde arguit,  
quod tali consent materia, quæ nec exhalari se, nec colliquari patiatur,  
adeoque aliter quam per modum erosionis consumi nequeat: quæ ipsa  
tamen nec absque acutissimis doloribus, (quales in morbo illo non  
sentiantur,) fieri posset, nec ossibus (quæ nempe in aqua forti facilius  
dissolvantur, quam fibræ musculares,) probabiliter tum parceret,  
quorum tamen magnitudini in tabidis nil decedere constat. Sub fi-  
nem discursus hujus Autorex data hæ hypothesei deducit naturam &  
ortum tum *rachitidis*, tum *gummosorum nodorum* a lue Venerea na- 155  
scentium: & illius quidem hanc esse causam arguit, quod in pueris hoc  
morbo affectis unum osium latus altero citius exuat primitivam suam  
consistentiam cartilagineam, iustoque celerius obrigescens ineptum  
evadat suscipiendæ ulteriori accretioni, qua interim in altero & mol-  
liori ossis latere continuata non possit non incurva tortuositas produci:  
horum vero, nodorum nempe Venereorum in ossibus, non aliam esse 158  
materiam perhibet, quam induratum succum nutritium, per lacunas  
chordarum ossæarum, a venenosis & acrimonia nimia præditis particu-  
lis sanguineis erosarum, impellente motu spirituum rotatorio traje-  
ctum & exsulantem.

*Tertius Discursus* thesaurum ossibus inclusum, *medullam* enu-  
cleat, ejusque naturam & officium plenius, quam hætenus fere ab aliis  
factum, ob oculos ponit. Licet vero sub hoc nomine communiter 164  
tota illa massa heterogenea, quæ ossibus continetur, & communi quo-  
que membranula tenuissima ac vitri instar pellucente ubique compre-  
hensa est, venire soleat: corporis tamen proprie ita dicti ac immédia-  
te pro ossium usu hic depositi materiam totam oleosam esse, Autor as-  
severat ejusdemque ubivis naturæ: licet alicubi ob copiosorem ni-  
trosarum particularum admixtionem solidioris, quam alibi consistentiæ 166  
sit, itemque aliæ ejus partes, maxime minoribus cellulis inclusæ,  
aliis ob interspersa numerosa vascula sanguinea, magis rubere vide-  
antur. Ne vero quis autumet, medullare hoc oleum confuso tan-  
tum acervo intra ossium cavitatem jacere, curioso monstrat, quomo-  
do communis illa tunica intrinsecam ossis superficiem investiens eique 175  
hinc inde per transmissas venulas propriosque poros connexa, distin-  
ctos intra se complectatur utriculos seu lobulos membraneos, (cujus-

- Fig. 3.* modi unum separatim repræsentat *Figura 3.*) tam figuræ quidem; quam capacitatis ratione multum inter se variantes, cavernularumque formæ, ubi ampla non est ossis cavitas, respondentes, ac e pluribus vesiculis rotundis & mole æqualibus compositos. Ad harum jam vesicularum plurimas, glandularum scilicet secretoriarum vice fungentes, derivari testatur totidem, imo plures quandoque arteriæ medullaris ramulos, oleosum illic tributum deponentes: ex his vero ope pororum vesiculas inter se mutuo jungentium liquorem hunc porro ad reliquas, arteriis destitutas, gradatim transfundi; quibus ad congruam distensionem repletis, putat lobulos semet contrahendo (ad instar fibrarum in vesica & similibus membranosis cavitatibus) oleum suum, ope mutui illius pororum commercii, velut e spongia pressa diffluens, distribuere versus ossium parietes & capita, ubi eo opus sit; experimento enim comperit, illud non peculiare per ductus eo derivari, sed stillatim tantum ex his in alias vesiculas tandemque ad ossium poros ferri; quæ ipsæ vesiculæ, si medullam omnem sic elabi, aut, si durior, super ignem eliquatam effluere patiaris, exsiccatae spongiæ figuram apprimere repræsentare dicuntur. Usus tandem medullaris olei quod attinet, Noster penitus improbat eorum sententiam, qui illud in ossium nutrimentum impendi autumant, (id quod speciatim de substantia medullari inter utramque cranii tabellam jacente solet asseri,) quandoquidem liquor hic pinguis aptus non sit ad induendum osseam soliditatem: utut non repugnet, si quis modo supra dicto nutritionem capere non reneat pro continuo tantum supplemento fluidæ volatilisve materiæ, justam plenitudinem tonumque vasorum conservantis. Cæterum usum medullæ generalem quidem in eo consistere statuit, quod unctuositate sua jugiter ossa in debito temperamento teneatur; ne ob nimiam siccitatem evadant fragiliora aut plane rimas agant, quod nempe aeri exposita sponte non raro facere observentur. Specialem vero & majoris momenti usum præstare oleum hoc existimat in ossibus articulatis; postquam observavit illud e peculiaribus poris circa eorum capita & sinus sitis notabili copia transsudare, (fluxu nonnunquam aliquandiu post mortem adhuc continuante) ibidemque intime permisceri liquori isti mucilaginoso, pariter circa ossium articulos hærare solito, de quo in sequenti Discursu pluribus disserit. Ex utriusque ergo hujus liquoris connubio istis in partibus inito produci perhibet

perhibet axungiae speciem nulli alii secundam, & multiplicis utilitatis; quippe quam non modo inservire contendit lubricandis articulationibus, sed & prohibere, ne ossa inter movendum aut mutuo incalescant, aut atterendo absumentur. Præterea vero & cartilagine & ligamenta tueri a siccitate & inde metuenda rigiditate, quæ lubricum horum super ossibus motum non parum retardare alias posset: unde & ab huius unguenti defectu commode deducit causam crepitationis articulorum, quæ in subjectis gracilibus & scorbuticis subinde observatur: tametsi agnoscat, eam quandoque & a nimia ac præternaturali laxitate ligamentorum originem habere posse.

pag. 184.

*Quartus Discursus* de glandulis mucilaginosi inscribitur. Nimirum cum Autor in præcedenti mentionem fecisset mucilaginis certæ cum oleo medullæ commisceri circa articulationes solitæ, intimius hic in ejus naturam ac fontes, a nemine, ut putat, ante se detectos aut descriptos, inquit. Occasionem indagationi dedit viscidus ille liquor nunquam non circa articulorum regionem semet offerens, qui cum ab oleosa medullæ substantia venire posse haud videretur, suspicionem peculiarium organorum secretoriorum Nostro primum injecit. Strictius ergo facto examine tum interstitii articulationum, tum membranae eas immediate obtegentis & undique ambientis, reperit non modo intra sinus ossium partes quasdam molliores & vesiculosas spongiosaque textura conspicuas; sed & ambientem illam membranam (quam laxam satis deprehendit, atque hinc probabiliter alii fini, quam ossium connexioni, fortius jam tum per ligamenta factæ, destinam judicavit) variis vidit protuberantiis & inæqualitatibus præditam ac revera glandulosam: quam ipsam consequenter mucilagini secernendæ dicatam esse, dubitare desiit Noster, postquam exinde talem exprimere liquorem manifeste licuit. Noviter ita a se detectas glandulas *Articularium* nomine insignire primum animus fuit: postquam autem earum similes dein etiam inter musculos ac circa tendines, nec non in gula pro lubricando ciborum deglutitorum itinere, reperit, maluit generali titulo *Glandularum Mucilaginosarum* ipsas notare. Duorum vero generum eas esse perhibet, alias quidem pusillas & agminatim super membranis articulationum dispersas, æqualis omnes magnitudinis, instar earum, quas in vaginali testium tunica, peritonæo, capsula cordis ac pleura disseminatas videre est: alias vero grandiores

189.

190.

Eccc 3 & in

- & in locis quibusdam dictæ membranæ sinibusque osium articulato-  
rum adeo conglomeratas, ut separatas conspicuasque per se forment  
glandulas: quas posteriores potissimum hoc Discursu persequi Autor  
pag. 195. intendit. Harum ergo catalogum potiores ipsarum sedes designantem  
communicat: unde patescit, earum numerum non ubivis eundem esse,  
dum quibusdam articulis nonnisi singulæ, aliis vel quaternæ quinæve in  
191. partem cesserunt. Perhibet autem eas generatim pellucidas esse, ali-  
cubi tamen ob intertexta vasa sanguifera rubentes; cæterum mol-  
liculas quidem, non autem more aliarum glandularum friabiles aut  
compressione dirumpi aptas; contextasque non ex lobulis, sed plu-  
sculis membranis vesicularum rotundarum, contiguarum, ac tenaci-  
ter coherentium numero haud exiguo obfitis, mutuoque sibi super-  
193. stratis, adeo ut vel septenas alicubi dividere a se invicem liceat. Per  
poros ergo harum glandularum mucilaginem a massa sanguinea per  
arterias advecta secerni vult: idque quo commodius fieret, sanguisque  
sat temporis haberet ad lentum hunc liquorem hic deponendum, ob-  
servat venas iisdem concessas mire anfractuosas spectari, ut scilicet  
sanguinis inde refluentis cursus nonnihil retardaretur. Figuram ea-  
rum admodum variare ait, perinde ut situm; quem tamen generaliter  
ita comparatum esse testatur, ut injuriam quidem pati nequeant a mu-  
tua osium compressione; at nihilosecius aliqualem & leviculam ab  
articuli inflexione aut extensione pressuram subeant: quæ ipsa vero  
non modo humoris istius excretionem pro inungendo, ubi opus, osis  
capite, juvet, sed & simul securitatem præstet ab obstructione alioquin  
ob viscidam ejus naturam metuenda. Externam earum formam de-  
Fig. 4. & lineatam sistunt Fig. 4. & 5, quarum illa separatam talem glandulam e  
5. sinu osis humeri prope cubitum exemptam exhibet: hæc vero per  
AAA genu parte sui anteriori apertum exprimit, triplici nempe hu-  
jusmodi glandula aaa stipatum: bbbb est membrana immediate su-  
per interstitio articuli jacens; c vero patellæ in medio sitæ faciem re-  
199. præsentat. Ejusdem generis glandulas Autor semet etiam reperisse  
narrat circa musculos, dum communem eorum membranam undique  
iis stipatam vidit, ad instar antea dictæ membranæ articulos vestientis:  
sed & præterea plures conglomeratarum seu grandioris speciei glandu-  
larum inter diversos tendines positas reperit: atque has ipsas affinem  
cum articulorum glandulis usum præstare conjicit, in lubricandis & ab  
attriti-

ratione præservandis musculis, dum eorum alios passim super aliis moveri oportet: creditque mucilagini istic, olei medullaris loco admisceri pinguedinem a glandulis adiposis, magno numero per totum corpus dispersis, affusam: quas nempe in gracilibus etiam subjectis munere hoc defungi putat, quamdiu modo oleosi quid a sanguine separari queat: creditque macilentiaë causam non in eo tantum quærendam pag. 206. esse, cum sufficiens adiposi liquoris quantitas ab iis non elaboratur; sed & multoties exinde pendere, quod memorata musculorum inunctione nimia ejus profusio per immoderatos labores & membrorum motus fiat; unde contingere existimat, quod non facile operarii, utut habitu maxime sano & athletico præditi, pinguescere videantur, nisi cum abdicata vita laboriosa quieti & otio semet mancipent. Liquoris porro per glandulas mucilaginosas secreti qualitatem quod attinet, docet cum albumini ovorum consistentia similem, nec tamen semper ita limpidum, sed quandoque subflavum; cæterum sapore salsum esse compositumque ex particulis aquosis & salino-terreis, quas circiter  $\frac{1}{2}$  ejus partem efficere docuit evaporatio. Licet autem agnoscat, serum sanguinis ei multum affine ac probabiliter ejus portionem esse; revera tamen differre inde probat, quod serum igni expositum mox inspissetur in gelatinam, & evaporatum fere  $\frac{1}{11}$  post se relinquit; mucilago vero sic maxima sui parte in liquorem magis tenuem convertatur, & in summitate modo cucullam cum pauxillo coaguli albidii contrahat, ac de ea post totalem evaporationem vix  $\frac{1}{5}$  remaneat. Cum vero probabile judicet, liquorem tantopere ad vitales functiones necessarium pro sui elaboratione peculiarem officinam esse nactum, consultum ducit munus hocce *lien*i adsignare, utpote qui (dum non absolute ad vitam animalis necessarium esse constet) tali officio destinatus videatur, quod ad commodius vivendum quidem faciat, sed quo carere quodammodo liceat: in defectu enim mucilaginis, jamjam solû oleosum liquorem ei alioquin admisceri solitû, axungiaë in musculis & articulis lubricandis vices præstare ariolatur; defectus vero hujus incommoda facile animadversum iri, si animalia viscere hoc privata violentis motibus & exercitiis impenderentur. Conjecturaë occasionem maxime dedit qualitas succi, quem nunquam non in lienis parenchymate offendere est, mucilagini scilicet articulorum admodum affinis. Cæterum pro magis stabilienda hac hypothesi Autor non modo rationem reddit, cur liquor

201.

210.

212.

liquor hic nec receptaculum commune, nec proprios ductus pro  
 pag. 214. dispensatione nactus sit; sed & ingeniose per experimentum quoddam  
 adumbrat, quomodo ejus generatio in liene fiat; quæ quidem rece-  
 sere nimis longum forte foret. Denique ex glandulis hisce mucila-  
 ginosis idem arcessit originem duorum morborum, Medicis plerum-  
 216. sqq. que nimis negotii facessentium, *rheumatismi* puta & *arthritidis*: quo-  
 rum utrumque quidem ex eodem fonte fluere arguit, materia nempe  
 heterogenea & morbifica, per glandulas has e massa sanguinea tum  
 temporis per solennem crisin separari solita: hoc tantum discrimine,  
 quod in rheumatismo exoneratio talis materiæ fiat inter partes muscu-  
 lares, in arthritide vero circa articulorum regionem. Pro cujus ma-  
 jori confirmatione & dilucidatione Autor varia communicat experi-  
 menta in mucilagine hac per affusionem diversorum liquorum facta, &  
 ex iis secutos effectus: indeque porro argute differit de natura & sym-  
 ptomatis obstinatorum horum morborum, conjecturas simul expe-  
 rimentorum phaenomenis fultas suppeditans, quomodo huic hypo-  
 thesi convenienter eorum cura caute instituenda sit pro diversitate hu-  
 moris peccantis, nunc acris, nunc salis, nunc acidi: quæ quidem o-  
 mnia lectu uti dignissima, ita jucundissima quilibet nobiscum fate-  
 bitur talium curiosus,

Restat ut de *quinto* & ultimo *Discursu* paucis dicamus, quide  
*cartilaginibus* agit, ossium naturæ nempe adeo cognatis, ut earum  
 plurimas tractu temporis in ossa converti constet: a quibus proinde Au-  
 tor eas vix aliter differre statuit, nisi quod in his particula rigida extre-  
 271. mitatibus suis non omnino contigua sint, sed paulisper distantes. E qua  
 ipsa conformatione porro ingeniose deducit earum tam flexibilitatem,  
 quam potentiam elasticam restituendi semet in priorem situm post in-  
 flexionem, similemque structuram & in aliis corporibus parili qualita-  
 te præditi obtinere credit. Plura hinc de cartilaginum usu, vasis san-  
 285. guiferis, temperamento aliisque proprietatibus differit: inter alia ve-  
 ro insignem indicat usum, quem cartilagine, quæ costas veras cum  
 sterno connectunt, in respirationis munere præbeant, utut hæcenus  
 a nemine satis annotatum. Scilicet in *inspiratione* putat earum ope cavi-  
 tatem thoracis notabiliter ampliari, dum angulo, quo costis conne-  
 ctuntur, magis ad rectam lineam aut potius obtusiolem saltè positum re-  
 claceto, tam sternum antrorsum, quam costæ retro, versus vertebra pro-  
 trudi

trudi nonnihil videantur: unde majorem sequi pectoris ampliatio-  
nem necessum sit, quam per solam costarum elevationem a plano  
mediastini, quo alias acutiori angulo inclinant, in angulum minus acu-  
tum. Hunc vero potissimum cartilaginum harum scopum esse Noster  
vel inde patefcere arguit, quod angulus ipse, quo appendices hæ cum co- pag. 290.  
stis uniuntur, semper maneat cartilagineus, utut reliqua pars cum tem-  
pore osseam induat rigiditatē, ne scilicet mobilis illa flexilitas respiratio-  
nē juvans cessaret cum tempore, cum alioqui nil prohiberet, quo minus  
integer costarum arcus ex osse solido constare æque commode pos-  
set. Sed porro non minorem harum cartilaginum inter *expirandum* 293.  
etiā utilitatem esse agnoscit, dum elastica sua post factam extensio-  
nē (quæ nempe in elastico corpore incurvo idem facit, quod in recto in-  
flexio) semet restituendi potentia ad priorem angulum revertentes,  
thoracis compressionē notabiliter augeant: unde & potissimum  
pendere existimat, quod in omni cadavere, sive inter inspirandum sive  
expirandum quis defunctus sit, thorax contractus spectetur, appendi-  
cibus nempe costarum cartilagineis nativum suum positum & angu-  
lum sponte & absque ulla musculorum actione recuperantibus ster-  
numque adeo deprimentibus, quod nempe a solo pulmonum flacce-  
scentium collapsu vix in eum situm disponi posset. Atque hæc fere  
sunt potiora Novæ hujus Osteologiæ contenta: in quibus recensendis  
si forte quis observationum novitate & elegantia illectos nos modum  
excessisse causetur, librum ipsum, quæsumus, pervolvat, fatebiturque  
nos parca potius, quam prodiga manu ejus opes dispensasse: quartus  
certe Discursus, ubi de indole & cura Rheumatismi & Arthritidis tra-  
ctatur, ob plurima, quæ continet, utilia & singularia, pleniorē jure  
merito, nisi materiæ copia obrutis fuisset properandum, relationem  
æfflagitasse videbitur.

*SACRUM MUSEUM MANTUANÆ CON-  
gregationis Carmelitarum de observantia: au-  
thore Clemente Maria Felina.*

Bononiæ, ex typogr. Pisariana, 1691, in 4. Alph. 1. plag. 6.

**E**X perantiquo Carmelitarum in Ecclesia Romana Ordine, nova velut propago nata seculo XV post Christum natum fuit, *Mantuanæ Congregationis* nomine insignita, a Præsidentibus primum generalibus, inde postquam ab Eugenio IV Summo Pontifice ab obedientia Provincialium ordinis exempta esset, a Vicariis generalibus gubernata. Illius Congregationis Vicarius generalis iterato fuit præsentis libri Author, idemque S. Theologiæ Magister ac Doctor, qui exercendi ut videtur, in arte poetica ingenii causa, præcipuorum Congregationis illius Mantuanæ membrorum laudes distichis olim decantavit non ineptis, quæque digna iudicavit Vir Clarissimus *Gaudentius Robertus*, ut studio suo luci publicæ exponerentur. Sed majus cum tempore volumen ejusdem Roberti cura prodibit, totius Carmelitarum Ordinis Acta & Opera complexurum, quod nobis quoque plura de illo Ordine dicendi occasionem non poterit non præbere.

Errata.

Mens. Jun. pag. 289. lin. 18. pro *quanquam hic lege quanquam* & *hic*. Mens. Nov. p. 540. lin. ult. pro *nephriticis lege arthriticis*.

## INDEX.

### I. Libri ad Theologiam & Historiam Ecclesiasticam spectantes.

<b>R.</b> <i>Abrah. Abenezræ epistola Sabbati.</i>	249
<i>Henrici Ainsworthi annot. in Pentateuchum, Psalmos &amp; Canticum Canticorum.</i>	340
<i>Petri Allixii historia antiquarum Pedemontii ecclesiarum.</i>	254
<i>Anonymi compendium doctrinae de tolerantia civili.</i>	460
<i>Sepher Orchôth Zaddikim.</i>	251
<i>Sepher Schülchan Aruch, ex R. Isaaci Loria scriptis excerptus.</i>	249
<i>Relatio de condemnatione Caroli Peissonelli.</i>	568
<i>Antonii Arnaldi denuntiatio IVta peccati philosophici.</i>	104
<i>denuntiatio Vta pecc. philos.</i>	183
<i>historia Johannis de Palafox.</i>	529
	<i>historia</i>



# AUCTORUM ET RERUM.

<i>historia persecutionum Bernardini de Cardenas &amp; Philippi Pardi.</i>	529
<i>querela de impostoribus, qui ultra annum falsas literas ejus nomine ad Theologos Duacenses scripserunt.</i>	533
<i>Chronologie Samaritana synopsis, ab Eduardo Bernardo ex MSC. excerpta.</i>	167
<i>Samuelis Bocharti Hierozoici compendium.</i>	56
<i>Jac. Benigni Bossueti defensio historie sue de variationibus contra Basnagium.</i>	571
<i>Edvardi Brovvn appendix ad Ortuinum Gratium.</i>	134
<i>Th. Burnetii responsio ad objectiones Erasmi Warren.</i>	329
<i>Th. Comberi historia de usuliturgiarum in ecclesia Christiana.</i>	123
<i>Fasciculus dissertationum, collectus a Th. Crenio.</i>	335
<i>Edwardi Gee introductio in Rob. Personii libellum.</i>	2
<i>Th. Godvini Moses &amp; Aaron.</i>	109
<i>Ortuini Gratii fasciculus rerum expetendarum.</i>	134
<i>Misna pars. Vertii Gul. Guisii.</i>	251
<i>Nic. Gürtleri historia Templariorum.</i>	376
<i>Hermannii ab Hardt preloquium in Autographa Lutheri.</i>	422
<i>Joannis Hoornbeckii Socinianismi consutati compendium.</i>	56
<i>Fl. Josephi opera, cum prelegomenis Th. Ittigii.</i>	244
<i>Petri Jurii representatio Socinianismi.</i>	449
<i>Michaelis Lequien defensio textus Hebraei &amp; Versionis Vulgate.</i>	162
<i>Melch. Leydekkerus de fœdere &amp; testamento Dei.</i>	523
<i>Ex R. Isaaci Loriz scriptis excerptus liber Scülchan Aruch.</i>	249
<i>Joh. Henr. Maji dissertationes sacre.</i>	173
<i>Claudii Francisci Menestrierii refutatio prophetiarum falso adscriptarum S. Malachie super electionibus Pontificum.</i>	144
<i>Misna pars, cum notis Gul. Guisii.</i>	251
<i>R. Nathanis Spirensis liber Megalleh Amukoth.</i>	250
<i>Lud. Nogueira expositio Bullæ cruciatae Lusitania concessa.</i>	547
<i>Laur. Odhelii Synagoga bifrons.</i>	523
<i>Joannis Overalli liber Convocationis anni 1606.</i>	5
<i>Jacobi Perizonii cum Ulrico Hubero disquisitio de Pratorio.</i>	239
<i>Roberti Personii libellus memorialis de reformatione Angliæ.</i>	2
<i>Francisci Porteri compendium annalium eccles. Hiberniæ.</i>	142

# INDEX

<i>Odorici Raynaldi annales ecclesiastici.</i>	<u>189</u>
<i>Abbatis de la Roque memoria ecclesiastica.</i>	<u>153</u>
<i>Tomus II. Autographorum Lutheri in bibliotheca RUDOLPHI AUGUSTI Ducis Brunsv. &amp; Luneb.</i>	<u>422</u>
<i>Sebastianus Schmid in Koheleth.</i>	<u>378</u>
<i>in epist. Pauli ad Colossenses, aliasque.</i>	<u>90</u>
<i>Iusti Christophori Schomeri specimen Theologiae moralis.</i>	<u>353</u>
<i>Viti Ludovici a Seckendorf historia Lutheranismi.</i>	<u>345</u>
<i>Jo. Segers apologia pro PP. Jesuitis de haeresi postulatis in materia de peccato philosophico.</i>	<u>560</u>
<i>Pauli Segneri Incredulus inexcusabilis.</i>	<u>380</u>
<i>Wilhelmi Sherlock vindiciae dogmatum de SS. Trinitate &amp; Filii Dei incarnatione.</i>	<u>213</u>
<i>Thomae Smith Miscellanea.</i>	<u>81</u>
<i>Frid. Spanhemius de Papa femina.</i>	<u>390</u>
<i>Joh. Baptista Thiers historia comarum adfinitiarum.</i>	<u>397</u>
<i>Antonii Varillas historia de revolutionibus Europae ob Religionem T. V. &amp; VI.</i>	<u>25</u>
<i>Jacobi Usserii historia controversa de Scripturis &amp; Sacris vernaculis.</i>	<u>290</u>
<i>Erasmi Warren Geologia.</i>	<u>97</u>
<i>Job. Rod. Wetstenii historia Susanna.</i>	<u>228</u>
<i>Henr. Whartoni nota in Jac. Usserium.</i>	<u>290</u>
<i>Christoph. Wittichii investigatio epistola ad Hebraeos.</i>	<u>555</u>

## II. Juridici.

<i>Gerhardi Feltmanni diss. de accessionibus memorabilibus immani aquarum vi vel terrae motu factis.</i>	<u>359</u>
<i>de titulis honorum, libri duo.</i>	<u>464</u>
<i>Gerhardi Noodt Probabilium Juris libri IV. de Jurisdictione &amp; Imperio libri II. &amp; ad L. Aquil. liber I.</i>	<u>268</u>
<i>Georgii Adami Struvii comment. ad lib. V. Decretalium</i>	<u>327</u>
<i>Barthol. Leonh. Suendendorferi Processus Fibigianus.</i>	<u>49</u>

## III. Physici & Medici.

<i>Joannis Bernoulli diss. de effervescencia &amp; fermentatione.</i>	<u>64</u>
<i>Roberti Boyle Medicina hydrostatica.</i>	<u>485</u>
<i>Methodo-</i>	

# AUCTORUM ET RERUM.

*Methodus hydrostatica pratentandi minuarum aestimatio-*  
*nem.*


<i>Joannes Ciampinus de incombustibili lino.</i>	501
<i>Cloptoni Havers osteologia nova.</i>	401
<i>Pauli Hermannii Flora Lugduno-Batava flores.</i>	573
<i>Abortus bicorporeus monoceps, descriptus a Francisco de Honuphris.</i>	217
	388
<i>Job. Lockii tentamen circa cognitionem humanam.</i>	501
<i>Praxeos Mayernianæ in morbis internis syntagma.</i>	57
<i>Jo. Nic. Pechlini observat. physico-medica.</i>	230
<i>Leon. Plukenetii phytographia.</i>	493
<i>Bernardini Ramazzini dissertatio de constitutione anni 1690, ac de rurali epidemia Mutinensis agri.</i>	185
<i>Car. Raygeri scholia in Paulum Spindlerum.</i>	43
<i>Friderici Ruyfchii observationum centuria.</i>	66
<i>L. S. collegium medicum practicum.</i>	122
<i>Gerardi Sermes brevis explanatio sani &amp; morbi hominis status.</i>	121
<i>Pauli Spindleri observationum medicinalium centuria.</i>	43
<i>Dan. Sauvry anatomia rationalis.</i>	471
<i>Varignonii nova conjectura circa gravitatem.</i>	209

## IV. Mathematici.

<i>Jacobi Bernoulli specimen calculi differentialis in dimensione parabole helicoidis.</i>	13
<i>Specimen alterum calculi differentialis in dimetienda spirali logarithmica, loxodromiis nautarum &amp; angulis triangularum sphericorum, cum additamento ad problema funicularium.</i>	282
<i>demonstratio centri oscillationis, ex natura rectis.</i>	317
<i>Joannis Bernoulli solutio problematis funicularii.</i>	274
<i>Bonaventurae Cavalerii sphaera astronomica.</i>	555
<i>Hier. Coetsii Euclidis elementa.</i>	267
<i>Henr. Coggeshalli ars praxin geometricam facile exercendi, &amp;c.</i>	479
<i>Nic. Coppola animadv. super resolutione geometrica duarum mediarum continue proportionalium.</i>	183
<i>O. V. E. vide G. G. L.</i>	
<i>Jo. Casp. Eifenschmid, de figura telluris elliptico-spheroide.</i>	315
F fff 3	R. Elie-

# INDEX AUCTORUM ET RERUM.


<i>Christoph. Cellarii supplementa in Basilium Fabrum.</i>	495
<i>Job. Claubergii opera philosophica.</i>	374
<i>Alexii Comneni λογαριασμοί.</i>	375
<i>Francisci Deseine bibliotheca Slusiana.</i>	23
<i>Job. Henr. Eggelingius de orbe stagnco Antinoi.</i>	447
<i>Job. Henr. Ernesti diss. de Pharisaismis in libris profanorum scripto- rum occurrentibus.</i>	92
<i>Basilii Fabri thesaurus eruditionis scholastica.</i>	496
<i>Gul. Fleetwood Inscriptionum sylloge.</i>	342
<i>Leonardus Gaulttruchius de DIs &amp; religione ethnicorum.</i>	83
<i>Job. Frid. Gronovius de sefertis.</i>	375
<i>Pascasii Grosippi tabula nummaria.</i>	375
<i>Christiani Grubelii disquis. de lingua Germanorum.</i>	52
<i>Caroli Caesaris Malvalix marmora Felsinea.</i>	1
<i>Henr. Meibomii augmentum in V. H. Voglerum.</i>	302
<i>Ægidii Menagii diss. de Heautontimorumenio Terentiana</i>	86
<i>Carola Catharina Patinæ litera de monumento Ulpie Marcellina.</i>	337
<i>tabelle selectæ.</i>	549
<i>Andree Petermanni philosophiæ Cartesianæ adversus censuram P. D. Huctii vindicatio.</i>	431
<i>Wilhelmi Petty arithmetica politica.</i>	407
<i>Adami Rechenbergii de studiis academicis liber</i>	89
<i>J. Rondelli diss. de Chanice Pythagore.</i>	75
<i>Claudii Salmasii epistola ad J. Fr. Gronovium.</i>	375
<i>Jo. Schotani exetasis censura, qua P. D. Huctius philosophiam Carte- sianam inique vexavit.</i>	431
<i>Jo. Eberhardi Schvvelingii exercit. in P. D. Huctii censuram Philoso- phiæ Cartesianæ.</i>	431
<i>Gaspar Scioppius. Vide, Pascasius Grosippus.</i>	
<i>M. Ant. Severini philosophia ludi seachorum, &amp; de πητική antiqua.</i>	405
<i>Ezech. Spanhemii epistole due ad Laur. Begerum.</i>	505
<i>Val. Henr. Vogleri introductio in notitiam bonorum scriptorum.</i>	302
<i>L. Volusius Macianus de asse.</i>	375
<i>Georg. Henr. Ursini grammatica Græca.</i>	265
<i>Christiani Weisii meditationes curiose super poesin Germanicam.</i>	563







Osterreichische Nationalbibliothek



5746730928







